


Νyεmε Jοrε Kadasi



The New Testament in Anufo (Chokosi)

Nyeme Jore Kadasi
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source files dated 29 Jan 2022
fe36d0e6-2a60-5e15-8d1c-8bf275389598

Contents

MATIO	1
MARAKO	50
LUKA	79
YOHANE	130
SAYOOWAM	164
ROMAFOM	212
1 KORINTOFOM	234
2 KORINTOFOM	255
GALATIYAFOM	269
EFESOFOM	277
FILIPYAFOM	284
KOLOSİYAFOM	289
1 TESALONIKAFOM	294
2 TESALONIKAFOM	298
1 TIMOTI	301
2 TIMOTI	307
TITOSI	311
FILEMON	314
HIBURUFOM	316
YAKOBO	334
1 PETORO	340
2 PETORO	346
1 YOHANE	350
2 YOHANE	356
3 YOHANE	357
JUDA	358
SAYIKEREWA	360

Labari kpa n bo MATIO akerε i ni

Kabo ba kerε Yesu nam duma barasu ni

¹ Ahin duma kerεwam kerε ti Yesu Kristo nam busu wɔ, fiteeri Abraham kɔ tu Feme Davidi fa ba juuri sanɔa bo bu wuuri yiri Yesu ni. I nam n busu yaa ni, ² Abraham wuuri Izaki, na Izaki awu Jakɔbu, na Jakɔbu awu Yuda ni i niemam, ³ na Yuda awu Farese ni Zara bo bu ni yo la Tama ni, na Farese awu Hesarom, na Hesarom awu Aram, ⁴ na Aram awu Aminadabu, na Aminadabu awu Naasoni, na Naasoni awu Salemɔ, ⁵ na Salemɔ awu Boosi bo i ni yo la Rahabu ni, na Boosi gusu awu Yobedi bo i ni yo la Ruti ni, na Yobedi gusu anya awu Yese ⁶ bo i gusu wuuri Feme Davidi ni.

Tɔ, na Feme Davidi awu Feme Solomon bo i ni yo la Yuriya yi ni, ⁷ na Feme Solomon gusu awu Feme Robowam, na Feme Robowam awu Feme Abiya, na Feme Abiya awu Feme Asafu, ⁸ na Feme Asafu awu Feme Yosafati, na Feme Yosafati awu Feme Yoram, na Feme Yoram awu Feme Yoziya, ⁹ na Feme Yoziya awu Feme Yowatam, na Feme Yowatam awu Feme Ahazi, na Feme Ahazi awu Feme Hezekiya, ¹⁰ na Feme Hezekiya awu Feme Manase, na Feme Manase awu Feme Amoni, na Feme Amoni awu Feme Yosiya, ¹¹ na Feme Yosiya awu Feme Yekoniya ni i niemam. Nyini sanɔa n ye bu miεeri Yisarelifɔm fiteeri bu asien su kɔɔri Babilɔniya asien su n a.

¹² Bu faari bu kɔɔri Babilɔniya n dεε n sin ni, na Feme Yekoniya awu Salatiyeli, na Salatiyeli awu Zorobabeli, ¹³ na Zorobabeli awu Abiyidu, na Abiyidu awu Eliyakimu, na Eliyakimu awu Azore, ¹⁴ na Azore awu Sadoki, na Sadoki awu Akim, na Akim awu Eliyudu, ¹⁵ na Eliyudu awu Eleyaza, na Eleyaza awu Matan, na Matan awu Jakɔbu nyinga bekun, ¹⁶ na nyini Jakɔbu n awu Yosefu, Mariya hun. Mariya wuuri Yesu bo bu fere i ka Kristo n a, Tiidefɔ n bo Nyeme ase ka i sɔnma i ni.

¹⁷ Tɔ, nyini kere ka fiteeri Abraham fa ba juuri Feme Davidi, bu tiiri nanam buru ni nna wɔ, na fiteeri Feme Davidi fa ba juuri sanɔa bo bu miεeri Yisarelifɔm kɔɔri Babilɔniya asien n su ni, bu tiiri nanam buru ni nna wɔ, na fiteeri nyini sanɔa n fa ba juuri sanɔa bo bu wuuri Kristo Tiidefɔ ni, bu gusu tiiri nanam buru ni nna wɔ.

Kabo bu wuuri Yesu Kristo ni

¹⁸ Kabo bu wuuri Yesu Kristo n yaa. Bu yo faari i ni Mariya ceeri Yosefu wɔ, ama, kana bu ba ja i kɔ i hun n dika ni, na ba fa nu ka i bita nyinse bo i fite Nyeme Awiewie Casi n dεε yiko nu wɔ. ¹⁹ I hun Yosefu yo ti sɔnɔ bo i yo sa bo i kɔ atin su Nyeme dɔ ɔ, nyini ti, wɔ koro má ka i wura i yi n nyinse jama nu, na wɔ fa sunsunni ka i yaki i asiri nu. ²⁰ Sanɔa bo i wo birisi su n sɔ ni, na Micera n dεε mereke aba i dɔ alele nu, aba ase i ka, “Feme Davidi anuma Yosefu, má a soro sere ka a ja Mariya, na a fa i kɔ u dika, dama Nyeme Awiewie Casi ni maari i nyinse n a. ²¹ I wú baabiesɔ na a fere i ka Yesu, i bu la ka Tiidefɔ, dama yiri bá yi i minem fite bu satiem nu a.” ²² Tɔ, nyini n kerε yoori sɔ, adena i ma Nyeme nɔanie kanfɔ n nɔanie n bá yo yiiwa, kabo wɔ jɔjɔ ka,

²³ “Sunɔa bo wɔ nya si má biesɔ bá nyinse,
na i wú baabiesɔ,
na bu fére i ka *Emanuweli*,”

i bu la ka, Nyeme wo ya do. ²⁴ Saŋga bo Yosefu tengeeri ni, na wo yo kabo Micera n dɛɛ merɛke n seeri i ni, na wo fa Mariya aba i dika. ²⁵ Ama, i ni yiri asaŋga má bara ni biesɔ, haari Mariya ba wuuri baabiesɔ, na Yosefu atun i duma ka Yesu.

2

Kabo asarambaa kɔresiyifɔm baari Yesu busu niɛ ni

¹ Saŋga bo bu wuuri Yesu miɛ n bo bu fere i ka Betilehem na i wo Yudiya awɔre n nu ni, nyini saŋga ni Herode ti nyini awɔre n nu femɛ a. Na asarambaa kɔresiyifɔm nbem afite wie afiiri, aba Yerusalem aba abisa ka, ² “Baa n bo ba wu i na i bá yo Yudafɔm femɛ n wo ni wo? Ya ŋu i asarambaa wie afiiri do, ye ya ŋa ya bá na ya bá kutu i a.” ³ Femɛ Herode tiiri so ni, na jɔre n amie i ni Yerusalemfɔm kere. ⁴ Na wo fere Nyeme sayoowa doŋguyofɔm nkpienkpienm, ni Nyeme noanie kerefɔm kere atien bu noo, na wo bisa bu ka, “Ye bu wú Kristo Tiidefo n ni wo?” ⁵ Na ba bo i nu ka, “Betilehem bo i wo Yudiya asien n su ni, dama kabo Nyeme noanie kanfo n kerɛeri i lee. Micera n ŋa o,

⁶ ‘Woro Betilehem bo a wo Yuda asien n su ni,
a ti má miɛ kaan.

Woro ti Yuda asien n su miɛm anyunuyifɔm kun a,
dama ka femɛ n bo m yí i na i bá yo m mine Yisarelifɔm tiifo ni,
i fiite u do o.’ ”

⁷ Na Femɛ Herode afere asarambaa kɔresiyifɔm n asiri nu na i si saŋga bo asarambaa n tieeri ni. ⁸ Na wo kere bu ka, “Am ko Betilehem, na am ko niɛniɛ nyunyumi, na nzen am ŋuuri baa ni, am kpie am nyi ba se m na m gusu kó kutu i.” ⁹ Femɛ n jɔjɔri bu do wieeri so n na ba de atin, bu wo ko su so ni, na ba ŋu asarambaa n bo bu ŋuuri i wie afiiri ni, ka i du bu mo haari na wo ko ajina awuru n bo baa n wo nu n tii su. ¹⁰ Bu ŋuuri asarambaa n so ni, na bu ahore ajo agaya. ¹¹ Na ba ko awura awuru n nu, na ba ŋu baa n ni i ni Mariya na ba kutu i, na ba yo i anse. Na ba nya ateke bu kurukum, na ba yi aceerim ace i. Aceerim n la sika, ni tulaalee nvanvanifo be, i ti samene wo, ni baka nyunvuin nvanvanifo. ¹² Nyini sin na ba fa atin be akpie bu nyi ako bu bosu, dama Nyeme ase bu alele nu ka má bu ko Femɛ Herode do kun.

Kabo Yosefu faari Yesu ni i ni ŋmati kɔori Ijipiti ni

¹³ Asarambaa kɔresiyifɔm n ko wieeri ni, na Micera n dɛɛ merɛke aba Yosefu do alele nu, aba ase i ka, “Yasu fa baa n ni i ni na am ŋmati ko Ijipiti asien su, má nyini Femɛ Herode wo baa niɛniɛ su na i kun i. Am ko wo do haari cɛen bo m bá kaaki ba ma am noo ka am yasu do.” ¹⁴ Na Yosefu ayasu afa baa n ni i ni anmati kɔngue n kere, na ba ko Ijipiti asien n su, ¹⁵ na ba wo do haari Femɛ Herode aba awu. Ahin yoori so ni, i ma kabo Micera n ma i noanie kanfɔm n yo jɔjɔri n yo yiiwa a. I ŋa, “Ma fere m wa n afite Ijipiti asien n su.”

Kabo Femɛ Herode ma bu kuunri nbaabiesɔ kan kanm ni

¹⁶ Saŋga bo Femɛ Herode ba faari nu ka asarambaa kɔresiyifɔm n adadaka i ni, na wo fa yaa agaya, na wo ma i sojam noo ka bu ko Betilehem miɛ n nu, ni i aheme aheme n kere su na bu ko kun nbaabiesɔ kan kanm kere bo ba wu bu kisa, ko ju afo nnyo, dama i sunsun ka saŋga n bo asarambaa kɔresiyifɔm n ŋa asarambaa n tieeri ni, wo ju ka afo nnyo. ¹⁷ Nyini kere ka, kabo Nyeme noanie kanfo Jeremiya yo jɔjɔri n ayo yiiwa. I ŋa,

18 “Ya ti awie bo nga Rama mie kpiri nu,
sun ni ahoresaaki wo do,
bara Rakeli susun i nbaam busu.
Wo kete ka má be kpata i, dama i nbaam wo má bere kun.”

Kabo Yosefu faari Yesu ni i ni fiteeri Ijipiti baari Nazareti ni

19 Saŋga bo Feme Herode ba wuuri ni, na Micera n dee merere aba Yosefu do alele nu Ijipiti asien n su, aba ase i ka, 20 “Yasu fa baa n ni i ni, na am kpie am nyi ko Yisareli asien su, dama minem bo bu kpiiri ka bu kun baa ni, ba wu.” 21 Na Yosefu ayasu afa baa n ni i ni, na ba kpie bu nyi ako Yisareli asien n su. 22 Ama, saŋga bo i tiiri ka Akilawu adi i si Feme Herode femeya n Yudiya awore n nu ni, na sere ati i ni kabo i ko wo do. Na Nyeme merere aba i do alele nu, aba akere i kabo i yo, na wo yasu ako Galili awore n nu ako awo mie be bo bu fere i ka Nazareti n su. 23 Nyini n kere ka, kabo Nyeme ma i noanie kanfom n jooori n yo yiiwa a, fa ko Kristo Tiidefo n do. I na, “Bu fere i ka Nazareti fo o.”

3

Kabo Yohane Nyeme Nzue Biefo n kaanri Nyeme jore ni

1 Nyini saŋga n na Yohane Nyeme Nzue Biefo n ako Yudiya boro kpantain n nu, ko sukan Nyeme jore, i na, 2 “Am kaaki am wo, dama saŋga n adodo bo Nyeme Feme ba nie i minem su.” 3 Yiri Yohane n ye Nyeme noanie kanfo Esaya yo jooori i jore n a. I na, “Sono be subo ndoori boro kpantain n nu se ka,
‘Am sese Mibie n atin n su,
na am yo i atin n dongu.’ ”

4 Yohane wuraari sutura bo bu faari nyoma ndore wuuri i a. Na wo fa jina abo i wi nu. I diire yo la lalom ni wie wo. 5 Na mine afite Yerusalem mie kpiri n nu, ni Yudiya dee awore miem kere su, ni Yodan dee bue n kere aba i do, 6 na ba kan bu ngasi ni bu satie kere akere Nyeme, na Yohane abie bu Nyeme nzue Yodan kunma n nu.

7 Ama, saŋga bo i ba nuuri ka Farasifom ni Sadusifom dongu suba i do ka i bie bu Nyeme nzue ni, na wo se bu ka, “Amberere burukoonufom bo am ti ka woom ni, nma seeri am ka am nmati fite nyini suicin kekereke n bo Nyeme sufa ba am do n nu a? 8 Am yo sakpa bo i kere ka am akaaki am wo. 9 Na ma am sunsun ka Abraham ti am na n dee ti, na am koro fite nyini suicin n nu. M suse am wo lee, ka, Nyeme koro ma ahin yabuem ni kaaki nbaam ma Abraham. 10 Nyeme asi i samba n nana ase baka kere bu na i kpie i ji sin nu, yiri bo i suuwa ti ma kpa ni. 11 Mini sufa nzue bie am a, na am yo casi, bo i kere ka am akaaki am wo, ama, yiri bo i wo m sin suba n tara m fieo, m ti kaan ni bo m dodo i. Yiri fa Awiewie Casi n ni sin yo am casi a, kabo sono bie nzue na i yo casi ni. 12 I bita i ngani kpaja fieba bo i ba bobo ngani n gbangba n su, na i kpaja yi ngani mbaa n fa go i bondo nu, na i nya yara kunkun n sin n bo i je na i no ma n nu.”

Kabo Yohane bieeri Yesu Nyeme nzue ni

13 Nyini saŋga n na Yesu afite Galili awore n nu, aba Yohane do Yodan kunma n nu ka Yohane bie i Nyeme nzue. 14 Ama, na Yohane akete ka i bie ma Yesu Nyeme nzue ni. I na, “Ma i ti ye ni ka woro bie m Nyeme nzue a, ye nzu ti ye a na mini bie u a?” 15 Ama, na Yesu abo i nu ka, “Ma ya yo so adena ya yo deke kere bo Nyeme koro ni.” I seeri so n na Yohane asoro su. 16 Saŋga bo Yohane bieeri Yesu Nyeme nzue n wieeri n na i fiteeri nzue n

nu ni, kpennga na angoro ateke, na wɔ ɲu ka Nyeme Awiewie n ajura ka tiwa dɛɛ su aba atana i ɲu. ¹⁷ Dɔ na wɔ ti akonvi be ɲga angoro, i ɲa, “Ahin ti m wa a, m koro i agaya, m ahore ajo i ɲu.”

4

Kabo Sitana yoori Yesu na i nie ni

¹ Nyini sin na Nyeme Awiewie Casi n afa Yesu ako boro kpantain n nu ka Sitana ko yo i na i nie, ka i yo yiri Sitana n dɛɛ koroowa nzen i yo ma.

² Dɔ na Yesu acici i noo haari cɛɛn aburana, kongue ni wiesu bo i di ma pui, na ahoɛ aba ati i. ³ Na Sitana bo bu kaaki fere i ka Ngeesofɔ n aba ase i ka, “Nzen a ti Nyeme Wa, se ahin yabuem n na bu kaaki diire.” ⁴ Ama, na Yesu abo i nu ka, “Ba kere i Nyeme Jore Kadasi n nu ka,

‘Ma diire ngumi ma sono ngoo a,

ama, i de noanie kere bo i fite Nyeme do n gusu.’ ”

⁵ Na Sitana n akaaki afa Yesu ako Yerusalem mie kpiri n nu, na wɔ ko afa i ajina Nyeme Sereebiri Awuru n tii su lenlenge, na wɔ se i ka, ⁶ “Nzen a ti Nyeme Wa, ti to asienngu na m nie. Dama ba kere i Nyeme Jore Kadasi n nu ka,

‘Nyeme ma i merékem noo na bu nie u dika.’

Ba kaaki akere i ka,

‘Bu fa bu saa so u nu,

na ma u jaa bo yabue be.’ ”

⁷ Na Yesu ase i ka, “Ba kaaki akere i Nyeme Jore Kadasi n nu bekun ka, ‘Ma a yo Micera Nyeme n na a nie kabo i yiko ti barasu.’ ”

⁸ Nyini sin na Sitana n afa i ako buka be tii su lenlenge, na wɔ kere i durunya n nu asien kere, ni kabo bu ti na bu yo nyumi barasu. ⁹ Na wɔ se i ka, “Nzen a kutu suuri m, m fa nyinim n kere ma u.” ¹⁰ Na Yesu ase i ka, “Woro Sitana, fa cinsi m bi bere. Dama ba kere i Nyeme Jore Kadasi n nu ka,

‘Kutu Micera u Nyeme ni,

na a su yiri ngumi.’ ”

¹¹ Na Sitana n ako ayaki i, na Nyeme merékem aba i do na ba ba asu i.

Kabo Yesu boori i juma bu Galili awore n nu ni

¹² Na sanga bo Yesu ba tiiri ka ba tara Yohane anyi i dansaraka ni, na wɔ fite bere ako Galili awore n nu. ¹³ I yasuuri Nazareti mie n nu ni, na wɔ ko awo Kapenam mie kpiri n bo i wo dodo Galili kunma kpiri ni, na i wo Zabulonfom ni Nafatalifom dɛɛ awore n nu ni. ¹⁴ I ko tanaari do ni, adena kabo Nyeme noanie kanfo Esaya yo jooori n yo yiiwa. I ɲa,

¹⁵ “Zabulon ni Nafatalifom, am so am sui,

ambere bo am wo dodo kunma kpiri n bo i wo Yodan kunma n wie afiri dɛɛ bue ni,

ambere bo am wo Galili awore n ni, deke bo bu ti ma Yudafom wo ni, am so am sui.

¹⁶ Minem bo bu wo awosin nu ni,

ba ɲu wein bambaka ni.

Na bo bu wo awosin ni yiwee nu ni,

bere ye sin ni je ta wein ma bu a.”

¹⁷ Fite nyini sanga n na Yesu abo i bu sukan Nyeme jore, i ɲa, “Am kaaki am wo, dama sanga n aju bo Nyeme Feme ba nie i minem su.”

Kabo Yesu fereeri jombaa tarafɔ nbem ka bu su i su ni

¹⁸ Na san̄ga bo Yesu sunati Galili kunma kpiri n n̄ōo su ni, na w̄ō ŋu mine nnȳō nbem, bu ti s̄ōn̄ō kun nbaam w̄ō. Bere la Simon bo bu fere i ka Petoro ni, ni i niema Andere. Bu wo bu diendie sandi su kunma kpiri n nu, dama bu ti jombaa taraf̄om w̄ō. ¹⁹ Na Yesu ase bu ka, “Am bra na am ba su m su na m má am tien minem n̄ōo ma m, kabo am tara jombaam ni.” ²⁰ I seeri s̄ō ni, na ba kaba ayaki bu diendiem ni, na ba su i su.

²¹ I nati k̄ōori i nyunu kaan, na w̄ō ŋu mine nnȳō nbem bekun, bu ni bu si, bu fere i ka Zeb̄edi, bere la Yakobo ni i niema Yohane. Bu ni bu si n wo lee nu suyo bu diendiem d̄ōnḡu, na Yesu afere bu. ²² D̄ō na ba kaba afite lee n nu ayaki bu si ni, na ba su i su.

Kabo Yesu kaanri Nyeme j̄ore na i ma tukpakif̄om nyaari laifie ni

²³ Na Yesu abara aye Galili aw̄ore n kere nu, na i sukere minem bu tientienbun̄ōo s̄ōom n nu, deke bo bu sere Nyeme na bu kere minem Nyeme j̄ore nu ni, na i sukan labari kpa n fa k̄ō Nyeme fem̄eya n su, na w̄ō ma minem bo bu la tukpaki barasu barasu n kere anya laifie. ²⁴ Na i duma ata abara aye Siriya aw̄ore n kere nu, na ba s̄ō minem bo bu la tukpaki barasu barasu kere, ni bo bu di yaari agaya bu ŋuniembaa nu, aba i d̄ō ka i ma bu nya laifie. Ajinim wo bu nbem ŋu, na nbem t̄ō ŋgbiti, na nbem gusu saam ni bu jaam awu, na w̄ō ma bu kere anya laifie. ²⁵ Na jama beberebe afite Galili aw̄ore n nu, ni Mie Burum d̄ee aw̄ore n nu, ni Yerusalem mie kpiri n nu, ni Yudiya d̄ee aw̄ore n nu, ni Yodan kunma n sin d̄ō, na bu kere aba asu i su.

5

Kabo minem yo na bu nya terefie Nyeme d̄ō ni

- ¹ Yesu ŋuuri jama n ni, na w̄ō fun ak̄ō atana buka be su. Na i susuf̄om n aba i d̄ō. ² Na w̄ō bo i bu ka i kere bu, i ŋa,
³ “Bere bo bu ti yaarif̄om bu ahore su ni,
 terefie wo bu d̄ō,
 dama Nyeme fem̄eya n ti bu d̄ee w̄ō.
⁴ Bere bo bu ahore asaaki ni,
 terefie wo bu d̄ō,
 dama Nyeme dá bu ahore a.
⁵ Bere bo bu yo bu ŋu kaan ma Nyeme ni,
 terefie wo bu d̄ō,
 dama Nyeme bá fa durunya n ma bere w̄ō.
⁶ Bere bo bu nyunu aboro ka bu yo sa bo i k̄ō atin su
 kabo s̄ōn̄ō la konviki fa k̄ō diire ni nzue busu ni,
 terefie wo bu d̄ō,
 dama Nyeme bá ma bu akunnuyi a.
⁷ Bere bo bu si ān̄unf̄ō ni,
 terefie wo bu d̄ō,
 dama Nyeme bá si bu ān̄unf̄ō a.
⁸ Bere bo bu ahorembaa ti casi ni,
 terefie wo bu d̄ō,
 dama bere bá ŋu Nyeme a.
⁹ Bere bo bu kpata aluwa ni,
 terefie wo bu d̄ō,
 dama Nyeme bá fere bu ka i nbaam a.
¹⁰ Bere bo bu yo sa bo i k̄ō atin su n d̄ee ti
 na minem kere bu wuwuruwa ni,

terefie wo bu dɔ,
dama Nyeme femeya n ti bere dee a.”

¹¹ Na Yesu akaaki ase ka, “Amberɛ bo minem bá kpie am nzuko, na bu kére am wuwuruwa, na bu bú kore barasu kére so am, na i kére fite ka am ti m deem dee ti, terefie wo am dɔ. ¹² Bu bá yo am so, am ma am ahore jo agaya, dama am nyá nkato bambaka Nyeme dɔ. I fite ka, kabo bu yo kereeri dawa dee Nyeme noanie kanfom n wuwuruwa n lee.”

Kabo Yesu na i susufom ti ka njin ni wein ni

¹³ Na Yesu ase ka, “Amberɛ, m susufom ni, am ti ka njin wo durunya n nu a. Ama, nzen njin fiefie nya ba saari wieeri, i koro yo má i fiefie kun. Nyini sangá ni, wo ka ngbeen lee, nka bu fá butu wo, na minem tientien sangá i ni fa. ¹⁴ Amberɛ ti wein bo i ta ma durunya n nufom a. Mie kere bo i wo kperɛ su, sɔno kere nju i wo. ¹⁵ Sɔno be nya so má fitana su na i fa ganga butu su, ama, i fa taka deke su angoro wo na i ta wein ma awuru n nufom kere. ¹⁶ Nyini ti, am ma am wein ta durunya n nu, na sɔno kere nju am sakpa yoowa, adena bu kansu am Si Nyeme bo i wo angoro ni.”

Kabo Yesu na ya su Nyeme noanie kpamaawa n su barasu ni

¹⁷ Na Yesu ase ka, “Fa ko Moyisi noanie kpamaawa n ni Nyeme noanie kanfom dee kereewa n su, má am sunsun ka ma ba ka m ba ce bu se wo. Ai, ma ba má ka m ba ce bu se wo, ama, ma ba ka m ma i kere bá yo yiiwa a. ¹⁸ Nahore ye m suse am n a, kabo angoro ni asienngu toko wo bere ni, bu yí má noanie n be haari kampiti so n mmoo fite má noanie kpamaawa n nu, haari na i deke n kere ba awieeri. ¹⁹ Nyini ti, sɔno kere bo i buuri Nyeme noanie maawa n kampiti so mmoo ngbeen, na i kereeri minem ka bere gusu yo so, bu fére i mi ka sɔno kaan Nyeme femeya n nu. Ama, sɔno kere bo i suuri Nyeme noanie kpamaawa n su na i kereeri minem ka bu gusu yo so, bu fére i mi ka sɔno bambaka Nyeme femeya n nu. ²⁰ Nyini ti, m suse am wo lee, ka, kana am bá wura Nyeme femeya n nu, má ka am yo sa bo i ko atin su Nyeme dɔ n tara Farasifom, ni Nyeme noanie kerefom dee ni.”

Kabo Yesu kere fa kɔri yaafa su ni

²¹ Na Yesu akaaki ase ka, “Am ati ka bu seeri ya nam ka, ‘Má a kun sɔno,’ na ‘Nzen woro kere bo a kuunri sɔno, bu dí u jore.’ ²² Ama, m suse am wo lee, ka, woro kere bo a faari yaa u benggu nju, wo yo daka ka bu di u jore. Sasu bekun, woro kere bo a seeri u benggu ka i ti sɔno ngbeen, wo yo daka ka bu fa u jina Yudafo joredifo nkpienkpienm n nyunu na bu di u jore. Na nzen woro kere bo a seeri u benggu ka i ti sinnzin, Nyeme fá u wura ceema sin n nu. ²³ Nyini ti, nzen a fa u aceeri aba ka a ba sere Nyeme, na a tenge su ka u ni u benggu be la ngasi, ²⁴ yaki u aceeri n yoowa yoobiri n ka, na a ko na am ko yo am afien dongu, na a nya ba fa u aceeri n ma Nyeme. ²⁵ Nzen u ni be la jore, na nzen i koro ka i fa u ko jore diibiri, jokoti tara i mi n jaa, na má jore n ju jore diibiri n ni, má nyini, i mi ni fá u ko wura joredifo n saa nu, na yiri gusu fá u ma dansaraka niefɔ ni, na yiri gusu nyá nyi u. ²⁶ Nahore ye m suse u n a, nzen a woori dɔ na a to má kaari n kere awie má, a nyá má atin fite má dansaraka n nu.”

Kabo Yesu kere fa kɔri ajaa ciire saaki su ni

²⁷ Na Yesu akaaki ase ka, “Am ati ka ba se ka, ‘Má a saaki ajaa ciire.’ ²⁸ Ama, mini, m suse am wo lee, ka, woro kere bo a nie bara, na u konvi wuraari i, i ti ka a saaki ajaa ciire u ahore su wo lee. ²⁹ Nzen u nyumbaa n kun cin u wuraari satie nu, lokoti yi i tu. I ti ye ni ka a fun u nuniembaa

n bue kun, ni bo a fa u n̄uniɛmbaa n kere wura cɛɛma sin nu. ³⁰ Nzen u saa fɔmbɔrɔ cin u wuraari satie nu, kaba kpie i tu. I ti ye ni ka a fun u n̄uniɛmbaa n bue kun, ni bo a fa u n̄uniɛmbaa n kere wura cɛɛma sin nu.”

Kabo Yesu kere fa kɔɔri bara ajaa yaki su ni

³¹ Na Yesu akaaki ase ka, “Sasu bekun, ba kaaki ase am ka, ‘Sɔnɔ kere bo i yaki i yi ajaa, i ti ye ni ka i mi ma bara n ajaa yaki kadasi bo i kere ka i hun ayaki i ajaa.’ ³² Ama, mini, m suse am wɔ lɛɛ, ka, sɔnɔ kere bo i faari i yi jiiri, na wɔ yo má ka bara n ako somaya ye i fa i jiiri a, na nzen bara n kɔ jaari biɛsɔ fɔfɔrɛ, i mi n ma bara n asaaki ajaa ciire lɛɛ. Na sɔnɔ bo i faari bara n jaari, yiri gusu asaaki ajaa ciire lɛɛ.”

Kabo Yesu kere fa kɔɔri ndie taanwa su ni

³³ Na Yesu akaaki ase ka, “Am akaaki ati ka ba se ya nam ka, ‘Má a tan ndie na a kaaki wɔrɔ u nɔɔ, ama, ma u sui wo ndie bo a tan i ama Micera n su, na a yo i.’ ³⁴ Ama, mini, m suse am wɔ lɛɛ, ka, má am tan ndie mmɔɔ fieo. Má am tan angoro, dama Nyeme femeya n woobiri lɛɛ. ³⁵ Má a tan asien̄gu gusu, dama i ti Nyeme jaa gbagbaa jinaabiri wɔ. Má a tan Yerusalem, dama i ti ya Micera Feme n dɛɛ mie kpiri wɔ. ³⁶ Má a kaaki se ka a tan u tiiawa, dama a koro yo má u tiɛm̄ie kun mmɔɔ fofoe, wara biri. ³⁷ Am ma am nɔanie kere yo tika. Nzen i ti ‘ɛɛn,’ am se ka, ‘ɛɛn.’ Nzen i ti ‘Ai’ gusu a, am se ka, ‘Ai.’ Sin nyini sin, nɔanie kere bo i buka su n fite Sitana dɔ ɔ.”

Kabo Yesu kereeri ka má ya fa minem satie tɔ bu kaari ni

³⁸ Na Yesu akaaki ase ka, “Am ati ka ba se ka, ‘Nzen sɔnɔ yi u nyumbaa, wɔrɔ gusu yi i mi dɛɛ, na nzen i bo tuuri u jee, wɔrɔ gusu tu i mi dɛɛ.’ ³⁹ Ama, mini, m suse am wɔ lɛɛ, ka, nzen sɔnɔ yoori u satie, má a wɔrɔ satie ma i mi. Haari nzen be finri u nyɔɔnu, kaaki bue nyinga n gusu ma i na i fin buka su. ⁴⁰ Nzen be cici u lekisi ka i fa u kɔ jɔrɛ diibiri, na i de u tanlɛɛ kaan n be i wo i bu ni, kaba yi i tii su dɛɛ bambaka n mmɔɔ buka i su. ⁴¹ Nzen fan̄gafɔ be miɛeri u ka a sɔ i sɔɔri kɔ ju ajaari natiwa akpii kun ma i, kaba fa i kɔ ju akpii nnyɔ. ⁴² Sɔnɔ bo i sereeri u deke be, má a kpie i, na sɔnɔ bo i n̄a a fie i deke be, má a kete.”

Kabo Yesu kereeri ka ya koro minem bo bu kpɔ ya ni

⁴³ Na Yesu akaaki ase ka, “Am ati ka ba se ka, ‘A koro sɔnɔ bo i koro u ni, na a kpɔ sɔnɔ bo i kpɔ u ni.’ ⁴⁴ Ama, mini, m suse am wɔ lɛɛ, ka, am koro am kpɔfɔm, na am sere Nyeme ma bo bu kere am wuwuruwa ni, ⁴⁵ adena am yó am Si Nyeme bo i wo angoro ni nbaam. Dama yiri ma wie fite ma satieyofɔm, ni sakpayofɔm kere a, na i kaaki ma nzue tɔ ma bo bu yo sa bo i kɔ atin su i dɔ ni, ni bo bu yo má sa bo i kɔ atin su i dɔ n kere. ⁴⁶ Nzen am nya koroori minem bo bu koro am ngumi ni, nzu nkato, ye am nya i a? Dama haari lampodefɔm bo bu sisi minem ni mmɔɔ yo sɔ ɔ. ⁴⁷ Na nzen am bisa am danfom ngumi ahin, am sunsun ka am ayo nzu sakpa ye be koro yo má i a? Bo bu su má Nyeme ni mmɔɔ koro yo sɔ, má sɔ? ⁴⁸ Tɔ, am ma am woowa n ti kpa bo i la má anusu, kabo am Si Nyeme bo i wo angoro n dɛɛ woowa n ti kpa bo i la má anusu ni.”

6

Kabo Yesu kereeri ya ka ya ce yaarifɔm aceeri barasu ni

¹ Na Yesu ase bu ka, “Am si am ŋu sa, na má am yi am nyemesu sayoowa fite fofoe nu, adena minem ŋu i na bu kansu am. Nzen am yoori so, am nya má ŋkato be, am Si Nyeme bo i wo angoro n do.

² Nyini ti, nzen a ŋa a ce yaarifom aceeri, má a bo ndoori na soŋo kere ti, kabo burukonufom yo i bu tientienbunoo soŋo n nu, ni mie kunnu atingberem n su ni, dama bu yo so o, adena minem kansu bu. Nahore ye m suse am n a, bere ŋkato awieeri lee, ye ba du mo anya i n a. ³ Ama, nzen a ŋa a ce yaarifom aceeri, má a ma be ŋu i fieo, na bu si sa bo a suyo i ni, ⁴ adena u aceeri n yo asiri nu. Do na u Si Nyeme bo i ŋu sa kere bo a yo i asiri nu ni, n to u kaari.”

Kabo Yesu kereeri ya nyemesere atin barasu ni

⁵ Na Yesu akaaki ase ka, “Nzen sanja bo am ba susere Nyeme, má am yo kabo burukonufom yo ni, dama bere koro ka bu sujina bu tientienbunoo soom n nu, ni deke bo atingberem jaja nu ni, na bu sere Nyeme adena minem ŋu bu. Nahore ye m suse am n a, bu ŋkato awieeri lee, ye ba du mo anya i n a. ⁶ Ama, sanja bo a ba susere Nyeme, wura u soŋo na a nyi u ano, na a sere u Si Nyeme bo be ŋu má i ni, na u Si Nyeme bo i ŋu sa kere bo a yo i asiri nu ni, nya to u kaari.

⁷ Na sanja bo am ba susere Nyeme, má am yo nanmie kabo bo bu su má Nyeme n yo ni, dama bu sunsun ka bu jooori beberebe n ye Nyeme de bu sere a. ⁸ Má ambere yo ka bere, dama am Si Nyeme si am sa koroowa kere n mmoo ka, ye am nya sere i a.

⁹ Nyini ti, kabo i ti ye ni ka am sere Nyeme yaa.

‘Ya Si, bo a wo angoro ni,
ma minem bu u duma casi ni.

¹⁰ Ma u femeya n bra.

Ma u koroowa yo asienngu fen, ka alecema nu.

¹¹ Ma ya nyuma dee cen nu, ya noo nu diire.

¹² Fa ya ngasi fa ce ya,

kabo ya gusu afa ace bo bu do ya ngasi ni.

¹³ Má a ma deke be yo ya na ya wura satie nu,
ama, yi ya fite anyumbiri nu.

[Dama, u dee la femeya, ni fanga, ni jirima sanja kere. Ami.]’

¹⁴ Dama nzen am fa minem ngasi ce bu, am Si Nyeme bo i wo angoro n gusu fa am dee ce am. ¹⁵ Ama, nzen am afa má minem ngasi ace má bu, am Si Nyeme bo i wo angoro n gusu fa má am dee ce má am.”

Kabo Yesu kereeri ya ka ya cici ya noo ni

¹⁶ Na Yesu akaaki ase ka, “Sanja bo am sucici am noo, má am nie anunfo nie kabo burukonufom yo ni, bu yo má bu ŋu nyankandi, adena minem ŋu ka ba cici bu noo. Nahore ye m suse am n a, bu ŋkato awieeri lee, ye ba du mo anya i n a. ¹⁷ Ama, nzen a ba sucici u noo, yo u ŋu nyankandi, ¹⁸ adena má minem si nu ka a sucici u noo, má ka u Si Nyeme bo be ŋu má i ni, na yiri u Si Nyeme bo i ŋu sa kere bo a yo i asiri nu ni n to u kaari.”

Kabo Yesu ŋa ya tien ajeki noo se Nyeme dika n nu ni

¹⁹ Na Yesu akaaki ase ka, “Má am tien ajeki noo se durunya n nu fen, bo watarawam muka i na i koro, na i to ngambulaari, na awiefom gusu ba wura wo i. ²⁰ Ama, am tien ajeki noo se Nyeme dika n nu, bo watarawam koro muka má i, na i koro to má ngambulaari, na awiefom gusu koro wura wo má i. ²¹ Dama deke bo u ajeki wo ni, u ahorembaa kere gusu wo do o.”

Kabo Yesu kereeri anyumbaa kpa jɔre ni

²² Na Yesu akaaki ase ka, “Ya nyumbaa ni ti ka fitana ma ya ɲuniɛmbaa n a. Nzen u nyumbaa nya ti kpa, u ɲuniɛmbaa n kere tá wein n wɔ lɛɛ. ²³ Ama, nzen u nyumbaa nya ti má kpa, u ɲuniɛ kere wo awosin nu wɔ lɛɛ. Nyini ti, nzen wein wo má u dɔ, nyini n la ka, a wo awosin bambaka bo i la má aɲusu nu lɛɛ.”

Kabo Yesu ɲa ya daafi Nyeme ɲu barasu ni

²⁴ Na Yesu akaaki ase ka, “Sɔnɔ kun koro saɲga su má mibiɛm nnyɔ. Nzen i ɲa i yó sɔ, i kpó kun wɔ, na i kóro nyinga ni, wara i bóro i nyi su kun n wɔ, na i bú nyinga ni ɲgbɛɛn. Am koro saɲga su má Nyeme ni ajeke.”

²⁵ Na Yesu akaaki ase ka, “Nyini ti, m suse am wɔ lɛɛ, ka, má am tana sukoko fa kɔ am ɲgɔɔ su, kabo am dí, ni kabo am nú, na má am kaaki sukoko fa kɔ am ɲuniɛ su, kabo am nyá suturam bo am fá wura na am kára. Dama ɲgɔɔ n tara diire, na aɲuniɛmbaa n gusu tara suturam, má sɔ? ²⁶ Am niɛ anumam, haari ni bo bu dɔ má ni, na bu kaaki kpiɛ má ni, bu tambu gɔ má bondo nu gusu, se am Si Nyeme ma bu diire ye bu di a. Amberɛ la anyunuyi tara anumam, má sɔ? ²⁷ Am nu, ɲma tana koko fa kɔ i koroowam su ye i mi koro buka i ɲgɔɔ tintiin su haari kaan sɔ a? ²⁸ Ye nzu ti ye am ma suturam sa miɛ am a? Am niɛ kabo wuram bo pum barasu barasu a. Bu yo má juma be, bu tu má gise. ²⁹ Ama, m suse am wɔ lɛɛ, ka, haari Feme Solomon, ni i neɲge n kere bo i yo la i ni, wɔ la má sutura bo i yo nyumi juuri nyini wura pum ni be. ³⁰ Nzen wuram bo bu wo bere nyuma, na ahunma a ɲú ka ba kpiɛ bu na bu yara bu, ye Nyeme niɛ bu dika, nzu ti ye i niɛ má amberɛ bo am tara wuram co n a? Amberɛ, am yarada n ti kaan sɔ. ³¹ Nyini ti, má am tana koko se ka, ‘Ye ya dí nzu wɔ?’ wara ‘Ya nú nzu wɔ?’ wara ‘Ya wúra nzu wɔ?’ ³² Dama bo bu su má Nyeme ni, bere sunsun sɔ saɲga kere a. Am Si Nyeme si ka am koro nyinim n kere. ³³ Nyini ti, am du mɔ kpini Nyeme femɛya n ni sa bo i kɔ atin su i dɔ n busu ka, na i nyá ba fa nyini dekem n kere buka am su. ³⁴ Nyini ti, má am koko fa kɔ ahunma su, ahunma mmɔɔ kpini i dɛɛ. Dama nyuma dɛɛ sunsunni mmɔɔ ase su.”

7

Kabo Yesu ɲa má ya jɔjɔ be jɔre jaraki i ni

¹ Na Yesu ase bu ka, “Má am jɔjɔ be jɔre na am jaraki i, adena má Nyeme gusu jɔjɔ amberɛ jɔre jaraki am. ² Dama kabo am jɔjɔ am benɲum jɔre jaraki bu ni, sɔ ye Nyeme gusu jɔjɔ am gusu jɔre jaraki am a. Gɔɲgɔ bo am fa susu ma minɛm ni, sɔ ye Nyeme gusu fá susu ma am a. ³ Nzu ti ye a niɛ ɲu wura mbaa n bo i wo u niwa nyumbaa nu, ye a niɛ ɲu má yeenzin n bo i wo u dɛɛ nyumbaa n nu a? ⁴ A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye saɲga kere yeenzin n wo u dɛɛ nyumbaa n nu a? ⁵ Wɔrɔ burukɔɔnufɔ ni, du mɔ yi yeenzin n bo i wo u nyumbaa nu n ka, na a nyá ɲu asi nyunyumi na a yi wura mbaa n bo i wo u niwa n dɛɛ nyumbaa nu ni.

⁶ Má am se ka am fa deke bo i ti casi fa ma caam, nzen am yoori sɔ, bu kpiɛ bu nyi fɔn tara am wɔ, na bu kán titi am nu. Sasu bekun, má am se ka am fa afere fofɔem bo bu la gɔ agaya, fa tu afam. Má nyini, bu tíɛntiɛn i su wura fa nu wɔ.”

Kabo Yesu ɲa Nyeme de ya nyemesere barasu ni

⁷ Na Yesu akaaki ase bu ka, “Am sere deke bo am koro i Nyeme dɔ, na i má am. Am niɛniɛ deke bo am koro i dɔ, na am nɔ́ i. Am bobo anɔ́ ni, na i téke i ma am. ⁸ Dama sɔ́nɔ́ kere bo i sere Nyeme deke be, i má i, na sɔ́nɔ́ kere bo i niɛniɛ deke be, i nɔ́ i, na sɔ́nɔ́ kere bo i bobo anɔ́ ni, i téke i ma i. ⁹ Amberɛ nu, nma ye i wa sere i diire, ye i mi kéte na i fá yabus ma i wa n a? Ai, be yo má sɔ́. ¹⁰ Wara, amberɛ nu, nma ye i wa sere i jombaa ye i kéte na i fá woo ma i wa n a? Ai, be yo má sɔ́. ¹¹ Tɔ́, amberɛ, haari ni bo am ti satieyofɔm ni, am si aceeri kpam bo am fá ce am nbaam, nzu ti ye nzen am sereeri am Si Nyeme bo i wo angoro ni, i koro ma má am aceeri kpam a?”

¹² Nyini ti, kabo am koro ka minem yó ma am ni, am yo i sɔ́ ma bu, dama Nyeme nɔ́aniɛ kpamaawa n jɔ́re n kere lee, na i nɔ́aniɛ kanfɔm dɛɛ buka su.”

Kabo Yesu jɔ́ɔ fa kɔ́ori anɔ́ n bo i ti fii n jɔ́re ni

¹³ Na Yesu akaaki ase ka, “Am fa anɔ́ n bo i ti fii n na am wura. Dama atin n bo i fa minem kɔ́ saakiibiri ni, i anɔ́ n ti teterɛ wɔ́, na i natiiri ti má kekere, nyini dɛɛ ti, minem dɔ́ngɔ́ fa yiri wɔ́. ¹⁴ Ama, atin n bo i fa minem kɔ́ ngɔ́ woobiri ni, i anɔ́ n ti fii wɔ́, na i atin gusu nati ti kekereke, nyini dɛɛ ti, minem bo bu nɔ́ nyini atin n na bu su i su ni, bu sunnu má.”

Kabo Yesu nja ya fa minem sayoowa fa si bu ni

¹⁵ Na Yesu akaaki ase ka, “Am si am nɔ́ sa ni kɔ́refɔm bo bu yo bu nɔ́ ka bu ti Nyeme nɔ́aniɛ kanfɔm ni. Bu yo bu nɔ́ benle ka nbɔ́em wɔ́, ama, bu ti ka bedim wɔ́, na bu ti tie. ¹⁶ Bu sayoowa n nu, ye am koro fa si kabo bu ti barasu a. Am anɔ́ ka buwe asu koto? Wara, am anɔ́ ka bedikantɔ́ngɔ́ asu ndɔ́rɔ́wa? Ai. ¹⁷ Ama, i ti sɔ́ ɔ́ lee, ka baka kpa kere su suuwa kpa a, na baka ngbɛen kere su suuwa ngbɛenngbɛen. ¹⁸ Baka kpa koro su má suuwa ngbɛen, na baka ngbɛen gusu koro su má suuwa kpa. ¹⁹ Baka kere bo i su má suuwa kpa, bu kpiɛ i wɔ́, na bu fa ji sin nu. ²⁰ Nyini ti, bo bu yo bu nɔ́ ka bu ti Nyeme nɔ́aniɛ kanfɔm ni, bu sayoowa n nu, ye am koro fa si kabo bu ti barasu a.”

Kabo Yesu jɔ́ɔ fa kɔ́ori jina cɛen n jɔ́re ni

²¹ Na Yesu akaaki ase ka, “Má sɔ́nɔ́ kere bo i bo fere m ka, ‘M Mibiɛ, m Mibiɛ,’ ni wura Nyeme femɛya n nu a, se má ka bo bu yo m Si Nyeme bo i wo angoro n dɛɛ koroowa ni. ²² Jina cɛen n ba juuri, mine dɔ́ngɔ́ bá se m ka, ‘Ya Mibiɛ, niɛ e. Ya yo faari u dɛɛ duma, na ya fa akan Nyeme jɔ́re, na ya fa u duma n afɔn ayi ajinim afite minem nɔ́, na ya kaaki afa u duma n ayo alekutura sam dɔ́ngɔ́.’ ²³ Na m nya se bu ka, ‘Amberɛ satieyofɔm ni, am fa cinsi m bi bere. M si má am cɛen n be cɛen n be da.’ ”

Miɛnu fa kɔ́ ataari tafɔ nnyɔ́ nbem jɔ́re

²⁴ Na Yesu akaaki ase ka, “Nyini ti, sɔ́nɔ́ kere bo i tiiri m dɛɛ nɔ́aniɛm n na i deerɛ i na i fa yoori juma, i mi ti ka alecirafɔ́ be bo i taari i awuru na i seeri i jaa n yabus su n wɔ́. ²⁵ Na nzue aba atɔ́, na wawa n kere ayi asandi, na anɔ́ma akpisi awuru ni, ama, wɔ́ tɔ́ má, dama i jaa jina yabus su n dɛɛ ti. ²⁶ Ama, sɔ́nɔ́ kere bo i tiiri m dɛɛ nɔ́aniɛm n na wɔ́ de má i, afa ayo má juma, i mi ti ka sinnzin be bo i taari i awuru nmiɛ nu n wɔ́. ²⁷ Na nzue aba atɔ́, na wawa n kere ayi asandi, na anɔ́ma akpisi awuru n na i kere abereki atɔ́ liim. Nyini awuru n tɔ́wa n tiiri tie haari.”

²⁸ Saɔ́ga bo Yesu ba jɔ́ɔori sɔ́ wieeri n na jama n ayo alekutura fa kɔ́ i kereewa n su, ²⁹ dama i kereewa n awo i ngumi ni Yudafɔm dɛɛ Nyeme nɔ́aniɛ kerefɔm ni. I kereewa n nu la yiko.

8

Kabo Yesu tuntuunri kokofɔ be ni

¹ Saŋga bo Yesu juraari buka n su ba juuri n na jama beberebe asu i su. ² Na kokofɔ be aba i dɔ, na wɔ ba akutu i nyunu asere i ka i buka i, i ŋa, “M Mibiɛ, nzen a koro ka a ma m nya laifiɛ, a koro ma m nya i.” ³ Na Yesu atenge i saa anana i ŋu, na wɔ se i ka, “M koro. Nya laifiɛ.” Na kokobi n akaba ayaki sɔnɔ n na wɔ nya laifiɛ. ⁴ Dɔ na Yesu ase i ka, “Má a se ka a se be ahin jɔrɛ ni, ama, kɔ na a kɔ fa u ŋu kere Nyemɛ sayoowa dɔnguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a.”

Kabo soja kpiɛn be yoori Yesu yarada agaya ni

⁵ Saŋga bo Yesu kɔ wurari Kapɛnam miɛ kpiri n nu ni, na Romafɔm soja kpiɛn be aba asere Yesu jande ka i buka i, ⁶ i ŋa, “M Mibiɛ, m gbɛfɛnɛ da awuru, i saa ni i jaa kɛrɛ awu, i sudi wahara agaya.” ⁷ Na Yesu ase i ka, “M bá na m ma i nya laifiɛ.” ⁸ Na soja kpiɛn n ase i ka, “M Mibiɛ, m ti kaan ni be a ba m dika. Ama, haari a ma nɔaniɛ n mmɔɔ, m gbɛfɛnɛ ni nyá laifiɛ. ⁹ Dama mini mmɔɔ ni m tii n wo sɔnɔ saa nu wɔ, na mini gusu nya la m dɛɛ sojam bo m niɛ bu su. Na bo m nya se i ka, ‘Kɔ fɛn,’ na i kɔ, na m se nyinga gusu ka, ‘Bra fɛn,’ na i ba. Na m se m akɔɔ n gusu ka, ‘Yo ahin,’ na i yo i.” ¹⁰ Saŋga bo Yesu tiiri sɔ ni, na wɔ yo alekutura, na wɔ se minem bo bu su i su n ka, “Nahɔrɛ ye m suse am n a, ma nya aɲu má sɔnɔ bo i la yarada agaya ka ahin sɔnɔ n ŋusu, haari fa saŋga ni Yisarelifɔm mmɔɔ. ¹¹ M suse am wɔ lɛɛ, ka, minem beberebe fite durunya n wiɛ afiiri, ni wiɛ atɔɔri kɛrɛ, na bɛrɛ, ni Abraham, ni Izaki, ni Jakɔbu bá saŋga tana Nyemɛ femɛya n nu, na bu dí na bu nú. ¹² Ama, na minem n bo má i ti ye ni ka bɛrɛ wo Nyemɛ femɛya n nu ni, na Nyemɛ fa bu tu awosin nu. Dɔ na bu sún, na bu kán bu saa.” ¹³ Na Yesu anya ase soja kpiɛn n ka, “Kɔ awuru. Kabo a yo yarada ni, i yó sɔ ma u a.” Na soja kpiɛn n gbɛfɛnɛ n anya laifiɛ, nyini saŋga n bo Yesu fa jɔjɔri ni.

Kabo Yesu tuntuunri tukpakifɔm beberebe Petoro dika ni

¹⁴ Saŋga bo Yesu wurari Petoro dika n na wɔ ŋu ka Petoro sibara da sɔrɔ, i la má i ŋu, yakɔkɔ abo i. ¹⁵ Na Yesu aso i saa nu, na yakɔkɔ n ayaki i, na bara n ayasu, na wɔ kɔ ayo diire ama i.

¹⁶ Nyini cɛɛn n naasɔ, na ba fa minem beberebe n bo ajinim wo bu ŋu ni, aba Yesu dɔ. Na wɔ ma ajinim nɔɔ na ba fite, na wɔ tuntun tukpakifɔm na bu kɛrɛ anya laifiɛ. ¹⁷ I yoori sɔ, na nɔaniɛ n bo Nyemɛ nɔaniɛ kanfɔ Esaya yo jɔjɔri i n yo yiiwa wɔ, i ŋa, “Na wɔ de ya afite ya tɔrɛm, ni ya tukpaki kɛrɛ nu.”

Minem bo bu koro ka bu su Yesu su n jɔrɛ

¹⁸ Saŋga bo Yesu ŋuuri jama n sɔ ni, na wɔ se i susufɔm n ka bu kpie kɔ kunma kpiri n buɛkun dɔ. ¹⁹ Na Nyemɛ nɔaniɛ kerefɔ kun aba Yesu dɔ, aba ase i ka, “Ya Kerefɔ, deke kɛrɛ bo a kɔ, m sú u su wɔ.” ²⁰ Na Yesu ase i ka, “Ŋaakum la kunmam, na anumam gusu la tiɛrim, ama, mini Adamande Wa n yiri, m la má m tii daabiri.” ²¹ Na i susufɔm n kun be gusu ase i ka, “M Mibiɛ, ma m du mɔ kɔ yo m si sutura ka, na m nyá ba su u su.” ²² Ama, na Yesu ase i ka, “Wɔrɔ su m su, na a yaki bo ba wu ni, na bu se bu beŋgu.”

Kabo Yesu kereeri ka i la yiko tara aɲuma ni nzue ni

²³ Nyini sin na Yesu awura lee nu, na i susufom n asu i su. ²⁴ Bu wo ko su so ni, na anuma bambaka be ayasu nzue n nu, na i subo nzue go lee n nu. Má lee ni suyi ni nzue wo. Ama, nyini sanja na Yesu wo daafiri su. ²⁵ Na i susufom n ako atenge i, na ba se i ka, “Ya Mibiε, de ya tii ji, má nyini, ya wu awie.” ²⁶ Na wo se bu ka, “Nzu ti ye am soro sere so a? Amberε, am yarada n ti kaan so o.” Na wo yasu atien anuma n ni nzue n nu, na dika n kere atara jum. ²⁷ Na ba yo alekutura, na ba se ka, “Nzu sonombiri barasu la ahin, bo anuma ni nzue n mmoo de i noanie a?”

Kabo Yesu fon yiiri ajinim fiteeri mine nnyo nbem nu ni

²⁸ Sanja bo Yesu kpieri kunma kpiri n ko juuri awore n bo bu fere i ka Gadara n ni, na i ni mine nnyo nbem aye, bu fite fanjunmam nu wo, ajinim wo bu nu. Bu ti tie haari bo be koro nati sin má nyini awore n nu. ²⁹ Bu nuuri Yesu so ni, na ba tien afere i, bu na, “Nyeme Wa, a koro nzu ya nu fen a? A ba ka a ba ma ya nu anyumboro wo ka, na sanja n nya ju, nzen se?” ³⁰ Nyini sanja afam beberebe wo di su, bu waari má ni bere, ³¹ na ajinim n asere Yesu ka, “Nzen a na a fon ya fite minem n nu, ma ya ko fun afam n nu.” ³² Na Yesu ase bu ka, “Am ko.” Na ba fite ayaki minem ni, na ba ko afun afam n nu. Dika n nu bere, na bu kere anmati accondi ako ato kunma kpiri nzue n nu, na nzue n adi bu. ³³ Afa sasafom ni nuuri nyini n so ni, na ba nmati ako mie n kunnu ako abo ndoori, fa ko sa n bo wo yo n su. Na ba kan sa kere bo i tuuri minem n bo ajinim woori bu nu ni. ³⁴ Na mie n nufom kere pepere afite ako Yesu do. Sanja bo bu ko nuuri i so ni, na ba sere i jande ka i fite bu awore n nu.

9

Kabo Yesu tuntuunri sono bo i saam ni i jaam awu ni

¹ Na Yesu akaaki awura lee n nu, akpie ako i bosu. ² Do na mine nbem afa sono be aba i do, i saam ni i jaam awu. Bu soori i ni i dasu kere baari a. Yesu nuuri kabo bu yoori i yarada n so ni, na wo se sono n bo i saam ni i jaam awu n ka, “M wa, ma u ahore si, dama ma fa u satie ace u.” ³ Do na Yudafo Nyeme noanie kerefom nbem asunsun bu ahore su ka, “Ahin sono n sujoko wura Nyeme ngasi nu.” ⁴ Yesu siiri bu sunsunni nu so ni, na wo bisa bu ka, “Nzu ti ye am bita sunsunni tie am ahore su a? ⁵ Bono ti kekereke a, bo m se ka, ‘Ma fa u satie ace u,’ nzen, ‘Yasu fa u dasu n na a nati’ n a? ⁶ Ama, m kere am ka mini Adamande Wa n la yiko durunya n nu bo m fa minem satie ni bu ngasi ce bu.” Na wo se sono n ka, “Yasu fa u dasu n na a ko awuru.” ⁷ Na sono n ayasu, na wo ko awuru. ⁸ Sanja bo jama n nuuri nyini n so ni, na ba yo alekutura, na ba kansu Nyeme, kabo wo ma minem nyini yiko n ni.

Kabo Yesu fereeri Matio ka i ba su i su ni

⁹ Na Yesu ayasu do ako. I wo ko su so ni, na wo nu lampodefɔ be, bo bu fere i ka Matio, ka i tana i juma yobiri. Na Yesu ase i ka, “Yasu bra na a ba su m su.” Na wo yasu asu i su.

¹⁰ Sanja bo Yesu wo Matio dika, sudi diire ni, na satieyofom, ni lampodefom beberebe aba Yesu ni i susufom n do, na ba sanja adi diire. ¹¹ Farasifom nuuri nyini so ni, na ba bisa Yesu susufom n ka, “Nzu ti ye am kerefom ni lampodefom, ni satieyofom sanja di diire a?” ¹² Na Yesu ati bu jokowa n na wo bo bu nu ka, “Minem bo bu la laifie n koro má ayirifo, má ka bo bu la má laifie ni koro a. ¹³ Am ko na am ko fiiti Nyeme noanie n nu na am ti i bu, kabo ba kere i ka, ‘M koro anunfo si tara bo am yo yoowa ma m.’

Ma ba má ka m bá fere minem bo bu ña bu yo sa bo i kò atin su Nyeme dò n wò, ama, m baari ka m bá fere satieyofòm wò.”

Kabo Yesu kereeri nòò cici jòre ni

¹⁴ Na Yohane susufòm n aba Yesu dò, aba abisa i ka, “Nzu ti ye yere ni Farasifòm cici ya nòò, ye u dæe susufòm bere cici má?” ¹⁵ Na Yesu abo bu nu ka, “Am sunsun ka konyayafòm koro wo ni ahoresaaki, sanja bo konyafan n toko wo bu dò ni? Ama, sanja suba bo bu bá yi konyafan n fite bu nu, nyini sanja n ye bu nyá cici bu nòò a.”

¹⁶ Na Yesu akaaki ase ka, “Be koro fa má sanvuin fòfòre kpa tò má tani dawa kunma, nzen i yoori sò, sanvuin fòfòre ni sòn tani dawa n wò, na i téke i kunma buka su. ¹⁷ I kaaki ti sò ò bekun ka be koro fa má nzan nyiiwa fanjafò gò má dundu dawa bebete nu, nzen i yoori sò, dundu ni tie wò, na i ká ngbeen, na nzan n kere sòngi butu. Ama, i ti ye ni ka, bu fa nzan nyiiwa fanjafò gò dundu fòfòre biiwa nu wò, na bu fa taka bo pui yo má i.”

Bara tukpakifò be, ni baabara be yiwee jòre

¹⁸ Sanja bo Yesu wo jòjò su sò ni, na Yudafòm kpien be bo i nie bu tientienbunòò sòò n su n aba akutu i nyunu, ase i ka, “M wa baabara awu, jina n nu bere. Bra na a ba fa u saa nana i ñu, na i nyá ñgòò.” ¹⁹ Na Yesu ayasu, na i ni yiri akò, na i susufòm n asu su.

²⁰ Dò na bara be woori jama n nu, i bita abieeri i afò buru ni nnyò lee bo i kpu na i kpie má. Na wò sakati awura jama n nu Yesu sin, afa i saa akan Yesu tanlee n jaa bu. ²¹ Dama i seeri i kunnu ka, “Haari m fa m saa kaanri i tanlee ni mmòò, m nyá laifie.” ²² Na Yesu akaaki anie aju i, na wò se i ka, “M wa, ma u ahore si. Yarada n bo a yo m ni, yiri ma a nya laifie a.” Dika n nu bere, na bara n anya laifie.

²³ Sanja bo Yesu kò juuri kpien n dika ni, na wò ñu see mbie kanfòm, ni jamam ka bu wo nanmie su. ²⁴ Na wò se bu ka, “Am fa sin fite, baabara n awu má, wò daafi wò.” Ama, na ba siri i. ²⁵ I fòonri jama n kere fite wieeri ni, na wò nya awura sòò n bo baabara n da nu n nu, na wò kò atara i saa, na wò yasu. ²⁶ Na nyini labari n abara aye dò dæe awòre n kere nu.

Kabo Yesu tuntuunri anyinsin nnyò nbem na bu ñuuri asi ni

²⁷ Na Yesu afite bere, i sukò n na anyinsin nnyò nbem asu i su, subo fere i, bu ña, “Feme Davidi anuma, si ya ajuñfò.” ²⁸ Na sanja bo Yesu kò wuraari awuru n nu ni, na anyinsinm n aba i dò na wò bisa bu ka, “Am yo yarada ka m koro ma am nya laifie?” Na ba bò i nu ka, “Een, ya Mibie, ya yo yarada.” ²⁹ Dò na wò fa i saa akan bu nyumbaam, na wò se bu ka, “Kabo am ayo m yarada ni, i yó sò ma am.” ³⁰ Na bu nyumbaam n ateke, na ba ñu asi. Na Yesu abòbò bu ni nahore su ka, má bu ma be si sa n bo wò yo i ni. ³¹ Ama, na ba kò abo ndoori abara aye dò dæe awòre n kere nu, fa kò sa n bo Yesu ayo i ni.

Kabo Yesu ma bobo be nyaari laifie ni

³² Sanja bo anyinsinm n fite kòori n dæe sin, na mine nbem afa sòòò be aba Yesu dò, ajini ayo i bobo wò. ³³ Yesu fòn yiiri ajini n fiteeri sòòò n ñu wieeri n na wò koro ajòjò. Na jama n ayo alekutura, na ba se ka, “Ya nya ñu má ahin sa n be ñusu cæen be, Yisareli asien n su.” ³⁴ Ama, na Farasifòm n ase ka, “Ajanim kere dæe feme ni ma i yiko ye i koro fòn yi ajinim n a.”

Kabo Yesu siiri jama ni ajuñfò ni

³⁵ Na Yesu abara aye mie ngbingbirim, ni kan kanm n kere su, na i sukere minem, bu tientienbunoo soom n nu, na i sukan labari kpa n fa ko Nyeme femeya n su, na wo tuntun mine bo tukpaki barasu barasu n kere bita bu ni, na ba nya laifie. ³⁶ Sanga bo Yesu nuuri jama n na wo si bu anunfo, dama ba di wahara, na bu la ma bukafu. Bu ti ka nbom bo bu la ma sasafu o. ³⁷ Na wo se i susufom n ka, "Fiesu diire n sunnu, ama, bo bu ko i tambu n sunnu ma. ³⁸ Nyini ti, am sere Mibie n bo i dee la fie n ka i sunma jumayofom na bu ko i tambu."

10

Kabo Yesu yiiri mine buru ni nnyo ka bu yo i jaramasam ni

¹ Na Yesu afere i susufu buru ni nnyom ni, na wo ma bu yiko ka bu ko sufon yi ajinim fite minem nu, na bu ma tukpakifom barasu barasu kere nya laifie. ² I jaramasa buru ni nnyom n bo i yiiri bu n duma n la Simon, bo bu fere i ka Petoro ni, ni i niema Andere, ni Yakobo ni i niema Yohane bo bu si la Zebedi ni, ³ ni Filipu, ni Batolomeyo, ni Tomasi, ni Matio bo i ti lampodefou ni, ni Yakobo bo i si la Alafeyo ni, ni Tadayo, ⁴ ni Simon bo i tu ngoni fa ko i asien su ni, ni Yudasi Isikariyoti bo i ba toori Yesu ni.

⁵ Na Yesu asunma nyini mine buru ni nnyom n na wo ma bu ahin noanie ni, i na, "Ma am ko miem bo bu ti ma Yudafom miem n nu, wara am wura Samariyafom mie be nu. ⁶ Ama, am ko Yisarelifom bo bu ti ka nbom na ba mini n do. ⁷ Am ko na am ko kan Nyeme jore kere bu, na am se bu ka, sanga n adodo bo Nyeme Feme ba nie i minem su. ⁸ Na am ma tukpakifom nya laifie, na am tenge bo ba wu ni, na am ma kokofom nya laifie, na am fon yi ajinim fite minem nu. Kabo ma ma am ahin yiko n na ma de ma pui ni, am gusu yo so n na ma de pui. ⁹ Ma am se ka am bita nwaa be, haari nwaa kaan mmoo. ¹⁰ Ahin atin n bo am sukou i ni, ma am se ka am bita kuruku, ma am fa tanlee be buka bo am wura i n su, ma am fa gbagbaa, ma am fa kpama, dama jumayofu kere ti ye ni ka bu ma i diire wo."

¹¹ Na wo se ka, "Mie kpiri, wara mie kan kan kere bo am ko wuraari nu, am nienie sono kpa, na am ko wo i do, haari am ba fite mie n nu. ¹² Awuru kere bo am ko suwura nu, am bisa bu dogu, na am se bu ka Nyeme yo bu kisi. ¹³ Nzen nyini awuru n nufom deeru am wofu, am ma nyini kisi n ka bu do, ama, nzen ba de ma am, am kaaki de nyini kisi n bu do. ¹⁴ Sasu bekun, nzen awuru, wara mie bo am ko wuraari nu, na ba de ma am wofu, wara ba soro ma am su ka bu ti am noanie ni, am fite yaki nyini awuru n wara mie ni, na am kponkpon yi am jaa tuturi kere. ¹⁵ Nahore ye m suse am n a, jina een, Nyeme cin nyini mie n nufom sui tara Sodom ni Gomora miem n nu satiefom ni."

Kabo Yesu na bu ba kere i jaramasam wuwuruwa barasu ni

¹⁶ Na Yesu akaaki ase bu ka, "Am ti fen. M susunma am wo lee kabo nbom ko sanga bedim nu barasu ni. Nyini ti, am fa ngonle na am tara am nu ka woom, na am yo am nu benle ka tiwam. ¹⁷ Am si am nu sa, dama mine ba fa am wura joredifom saa nu, na bu fin am ngbere bu tientienbunoo soom n nu. ¹⁸ Mini dee ti, bu cin am wura gominam ni nfemem saa nu. Nyini ma am atin na am di m daani kere bere a, ni bo bu ti ma Yudafom n kere. ¹⁹ Sanga bo bu ba faari am wuraari joredifom saa nu ni, ma am ma am ahore saaki fa ko kabo am ko joko barasu. Nyini sanga n ba juuri, Nyeme ma am noanie ye am joko a. ²⁰ Noanie ni fite ma am do, ama, i fite am Si Nyeme dee Awiewie n do, ye am joko a.

²¹ Gɔrɔm ni niemam bá tɔ bu beɲgu ma bu kpɔfɔm na bu kún bu, na nbaasim tó bu nbaam, na nbaam kéte bu wufɔm ɲu, na bu má minɛm kun bu wufɔm ni. ²² Mini dɛɛ ti, sɔnɔ kɛrɛ kpó am. Ama, wɔrɔ kɛrɛ bo a mindi deeri nyini n kɛrɛ kɔ juuri i awieeri su, Nyemɛ dé u tii ji. ²³ Saɲga bo bu bá sukere am wuwuruwa miɛ be su, am ɲmati kɔ miɛ nyiɲga su. Nahɔrɛ ye m suse am n a, am koro kan má Nyemɛ jɔrɛ bara ye má Yisareli miem kɛrɛ su ka, ye mini Adamande Wa ni kpíe m nyi ba.

²⁴ Sɔnsɔnfɔ tara má i kerefɔ, akɔɔ gusu tara má i mibiɛ. ²⁵ Nzen sɔnsɔnfɔ n ba juuri i kerefɔ n juubiri, i ti ye ni ka i nyunu yi i tii. Na nzen akɔɔ n ba juuri i mibiɛ n juubiri, i ti ye ni ka i nyunu yi i tii. Nzen bu nya fereeri awurufɔbiɛ n ka Belazɛbuli, bo bu kaaki fere i ka Sitana ni, nyini saɲga bu fére i dikafɔm bɛrɛ kɛrɛ ka sɛ wɔ lɛɛ?”

Kabo wɔ yo daka ka ya soro Nyemɛ ɲgumi ni

²⁶ Na wɔ kaaki ase bu ka, “Nyini ti, má am soro sɛrɛ ni minɛm. Dama deke be wo má bɛrɛ bo i wo fiɛwa nu na bu bá ɲu má i, deke be gusu wo má bɛrɛ bo i wo asiri nu na bu bá si má i. ²⁷ Deke kɛrɛ bo m jɔjɔ seeri am kɔɲgue, wɔ yo daka ka am jɔjɔ i wiesu wɔ. Na deke kɛrɛ bo m tuuri i asuturi am dɔ, wɔ yo daka ka am bo i ndoori na sɔnɔ kɛrɛ ti i. ²⁸ Má am soro minɛm bo bu koro kun aɲuniembaa n na bu koro kun má awiewiɛ n ni. Ama, am soro Nyemɛ bo i koro saaki awiewiɛ n ni aɲuniembaa n kɛrɛ, cɛɛma sin nu ni. ²⁹ Am si ka njɔrɛm nnu ɲwaa ti kaan sɔ ɔ, má sɔ? Ama, bu kun n kpein mmɔɔ tó má asiɛɲgu bo i ti má ya Si Nyemɛ koroyanu. ³⁰ Haari am tiɲmiɛ kɛrɛ mmɔɔ bo i wo am tii su ni, Nyemɛ si i kɛrɛ nɔ. ³¹ Nyini ti, má am soro sɛrɛ. Am la anyunuyi Nyemɛ dɔ tara njɔrɛm beberebe.”

³² Na Yesu akaaki ase bu ka, “Sɔnɔ kɛrɛ bo i kan kereeri minɛm ka i ti m susufɔ, mini gusu bá kan kere m Si Nyemɛ bo i wo aɲgoro n ka i mi ti m dɛɛ wɔ. ³³ Ama, sɔnɔ kɛrɛ bo i keteeri minɛm nyunu ka i ti má m susufɔ, mini gusu bá kete m Si Nyemɛ bo i wo aɲgoro n nyunu ka i mi ti má m dɛɛ.”

Kabo Yesu ɲa wɔ fa kpakpaakinu aba barasu ni

³⁴ Na Yesu akaaki ase ka, “Má am sunsun ka ma ba ka m fa tanalaifiɛ ba ma durunya n nufɔm wɔ. Ma ba má ka m fa tanalaifiɛ ba, ama, m faari lue baari a. ³⁵ M baari ka m ba kpura baa ni i si tii wɔ, na m kpura baabara ni i ni tii, na m kaaki kpura baa n ni, ni i wa yi tii, ³⁶ na sɔnɔ dikafɔm káaki i kpɔfɔm.

³⁷ Sɔnɔ kɛrɛ bo i koro i si, wara i ni tara mini, i ti má ye ni ka i mi wo m dɔ. Na sɔnɔ kɛrɛ bo i koro i wa baabiɛsɔ, wara baabara tara mini, i ti má ye ni ka i mi wo m dɔ. ³⁸ Na sɔnɔ kɛrɛ bo i sɔ má i yiwee baka jaanu n na i su m su, i ti má ye ni ka i mi wo m dɔ. ³⁹ Sɔnɔ kɛrɛ bo i ɲa i kpíni i ɲgɔɔ busu, i mi bá fun i, ama, na sɔnɔ kɛrɛ bo i tɔɔri i ɲgɔɔ mini dɛɛ ti, i mi nyá ɲgɔɔ.”

Kabo sɔnɔ kɛrɛ bo i deeri Yesu susufɔm wɔfɔ nyá i ɲkatɔ ni

⁴⁰ Na Yesu akaaki ase bu ka, “Sɔnɔ kɛrɛ bo i de am wɔfɔ, i mi de mini wɔ lɛɛ, na sɔnɔ kɛrɛ bo i de mini, i mi de yiri bo i sunmaari m wɔ lɛɛ. ⁴¹ Sɔnɔ kɛrɛ bo i de Nyemɛ nɔaniɛ kanfɔ ka i ti Nyemɛ nɔaniɛ kanfɔ n dɛɛ ti, i mi nyá ɲkatɔ kabo Nyemɛ nɔaniɛ kanfɔ nya i n wɔ, na sɔnɔ kɛrɛ bo i de sɔnɔ bo i yo sa bo i kɔ atin su Nyemɛ dɔ, na wɔ de i ka i yo sa bo i kɔ atin su n dɛɛ ti, i mi nyá ɲkatɔ kabo sɔnɔ bo i yo sa bo i kɔ atin su n nya i n wɔ. ⁴² Nahɔrɛ ye m suse am n a, sɔnɔ kɛrɛ bo i saari nzue niniki kaan

sɔ mmɔɔ, maari m susufɔ n bo i ti bu kere kaan n kun, ka i mi ti m deɛ susufɔ n ti, i mi nyá i nkato.”

11

¹ Saŋga bo Yesu jɔjɔri i susufɔm n dɔ wieeri ni, na wɔ jengbe Galili awɔre n nu miɛ miɛm su, sukere minɛm, na wɔ kan Nyɛmɛ jɔre.

Kabo Yohane Nyɛmɛ Nzue Biefɔ n sunmaari i susufɔm Yesu dɔ ni

² Nyini saŋga ni, ba nyi Yohane Nyɛmɛ Nzue Biefɔ n dansaraka sɔrɔ. Na wɔ ti sam kere bo Kristo Tiidefɔ n suyo bu ni, na wɔ sunma i susufɔm ka bu kɔ bisa i ka, ³ “Wɔrɔ ye bu yo seeri ka a bá n a, nzen ya n̄minda sɔnɔ fɔfɔre be wɔ?” ⁴ Na Yesu abɔ bu nu ka, “Am kpie am nyi kɔ se Yohane fa kɔ sam bo am ati bu na am aɲu bu ni, ka ⁵ anyinsinm aɲu asi, wɔbukam akoro anati, kokofɔm anya laifɛ, asuturim ati asui, minɛm bo ba wu n atenge, na yaarifɔm gusu akoro ati labari kpa ni. ⁶ Terefiɛ wo minɛm bo bu yo m yarada na bu la má sika be ni mini n dɔ.”

⁷ Saŋga bo Yohane susufɔm kaaki sukɔ ni, na Yesu aɔjɔ jama n dɔ, fa kɔ Yohane n̄usu jɔre, i n̄a, “Saŋga bo am fite kɔri Yohane dɔ, boro kpantain n nu ni, am kɔri ka am kɔ n̄u nzu wɔ? Am kɔri ka am kɔ n̄u sɔnɔ bo i ti ka barankpaati fofoe bo aɲuma n kankan i wɔ? ⁸ Nzen má nyini, nzu ti ye am kɔri a? Am n̄a am kɔ n̄u sɔnɔ bo i wura sutura n̄gbingbiri wɔ? Ai, am si ka minɛm bo bu wura nyini suturam ni, bu wo nfemɛm dika a. ⁹ Nzen má nyini, nzu ti ye am kɔri a? Am kɔri ka am kɔ n̄u Nyɛmɛ nɔaniɛ kanfɔ ɔ? Eɛn, m suse am wɔ lɛɛ, ka, am aɲu sɔnɔ bo i tara Nyɛmɛ nɔaniɛ kanfɔ. ¹⁰ Dama Yohane ye bu yo kereeri i Nyɛmɛ Jɔre Kadasi n nu ka,

‘Nyɛmɛ n̄a o,

“M dú mɔ sunma m sunmafɔ n na i dú u mɔ,
yiri kó yo u atin n dɔngɔ se u a.”’

¹¹ Nahɔre ye m suse am n a, Yohane Nyɛmɛ Nzue Biefɔ n la má abengɔ, bo i tara i durunya n nu. Ama, sɔnɔ kere bo i ti kaan, Nyɛmɛ femɛya n nu n tara yiri Yohane.” ¹² Na Yesu akaaki ase ka, “Fite saŋga bo Yohane Nyɛmɛ Nzue Biefɔ n boori Nyɛmɛ jɔre kan n bu ni, fa ba ju ni kisa, ye Nyɛmɛ femɛya n n̄uuri kekereke a, na minɛm afa anyumboro ka bu wura nu de i. ¹³ Nyɛmɛ nɔaniɛ kanfɔm kere, ni Moyisi du mɔ kereeri Nyɛmɛ Jɔre Kadasi n nu fa kɔ Nyɛmɛ femɛya n su ka, ye Yohane nya baari a. ¹⁴ Nzen am yó bu nɔaniɛm yarada, Yohane la yiri n bo bu yo kereeri ka Eliya káaki ba n a. ¹⁵ Bo i koro ka i ti ahin jɔre n bu, i ti ye ni ka i so i sui na i ti.”

¹⁶ Na Yesu akaaki ase ka, “Ye m fá nzu fa sunsun kabo nyumafɔ ti a? Bu ti ka nbaatuma kan kanm bo bu tana gɔɔsu wɔ. Na bu sufere bu bengɔ, ¹⁷ bu n̄a, ‘Ya kan tere ama am, ama, am abo má kereba. Ya di sɛɛ jue ama am, ama, am asun má.’ ¹⁸ Deke bo i ti na m se sɔ n la ka, Yohane ba juuri ni, i ciciiri i nɔɔ ɔ, i di má diire, i nu má nzan yiri fieo, nyini ti, na ba se ka ajini wo i n̄u a. ¹⁹ Ama, mini Adamande Wa n ba juuri, na m ni mine asaŋga adi, na ya saŋga anu, na ba se ka, ‘Am niɛ, ahin sɔnɔ n yiri, i ti ayaakpirifɔ ɔ, na i nu nzan nahɔre su. Wɔ tara lampodefɔm, ni satieyofɔm danfoya.’ Tɔ, minɛm kere bo bu su Nyɛmɛ deɛ alecira n atin n su ni, bu sayoowam kere ka i ti nahɔre a.”

Kabo Yesu n̄a miɛ nbem n nufɔm bá n̄u anyumboro barasu ni

²⁰ Miɛm bo Yesu yoori alekutura sam beberebe nu ni, bu minɛm n akaaki má bu wo, nyini ti, na Yesu akan bu ndiɛ, ²¹ i n̄a, “Ambere Korazinfɔm, am bá n̄u anyumboro. Ambere Besayidafɔm gusu, am bá n̄u anyumboro.

Alekutura sam bo m yo maari am ni, má nzen m yoori bu Tiro ni Sidon mie kpirim n nu, má minem n akaaki bu wo dada kere na bu fa pirim boto, ni nzuin yo bu yoowa n bo i kere ka bu ahore asaaki, bu satie yoowa n dee ti ni. ²² Ama, m suse am wo lee, ka, jina ceen, Nyeme bá cin am sui tara Tiro ni Sidon dee satieyofom. ²³ Amberere Kapenamfom gusu, am sunsun ka Nyeme bá ye am su ko angoro wo? Ai, i bá yo am kaan wo, na i fá am coondi ko Yiweefom Woobiri nu. Alekutura sam bo m yo maari am ni, má nzen m yoori bu Sodom mie kpiri n nu, má kisa, mie n toko wo bere haari ni nyuma. ²⁴ Ama, m suse am wo lee, ka, jina ceen, Nyeme bá cin am sui tara Sodom dee satieyofom.”

Kabo Yesu jajo fa koori kabo i woowa ti barasu ni

²⁵ Nyini sanja n na Yesu ase ka, “M Si Nyeme, woro ti angoro ni asienju kere Mibie a. M da u asi ka a fa nyini dekem bo alecirafom ni sifom si má i ni, ayi akere bo bu ti ka nbaatam ni. ²⁶ M Si, i ti nahore wo, kabo a koroori ka i yo lee.”

²⁷ Na wo kaaki ase bu ka, “M Si Nyeme afa deke kere awura m saa nu. Be si má Nyeme Wa ni, má ka i Si Nyeme si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²⁸ Na wo kaaki ase ka, “Amberere kere bo am so soori nonoori n na am afie ni, am bra m do, na m má am numiyi. ²⁹ Am de m soori ni, na am ma am wo ti kabo m dee n ti ni, dama m ti benle wo, na m yo m nu kaan. Mini do ye am nya numiyi a. ³⁰ Dama kereewa n bo m fa ma am n ti má kekereke, na soori n gusu bo m fa so am n wo má no.”

12

Kabo Yesu jajo fa koori Numiyi ceen jore ni

¹ Nyini sanja n na Yesu ni i susufom ni sunati sin alembaa fie be nu, Yudafom Numiyi ceen ni. Na ahoe ati i susufom ni, na ba bubu be akpese. ² Sanja bo Farasifom ni nuuri nyini so ni, na ba se Yesu ka, “Nie fen. Kabo u susufom ni suyo ni, Nyeme noanie kpamaawa n kere ka má be yo so, Numiyi ceen ni.” ³ Na wo se bu ka, “Am nya kan má Nyeme Jore Kadasi n nu, kabo Feme Davidi yo yoori sanja bo ahoe tiiri i ni i minem na ba si má kabo bu yo ni, nzen se? ⁴ Ahoe n ti, na wo ko awura Nyeme Sereebiri Awuru n nu, na wo di kpono n bo ba fa ama Nyeme ni, na wo ma i minem ni be. Ama, am si ka ya dee atin n su, Nyeme sayoowa donguyofom ngumi ti ye ni ka bu di nyini kpono n a. ⁵ Sasu bekun, am nya kan má Nyeme Jore Kadasi n nu, kabo Numiyi ceen n kere ceen, na Nyeme sayoowa donguyofom ni saaki Numiyi ceen n ciire ni, na bu yo bu yoowam Nyeme Sereebiri Awuru n nu, na be se má bu pui, nzen se? ⁶ M suse am wo lee, ka, deke bo i tara Nyeme Sereebiri Awuru n wo fen. ⁷ Ba kere i Nyeme Jore Kadasi n nu ka, Nyeme na o, ‘M koro anunfo si tara bo am yo yoowa ma m.’ Nzen má am si nyini noanie n bu, má am ma má bu di minem jore cin bu sui, bere bo bu la má ngasi be ni. ⁸ Dama mini Adamande Wa ni ti Numiyi ceen n Mibie n a.”

Kabo Yesu tuntuunri sono asaa fuin be Numiyi ceen ni

⁹ Na Yesu ayasu do ako awura bu tientienbunoo soo n nu. ¹⁰ Sono asaa fuin be woori do. Na mine nbem akoro ka bu so Yesu ngee na bu jaraki i ka na wo saaki Numiyi ceen n ciire ni. Do na ba bisa i ka, “Atin wo nu ka ya koro ma sono nya laifie, Numiyi ceen ni?” ¹¹ Na Yesu abo bu nu ka, “Am nu, nma ye i boe ti kun n kpein ye i toori kunma ngonjo nu Numiyi

cɛɛn n ye i mi wúra yi má i a? ¹² Adamande tara bɔɛ fieo. Nyini ti, ya dɛɛ atin n su, atin wo nu ka ya yo sakpa Njumiya cɛɛn ni.” ¹³ Na wɔ nya ase sɔnɔ n ka, “Tenje u saa ni.” Na wɔ tenje i saa ni, na i saa n ayo fanja bekun ka nyinga ni. ¹⁴ Dɔ na, Farasifom n afite ako asese bu nju su, kabo bu yó na bu kun Yesu.

Kabo amusuisufɔ n bo Nyeme ayi i n ti barasu ni

¹⁵ Saŋga bo Yesu siiri nu sɔ ni, na wɔ yasu bere. Na jama beberebe asu i su, na wɔ ma bu tukpakifom kere anya laifie. ¹⁶ Na wɔ bobo bu ka, má bu ma be si i sɔnɔ nzuin nu. ¹⁷ I yoori sɔ, adena kabo Nyeme noanie kanfo Esaya yo jɔjɔri n yo yiiwa a, i ŋa,

¹⁸ “Nyeme ŋa o,

‘M amusuisufɔ bo ma yi i ka i yo m sa koroowa n yaa.

Yiri ye m koro i a, m ahore ajo i nju.

M má m Awiewie n ba wura i nju.

Na i kó kan kere durunya n nufom kere

kabo m nahore atin n ti barasu.

¹⁹ I ni be sé má akuruwa, wara i timentien má.

I káaki yo má nanmie atingberem su.

²⁰ I búbu má janja wura bo wɔ biri,

na i nó má fitana bo i je má nyunyumi.

I wó bere sɔ

haari na m nahore atin n bá kunma deke n kere.

²¹ Na durunya n nufom kere bá ti i duma ni,

na bu yó i tama.’ ”

Kabo Farasifom tuunri Yesu nzuin ka i ni Sitana dɛɛ ti kun ni

²² Nyini sin na ba fa sɔnɔ be aba Yesu dɔ, ajini ayo i anyinsin ni bobo wɔ. Na Yesu ama wɔ nya laifie, na wɔ koro ajojo, na wɔ nju asi. ²³ Na minem kere ayo alekutura, na ba bisa bu nju nu ka, “Feme Davidi anuma n lee, nzen se a?” ²⁴ Ama, Farasifom tiiri sɔ n na ba se ka, “Belazebuli bo i ti ajinim kere dɛɛ feme ni, yiri ngumi ma ahin sɔnɔ n yiko dɛɛ ti, ye i koro fon yi ajinim n a.”

²⁵ Yesu siiri bu sunsunni n sɔ n na wɔ se bu ka, “Femeya kere bo i nya kpakpaakiiri nu wieeri, nyini femeya ni ká ngbeen wɔ. Awuru, wara mie kere gusu bo i nya kpakpaakiiri nu wieeri, nyini awuru, wara mie ni sáandi wɔ. ²⁶ Nyini ti, nzen má Sitana bo i ti ajinim kere feme n nya fon i ajinim fite minem nju, má nyini kere ka ba kpakpaaki nu lee. Ye i yó se ye i femeya ni kóro jina a? ²⁷ Tɔ, ye nzen am ŋa Belazebuli maari m yiko, ye m fa fon yi ajinim a, ye ŋma maari am dɛɛ minem ni yiko ye bu bita fon yi bu n a? Nyini ti, kabo am minem yoori ni, nyini kere ka am la má nahore. ²⁸ Ama, Nyeme dɛɛ Awiewie ni ma m yiko ye m fa fon yi ajinim a. Nyini n kere ka Nyeme Feme wo am nu sunie i minem su lee.

²⁹ Bekun, i bá yo se ye be koro wura sɔnɔ fangafɔ dika na i fin i nenje a, má ka wɔ tara i fangafɔ acin i nyama ka? Nyini sin na i nyá koro fin i nenje bo i wo awuru n nu.

³⁰ Sɔnɔ kere bo i jina má m sin, i mi ti m kpofɔ o. Na sɔnɔ kere gusu bo i buka má m na ya tien minem nɔo, i mi sandi minem wɔ. ³¹ Nyini ti, m suse am wɔ lee, ka, Nyeme koro fa minem satie kere fa ce bu, haari fa kɔ saŋga ni jore ngbeenngbeen kere bo bu jɔjɔri i fa kɔ Nyeme dɔ, ama, sɔnɔ kere bo i jɔjɔ wuraari Awiewie Casi ni ngasi nu, Nyeme fá má i mi ngasi ce má i. ³² Sɔnɔ kere bo i jɔjɔ wuraari mini Adamande Wa ni ngasi nu, Nyeme fá i mi ngasi ce i. Ama, sɔnɔ kere bo i jɔjɔ wuraari Awiewie

Casi ni ngasi nu, Nyeme fá má i mi ngasi ce má i, fite kisa haari fa kó fa ba.”

Kabo Yesu na ya fa minem woowa fa si kabo bu ti ni

³³ Na Yesu akaaki ase bu ka, “Baka kere bo i nya ti kpa, su suuwa kpa a, na baka kere gusu bo i nya ti má kpa, su suuwa tietie wó. Dama baka kere suuwa, ye a fa si kabo i ti a. ³⁴ Amberé burukónufóm ka woom ni, kabo am ti satieyofóm sò ni, am yo se koro yo sakpa bekun a? Dama dekem n bo am sunsun bu am ahore su n ye am jójó bu a. ³⁵ Sónó kpa ni i deke kpa kere bo i bita i, fa sakpa ba a. Na sónó tie gusu ni i deke tie bo i bita i, fa satie ba a. ³⁶ M suse am wó lée, ka, jina céen, Nyeme dí sónó kere jóre fa kó jóre ngbèenngbèen kere bo i yo jójóri i. ³⁷ Dama u nòanié jójówa má a fite nu a, na u nòanié jójówa gusu má bu di u jóre cin u sui a.”

Kabo Yesu keteeri ka i yó má alekutura sa bo bu koro i ni

³⁸ Na Nyeme nòanié kerefóm, ni Farasifóm nbem ase Yesu ka, “Ya Kerefó, ya koro ka a yo alekutura sa be kere ya na ya ñu i.” ³⁹ Na Yesu ase bu ka, “Amberé nyumafó, satieyofóm bo am su má Nyeme ni, ye am koro ka m yó alekutura sa be na am nié a? Ai, m yó má alekutura sa be na am ñu i fieo, má ka alekutura sa n bo Nyeme yo yoori i maari i nòanié kanfó Jona ni ñgumi. ⁴⁰ Dama kabo Jona yo woori jombaa bambaka be kunnu kó juuri lesan, kóngue ni wiesu ni, sò ye mini Adamande Wa ni bá wo asien n bu kó ju lesan, kóngue ni wiesu a. ⁴¹ Jona yo kaanri Nyeme jóre keteeri Ninevafóm na ba kaaki bu wo. Jina céen, bere bá yasu jina na bu járaiki amberé nyumafóm, dama kisa, m suse am wó ka, mini tara Jona, ama, am akete ka am kaaki má am wo. ⁴² Feme bara be yo fiteeri haari i bósu Seba wó, na i bá ti Feme Solomon dèe alecira jójówa nòanié ni. Jina céen, yiri bá yasu jina na i járaiki amberé nyumafóm nahóre su, dama kisa, m suse am wó ka, mini tara Feme Solomon, ama, am ade má m nòanié ni.”

Kabo ajini bá kaaki ba i woobiri dawa na i ti barasu ni

⁴³ Na Yesu akaaki ase bu ka, “Nzen ajini nya fite yakiiri sónó, i kó jengbe bara ye boro kpantain nu wó, deke bo nzue wo má, na i kó nienie woobiri bo i tana yi i ñumi. Nzen wó nya má woobiri, ⁴⁴ nyini sanja, a ti ka i ña, ‘Ma m kpie m nyi kó m woobiri dawa ni.’ Na i kaaki kó, i kó ñu ka ba kpara dika n nyunyumi, asese deke kere su, be wo má nu. ⁴⁵ Na i nyá kó fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini sanja, a ñu ka sónó n woowa ayo tie atara kabo i yo ti dawa ni. Sò ye i bá yo ma ahin nyumafóm bo bu satieyo asunnu n a.”

Minem bo bu ti Yesu ni, ni i ninbaam nahóre su n jóre

⁴⁶ Yesu toko wo minem dó jójó su ni, na i ni, ni i niemam aba aka ajina dasin, na ba se ka bu koro ka bu jójó i dó ó. ⁴⁷ Na minem ni kun ase i ka, “Ti fen, u ni, ni u niemam jina dasin koro ka bu jójó u dó.” ⁴⁸ Sónó n seeri i sò wieeri ni, na Yesu ase i ka, “Ma m kere u bo bu ti m ni, ni m niemam.” ⁴⁹ Na wó fa i saa akere i susufóm ni, na wó se ka, “Nié fen. M ni, ni m niemam n yaa. ⁵⁰ Dama sónó kere bo i yo m Si Nyeme bo i wo angoro n dèe sa koroowa, yiri ti m siwa, ni m niwa, ni m ni a.”

13

Mienu fa kó kabo dódóorifó be sandiiri alembaa ni

¹ Nyini céen n na Yesu afite awuru n nu akó atana Galili kunma kpiri n nòó su, ka i kan Nyeme jóre kere jama ni. ² Na jama beberebe atien bu

nɔɔ i dɔ. Bu sunnuuri beberebe sɔ n dɛɛ ti, na wɔ wura lee nu atana, na bere aka ajina nzue n nɔɔ su. ³ Na wɔ bo miɛnum na wɔ kere bu dekem beberebe. I ɲa, “Dɔdɔɔrifɔ be fiteeri sɔ ɔ, ka i kɔ sandi aɛmbaa. ⁴ Saɲga bo i wo sandi su ni, na aɛmbaa ni nbem atɔtɔ atin n nɔɔ, na anumam aba atambu bu ami. ⁵ Na nbem atɔtɔ tieka su, deke bo fa sunnu má ni, fa n sunnu má n dɛɛ ti, wɔ ɛɛ má, na wɔ fi, ⁶ ama, wie ba fiteeri agaya ni, na ba waandi, dama bunlui n akpama abi má. ⁷ Na aɛmbaa ni nbem atɔtɔ lolɔe nu, na lolɔe n anyi akata bu ɲu. ⁸ Ama, na aɛmbaa ni nbem atɔtɔ asien kpa su, na wɔ nyi awura mbaa zɔi zɔi.” ⁹ Na Yesu ase bu ka, “Bo i koro ka i ti ahin jɔre n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

¹⁰ Nyini sin na i susufɔm n aba i dɔ, aba abisa i ka, “Nzu ti ye a nya ba ɲa a jɔjɔ minem dɔ, a bo bu miɛnu a?” ¹¹ Na Yesu abɔ bu nu ka, “Ambere ye Nyeme ma am asi i femeya n nu asiri jɔre kere a, ama, bere bo ba ka ni, i ma bu si má i. ¹² Dama sɔnɔ kere bo wɔ nya deke be Nyeme dɔ na i mi si i bita, Nyeme búka i su wɔ, na i nyá beberebe, ama, bo i si má i bita, haari ni nyini kaan n bo i la i ni, Nyeme dé i dɔ ɔ. ¹³ Deke bo i ti na m bo bu miɛnu n la ka, bu nie wɔ, ama, bu ɲu má pui. Bu so bu sui wɔ, ama, bu ti má deke n bo bu so bu sui ka bu ti i n bu. ¹⁴ Bu ti sɔ n dɛɛ ti, ye Nyeme nɔanie kanfɔ Esaya yo jɔjɔ niiri bu n a, i ɲa, ‘Nyeme ɲa o,

Am só am sui ni nahɔre su,
ama, am tí má deke bo am so am sui
ka am ti i n bu.

Am káaki nie ni nahɔre su,
ama, am ɲú má pui.

¹⁵ Dama ahin minem tii ti kekereke,
ba tɔ bu sui na má bu ti,
ba kata bu nyumbaa na má bu ɲu.

Má nyini, bu nyumbaa ɲú i wɔ,
na bu sui tí,
na bu sí bu ahore su,
na bu káaki bu wo,
na m má bu nya laifie.’

¹⁶ Ama, ambere la terefie, dama am ɲu asi, na am kaaki ti asui. ¹⁷ Nahore ye m suse am n a, Nyeme nɔanie kanfɔm ni minem beberebe bo bu yo sa bo i kɔ atin su Nyeme dɔ n kere koroori ka bu ɲu deke bo am aɲu i ni, ama, ba ɲu má i, na ba koro ka bu ti deke bo am ati i ni, ama, ba ti má i.”

Kabo Yesu kereeri miɛnu n bu fa kɔ dɔdɔɔrifɔ n su ni

¹⁸ Na Yesu ase i susufɔm ni ka, “Am so am sui, na m se am miɛnu n bu, fa kɔ dɔdɔɔrifɔ n bo i sandiiri aɛmbaa n su. ¹⁹ Nbem de Nyeme nɔanie n fa kɔ i femeya n su kabo aɛmbaa n tɔtɔri atin nɔɔ n wɔ. Bu nya tiiri Nyeme nɔanie n na bu ti má i bu, i ɛɛ má, na Sitana bo i ti sɔnɔ tie ni, bá yi nɔanie n fite bu ahore su, a ɲu ka bu wara afi i sa. ²⁰ Nbem gusu de Nyeme nɔanie n kabo aɛmbaa tɔtɔri tieka su n wɔ. Bu nya tiiri Nyeme nɔanie ni, a ɲu ka ba de i ndende ni ahorejɔ, ²¹ ama, i da má bu ahore su. Bu kaaki ti ka aɛmbaa n bo bu bunlui akpama abi má n wɔ. I woori bu dɔ kaan sɔ, na nzen wahara, wara kekereke be ba tuuri bu, fa kɔ bu Nyeme su n su, a ɲu ka ba fa ati. ²² Nbem gusu de Nyeme nɔanie n kabo aɛmbaa n tɔtɔri lolɔe nu n wɔ. Bu nya tiiri Nyeme nɔanie ni, a ɲu ka bu sunsunni kere wo deke bo bu yó na bu asiri káta su, na bu koro kabo bu yó na bu nyá ajেকে kere, na bu ahore bi fa kɔ durunya n nu nengem su, na Nyeme

nɔ́aniɛ n koro da má bu ahore su na i yo juma. Bu ti ka alembaa n bo i wura má mbaa n wɔ. ²³ Ama, nbem de Nyeme nɔ́aniɛ n kabo alembaa n tɔ́ɔ́ori asien kpa su n wɔ. Bu nya tiiri Nyeme nɔ́aniɛ ni, na bu de i, na bu fa yo juma, na i yo kpere beberebe.”

Miɛnu fa kɔ wura mbaa fiiwa ni

²⁴ Na Yesu abo bu miɛnu be bekun. I ɲa, “Kabo Nyeme Feme bá niɛ i minem su yaa. Sɔ́ɔ́ be kɔ sandiiri nvonɛ i fiesu a. ²⁵ Cɛɛn n be kɔngue n sɔ́ ɔ, sanɲa bo sɔ́ɔ́ kere ada adaafi ni, na i kpɔ́fɔ be anya ayasu ako afa jaɲmɔ́ɲgu nvonɛ asandi nvonɛ fie n nu. ²⁶ Sanɲa bo nvonɛ n ba fi suko nyinse ni, na jaɲmɔ́ɲgu nvonɛ n gusu atu asanɲa nvonɛ kpa n nu. ²⁷ Na awurufɔbiɛ ni akɔ́ɔ́m aba i dɔ́, aba ase i ka, ‘Ya mibiɛ, m ɲa ya sandiiri nvonɛ kpa fie n nu e. Ye jaɲmɔ́ɲgu nvonɛ n fiteeri ni, kɔ sanɲaari nu a?’ ²⁸ Na wɔ́ bɔ́ bu nu ka, ‘M kpɔ́fɔ be kɔ yoori nyini a.’ Na i akɔ́ɔ́m n abisa i ka, ‘Ye a koro ka ya kɔ́ tutu jaɲmɔ́ɲgu nvonɛ n butu wɔ́, nzen se a?’ ²⁹ Na wɔ́ bɔ́ bu nu ka, ‘Am yaki i, dama nzen am ɲa am tutu jaɲmɔ́ɲgu nvonɛ ni, am sanɲa tutu i ni nvonɛ kpa n kere wɔ́. ³⁰ Am ma bu kere sanɲa nyi, haari nvonɛ n kpiɛ bá ju. Nyini sanɲa na m nya se nvonɛ kpiɛfɔ́m ni ka bu kpiɛ i kere na bu cin wɔ́ɔ́ jaɲmɔ́ɲgu nvonɛ n tien i nɔ́ɔ́ yara i ka. Nyini sanɲa na bu nya tien nvonɛ kpa ba gɔ́ m bondo nu.’ ”

Miɛnu fa kɔ alembaa kaan be jɔ́re su

³¹ Na Yesu abo bu miɛnu be bekun. I ɲa, “Kabo Nyeme femeya n ti yaa, i ti ka alembaa kaan kabo nyem mbaa ti n wɔ́, bo sɔ́ɔ́ be dɔ́ori i fiesu ni. ³² Yiri ti alembaam kere kaan, ama, bu nya ba dɔ́ori na i fiiri, i tara toro nyawam n kere bambaka, i koro nyi na i tetereki asambaam bo anumam koro yo bu tieirim su.”

Miɛnu fa kɔ kpɔ́ɔ́ ayiri n su

³³ Na Yesu akaaki abo bu miɛnu be bekun. I ɲa, “Kabo Nyeme femeya n ti yaa, i ti ka ayiri bo bu fa gɔ́ kpɔ́ɔ́ samene nu na i yasu ni, na bara be fa gɔ́ori samene beberebe nu, na i kere yasuuri n wɔ́.”

Deke bo i ti na Yesu boori nyini miɛnum ni

³⁴ Ahin n kere, Yesu boori jama n miɛnu wɔ́. Nahɔ́re, i se má bu pui, má ka miɛnu ye i bo bu a. ³⁵ I yoori sɔ́, adena nɔ́aniɛ n bo Nyeme nɔ́aniɛ kanfɔ́ n yo jɔ́jɔ́ori n yo yiiwa a. I ɲa,
 “Nyeme ɲa o,
 ‘M bó bu miɛnu wɔ́,
 na m má bu si deke n bo ba si má i,
 fite haari durunya n bumboori ni.’ ”

Kabo Yesu kereeri wura mbaa fiiwa n miɛnu n bu ni

³⁶ Sanɲa bo Yesu cin yakiiri jama n na i kɔ́ wuraari awuru n nu ni, na i susufɔ́m n aba i dɔ́, aba ase i ka, “Ya koro ka a yi jaɲmɔ́ɲgu nvonɛ n deɛ miɛnu n bu kere ya.” ³⁷ Na wɔ́ bɔ́ bu nu ka, “Sɔ́ɔ́ n bo i sandiiri nvonɛ kpa n la mini Adamande Wa ni. ³⁸ Fie n la durunya ni, na nvonɛ n la minem bo bu fa Nyeme yo bu feme ni. Na jaɲmɔ́ɲgu nvonɛ n la Sitana deɛ minem ni. ³⁹ Ye kpɔ́fɔ́ n bo i fa jaɲmɔ́ɲgu nvonɛ n sanɲa nvonɛ kpa n nu n la Sitana. Nvonɛ kpiɛ sanɲa n la durunya n awieeri, ye nvonɛ n kpiɛfɔ́m la Nyeme merékem ni. ⁴⁰ Kabo bu tientienri jaɲmɔ́ɲgu nvonɛ n nɔ́ɔ́, na bu yaraari i ni, sɔ́ ye i bá yo durunya n awieeri a. ⁴¹ Mini Adamande Wa ni súnma Nyeme merékem, na bu bá tambu yi satieyofɔ́m kere, ni deke kere bo i wura minem konvi na bu yo satie. ⁴² Na Nyeme merékem ni fá bu tu

cɛɛma sin nu, dɔ na bu sún, na bu kán bu saa. ⁴³ Na bo bu yo Nyeme sa koroowa n yiri nya yo wein ka wie, bu Si Nyeme femeya n nu. Bo i koro ka i ti ahin jɔre n bu, i ti ye ni ka i so i sui na i ti.”

Miɛnu fa kɔ ajɛkɛ n bo bu fundu seeri n su ni

⁴⁴ Na Yesu akaaki abo bu miɛnu be bekun. I ɲa, “Kabo Nyeme Feme nie i minem su yaa, i ti kabo sɔnɔ be kɔ ɲuuri ajɛkɛ be, bo ba fundu i ase fie be nu n wɔ. I ɲuuri i sɔ n na wɔ kaaki akata su, na ahorejɔ aba i dɔ agaya, na wɔ kɔ atɔ i nenje kere bo i la i ni, na wɔ kpie i nyi aba ato nyini asien ni.”

Miɛnu fa kɔ afere fofoe be bo i la anyunuyi agaya n su ni

⁴⁵ Na Yesu akaaki ase ka, “Bekun, kabo Nyeme Feme nie i minem su yaa, i ti kabo watafɔ be bo i nati nienie afere fofoem bo bu la anyunuyi agaya na i to n wɔ. ⁴⁶ Sanga bo i ba kɔ ɲuuri be bo i la anyunuyi na i la gɔ agaya ni, na wɔ kɔ atɔ i nenje kere, na wɔ fa ato i.”

Miɛnu fa kɔ jombaa tarafɔm diendie su ni

⁴⁷ Na Yesu akaaki ase ka, “Bekun, kabo Nyeme Feme nie i minem su yaa, i ti ka diendie be bo bu fa sandiiri nzue nu, na bu taraari jombaa barasu barasu kere n wɔ. ⁴⁸ Sanga bo diendie n yiiri ni jombaam ni, na ba cin i afite kperɛ su, na ba tana ka bu yiiri jombaam ni. Bo bu nya ɲuuri ka bu ti kpakpam ni, na bu fa bere ji bu jombaa tara bɔtɔm nu. Na bu nya fa bo bu ti má kpam fikindi tu. ⁴⁹ I bá yo sɔ ɔ, durunya n awieeri, Nyeme má i merɛkem ni nati ba yi satieyofɔm n fite bo bu yo sa bo i kɔ atin su Nyeme dɔ nu, ⁵⁰ na i fa satieyofɔm ni tu cɛɛma sin nu. Dɔ na bu sún, na bu kán bu saa.”

Miɛnu fa kɔ nenje fɔfɔre ni nenje dawa su ni

⁵¹ Na Yesu abisa bu ka, “Am ati ahin miɛnu n kere bu?” Na ba bɔ i nu ka, “Ya ti i bu.” ⁵² Na Yesu ase bu ka, “Tɔ, sɔnɔ kere bo i kere Nyeme nɔanie ni, na i siiri kabo Nyeme Feme atin ti barasu, i mi ayo ka awurufɔbie bo i yi i nenje fɔfɔre ni i nenje dawa fite i nenje woobiri sɔɔ n nu, na i fa ma minem wɔ.”

Kabo Yesu ɲa Nyeme nɔanie kanfɔ la má jirima i bɔsu ni

⁵³ Sanga bo Yesu boori nyini miɛnu kere kɔ wieeri ni, na wɔ yasu dika n nu dɔ. ⁵⁴ Na wɔ kpie i nyi akɔ i bɔsu. Na wɔ kan Nyeme jɔre akere minem, bu tientienbunɔɔ sɔɔ n nu. Na bo bu tiiri i kereewa n kere ayo alekutura. Na ba bisa bu ɲuɲu nu ka, “Nifansu ye ahin sɔnɔ n nyaari nyini alecira n ni yiko koro yo nyini alekutura sam n a? ⁵⁵ Má kampa n wa n læ? Má i ni la Mariya a? Má Yakobo, ni Yosefu, ni Simon, ni Yudasi n gɔrɔ n læ? ⁵⁶ Am nie e. Má i niema nbaram kere wo ya nu fen n a? Ye nifansu ye ahin sɔnɔ n kɔ sɔnsɔnri i si n kere a?” ⁵⁷ Na ba bu i ɲgbeen. Na Yesu ase bu ka, “Deke n kere bu ma Nyeme nɔanie kanfɔ jirima a, má ka i bɔsufɔm, ni i gisannufɔm ɲgumi dɔ.” ⁵⁸ I bɔsufɔm ayo má i yarada n dɛɛ ti, wɔ yo má alekutura sam beberebe dɔ.

14

Kabo bu kuunri Yohane Nyeme Nzue Biefɔ n barasu ni

¹ Nyini sanga ni, na Feme Herode ati Yesu ɲga. ² Na wɔ se i nkpien-kpienm bo bu wo i nyunu n ka, “Yohane Nyeme Nzue Biefɔ n læ, ye wo tenje i yiwee n nu a, nyini ti ye i la yiko koro yo nyini alekutura sam kere a.” ³ Feme Herode yo ma bu taraari Yohane nyiiri i wɔ, dama yiri

Feme Herode yo fiinri i goro Filipu yi Herodiya jaari wo. ⁴ Má pui ti, Yohane yo seeri Feme Herode ka, “Nyeme noanie kpamaawa n kere ka a la má atin ka a fa u goro yi ja i ngoo su.” ⁵ Má Feme Herode yo koroori ka i kun Yohane wo, ama, i soroori Yudafom jama n wo, dama ba se ka Yohane ti Nyeme noanie kanfo o. ⁶ Na Feme Herode baawu ceenkpiri di ceen, na Herodiya wa sunguru ago agore feme ni i jama n kere nyunu, na feme n ahore ajo. ⁷ Nyini ti, na wo tan ndie ase sunguru n ka, “Deke kere bo a koro, se m, na m má u.” ⁸ Na sunguru n ni ase i ka i ko se ka i koro Yohane Nyeme Nzue Biefo n tiiawa a. Na wo ko ase feme n ka, “M koro ka na a fa Yohane Nyeme Nzue Biefo n tiiawa ma m perente nu kisa kisa.” ⁹ Feme n tiiri so ni, na i ahore asaaki, ama, ndie n bo i taanri i jama n nyunu n dee ti, wo koro akaaki má i noo. Na wo ma noo ka bu yo sunguru n koroowa ma i. ¹⁰ Nyini ti, na wo ma bu ako akpie Yohane tii dansaraka soo n nu do. ¹¹ Na ba fa i tiiawa n ada perente n nu, aba ama sunguru ni, na yiri gusu afa ako ama i ni. ¹² Na Yohane susufom n aba afa fuin n ako ase i, na ba ko ama Yesu labari.

Kabo Yesu maari nbiesom akpii nnu ni bu minem diire ni

¹³ Yesu tiiri Yohane n jore labari n so ni, na wo fa lee ako deke bo mine n wo má, i ni i susufom ngumi. Minem tiiri so ni, na ba fite mie miem su anati bu jaa su, asa i su. ¹⁴ Sangha bo Yesu ko fiteeri lee n nu ni, na wo nu jama beberebe, na wo si bu anunfo, na wo ma tukpakifom bo bu woori do n anya laifie. ¹⁵ Nyini ceen n naaso sangha, na i susufom n aba i do, aba ase i ka, “Kisa wie ato, ya wo boro gusu wo lee. Ma minem n atin na bu ko mie kunnu, na bu ko nya diire be to di.” ¹⁶ Na Yesu ase bu ka, “I ti má deke bo bu ko pui, ambere mmoo ni am tii nya deke be ma bu na bu di.” ¹⁷ Na ba se i ka, “Deke bo ya la i fen n kere ti kpono nnu wo, ni jombaa nnyo.” ¹⁸ Na wo se bu ka, “Am fa bu ba ma m fen.” ¹⁹ Na wo ma minem noo ka, bu tantana wura fiefiewa n su. Na wo fa kpono nnu ni, ni jombaa nnyo ni, na wo ye i tii su angoro na wo da Nyeme asi. Na wo nya akpiekie kpono n nu afa ama i susufom ni, na bere gusu afa ama minem ni. ²⁰ Na sono kere adi, na bu kunnu ayi. Na i susufom n atambu kpono ni jombaa sinsin n bo bu diiri na i kaari ni, na ba nya kandie buru ni nnyo. ²¹ Minem bo bu diiri kpono n ni jombaa n kere ko yasuuri nbiesom akpii nnu wo, ba kan má nbaram ni nbaatumam awura má nu.

Kabo Yesu natiiri nzue su ni

²² Nyini sin na Yesu ama i susufom n awura lee n nu na bu du i mo kpie ko kunma kpiri n buekun, na yiri aka na i kaari jama ni. ²³ I kaariiri jama n wieeri ni, na wo fun ako kperere be su i ngumi ka i ko sere Nyeme. Haari wie ba toori kere, i toko wo do i ngumi. ²⁴ Nyini sangha na lee n yiri wo nzue n afien dede do, na nzue nyama sukpara i, dama anjuma sun bu ko bu sin wo. ²⁵ Na fa ko akonyuma ciciri su, na wo nati nzue n su suba bu do. ²⁶ Sangha bo bu nuuri ka i nati nzue n su ni, na sere ati bu agaya, bu na, “Njumi lee o.” Na ba bo awie, sere n dee ti. ²⁷ Kpenga na Yesu ajojo bu do, na wo se bu ka, “Am ma am ahore si, mini a, má am soro sere.”

²⁸ Na Petoro ase i ka, “M Mibie, nzen i ti woro nahore su a, se m ka m nati nzue n su bra u do.” ²⁹ Na Yesu ase i ka, “Bra.” Na Petoro afite lee n nu sunati nzue n su sukoo Yesu do. ³⁰ Ama, sangha bo i nuuri ka anjuma ni sukpie agaya so ni, na sere akaaki ati i, kpenga i suwura nzue n bu. Na wo bo awie ase ka, “M Mibie, de m tii ji.” ³¹ Kpenga na Yesu alaandi i saa aso i nu, na wo se i ka, “Woro, u yarada n ti kaan so. Nzu ti ye u sunsunni ti nnyo nnyo a?” ³² Na bu nnyo n kere awura lee n nu, na anjuma n atara.

³³ Na i susufom bo bu wo lee n nu n kere akansi i, bu na, “A ti Nyeme Wa a, nahore su.”

Kabo Yesu ma tukpakifom beberebe nyaari laifie ni

³⁴ Na ba kpie nzue n aba aju awore n bo bu fere i ka Genesareti ni. ³⁵ Na dofom asi ka Yesu lee, na ba sunma ako ase awore n nufom kere, na ba fa tukpakifom kere aba Yesu do, ³⁶ na ba sere i jande ka i ma bu fa bu saa kan i tanlee n jaa bu. Na bo bu yoori so n kere anya laifie.

15

Yudafom nana sayoowa jore

¹ Na Farasifo nbem, ni Yudafom Nyeme noanie kerefom afite Yerusalem mie kpiri n nu aba Yesu do, aba abisa i ka, ² “Nzu ti ye u susufom n akete ya nam sayoowa n a? Dama bu nmisi ma bu saa ka, na bu nya di diire.”

³ Na Yesu abo bu nu ka, “Nzu ti ye am akete Nyeme noanie maawa n ye am su am dee sayoowam su a? ⁴ Dama Nyeme ama noo ka, ‘Bu u si, ni u ni.’ Ye wo kaaki ase ka, ‘Sono kere bo i jooori i si, ni i ni jore tie, wo yo daka ka bu kun i mi.’ ⁵ Ama, ambere kere ka nzen sono be la deke be bo i ti ye ni ka i fa buka i si, ni i ni, i koro se bu ka, ‘Deke bo ma m na m fa ma am ni, ma fa ayi saraka ama Nyeme.’ ⁶ Am suse ka i mi koro kpie i si, ni i ni n nyini deke n lee. Nyini n kere ka am abu Nyeme dee noanie ni ngbeen lee, ye am su am dee sayoowam n su a. ⁷ Ambere burukoonufom ni, nahore ye Nyeme noanie kanfo Esaya yo kaanri am jore n a. Wo kere i kadasi n nu ka, Nyeme na o,

⁸ ‘Ahin minem ni, bu ma m jirima bu noo nu bere wo, ama, i wo ma bu ahore su.

⁹ Bu kansu m ngbeen wo, dama bu kere mine adamande dee kereewam wo, na bu se ka nyini kereewa n fite Nyeme do o.’ ”

Kabo Yesu na diire diiwa koro yo ma sono fin ni

¹⁰ Na Yesu afere jama n aba i bi, na wo se bu ka, “Am so am sui na am ti jore n bo m sujoko i ma am n bu. ¹¹ Ma diire bo i wura sono noo nu n yo i fin a, ama, jooowa bo i fite sono noo nu ni, yiri yo i fin a.”

¹² Na i susufom n aba i do, aba abisa i ka, “A si ka u jore n bo a jooori i n asun ma Farasifom n nu e?”

¹³⁻¹⁴ Na Yesu ase i susufom n ka, “Ma am bo bu nu, bu ti ka anyinsinm wo. Anyinsin gusu nya bitaari i bengu anyinsin n kpama, bu kere ko to kunma nu wo. Baka kere bo m Si Nyeme bo i wo angoro n ata ma i, i cin tu i wo.”

¹⁵ Na Peto ase i ka, “Kere ya anyundera n bu, bo a na sono noanie jooowa yo i fin ni.” ¹⁶ Na Yesu abisa bu ka, “Nka ambere gusu ati ma jore n bu lee? ¹⁷ Deke bo i wura sono noo nu, wura i kunnu wo, na i ko je yi i, ma so? ¹⁸ Ama, jooowa bo i fite sono noo nu fite i ahore su wo, nyini yo i fin a. ¹⁹ Dama deke bo i wo sono ahore su ma i sunsunni tie a. I koro ma i nati sukun minem, na i suyo sakaraya, na i susaaki ajaa ciire, na i suwo, na i nati sudi kore daani, na i nati susaaki minem duma. ²⁰ Nyini dekem kere koro yo sono fin a. Ama, nzen sono di diire na wo nmisi ma i saa, i yo ma i fin.”

Kabo bara bo i ti ma Yudafom yoori Yesu yarada ni

²¹ Na Yesu afite bere ako awore n bo i dodo Tiro ni Sidon mie kpirim ni. ²² Na bara be aba Yesu do, i ti ma Yudafom, i ti Kananafom o, bo i fite nyini awore n nu. Na wo bo afere Yesu, ase i ka, “M Mibie, Feme Davidi anuma,

si m aɲunfɔ. Ajinim wo m wa baabara ŋu, sukere i yaari agaya.” ²³ Ama, Yesu abɔ má i nu. Na i susufɔm n aba i dɔ, aba asere i jande, ase i ka, “Fɔn bara n na i kɔ. Niɛ kabo i su ya su, yo naɲmiɛ barasu a.” ²⁴ Na Yesu ase ka, “Nyɛmɛ asunma m Yisarelifɔm bo bu ti ka nbɔɛm na ba mini ni ngumi dɔ a.” ²⁵ Na bara n aba akutu i nyunu, ase i ka, “M Mibiɛ, buka m.” ²⁶ Na Yesu ase i ka, “I ti má ye ni ka, a fa nbaatumam diire na a fa ma caam.” ²⁷ Na bara n ase i ka, “M Mibiɛ, a la nahɔɛ, ama, haari ni nyini mmɔɔ, caam n tambu diire n bo bu fɔm di, na i tɔtɔ asiɛɲgu n na bu fa di.” ²⁸ Na Yesu ase i ka, “A ti bara yaradayofɔ ɔ, nahɔɛ su. Nyini ti, kabo a koro ni, i yó sɔ ma u a.” Dika n nu berɛ, na i wa n anya laifiɛ.

Kabo Yesu ma minɛ beberebe nyaari laifiɛ barasu ni

²⁹ Na Yesu afite berɛ, asu Galili kunma kpiri n su, na wɔ kɔ afun atana buka be su. ³⁰ Na jama beberebe afa wɔbukam, ni anyinsinm, ni bo bu saam ni bu jaam awu ni, ni bobom, ni tukpakifɔm beberebe, ka i ma bu laifiɛ, na wɔ ma bu anya laifiɛ. ³¹ Na minɛm n ayo alekutura, ni kabo bu ŋuuri ka bobom sujɔɔ, na minɛm bo bu saam ni bu jaam awu n anya laifiɛ, na wɔbukam sunati, na anyinsinm sunu asi ni, na ba kansɩ Nyɛmɛ n bo berɛ Yisarelifɔm su i ni.

Kabo Yesu maari nbiesɔm akpii nna ni bu minɛm diire ni

³² Na Yesu afere i susufɔm ni, na wɔ se bu ka, “Ahin jama n la m aɲunfɔ, dama i nyuma lesan lɛɛ bo bu wo m dɔ na bu la má deke bo bu di. M koro má ka m yaki bu na bu kɔ awuru ni ahɔɛ, má nyini, bu nbem tó cin atin nu wɔ.” ³³ Na i susufɔm n abisa i ka, “Ye nifansu ye ya nyá diire ma ahin jama beberebe n sɔ n na bu di na bu kunnu yi a?” ³⁴ Na Yesu abisa bu ka, “Am la kpɔnɔ nyɛ wɔ?” Na ba bɔ i nu ka, “Ya la kpɔnɔ nso wɔ, ni jombaa kan kan nbem.” ³⁵ Na Yesu ama jama n nɔɔ ka bu tana asiɛɲgu. ³⁶ Na wɔ fa kpɔnɔ nso n ni jombaa ni, na wɔ da Nyɛmɛ asi, na wɔ kpiekpie i nu, na wɔ fa ama i susufɔm ni, na berɛ gusu afa ama jama n ka bu di. ³⁷ Bu kere diiri, na bu kunnu ayi. Na i susufɔm n atambu sinsin kaawa n kandie nso. ³⁸ Minɛm bo bu diiri diire ni, nbiesɔm ngumi kɔ yasuari akpii nna a, ba kan má nbaram ni nbaatumam awura má nu. ³⁹ Na Yesu anya kaari jama ni, na ba kɔ awuru, na wɔ nya awura lee nu, akɔ awɔɛ n bo bu fere i ka Magadan n nu.

16

Kabo Yesu keteeri ka i yo má alekutura sa bo bu koro i ni

¹ Na Farasifɔm, ni Sadiusifɔ nbem aba Yesu dɔ, na ba koro ka bu sɔ i ngɛɛ. Nyini ti, na ba se i ka i yo alekutura sa be bo i kere ka i yiko n fite Nyɛmɛ dɔ ɔ. ² Na Yesu ase bu ka, “Sanga bo wie nya ba sutɔ, na am ŋu ka aɲgoro n kere ayo kɔkɔɛ, a ti ka am ŋa, ‘Ahunma dika ni bó, dama i ti kɔkɔɛ wɔ.’” ³ Nzen ngarama fuun, na am ŋu ka aɲgoro asanga kɔkɔɛ ni biri, a ti ka am ŋa, ‘Nyuma nzue tó.’ Am koro niɛ aɲgoro n na am si sa bo i bá yo, ama, am koro si má sam bo bu suyo jina n nu n yiri bu. ⁴ Amberɛ nyumafɔ, satieyofɔm bo am su má Nyɛmɛ ni, ye am koro ka m yó alekutura sa be na am niɛ? Ai, m yó ma alekutura sa be na am ŋu i fieo, má ka alekutura sa n bo Nyɛmɛ yo yoori i maari Jona ngumi ni.” I seeri sɔ wieeri ni, na wɔ yaki bu, na wɔ kɔ.

Ɔɔbɔɔwa fa kɔ Farasifɔm ni Sadiusifɔm dɛɛ kereewam n su

⁵ Saɗga bo Yesu susufom n kpie ko juuri kunma kpiri n bue kun do ni, na bu wara afi diire sa, ba bita ma kpono nu. ⁶ Na Yesu ase bu ka, "Am si am nu sa ni Farasifom ni Sadusifom dee kpono ayiri n bo bu fa go kpono nu na i yasu ni." ⁷ Na ba se bu nu nu ka, "Ya bita ma kpono aba ma n dee ti, ye i se so n a." ⁸ Na Yesu afa nu kabo i susufom n sujoko bu nu nu ni, na wo se bu ka, "Amberɛ bo am yarada n ti kaan so ni, nzu ti ye am sujoko am nu nu ka am bita ma kpono a? ⁹ Am nya ti ma sa n bu, nzen se? Am tenge ma su ka m yo faari kpono nnu kpiekpie maari mine akpii nnu? Ye bo i kaari ni, kandie nye ye am sasaari a? ¹⁰ Ye kpono nso n bo m yo fa kpiekpie maari mine akpii nna n di? Kandie nye ye am sasaari a? ¹¹ Ye nzu ti ye am si ma ka m sujoko ma kpono jore a? M na am si am nu sa ni Farasifom ni Sadusifom dee kpono ayiri n bo bu fa go kpono nu na i yasu ni." ¹² Na ba nya asi ka i suse ma bu ka bu si bu nu sa ni Farasifom ni Sadusifom dee kpono ayiri n wo, ama, i na bu si bu nu sa fa ko bu kereewa n dee atin su wo.

Kabo Petoro kereeri ka Yesu ti barasu ni

¹³ Saɗga bo Yesu fa ba juuri Sizariya Filipiya dee mie kan kanm su ni, na wo bisa i susufom ka, "Minem fa mini Adamande Wa n bu nma a?" ¹⁴ Na ba bo i nu ka, "Nbem na woro la Yohane Nyeme Nzue Biefo n a, nbem na woro la Nyeme noanie kanfo Eliya, nbem na woro la Nyeme noanie kanfo Jeremiya, ye nbem gusu na a ti dawa dee Nyeme noanie kanfo nyingam n kun wo." ¹⁵ Na wo nya abisa bu bekun ka, "Ye amberɛ fa m bu nma a?" ¹⁶ Na Simon Petoro abo i nu ka, "Woro ti Kristo Tiidefo n a, Nyeme n bo i wo bere saɗga kere n dee Wa ni." ¹⁷ Na Yesu ase i ka, "Simon Jona wa, terefie wo u do. Dama ma adamande yiiri ahin jore n bu kereeri u ka a joko a, ama, m Si Nyeme bo i wo angoro ni yi kereeri u a. ¹⁸ Nyini ti, m suse u wo lee ka, woro ti Petoro a, u duma bu la ka yabue ni. Nyini yabue n su ye m ma m jama minem kere jina a, na yiwee mmoo koro yo ma bu pui. ¹⁹ M fa Nyeme femeya n ano kadombaam ma u, na deke kere bo a ma minem atin ka bu yo i durunya n nu fen, i ti so o lee, Nyeme do. Na deke kere bo a ma ma minem atin ka bu yo i durunya n nu fen, i kaaki ti so o lee, Nyeme do." ²⁰ Nyini sin, na Yesu abobo i susufom ni ka ma bu ma be si ka yiri ti Kristo Tiidefo n a.

Kabo Yesu joko fa korri i yiwee n su ni

²¹ Fite nyini saɗga n fa ko, na Yesu abo i bu sukere i susufom n ka, "Wo yo daka ka m ko Yerusalem na m ko di wahara dongu fite Yudafo nkpienkpienm, ni Nyeme sayoowa donguyofa nkpienkpienm, ni Nyeme noanie kerefom do na bu kun m. Ama, na i lesan ceen, na Nyeme ma m tenge m yiwee n nu." ²² Na Petoro afa i ako aheme, na wo jarki i ase i ka, "M Mibie, ma a se ka a se so, Nyeme yo u kisi ni nyini sa ni. Nyini koro yo ma ceen be da." ²³ Na Yesu ace anie Petoro na wo tien i nu ase i ka, "Sitana, fa cinsi m bi bere. A sukanda m atin wo. A sunsun ma kabo Nyeme sunsun ni. A sunsun kabo adamande sunsun n wo."

²⁴ Na Yesu ase i susufom n ka, "Sono kere bo i koro ka i su m su, wo yo daka ka i mi wara fi i tiengu sa koroowa sa, na i fa i yiwee baka jaanu n so, na i su m su. ²⁵ Dama sono kere bo i koro ka i fa i ngoo fie, i mi ba fun i. Ama, sono kere bo i korri i ngoo mini ni m labari kpa n dee ti, i mi nya ngoo. ²⁶ Nzen sono nyaari durunya n nu deke n kere, na i fuunri i ngoo, i kperɛ la bono? Nzu deke ye sono fa kaaki i ngoo a? ²⁷ Dama mini Adamande Wa ni ba ba ni m Si Nyeme jirima woowa n nu, ni i merkem

ni, na m nyá tɔ sɔnɔ kere kaari, kabo i juma, wara i sayoowa ti barasu.
²⁸ Nahɔre ye m suse am n a, am nbem wo fen bo am wu má, má ka am
 aba anu ka mini Adamande Wa ni suba ka m bá niɛ m femeya n su.”

17

Kabo Yesu ηunie kaakiiri wo barasu ni

¹ Lesen cɛɛn sin na Yesu afa Petoro, ni Yakobo, ni yiri Yakobo niema Yohane, afun akɔ buka lenlenge be su, bu ni yiri ηgumi. ² Bu woori dɔ n na ba ηu ka i ηunie akaaki wo, na i nyunuawa aje ka wie, na i tanlee n akaaki fofoe papasi. ³ Dɔ na ba ηu mine nnyɔ nbem atie bu ηu, na bu ni Yesu subo anzama, bere la Moyisi ni Eliya, dawa dee Nyeme nɔanie kanfɔm ni. ⁴ Na Petoro ase Yesu ka, “M Mibie, i ti kpa ka na ya wo fen. Nzen má a soro su, m bó nambue nsan fen, u dee kun, Moyisi kun, na Eliya gusu dee kun.” ⁵ Saŋga bo i jina wo jɔjɔri su n na yinyinggu papasi akata bu ηu, na ba ti akonvi be nga yinyinggu n nu, na wo jɔjɔ bu dɔ, i ηa, “M wa koroowa lee bo m ahore ajo i ηu. Am de i nɔanie.” ⁶ I susufɔm n tiiri akonvi ni nga sɔ ni, na sere ati bu agaya, na ba butu asienggu. ⁷ Na Yesu aba afa i saa akan bu, na wo se ka, “Má am ma sere ti am, am yasu.” ⁸ Na ba ye bu tii su anie, ba ηu má sɔnɔ be kun, má ka Yesu ηgumi.

⁹ Na saŋga bo bu ba sujura buka n su ni, na Yesu abɔbo bu ka, “Má am be se ka i bo sa n bo am anu i n sufa kere sɔnɔ be, haari fa kɔ saŋga bo mini Adamande Wa ni bá wu na Nyeme bá ma m tenge m yiwee n nu ka.”

¹⁰ Dɔ na i susufɔm n abisa i ka, “Ye nzu ti ye Nyeme nɔanie kerefɔm n bita jɔjɔ ka wo yo daka ka Eliya dú mɔ ba ka, ye Kristo Tiidefɔ ni bá ba n a?”

¹¹ Na wo bo bu nu ka, “I ti nahɔre wo ka, Eliya dú mɔ ba na i bá sese deke n kere su. ¹² Ama, m suse am wo lee, ka, Eliya adu mɔ aba, na minem asi má i, na ba yo i kabo bu koro. Sɔ ye mini Adamande Wa n gusu bá di wahara minem saa nu a.” ¹³ Dɔ na i susufɔm n anya asi ka i jɔjɔ Yohane Nyeme Nzue Biefo n dee jɔre wo.

Kabo Yesu fɔn yiiri ajini fiteeri baa be ηu ni

¹⁴ Saŋga bo Yesu ni i susufɔ nsanm ni kpieeri bu nyi ba juuri jama n bi ni, na sɔnɔ be aba akutu i nyunu, ¹⁵ ase i ka, “M Mibie, si m wa baabiesɔ n anunfo. I tɔ ngbiti wo, bo i di wahara agaya. Saŋga kere bo i nya ba yasu i ηu, i fa i wura sin nu wo, wara nzue nu. ¹⁶ Ma fa i aba u susufɔm n dɔ lee ka bu ma i nya laifie, ama, ba koro atuntun má i na i nya laifie.” ¹⁷ Na Yesu ase bu ka, “Amaa. Amberɛ satieyofɔm, am la má yarada fieo. Nyuma sa ye m wo am dɔ fen a? Ye m yó sawɔre ni amberɛ kɔ ju se wo? Am fa baa n ba ma m fen.” ¹⁸ Na Yesu atien ajini n ηu, na wo fite ayaki baa ni. Dika n nu bere, na baa n anya laifie.

¹⁹ Nyini sin na Yesu susufɔm n aba i dɔ, bere ηgumi, aba abisa i ka, “Nzu ti ye yere akoro afɔn má nyini ajini n a?” ²⁰ Na Yesu abɔ bu nu ka, “I fite ka am yarada n ti kaan sɔ n dee ti a. Nahɔre ye m suse am n a, nzen am yoori Nyeme yarada bo i kɔ juuri kabo nyem mbaa ti ni mmɔɔ, am koro se nyini buka n ka, ‘Fite fen kɔ dɔ,’ na i kɔ. Deke wo má bere bo i yó kekereke ma am. [²¹ Ama, nyini ajini n ηusu sɔ koro fite yaki má sɔnɔ ηgbɛɛn sɔ, má ka nyemesere ni nɔɔ cici.]”

Kabo Yesu jɔjɔ fa kɔɔri i yiwee n su bekun ni

²² Saŋga bo i susufɔm ba tieɛnri bu nɔɔ Galili awɔre n nu ni, na Yesu ase bu ka, “Bu bá tɔ mini Adamande Wa n ma mine nbem, ²³ na bu kún m,

ama, bu kuunri m wieeri, i lesan cεen, Nyeme má m tenge m yiwee n nu." I jɔjɔri sɔ ni, na i susufɔm n ahore asaaki agaya.

Kabo Yesu tɔɔri Nyeme Sereebiri Awuru n nu lampo kaari ni

²⁴ Saŋga bo Yesu ni i susufɔm n ba juuri Kapenam miε kpiri n nu ni, na Nyeme Sereebiri Awuru n nu lampodefɔm n aba Petoro dɔ, aba abisa i ka, "Am kpien n tɔ Nyeme Sereebiri Awuru n nu lampo kaari, nzen i tɔ má?"

²⁵ Na Petoro abɔ i nu ka, "I tɔ wanla." Saŋga bo Petoro kɔ juuri awuru n nu n na Yesu adu mɔ abisa i dɔ ka, "Simon, ye wɔɔ ɲa se wɔ? Nɲmam tɔ lampo ɲwaa ma durunya n nu fen nfemem a, mienbaam nzen wɔfɔm?"

²⁶ Na Petoro abɔ i nu ka, "Wɔfɔm." Na Yesu ase i ka, "Nzen i nya tiiri sɔ de, mienbaam tɔ má lεε. ²⁷ Ama, yere koro má ka ya wura bu ɲgasi nu. Nyini ti, kɔ kunma kpiri n nu na a kɔ fa u kuwa n ji nu, jombaa kere bo a du mɔ taraari i, nie i nɔɔ nu, a ɲú ɲwaa bo i ju mini ni wɔɔ dεε Nyeme Sereebiri Awuru n nu lampo ɲwaa tɔ. Fa i na a fa kɔ tɔ mini ni wɔɔ tii su kaari."

18

Kabo Yesu kereeri sɔnɔ bo i tara bu kere ni

¹ Nyini saŋga ni, na Yesu susufɔm n aba i dɔ, aba abisa i ka, "Nɲma yo ya kere tii Nyeme femeya n nu a?" ² Dɔ na Yesu afere baa kaan be, aba ajina bu afien. ³ Na wɔ se ka, "Nahɔre ye m suse am n a, am wúra má Nyeme femeya n nu, má ka am kaaki am wo na am yo am ɲu ka baatuma kaan. ⁴ Nyini ti, sɔnɔ kere bo i yo i ɲu kaan ka ahin baa ni, yiri ti minem kere tii Nyeme femeya n nu a. ⁵ Sɔnɔ kere bo i deeri ahin baakan n ɲusu m dεε ti, wɔ de mini wɔ lεε."

Kabo wɔ yo daka ka má sɔnɔ wura satie nu ni

⁶ Na Yesu akaaki ase ka, "Wɔɔ kere bo u sayoowa ma ahin nbaatuma kan kanm n be bo i yo m yarada n be wuraari satie nu ni, i ti má kpa. Nzen má bu faari ɲgani san yabuε bambaka ciciiri u kɔm na bu fa u kɔ tu tieku nu ka nzue di u, i ti ye tara bo a ma ahin nbaatuma kan kanm n be wura satie nu ni. ⁷ Durunya n nufɔm bá ɲu anyumboro, dama bu yo sam bo bu ma mine kaaki bu sín bo m dεε atin n wɔ. Nyini sam ni yo wɔ, saŋga kere, ama, sɔnɔ kere bo i ma nyini sam yoori ni, yiri bá ɲu anyumboro.

⁸ Nzen u saa, wara u jaa cin u wura satie nu a, kaba kpie i fa tu na a ka asaasin, wara, ajaasin, na a nyá u ɲu kɔ Nyeme dɔ. I ti ye ni bo a la u saa nnyɔ ni u jaa nnyɔ n kere, na bu ba fa u tu cεema sin n bo i nɔ má n nu. ⁹ Nzen u nyumbaa kun gusu cin u wura satie nu a, lokoti yi i tu na a ka anyunu kun, na a nyá u ɲu kɔ Nyeme dɔ. I ti ye ni bo a la u nyumbaa nnyɔ n kere na bu ba fa u tu cεema sin nu ni."

Miεnu fa kɔ bɔε bo wɔ mini n su ni

¹⁰ Na Yesu ase ka, "Má am se ka am bu ahin nbaatuma kan kanm n be ɲgbεen. M suse am wɔ lεε, ka, bu dεε merεkem bo bu wo angoro ni, wo m Si Nyeme nyunu saŋga kere a. [¹¹ Dama, mini Adamande Wa n baari ka m ba nienie bo ba mini n wɔ, na m de bu tii ji.]

¹² Nzen sɔnɔ la nbɔem yaa, na bu nu kun miniiri, am sunsun ka i yo se wɔ? I yáki aburaŋɔna ni ɲɔna n wura diibiri kperε n su, na i kó nienie kun n bo wɔ mini ni, má sɔ? ¹³ Nahɔre ye m suse am n a, nzen i nienie kɔ ɲuuri nyini kun ni, i ahore jɔ i ɲu tara aburaŋɔna ni ɲɔna n bo ba mini má ni. ¹⁴ I ti sɔ ɔ lεε, am Si Nyeme bo i wo angoro n dɔ, i koro má ka ahin nbaatumam kun n kpein mmɔɔ mini."

Kabo ya niwa yo ya satie na ya yo barasu ni

¹⁵ Na Yesu akaaki ase ka, “Nzen wɔɔ kere bo u niwa yoori u satie be, ko i do na u ni yiri mine nnyo ni ngumi, na a se i ka wo yo u satie. Nzen i tiiri i bu ka wo yo u satie, i toko ti u niwa lee. ¹⁶ Ama, nzen i keteeri, yo anie na a nya sɔno kun, wara mine nnyo buka u nju su, na am ko nju i, adena mine nnyo, wara mine nsan n bo ba ti jore n yo u daanifom. ¹⁷ Nzen i keteeri bere gusu, na a nya fa i sereya n ko Kristo jama n kere do. Nzen i nya keteeri Kristo jama ni, am fa i ka sɔno bo i su ma Nyeme, wara satieyofu bo wo kete ka i kaaki ma i wo lee.”

¹⁸ Na Yesu akaaki ase ka, “Nahore ye m suse am n a, deke kere bo am ma minem atin ka bu yo i durunya n nu fen, i ti so o lee Nyeme do, na deke kere bo am ma ma minem atin ka bu yo i durunya n nu, i kaaki ti so o lee Nyeme do.

¹⁹ Nahore ye m suse am bekun n a, sangga kere bo am mine nnyo yoori am nookun, na am sereeri m Si Nyeme deke be, i yo i ma am. ²⁰ Dama deke kere bo mine nnyo, wara nsan tieenri bu noo m dee duma n nu, m wo bu do.”

Mienu fa ko kaari bitafu nnyo nbem su ni

²¹ Nyini sin na Petoro aba Yesu do, aba abisa i ka, “M Mibie, nzen m niwa nati yo m satie sangga kere, kpe nye ye m fa i satie ce i a? Kpe nso, nzen se?” ²² Na Yesu abo i nu ka, “Ai, m suse u wo lee ka, ma kpe nso co, ama, kpe aburasoso busu nso.” ²³ Na Yesu akaaki ase ka, “Nyini ti, kabo Nyeme femeya n ti yaa. Feme be yo woori bere a, ceen n be na wo se ka i bu akunta ni i akoom bo bu wo i do yo juma ni, na i si nwaa bo bu bita i. ²⁴ Sangga bo i boori i bu na i bu akunta ni, na ba fa i akoo n kun be bo i bita i nwaa kaari bo i la ma noo, aba i do. ²⁵ Kabo nwaa n sunnu so na i koro to ma kaari n ni, na feme n ama noo ka bu to i ni i yi, ni i nbaam, ni i deke kere bo i la i, na bu fa to kaari ni. ²⁶ Na akoo n akutu i mibie n nyunu asiengu, asere i ka, ‘Jande, si m anunfo, na m ko nienie nwaa n na m ba to kaari ni.’ ²⁷ Na i mibie n asi i anunfo, na wo fa kaari n ace i, na wo yaki i aji. ²⁸ I fiteeri bere, na i ni i bengu akoo n kun be bo i gusu bita i kaari n aye, i dee n sunnu ma fieo. Na wo so i bengu n kom nu amie i, na wo se i ka, ‘To m kaari n kisa kisa bere.’ ²⁹ Na i bengu n akutu haari asiengu, asere i ka, ‘Jande, si m anunfo, na m ko nienie u nwaa na m ba to u kaari.’ ³⁰ Ama, na wo kete, na wo ko anyi i bengu n saraka, na wo se i ka ma ka wo to i kaari ni. ³¹ I bengu nyingam nuuri sa n bo wo yo i n so ni, na bu ahore asaaki agaya, na ba ko ase feme n sa n bo wo yo i n kere. ³² Do na feme n afere i, ase i ka, ‘Woro satieyofu ngbeen ni, a sereeri m dee ti, ye m yakiiri u kaari n kere bo a bita i n fa ceeri u a. ³³ Ma wo yo daka ka woro mmoo siiri u bengu n anunfo na a fa ce i, kabo m nuuri u anunfo na m fa ceeri u ni.’ ³⁴ Na yaa ati feme n agaya, na wo ma bu afa nyini akoo n ako anyi i saraka, ka i ko di wahara do, haari fa ko ju sangga bo i ba to kaari n kere wie.” ³⁵ Na Yesu ase bu ka, “Nzen am afa ma am bengum satie ace ma bu am ahore su, so ye m Si Nyeme bo i wo angoro ni cin am sui a.”

19

Kabo Yesu kereeri minem fa ko ajaa ni ajaa yaki atin su ni

¹ Sangga bo Yesu jooori ahin jorem n kere wieeri ni, na wo yasu Galili awore n nu, ako Yudiya dee awore n nu, na wo ko akpie Yodan kunma n

buekun dɔ. ² Na jama beberebe asu i su, na wɔ ma tukpakifɔm bo bu wo jama n nu n anya laifie.

³ Na Farasifo nbem aba i dɔ, ka bu ba sɔ i nɔɔɛ fa kɔ i nɔɔɛ jɔjɔwa n su, na ba bisa i ka, “Ya dɛɛ atin n su, atin wo nu ka sɔnɔ koro fa i yi ji deke be dɛɛ ti?” ⁴ Na Yesu abɔ bu nu ka, “Ye ba kɛɛ i Nyemɛ Jɔɛ Kadasi n nu sɛ wɔ? Ba kɛɛ ka, fite durunya n bumboori, saŋga n bo Nyemɛ yiiri adamande ni, i yiiri biɛsɔ ni bara wɔ, ⁵ na wɔ se ka, ‘Nyini dɛɛ ti, i ti ye ni ka biɛsɔ n kpaaki i gisan yaki i si ni i ni, na i ni i yi n saŋga wo. Nyini saŋga, bu minɛ nnyɔ n ayo deke kun lɛɛ.’ ⁶ Bu wo má bu nɔɔɔgumi kun. Nyini ti, deke bo Nyemɛ anya asaŋga i awie, má sɔnɔ kpaaki i nu kun.” ⁷ Na ba bisa Yesu bekun ka, “Ye nzu ti ye Moyisi yo maari atin ka, nzen sɔnɔ koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji a?” ⁸ Na Yesu abɔ bu nu ka, “Am ahorembaa kekereke n dɛɛ ti, ye Moyisi yo maari am nyini atin n a. Ama, fite durunya n bumboori, i yo ti má sɔ. ⁹ M suse am wɔ lɛɛ, ka, sɔnɔ kɛɛ bo i faari i yi jiiri, na wɔ yo má ka bara n akɔ somaya ye i fa i jiiri, na i jaari bara fɔfɔɛ, i mi n asaaki ajaa ciire lɛɛ.”

¹⁰ Na i susufɔm n ase i ka, “Nzen i nya tiiri sɔ yiri, fa kɔ biɛsɔ ni bara dɔ, i ti kpa ka má be ja ajaa.” ¹¹ Na wɔ se bu ka, “Má sɔnɔ kɛɛ koro su ahin nɔɔɔɛ n su a, má ka bere bo Nyemɛ adu mɔ afa ama bu ni. ¹² Dama deke bo i ti na minɛ nbem ja má ajaa n la ka, bu biɛsɔ dika yo má juma n dɛɛ ti, nbem gusu, ba sa bu wɔ, ye nbem gusu kete ajaa fa kɔ Nyemɛ femɛya n jɔɛ dɛɛ ti. Nyini ti, sɔnɔ kɛɛ bo i koro de ahin nɔɔɔɛ ni, i mi de i.”

Kabo Yesu yoori nbaatumam kisi barasu ni

¹³ Na minɛ nbem afa nbaatumam aba Yesu dɔ, ka i fa i saa nana bu nɔ na i sere Nyemɛ ma bu. Ama, na i susufɔm n atien minem ni nɔ. ¹⁴ Na Yesu ase bu ka, “Am ma nbaatumam n bra m dɔ, má am fɔn bu. Dama bere nusu sɔ ye Nyemɛ femɛya n ti bu dɛɛ a.” ¹⁵ Na wɔ fa i saa anana bu nɔ na wɔ yo bu kisi, na wɔ nya afite bere akɔ.

Gbefɛnɛ nenɔfɔ n ni i nyemɛsu jɔɛ

¹⁶ Cɛɛn be, na gbefɛnɛ be aba Yesu dɔ, aba abisa i ka, “Ya Kerefɔ, m yo nzu sakpa ye m bá nya nɔɔɔ n bo i la má awieeri n a?” ¹⁷ Na Yesu abɔ i nu ka, “Nzu ti ye a bisa m fa kɔ deke bo i ti sakpa su a? Sɔnɔ kun n kpein wo bere bo i ti kpa. Nzen a koro ka a nya nɔɔɔ, su Nyemɛ nɔɔɔɛ maawam n su.” ¹⁸ Na wɔ bisa Yesu ka, “Nɔɔɔɛ maawa nbɔnɔm?” Na Yesu abɔ i nu ka, “Má a kun sɔnɔ. Má a saaki ajaa ciire. Má a wɔ. Má a di kɔɛ daani. ¹⁹ Bu u si ni u ni. Koro u bengɔ kabo a koro u nɔ ni.” ²⁰ Na gbefɛnɛ n ase i ka, “Ma su nyini nɔɔɔɛ maawa n kɛɛ su, ye nzu kaari a?” ²¹ Na Yesu ase i ka, “Nzen a koro ka u woowa n ti kabo Nyemɛ koro ka i ti n wɔ, kɔ na a kɔ tɔ u aja kɛɛ, na a fa nɔwaa n ma yaarifɔm, na a bá nya ajɛkɛ Nyemɛ dɔ, na a bra, ba su m su.” ²² Saŋga bo gbefɛnɛ n tiiri nyini sɔ ni, na wɔ yasu akɔ ni ahoresaaki, dama i la nenɔɔ agaya n dɛɛ ti.

²³ Na Yesu ase i susufɔm n ka, “Nahɔɛ ye m suse am n a, i yɔ kekereke ni bo nenɔfɔ wura Nyemɛ femɛya n nu. ²⁴ M suse am wɔ bekun lɛɛ ka, kabo nɔɔɔma sin misini bue nu ni, i ti má kekereke tara má kabo nenɔfɔ yo na i wura Nyemɛ femɛya n nu ni.” ²⁵ Saŋga bo Yesu susufɔm n tiiri nyini n sɔ ni, na ba yo alekutura agaya, na ba bisa i ka, “Ye nzen i ti sɔ, nɔma koro fite nu a?” ²⁶ Na Yesu anɛ bu dɔ, na wɔ se ka, “Ahin ti deke bo adamande koro yo má i, ama, Nyemɛ dɔ, i ti má pui, dama Nyemɛ koro yo deke kɛɛ.”

²⁷ Na Petoro ase i ka, “Tɔ, ye yere ayaki deke kere susu u su e. Ye ya nyá nzu wɔ?” ²⁸ Na Yesu ase bu ka, “Nahɔre ye m suse am n a, sanɔa bo mini Adamande Wa n ba tanaari m jirima tanaabiri n durunya fɔfɔre n nu, m má ambere bo am asu m su ni tana femeya bie buru ni nnyɔm n su, na am níe Yisarelifɔm anɔ buru ni nnyɔm n su. ²⁹ Na sɔnɔ kere bo i yakiiri i awuru, wara i ninbaam, wara i si, ni i ni, wara i nbaam, wara i asienm, mini deɛ ti, i mi nyá nyini n kere nusu yaa i nɔɔ su, na i káaki nya nɔɔ bo i la má awieeri. ³⁰ Am mine dɔngɔ bo bu wo mɔ kisa ni bá ka sin, na bo bu ka sin kisa n bá du mɔ.”

20

Miɛnu fa kɔ fie fɔ be ni i npadifɔm su ni

¹ Na Yesu akaaki ase ka, “Nyeme femeya n ti ka sɔnɔ be bo i yasuri alecin ngarama fuun, ka i kɔ nienie npadifɔm na bu kɔ yo i fie juma n wɔ. ² Na i ni bere adi gɔ, na wɔ soro su ka i tɔ bu lekun jumayoowa nkatɔ, jete nwaa kun. Na wɔ fa bu akɔ fie n su. ³ Na fa kɔ kerefi ngɔna sanɔa, na wɔ kaaki akɔ anu ka mine nbem tana gɔɔsu, bu yo má pui. ⁴ Na wɔ se bu ka, ‘Am ma ya kɔ m fie n su, na am kɔ yo m juma, na m tɔ am kaari, kabo am jumayoowa ti barasu.’ ⁵ Nyini ti, na ba kɔ. Na kerefi buru ni nnyɔ sanɔa, na wɔ kaaki akɔ gɔɔsu, akɔ anu ka mine nbem jina, na wɔ fa bu akɔ i fie n su. Na kerefi nsan sanɔa, na wɔ yo sɔ bekun. ⁶ Na fa kɔ naasɔ kerefi nnu sanɔa, na wɔ kɔ anu ka mine nbem jina ngbɛɛn, bu yo má pui. Na wɔ bisa bu ka, ‘Nzu ti ye am ba jina fen ngarama kun kere ngbɛɛn sɔ, na am yo má pui a?’ ⁷ Na ba bo i nu ka, ‘Be afa má ya ka ya yo i juma.’ Na wɔ se bu ka bere gusu kɔ na bu kɔ yo juma i fie n su. ⁸ Sanɔa bo wie ba tɔɔri n na fieɔ n fere i juma niesufɔ n na wɔ se i ka, ‘Fere jumayofɔm n kere na a tɔ bu kaari. Bo i bu tɔ bo bu baari kasin n ka, na a nya ba tɔ bo bu duuri mɔ baari ni.’ ⁹ Na bo bu baari ka sin n kere aba, na wɔ tɔ bu jete nwaa kun kun. ¹⁰ Sanɔa bo i ba kpuraari bo bu duuri mɔ baari ni, bu sunsuunri ka bu deɛ nkatɔ tara bo bu kaari sin baari n deɛ n wɔ. Ama, bu tɔɔri bu kere jete nwaa kun kun wɔ, kabo bu tɔɔri kasinfɔm ni. ¹¹ Bu deer i nwaa wieeri sɔ ni, na ba nunuti fie n fɔ ni. ¹² Bu nɔ, ‘A tɔ kasinfɔm bo ba yo má juma kpa be ni nkatɔ nyunyumi, na kabo a tɔɔri bu ni, a tɔ yere gusu bo ya baari ngarama kun kere, na ya ba adi yaari, na wie abo ya n gusu sɔ sɔ.’ ¹³ Ama, na fie n fɔ n abɔ nu, ase bu kun ka, ‘M dɔn, ti fen, ma sisi má am e. Bo mini si i n la ka, am soroori su ka am yo lekun juma, na am de jete nwaa kun wɔ. ¹⁴ Nyini ti, de u nwaa na a kɔ. M koro ka m ma kasinfɔ n kabo m maari u n wɔ. ¹⁵ M la má atin ka m yo m nwaa kabo m koro, nzen se? Wara, a si m kɔre fa kɔ m sakpa bo ma yo i n wɔ?’ ” ¹⁶ Na Yesu ase bu ka, “Ahin miɛnu n bu la ka, minem bo ba ka sin kisa ni, bá du mɔ, na bo ba du mɔ kisa n bá ka sin.”

Kabo Yesu jɔjɔ fa kɔɔri i yiwee n su kpe nsan su ni

¹⁷ Sanɔa bo Yesu ni i susufɔm, ni jama n sukɔ Yerusalem mie kpiri n nu ni, bu wo kɔ su sɔ ni, na wɔ fere i susufɔ buru ni nnyɔm n akɔ aheme, na wɔ se bu ka, ¹⁸ “Am ti fen. Ya sukɔ Yerusalem lɛɛ, dɔ ye bu kɔ tara mini Adamande Wa n a, na bu fá ma Nyeme sayoowa dɔnguyofɔ nkpienkpienm ni, ni Nyeme nɔanie kerefɔm ni, na bu dí m jɔre, na bu soro su ka bu kún m. ¹⁹ Na bere gusu nyá fa m wura minem bo bu ti má Yudaɔm saa nu, na bu yó m anzasi, na bu fín m ngbere, na bu nyá kpama m baka jaanu n su na m wu, na i lesan cɛɛn, na Nyeme má m tenge m yiwee n nu.”

Kabo Yesu kereeri ka mofɔ yo i ɲu kaan ni

²⁰ Na Zebedi yi afa i nbaa nnyom n aba akutu Yesu nyunu, asere i ahoroma ka i yo sa be ma i. ²¹ Na Yesu abisa i ka, “A koro ka m yo nzu ma u a?” Na bara n abo i nu ka, “M koro ka a ma nɔɔ ka sanɔa bo a bá diiri u femeya ni, a má m ahin nbaa nnyom ni atin na bu nu kun tana u saa fomboro su, na kun gusu tana u saa bie su.” ²² Na Yesu ase bu ka, “Am si má deke bo am susere i n ti a. Am koro di wahara n bo m dí i ni?” Na ba bo i nu ka, “Ἐν, ya koro yo i kere.” ²³ Na Yesu ase bu ka, “Ναὴρ, am dí wahara n bo m dí i ni. Ama, mini la má atin bo m má am be tana m saa fomboro su, na be tana m saa bie su. Ama, m Si Nyeme asese nyini tanaabiri n su, afa ase minem bo yiri ni i tii ayi bu n a.”

²⁴ Sanɔa bo i susufɔ burum n ba tiiri kabo Zebedi nbaa nnyom n seeri Yesu ni, na ba fa yaa bu ɲu. ²⁵ Na Yesu afere bu kere aba i bi, na wo se bu ka, “Am si tenle su ka minem bo bu su má Nyeme, na bu yo bu ɲu nkpienkpienm ni, bere mie bu minem a, na bu tereterefom gusu kere kabo bu yiko ti barasu. ²⁶ Ama, i ti má ye ni ka ambere yo so. Nzen sonɔ bo i koro ka i wura i ɲu kpiri am kere nu, wo yo daka ka i mi yo i ɲu kaan, na i su am. ²⁷ Na bo i kaaki koro ka i yo am mofɔ, i ti ye ni ka i mi yo am kere akɔɔ, ²⁸ kabo mini Adamande Wa n ni m tii aba má ka minem su m ni, ama, m baari ka m ba su minem wo, na m wu ma bu, na m de mine donɔu tii ji.”

Kabo Yesu tuntuunri anyinsin nnyo nbem na bu ɲuuri asi ni

²⁹ Sanɔa bo Yesu, ni i susufom ni sufite mie kpiri n bo bu fere i ka Yeriko ni, na jama beberebe asu bu su. ³⁰ Bu sukɔ ni, anyinsin nnyo nbem tana atin n nɔɔ su. Sanɔa bo bu tiiri ka Yesu susin ni, na ba bo afere i, bu ɲa, “Ya Mibie, Feme Davidi anuma, si ya anunfo.” ³¹ Na jama n atien bu ɲu ka bu yaki nanmie. Ama, na ba kaaki abo afere abuka su ka, “Ya Mibie, Feme Davidi anuma, si ya anunfo.” ³² Na Yesu aka ajina, na wo fere bu, na wo bisa bu ka, “Am koro ka m yo nzu ma am a?” ³³ Na ba bo i nu ka, “Ya Mibie, ya koro ka a ma ya ɲu asi wo.” ³⁴ Na Yesu asi bu anunfo, na wo fa i saa akan bu nyumbaa ni, kpenɔa na ba ɲu asi, na ba su i su.

21

Kabo Yesu fuunri kaako wuraari Yerusalem ka feme dee su ni

¹ Bu ko ɲa bu dodo Yerusalem mie kpiri n nu, na bu ɲa bu wura mie n bo bu fere i ka Befage ni, nyini mie n dodo buka n bo bu fere i ka Oliva Buka n wo, dama oliva bakam go su wo. Do na Yesu asunma i susufom n nu nnyo, ² na wo se bu ka, “Am ko mie kaan n bo i wo am nyunu do ni, am ko juuri, am ɲu ka kaako be minda, i wa jina i bi bere. Am nyangi i ni baa n kere bra. ³ Nzen be bisaari am ka nzu ti ye am sunyangi i a, am se i ka Mibie ni koro bu a, na i má am kaaki fa bu ba kisa kisa.”

⁴ Ahin yoori so ɔ, adena Nyeme noanie kanfo n noanie n bo i yo jooori i n yo yiiwa a, i ɲa,

⁵ “Se Siyonfom ka,

Am nie, am feme ni suba n a.

Wo yo i ɲu taraka, i fun kaako wo.”

⁶ Na i susufom n ako ayo kabo i seeri bu ni. ⁷ Na ba fa kaako n ni i wa n aba, na ba fa bu suturam anana bu ɲu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na jamam bo bu du i nyunu n ni bo bu wo i sin n kere, subo kuyigindi, bu ɲa,

"Hosana. Ya kansi Feme Davidi anuma ni.

Terefie wo yiri n bo i suba Micera n dee duma n nu n do.

Ya kansi Nyeme bo i wo angoro ni."

¹⁰ Yesu ko wuraari Yerusalem ni, na mie n abo nu, na ba bisa ka, "Ye sono sono la ahin a?" ¹¹ Na jama n abo nu ka, "Ahin ti Yesu wo, Nyeme noanie kanfo n bo i fite Nazareti mie n bo i wo Galili awore n nu ni."

Kabo Yesu fonri watafom fiteeri Nyeme Sereebiri Awuru n nu ni

¹² Na Yesu ako awura Nyeme Sereebiri Awuru n nu, na wo fon nenje tofom ni tofom kere afite awuru n nu, na wo kaaki njwaa kaakifom teebirim, ni tiywa tofom biem kere alanlana. ¹³ Na wo se bu ka, "Ba kere i Nyeme Jore Kadasi n nu ka, Nyeme na o, 'M awuru ni, bu ba fere i ka awuru bo bu ba sere Nyeme nu wo.' Ama, ambere afa i yo awiefom fieebiri."

¹⁴ Na anyinsinm, ni wobukam aba i do, Nyeme Sereebiri Awuru n nu, na wo ma bu anya laifie. ¹⁵ Sanga bo Nyeme sayoowa dnguyofom nkpienkpienm, ni Nyeme noanie kerefom n nuuri sam n bo i yoori bu ni, ni kabo nbaatumam bo bu woori Nyeme Sereebiri Awuru n nu bo tuntunri i ka, "Hosana. Ya kansi Feme Davidi anuma ni," na yaa ati bu. ¹⁶ Nyini ti, na ba bisa Yesu ka, "A ti kabo nbaatumam n ase ni e?" Na Yesu abo bu nu ka, "Een, ma ti. Am nya kan ma kabo ba kere i Nyeme Jore Kadasi n nu n wo? Bo ba kere ka,

'Woro Nyeme ye a kere nbaatumam, ni nbaatuma kan kanm,

kabo bu kansi u nahore su a.' "

¹⁷ Na Yesu ayaki bu bere, na wo fite mie n nu ako Betani mie n nu, ako ada do.

Kabo Yesu yoori damba baka be ngbeen ni

¹⁸ I alecin ngarama fuun, na Yesu sukpie i nyi ko Yerusalem mie n kunnu, na ahoe ati i. ¹⁹ Na wo nie anu damba baka be, atin n noo, na wo ko anie ka i nya suuwa n be di. Ama, i ko juuri baka n bu ni, wo nu ma pui su, se nyawa ngumi a. Do na wo se baka n ka, "Sin nyuma sin, woro su ma suuwa kun." Dika n nu bere, na baka n akaba awu. ²⁰ Sanga bo i susufom n nuuri nyini n so ni, na ba yo alekutura. Na ba bisa i ka, "Nzu ti ye baka n wuuri ndende so a?" ²¹ Na Yesu abo bu nu ka, "Nahore ye m suse am n a, woro kere bo a yoori Nyeme yarada na a yo ma sika, a koro yo sa n bo ma fa ayo ahin damba baka n be. Ma ahin ni ngumi, haari nzen a seeri ahin buka n ka, 'Yasu ko to tieku n nu,' i yo so o. ²² Nzen am yoori yarada, deke kere bo am sere Nyeme ka am koro i, Nyeme yo i ma am."

Kabo bu bisaari Yesu deke bo i yiko n fite ni

²³ Na Yesu akpie i nyi aba awura Nyeme Sereebiri Awuru n nu, na i sukere minem. I wo kere su so n na Nyeme sayoowa dnguyofom, ni Yudafom nkpienkpienm aba i do, na ba bisa i ka, "Nma dee yiko nu ye a yo nyini sam kere a? Nma ma u nyini yiko ni, ye a yo nyini sam n a?"

²⁴ Na Yesu abo bu nu, ase bu ka, "Am ma m du mo bisa am bisaawa kun be ka, na nzen am boori m nu, na m gusu nya se am deke bo m yiko n fite.

²⁵ Nma maari Yohane atin ye i ba bieeri minem Nyeme nzue n a? Nyeme nzen adamande?" Na ba se akuruwa bu nu nu, kabo bu bo Yesu nu barasu. Bu na, "Nzen ya se i ka Nyeme maari i atin a, i bisa ya ka ye nzu ti ye ya da ma Yohane nu a? ²⁶ Ama, nzen ya seeri i ka adamande do, ya soro sere ka jama ni yaki ma ya. Ma pui ti, dama sono kere soroori su ka Yohane yo tiiri Nyeme noanie kanfo o nahore su." ²⁷ Nyini ti, na ba bo i nu ka, "Ya si ma." Na yiri gusu ase bu ka, "Mini mmoo se ma am sono bo i dee yiko nu na m yo ahin sam n kere ni."

Miɛnu fa kɔ sɔnɔ be ni i nbaa nnyɔ nbem su

²⁸ Na Yesu abisa bu ka, “Am sunsun ka ahin miɛnu bu la ka sɛ wɔ lɛɛ? Sɔnɔ be yo woori berɛ a, i la nbaabiesɔm nnyɔ. Cɛɛn be na wɔ kɔ kpɛn n dɔ, akɔ ase i ka, ‘M wa, kɔ baka suuwam fie n nu, na a kɔ yo juma nyuma.’ ²⁹ Na baa n ase i ka, ‘M kɔ má.’ Ama, kasin, na baa n aba akaaki i sunsunni, na wɔ kɔ. ³⁰ Na wɔ kɔ nyinga n dɔ, akɔ ase i gusu. Na baa n ase i ka, ‘Ma ti, m kɔ.’ Ama, wɔ kɔ má. ³¹ Tɔ, bu minɛ nnyɔm n nu, nɛma yoori i si n sa koroowa?” Na ba bɔ i nu ka, “Baakpɛn ni.” Dɔ na Yesu ase bu ka, “Nahɔrɛ ye m suse am n a, lampodefɔm ni sakaram kerɛ sufa Nyɛmɛ yo bu fɛmɛ yaki am. ³² Dama ka, Yohane baari ka i bá kere am sa bo i kɔ atin su Nyɛmɛ dɔ ɔ, ama, am ayo má i yarada, na lampodefɔm ni sakaram, berɛ ayo i. Haari ni bo am nɛuuri kabo bu yoori yarada ni, am akaaki má am wo, na am yo i yarada.”

Kabo Yesu boori miɛnu niiri Yudaɔm nkpienkpiɛnm ni

³³ Na Yesu ase bu ka, “Am so am sui na am ti miɛnu n be bekun. Awuru-fɔbiɛ be yo woori berɛ a, na wɔ dɔ i baka suuwa barasu be fie, na wɔ kanda abara ayɛ fie ni. Na wɔ lokoti yabue bambaka be kunma, ka i sumiɛmiɛ baka suuwam ni nzue gɔ nu. Na wɔ ta kpafiri lenlenge be ka bu tana su suniɛ fie n kerɛ su, na wɔ nya afa fie n awura i npadifɔm saa nu. Na wɔ kɔ atin. ³⁴ Saɔga bo i siiri ka wɔ ka kaan na baka suuwam n bí ni, na wɔ sunma i akɔɔm i npadifɔm n dɔ ka bu kɔ de i dɛɛ bo ba nya i n bra. ³⁵ Akɔɔm n kɔ juuri ni, na ba bo bu nu kun, na ba kun nyinga, na ba tu nyinga n gusu yabue. ³⁶ Na sɔnɔ n asunma i akɔɔ nyingam bekun, bu sunnu tara ciciri dɛɛm ni, na npadifɔm n ayo bu kabo bu yoori ciciri su dɛɛm ni. ³⁷ Na kasin, na wɔ ba asunma i wa, na wɔ se ka, ‘Bu má m wa n yiri jirima.’ ³⁸ Ama, saɔga bo npadifɔm n nɛuuri ka baa ni suba ni, na ba se bu nɛnu nu ka, ‘I wa n bo i dí i aja n lɛɛ suba n a. Am bra na ya kun i na aja n kerɛ ká ya dɛɛ.’ ³⁹ Dɔ na ba tara i, na ba cin i atu baka suuwa fie n ahɛmɛ, na ba kun i.” ⁴⁰ Na Yesu anya abisa bu ka, “Am sunsun ka fie fɔ n ba baari, i yó nyini npadifɔm ni sɛ wɔ?” ⁴¹ Na ba bɔ i nu ka, “I bá ma nyini minɛ tieɔm n kerɛ wu kenkesi yiwee wɔ, na i fá fie n wura npadifo fɔfɔrɛm saa nu, berɛ bo bu má i nya i dɛɛ baka suuwam, saɔga bo bu ba biiri ni.”

⁴² Na Yesu ase bu ka, “Am nya kan má kabo ba kerɛ i Nyɛmɛ Jɔrɛ Kadasi n nu ni, nzen sɛ? Bu nɛa,

‘Yabue n bo bondo tafɔm n faari i tuuri ni,
yiri ye wɔ kaaki bondo n jaa yabuɛm n kerɛ tii a.
Micɛra ni yoori i sɔ a.

Ya nɛu i na wɔ yo ya alekutura.’ ”

⁴³ Na Yesu ase bu ka, “M suse am wɔ lɛɛ, ka, bu dé Nyɛmɛ fɛmɛya n fite am dɔ, na bu fá ma minɛm bo bu bita i na i la kpɛrɛ ni.” [⁴⁴ Na wɔ kaaki ase ka, “Sɔnɔ kerɛ bo i kpaasiiri ahin yabue n su, i mi búbu nu wɔ mumuku, na sɔnɔ kerɛ gusu bo ahin yabue n tɔori i nɛu, i sán i mi samɛnɛ wɔ.”]

⁴⁵ Nyɛmɛ sayoowa dɔnguyofɔm, ni Farasifɔm n tiiri miɛnu n bo Yesu boori i sɔ ni, na ba fa nu ka i boori i niiri berɛ wɔ. ⁴⁶ Nyini ti, na ba kpini atin kabo bu yo na bu tara i, ama, bu soroori jama n wɔ, dama bu kerɛ nɛa i ti Nyɛmɛ nɔaniɛ kanfɔ ɔ.

22

Miɛnu fa kɔ konyaya di ni nu bambaka n su

¹ Na Yesu akaaki abo miɛnu be bekun, i ɲa, ² “Kabo Nyeme femɛya n ti yaa. Femɛ be yo sɛsɛeri i wa konyaya di ni nu su fa seeri a. ³ Na wɔ sunma i akɔɔm ka bu kɔ fere minem bo wɔ du mɔ abaandi bu ka bu ba konyaya di ni nu ni, ka bu bra. Ama, na ba kete ka bu ba má. ⁴ Na wɔ kaaki asunma akɔɔ nyiŋgam ka bu kɔ se bere n bo wɔ du mɔ abaandi bu n ka, ‘Am bra, dama ma yo m di ni nu n siriya kere awie. Haari ma kun m tooram, ni nengendɔre bo bu la lui ni, ayo siriya kere awie. Am bra na am ba konyaya di ni nu ni.’ ⁵ Ama, bu be mmɔɔ abɔ má bu nu. Na ba ka bu juma n yo su. Kun kɔori i fiesu wɔ, na nyiŋga gusu akɔ i juma yoobiri. ⁶ Na nyiŋgam n atara i akɔɔm ni, na ba kere bu wuwuruwa, na ba kun bu. ⁷ Dɔ na yaa ati femɛ n agaya, na wɔ sunma i sojam, na ba kɔ akun nyini mine kunfɔm ni kere, na ba yara bu miɛ ni. ⁸ Na wɔ fere i akɔɔm ni, na wɔ se bu ka, ‘Konyaya di ni nu n ayo siriya, ama, minem bo m duuri mɔ baandiiri bu ka bu ba di i ni, i ti má ye ni ka bu dí i kun. ⁹ Nyini ti, am fite kɔ atingberem su, na am kɔ fere minem barasu kere bo am ɲuuri bu ni, ka bu bra konyaya di ni nu ni.’ ¹⁰ Na akɔɔm n akɔ atingberem su, akɔ atien minem kere bo bu kɔ ɲuuri bu n nɔɔ aba, mine kpam ni tiem kere. Na konyaya awuru n ayi ni jama beberebe.

¹¹ Na femɛ n akɔ, ka i kɔ nie jama ni, na wɔ ɲu ka sɔnɔ kun be wo jama n nu, i wura má konyaya sutura. ¹² Na femɛ n abisa i ka, ‘M dɔn, a yo se wuraari awuru n nu fen, ye a wura má konyaya sutura a?’ Ama, sɔnɔ n akoro abɔ má i nu. ¹³ Na femɛ n ase i ngbefenem ka, ‘Am tara i, na am cici i saam, ni i jaam nyama, na am fa i tu dasin dɔ, awosin n nu. Dɔ na i sún, na i kán i saa.’ ” ¹⁴ Na Yesu anya ase bu ka, “Minem bo Nyeme afere bu n sunnu, ama, bo wɔ yi bu n sunnu má.”

Kabo bu sɔori Yesu ɲgeɛ lampo tɔ busu ni

¹⁵ Na Farasifɔm n afite akɔ asese su kabo bu sɔ Yesu ɲgeɛ, na bu nya i taraabiri fa kɔ i nɔanie jɔjɔwa su. ¹⁶ Na ba sunma bu susufɔm, ni Femɛ Herode minem Yesu dɔ, na ba kɔ ase i ka, “Ya Kerefɔ, ya si ka a ti nahɔre sefɔ ɔ, na a kere minem kabo Nyeme atin ti nahɔre su, na u cɛce wo má kabo minem jɔjɔ nu, dama a nie má sɔnɔ jinaabiri ti. ¹⁷ Tɔ, a ɲa se wɔ? Ya dɛɛ atin n su, atin wo nu ka ya tɔ lampo ma Romafɔm Femɛ Kpiri Siza, nzen atin wo má nu?” ¹⁸ Ama, na Yesu asi ka bu bita sunsunni tie wɔ, na wɔ se bu ka, “Ambere burukɔɔnufɔm ni, nzu ti ye am sukoro ka am sɔ m ɲgeɛ a? ¹⁹ Am fa ɲwaa n bo bu fa tɔ lampo kaari n bra na m nie.” Na ba fa ɲwaa n aba ama i, ²⁰ na wɔ de ɲwaa n anie, na wɔ bisa bu ka, “Nɲma dɛɛ tii ni i duma wo ɲwaa n su n a?” ²¹ Na ba bɔ i nu ka, “Femɛ Siza dɛɛ a.” Na Yesu ase bu ka, “Tɔ, deke bo i ti Femɛ Siza dɛɛ, am fa ma Femɛ Siza, na deke bo i ti Nyeme dɛɛ, am fa ma Nyeme.” ²² Saŋga bo bu tiiri ahin nɔanie n sɔ ni, na ba miɛ, na ba kɔ ayaki i.

Kabo bu bisaari Yesu fa kɔori yiwee tenge jɔre su ni

²³ Nyini cɛɛn n gbingbin na Sadiusifɔ nbem aba Yesu dɔ. Bu dɛɛ kereewa la ka Nyeme tenge má minem bu yiwee n nu n a. Na ba ba abisa i jɔre be, bu ɲa, ²⁴ “Ya Kerefɔ, Moyisi yo seeri ka, nzen sɔnɔ wu yakiiri i yi, na i ni bara n anya má baa, wɔ yo daka ka i niema n fa kunafo n na bu wu nbaam ma yiri n bo wɔ wu ni. ²⁵ Tɔ, sɔnɔ be yo laari nbaabiesom nso wɔ, ya nu fen, na baakpien n aja bara, na wɔ wu ayaki bara ni, ba wu má baa. ²⁶ Sɔ ye bo i tɔ i su nnyɔ su, ni nsan su n yoori a, haari fa kɔ kpuraari nso su ni. ²⁷ Na bara n ni i tii aba aka sin awu. ²⁸ Tɔ, kabo bu mine nso n kere

aja bara n na ba wu so ni, cɛɛn bo Nyɛmɛ bá tɛnge minɛm bu yiwee n nu ni, bara ni ká ŋma dɛɛ tenle su a?"

²⁹ Na Yesu abo bu nu ka, "Am amini atin. Dama am ti má deke bo ba kere i Nyɛmɛ Jɔre Kadasi n nu n bu, na am kaaki si má kabo Nyɛmɛ yiko n ti barasu. ³⁰ Dama sanɔa bo Nyɛmɛ bá tɛnge minɛm bu yiwee n nu ni, ajaa wo má bere kun. Ama, nyini cɛɛn ni, sonɔ kere kaaki ka Nyɛmɛ merɛkem bo bu wo anɔoro n wɔ, dama bu ja má ajaa kun. ³¹ Na fa kɔ kabo Nyɛmɛ bá tɛnge minɛm bu yiwee n nu barasu ni, am akan má Nyɛmɛ Jɔre Kadasi n nu kabo i yo seeri am n wɔ, nzen se? I ŋa, ³² 'Mini ti Abraham, ni Izaki, ni Jakɔbu dɛɛ Nyɛmɛ n a.' " Na Yesu asa su ase bu ka, "Tɔ, kabo Nyɛmɛ ŋa i ti nyini minɛm n dɛɛ Nyɛmɛ ni, nyini kere ka bu toko la ŋɔɔ lɛɛ, dama Nyɛmɛ ti má bo ba wu n dɛɛ Nyɛmɛ, ama, i ti bo bu la ŋɔɔ ni dɛɛ Nyɛmɛ a." ³³ Minɛm n tiiri i kereewa n so ni, na ba yo alekutura.

Nyɛmɛ nɔanie maawa n bo i tara bu kere n jɔre

³⁴ Sanɔa bo Farasifɔm tiiri ka Yesu ajojo ayi Sadusifɔm ni, na ba tien bu nɔɔ i dɔ. ³⁵ Na bu nu kun be, bo i ti Nyɛmɛ nɔanie kerefɔ n abisa Yesu bisaawa be ka i so i ŋɛɛ. I ŋa, ³⁶ "Ya Kerefɔ, Nyɛmɛ nɔanie maawa n bo i wo i nɔanie kpamaawa n nu ni, bonɔ tara bu kere a?" ³⁷ Na Yesu abo i nu ka, "Ba kere ka, 'Koro Micera u Nyɛmɛ ni, ni u ahorembaa kun, ni u awiewie, ni u sunsunni kere.' ³⁸ Ahin ti nɔanie maawa n bo i tara i kere a. ³⁹ Bo i tɔ su nnyɔ su n ti ka nyini n wɔ. Ka o, 'Koro u benggu kabo a koro u ŋu ni.' ⁴⁰ Kabo ba kere Nyɛmɛ nɔanie kpamaawam n kadasi n nu, ni Nyɛmɛ nɔanie kanfɔm n dɛɛ n nu ni, i kere jina ahin nɔanie maawa nnyɔm n su wɔ."

Kristo Tiidefɔ n bo i ti Feme Davidi anuma n jɔre

⁴¹ Sanɔa bo Farasifɔm nbem ba tientienri bu nɔɔ ni, na Yesu abisa bu jore be fa kɔ Kristo Tiidefɔ n su. I ŋa, ⁴² "Am fa Kristo Tiidefɔ n bu ŋma a? Am sunsun ka i ti ŋma dɛɛ anuma a?" Na ba bo i nu ka, "I ti Feme Davidi anuma a." ⁴³ Na Yesu abisa bu ka, "Ye nzu ti ye Nyɛmɛ Awiewie n ba wuraari Feme Davidi ŋu, ye i fereeri i ka i Mibie a? I ŋa,

⁴⁴ 'Na Micera n ase m Mibie n ka,
"Ba tana m saa fɔmbɔɔ su fɛn,

haari m bá má u kpɔfɔm kere ba kutu u jaa bu." '

⁴⁵ Tɔ, nzen Feme Davidi mmɔɔ ni i tii yo fereeri Kristo n ka i Mibie, ye Kristo n yo se kaaki yo Feme Davidi anuma a?" ⁴⁶ Be akoro anya má nɔanie be abo má i nu. Nyini ti, fite nyini cɛɛn n sin, be abo má su ka i bisa Yesu jore bekun.

23

Kabo Yesu ŋa minɛ si bu ŋu sa ni Yudaɔfɔm tereterefɔ nbem ni

¹ Na Yesu ajojo i susufɔm n ni jama n dɔ, na wɔ se bu ka, ² "Nyɛmɛ nɔanie kerefɔm, ni Farasifɔm n ade Moyisi dɛɛ jinaabiri ni, ye bu kere minɛm Nyɛmɛ nɔanie kpamaawa n a. ³ Nyini ti, deke kere bo bu fa kere am ni, am soro i su, ama, má am yo sam bo bu yo bu ni, dama bere yo má sam bo bu kere ka minɛm yo bu ni. ⁴ Bu cici sɔɔri nɔnɔɔri sɔ minɛm wɔ, ama, bere ni bu tii soro má su ka bu fa bu saa kan i. ⁵ Deke kere bo bu yo i, bu koro ka minɛm ŋu bu wɔ, na bu kansu bu. Bu kere Nyɛmɛ nɔanie n wɔ, na bu yo i ka sebe, na bu fa cici bu ŋuma su, adena minɛm ŋu i. Na bu yo bu tanlɛɛ nɔɔ njɔrem tintiin. ⁶ Nyini minɛm n anya awura bu tientienbunɔɔ sɔɔm n nu ni, wara ba nya afere bu tientienbunɔɔ bambaka

diire diibirim ni, bu koro ka bu tana kpirikoro tanaabirim wɔ. ⁷ Bu koro ka minem suyo bu anse gɔɔsu wɔ, na bu ma bu jirima, na bu fere bu ka, 'Ya Kerefɔ.' ⁸ Ambere, má am ma be fere am ka 'Ya Kerefɔ,' dama am la kerefɔ kun n kpein wɔ. Ambere kere ti nibaam wɔ. ⁹ Má am fere be ka am si, durunya n nu fen, dama am la Si kun n kpein wɔ, yiri wo angoro n a. ¹⁰ Má am ma be fere am ka i kpien, dama am kpien ti kun n kpein wɔ, yiri la Kristo Tiidefɔ ni. ¹¹ Bo i ti am kere tii ni, wɔ yo daka ka yiri su am a. ¹² Sɔnɔ kere bo i wura i ɲu kpiri, Nyeme yó i mi kaan, na sɔnɔ kere bo i yo i ɲu kaan, Nyeme wúra i mi kpiri."

Kabo Yesu ɲa Yudaɔm teretereɔ nbem bá ɲu anyumboro ni

¹³ Na Yesu akaaki ase ka, "Ambere Nyeme nɔanie kerefɔm, ni Farasifɔm n bo am ti burukɔnufɔm ni, am bá ɲu anyumboro. Am kanda minem wɔ, adena má bu su Nyeme femeya n atin su, dama ambere ni am tii kete ka am su má i atin n su, na am sukanda bo bu koro ka bu su i su ni. [¹⁴ Ambere Nyeme nɔanie kerefɔm ni Farasifɔm n bo am ti burukɔnufɔm ni, am bá ɲu anyumboro. Am sisi nkunafɔm na am fin bu neɲgem wɔ, na am jina sere Nyeme ce, adena minem ɲu ka am ti mine kpam wɔ. Jina ceen, ambere bá nya suicin tara minem kere.]

¹⁵ Ambere Nyeme nɔanie kerefɔm ni Farasifɔm n bo am ti burukɔnufɔm ni, am bá ɲu anyumboro. Am kpie tiekum wɔ, na am kɔ miem bo bu waarim su, adena am nya sɔnɔ kun mmɔ bo i káaki i wo na i su am su, na sanɲa bo am nya nyaari i mi, am ma i satie yoowa tara am deɛ wɔ, adena yiri dú am mɔ kɔ ceema sin nu.

¹⁶ Ambere bo am ti ka anyinsinm na am kere minem atin ni, am bá ɲu anyumboro. Am ɲa nzen sɔnɔ taanri ndie fa kɔ Nyeme Sereebiri Awuru n dɔ, i ti má pui. Ama, nzen sɔnɔ kere bo i taanri sika neɲgem n bo bu wo Nyeme Sereebiri Awuru n nu ni, i mi ma i ndie taanwa n yo yiiwa. ¹⁷ Ambere bo am ti ka anyinsin sinnzinm ni, bɔnɔ tara i beɲgu a? Sika neɲgem ni, nzen Nyeme Sereebiri Awuru n bo yiri ma sika neɲgem n yo casi n a? ¹⁸ Am kaaki ɲa, nzen sɔnɔ taanri Mikun n yoowa yoobiri ni, i ti má pui. Ama, nzen sɔnɔ taanri aceerim bo ba fa ase Mikun n yoowa yoobiri n su ni, wɔ yo daka ka i mi ma i ndie taanwa n yo yiiwa. ¹⁹ Ambere bo am ti ka anyinsinm ni, bɔnɔ tara i beɲgu a? Aceerim ni, nzen Mikun n yoowa yoobiri n bo i ma aceerim n yo casi n a? ²⁰ Nyini deɛ ti, sɔnɔ kere bo i taanri Mikun n yoowa yoobiri ni, i mi atan i ni dekem kere bo bu wo su n wɔ leɛ. ²¹ Na sɔnɔ kere bo i taanri Nyeme Sereebiri Awuru ni, i mi atan i ni Nyeme bo i wo nu n wɔ leɛ. ²² Na nzen sɔnɔ kere bo i taanri angoro ni, i mi atan Nyeme femeya bie n wɔ leɛ, ni yiri Nyeme bo i tana su ni.

²³ Ambere Nyeme nɔanie kerefɔm, ni Farasifɔm n bo am ti burukɔnufɔm ni, am bá ɲu anyumboro. Am yi am jakam ma Nyeme wɔ, haari ni am maakunm, ni ɲgetem, ni nvannvanm kere, ama, am yo má sam bo Nyeme nɔanie kpamaawa n kere ka am yo bu n na bu la anyunuyi tara bu kere ni. Bere la nahɔre sam, ni aɲunfɔ si, ni yaradayo. Wɔ yo daka ka na am yo nyini sam sanɲa kere, na am fa jaka yiiwam buka su. ²⁴ Ambere ti ka anyinsinm na am kere minem atin ni. Am kpokpo yi ɲminsɛnm bo bu ti kan kanm n wɔ, am deke nuuwam nu, ama, na am sanɲa nu nyɔɔmam bere, am deke nuuwam nu.

²⁵ Ambere Nyeme nɔanie kerefɔm, ni Farasifɔm n bo am ti burukɔnufɔm ni, am bá ɲu anyumboro. Am ɲmisi am kɔpum ni taalem sin wɔ, ama, na bu kunnu ayi ni dekem bo am fin bu fanɲa, ni anyii sayoowam wɔ.

²⁶ Wɔrɔ Farasifo bo a ti ka anyinsin ni, du mɔ yo u kɔpu n kunnu casi ka, na i sin n gusu nyá yo casi.

²⁷ Ambere Nyeme noanie kerefom, ni Farasifom n bo am ti burukɔɔnufom ni, am bá ñu anyumboro. Am ti ka fanfunmam bo ba bo bu nzue fofoe kpakpari, na bu yo nyunyumi n wɔ, ama, bu kunnu yiri ayi ni fuin buwem wɔ, ni fin barasu kere. ²⁸ Am ti sɔ ɔ lee. Am ma minem ñu am ka am ti minem bo bu yo sa bo i kɔ atin su Nyeme dɔ n wɔ, ama, am ahore su ayi ni burukɔɔnu, ni satiem wɔ.”

Kabo Yesu ña Nyeme bá cin Yudafo tereterefo nbem sui barasu ni

²⁹ Na Yesu asa su ase ka, “Ambere Nyeme noanie kerefom, ni Farasifom n bo am ti burukɔɔnufom ni, am bá ñu anyumboro. Am yo fanfunmam dongu fa ma Nyeme noanie kanfom wɔ, na am yo minem bo bu yo sa bo i kɔ atin su Nyeme dɔ n fanfunmam nyunyumi. ³⁰ Na am se ka, nzen má ambere yo woori bere, am nam sanja ni, má am kun má Nyeme noanie kanfom n ni, kabo am nam yo yoori bu ni. ³¹ Nyini ti, am asoro su ka am ti bere bo bu yo kuunri Nyeme noanie kanfom n dee busu nufom wɔ lee. ³² Tɔ, i ti ye ni ka am de am nam jinaabiri ni, na am yo bu satie yoowam n kɔ wie. ³³ Ambere burukɔɔnufom bo am ti woom na am ti ka pumpuni nbaam ni, am yo se ye am koro ñmati fite nu, bo am wura má cema sin n nu a? ³⁴ Nyini ti ye m sunma Nyeme noanie kanfom, ni mine alecirafo, ni kerefom am dɔ n a. Am kún bu nbem, na am fá bu nbem sense baka jaanu n su, na am fin bu nbem ñgbere, am tientienbunɔ sɔm n nu, na am kó mie miem su na am kere bu wuwuruwa. ³⁵ Nyini dee ti, Nyeme cin ambere sui fa kɔ kabo am nam yo kuunri minem bo bu yo sa bo i kɔ atin su Nyeme dɔ durunya n nu. Bu yo yoori sɔ ɔ fite sanja n bo bu kuunri sɔnɔ be bo i yo sa bo i kɔ atin su Nyeme dɔ n na bu fere i ka Abeli ni, fa ba juuri sanja n bo bu kuunri sɔnɔ be bo bu fere i ka Zakariya, Berakaya wa ni. Yiri ye am kuunri i Nyeme Sereebiri Awuru n nu, Casi Kere Casi Sɔɔ n ni Mikun yoowa yoobiri n afien n a. ³⁶ Nahore ye m suse am n a, nyini n kere dee ti ye Nyeme bá cin ambere nyumafom sui n a.”

Kabo Yesu ahore saaki maari Yerusalemfo barasu ni

³⁷ Na Yesu abo awie ase ka, “Keto, keto, ambere Yerusalemfo. Ambere kuunri Nyeme noanie kanfom n a, na minem bo Nyeme sunmaari bu am dɔ ni, am atu bu yabue. Sanja kere m koroori ka m tien am nɔɔ, na m fa m saa bara ye am, kabo akɔ tien i nbaam nɔɔ, i lanƙpete nu ni, ama, am soro má m su. ³⁸ Am nie fen, Nyeme yáki am nu ji, na am mie n ká ñgben. ³⁹ M suse am wɔ lee, ka, fite kisa fa kɔ, am ñú má m kun, má ka sanja bo am bá se ka, “Terefie wo yiri n bo i suba Micera n dee duma n nu n dɔ.”

24

Kabo Yesu seeri ka Nyeme Sereebiri Awuru ni bá bereki barasu ni

¹ Sanja bo Yesu fiteeri Nyeme Sereebiri Awuru n nu na i wo kɔ su ni, na i susufom n aba i dɔ, aba ase i ka i nie kabo Nyeme sereebiri n ti barasu a.

² Na wɔ se bu ka, “M ña am anu ahinm kere e? Nahore ye m suse am n a, yabue kun n kpein n mmɔɔ bá nana má i benju su. Bu bá bereki i kere go ɔ lee.”

Kabo Yesu kere fa kɔori durunya n awieeri su dee jore ni

³ Sanja bo Yesu fun kɔ tanaari Oliva Buka n su ni, na i susufom n aba i dɔ, bu ni yiri ñgumi, na ba se i ka, “Ya Kerefo, se ya, sanja bonɔ ye ahin

sam kere bá yo a? Ye nzu deke bá kere ya ka san̄ga n adodo bo a bá bekun, na durunya n bá awieeri a?”

⁴ Na Yesu abo bu nu ka, “Am si am ɲu sa, na má am ma be dadaka am. ⁵ Dama mine dɔŋgu bá fa m duma ba, na bu sé ka, ‘Kristo Tiidefo n la mini wo.’ Na bu dádaka mine beberebe. ⁶ San̄ga bo am bá ti aluwa ɲga fen, wara bu sukun lue do, má am ma am ahore saaki. Wo yo daka ka nyini sam n kere bá yo sin ka, ama, má am nie ka durunya n awieeri lee. ⁷ Daanfie daanfie bá kun lue ni bu bengum, na nfemem kún lue ni bu bengum nfemem. Na asien bá kpisi awore aworem nu, na ahoe to. ⁸ Nyini n kere bá yo kabo bara kutu ceen bumboori dee wahara n ti n wo.

⁹ Nyini san̄ga, na bu tára am ma yikofom na bu kere am wuwuruwa, na bu kún am. Mini dee ti, sono kere kpo am. ¹⁰ Nyini san̄ga n na mine dɔŋgu bá kete m na bu su má m kun, na bu to bu bengum, na bu kpo bu bengum. ¹¹ Na korefom dɔŋgu bo bu yo bu ɲu ka bere ti Nyeme noanie kanfom ni bá ba, na bu dádaka minem beberebe. ¹² Satiyo bá sunnu n dee ti, mine dɔŋgu koro bá ko i sin. ¹³ Ama, woro kere bo a mindi deer ni nyini n kere ko juuri i awieeri, Nyeme de u tii ji. ¹⁴ Na bu bá kan ahin labari kpa n fa ko Nyeme femeya n jore su, kere durunya n nufom, na adamande kere ti i ka, na durunya n nya bá awieeri.”

Anyumbaa ciire sa n bo i bá n jore

¹⁵ Na Yesu akaaki ase bu ka, “Am bá ɲu anyumbaa ciire sa be bo Nyeme mmoo kpo i n na Nyeme noanie kanfo Danieli yo jooori i jore ni, ka i jina soo casi n bo i wo Nyeme Sereebiri Awuru n nu ni. Ma sono kere bo i kan ahin kadasi n ti i bu nyunyumi. ¹⁶ Nyini san̄ga ni, woro kere bo a tiiri i ɲga na a wo Yudiya asien n su, ɲmati ko bukam n su. ¹⁷ Woro kere bo a wo kpata nu, má a wura gisan nu fa pui. ¹⁸ Na woro kere gusu bo a wo fiesu, má a kpie u nyi ko awuru ko fa u sutura be. ¹⁹ Nyini san̄ga ni yo kekereke agaya ma nyinsefom, ni nbaram bo bu nbaam toko nu ni. ²⁰ Am sere Nyeme ka má nyini sa n yo buke san̄ga, wara Yudafo ɲumiya ceen ni. ²¹ Nyini san̄ga ni wahara bo mine di i, i tára wahara kere bo ba di i asin ni, fite san̄ga n bo Nyeme yiiri durunya ni, haari ni kisa. Nahore, nyini wahara n ɲusu bá má kun. ²² Ama, Nyeme akpie nyini san̄ga n su. Nzen má wo kpie má i su, má sono wo má bere bo i nya ɲoo, ama, i dee tiɲgu minem bo wo yi bu n dee ti, ye wo kpie san̄ga n su a. ²³ Nyini san̄ga ni, na nzen be bá se am ka, ‘Am nie, Kristo Tiidefo ni wo fen n a,’ wara, ‘Am nie, yiri wo do n a,’ má am de i mi noanie ni. ²⁴ Dama korefom nbem bá ba, na bu yo bu ɲu ka bere ti Kristo n a, na nbem gusu yo bu ɲu ka bu ti Nyeme noanie kanfom wo. Bu yo alekutura sam beberebe fa kere am, na nzen bu koro nyaari atin, bu dádaka Nyeme dee minem mmoo bo wo yi bu ni. ²⁵ Amere, am ti fen, ma se am wo lee ka, na san̄ga n nya ba ju.

²⁶ Na nzen be bá seeri am ka, ‘Am nie, Kristo ni wo boro kpantain n nu do n a,’ má am ko do. Wara, nzen be bá seeri am ka, ‘Yiri fie soro do n a,’ má am yo i mi yarada. ²⁷ Dama mini Adamande Wa n ba ni, i bá ti kabo nzue kpepe na i ta bara ye deke kere n wo, fite wie afiri fa ko ju wie atoori n wo. ²⁸ Deke kere bo deke fuin nya wo, petem bara ye do o.”

Kabo Adamande Wa ni bá kaaki ba barasu ni

²⁹ Na Yesu akaaki ase bu ka, “San̄ga bo nyini wahara n kere ba siinri, ‘Awosin káta wie n su,
na sara n gusu tá má bo minem ɲu i.
Na asarambaam fite angoro titi toto,

na angoro n kere kpísi.'

³⁰ Nyini sanja ni, na mine nju deke be angoro bo i kere ka mini Adamande Wa ni suba. Na minem bo bu wo durunya n nu n kere bó awie, na bu nyá nju ka mini Adamande Wa ni sufite angoro yinyinggu n nu suje piepieu suba ni yiko bambaka ni. ³¹ Na bu tí ka awie be sukpara ni fanja su, na m nyá sunma Nyeme merékem durunya n awore n kere nu, na bu tien minem bo Nyeme ayi bu durunya n nu n kere nɔɔ."

Kabo Yesu na ya fa damba baka fa se nyaari barasu ni

³² Na Yesu akaaki ase ka, "Am fa damba baka n fa se nyaari. Sanja bo am ba nju ka i nyawa akponkpon, na i sufiefie fofore ni, am si ka dɔdɔri sanja adodo lee. ³³ Mini Adamande Wa n ba ni bá yo sɔɔ. Sanja bo am ba nju ka nyini sam kere bá suyo ni, am si tenle su ka sanja n adodo lee, i cé má kun. ³⁴ Nahore ye m suse am n a, ahin nyumafom busu kere wú wie má ka, ye nyini sam kere bá yo a. ³⁵ Angoro n ni asienngu n kere bá la awieeri, ama, m deɛ nɔɔnie n yiri la má awieeri cɛɛn be."

Kabo Yesu seeri ka ya si ya nju sa fa kɔ i ba n su ni

³⁶ Na Yesu akaaki ase ka, "Be si má sanja ni, wara cɛɛn n bo m bá kpie m nyi ba ni. Haari Nyeme merékem bo bu wo i dɔ ni, ni mini bo m ti i wa ni mmɔɔ si má. Má ka ya Si Nyeme ngumi si a. ³⁷ Mini Adamande Wa n ba sanja ni yó kabo sɔɔ be bo bu fere i ka Nowa sanja na i yoori n wɔ. ³⁸ Sanja bo wɔmbu n nya di má durunya n ni, sɔɔ kere woori di ni nu su wɔ, na nbaram ni nbiesom suja bu bengum, fa kɔ juuri haari cɛɛn n bo Nowa wuraari lee bambaka n nu ni. ³⁹ Minem ayo asi má sa bo i bá yo ni, haari cɛɛn n bo wɔmbu n ba diiri bu kere ni. I yó sɔɔ, fa kɔ sanja n bo mini Adamande Wa ni bá ba ni. ⁴⁰ Nyini sanja ni, mine nnyɔ bá wo juma yo su fiesu, na Nyeme má bu bá fa kun n kɔ yaki kun ni. ⁴¹ Na nbaram nnyɔ wo ngani saanbiri, na Nyeme má bu bá fa kun n kɔ yaki kun ni. ⁴² Tɔ, nyini ti, má am fa am nju ji na am daafi, dama am si má cɛɛn n bo am Mibie ni bá ni. ⁴³ Am si tenle su ka nzen má awurufobie n si sanja bo awiefɔ ni bá i dika na i bá wɔ i, má i tana nminda a, na awiefɔ n koro ba wura má. ⁴⁴ Nyini ti, amberɛ gusu kpa am nju sanja kere, dama mini Adamande Wa ni, m bá sanja bo am sunsun má ka m bá n wɔ."

Miɛnu fa kɔ akɔɔ nbem dabunju n jɔre

⁴⁵ Na Yesu akaaki ase ka, "Akɔɔ kpíen n bo i la dabunju na i kaaki la alecira n la nma a? Yiri la bo i mibie n afa akɔɔ nyingam awura i saa nu ka i kpaaki diire nu ma bu, sanja bo i ti ye ni ka i ma bu ni. ⁴⁶ Nzen i mibie n ba njuuri ka i suyo i juma kabo i seeri ka i yo ni, terefie wo nyini akɔɔ n dɔ. ⁴⁷ Nahore ye m suse am n a, mibie ni fá i aja kere wura nyini akɔɔ n saa nu wɔ, na i níe i dika. ⁴⁸ Ama, nzen i ti akɔɔ tiefɔ, i súnsun ka i mibie ni kpíe má i nyi nde. ⁴⁹ A nju ka i subo akɔɔ nyingam wɔ, na i sudi, na i ni nzan nufom sunu bo. ⁵⁰ Dɔ, na i mibie n ba kpieeri i nyi baari cɛɛn bo i sunsun má ka i bá, na i kaaki si má ba n sanja ni. ⁵¹ Nyini sanja n na i mibie n cín i sui agaya, na i fá i bo burukɔɔnufom n su. Dɔ na i sún, na i kán i saa."

25

Miɛnu fa kɔ nsunguru buru nbem jɔre

¹ Na Yesu akaaki ase bu ka, "Sanja bo mini Adamande Wa ni bá ba, na Nyeme Feme bá nie i minem su ni, i yó ka nsunguru buru nbem bo bu

faari bu fitanam ka bu kɔ kpa konyafan atin n wɔ. ² Bu mine nnu tiiri alecirafɔm wɔ, na nnu nyingam n ati sinnzinm. ³ Na sinnzinm n afa bu fitanam, ama, ba bita má ŋguin nu, ⁴ na alecirafɔm n bere afa ŋguin abita nu. ⁵ Na ba kɔ anminda konyafan n ace, wɔ ba má nde, na daafiri aba ati nsungurum ni, na ba daafi. ⁶ Na jinanjin sangɔ, na ba ti ka bu subo ndoori ka, 'Konyafan ni suba o, am fite na ya kɔ kpa i atin.' ⁷ Na nsunguru burum kere ayasu, ayo bu fitanam dɔngɔ. ⁸ Na sinnzinm n ase alecirafɔm ni ka, 'Am bu am ŋguin n be ma ya, ya fitanam ni sunɔ.' ⁹ Na alecirafɔm n ase bu ka, 'Ai, ya ŋguin ni koro ju má ya ni ambere kere. Am kɔ ŋguin tɔfɔm dɔ, na am kɔ to.' ¹⁰ Na nsunguru sinnzinm n akɔ ka bu kɔ to ŋguin ni. Bu kɔ wieeri ni, na konyafan n aju. Na nsunguru nnum bo ba kpa bu ŋu ni, asu i su, awura konyaya awuru n nu. Na ba tu anɔ ni. ¹¹ Kasin, na nsunguru nyingam bo bu kɔori ŋguin to ni, aba ajina anɔ n nu, abo afere i ka, 'Ya mibiɛ, ya mibiɛ, teke anɔ n ma ya na ya wura.' ¹² Na konyafan n ase bu ka, 'Ai, nahɔre ye m suse am n a, m si má am cɛen be cɛen be.' " ¹³ Na Yesu ase i susufɔm n ka, "Tɔ, nyini ti, má am fa am ŋu ji na am daafi, dama am si má cɛen n bo m bá ni."

Miɛnu fa kɔ akɔɔ nsan nbem dabuŋu n jɔre

¹⁴ Na Yesu ase bu ka, "Sangɔ bo m bá ba ni, i yó kabo sɔnɔ be suko atin, na i fereeri i akɔɔm, na i faari i nenɛge kere wuraari bu saa nu, ka bu nie i dika n wɔ. ¹⁵ Na wɔ fa ŋwaa akpaaki bu kere nu, kabo bu koro bita i barasu. I faari ŋwaa n busu nnu maari kun wɔ, na wɔ fa busu nnyɔ n ama kun gusu, na wɔ nya afa busu kun n ama nyinga ni. Na wɔ kɔ atin ni. ¹⁶ Na bo i maari i busu nnu ni afa abo wata bu, na wɔ nya i ŋusu nnu abuka su. ¹⁷ Na bo i maari i busu nnyɔ n gusu ayo sɔ, na wɔ nya i ŋusu nnyɔ abuka su. ¹⁸ Ama, bo i maari i seseewa kun ni kɔ funduuri kunma wɔ, na wɔ fa i dɛɛ ŋwaa n awura nu, na wɔ kata su. ¹⁹ Na bu mibiɛ n akɔ ace dɔ, haari na wɔ ba aba ka i ba nie kabo bu bita i ŋwaa n barasu ni. ²⁰ Na bo i maari i busu nnu n afa i dɛɛ ŋwaa aba, na wɔ se i mibiɛ n ka, 'M mibiɛ, nie. A maari m ŋwaa n busu nnu wɔ, ama, ma nya i ŋusu nnu abuka su.' ²¹ Na i mibiɛ n ase i ka, 'Nfan. Wɔɔ akɔɔ kpa bo a la dabuŋu ni, kabo a kere ka a la dabuŋu nie deke kaan su ni, m fá dɔngɔ n mmɔɔ wura u saa nu na a nie i dika. Bra na a ba nya ahorejɔ n bo ma nya i n be.' ²² Na bo i maari i busu nnyɔ n gusu aba ase i mibiɛ n ka, 'M mibiɛ, nie. A maari m ŋwaa n busu nnyɔ o, ama, ma nya i ŋusu nnyɔ abuka su.' ²³ Na i mibiɛ n ase i ka, 'Nfan. Wɔɔ akɔɔ kpa bo a la dabuŋu ni, kabo a kere ka a la dabuŋu nie deke kaan su ni, m fá dɔngɔ n mmɔɔ wura u saa nu na a nie i dika. Bra na a ba nya ahorejɔ n bo ma nya i n be.' ²⁴ Kasin, na bo i maari i seseewa kun ni aba, na wɔ se ka, 'M mibiɛ, m si u sa ka a ti sɔnɔ fangafɔ o. Deke bo a dɔ má i ni, a kpiɛ nyini wɔ. Na deke bo a bobo má i ni, a tientien nyini nɔɔ a. ²⁵ Nyini ti ye sere tiiri m a, na ma fundu kunma afa u ŋwaa n afie i nu. Yiri yaa, de u deke.' ²⁶ Na i mibiɛ n akaaki ase i ka, 'Wɔɔ akɔɔ tie nviɛyafɔ ni, a si tenle su ka deke bo ma dɔ má i ni, m kpiɛ nyini wɔ, na deke bo ma bobo má i ni, m tientien nyini nɔɔ a. ²⁷ Tɔ, má a si ka i ti sɔ ni, má wɔ yo daka ka a fa m ŋwaa n kɔ seeri banɔkifɔm dɔ, na má m ba kpiɛeri m nyi baari, má m de m deke na m nya kperɛ buka su.' ²⁸ Dɔ na mibiɛ n ase i minem ka, 'Tɔ, am de ŋwaa ni i dɔ kisa kisa, na am fa ma akɔɔ n bo i bita ŋwaa n busu buru ni. ²⁹ Dama sɔnɔ kere bo wɔ nya deke na i mi si i bita, bu má i buka su wɔ, na i nyá beberebe, ama, bo i si má i bita, haari ni nyini kaan n bo i la i ni, bu cín de i dɔ o. ³⁰ Ama, m ahin akɔɔ ŋgbeen ni, am fa i tu awosin n nu, deke bo i sún, na i kán i saa.' "

Kabo Yesu bá di minem jɔre barasu ni

³¹ Na Yesu akaaki ase ka, “Sanɔa bo mini Adamande Wa ni bá baari ni m jirima woowa n nu ni, ni Nyeme merékem kere ni, m bá tana m jirima femeya bie n su. ³² Na durunya n nu minem kere bá tien bu nɔɔ m nyunu, na m kpáaki bu nu, busu nnyɔ, kabo bɔesasafo kpaaki yi nbɔem ni sirim nu barasu ni. ³³ Na m má m deɛ minem bo bu ti ka nbɔem ni jina m saa fɔmbɔɔ su, na m má bo ba ka na bu ti ka sirim ni jina m saa bie su. ³⁴ Na mini femɛ n sé bo bu wo m saa fɔmbɔɔ su n ka, ‘Ambere bo m Si Nyeme ayo am kisi ni, am bra na am ba de femeya n bo wɔ sɛsɛ i su ase ama am, fite durunya n bumboori kere ni. ³⁵ Deke bo i ti na m se am sɔ n la ka, ahɔe yo tiiri m, na am ama m diire. Nzuehɔe yo tiiri m, na am ama m nzue. M yo baari am dɔ ka wɔfo, na am ade m. ³⁶ M yo kaari m bu ngbɛɛn, na am ama m sutura. M yo daari tukpaki, na am aba anie m dika. Bu yo nyiiri m dansaraka, na am ako anie m busu.’ ³⁷ Dɔ na m minem bo bu yo sa bo i ko atin su ni nyá bɔ m nu ka, ‘Ya Mibie, sanɔa bɔnɔ ye ya nyuri ka ahɔe ati u, ye ya maari u diire a, wara nzuehɔe ati u, ye ya maari u nzue a? ³⁸ Sanɔa bɔnɔ tenle su, ye a baari ya dɔ ka wɔfo, ye ya deeru u a, wara sanɔa bɔnɔ ye a kaari u bu ngbɛɛn, ye ya maari u sutura a? ³⁹ Sanɔa bɔnɔ ye ya nyuri ka a daari tukpaki, wara sanɔa bɔnɔ ye bu nyiiri u dansaraka, ye ya ko nieeri u busu a?’ ⁴⁰ Dɔ na m nyá bɔ bu nu ka, ‘Nahɔre ye m suse am n a, sanɔa kere bo am yo yoori sakpa fa maari m ahin ninbaa kan kanm ni kun, am yo maari mini wɔ lɛɛ.’ ⁴¹ Na m nyá se bo bu wo m saa bie su n ka, ‘Ambere bo m Si Nyeme ayo am ngbɛɛn na wɔ fa nɔɔ tie ase am nyu ni, am fa cinsi m bi bere na am ko wura sin n bo i nɔ má n nu, nyini sin n ye ba tɔɔ i afa ase Sitana ni i deɛ merékem n a. ⁴² Deke bo i ti na m se am sɔ n la ka, ahɔe yo tiiri m, ama, am ama má m diire. Nzuehɔe yo tiiri m, ama, am ama má m nzue. ⁴³ M yo baari am dika, ama, am ade má m wɔfo. M yo kaari m bu ngbɛɛn, ama, am ama má m sutura. M yo daari tukpaki, wara m yo woori dansaraka nu, ama, am ako anie má m busu.’ ⁴⁴ Dɔ na bere bo bu wo m saa bie su ni nyá bɔ m nu ka, ‘Ya Mibie, sanɔa bɔnɔ ye ya nyuri u ka ahɔe ati u, wara nzuehɔe ati u, wara a baari ya wɔfo, wara a kaari u bu ngbɛɛn, wara a daari tukpaki, wara a woori dansaraka, ye ya buka má u a?’ ⁴⁵ Na m nyá kaaki se bu ka, ‘Nahɔre ye m suse am n a, sanɔa kere bo am ayo má sakpa, ama má m ahin ninbaa kan kanm ni kun, am ayo ama má mini wɔ lɛɛ.’ ⁴⁶ Na nyinim bere kó wo suicin n bo i la má awieeri n nu. Ama, na bo bu yo sa bo i ko atin su Nyeme dɔ ni, bere kó wo ngɔɔ bo i la má awieeri n nu.”

26

Kabo bu sɛsɛeri su ka bu tára Yesu ni

¹ Sanɔa bo Yesu kereeri nyini kereewam kere wieeri ni, na wɔ se i susu-fɔm ni ka, ² “Am si ka wɔ ka lennyɔ ɔ, na bu di Butara cɛɛnkpiri ni. Dɔ ye bu nyá mini Adamande Wa n taraabiri a, na bu kpáama m baka jaanu n su.”

³ Dɔ na Nyeme sayoowa dɔnguyofɔ nkpienkpienm ni, ni Yudafɔm nkpienkpienm n atien bu nɔɔ bu kpien n dika, bu fere i ka Kayafasi, yiri ti Nyeme sayoowa dɔnguyofɔm kere kpien a, ⁴ na ba fa sɛsesu ka bu tara Yesu asiri nu na bu kun i. ⁵ Na ba se bu nyu nu ka, “Má am ma ya yo i cɛɛnkpiri n sanɔa. Má nyini, minem ni kéte yo nanmie wɔ, na bu sutientien.”

Kabo bara be faari tulaalɛ gɔɔri Yesu tii su ni

⁶ Yesu woori Betani miε n nu wɔ, sɔnɔ be dika, bu fere i ka Simon, i yo ti kokofɔ ɔ. ⁷ Saŋga bo Yesu wo diire di su ni, na bara be aba i dɔ, ni tulaalɛ tuwa nvanvani bo i la go agaya. Na wo teke tulaalɛ tuwa n nɔɔ, na wo kaaki tulaalɛ n kɛrɛ ago Yesu tii su. ⁸ Yesu susufɔm ni ŋuuri i sɔ ni, na yaa ati bu agaya, na ba bisa bu ŋuŋu nu ka, “Nzu ti ye wɔ saaki i sɔ a?” ⁹ Má ya tɔɔri nyini tulaalɛ ni, má ya nyá ŋwaa beberebe, na má ya fá nyini ŋwaa n ma yaarifɔm.” ¹⁰ Na Yesu asi sunsunni bo bu bita i, na wo se bu ka, “Nzu ti ye am sukan bara ni ndiε a? Sakpa lɛε ye wɔ yo ama m n a. ¹¹ Am ni yaarifɔm ni wo bɛrɛ saŋga kɛrɛ a, ama, mini, m wó má am dɔ saŋga kɛrɛ. ¹² Tulaalɛ n bo wo kaaki ago m ŋu ni, i kere ka i nzee bo wo fa ayo m siriya afa aŋminda m yiwee cɛɛn lɛε. ¹³ Nahɔrɛ ye m suse am n a, deke kɛrɛ bo bu bá kaanri Nyemε labari kpa n durunya n kɛrɛ nu, bu kán i sayoowa n na minem tenge i su.”

Kabo Yudasi sɛsɛri su ka i tó Yesu ni

¹⁴ Na Yesu susufɔ buru ni nnyɔm nu kun bo bu fere i ka Yudasi Isikariyoti ni, ako Nyemε sayoowa dɔŋguyofɔ nkpienkpienm ni dɔ, ¹⁵ ako abisa bu ka, “Nzen m tɔɔri Yesu maari am, am má m nzu wɔ?” Na ba kan jɛtɛ ŋwaa aburasan, afa ama i. ¹⁶ Fite nyini cɛɛn n na Yudasi akpini atin kabo i yó na bu nya Yesu taraabiri.

Kabo Yesu ni i susufɔm diiri cɛɛnkpiri diire ni

¹⁷ Na cɛɛnkpiri n bo bu di i ni kɔnɔ bo bu go má ayiri nu na i yasu ni, i lekun cɛɛn, na Yesu susufɔm n aba i dɔ, aba abisa ka, “A koro ka ya kɔ ni kɔ sɛsɛ Butara cɛɛnkpiri n diire n su se a?” ¹⁸ Na wo se bu ka, “Am kɔ mie n kunnu, sɔnɔ be wo dɔ, na am kɔ se i ka, ‘Ya Kerefɔ n ŋa o, i saŋga n aju. Na i ni i susufɔm ni bá di Butara cɛɛnkpiri diire ni, u dika n nu.’ ” ¹⁹ Na Yesu susufɔm n ako ayo kabo i seeri bu ni, na ba sɛsɛ Butara cɛɛnkpiri n diire n su.

²⁰ Na naaso saŋga, na Yesu ni i susufɔ buru ni nnyɔm n aba atana ka bu di diire ni. ²¹ Saŋga bo bu tana wo diire n di su ni, na Yesu ase bu ka, “Nahɔrɛ ye m suse am n a, am nu kun bá tɔ m ma m kpɔfɔm a.” ²² Na bu ahore asaaki, na bu kun kun n kɛrɛ abisa i ka, “M Mibiε, ye m ŋa má mini yiri e?” ²³ Na Yesu abɔ bu nu ka, “Am nu kun bo m ni yiri saŋga fa ya saa wura taale kun nu ni, yiri tó m a. ²⁴ Mini Adamande Wa ni wú kabo ba kɛrɛ i Nyemε Jɔrɛ Kadasi n nu ase ka m wú n wɔ, ama, sɔnɔ n bo i tɔ mini Adamande Wa n ni, i mi bá ŋu anyumboro. Má ba wu má i mi n mmɔɔ, má i ti ye.” ²⁵ Na Yudasi bo i tó Yesu n abisa i ka, “Ya Kerefɔ, m ŋa má mini yiri e?” Na Yesu abɔ i nu ka, “Kabo a jɔjɔri ni, i ti sɔ ɔ.”

Ya Mibiε kasin diire n jɔrɛ

²⁶ Saŋga bo Yesu ni i susufɔm ni wo diire n di su ni, na Yesu afa kɔnɔ, na wo da Nyemε asi, na wo bubu i nu, na wo fa ama bu, na wo se bu ka, “Am de ahin kɔnɔ n na am di, i ti m ŋuniembaa a.” ²⁷ Na wo kaaki afa awa ni nzan, na wo da Nyemε asi, na wo fa ama bu, na wo se bu ka, “Am kɛrɛ nu be. ²⁸ Ahin nzan n ti m mbunja a lɛε, ye m sufa ma am n a. M mbunja n dɛε ti, ye Nyemε sufa sɛsɛsu na i di i di n a. Minem dɔŋgu satie dɛε ti, ye m mbunja ni songi go a, na Nyemε fa bu satie ce bu.” ²⁹ Na wo kaaki ase bu ka, “M suse am wo lɛε, ka, m nú má ahin nzan bekun, má ka cɛɛn be bo m ni amberɛ bá saŋga nu i fɔfɔrɛ, m Si Nyemε femeya n nu ni.”

³⁰ Nyini sin na ba di jue akansi Nyemε, na ba fite ako Oliva Buka n su.

Kabo Yesu seeri i susufɔm n ka bu bá ŋmati yaki i ni

³¹ Dɔ na Yesu ase i susufɔm ni ka, “Nyuma dɛɛ kɔŋgɛ n nu, am kere ŋmáti yaki m, dama ba kere i Nyeme Jɔre Kadasi n nu ka, Nyeme ŋa, ‘M bó kun bɔɛsasafɔ ni, na nbɔɛm bá sandi.’”

³² Ama, m bá tengeeri m yiwee n nu, m dú am mɔ kɔ Galili awɔre n nu.”

³³ Na Petoro ase i ka, “Nzen ahinm kere ŋmati yakiiri u, mini ŋmáti yaki má u da.” ³⁴ Na Yesu ase Petoro ka, “Nahɔre ye m suse u n a, nyuma kɔŋgɛ n nu, kana akɔnyuma bá bo, a kéte kpe nsan ka a si má m.” ³⁵ Na Petoro akaaki ase i ka, “Mini sé má sɔ da. Nzen haari wɔ yo daka ka mini ni wɔrɔ kere sanɔa wú mmɔɔ, ŋka ya wú wɔ.” Na i susufɔm n kere ase sɔ.

Kabo Yesu jeke tiiri na i kɔ sereeri Nyeme ni

³⁶ Na Yesu ni i susufɔm n ayasu akɔ aju awɔre be bo bu fere i ka Gɛsemane ni, na Yesu ase i susufɔm ni ka, “Am tana fen ŋminda m, na m kó dɔ kɔ sere Nyeme.” ³⁷ Na wɔ fa Petoro ni Zebedi nbaa nnyɔm ni, na ba kɔ mɔ kaan. Bu kɔ juuri dɔ, na ahoresaaki aba i dɔ agaya, na i jeke ati.

³⁸ Na wɔ se bu ka, “Ahoresaaki aba m dɔ agaya, i yo m ka m wu wɔ mmɔɔ. Am wo fen na am ŋminda m. Má am daafi.” ³⁹ Na wɔ kɔ dede kaan, na wɔ butu i kunnu su. Na wɔ sere Nyeme, i ŋa, “M Si Nyeme, nzen má a soro su, yi m fite ahin anyumboro n bo i suba m dɔ n nu. Haari ni nyini mmɔɔ, má a yo kabo m koro ni, ama, yo kabo a koro ni.”

⁴⁰ I sere Nyeme wieeri ni, na wɔ kpɛ i nyi akɔ aju ka i susufɔ nsanm ni wo daafiri su. Na wɔ bisa Petoro ka, “Nzu ti ye am mine nsan n kere be mmɔɔ koro kpɛ má daafiri haari kaan sɔ mmɔɔ a?” ⁴¹ Na wɔ kaaki ase bu ka, “Am kpɛ daafiri, na am sere Nyeme adena má deke be yo am na am wura satie nu. Ahorembaa n koro nyemesu, ama, aɔuniembaa n ayɔrɔki.”

⁴² Na wɔ kaaki akɔ asere Nyeme bekun, i ŋa, “M Si Nyeme, nzen i ti u dɛɛ koroyanu ka m fite má ahin anyumboro n bo i suba m dɔ n nu, ma u dɛɛ koroowa n yo.” ⁴³ Na wɔ kpɛ i nyi aba i susufɔm n dɔ, na wɔ ba aju ka ba daafi bekun, dama daafiri ati bu agaya. ⁴⁴ Na Yesu ayaki bu bekun, na wɔ kɔ asere Nyeme kpe nsan su, ni nyini nɔanie jɔjɔowa kun bo i du mɔ jɔjɔori i ni. ⁴⁵ Nyini sin, na wɔ kpɛ i nyi aba i susufɔm n dɔ, aba aju ka bu toko wo daafiri su, na wɔ se bu ka, “Am toko daafi yi am ŋumi wɔ? Am niɛ, sanɔa n aju, wɔ tɔ mini Adamande Wa ni ama satieyofɔm. ⁴⁶ Am niɛ, sɔnɔ n bo wɔ tɔ m lɛɛ. Am yasu na ya kɔ.”

Kabo bu taraari Yesu barasu ni

⁴⁷ Na sanɔa bo Yesu toko wo jɔjɔori su ni, na Yudasi bo i ti Yesu susufɔ buru ni nnyɔm nu kun aju ni jama beberebe. Bu bita takobem ni kɔrɔmam. Nyeme sayoowa dɔŋguyofɔm, ni Yudaɔm nkpienkpienm ni sunmaari bu a. ⁴⁸ Na Yudasi bo i tɔori Yesu ni akere jama n nyaari su kabo bu sí Yesu na bu tara i. I ŋa, “Sɔnɔ n bo m kó biti i ni, yiri lɛɛ. Am tara i.”

⁴⁹ Sanɔa bo bu kɔ juuri deke bo Yesu wo ni, na Yudasi akaba akɔ i dɔ, na wɔ se i ka, “Ya Kerefɔ.” Na wɔ biti i, na wɔ yo i anse. ⁵⁰ Na Yesu ase i ka, “M dɔn, yo deke n bo a koro ka a yo i ni ndende.” Na minem n aba atara Yesu, na ba bita i kenken. ⁵¹ Na Yesu susufɔm n nu kun acin awɔrɔ i takobe, na wɔ kpɛ sɔnɔ be sui, nyini sɔnɔ n ti Nyeme sayoowa dɔŋguyofɔm kpɛn n akɔɔ ɔ. ⁵² Na Yesu ase i ka, “Fa u takobe n kaaki wura i buɛ nu. Dama minem kere bo bu fa takobe yo juma ni, bere gusu bá wu ni takobe wɔ.

⁵³ A si má ka nzen má m sereeri m Si Nyeme, i súnma i merékem asese asese buru ni nnyɔ, na bu bá buka m kisa kisa bere? ⁵⁴ Ama, nzen m nya yoori sɔ, kabo ba kere i Nyeme Jɔre Kadasi n nu ka wɔ yo daka ka i yó sɔ ni, i yó se ye i bá yo yiiwa?”

⁵⁵ Na Yesu abisa jama n ka, “M ti finfo ɔ, ye am fa takobem ni koromam na am ba tara m a? Ceen kere ceen m ni amberɛ wo Nyemɛ Sereebiri Awuru n nu a, ye m kere minem a, ama, am atara má m. ⁵⁶ Ama, ahin kere yó sɔ, adena kabo Nyemɛ noaniɛ kanfom akere i Nyemɛ Jɔre Kadasi n nu n yo yiiwa a.” Dɔ na i susufom n kere anmati ayaki i.

Kabo bu fa Yesu kɔɔri jɔre diibiri ni

⁵⁷ Na bo bu taraari Yesu n afa i akɔ Kayafasi dɔ, yiri ti Nyemɛ sayoowa dɔnguyofom kpien n a. I dika n nu ye Nyemɛ noaniɛ kerefom ni, ni Yuda-fom nkpienkpienm n tiɛnri bu nɔɔ a. ⁵⁸ Na Petoro asu Yesu su, i woori dede kaan ni yiri, haari i kɔ wuraari Nyemɛ sayoowa dɔnguyofom kpien n dika gisan nu. I wuraari gisan n nu ni, na wɔ kɔ asanga atana tintinjina-fom nu, adena i ɲu sa n bo i yo n awieeri. ⁵⁹ Na Nyemɛ sayoowa dɔnguyofom nkpienkpienm ni, ni Yuda-fom tereterefom n kere anienie minem bo bu bá di kɔre daani fa kɔ ɲgasi bo Yesu ado i ni, adena bu nya i taraabiri na bu kun i. ⁶⁰ Haari ni bo mine beberebe fite jina diiri kɔre daani n kere, ba nya má jɔre bo bu fa kpie sɔ i. Kasin na mine nnyɔ nbem ayasu ajina, ⁶¹ na ba se ka, “Ahin sɔnɔ n ɲa yiri koro fufu Nyemɛ Sereebiri Awuru ni, na i káaki ta i lesan afien.” ⁶² Na Nyemɛ sayoowa dɔnguyofom kpien n ayasu ajina, na wɔ bisa Yesu ka, “A la má bɔnu be fa kɔ ahin jɔre n bo minem ni akpie asɔ u n su?” ⁶³ Ama, na Yesu amɔ i nɔɔ. Na Nyemɛ sayoowa dɔnguyofom kpien n ajojɔ i dɔ bekun, i ɲa, “Kisa, m koro ka a tan Nyemɛ bo i wo bere sangga kere ni. Nzen wɔrɔ ti Nyemɛ Wa n bo i ti Kristo Tiidefo ni, se ya.” ⁶⁴ Na Yesu abɔ i nu ka, “Kabo a jɔɔɔri ni, i ti sɔ ɔ. Ama, m suse am kere wɔ lɛɛ ka,

‘Fite nyuma fa kɔ, am bá ɲu mini Adamande Wa ni

ka m tana Nyemɛ Yikofɔ n saa fombɔrɔ su,

na am ɲú ka m fite aɲgoro yinyiɲgu n nu suba.’ ”

⁶⁵ Yesu bɔ nu sɔ wieeri ni, na Nyemɛ sayoowa dɔnguyofom kpien n asɔn i tanlɛɛ. Na wɔ se ka, “Wɔ jɔjɔ awura Nyemɛ ɲgasi nu. Ya koro má daanifo bekun. Amberɛ mmɔɔ ti kabo wɔ jɔjɔ awura Nyemɛ ɲgasi n nu e. ⁶⁶ Ye am ɲa se wɔ?” Na bu kere ase ka, “Wɔ kan ciire jɔre lɛɛ, wɔ yo daka ka i wu.”

⁶⁷ Na ba yi nanzue agɔ Yesu nyunuawa nu, na ba bo i, na ba bo i nyɔɔnu, ⁶⁸ na ba se i ka, “Wɔrɔ Kristo Tiidefo ni, ɲma bo u a? Kan kere ya.”

Kabo Petoro keteeri ka i si má Yesu ni

⁶⁹ Bu wo nyini kere su ni, na Petoro toko tana gisan n nu, na afani be aba i bi, na wɔ se Petoro ka, “Wɔrɔ mmɔɔ yo woori nyini Yesu Galilifo n dɔ ɔ.”

⁷⁰ Ama, na Petoro akete bu kere nyunu ase ka, “Ai, m si má nyini jɔre n bo a sujɔjɔ i ni mmɔɔ.” ⁷¹ Na Petoro afite akɔ gisan n anɔ n nu, na afani nyiɲga be aba aɲu i, na wɔ se minem bo bu jina bere n ka, “Ahin sɔnɔ ni mmɔɔ yo woori Yesu Nazaretifo n dɔ ɔ.” ⁷² Na Petoro akete bekun, na wɔ tan ndie, i ɲa, “Mini si má nyini sɔnɔ ni mmɔɔ.” ⁷³ Wɔ ce má na minem n bo bu jina bere n gusu ase Petoro ka, “Nahɔre, a ti bu kun wɔ, dama u jɔjɔowa ni kere sɔ a.” ⁷⁴ Na Petoro atan ndie afa i saa awura sin nu, i ɲa, “M si má nyini sɔnɔ ni.” Kpenɲa na akɔnyuma abo. ⁷⁵ Na Petoro atenɲe su kabo Yesu seeri i ni, i ɲa “Kana akɔnyuma bá bo, a kéte kpe nsan su ka a si má m.” Na wɔ fite akɔ asun agaya.

27

Kabo bu faari Yesu kɔ jinaari Gomina Pilato nyunu ni

¹ Na alecin san̄ga na Nyeme sayoowa d̄nguyof̄o nkpienkpienm, ni Yuda-f̄om nkpienkpienm n atana asese su kabo bu yo barasu na bu kun i. ² Na ba wura i j̄orok̄o, na ba fa i ak̄o ama Pilato bo i ti Roma-f̄om gomina ni.

Kabo Yudasi kuunri i ŋu ni

³ San̄ga bo Yudasi bo i t̄ori Yesu n tiiri ka ba ma n̄o ka bu kun Yesu ni, na w̄o yo m si n s̄o, na w̄o kaaki aw̄or̄o j̄ete ŋwaa aburasan n aba ama Nyeme sayoowa d̄nguyof̄o nkpienkpienm, ni Yuda-f̄om nkpienkpienm ni.

⁴ Na w̄o se bu ka, “Ma yo satie kabo ma t̄o s̄on̄o bo i la má ŋgasi be na bu kun i ni.” Na ba se i ka, “Ya c̄ēē b̄on̄o wo nyini nu a? U d̄ēē j̄orē l̄ēē.” ⁵ Na Yudasi afa ŋwaa n atu Nyeme Sereebiri Awuru n nu, na w̄o fite ak̄o awura i k̄om nyama akun i ŋu.

⁶ Na Nyeme sayoowa d̄nguyof̄o nkpienkpienm n afa ŋwaa ni, na ba se ka, “Ahin ŋwaa n ti mbunja yiiwa ŋwaa a. Nyeme n̄on̄ie kpamaawa n kere ka má be fa i ŋusu fa san̄ga Nyeme Sereebiri Awuru d̄ēē ŋwaa n nu.”

⁷ Na ba yo an̄ōse, afa ŋwaa n ato asien be, bo bu fere i ka yakati taf̄o juma yoobiri ni, ka bu fa yo w̄of̄om seebiri. ⁸ Nyini ti ye bu fere nyini asien n ka Mbunja Asien, haari ni nyuma s̄o n a. ⁹ D̄o na n̄on̄ie n bo Nyeme n̄on̄ie kanf̄o Jeremiya yo j̄ōori n ayo yiiwa, i ŋa, “Ba fa j̄ete ŋwaa aburasan n bo Yisarelif̄om kere soroori su ka bu t̄o i kaari, s̄on̄o n d̄ēē ti ni, ¹⁰ na ba fa ŋwaa n ato yakati taf̄o juma yoobiri, kabo Micera n seeri m ka bu yó l̄ēē.”

Kabo Gomina Pilato bisaari Yesu j̄orē ni

¹¹ Na ba fa Yesu ak̄o ajina Gomina Pilato n nyunu, na w̄o bisa Yesu ka, “W̄or̄o ti Yuda-f̄om f̄eme n a?” Na w̄o b̄o i nu ka, “Kabo a j̄ōo ni, i ti s̄o o.” ¹² Na Nyeme sayoowa d̄nguyof̄o nkpienkpienm, ni Yuda-f̄om nkpienkpienm akpiē j̄orē as̄o Yesu, ama, w̄o b̄o má be nu. ¹³ Na Gomina Pilato abisa i ka, “A ti má j̄orē n kere bo ba kpiē as̄o u ni?” ¹⁴ Ama, Yesu ab̄o má j̄orē n haari kun be mm̄o nu, na gomina n abirisi agaya kabo w̄o b̄o má nu ni.

Kabo Gomina Pilato maari n̄o ka bu kun Yesu ni

¹⁵ Af̄o kere af̄o, Butara c̄enkpiri n nya ba ju, Roma-f̄om gomina yi dansaraka n bo jama n koro ka i yi i ji n w̄o. ¹⁶ Nyini san̄ga ni, s̄on̄o be woori dansaraka n nu d̄o, bu fere i ka Barabasi, i ti má j̄orē bu, s̄on̄o kere si i sa.

¹⁷ Na san̄ga bo jama n kere ba tīenri bu n̄o ni, na Gomina Pilato abisa bu ka, “Am koro ka m yi ŋma ma am a, Barabasi ni, nzen Yesu n bo bu fere i ka Kristo Tiidef̄o ni?” ¹⁸ I seeri s̄o ni, dama i siiri tenle su ka bu si Yesu k̄orē ti ye bu faari i ba wuraari i saa nu a.

¹⁹ San̄ga bo Gomina Pilato wo Yesu j̄oredi su ni, na i yi asunma ase ka, “Má a se ka a yo nyini nah̄oref̄o n sa be, dama anuma k̄ongue, ma cin alele fa k̄o nyini s̄on̄o n d̄o bo w̄o mie m agaya.”

²⁰ Ama, na Nyeme sayoowa d̄nguyof̄o nkpienkpienm, ni Yuda-f̄om nkpienkpienm n awura jama n bu sin ka bu sere Gomina Pilato ka i yí Barabasi ma bu, na i kún Yesu. ²¹ Ama, na Gomina Pilato akaaki abisa jama n ka, “Nyini mine nnyom ni nu, am koro ka m yi ŋma ma am a?” Na ba b̄o i nu ka, “Barabasi.” ²² Na Gomina Pilato abisa bekun ka, “Ye ahin Yesu n bo bu fere i ka Kristo Tiidef̄o ni, am koro ka m yó i se w̄o?” Na bu kere ab̄o i nu ka, “Kpama i baka jaanu n su na i wu.” ²³ Na Pilato abisa ka, “Ye nzu satie ye w̄o yo i a?” Ama, na ba kaaki atien kpa agaya bekun ase ka, “Kpama i baka jaanu n su na i wu.”

²⁴ San̄ga bo Gomina Pilato ŋuuri ka i koro yo má j̄orē n d̄nḡu, haari ni bo w̄o boro i nyi na i yo i d̄nḡu ni, jama n akete sukoro ka bu yo nan̄mie.

Nyini ti, na wɔ fa nzue anmisi i saa, jama n kere nyunu, na wɔ se bu ka, “M saa wo má ahin sɔnɔ n yiwee nu. Am dɛɛ jɔrɛ lɛɛ.” ²⁵ Na jama n kere ase i ka, “Tɔ, ma i yiwee ni ngasi su ya su, ni ya anumam kere.” ²⁶ Dɔ na Gomina Pilato ayi Barabasi aji, na wɔ ma sojam n afin Yesu ngbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo sojam yoori Yesu anzasi ni

²⁷ Na Gomina Pilato n dɛɛ sojam n afa Yesu awura i gisan n nu, na ba tien bu benggu sojam kere nɔɔ abara aye i. ²⁸ Na ba yi Yesu sutura bo i wura i ni, na ba fa tanlɛɛ kɔkɔrɛ yorom be ka femɛya tanlɛɛ dɛɛ su awura i. ²⁹ Na ba fa buwe aɲɔ i ka kaba dɛɛ su, na ba fa aforo i tii ka femɛya kere dɛɛ su. Na ba fa kpama awura i saa nu, na ba kutu i nyunu suyo i anzasi, bu ɲa, “Yudafɔm Fɛmɛ ni, ya yo u anse.” ³⁰ Na ba yi nanzue ago i ɲu, na ba de kpama ni i dɔ, na bu sufin i tii baka. ³¹ Bu ba yoori i anzasi n wieeri ni, na ba yi tanlɛɛ kɔkɔrɛ yorom ni, na ba kaaki afa i tienɲu dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

³² Saɲga bo bu sukɔ ni, na bu ni Sirenefɔ bie be aye, bu fere i ka Simon. Na sojam n amie i ka i sɔ Yesu baka jaanu ni. ³³ Na ba kɔ aju awɔrɛ be bo bu fere i ka *Gologota* ni, *Gologota* n bu la ka Tereawa Woobiri. ³⁴ Na ba saɲga nzan ni ayiri wiwi barasu be ama Yesu ka i nu na i jɔ yaari ni, ama, i kaanri i nɔɔ ɔ, na wɔ kete, wɔ nu má i. ³⁵ Na ba nya akpama i baka jaanu n su, na ba ye i su ajina. Bu yoori sɔ wieeri ni, na ba tu mbaa na bu si kabo bu kpaaki i suturam nu, bu ɲuɲu nu. ³⁶ Nyini sin na ba ka atana sunie Yesu. ³⁷ Na ba kere jɔrɛ n bo bu kpie sɔɔri i ni, afa abo akpama i baka jaanu n tii su, kerɛɛwa n la ka, “Yesu bo i ti Yudafɔm Fɛmɛ n lɛɛ.” ³⁸ Na ba kpama finfɔ nnyɔ nbem baka jaanu su adodo i, bu kpamaari kun i saa fɔmbɔrɔ su, na ba kpama kun n gusu i saa bie su.

³⁹ Na minem kere bo bu sin dɔ ni, subobo bu tii, na ba kpie i nzukɔ, bu ɲa, ⁴⁰ “Wɔrɔ bo a ɲa a fúfu Nyeme Sereebiri Awuru n na a káaki ta i lesan afien n lɛɛ, de u tii ji. Nzen a ti Nyeme Wa nahɔrɛ su, jura baka jaanu n su.” ⁴¹ Sɔ ye Nyeme sayoowa dɔɲguyofɔ nkpienkpienm, ni Nyeme nɔanie kerefɔm, ni Yudafɔm nkpienkpienm n gusu yoori i anzasi a, ⁴² bu ɲa, “Wɔ de minem tii aji, ama, i sukoro de má yiri ni i tii. M ɲa i ti Yisarelifɔm Fɛmɛ n wɔ e. Tɔ, ma i jura baka jaanu n su bra kisa kisa na ya nie, na ya yó i yarada. ⁴³ I daafi Nyeme ɲu a, ye i ɲa i ti Nyeme Wa a. Tɔ, nzen Nyeme koro i a, ma i de i tii ji kisa na ya nie.” ⁴⁴ Haari na finfɔ nnyɔm n bo bu kpamaari bu dodoori Yesu ni mmɔɔ akpie i nzukɔ sɔ.

Kabo Yesu wuuri ni

⁴⁵ Wiesu kerefi buru ni nnyɔ saɲga na awosin akata asien n kere su, haari naaso kerefi nsan. ⁴⁶ Na fa kɔ nyini saɲga ni, na Yesu abo awie kpa ase ka, “*Eli, Eli, lama sabatani?*” I bu la ka, “M Nyeme, m Nyeme, nzu ti ye a yaki m aji a?” ⁴⁷ Na mine nbem jinaari bere, bu nbem n tiiri sɔ ni, na ba se ka, “Am ti, ahin sɔnɔ n sufere Eliya.” ⁴⁸ Kpenɲa na bu nu kun anmati afa mene, adɔ nzan gagaraki be nu, na wɔ fa awɔ baka su alaandi ato Yesu nɔɔ ka i nu. ⁴⁹ Ama, na nyɲgam n ase ka, “Am yaki na ya nie, ka Eliya bá de i tii ji?”

⁵⁰ Na Yesu abo awie kpa, na wɔ nya ayo Nyeme dɛɛ. ⁵¹ Dɔ na tani bambaka n bo bu fa kanda kpaakiiri Sɔɔ Casi n bo i wo Nyeme Sereebiri Awuru n nu n ati nu nnyɔ, fa i angoro kɔ jura i asienɲu. Na asien n akpisi, na yabue ngbingbirim akpakpaaki nu. ⁵² Na fanɲunmam ateke,

na Nyeme minem dangu bo ba wu n atenge bu yiwee nu. ⁵³ Na ba fite fanjunmam n nu, na sanja bo Yesu ba tengeeri i yiwee n nu ni, na ba ko awura Yerusalem mie kpiri n nu, na mine dangu anu bu. ⁵⁴ Na soja kprien n ni i sojam n bo bu jina niɛeri Yesu ni, na bu nuuri kabo asien n kpisiiri barasu, ni kabo sa n kere yoori ni, na sere ati bu agaya, na ba se ka, "Ahin sɔnɔ n ti Nyeme Wa a nahɔre su."

⁵⁵ Na nbaram beberebe bo bu su i su fite Galili awɔre n nu na bu buka i ni, ajina dede sunie Yesu. ⁵⁶ Bu nu nbem la Mariya bo i fite Magadala mie n nu ni, ni Mariya n bo i nbaam la Yakobo ni Yosefu ni, ni Zebedi yi.

Kabo bu yoori Yesu sutura barasu ni

⁵⁷ Na naaso sanja na nengefɔ be aba, i fite Aramatiya mie kpiri n nu wɔ, bu fere i ka Yosefu. Yiri mmɔɔ ti Yesu susufɔm kun wɔ. ⁵⁸ Na wɔ ko asere Gomina Pilato ka i fa Yesu nunie n ma i. Na Gomina Pilato ama nɔɔ ka bu ko fa ma i. ⁵⁹ Na Yosefu ako ayi Yesu fuin n apɔɔndi nzee fɔfɔre nu, ⁶⁰ na wɔ ko ase i fanjunma nu, yiri Yosefu dɛɛ tienɔgu yabuɛ buɛ fanjunma n bo ba lokoti i fɔfɔre ni. Na wɔ nya akundu yabuɛ bambaka afa atɔ fanjunma n anɔ ni, na wɔ ko. ⁶¹ Na Mariya Magadalafɔ ni, ni Mariya nyinga n atana afa bu nyunu awɔ fanjunma ni.

Kabo tintinijinafɔm jina nmindaari Yesu fanjunma ni

⁶² Na alecin fɔfɔre bo i ti Yudaɔm Numiyi cɛen ni, na Nyeme sayoowa danguyofɔ nkpienkpienm, ni Farasifɔm n ako Gomina Pilato dɔ. ⁶³ Na ba ko ase i ka, "Ya si, ya tenge su ka sanja bo nyini kɔrefɔ n yo la ngɔɔ ni, na wɔ se ka yiri wuuri, i lesan cɛen, i tenge i yiwee n nu. ⁶⁴ Nyini ti, ma nɔɔ na bu ko jina nminda i fanjunma ni, fa ko ju haari lesan cɛen ni, má nyini, i susufɔm ni koro ko wɔ yi i nunie ni, na bu bu kɔre ka wɔ tenge wɔ. Nyini sanja, kasin dɛɛ kɔre ni tára bumboori dɛɛ ni." ⁶⁵ Na Gomina Pilato ase bu ka, "Am fa tintinijinafɔm, na am ma bu ko jina nminda i fanjunma n kabo am koro i barasu ni, na má be koro yo pui." ⁶⁶ Nyini ti, na ba ko ata atɔ fanjunma n anɔ n kere, na ba ma tintinijinafɔm n ajina anminda abara aye i, adena má be koro yo pui.

28

Kabo Yesu tengeeri i yiwee n nu ni

¹ Yudaɔm Numiyi cɛen n sin dɛɛ alecin, bakue n bumboori, mɔne cɛen ngarama fuun, na Mariya Magadalafɔ ni, ni Mariya nyinga ni, ako ka bu ko nie Yesu fanjunma ni. ² Kpenɔga na asien n akpisi agaya, dama Micera n merɛke be fiteeri angoro jura ba kundu yiiri yabuɛ bambaka n fanjunma n anɔ n su a, na wɔ fun atana su. ³ Na wɔ ta fofoe papasi ka nzue kpɛɛɛwa dɛɛ su, na i sutura n kere ayo fofoe ka cisen. ⁴ Na sere ati tintinijinafɔm ni, na bu nunie subobo bu, na ba yo ka ba wu dɛɛ su wɔ.

⁵ Na Nyeme merɛke n ase nbaram n ka, "Má am ma sere ti am. M si ka am niɛie Yesu bo bu kpamaari i baka jaanu n su n wɔ. ⁶ I wo má fen. Wɔ tenge i yiwee n nu, kabo i yo seeri am ni. Am ba nie deke bo bu faari i seeri ni. ⁷ Am kpie am nyi na am ko se i susufɔm ni ka wɔ tenge i yiwee n nu. Am ti fen, i sudu am mɔ ko Galili awɔre n nu, dɔ ye am kó nu i a. Ma se am lɛɛ."

⁸ Na ba fite fanjunma n nu ndende ni sere, ama, ni ahorejɔ, na ba nmati na bu ko se i susufɔm ni. ⁹ Bu sukɔ ni, kpenɔga na bu ni Yesu aye, na wɔ yo bu anse. Na ba kutu i jaa bu, na ba ma i jirima. ¹⁰ Na wɔ se bu ka, "Má

am ma sere ti am. Am ko se m ninbaam ka bu ko Galili, do ye bu ko ni ma.”

Kabo tintinijinafom seeri sa n bo i yoori ni

¹¹ Sanga bo nbaram n wo ko su ni, na tintinijinafom nbem ako mie n kunnu, ako ama Nyeme sayoowa donguyofon nkpienkpienm ni labari, fa ko sa n kere bo wo yo n su. ¹² Na Nyeme sayoowa donguyofon nkpienkpienm, ni Yudafon nkpienkpienm n atien bu non, afa asese su, na ba ma tintinijinafom ni nwaa beberebe, ¹³ na ba se bu ka, “Am se minem ka, sanga bo am adaafi kongue n ye i susufom ni ba wo yiiri i a. ¹⁴ Na nzen haari gomina n ba tiiri nyini labari ni, yere kan de am tii, na i yo ma am pui.” ¹⁵ Na tintinijinafom n ade nwaa n na ba ko ase minem kabo nkpienkpienm n seeri bu ni. Nyini dee ti ye nyini labari n abara aye Yudafom do, fa ba ju haari ni nyuma n a.

Kabo Yesu faari i nu kereeri i susufom ni

¹⁶ Na i susufon buru ni kunm n ako Galili awore n nu na ba fun ako buka n su, deke bo Yesu seeri bu ka bu ko ni. ¹⁷ Sanga bo bu ko nuuri i ni, na ba kutu ama i jirima, ama, bu nbem asunsun ka ma yiri lee. ¹⁸ Na Yesu acin adodo bu, na wo se bu ka, “Nyeme afa angoro ni asienngu fen kere yiko, afa awura m saa nu. ¹⁹ Nyini ti, am ko durunya n kere nu, na am ma daanfie kere yo m susufom. Na am bie bu Nyeme nzue, Si, ni Baa, ni Awiewie Casi n dee duma nu. ²⁰ Na am kere bu ka bu de m nonie maawa n kere bo ma fa ama am ni. Am ti fen, m wo am do, sanga kere, fa ko haari durunya n awieeri.”

Labari kpa n bo MARAKO akerε i ni

Kabo Yohane Nyeme Nzue Biefɔ kaanri Nyeme jɔre ni

¹ Ahin jɔre ni, i ti Nyeme Wa Yesu Kristo dεε labari kpa n wɔ. Kabo i boori i bu yaa. ²⁻³ Nyeme yo seeri i wa n ka, “Ti fen, m súnma m sunmafɔ n na i dú u mɔ, yiri sése u atin n su a.

Yiri kó subo ndoori boro kpantain n nu se ka, ‘Am sεsε Mibiε n atin n su, na am yo i atin n dɔŋgu.’”

Na Nyeme ama ba kere nyini jɔjɔwa n kere Nyeme noanie kanfɔ Esaya dεε kadasi n nu. ⁴ Nyini sɔnɔ n bo Nyeme sunmaari i n la sɔnɔ be bo bu fere i ka Yohane Nyeme Nzue Biefɔ ni. I baari boro kpantain n nu, na i sukan Nyeme jɔre, i ŋa, “Am kaaki am wo na m bie am Nyeme nzue, na Nyeme fa am ŋgasi ni am satie kere ce am.”

⁵ Na Yudiya asiensufɔm, ni Yerusalem miε nufɔm kere afite aba i dɔ, na ba kan bu ŋgasi ni bu satie kere bo ba yo i akere Nyeme, na Yohane abie bu Nyeme nzue Yodan kunma n nu.

⁶ Yohane sutura wuraawa yo ti deke bo bu faari nyɔɔma ndɔre wuuri i a, na wɔ fa jina abo i wi nu. I diire yo la lalom ni wie wɔ. ⁷ I kaanri Nyeme jɔre, i ŋa, “Sɔnɔ be wo m sin suba, i tara m fieo, m ti kaan ni bo m dodo i. ⁸ Mini afa nzue abie am a, na am yo casi, ama, yiri fá Nyeme Awiewie Casi n wura am ŋu yo am casi a, kabo sɔnɔ bie nzue na i yo casi ni.”

Kabo Yohane biεeri Yesu Nyeme nzue ni

⁹ Nyini sanɔa n na Yesu afite Nazareti, miε n bo i wo Galili awɔre n nu ni, na wɔ ba Yohane dɔ, na Yohane abie i Nyeme nzue Yodan kunma n nu.

¹⁰ Sanɔa bo Yesu fiteeri nzue n nu ni, kpenɔa na wɔ ŋu ka angoro n ateke, na Awiewie Casi n ajura ka tiiwa dεε su aba atana i ŋu. ¹¹ Na wɔ ti akonvi be ŋa angoro, i ŋa, “Wɔrɔ ti m wa a, m koro u agaya, m ahore ajo u ŋu.”

Kabo Sitana yoori Yesu na i nie ni

¹² Nyini jinaabiri n nu na Awiewie Casi n ama Yesu akɔ boro kpantain n nu. ¹³ I woori dɔ cεen aburana, i ni boro nenɔgem woori dɔ a, na Sitana ayo i na i nie ka, i yó yiri Sitana n dεε koroowa, nzen i yó má. Ama, Yesu asoro má su. Na Nyeme merεkem aba asu i.

Kabo Yesu fereeri jombaa tarafɔ nna nbem ka bu su i su ni

¹⁴ Sanɔa bo bu taraari Yohane nyiiri i dansaraka n sin, na Yesu akɔ Galili awɔre n nu, na i sukan labari kpa n fa kɔ Nyeme atin n su kere minem, ¹⁵ i ŋa, “Sanɔa n aju bo Nyeme Feme bá nie i minem su. Am kaaki am wo, na am de Nyeme labari kpa n na am yo i yarada.”

¹⁶ Ye i ba sunati sin Galili kunma kpiri n nɔɔ su, na wɔ ŋu jombaa tarafɔ nnyɔ nbem. Bere la Simon ni i niema Andere. Bu wo bu diendie sandi su kunma kpiri n nu. ¹⁷ Na Yesu ase bu ka, “Am bra na am ba su m su, na m má am tien minem nɔɔ ma m, kabo am tara jombaa ni.” ¹⁸ I seeri sɔ ni, na ba kaba ayaki bu diendiem ni, na ba su i su.

¹⁹ I nati koori mo kaan bekun, na wo nu mine nnyo nbem. Bere la Yakobo ni i niema Yohane. Bu fere bu si ka Zebedi. Bu wo lee nu suyo bu diendiem dongu. ²⁰ Do na wo fere bu ka bu su i su, na ba yaki bu si ni, ni i npaadifom n lee n nu, na ba su i su.

Kabo Yesu fon yiiri ajini sono be nu ni

²¹ Na ba ko aju mie kpiri n bo bu fere i ka Kapenam su. Na Yudafo m Numiyi ceen na Yesu awura bu tientienbunoo soo n nu, bo bu sere Nyeme na bu kere Nyeme jore nu ni, na wo kan Nyeme noanie akere minem ni. ²² Na bu kere ayo alekutura fa ko i kereewa n su, dama i kereewa n awo i ngumi ni Yudafo m dae Nyeme noanie kerefom ni. I kereewa n la yiko. ²³ Nyini sangha n nu na sono bo ajini wo i nu n aba bu do bu tientienbunoo soo n nu, na wo bo awie ²⁴ ase ka, "Yesu Nazaretifo, a koro nzu ya nu fen a? A ba ka a ba yo ya ngbeen wo? M si u sa, woro ti sono casi n bo Nyeme asunma u n a." ²⁵ Na Yesu atien ajini n nu ase ka, "Mo u noo bere, na a fite yaki sono ni." ²⁶ Na ajini n akpisi sono ni, na wo ciindi afite ayaki i. ²⁷ Na minem kere ayo alekutura ako asin su, na ba bisa bu nu nu ka, "Ee. Nzu la ahin? I ti kereewa fofore wo. Ahin sono n la yiko bo i koro ma ajinim n mmoo noo na bu de i." ²⁸ Nyini ti na Yesu duma akaba ata abara aye Galili awore n kere nu.

Kabo Yesu tuntuunri tukpakifom beberebe Simon dika ni

²⁹ Sangha bo i fiteeri tientienbunoo soo n nu ni, na i ni Yakobo ni Yohane ako awura Simon ni Andere dika. ³⁰ Bu ko juuri awuru n nu ni, na ba se Yesu ka Simon sibara la ma i nu, yakoko abo i, i da soroo. ³¹ Na wo ko aso i saa nu aye i su atana, na yakoko n ayaki i, na wo ko ayo diire ama bu. ³² Nyini ceen n naaso, dika bibiri sangha, na minem afa tukpakifom kere ni minem bo ajinim wo bu nu n aba Yesu do. ³³ Na mie n nu jama n kere aba atien bu noo i do anungbere n nu. ³⁴ Na wo tuntun tukpaki barasu barasufom beberebe, na ba nya laifie, na wo fon ayi ajinim gusu beberebe. Wo du ma su na ajinim n joo, dama bu si i sa.

Kabo Yesu kaanri Nyeme jore Galili awore n nu ni

³⁵ Na alecin akonyuma ciciri su, na Yesu ayasu afite ako dede awore be nu i ngumi, na wo ko asere Nyeme. ³⁶ Na Simon ni i bengum ako i nienie. ³⁷ Bu ko nuuri i ni, na ba se i ka, "Sono kere sunienie u busu." ³⁸ Na Yesu ase bu ka, "Am ma ya ko mie nyingam n su na m ko kan Nyeme jore kere bu gusu, dama ka nyini ti ye m baari durunya n nu a." ³⁹ Na wo bara aye Galili awore n kere nu, sukan Nyeme jore bu tientienbunoo soom n nu, ye i fon yi ajinim minem nu a.

Kabo Yesu tuntuunri kokofa be ni

⁴⁰ Na kokofa be aba Yesu do, na wo ba akutu i nyunu asere i jande ka i buka i. I na, "Nzen a koro ka a ma m nya laifie, a koro ma m nya i." ⁴¹ Na Yesu anu i anunfo, na wo tenge i saa anana i nu, na wo se i ka, "M koro. Nya laifie." ⁴² Na kokobi n akaba ayaki sono n na wo nya laifie. ⁴³ Na Yesu ama i atin ka i ko, na wo bobo i ⁴⁴ ase i ka, "Ma a se ka a se be ahin jore ni, ama, ko na a ko fa u nu kere Nyeme sayoowa donguyofa ni, na a ko yo yoowa n bo Moyisi yo kereeri dawafom ni, dama nyini kere minem ka a nya u nu a." ⁴⁵ Ama, na wo ko abo ndoori, na labari n abara aye deke n kere, nyini ti, Yesu akoro ayi ma i nu fofoe nu miem be nu kun, i fiere i nu aheme wo, na mine afite awore n kere nu aba i do.

2

Kabo Yesu tuntuunri sɔɔ bo i saam ni i jaam awu ni

¹ I yoori lennyɔ na Yesu akpie i nyi aba Kapenam miɛ kpiri n nu, na labari abara aye ka i wo awuru, ² na mine atien bu nɔɔ i dɔ agaya haari fofoe anya má anɔ n bo bu fa wura sɔɔ n nu mmɔɔ, na Yesu akan Nyeme jɔɔ sukere bu. ³ I wo bu kere su ni, na mine nbem aba i dɔ, bu nu mine nna sɔ sɔɔ bo i saam ni i jaam awu. ⁴ Jama n sunnuuri sɔ n dɛɛ ti, ba koro anya má fofoe bo bu fa sɔɔ n dodo Yesu, na ba fiiti sɔɔ n bo Yesu wo nu n angoro buekun, na ba fa i ni i dasu n kere acɔɔndi afa i ada sɔɔ n nu. ⁵ Yesu ŋuuri kabo bu yoori i yarada n sɔ ni, na wɔ se sɔɔ n bo i saam ni i jaam awu n ka, “M dɔn, ma fa u satie ace u.”

⁶ Tɔ. Yudafoɔm Nyeme nɔaniɛ kerefɔm nbem tana bere, na ba sunsun bu ahore su ka, ⁷ “Ahin sɔɔ n la atin bɔɔ ye i jɔɔ wura Nyeme ŋgasi nu sɔ a? Be wo má bere bo i koro fa minem satie ni bu ŋgasi ce, sin Nyeme ŋu.” ⁸ Na Yesu afa nu i ahore su fa kɔ bu sunsunni bo bu bita i n su, na wɔ bisa bu ka, “Nzu ti ye am bita nyini sunsunni ni am ahore su a? ⁹ Bɔɔ ti kekereke a, bo m se sɔɔ n ka, ‘Ma fa u satie ace u,’ nzen, ‘Yasu fa u dasu n na a nati n a?’ ¹⁰ M kere am ka mini Adamande Wa n la yiko durunya n nu bo m fa minem satie ni bu ŋgasi ce bu.” Na wɔ se sɔɔ n ka, ¹¹ “Wɔɔ, yasu fa u dasu n na a kɔ awuru.” ¹² I kaba yasu faari i dasu n wɔ, na wɔ fite jama n kere nyumbaa nu. Na bu kere ayo alekutura, na ba kansu Nyeme, na ba se ka, “Ya nya ŋu má ahin sa n ŋusu cɛn be.”

Kabo Yesu fereeri Levi ka i su i su ni

¹³ Na Yesu akaaki akpie i nyi akɔ Galili kunma kpiri n nɔɔ su, na jama beberebe akɔ atien bu nɔɔ i dɔ, na wɔ kan Nyeme jɔɔ akere bu. ¹⁴ I wo natiiri su susin ni, na wɔ ŋu lampodefɔ be bo bu fere i ka Levi, Alafeyo wa ni, ka i tana i juma yoobiri, na Yesu ase i ka, “Yasu bra na a ba su m su.” Na wɔ yasu asu i su.

¹⁵ Na Yesu akɔ Levi dika ka i kɔ di diire. Na satieyofɔm, ni lampodefɔm beberebe asu i su. Diire n diibiri dɔ ni, na bu dɔŋgu aba atana Yesu ni i susufɔm n dɔ, na ba saŋga adi diire. ¹⁶ Na Nyeme nɔaniɛ kerefɔm nbem bo bu su Farasifɔm dɛɛ atin su ni, aŋu ka Yesu ni satieyofɔm, ni lampodefɔm tana sudi diire, na ba bisa i susufɔm ni ka, “Nzu ti ye Yesu ni lampodefɔm, ni satieyofɔm saŋga di diire a?” ¹⁷ Na Yesu ati bu jɔɔɔwa n na wɔ bɔ bu nu ka, “Minem bo bu la laifie n koro má ayirifɔ, má ka bo bu la má laifie ni koro a. Ma ba má ka m bá fere minem bo bu ŋa bu yo sa bo i kɔ atin su Nyeme dɔ n wɔ, ama, m baari satieyofɔm n dɛɛ ti wɔ.”

Kabo Yesu kereeri nɔɔ cici jɔɔ ni

¹⁸ Cɛn be na Yohane dɛɛ susufɔm ni Farasifɔm sucici bu nɔɔ, na mine nbem aba na ba bisa Yesu ka, “Nzu ti ye Yohane susufɔm ni Farasifɔm dɛɛ susufɔm cici bu nɔɔ, ye u dɛɛm bere cici má?” ¹⁹ Na Yesu abɔ bu nu ka, “Am sunsun ka konyayafɔm koro cici bu nɔɔ saŋga bo konyafan n toko wo bu dɔ ni, nzen se? Ai, saŋga bo konyafan n wo bu dɔ ni, bu yo má nyini. ²⁰ Ama, saŋga suba bo bu bá yi konyafan n fite bu nu, nyini saŋga n ye bu nyá cici bu nɔɔ a.”

²¹ Na Yesu akaaki ase ka, “Be koro fa má sanvui fɔfɔɔre kpa tɔ má tani dawa kunma, nzen i yoori sɔ, sanvui fɔfɔɔre ni sɔn tani dawa n wɔ, na i téke i kunma n agaya buka su. ²² I kaaki ti sɔɔ bekun ka be koro fa má nzan nyiiwa fanɔfɔ gɔ má dundu dawa bebete nu, nzen i yoori sɔ, dundu

ni tíe wɔ, na i ká ɲgbɛɛn, na nzan n kɛrɛ sɔŋgi. Ama, i ti ye ni ka bu fá nzan nyiiwa faŋgafo go dundu fofore biiwa nu.”

Kabo Yesu jɔjɔ fa kɔɔri Njumiyi cɛɛn n jɔrɛ ni

²³ Yudafoɔm Njumiyi cɛɛn be, na Yesu ni i susufɔm ni sunati sin alembaa fie be nu, na i susufɔm n abubu be akpɛsɛ. ²⁴ Na Farasifoɔm n ase i ka, “Níe fɛn. Nzu ti ye u susufɔm ni suyo sɔ a? Nyɛmɛ noaniɛ kpamaawa n kere ka má be yo sɔ, Njumiyi cɛɛn ni.” ²⁵ Na wɔ bo bu nu ka, “Am nya kan má Nyɛmɛ Jɔrɛ Kadasi n nu, kabo Fɛmɛ Davidi yo yoori sanɔa bo i ni i minɛm miɛri diire busu n wɔ, nzen sɛ? ²⁶ Nyini sanɔa Abiyata yo ti Nyɛmɛ sayoowa doŋguyofɔm kɛrɛ kpíɛn n a. Ahɔɛ n ti, na Fɛmɛ Davidi akɔ awura Nyɛmɛ Sereebiri Awuru n nu, na wɔ di kɔnɔ n bo ba fa ama Nyɛmɛ ni, na wɔ ma i minɛm be. Ama, am si ka ya dɛɛ atin n su, Nyɛmɛ sayoowa doŋguyofɔm ɲgumi di nyini kɔnɔ n a.”

²⁷ Na Yesu akaaki ase bu ka, “Adamande dɛɛ ti ye Nyɛmɛ yiiri Njumiyi cɛɛn n a, má Njumiyi cɛɛn n dɛɛ ti ye Nyɛmɛ yiiri adamande a. ²⁸ Nyini ti, Njumiyi cɛɛn ni mmɔɔ, mini Adamande Wa ni ti i Mibiɛ a.”

3

Kabo Yesu tuntuunri sɔnɔ asaa fuin be Njumiyi cɛɛn ni

¹ Na Yesu akaaki akɔ tientiɛnbunɔɔ sɔɔ n nu do bekun. Sɔnɔ asaa fuin be woori do. ² Na minɛm bo bu wo do n atu bu nyumbaa aniɛ Yesu, na bu niɛ ka i túntun asaa fuin n Njumiyi cɛɛn ni, nzen i túntun má i, adena bu só i ɲgɛɛ na bu járaaki i ka wɔ saaki Njumiyi cɛɛn n ciire ni. ³ Na Yesu ase asaa fuin n ka, “Ba jina afiɛn fɛn.” ⁴ Na wɔ bisa bu ka, “Ya dɛɛ atin n su, atin wo nu ka ya yo sakpa Njumiyi cɛɛn ni, nzen ya yo satíɛ wɔ? I kaaki ti ye ni ka ya de ɲgɔɔ, nzen ya yi ɲgɔɔ ɔ?” Ama, ba bo má i nu. ⁵ Na Yesu aniɛ bu nyunu abara aye, na wɔ fa yaa bu ɲu, na i ahore asaaki fa kɔ bu atii kekere n dɛɛ ti, na wɔ se sɔnɔ n ka, “Tenɲe u saa ni.” Na wɔ tenɲe i saa ni, na wɔ yo faŋga bekun. ⁶ Na Farasifoɔm n akaba afite tientiɛnbunɔɔ sɔɔ n nu akɔ Fɛmɛ Herode minɛm do, na ba sɛsɛ bu ɲu su kabo bu yó na bu kún Yesu.

Kabo jama beberebe tiɛnri bu nɔɔ Yesu do ni

⁷ Nyini sin na Yesu ni i susufɔm n afite akɔ kunma kpiri n nɔɔ su, na jama beberebe afite Galili awɔrɛ n nu asu i su. Nbem gusu fiteeri Yudiya dɛɛ awɔrɛ n nu, ⁸ ni Yerusalem miɛ kpiri n nu, ni Idumeya dɛɛ awɔrɛ n nu, na nbem gusu afite Yodan kunma n wiɛ afiiri ni, ni Tiro ni Sidon dɛɛ bue ni. Bu tiiri kabo Yesu yoori alekutura sam barasu ni, nyini ti ye bu baari i do a. ⁹⁻¹⁰ Yesu ama tukpakifoɔm beberebe anya laifiɛ n dɛɛ ti, bo bu la tukpaki kɛrɛ koro ka bu miɛ bu nyi wɔ, na bu sakati wura na bu fa bu saa kan i. Nyini ti, na wɔ se i susufɔm ni ka bu kpa bu ɲu ni lee ma i, na nzen minɛm ba ɲa bu miɛ i ɲu na i koro wura lee n nu. ¹¹ Sanɔa kere bo minɛm bo ajinim wo bu ɲu n nya ɲuuri i, bu kutu i nyunu wɔ, na bu ciindi na bu se ka, “Wɔrɔ ti Nyɛmɛ Wa n a.” ¹² Na wɔ bobɔ ajinim ni ni anyumbo ka, má bu ma be si i sɔnɔ nzuin nu.

Kabo Yesu yiiri mine buru ni nnyɔ ka bu yo i jaramasam ni

¹³ Na Yesu afun akɔ buka be su, na wɔ fere mine n bo i koroori ka bu ba i do ni, na ba ba i do. ¹⁴ Na wɔ yi bu nu buru ni nnyɔ, na wɔ fa bu ayo i jaramasam ka bu wo i do, na i susunma bu ka bu kɔ sukan Nyɛmɛ jɔrɛ, ¹⁵ na wɔ ma bu yiko ka bu kɔ sufɔn yi ajinim minɛm ɲu. ¹⁶ I jaramasa buru ni nnyɔm ni bo i yiiri bu n la Simon bo Yesu tuunri i duma ka Petoro

ni, ¹⁷ ni Yakobo ni i niema Yohane, bo bu si la Zebedi na Yesu kaaki tuunri bu duma ka *Bowanaje*, i bu la ka bu tientien agaya ka nzue wɔ. ¹⁸ Bu nbem gusu la Andere, ni Filipu, ni Batolomeyo, ni Matio, ni Tomasi, ni Yakobo bo i si la Alafeyo ni, ni Tadayɔ, ni Simon bo i tu ngoni fa kɔ i asien su ni, ¹⁹ ni Yudasi Isikariyoti bo i ba tɔɔri Yesu ni.

Kabo minem ɲa Yesu ni Sitana dɛɛ ti kun ni

²⁰ Na Yesu akɔ awuru, na jama aba atien bu nɔɔ bekun bo i ni i susufɔm n akoro anya má tana bo bu di diire mmɔɔ. ²¹ Na sanɲa bo i minem tiiri i ɲga ni, na ba kɔ ka bu kɔ fa i ba awuru, dama minem ɲa i nyunu akan i. ²² Na Yudafɔm Nyemɛ nɔaniɛ kerefɔm bo bu fiteeri Yerusalem miɛ kpiri n nu n ase ka, “Belazɛbuli bo i ti ajinim kɛɛ dɛɛ femɛ ni, wo i ɲu a.” Na ba kaaki ase ka, “Yiri ajinim kɛɛ femɛ ni ma i yiko ye i koro fɔn yi ajinim n a.” ²³ Bu seeri sɔ ni, na Yesu afere bu, na wɔ bo bu miɛnu. I ɲa, “Sitana koro yo sɛ fɔn yi i dɛɛ ajinim minem ɲu a? ²⁴ Ya fa i ka, nzen femɛya nya kpakpaakiiri nu wieeri, nyini femɛya ni kóro jina a? Ai, i kóro jina má. ²⁵ Na nzen awuru gusu bo i minem nya kpakpaakiiri nu, nyini awuru ni kóro jina a? Ai, i kóro jina má. ²⁶ Nzen Sitana dɛɛ femɛya n nya kpaakiiri nu wieeri, i kóro jina a? Ai, i kóro jina má. Nzen i nya yoori sɔ, i fanɲa wie wɔ. ²⁷ Be koro wura má sɔnɔ fanɲafɔ dika na i fin i nenɲe, má ka wɔ tara i fanɲa acin i nyama ka, ye i nya koro fin i nenɲe n bo i wo awuru n nu a.”

²⁸ Na Yesu akaaki ase ka, “M suse am nahɔɛ wɔ lɛɛ ka, Nyemɛ koro fa minem satie kɛɛ fa ce bu, haari fa kɔ sanɲa jɔɛ ɲgbɛɛnɲgbɛɛn kɛɛ bo bu jɔjɔri i fa kɔ Nyemɛ dɔ, ²⁹ ama, sɔnɔ kɛɛ bo i jɔjɔ wuraari Awiewie Casi ni ɲgasi nu, Nyemɛ fá má i mi ɲgasi ce má i, dama i mi ayo satie bo i la má awieeri lɛɛ.” ³⁰ Deke bo i ti na Yesu seeri sɔ n la ka, bɛɛ Nyemɛ nɔaniɛ kerefɔm ni, bu ɲa ajini wo i ɲu a.

Minem bo bu ti Yesu ni, ni i ninbaam nahɔɛ su n jɔɛ

³¹ Na Yesu ni, ni i niemam aba i dɔ awuru n bo i wo nu ni, na ba ka ajina dasin asunma ka bu fere i. ³² Na jama beberebe atana abara aye yiri Yesu na ba se i ka, “Ti fɛn. U ni, ni u niemam wo dasin koro u.” ³³ Na wɔ se bu ka, “Am ma m kere am bo bu ti m ni, ni m niemam.” ³⁴ Na wɔ niɛ abara aye minem bo bu tana bara yeeri i ni, na wɔ se bu ka, “Am niɛ. M ni, ni m niemam n yaa. ³⁵ Sɔnɔ kɛɛ bo i yo Nyemɛ sa koroowa, yiri ti m siwa, ni m niwa, ni m ni a.”

4

Miɛnu fa kɔ kabo dɔdɔɔrifɔ be sandiiri alɛmbaa ni

¹ Na Yesu akaaki akɔ Galili kunma kpiri n nɔɔ su, na wɔ bo i bu sukere minem Nyemɛ jɔɛ, na jama beberebe atien bu nɔɔ i dɔ. Jama n sunnuuri beberebe n dɛɛ ti, na wɔ wura lee nu atana nzue n nu, na jama n kere atien bu nɔɔ fa dodo nzue n nɔɔ su. ² Na wɔ bo miɛnu, na wɔ kere bu dekem beberebe. I ɲa, ³ “Am ti fɛn. Dɔdɔɔrifɔ be yo fiteeri sɔ ɔ, ka i kɔ sandi alɛmbaa. ⁴ Sanɲa bo i wo sandi su ni, na alɛmbaam nbem atɔtɔ atin n nɔɔ, na anumam aba atambu bu ami. ⁵ Na nbem atɔtɔ tieka su, deke bo fa sunnu má ni, na fa sunnu má n dɛɛ ti, na wɔ cɛ má, na wɔ fi, ⁶ ama, sanɲa bo wie ba fiteeri agaya ni, na wɔ waandi, dama bunlui n akpama abi má n dɛɛ ti. ⁷ Na alɛmbaa ni nbem atɔtɔ lolɔɛ nu, na lolɔɛ n anyi akata i ɲu, nyini ti, wɔ koro awura má mbaa. ⁸ Ama, na alɛmbaam ni nbem atɔtɔ

asiɛn kpa su, na wɔ nyi awura mbaa zɔi zɔi.” ⁹ Na Yesu ase bu ka, “Bo i koro ka i ti ahin jɔrɛ n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

¹⁰ Na saɔga bo i kaari i ni i susufɔ buru ni nnyɔm ni, ni minɛm bo bu wo i dɔ saɔga kɛrɛ ni, na ba bisa i nyini miɛnu n bu. ¹¹ Na wɔ bɔ bu nu ka, “Amberɛ ye Nyɛmɛ ama am asi i fɛmɛya n nu asiri jɔrɛ a, ama, minɛm bo bu su má m su ni, m bo i miɛnu kere bu a, ¹² adena i yó kabo ba kere i Nyɛmɛ Jɔrɛ Kadasi n nu ni, ka,

‘Bu níɛ ni nahɔrɛ su,
ama, bu ɲú má pui.

Bu só bu sui ni nahɔrɛ su,
ama, bu tí má deke n bo bu so bu sui ka bu ti i n bu,
dama nzen má bu tiiri i bu, má bu káaki bu wo wɔ,
na Nyɛmɛ fá bu satie ce bu.’ ”

Kabo Yesu kereeri miɛnu n bu ni

¹³ Na Yesu abisa bu ka, “Am ati má ahin miɛnu n bu? Ye am yó se ti miɛnu nyingam n kere bu a? ¹⁴ Ahin miɛnu n bu la ka, dɔdɔɔrifɔ n ti ka sɔnɔ n bo i kan Nyɛmɛ jɔrɛ n wɔ. ¹⁵ Mine nbem de Nyɛmɛ nɔanie n kabo alembaa n tɔtɔri atin n nɔɔ n wɔ. Bu nya tiiri Nyɛmɛ nɔanie n na bu de i, i ce má, na Sitana bá yi nɔanie n fite bu ahore su, a ɲu ka bu wara afi i sa. ¹⁶ Mine nbem gusu de Nyɛmɛ nɔanie n kabo alembaa n tɔtɔri tieka su n wɔ. Bu nya tiiri Nyɛmɛ nɔanie ni, a ɲu ka ba de i ndende ni ahorejɔ, ¹⁷ ama, i da má bu ahore su. Bu kaaki ti ka alembaa n bo i bunlui akpama abi má n wɔ. I woori bu dɔ kaan sɔ na nzen wahara, wara kekereke be ba tuuri bu fa kɔ bu nyemesu n su, a ɲu ka ba fa ati. ¹⁸ Nbem gusu de Nyɛmɛ nɔanie n kabo alembaa n tɔtɔri lolɔɛ nu n wɔ. Bu nya tiiri Nyɛmɛ nɔanie ni, ¹⁹ ama, bu sunsunni kere wo kabo bu yó na bu asiri káta su, na bu koro kabo bu yó na bu nyá ajekɛ kere, na bu ahore bi fa kɔ durunya n nu nɛngem su, na Nyɛmɛ nɔanie n koro da má bu ahore su na i yo juma. Bu ti ka alembaa n bo i wura má mbaa n wɔ. ²⁰ Ama, mine nbem de Nyɛmɛ nɔanie n kabo alembaa n tɔtɔri asiɛn kpa su n wɔ. Bu nya tiiri Nyɛmɛ nɔanie ni, na bu de i, na bu fa yo juma na i yo kperɛ beberebe.”

Kabo sɔnɔ koro so má sin su na i fa fie ni

²¹ Na Yesu abisa bu ka, “Am nya ɲu ka sɔnɔ be aso fitana su na i fa ganɔa butu su, nzen má nyini i fa kɔ se gado bu? I fa taka deke su angoro wɔ bo sɔnɔ kere koro ɲu i, má sɔ? ²² Dama deke be wo má berɛ bo i wo fieɛwa nu, na bu bá ɲu má i, na deke be gusu wo má berɛ bo i wo asiri nu, na bu bá si má i. ²³ Sɔnɔ kere bo i koro ka i ti ahin jɔrɛ n bu, i ti ye ni ka i so i sui na i ti.”

²⁴ Na wɔ se bu ka, “Am si am ɲu sa ni kabo am ti nɔanie barasu ni. Gɔngɔ bo am fa susu ma minɛm ni, sɔ ye Nyɛmɛ gusu fá susu ma am a, na bo Nyɛmɛ yó ma am ni tara sɔ n mmɔɔ. ²⁵ Dama sɔnɔ kere bo wɔ nya deke be Nyɛmɛ dɔ na i mi si i bita, Nyɛmɛ búka i su wɔ, ama, bo i si má i bita, haari ni nyini kaan n bo i la i ni, Nyɛmɛ dé i dɔ ɔ.”

Miɛnu fa kɔ kabo alembaa fi barasu ni

²⁶ Na wɔ kaaki ase bu ka, “Nyɛmɛ fɛmɛya n ti ka kabo dɔdɔɔrifɔ be kɔ sandi alembaa i fiesu n wɔ. I deɛ la ka i sandi wɔ, ²⁷ na i kɔ da kɔngue, na i tenge alecin. Nyini saɔga n ye alembaa n fi a, na i sunyi, i si má kabo i yoori barasu. ²⁸ Asiɛn n buka alembaa n ye i fi a. I nya fi wieeri, na i

nyi, na i nyinse, na i wɔrɔ, na i nya bi mbaa. ²⁹ Alembaa n ba bi ni, i kpie sanɔa lɛɛ, na i kpie i.”

Alembaa kaan be jɔrɛ

³⁰ Na wɔ kaaki ase bu ka, “Ya fá nzu deke fa sunsun Nyeme femeya n a? Wara ya fá miɛnu barasu bonɔ ye ya bó i fa kere kabo Nyeme femeya n ti a? ³¹ I ti ka nyem mbaa bo bu dɔ i wɔ. Yiri ti alembaa n kere kaan durunya n nu a. ³² Ama, bu nya ba dɔri i na i fiiri, i tara toro nyawam n kere bambaka, i koro nyi na i tetereki asambaa asambaa bo anumam koro yo bu tiɛrim nu.”

³³ Na Yesu afa nyini miɛnu n ni miɛnu nyingam beberebe akan Nyeme jɔrɛ akere bu, kabo sɔnɔ kere koro ti i bu barasu. ³⁴ Jama n nya woori i dɔ, i se má bu pui, má ka miɛnu ye i bo bu a, ama, i ba kaari i ni i susufɔm ni, na i nya yi i bu kere kere bu.

Kabo Yesu kereeri ka i la yiko tara aɔuma ni nzue ni

³⁵ Nyini cɛɛn n naaso sanɔa, na Yesu ase i susufɔm n ka, “Am ma ya kpie kɔ kunma kpiri n buekun dɔ.” ³⁶ Na i susufɔm n acin ayaki jama ni, na ba ba awura lee n bo Yesu wo nu n nu, na ba kɔ. Na nbem gusu afa lee nbem na ba su i su. ³⁷ Na aɔuma bambaka be ayasu, na i subo nzue gɔ lee n nu. Má lee ni suyi ni nzue wɔ. ³⁸ Nyini sanɔa ni, Yesu afa piti asɔn i tii, ye i wo daafiri su lee n sin, na ba ba atenge i ase i ka, “Ya Kerefɔ, nzen ya suwu, u cɛɛ wo má ya nu fan?” ³⁹ Na wɔ yasu na wɔ tien aɔuma n ɔu, na wɔ se nzue n ka, “Da surum.” Na aɔuma n atara, na dika n kere atara jum. ⁴⁰ Na wɔ se bu ka, “Nzu ti ye am soro sere sɔ a? Am yo má m yarada?” ⁴¹ Na sere akaaki ati bu agaya, na ba bisa bu ɔuɔu nu ka, “Nzu sɔnɔmbiri barasu la ahin bo aɔuma ni nzue n mmɔɔ de i nɔanie a?”

5

Kabo Yesu fɔn yiiri ajinim sɔnɔ be ɔu ni

¹ Na Yesu ni i susufɔm n akpie kunma kpiri n akɔ aju Gerasafɔm deɛ awɔrɛ n nu. ²⁻³ Sanɔa bo Yesu fiteeri lee n nu ni, na sɔnɔ be afite fanɔkunma nu aba akpa i atin. Nyini sɔnɔ n nati da fanɔkunma nu wɔ, dama ajini wo i ɔu. Sɔnɔ be wo má bere bo i koro tara i cici i ni jɔrɔkɔ n mmɔɔ kun, ⁴ dama sanɔa kere bu bo i tobari wɔ na bu wura i jɔrɔkɔ buka su, ama, haari ni nyini n mmɔɔ i titi jɔrɔkɔ n wɔ na i kaaki bo sandi tobari n nu. Be wo má bere bo i la fanɔa koro tara i jina kun. ⁵ Kɔngue ni wiesu kere i wo fanɔkunma nu sɔ ɔ, ni bukam su na i suciindi, na i sufa yabue kpiekpie i ɔu. ⁶⁻⁸ Na wɔ ɔu Yesu sanɔa bo i toko wo dede ni yiri ni, na Yesu atien ajini n ɔu ase i ka, “Ajini, fite yaki nyini sɔnɔ ni.” Na sɔnɔ n aɔmati akɔ akutu Yesu nyunu, na wɔ ciindi ase ka, “Yesu, Micera Nyeme Kpiri n Wa, a koro nzu m dɔ fɛn a? M sere u wɔ, Nyeme ti, má a ma m ɔu anyumboro.” ⁹ Na Yesu abisa i ka, “Bu fere u sɛ?” Na wɔ bo i nu ka, “Bu fere m ka Jama Beberbefɔ, dama ya sunnu.” ¹⁰ Na wɔ sere Yesu jande ka má i fɔn bu fite nyini awɔrɛ n nu. ¹¹ Nyini sanɔa afam beberebe wo dodo bere, bu wo buka be su sudi, ¹² na ajinim n asere Yesu ka, “Ma ya kɔ fun afam n ɔu.” ¹³ Na Yesu ama bu atin na ba fite akɔ afun afam n ɔu. Afam n ju akpii nnyɔ dika, na bu kere aɔmati acɔndi akɔ ato kunma kpiri nzue n nu, na nzue n adi bu.

¹⁴ Afa sasafɔm ɔuuri nyini n sɔ ni, na ba ɔmati akɔ abo ndoori mie kunnu, ni aheme aheme kere su. Na mine aba anie sa n bo i yoori ni. ¹⁵ Na ba ba Yesu dɔ, na ba ɔu sɔnɔ n bo ajinim n yo woori i ɔu n ka i tana Yesu

bi wura tanlɛɛ, ni i nyunu koroya su, na sere ati bu. ¹⁶ Na minɛm bo bu ŋuuri sa n yoobiri ni, akan jɔrɛ n kɛrɛ akere jama n fa kɔ sa n bo i tuuri sɔnɔ n bo ajinim yo woori i ŋu ni, ni sa n bo i tuuri afam ni. ¹⁷ Bu tiiri jɔrɛ n sɔ ni, na ba nya asere Yesu jande ka i yasu bu awɔrɛ n nu. ¹⁸ Sanga n bo Yesu suwura lee n nu na i kɔ ni, na sɔnɔ n bo ajinim yo woori i ŋu ni, asere i jande ka i ma i su i su. ¹⁹ Ama, na Yesu akete, na wɔ se i ka, “Kpie u nyi kɔ awuru na a kɔ kan kere u lamɔkɔm fa kɔ sakpa n bo Mibiɛ n ayo ama u ni, ni kabo wɔ si u anjunfɔ barasu ni.” ²⁰ Na sɔnɔ n akpie i nyi ako akan sakpa n kɛrɛ bo Yesu ayo ama i ni, abara aye Mie Burum dɛɛ awɔrɛ n nu, na sɔnɔ kɛrɛ ayo alekutura.

Bara tukpakifɔ be, ni baabara be yiwee jɔrɛ

²¹ Na Yesu awura lee n nu akpie i nyi akpie kunma kpiri n buekun dɔ, na jama beberebe aba atien bu nɔɔ i bi nzue n nɔɔ su. ²² Na Yudafɔm kpien be wo bɛrɛ, yiri niɛ bu tientienbunɔɔ sɔɔ n su a. Bu fere i ka Yarusi. Na wɔ ba Yesu dɔ nzue n nɔɔ su na wɔ kutu i jaa bu, ²³ na wɔ sere i jande. I ŋa, “M wa sunguru atɔ cin. Bra na a ba fa u saa nana i ŋu na i nya ŋɔɔ ni laifie.” ²⁴ Na Yesu asu i su na ba kɔ.

Na jama beberebe asu Yesu su haari bu kɔ sumiɛ i ŋu. ²⁵ Bara be woori jama n nu, i bita abiɛri i afɔ buru ni nnyɔ lɛɛ bo i kpu na i kpie má. ²⁶ Wɔ di wahara, na wɔ saaki i ŋwaa kɛrɛ atuntun i ŋu ayirifɔm dɔ dede haari wɔ ba afie, ama, wɔ nya má laifie se tukpaki n buka su kɔɔ. ²⁷ Na wɔ ti Yesu ŋga, na wɔ sakati awura jama n nu Yesu sin, afa i saa akan Yesu tanlɛɛ ni. ²⁸ Dama i seeri i kunnu ka, “Nzen m koro yoori anie faari m saa kaanri i tanlɛɛ n mmɔɔ, m nyá laifie.” ²⁹ Na wɔ yo sɔ n kpenɔa na i abiɛri n akpie, na yiri ni i tii anu ka wɔ nya laifie. ³⁰ Jina n nu bɛrɛ na Yesu afa nu ka i yiko n be afite i ŋunie nu ako ayo juma. Na wɔ kaaki anie jama n nu, na wɔ bisa ka, “Ŋma faari i saa kaanri m tanlɛɛ n a?” ³¹ Na i susufɔm n ase i ka, “Wɔrɔ mmɔɔ anu kabo jama n amie u barasu, ye nzu ti ye a bisa ka, ŋma fa i saa kaanri u a?” ³² Ama, na wɔ niɛ abara aye na i si sɔnɔ n bo i yoori sɔ ni. ³³ Na sere ati bara ni, i jina, i ŋunie kɛrɛ subobo i fa kɔ sa n bo i tuuri i ni, na wɔ ba akutu Yesu nyunu, na wɔ kan jɔrɛ n kɛrɛ ni i nahɔrɛ atin su akere i. ³⁴ Na Yesu ase i ka, “M wa, yarada n bo a yo m ni, yiri ma a nya laifie a. Kɔ awuru ni ahoreda, na má u tɔrɛ n ba u ŋu kun.”

³⁵ Sanga n bo Yesu toko wo jɔɔ su ni, na mine nbem afite tientienbunɔɔ sɔɔ n kpien n dika aba ase i ka, “U wa n wo má bɛrɛ. Nyini ti, má a dama ya Kerefɔ n kun.” ³⁶ Na jɔrɛ n ato Yesu sui nu, ama, na wɔ se kpien n ka, “Má a ma sere ti u, wɔrɔ yo m yarada.” ³⁷ Wɔ soro má su ka be su i su kun, má ka Petoro, ni Yakobo, ni i niema Yohane. ³⁸ Bu kɔ juuri kpien n dika ni, na Yesu awura anu ka mine beberebe suyo nanmie, bu susun subo awie. ³⁹ Na wɔ bisa bu ka, “Nzu ti ye am suyo nanmie sun sɔ a? Baabara n awu má, wɔ daafi wɔ.” ⁴⁰ Na ba siri i. Na wɔ fɔn bu kɛrɛ afite, na wɔ fa baabara n si ni i ni, ni i susufɔ nsanm ni, na ba kɔ sɔɔ n bo baabara n da nu ni. ⁴¹ Na wɔ kɔ atara i saa, na wɔ se i ka, “*Talita kumi.*” I bu la ka, “Sunguru kaan, m ŋa a yasu.” ⁴² Kpenɔa na sunguru n ayasu anati. I yo ti afɔ buru ni nnyɔ baa a. Na minɛm kɛrɛ bo bu woori bɛrɛ n ayo alekutura agaya. ⁴³ Na Yesu abɔbɔ bu ni nahɔrɛ su ka má bu ma be si sa n bo wɔ yo i ni, na wɔ se ka bu ma baa n deke be na i di.

6

Kabo Yesu ŋa Nyeme nɔaniɛ kanfɔ la má jirima i bɔsu ni

¹ Ye Yesu yasu kɔɔri i bɔsu na i susufɔm n asu i su. ² Na Yudaɔm Njumiyi cɛɛn n na wɔ kɔ bu tientienbunɔɔ sɔɔ n nu, na wɔ kɔ akan Nyemɛ jɔrɛ akere bu. Minɛm bo bu tiiri i kereewa n kerɛ yoori alekutura. Na ba bisa bu nɔnɔ nu ka, “Nifansu ye ahin sɔnɔ n kɔ sɔnsɔnri i si n kerɛ a? Bu maari i alecira bɔnɔ ɔ? Ye alekutura sam bo i yo bu ni, i yo sɛ yo bu a?” ³ Má Mariya wa n bo i ti kampaɔ n lɛɛ? Má Yakobo ni Yose ni Yuda ni Simon n gɔrɔ n lɛɛ? Am niɛ e. Má i niema nbaram mmɔɔ wo ya nu fɛn n a?” Na ba bu i nɔbɛɛn. ⁴ Na Yesu ase bu ka, “Deke kerɛ bu ma Nyemɛ nɔaniɛ kanfɔ jirima, má ka i bɔsufɔm ni i lamɔkɔm ni i gisannufɔm dɔ nɔgumi.” ⁵ Nyini ti, wɔ koro ayo má alekutura sa be i bɔsu dɔ se i faari i saa nanaari tukpakifɔ nbem nɔ wɔ, na ba nya laifiɛ. ⁶ Na wɔ yo i awarabo kabo i bɔsufɔm n ayo má i yarada ni.

Kabo Yesu sunmaari i susufɔ buru ni nnyɔm ni

Na Yesu abara aye ahemɛ miɛm n kerɛ su, na i sukere minɛm. ⁷ Na wɔ fere i susufɔ buru ni nnyɔm ni, na wɔ sunma bu nnyɔ nnyɔ, na wɔ ma bu yiko ka bu kɔ sufɔn yi ajinim fite minɛm nɔ. ⁸⁻⁹ Na wɔ se bu ka, “Má am fa puitiripui kɔ ahin atin n bo am sukɔ ni, diire o, kuruku o, nɔwaa o. Ama, am fa kpama ni gbagbaa yiri. Má am se ka am fa tanlɛɛ buka bo am wura i n su.” ¹⁰ Na wɔ kaaki ase bu ka, “Am kɔ juuri miɛ be su, awuru kerɛ bo am kɔ wuraari nu, am ka nyini awuru n nu, haari am bá fite miɛ n nu. ¹¹ Sasu bekun miɛ bo am kɔ wuraari nu na ba de má am wɔfɔ, na ba kaaki asoro má am su ka bu ti am nɔaniɛ ni, am fite yaki nyini miɛ n ni, na am kpɔnkpɔn yi am jaa tuturi kerɛ. Nyini dí daani kere bu ka bu woowa ti má kpa.” ¹² Na i susufɔm n afite akɔ akan Nyemɛ jɔrɛ akere minɛm ka bu kaaki bu wo. ¹³ Na ba fɔn ayi ajinim minɛm beberebe nɔ, na ba sere Nyemɛ ama tukpakifɔm dɔnɔ, na ba fa nɔguin agɔ bu nɔ, na ba nya laifiɛ.

Kabo bu kuunri Yohane Nyemɛ Nzue Bieɔ n barasu ni

¹⁴ Na Fɛmɛ Herode ati nyini sa n kerɛ, dama Yesu duma ata abara aye deke kerɛ. Na minɛ nbem ase ka, “Yohane Nyemɛ Nzue Bieɔ n ye wɔ tenɔge i yiwee n nu a, nyini ti ye i la yiko koro yo nyini alekutura sam kerɛ a.” ¹⁵ Ama, na nbem ase ka, “Yiri la Eliya a.” Na nbem gusu ase ka, “I ti Nyemɛ nɔaniɛ kanfɔ ka dawa dɛɛm wɔ.” ¹⁶ Ama, Fɛmɛ Herode tiiri nyini ni, na yiri ase ka, “Yohane bo m kpiɛeri i tii n ye wɔ tenɔge a.”

¹⁷ Fɛmɛ Herode yo ma bu taraari Yohane nyiiri wɔ, dama yiri Fɛmɛ Herode afin i gɔrɔ Filipu yi Herodiya afa aja. ¹⁸ Má pui ti, dama Yohane ase Fɛmɛ Herode ka, “Nyemɛ nɔaniɛ kpamaawa n kere ka a la má atin ka a fa u gɔrɔ yi ja i nɔgɔ su.” ¹⁹ Yohane seeri sɔ ni, na Herodiya afa i nɔgasi na wɔ fɔ anminda i kabo i nya i na i kun i. Ama, wɔ koro anya má i, ²⁰ dama Fɛmɛ Herode ni i tii soroori Yohane ka i ti sɔnɔ fofoe bo i yo sa bo i kɔ atin su Nyemɛ dɔ ɔ. Wɔ koro má ka pui yo i. Na Fɛmɛ Herode ajimi fa kɔ nɔaniɛ n kerɛ bo Yohane kan maari i n su, ama, haari ni nyini mmɔɔ, i koro ka i suti i nɔaniɛ n wɔ.

²¹ Cɛɛn be sɔ ɔ na Herodiya aba anya Yohane taraabiri. Nyini cɛɛn n ye Fɛmɛ Herode sugɔ i baawu cɛɛn agɔrɛ n a. Na wɔ fere i gomina mine nɔngbingbirim, ni i soja nkpienkpienm, ni Galili mine teretereɔm kerɛ ka bu ba di na bu nu. ²² Agɔrɛ n nu ni, na Herodiya wa sunɔguru awura agɔ akere Fɛmɛ Herode ni i jamam, na bu kerɛ ahore aja. Dɔ ye fɛmɛ n seeri sunɔguru n ka, “Deke kerɛ bo a koro, se m, na m má u.” ²³ Na wɔ tan ndie ase i ka, “Haari a nɔ m kpaaki m femɛya n buɛkun ma u mmɔɔ, m fá ma u.” ²⁴ Na sunɔguru n afite akɔ abisa i ni ka, “Ye m sere nzu wɔ?” Na

i ni n ase i ka, “Kɔ se i ka a koro Yohane Nyeme Nzue Biefɔ n tiiawa a.”
²⁵ Na wɔ ɲmati akpie i nyi ndende aba ase Feme Herode n ka, “M koro ka na a fa Yohane Nyeme Nzue Biefɔ n tiiawa ma m perente nu kisa kisa.”
²⁶ Feme n tiiri sɔ ni, na i ahore asaaki agaya, ama, ndie n bo i taanri i jama n nyunu n deɛ ti, wɔ koro akaaki má i nɔɔ. ²⁷ Kpenɔga na feme n asunma soja ɲmindafɔm n kun ka i kɔ fa Yohane tiiawa bra. Na wɔ kɔ akpie i tii dansaraka sɔɔ n nu dɔ. ²⁸ Na wɔ fa ada perente n nu aba ama sunɔguru ni, na yiri gusu afa akɔ ama i ni ni. ²⁹ Saɔga bo Yohane susufɔm tiiri sɔ n na ba ba afa fuin n akɔ ase i.

Kabo Yesu maari nbiesɔm akpii nnu ni bu minem diire ni

³⁰ Na jaramasam n akpie bu nyi aba i dɔ, na ba kan sam kere bo ba yo i n akere i, ni kabo ba kan Nyeme jɔre akere mine barasu. ³¹ Jama n deɛ ti, ba nya má anyunɔkoro bo bu di diire. Nyini ti, na Yesu ase bu ka, “Am ma ya kɔ deke bo minem wo má, na am kɔ yi am ɲumi.” ³² Na bere ɲgumi afa lee ni na ba kɔ. ³³ Bu yasu sukɔ ni, na minem dɔɔngu aɲu bu, na ba si bu, na ba fite mie miem su aɲmati adu bu mɔ akɔ aju deke bo bu sukɔ ni. ³⁴ Saɔga bo Yesu fiteeri lee n nu ni, na wɔ ɲu jama beberebe, na wɔ si bu aɲunfɔ, dama bu ti ka nbɔem bo bu la má sasafɔ ɔ, na wɔ kere bu dekem beberebe. ³⁵ Na saɔga bo wie ba sutɔ ni, na i susufɔm n aba i dɔ aba ase i ka, “Kisa, wie sutɔ, ya wo boro gusu wɔ lee. ³⁶ Ma minem n atin na bu kɔ mie kunnu ni aheme aheme miem su na bu kɔ nya diire be to di.” ³⁷ Ama, na Yesu ase bu ka, “Amberɛ mmɔɔ ni am tii nya deke be ma bu na bu di.” Na ba se i ka, “Nzen a ɲa ya to kɔnɔ ma ahin jama n kere, ya dí ɲwaa beberebe.” ³⁸ Na wɔ bisa bu ka, “Amberɛ la kɔnɔ nye wɔ? Am nienie na am nie.” Na ba kɔ anie na ba bɔ i nu ka, “Kɔnɔ nnu ni jombaa nnyɔ wo bere a.” ³⁹ Na Yesu ase i susufɔm n ka bu ma jama n tana asese asese wura fiefiɛwa n su. ⁴⁰ Na ba tana asese asese yaa yaa ni aburununu nnu. ⁴¹ Na wɔ fa kɔnɔ nnu ni, ni jombaa nnyɔ ni, na wɔ ye i tii su aɲgoro, na wɔ da Nyeme asi. Na wɔ kpiekpie kɔnɔ nnu n nu, na wɔ fa ama i susufɔm n ka bu fa ma minem ni, na wɔ fa jombaa nnyɔ n gusu akpaaki bu kere nu. ⁴² Na bu kere adi na bu kunnu ayi. ⁴³ Na ba tambu kɔnɔ, ni jombaa sinsin bo bu diiri na i kaanri ni, na ba nya kandie buru ni nnyɔ. ⁴⁴ Minem bo bu diiri kɔnɔ n ni jombaa n kere yasuari nbiesɔm akpii nnu wɔ.

Kabo Yesu natiiri nzue su ni

⁴⁵ Nyini sin na Yesu ama i susufɔm n awura lee n nu na bu du i mɔ kpie kɔ Besayida mie nu kunma kpiri n buekun, na yiri aka na i kaari jama ni. ⁴⁶ I kaari bu wieeri ni, na wɔ fun akɔ buka n su ka i kɔ sere Nyeme. ⁴⁷ Saɔga bo ale ba saanri ni, lee n aju kunma kpiri n afien, na Yesu ɲgumi aka kunma kpiri n sin. ⁴⁸ Na wɔ ɲu ka i susufɔm n sudi wahara lee n kaanbiri, dama aɲuma sun bu kɔ bu sin wɔ. Na fa kɔ akɔnyuma ciciri su, na wɔ nati nzue n su suba bu dɔ, na wɔ yo ka i susin bu ɲu. ⁴⁹ Saɔga bo bu ɲuuri ka i nati nzue n su ni, na ba sunsun ka, ɲumi a, na ba bo awie. ⁵⁰ Bu kere ɲuuri i sɔ ni, na sere ati bu agaya. Kpenɔga na Yesu ajoɔ bu dɔ, na wɔ se bu ka, “Am ma am ahore si, mini a, má am soro sere.” ⁵¹ Na wɔ wura lee n nu, na aɲuma n atara. Na i susufɔm n kere ayo alekutura agaya. ⁵² Dama ba koro ati má i bu kabo i la yiko koro faari kɔnɔ nnu maari jama beberebem ni, bu ahorembaa ti kekereke n deɛ ti.

Kabo Yesu ma tukpakifɔm beberebe nyaari laifɛ ni

⁵³ Na ba kpie nzue n aba aju awɔre n bo bu fere i ka Genesareti n nu, na ba minda lee n aheme. ⁵⁴ Bu fiteeri lee n nu kpenɔga ni, na minem n asi ka

Yesu lɛɛ. ⁵⁵ Na ba n̄mati abara aye miem n kere su, na deke kere bo bu tiiri i n̄ga, bu sɔ bu tukpakifom ni bu dasum kere ba i dɔ ɔ. ⁵⁶ Na nzen i kɔori aheme miem wara mie kunnu, deke kere bo i fa, bu fa bu tukpakifom ba i dɔ sɔ ɔ, na bu sere i jande ka i ma bu fa bu saa kan i tanlɛɛ n jaa bu. Na bo bu yoori sɔ n kere anya laifie.

7

Yudafom nana sayoowa jɔre

¹ Na Yudafom Nyeme nɔanie kerefom nbem bo bu fite Yerusalem mie kpiri n nu ni, ni Farasifom n aba atien bu nɔɔ Yesu dɔ. ² Na ba n̄u ka Yesu susufom n nbem sudi diire bu saa fin, ba n̄misi má bu saa kabo bu nana sayoowa ti barasu ni. ³ Dama Farasifom ni Yudafom kere la bu saa n̄misi sayoowa bo i ti bu nana sa a. Bu nya n̄a bu di diire, bu du mɔ yo nyini sa n wɔ ka, na bu nya di. ⁴ Nzen haari bu fiteeri gɔ ba juuri awuru, bu di má nen̄gem bo ba fa aba ni, má ka ba n̄misi i ka, na bu yo bu nana sayoowa bo bu yo na bu di ni. Bu sayoowam sunnu. Bu nbem la ka bu n̄misi awam ni dundum ni ayabam wɔ. ⁵ Na Farasifom ni, ni Yudafom Nyeme nɔanie kerefom n abisa Yesu ka, “Nzu ti ye u susufom n su má ya nam sayoowa n su, ye bu di diire bu saa fin a?” ⁶ Na Yesu ase bu ka, “Nahɔre ye Nyeme nɔanie kanfɔ Esaya yo kaanri am jɔre ka am ti burukɔonufom n a. Wɔ kere i kadasi n nu ka, Nyeme n̄a o,

‘Ahin minem ni, bu ma m jirima bu nɔɔ nu bere wɔ,
ama, i wo má bu ahore su.

⁷ Bu kansu m n̄gbɛɛn wɔ,
dama bu kere mine adamande dɛɛ kereewam wɔ,
na bu se ka nyini kereewa n fite Nyeme dɔ ɔ.’ ”

⁸ Na Yesu ase bu ka, “Am ace Nyeme nɔanie maawa n ase buekun, na am nya susu adamande dɛɛ sayoowam su.”

⁹ Na wɔ se bu bekun ka, “Am la nahɔre bo am akpie mbenle ayaki Nyeme nɔanie maawa n na am asu am dɛɛ sayoowam su ni. ¹⁰ Dama Moyisi ase ka, ‘Bu u si ni u ni.’ Na wɔ kaaki ase ka, ‘Sɔnɔ kere bo i jɔjɔri i si, ni i ni jɔre tie, wɔ yo daka ka bu kun i mi.’ ¹¹ Ama, amɛere kere ka nzen sɔnɔ be la deke be bo i ti ye ni ka i fa buka i si ni i ni, i koro se bu ka ‘I ti *Koroban* wɔ.’ I bu la ka, ‘Deke bo má m fa ma am ni, ma fa ayi saraka ama Nyeme.’ ¹² Nyini san̄ga ni, am akere ka i mi n koro buka má i si n ni i ni n lɛɛ. ¹³ Nyini n kere ka am abu Nyeme dɛɛ nɔanie n n̄gbɛɛn lɛɛ, ye am su am dɛɛ sayoowam n bo am kere bu n su a. Na am la ahin sayoowam dɔn̄gu bo am kaaki yo bu sɔ ɔ.”

Kabo Yesu n̄a diire diiwa koro yo má sɔnɔ fin ni

¹⁴ Na Yesu akaaki afere jama n aba i bi bekun, na wɔ se bu ka, “Am kere so am sui na am ti jɔre n bo m sujɔjɔ ma am n bu. ¹⁵ Deke bo i wura sɔnɔ nɔɔ nu koro yo má i mi fin, ama, deke bo i fite i mi ahore su yo i mi fin a. [¹⁶ Bo i koro ka i ti ahin jɔre n bu, i ti ye ni ka i so i sui na i ti.]”

¹⁷ San̄ga bo Yesu ba cinsi yakiiri jama n na i wuraari awuru n nu ni, na i susufom n abisa i nyini anyunderɛ n bu. ¹⁸ Na wɔ se bu ka, “N̄ka amɛere gusu ati má jɔre n bu lɛɛ? Amɛere si má ka deke bo i wura sɔnɔ nɔɔ nu koro yo má i fin, ¹⁹ dama deke bo sɔnɔ di, i wura má i ahore su se i wura i kunnu wɔ, na i kaaki je yi i, má sɔ?” Yesu afa ahin jɔjɔwa n akere ka diire be la má ciire. ²⁰ Na wɔ kaaki ase bu ka, “Deke bo i fite sɔnɔ ahore su, nyini yo i fin a. ²¹ Dama deke bo i wo i ahore su ma i sunsunni tie a. I koro

ma i nati suyo sakaraya, na i suwɔ, na i sukun mine, ²² na i susaaki ajaa ciire, na i nyunu suboro nenɛge kpini su, na i suyo satietiem, na i sudadaka minem, na i suyo sa ngbɛɛnngbɛɛn bo i cɛcɛ wo má nu, na i susi kɔrɛ, na i nati susaaki minem duma, na i la karambani, na i nati suyo sinnzinya sam. ²³ Nyini satie n kere mmɔɔ nya fite sɔnɔ ahore su, nyini ma i mi kaaki findifo a.”

Kabo bara bo i ti má Yudafɔ yoori Yesu yarada ni

²⁴ Na Yesu ayasu akɔ awɔrɛ n bo i wo dodo Tiro ni Sidon mie kpirim ni, na wɔ kɔ awura awuru be nu benle ka má sɔnɔ be ɲu i. Ama, wɔ koro afie má i ɲu. ²⁵ Na bara be ati i ɲga na wɔ ba ndende aba akutu i jaa bu. Ajini wo i wa baabara ɲu. ²⁶ Bara n ti má Yudafɔ, i ti Fonisiyafɔ ɔ, bo i fite Siriya awɔrɛ n nu wɔ. Na wɔ sere Yesu jande ka i fɔn yi ajini n bo i wo i wa n ɲu ni. ²⁷ Na Yesu ase i ka, “Ma nbaatumam n du mɔ di na bu kunnu yi ka, dama i ti má ye ni ka a fa nbaatumam diire na a fa ma caam.” ²⁸ Ama, na bara n ase i ka, “M Mibiɛ, a la nahɔrɛ, ama, haari ni nyini mmɔɔ, caam n tambu nbaatumam n diire n bo bu di na i tɔtɔ asiɛngu n na bu fa di.” ²⁹ Na Yesu ase i ka, “U nɔaniɛ jɔjɔwa n dɛɛ ti, kɔ awuru. Ajini n afite ayaki u wa ni.” ³⁰ Na wɔ kɔ awuru akɔ aɲu ka i wa n da i dasu su, ajini n afite ayaki i.

Kabo Yesu tuntuunri asuturi be barasu ni

³¹ Na Yesu ayasu Tiro awɔrɛ n nu akɔ aju Sidon mie kpiri n nu, na wɔ fa bere asin Mie Burum dɛɛ awɔrɛ n nu, aba aju Galili kunma kpiri n nɔɔ su. ³² Na mine nbem afa sɔnɔ be aba Yesu dɔ, i ti asuturi wɔ, na i koro jɔjɔ má nyunyumi. Na ba sere Yesu jande ka i fa i saa nana i ɲu na i nya laifie. ³³ Na Yesu afa sɔnɔ n afite jama n nu, i ni yiri ɲgumi, na wɔ fa i saa marakam awura i suim nu, na wɔ yi nanzue agɔ i saa su afa akan sɔnɔ n taferema, ³⁴ na Yesu aye i tii su anie aɲgoro na wɔ ɲuundi, na wɔ se sɔnɔ n ka, “Efata.” Nyini la ka, “Teke.” ³⁵ Jina n nu bere, na sɔnɔ n sui n ateke, na i taferema n gusu akaaki anyangi nu, na wɔ koro ajɔjɔ nyunyumi. ³⁶ Na Yesu abɔbɔ bu ka má bu ma be ti ka wɔ tuntun sɔnɔ ni, ama, kabo i bɔbɔori bu barasu ni, bu boori ndoori n gusu sɔ ɔ bara yeeri a. ³⁷ Na mine ayo alekutura haari akɔ asin su, bu ɲa, “I sayoowa kere kaba ti kpa a. I ma asuturim ti asui wɔ, na bobom jɔjɔ.”

8

Kabo Yesu maari minem akpii nna diire ni

¹ Nyini sanɲa n na jama beberebe aba atien bu nɔɔ Yesu dɔ bekun, bu la má deke bo bu di, na wɔ fere i susufɔm ni, na wɔ se bu ka, ² “Ahin jama n la m aɲunfɔ, dama i nyuma lesan leɛ bo bu wo m dɔ na bu la má deke bo bu di. ³ M koro yaki má bu na bu kɔ awuru ni ahɔɛ, má nyini, bu tɔ cin atin nu wɔ, dama bu nbem fite dede.” ⁴ Na i susufɔm n ase i ka, “Ye nifansu ye ya koro nya diire ahin boro n nu fɛn ma ahin minem n kere na bu kunnu yi a?” ⁵ Na wɔ bisa bu ka, “Am la kpɔnɔ nye wɔ?” Na ba bɔ i nu ka, “Nso.” ⁶ Na wɔ ma jamam n nɔɔ ka bu tana asiɛngu, na wɔ fa kpɔnɔ nso n na wɔ da Nyeme asi. Na wɔ kpiekpie i nu ama i susufɔm n ka bu fa ma jama ni. Na bere gusu afa akpakpaaki bu nu. ⁷ Bu la jombaa kan kan nbem gusu, na wɔ fa ada Nyeme asi, na wɔ fa ama i susufɔm n ka bu fa nyini n gusu ma jama ni. ⁸ Bu diiri na bu kunnu ayi. Na i susufɔm n atambu sinsin kaawa n kandie nso. ⁹ Jama ni ju akpii nna dika. Na Yesu anya akaari bu

na ba kɔ awuru. ¹⁰ Na i ni i susufɔm n awura lee akɔ Damanuta dɛɛ awɔre n nu.

Kabo Farasifɔm koroori ka Yesu yo alekutura sa na i keteeri ni

¹¹ Na Farasifɔ nɛm aba i dɔ, na ba se akuruwa ni Yesu. Bu koroori ka i yo alekutura sa be bo i kere ka i yiko n fite Nyɛmɛ dɔ ɔ, adena bu nya i ŋgɛɛ sɔɔbiri. ¹² Na wɔ ŋuundi ni dimi i ahore su, na wɔ se ka, “Nzu ti ye ambere nyumafɔm koro ka m yo alekutura sa na am ŋu i a? M suse am nahɔre wɔ lɛɛ ka, m yɔ má alekutura sa ma má ambere nyumafɔm fuu.” ¹³ Na wɔ yasu ayaki bu, na wɔ wura lee n nu akpiɛ akɔ kunma n buekun dɔ.

Bɔbɔwa fa kɔ Farasifɔm ni Fɛmɛ Herode kereewam n su

¹⁴ Na i susufɔm n wara afi diire sa, ba bita má pui, má ka kɔnɔ kun n kpein woori lee n nu a. ¹⁵ Na Yesu atu bu fɔ, i ŋa, “Am si am ŋu sa ni Farasifɔm, ni Fɛmɛ Herode dɛɛ kɔnɔ ayiri n bo bu fa gɔ kɔnɔ n nu na i yasu ni.” ¹⁶ Na ba jɔjɔ bu ŋuŋu nu ka, “Ya la má kɔnɔ n ti, ye i su se sɔ n a.” ¹⁷ Na Yesu afa nu kabo i susufɔm n sujɔjɔ bu ŋuŋu nu ni, na wɔ bisa bu ka, “Nzu ti ye am sujɔjɔ ka am bita má kɔnɔ a? Am nya si má deke bo m sujɔjɔ i ni, am nya ti má sa n bu? Am ahorembaa ti kekereke wanla. ¹⁸ I baari se ye am la anyumbaa na am ŋu má asi a? Ye am la asui na am ti má? Am tɛnge má su ka ¹⁹ m yo faari kɔnɔ nnu kpiɛkpiɛ maari mine akpii nnu? Ye bo i kaari ni, kandie nye ye am sasaari a?” Na ba bo i nu ka, “Kandie buru ni nnyɔ.” ²⁰ Na Yesu akaaki abisa bu bekun ka, “Ye kɔnɔ nso n bo m yo fa kpiɛkpiɛ maari mine akpii nna n di? Sinsin kandie nye ye am sasaari a?” Na ba bo i nu ka, “Kandie nso.” ²¹ Na wɔ se bu ka, “Haari ni kisa, am nya ti má i bu?”

Kabo Yesu tuntuunri anyinsin be na i ŋuuri asi ni

²² Bu kɔ juuri Besayida mie n nu, na mine nɛm afa anyinsin be aba Yesu dɔ, na ba sere i jande ka i fa i saa nana i ŋu na i nya laifɛ. ²³ Na wɔ so sɔnɔ n saa nu afa i afite mie n nu, na wɔ yi nanzue agɔ i nyumbaa n nu. Na wɔ fa i saa anana i ŋu, na wɔ bisa i ka, “A nie, a ŋu deke be e?” ²⁴ Na anyinsin n aye i tii su anie, na wɔ se Yesu ka, “M ŋu minɛm ka bu nati, ama, bu ti ka bakam wɔ.” ²⁵ Na Yesu akaaki afa i saa anana i nyumbaa n su bekun, na anyinsin n anie gbirim, na wɔ ŋu ka i nyumbaam n ateke, na wɔ ŋu deke kere casi. ²⁶ Na Yesu ase i ka, “To atin nu kɔ awuru, na má a se ka a fa mie n nu.”

Kabo Petoro kereeri ka Yesu ti barasu ni

²⁷ Na Yesu ni i susufɔm n ayasu ka bu kɔ Sizariya Filipu mie kan kanm su. Bu wo natiiri su ni, na wɔ bisa i susufɔm n ka, “Minɛm fa m bu ŋma a?” ²⁸ Na ba bo i nu ka, “Bu ŋa wɔrɔ ti Yohane Nyɛmɛ Nzue Bieɔ n a, nɛm ŋa wɔrɔ ti Nyɛmɛ nɔanie kanfɔ Eliya a, ye nɛm gusu ŋa a ti dawa dɛɛ Nyɛmɛ nɔanie kanfɔ nyingam n kun wɔ.” ²⁹ Na wɔ bisa bu bekun ka, “Ye ambere fa m bu ŋma a?” Na Petoro abɔ i nu ka, “Wɔrɔ ti Kristo n a, Tiideɔ n bo Nyɛmɛ ase ka i súnma i ni.” ³⁰ Na Yesu abɔɔ bu ka má bu ma be si ka yiri ti Kristo Tiideɔ n a.

Kabo Yesu jɔjɔ fa kɔɔri i yiwee n su ni

³¹ Nyini sin na wɔ bo i bu sukere i susufɔm n ka, “Wɔ yo daka ka mini Adamande Wa n di wahara dɔngɔ, na Yudafɔm nkpiɛnkpiɛnm, ni Nyɛmɛ sayoowa dɔnguyofɔ nkpiɛnkpiɛnm, ni Nyɛmɛ nɔanie kerefɔm kere bá kete m ŋu na bu kún m. Ama, lesan cɛɛn sin na m tɛnge m yiwee n nu.” ³² Na wɔ kan sa n kere bu kpain akere bu. Na Petoro afa i akɔ ahɛmɛ, na wɔ

jaraki i ase i ka, “Má a se ka a kan nyini jore ni.” ³³ Ama, na Yesu ace anie i susufom ni, na wo tien Petoro nu ase i ka, “Sitana, fa cinsi m bi bere. A sunsun má kabo Nyeme koro ni. A sunsun kabo adamande koro n wo.”

Kabo Yesu jajo fa koori kabo minem su i su ni

³⁴ Na Yesu afere jama n ni i susufom n na wo se bu ka, “Sono kere bo i koro ka i su m su, wo yo daka ka i mi wara fi i tienngu sa koroowa sa, na i fa i yiwee baka jaanu n so, na i su m su. ³⁵ Dama sono kere bo i koro ka i fa i ngoo fie, i mi ba fun i. Ama, sono kere bo i toori i ngoo mini ni m dee labari kpa n dee ti, i mi nya ngoo. ³⁶ Nzen sono nyaari durunya n nu deke n kere na i fuunri i ngoo, i kpere la bono? ³⁷ Nzu deke ye sono koro fa kaaki i ngoo a? ³⁸ Nyumafom ti satiyofom wo, bo bu su má Nyeme. Ambere bo am wo bu nu, na nyinse ti am fa ko mini ni m noanie n dee ti ni, so ye nyinse ti mini Adamande Wa n gusu fa ko am su, sangga bo m ba ni m Si Nyeme jirima woowa n nu, ni i mereke casim ni.”

9

¹ Na wo se bu ka, “Nahore ye m suse am n a, am nbem wo nu fen bo am wu má, má ka am aba anu ka Nyeme femeya n aba ni yiko.”

Kabo Yesu junie kaakiiri wo barasu ni

² Lesen ceen sin na Yesu afa Petoro ni Yakobo ni Yohane afun buka lenlenge be su, bu ni yiri ngumi. Bu wo do n na ba nu ka i junie akaaki wo, ³ na i tanlee n akaaki fofoe papasi bo i nusu nya má durunya n nu. ⁴ Do na mine nnyo nbem atie bu nu, na bu ni Yesu subo anzama. Bere la Eliya ni Moyisi, dawa dee Nyeme noanie kanfom ni. ⁵⁻⁶ Na sere ati Petoro ni susufo nyingam ni, na Petoro ajimi agaya na i noo afinfin i. Nyini ti na wo se Yesu ka, “Ya Kerefó, i ti kpa ka ya wo fen. Ma ya bo nambue nsan, u dee kun, Moyisi dee kun, na Eliya gusu dee kun.” ⁷ Na yinyingu akata bu nu, na ba ti akonvi be nga yinyingu n nu, na wo jajo bu do. I na, “M wa koroowa lee. Am de i noanie.” ⁸ Bu tiiri jajowa n so ni, kpennga na ba nienie abara aye, ama, ba nu má sono be kun, má ka Yesu ngumi wo bu do a.

⁹ Na sangga bo bu ba sujura buka n su ni, na Yesu abobo bu ka, “Má am be se ka i bo sa n bo am anu i n su fa kere sono be, haari fa ko sangga bo mini Adamande Wa ni ba wu na m tenge m yiwee n nu ka.” ¹⁰ Na ba de i noanie ni, ama, na ba bakati abisa bu nu nu ka, “Ye nzu la ka, i ba wu na i tenge i yiwee n nu a?” ¹¹ Na ba bisa Yesu ka, “Ye nzu ti ye Nyeme noanie kerefom n bita jajo ka Eliya du mo ba ka, ye Kristo Tiidefo ni ba ba n a?” ¹² Na wo bo bu nu ka, “I ti nahore wo ka Eliya du mo ba na i ba sese deke n kere su. Bu kereeri se Nyeme Jore Kadasi n nu fa ko Adamande Wa n do a? Ba kere ka i ba di wahara agaya, na mine bu i ngbeen. ¹³ Ama, m suse am wo lee, ka, Eliya adu mo aba, na minem ayo i kabo bu koro, kabo ba kere i Nyeme Jore Kadasi n nu lee.”

Kabo Yesu fon yiiri ajini fiteeri baa be nu ni

¹⁴ Sangga bo Yesu ni i susufo nsanm ni kpieeri bu nyi ba juuri i susufo nyingam bi ni, na ba nu ka jama beberebe atien bu noo abara aye bu. Ye Nyeme noanie kerefom n nbem bita bu ni akuruwa. ¹⁵ Jama n nuuri Yesu so ni, na ba yo alekutura, na ba bo nu anmati akpa i atin ayo i anse. ¹⁶ Na wo bisa bu ka, “Am se nzu akuruwa a?” ¹⁷ Sono be woori jama n nu na wo bo i nu ka, “Ya Kerefó, ma fa m wa baabieso aba u do ka a tuntun i ma m, dama ajini bobom wo i nu. ¹⁸ Sangga kere bo ajini n anya aba afa i,

a ɲu ka wɔ fa i abo asiɛngu, na i nanzue sufite fufuku, na i sukɛɛɛ i jee, na i kese i ɲu. Ma sere u susufɔm n ka bu fɔn yi ajini ni, ama, ba kura má nu.”¹⁹ Na Yesu ase bu ka, “Amaa. Ambere nyumafɔm, am la má yarada fieo. Nyuma sa ye m wo am dɔ fɛn a? Ye m yó sawɔɛ ni ambere kɔ ju sɛ wɔ? Am fa baa n ba ma m.”²⁰ Na ba fa baa ni aba i dɔ, na saɲga bo ajini n ɲuuri Yesu ni, kɛɲga na wɔ kpisi baa ni, na wɔ fa i abo asiɛngu, na wɔ da sukundu, na nanzue fufuku sufite i nɔɔ nu.²¹ Na Yesu abisa i si n ka, “Saɲga bɔnɔ ye tukpaki n taraari i a?” Na si n abo i nu ka, “I kaan nu kere a.”²² Saɲga kere bo i nya ba yasu i ɲu, i fa i wura sin nu wɔ, wara nzue nu ka i kun i. Nyini ti, nzen a koro buka ya, si ya aɲunfɔ na a buka ya.”²³ Na Yesu ase i ka, “Nzu ti ye a ɲa nzen m koro buka u a? Deke be ti má kekereke ma má minem bo bu yo Nyeme yarada ni.”²⁴ Kɛɲga na baa n si asa Yesu nɔɔ su ka, “Ma yo yarada, ama, i sunnu má. Buka m na i sunnu.”²⁵ Na Yesu aɲu ka jama n sunmati ba i dɔ, na wɔ tien ajini n ɲu, i ɲa, “Wɔɔ ajini n bo a ma baa n ayo bobo ni asuturi ni, mini suse u ka a fite yaki i a, na má a kpie u nyi ba i dɔ kun.”²⁶ Kɛɲga na wɔ ciindi na wɔ kpisi baa n agaya, na wɔ fite ayaki i, na baa n aka ada ka wɔ wu dɛɛ su. Na minem n dɔɲgu ase ka wɔ wu wɔ.²⁷ Ama, na Yesu atara i saa aye i su, na wɔ jina.

²⁸ Yesu ba wuraari awuru n nu ni, na i susufɔm n aba i dɔ, bere ɲgumi, abisa i ka, “Nzu ti ye yere akoro afɔn má nyini ajini n a?”²⁹ Na wɔ bo bu nu ka, “Be koro fɔn má nyini ajini n ɲusu sɔ, má ka nyemesere.”

Kabo Yesu jɔjɔ fa kɔɔri i yiwee n su bekun ni

³⁰ Na Yesu ni i susufɔm n ayasu bere ako asin Galili awɔɛ n nu. Wɔ koro má ka be si i woobiri,³¹ dama i sukere i susufɔm wɔ. Na wɔ se bu ka, “Bu bá tɔ mini Adamande Wa n ma mine nbem na bu kún m, ama, bu kuunri m wieeri, i lesan cɛɛn sin, na m tɛɲge m yiwee n nu.”³² I jɔjɔri sɔ ni, i susufɔm n ati má i bu, ama, sere dɛɛ ti, ba koro abisa má i jɔɛ be.

Kabo Yesu kereeri sɔnɔ bo i tara bu kere ni

³³ Na ba kɔ aju Kapenam miɛ kpiri n nu, na saɲga bo bu wo awuru n nu ni, na Yesu abisa i susufɔm n ka, “Am wo atin n nu suba ni, am se nzu akuruwa a?”³⁴ Ama, na bu kere ato amuna, dama bu wo atin n nu dɔ ni, na ba se akuruwa bu ɲuɲu nu fa kɔ sɔnɔ bo i tara bu kere bu nu.³⁵ Na wɔ tana, na wɔ fere bere i susufɔ buru ni nnyɔm ni, na wɔ se bu ka, “Sɔnɔ kere bo i koro ka i kaaki mɔfɔ, wɔ yo daka ka i mi yo i ɲu kaan tara am kere na i kaaki yo am kere dɛɛ amusuisufɔ.”³⁶ Na wɔ fa baa kaan be aba ajina bu afien, na wɔ biti i, na wɔ se bu ka,³⁷ “Wɔɔ kere bo ade ahin baakan n ɲusu m dɛɛ ti, a deer mini wɔ lɛɛ. Bekun, wɔɔ kere gusu bo a nya deer mini, a de m Si Nyeme bo i sunmaari m wɔ lɛɛ.”

Kabo Yesu ɲa bo i fite má i sin, jina i sin ni

³⁸ Na Yohane ase i ka, “Ya Kerefɔ, ya ɲuuri ka sɔnɔ be afa u duma sufa fɔn yi ajinim fite minem ɲu, ye ya ɲa ya yaki má i, dama i wo má ya nu n dɛɛ ti.”³⁹ Na Yesu ase ka, “Má am se ka am kanda i, dama sɔnɔ kere bo i nya sufa m duma n yo alekutura sam, i mi bá koro kaaki jɔjɔ má jɔɛ tie fa kɔ m dɔ.”⁴⁰ Dama sɔnɔ kere bo i fite má ya sin, i mi jina ya sin wɔ lɛɛ.⁴¹ M suse am nahɔɛ wɔ lɛɛ, ka sɔnɔ kere bo i maari am nzue ka am nu dama am su mini dɛɛ ti, i mi nyá i ɲkatɔ.”

Kabo wɔ yo daka ka má sɔnɔ wura satie nu ni

⁴² Na Yesu akaaki ase bu ka, “Wɔɔ kere bo u sayoowa ma ahin nbaatuma kan kanm n be bo i yo m yarada n be wuraari satie nu, i ti má kpa. Nzen

má bu faari ngani san yabuε bambaka ciciiri u kóm, na bu fa u kó tu tieku nu, i ti ye tara bo a ma ahin nbaatuma kan kanm n be wura satie nu ni. ⁴³⁻⁴⁴ Nzen u saa n be cin u wura satie nu a, kaba kpie i na a ka asaasin, na a nyá u ηu kó Nyeme dó. I ti ye ni bo a la u saa nnyo n kere na a wura ceema sin n bo i nó má n nu. ⁴⁵⁻⁴⁶ Nzen u jaa n be cin u wura satie nu a, kaba kpie i na a ka ajaasin, na a nyá u ηu kó Nyeme dó. I ti ye ni bo a la u jaa nnyo n kere na bu ba fa u tu ceema sin nu. ⁴⁷ Nzen u nyumbaa kun gusu cin u wura satie nu a, lokoti yi i tu, na a ka anyunu kun, na a wúra Nyeme femeya n nu. I ti ye ni bo a la u nyumbaa n nnyo n kere na bu ba fa u tu ceema sin nu. ⁴⁸ Dó deε kakabam ni bo bu wura mine bo ba wu ni, bere wu má ceen be, na sin n gusu bo i je nó má.

⁴⁹ Kabo bu fa njin nyina saraka nenje kere su fa ma Nyeme, na i yo casi barasu ni, so ye Nyeme cin sɔnɔ kere sui na i yó casi. ⁵⁰ Ya si ka njin yo fie, ama, nzen i fiεfiε nya ba saari wieeri, i koro yo má fiεfiε kun. Am ma am wo yo fie ka njin am bengū nu, na am wo ni tanalaifε.”

10

Kabo Yesu kereeri minem fa kó ajaa ni ajaa yaki atin su ni

¹ Yesu yasuuri Kapenam mie kpiri n nu, na wó kó Yudiya deε awɔre n nu, na wó kpie akó Yodan kunma n buekun dó fan, na jama beberebe ayandi aba atien bu nɔɔ i dó. Na wó kere bu kabo sangá kere na i kere bu barasu ni.

² Na Farasifo nbem aba i dó ka bu so i ηgeε fa kó i nɔanie n jɔjɔwa su, na ba bisa i ka, “Ya deε atin n su, atin wo nu ka sɔnɔ koro fa i yi ji i?” ³ Na Yesu abó bu nu ka, “Nɔanie maawa bɔnɔ ye Moyisi yo fa maari am a?” ⁴ Na ba bó i nu ka, “Moyisi yo maari atin ka nzen sɔnɔ koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji.” ⁵ Na Yesu ase bu ka, “Am ahorembaa kekereke n deε ti ye Moyisi yo kereeri nyini nɔanie maawa n maari am a. ⁶ Ba kere i Nyeme Jɔre Kadasi n nu ka fite durunya n bumboori, ‘Nyeme yiiri biesɔ ni bara a.’ ⁷ Na wó se ka, ‘Nyini deε ti, i ti ye ni ka biesɔ n kpaaki i gisan yaki i si ni i ni, na i ni i yi sangá wo. ⁸ Nyini sangá bu mine nnyo n ayo deke kun lεε.’ Bu wo má bu ηgungumi kun. ⁹ Nyini ti, deke bo Nyeme anya asangá i awie, má sɔnɔ kpaaki i nu kun.”

¹⁰ Sangá bo Yesu ni i susufóm ba juuri awuru ni, na ba bisa i nyini nɔanie n bu. ¹¹ Na wó se bu ka, “Sɔnɔ kere bo i faari i yi jiiri, na i jaari bara fɔfɔre, i mi n asaaki ajaa ciire ni i yi n bo wó fa i aji n lεε. ¹² Sasu bekun, bara kere bo i yakiiri i hun ajaa, na i kó jaari biesɔ fɔfɔre, nyini bara n gusu asaaki ajaa ciire lεε.”

Kabo Yesu yoori nbaatumam kisi ni

¹³ Minem sufa bu nbaam ba Yesu dó ka i fa i saa nana bu ηu na i yo bu kisi, ama, na i susufóm n atien bu ηu. ¹⁴ Yesu ηuuri i susufóm sayoowa n so ni, na yaa ati i, na wó se bu ka, “Am ma nbaatumam n bra m dó, má am fɔn bu. Dama bere ηusu so ye Nyeme femeya n ti bu deε a. ¹⁵ Nahore ye m suse am n a, wɔrɔ kere bo a de má Nyeme femeya n nu jɔre kabo baatuma de deke i saa nnyo ni, a wúra má Nyeme femeya n nu.” ¹⁶ Na wó kuku nbaatumam ni i saa nu, na wó fa i saa anana bu ηu, na wó yo bu kisi.

Nengefɔ n ni nyemesu jɔre

¹⁷ Nyini sin na Yesu ayasu dó sukó. I wo kó n su ni, na sɔnɔ be anmati aba akutu i nyunu, na wó bisa i ka, “Ya Kerefo sɔnɔ kpa, m yó se ye m bá

nya ngɔɔ n bo i la má awieeri n a?" ¹⁸ Na Yesu abɔ i nu ka, "Nzu ti ye a fere m ka sɔnɔ kpa a? Be ti má kpa sin Nyeme ɲu. ¹⁹ Ye m ɲa a si Nyeme nɔanie maawam ni e, bu ɲa, 'Má a kun sɔnɔ. Má a saaki ajaa ciire. Má a wɔ. Má a di kɔre daani. Má a sisi sɔnɔ. Bu u si ni u ni.' " ²⁰ Na sɔnɔ n abɔ i nu ka, "Ya Kerefo, ma su nyini nɔanie maawa n kere su haari m kaan nu." ²¹ Na Yesu anie sɔnɔ n na wɔ koro i agaya, na wɔ se i ka, "Deke kun ye wɔ kpie u su a. Kɔ na a kɔ tɔ u aja kere, na a fa ɲwaa n ma jaarifom, na a bá nya ajekere Nyeme dɔ, na a bra ba su m su." ²² Yesu seeri i sɔ n na i ɲunie ayɔrɔki i. Na wɔ kɔ awuru ni ahoresaaki, dama i la nenje agaya n dɛɛ ti.

²³ Na Yesu anie i susufom n abara aye, na wɔ se bu ka, "I yó kekereke bo nenjefo wura Nyeme femeya n nu." ²⁴ Na i susufom n ayo alekutura ni nyini jɔjɔwa ni. Ama, na Yesu ase bu bekun ka, "Njam, i ti kekereke ka nenjefom wura Nyeme femeya n nu. ²⁵ Kabo nyɔɔma sin misini bue nu ni, i ti má kekereke tara má kabo nenjefo yo na i wura Nyeme femeya n nu ni." ²⁶ Na i susufom n amie akɔ asin su, na ba bisa bu ɲuɲu nu ka, "Ye nzen i ti sɔ e, ɲma koro fite nu a?" ²⁷ Na Yesu anie bu dɔ na wɔ se ka, "I ti deke bo adamande koro yo má i, ama, Nyeme dɔ, i ti má pui, dama Nyeme koro yo deke kere."

²⁸ Na Petoro ase i ka, "Tɔ, ye yere ayaki deke kere susu u su e." ²⁹ Na Yesu ase ka, "Nahore ye m suse am n a, sɔnɔ kere bo i yakiiri i awuru, wara i ninbaam, wara i ni, wara i si, wara i nbaam, wara i asien, mini ni m labari kpa n dɛɛ ti, ³⁰ i mi nyá nyinim sɔ ɲusu yaa i ngɔɔ su. I nyá awurum, ni ninbaam, ni nim, ni nbaam, ni asienm, na minem má i di wahara, na fa kɔ fa ba i nyá ngɔɔ bo i la má awieeri. ³¹ Ama, mine dɔngɔ bo bu wo mɔ kisa ni bá ka sin, na bo bu ka sin kisa n bá du mɔ."

Kabo Yesu jɔjɔ fa kɔɔri i yiwee n su kpe nsan su ni

³² Saɲga bo Yesu ni i susufom suko Yerusalem mie kpiri n nu ni, na Yesu adu bu mɔ sunati, na i susufom n ajimi, na sere ati minem bo bu suuri i su ni, na wɔ kaaki afere i susufo buru ni nnyom n akɔ aheme, na wɔ jɔjɔ bu dɔ bekun fa kɔ sa n bo i bá tu i ni. ³³ I ɲa, "Am ti fen. Ya suko Yerusalem lɛɛ, dɔ ye bu kó tara mini Adamande Wa n a, na bu fá m ma Nyeme sayoowa dɔnguyofɔ nkpienkpienm ni, ni Nyeme nɔanie kerefom ni, na bu dí m jɔre, na bu sóro su ka bu kún m. Na bere gusu nyá fa m wura minem bo bu ti má Yudafom saa nu, ³⁴ na bu yó m anzasi, na bu yí nanzue gɔ m ɲu, na bu fin m ngbere, na bu nyá kun m, na i lesan cɛen sin, na m tɛnge m yiwee n nu."

Kabo Yesu kereeri ka mɔfo yo i ɲu kaan ni

³⁵ Na Zebedi nbaam Yakobo ni Yohane aba Yesu dɔ aba ase i ka, "Ya Kerefo, ya koro ka deke kere bo ya sere u, a yo i ma ya." ³⁶ Na wɔ bisa bu ka, "Am koro ka m yo nzu ma am a?" ³⁷ Na ba se i ka, "Saɲga bo a bá tana u jirima tanaabiri ni, ya koro ka a ma ya kun tana u saa fombɔɔ su, na kun gusu tana u saa bie su." ³⁸ Na Yesu ase bu ka, "Am si má deke n bo am susere i n ti a. Am kóro di wahara n bo m dí i ni, am káaki koro wu yiwee n bo m wú i ni, nzen se?" ³⁹ Na ba bɔ i nu ka, "Eɛn, ya kóro yo i kere." Na Yesu ase bu ka, "Nahore. Am dí wahara n bo m dí i ni, na am káaki wu yiwee n bo m wú i ni. ⁴⁰ Ama, mini la má atin bo m má am be tana m fombɔɔ su, na be tana m bie su. Ama, Nyeme asese nyini tanaabiri n su, afa ase ama minem bo yiri ni i tii ayi bu n a."

⁴¹ Saɲga bo i susufo burum ni tiiri kabo Yakobo ni Yohane n seeri Yesu ni, na ba fa yaa bu ɲu. ⁴² Na Yesu afere bu kere aba i bi, na wɔ se bu ka, "Am si

tenle su ka minem bo bu su má Nyeme n na bu yo bu nu nkpienkpienm ni, bere mie bu minem a, na bu tereterefom gusu kere kabo bu yiko ti barasu. ⁴³ Ama, wo ti má ye ni ka amere ye so. Nzen sono be koro ka i wura i nu kpiri am kere nu, i ti ye ni ka i mi yo i nu kaan, na i su am. ⁴⁴ Na bo i kaaki koro ka i yo am mof, i ti ye ni ka i mi yo am kere akoo. ⁴⁵ Dama mini Adamande Wa n ni m tii aba má ka minem su m wo, ama, m baari ka m ba su minem wo, na m wu ma bu, na m de minem dongu tii ji.”

Kabo Yesu tuntuunri anyinsin be na i nuuri asi ni

⁴⁶ Na ba ko aju mie kpiri n bo bu fere i ka Yeriko ni. Sangha bo Yesu ni i susufom, ni jama beberebe n sufite mie n nu ni, anyinsin be tana atin n noo wo sere su. Bu fere i ka Batimeyo, Timeyo dee wa. ⁴⁷ I tiiri ka Yesu Nazaretifo ni susin ni, na wo tien afere i, i na, “Yesu, Feme Davidi anuma, si m anunfo.” ⁴⁸ Na jama n atien i nu ka i yaki nanmie. Ama, na wo kaaki atien kpa abuka su ka, “Feme Davidi anuma, si m anunfo.” ⁴⁹ Na Yesu aka ajina, na wo se bu ka, “Am fere i ma m.” Na ba fere anyinsin ni, na ba se i ka, “Ma u ahore si na a yasu, i fere u.” ⁵⁰ Na wo fikindi i zaba n atu, na wo warakpin, na wo nmati ako Yesu do. ⁵¹ I ko juuri do n na Yesu abisa i ka, “A koro ka m yo nzu ma u a?” Na anyinsin n abo i nu ka, “Ya Kerefo, m koro ka a ma m nu asi wo.” ⁵² Na Yesu ase i ka, “Ko. Yarada n bo a yo m ni, nyini ma a nya laifie a.” Kpennga na wo kaba anu asi, na wo su i su ako.

11

Kabo Yesu wuraari Yerusalem ka feme dee su ni

¹ Bu ko na bu dodo Yerusalem mie kpiri n nu, na bu na bu wura miem bo bu fere bu ka Befage ni Betani n ni, nyini miem n dodo buka n bo bu fere i ka Oliva Buka n wo, dama oliva bakam go su wo. Do na Yesu asunma i susufom n nu nnyo, ² na wo se bu ka, “Am ko mie kaan n bo i wo am nyunu do ni, am ko na am wura mie n nu, am nu ka kaakobaa be minda, be nya fun ma i. Am nyanji i bra. ³ Nzen be bisaari am ka nzu ti ye am sunyanji i a, am se i ka am Mibie ni koro i a, ama, i ma am kaaki fa i kpie i nyi ba kisa kisa.” ⁴ Na ba ko, na ba ko anu ka kaakobaa n minda ano be nu atingbere n su, na ba nyanji i. ⁵ Na mine n bo bu jina do n abisa bu ka, “Am suyo nzu lee, am sunyanji kaakobaa n ko ni wo?” ⁶ Na ba se minem n kabo Yesu seeri bu ni, na ba ma bu atin. ⁷ Na ba fa kaakobaa n aba Yesu do, na ba fa bu suturam anana kaakobaa n nu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na bo bu du i nyunu n ni bo bu wo i sin n kere subo kuyigindi, bu na, “Hosana. Ya kansi Nyeme.

Terefie wo yiri n bo i suba Micera n dee duma n nu n do.

¹⁰ Terefie wo ya si Davidi femeya n bo i suba n do.

Ya kansi Nyeme bo i wo angoro ni.”

¹¹ Na Yesu awura Yerusalem mie kpiri n nu, na wo ko Nyeme Sereebiri Awuru n nu. I ko juuri do na wo nie abara aye deke n kere. Nyini sangha wie ato, nyini ti, na i ni i susufo buru ni nnyom n akpie bu nyi ako Betani.

Kabo Yesu yoori damba baka be ngbeen ni

¹² Na i alecin na ba yasu Betani mie n nu sukoo, na ahoe ati Yesu. ¹³ Na wo nie anu damba baka be ni i nyawa, ka i wo dede, na wo ko anie ka i nya suuwa n be di. Sangha bo i ko juuri baka n bu ni, wo nu ma pui su, baka n

jina ni nyawa ngumi wɔ, dama nyini sanɔa n ti má damba su sanɔa. ¹⁴ Na wɔ se baka n ka, “Sin nyuma sin, sɔnɔ di má u suuwa kun.” I seeri sɔ n na i susufɔm n ati.

Kabo Yesu fɔɔnri watafɔm fiteeri Nyeme Sereebiri Awuru n nu ni

¹⁵ Sanɔa bo Yesu ni i susufɔm kɔ juuri Yerusalem mie kpiri n nu ni, na wɔ kɔ awura Nyeme Sereebiri Awuru n nu, na wɔ fɔn nenɔe tɔfɔm ni tofɔm kere afite awuru n nu, na wɔ kaaki njwaa kaakifɔm n teebirim n ni tiywa tɔfɔm n biem kere alanlanga. ¹⁶ Wɔ soro má su na be sɔ sɔori nati sin Nyeme Sereebiri Awuru n nu. ¹⁷ Na wɔ kere minem ka, “Ba kere i Nyeme Jɔre Kadasi n nu ka, Nyeme ɔa o, ‘M awuru ni, bu bá fere i ka awuru n bo bu bá sere Nyeme n nu fa ma durunya n nufɔm kere wɔ.’ Ama, ambere afa i yo finfɔm woobiri.”

¹⁸ Nyeme sayoowa dɔnguyofɔ nkpienkpienm n ni Nyeme nɔaniɛ kerefɔm n tiiri sa n bo Yesu yoori i ni, na ba kpini atin kabo bu yó na bu kún i, dama ba soro i. Deke bo i ti na bu soroori i n la ka, mine dɔngu tiiri i kereewa n na ba yo alekutura. ¹⁹ Nyini cɛɛn n naaso, na Yesu ni i susufɔm n afite mie n nu.

Kabo Yesu seeri ya ka ya yo Nyeme yarada ni

²⁰ Alecin ngarama bu ba susin sukɔ na ba ɔu ka damba baka n awu ako akpura haari i bunlui. ²¹ Na Petoro atenɔe su kabo Yesu seeri baka n ni, na wɔ se i ka, “Ya Kerefɔ, niɛ. Damba baka n bo anuma na a jɔjɔ gɔori i ɔu ni, wɔ wu.” ²² Na Yesu ase bu ka, “Am yo Nyeme yarada. ²³ Nahɔre ye m suse am n a, wɔrɔ kere bo a se ahin buka n ka, ‘Yasu kɔ to tieku n nu,’ na a yo má sika na a yo yarada ka deke n bo a seeri i ni, i yó, Nyeme yó i ma u. ²⁴ Nyini ti, m suse am wɔ læɛ, ka, deke kere bo am sere Nyeme ka am koro i, am yo yarada ka am anya i, Nyeme yó i ma am wɔ. ²⁵ Sanɔa kere bo am ba susere Nyeme, na be ado am ngasi, am fa i mi ni ngasi ce i ka, adena am Si Nyeme bo i wo angoro n gusu fá am dɛɛ ce am. [²⁶ Nzen am fa má am beɔgum ngasi ce má bu, am Si Nyeme bo i wo angoro n gusu fá má am dɛɛ ngasi ce má am.]”

Kabo bu bisaari Yesu deke bo i yiko n fite ni

²⁷ Bu fa ba juuri Yerusalem mie kpiri n nu bekun, na Yesu awura Nyeme Sereebiri Awuru n nu, na i sunati bara ye i. I wo dɔ sɔ ɔ n na Nyeme sayoowa dɔnguyofɔ nkpienkpienm, ni Nyeme nɔaniɛ kerefɔm, ni Yudafɔm nkpienkpienm n aba i dɔ, ²⁸ na ba bisa i ka, “Nma dɛɛ yiko nu ye a yo nyini sam kere a? Nma ma u nyini yiko n ye a yo nyini sam n a?” ²⁹ Na Yesu abo bu nu ka, “Am ma m du mɔ bisa am bisaawa kun be ka, na nzen am boori m nu, na m gusu nyá se am deke bo m yiko n fite. ³⁰ Nma maari Yohane atin ye i ba biɛeri minem Nyeme nzue n a? Nyeme nzen adamande? Am bo m nu.” ³¹ Na ba se akuruwa bu ɔuɔu nu, kabo bu bo Yesu nu barasu. Bu ɔa, “Nzen ya seeri i ka Nyeme maari i atin a, i bisa ya ka, ye nzu ti ye ya da má Yohane ɔu a? ³² Ama, nzen ya se i ka adamande dɔ?” Dɔ gusu na ba soro jama ni. Má pui ti, dama sɔnɔ kere soroori su ka Yohane yo ti Nyeme nɔaniɛ kanfɔ ɔ nahɔre su. ³³ Nyini ti, na ba bo i nu ka, “Ya si má.” Na yiri gusu ase bu ka, “Mini mmɔɔ sé má am sɔnɔ bo i dɛɛ yiko nu na m yo ahin sam n kere ni.”

12

Kabo Yesu boori miɛenu niiri Yudafɔm nkpienkpienm ni

¹ Na Yesu abo bu miɛɛnum. I ɲa, “Sɔnɔ be yo woori bɛrɛ a, na wɔ dɔ i baka suuwa barasu be fie, na wɔ kanda abara aye fie ni. Na wɔ lokoti yabuɛ bambaka be kunma, ka i sumiɛmiɛ baka suuwam ni nzue gɔ nu. Na wɔ ta kpafiri lenlenge be ka bu tana su suniɛ fie n kɛrɛ su, na wɔ nya afa fie n awura i npadifɔm saa nu. Na wɔ kɔ atin. ² Sanga ba juuri bo i si ka baka suuwam n abi ni, na wɔ sunma i akɔɔm kun i npadifɔm n dɔ ka i kɔ de i dɛɛ bo ba nya i n bra. ³ Akɔɔ n kɔ juuri ni, na ba tara i abo i, na ba fɔn i akpie i nyi i saa ɲgbɛɛn. ⁴ Na fie n fɔ n asunma i akɔɔ n kun bekun, na ba tara i abo i atie i tii, na ba kpa i nyinyɛ. ⁵ Na wɔ kaaki asunma kun bekun, na ba kun yiri. Akɔɔ kɛrɛ bo fie n fɔ n nya sunmaari i a, a ɲu ka bu bo i wɔ, wara bu kun i wɔ. ⁶ Sɔnɔ kun n kpein be ba kaari a, yiri la i wa koroowa ni. Yiri ye i ba kaari sin sunmaari a, na wɔ se ka, ‘Bu má m wa n yiri jirima.’ ⁷ Ama, na nyini npadifɔm n ase bu ɲuɲu nu ka, ‘I wa n bo i dí i aja n lɛɛ suba n a. Am bra na ya kun i na aja n kɛrɛ ká ya dɛɛ.’ ⁸ Dɔ na ba tara i, na ba kun i, na ba cin i afite fie n nu afa i atu.”

⁹ Na Yesu anya ase bu ka, “Am sunsun ka fie n fɔ ni yó sɛ wɔ? I bá kun nyini npadifɔm n kɛrɛ wɔ, na i fá fie n wura mine fɔfɔrɛm saa nu.” ¹⁰ Na wɔ sa su ase ka, “Amberɛ ni am tii akan Nyɛmɛ Jɔrɛ Kadasi n nu aɲu i kabo ba kɛrɛ i barasu. Bu ɲa, ‘Yabuɛ n bo bondo tafɔm n faari i tuuri ni, yiri ye wɔ kaaki bondo n jaa yabuɛm kɛrɛ tii a.

¹¹ Micɛra ni yoori i sɔ a.

Ya ɲu i, na wɔ yo ya alekutura.’ ”

¹² Yesu seeri sɔ ni, na Yudaɔm nkpiɛnkpiɛnm n akpini atin kabo bu yo na bu tara i, dama bu faari nu ka miɛɛnu n bo i boori i ni, i niiri bɛrɛ wɔ, ama, bu soroori jama n dɛɛ ti, na ba yasu akɔ ayaki i.

Kabo bu sɔɔ Yesu ɲgɛɛ fa kɔ lampo tɔ busu ni

¹³ Nyini sin na nkpiɛnkpiɛnm n asunma Farasifɔm ni Fɛmɛ Herode mine nbem na bu ba sɔ Yesu ɲgɛɛ na bu ti i nɔaniɛ. ¹⁴ Na ba ba ase i ka, “Ya Kerefɔ, ya si ka a ti nahɔrɛ sefɔ ɔ, u cɛɛ wo má kabo mine jɔjɔ nu, dama a niɛ má sɔnɔ jinaabiri ti, ama, a kere minɛm wɔ nahɔrɛ su kabo Nyɛmɛ atin ti barasu. Tɔ, ya dɛɛ atin n su, atin wo nu ka ya tɔ lampo ma Romaɔm Fɛmɛ Kpiri Siza, nzen atin wo má nu?” ¹⁵ Ama, na Yesu asi ka bu ti burukɔɔnufɔm wɔ, na wɔ bisa bu ka, “Nzu ti ye am sukoro ka am sɔ m ɲgɛɛ a? Am fa ɲwaa bra na m niɛ.” ¹⁶ Na ba fa ɲwaa n aba ama i. Na wɔ de ɲwaa n anie, na wɔ bisa bu ka, “Nma dɛɛ tii ni i duma wo ɲwaa n su n a?” Na ba bɔ i nu ka, “Fɛmɛ Siza dɛɛ a.” ¹⁷ Na Yesu ase bu ka, “Deke bo i ti Fɛmɛ Siza dɛɛ, am fa ma Fɛmɛ Siza, na deke bo i ti Nyɛmɛ dɛɛ, am fa ma Nyɛmɛ.” Na ba miɛ ni i nɔaniɛ ni.

Kabo bu bisaari Yesu fa kɔɔri yiwee tenge jɔrɛ su ni

¹⁸ Na Yudaɔm asɛsɛ barasu nbem bo bu fere bu ka Sadusifɔm ni, aba Yesu dɔ. Bu dɛɛ kereewa la ka Nyɛmɛ tɛngɛ má minɛm bu yiwee n nu n a. Na ba ba abisa i jɔrɛ be, bu ɲa, ¹⁹ “Ya Kerefɔ, Moyisi yo kɛrɛeri nɔaniɛ be maari ya, ka nzen sɔnɔ wu yakiiri i yi, na i ni bara n anya má baa, wɔ yo daka ka i niɛma n fa kunaɔ n na bu wu nbaam ma gɔrɔ n bo wɔ wu ni. ²⁰ Tɔ, sɔnɔ be yo laari nbaabiesɔm nso, na baakpiɛn n aja bara, na wɔ wu ayaki bara ni, ba nya má baa. ²¹ Na bo i tɔ i su n afa kunaɔ n aja, na yiri gusu awu ayaki bara ni, ba nya má baa. Na bo i tɔ i su nsan su n gusu afa i aja bekun. ²² I yo sɔ ɔ, na bu nso n kɛrɛ aja bara n abara aye, na bu kɛrɛ awu ayaki i, ba nya má baa, na bara n gusu aba aka sin awu. ²³ Kabo

bu mine nso n kere aja bara n na ba wu so ni, ceen n bo Nyeme ba tenge minem bu yiwee n nu ni, bara ni ka nma dee wo?"

²⁴ Na Yesu abo bu nu ka, "Am amini atin. Deke bo i ti na am amini atin n la ka, am ti ma deke bo ba kere i Nyeme Jore Kadasi n nu n bu, na am kaaki si ma kabo i yiko n ti barasu. ²⁵ Dama sangga bo Nyeme ma minem tenge bu yiwee n nu ni, ajaa wo ma bere kun. Ama, nyini ceen ni, sono kere kaaki ka Nyeme merkem bo bu wo angoro n wo. ²⁶ Na fa ko kabo Nyeme ba tenge minem bu yiwee n nu ni, am kaanri Moyisi dee kadasi ni, nzen am akan ma i? Kabo i kereri fa ko sangga bo sin n jeeri buwe baka n su n na Nyeme joro i do ni, i na, 'Mini ti Abraham, ni Izaki, ni Jakobu dee Nyeme n a.' " ²⁷ Na Yesu asa su ase bu ka, "Kabo Nyeme na i ti nyini minem n dee Nyeme ni, nyini kere ka bu toko la ngoo lee, dama Nyeme ti ma bo ba wu n dee Nyeme, ama, i ti bo bu la ngoo n dee Nyeme a. Nyini ti, kabo am na Nyeme tenge ma minem bu yiwee n nu, am amini fieo."

Nyeme noanie maawa n bo i tara bu kere n jore

²⁸ Na Nyeme noanie kerefom kun anu kabo Sadiusifom ni Yesu seeri bu benggu akuruwa ni, i tiiri kabo Yesu boori bu nu nyunyumi so ni, na ba abisa i ka, "Nyeme noanie maawam ni, sono tara bu kere a?" ²⁹ Na Yesu abo i nu ka, "Noanie n bo i tara bu kere n yaa, ba kere ka, 'Ambere Yisarelifom, am ti fen, ya Micera Nyeme n ti kun wo. ³⁰ Koro Micera u Nyeme ni, ni u ahorembaa kun, ni u awiewie, ni u sunsunni, ni u fanga kere.' ³¹ Bo i to su nnyo n la ka o, 'Koro u benggu kabo a koro u nu ni.' Noanie maawa be wo ma bere bo i tara ahin nnyom ni." ³² Na Nyeme noanie kerefom n ase Yesu ka, "Angba. Ya Kerefom, i nahore atin su lee ye a kan i n a. Ya Micera Nyeme n ti kun wo. Nyeme be wo ma bere sin i nu. ³³ Wo kaaki ayo daka ka ya koro Nyeme ni ya ahorembaa kun, ni ya sunsunni, ni ya fanga kere, na ya kaaki koro ya benggu kabo ya koro ya nu ni, nyini nnyom n ti ye tara bo ya yo tiem, ni bo ya yi sarakam ma Nyeme ni." ³⁴ Na Yesu anu ka sono n abo i nu kpa, na wo se i ka, "A waari ma ni Nyeme femeya ni." Nyini sin, be abo ma su ka i bisa Yesu jore bekun.

Kristo Tiidefo n bo i ti Feme Davidi anuma n jore

³⁵ Sangga bo Yesu woori Nyeme Serebiri Awuru n nu sukere Nyeme noanie ni, na wo bisa minem jore be fa ko Kristo Tiidefo n su. I na, "Nzu ti ye Nyeme noanie kerefom n bita joro ka Kristo n ti Feme Davidi anuma a?" ³⁶ Dama Awiewie Casi n yo wuraari Feme Davidi nu ni, na yiri ni i tii ase ka, 'Na Micera ase m Mibie n ka, "Ba tana m saa fomboro su fen, haari m ba ma u kprofom kere ba kutu u jaa bu." ' "

³⁷ To, Feme Davidi mmoo ni i tii fereeri Kristo n ka i Mibie wo, ye Kristo n yo se kaaki yo Feme Davidi anuma a?"

Kabo Yesu na mine si bu nu sa ni Nyeme noanie kerefom ni

Ye jama beberebe n jina tiiri Yesu noanie n ni ahorejo a. ³⁸ I woori bu kere n su ni, na wo se bu ka, "Am si am nu sa ni Nyeme noanie kerefom ni, deke bo bu koro i n la ka, bu wura sutura ngbingbirim wo, na bu nati sujengbe, na sono kere suyo bu anse goosu. ³⁹ Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. ⁴⁰ Nyini minem n so fin nkunafom nengem wo, na bu jina sere Nyeme ce,

adena minem ɲu ka bu ti mine kpam wɔ. Jina cɛɛn, bere bá nya suicin tara minem kɛɛ.”

Kabo kunafo be yiiri saraka barasu ni

⁴¹ Na Yesu ako atana adodo alaka bo minem yi bu saraka ɲwaa wura nu ni, na i sunie kabo minem yi saraka barasu. Nengefɔm dɔŋgu yiiri ɲwaa beberebe wuraari saraka n nu. ⁴² Na kunafo yaarifɔ be gusu aba ayi ɲwaa kaan be bo i koro to má pui awura saraka n nu.

⁴³ Dɔ na Yesu afere i susufɔm n na wɔ se bu ka, “Nahɔre ye m suse am n a, nyini kunafo n ayi ɲwaa atara minem n kɛɛ. ⁴⁴ Dama nengefɔm la ɲwaa beberebe n dɛɛ ti, ye ba yi be a. Ama, nyini kunafo n ni i yaari n kɛɛ, i deke kɛɛ bo i la i lɛɛ, ye wɔ yi i n a.”

13

Kabo Yesu seeri ka Nyeme Sereebiri Awuru ni bá bereki barasu ni

¹ Saŋga bo Yesu sufite Nyeme Sereebiri Awuru n nu ni, na i susufɔm n nu kun be aba ase i ka, “Ya Kerefo, nie nyini yabue ɲgbɲgbirim ni. Nie kabo bu ti a. Nie nyini awuru bambaka ni. Nie kabo ba ta i barasu a.”

² Na Yesu ase i ka, “M ɲa a ɲu nyini ataari ɲgbɲgbirim n e? Yabue kun n kpein n mmɔɔ bá nana má i beŋgu su. Bu bá bereki i kɛɛ go ɔ lɛɛ.”

Kabo Yesu kere fa kɔɔri durunya n awieeri su dɛɛ jɔre ni

³ Na Yesu ako afun atana Oliva Buka n su sunie Nyeme Sereebiri Awuru ni. Na saŋga bo yiri ni Petoro ni Yakobo ni Yohane ni Andere woori bu ɲgumi ni, na ba bisa i ka, ⁴ “Ya Kerefo, se ya, saŋga bɔɔɔ ye ahin sam n kɛɛ bá yo a? Ye nzu deke bá kere ya ka saŋga n adodo bo nyini sam n kɛɛ bá yo a?” ⁵ Na Yesu anya ase bu ka, “Am si am ɲu sa na má am ma be dadaka am. ⁶ Dama mine dɔŋgu bá fa m duma n ba, na bu sé ka, ‘Yiri la mini n a.’ Na bu dádaka mine beberebe. ⁷ Saŋga bo am bá ti aluwa ɲga fɛn, wara bu sukun lue dɔ, má am ma am ahore saaki. Wɔ yo daka ka nyini n kɛɛ bá yo ka, ama, má am nie ka durunya n awieeri lɛɛ. ⁸ Daanfɛ daanfɛ bá kun lue ni bu beŋgum, na nfemem kún lue ni bu beŋgu nfemem. Na asien bá kpisi awɔre awɔrem nu, na ahɔe tó. Nyini n kɛɛ bá yo kabo bara kutu cɛɛn bumboori dɛɛ wahara n ti n wɔ.

⁹ Am si am ɲu sa, dama bu bá fa am wura jɔredifɔm saa nu, na bu bó am bu tientienbunɔɔ sɔɔm n nu. Mini dɛɛ ti, na bu dí am jɔre gominam ni nfemem nyunu. Nyini má am atin, na am di m daani kere bu a. ¹⁰ Ama, wɔ yo daka ka daanfɛ kɛɛ du mɔ ti labari kpa n ka, ye durunya n awieeri bá ju a. ¹¹ Saŋga n bo bu bá faari am kɔɔri jinaabiri, na bu kɔ di am jɔre ni, má am ma am ahore saaki fa kɔ kabo am kó jɔjɔ barasu. Nɔanie kere bo i tó am nɔɔ nyini saŋga ni, am jɔjɔ i, dama i fite Awiewie Casi n dɔ ɔ, i fite má am dɔ.

¹² Gɔrɔm ni niemam bá tɔ bu beŋgu ma bu kpɔfɔm na bu kún bu, na sim tó bu nbaam, na nbaam kéte bu wufɔm ɲu, na bu má minem kun bu wufɔm ni. ¹³ Ama, wɔrɔ kɛɛ bo a mindi deerɔ nyini n kɛɛ kɔ ju i awieeri, Nyeme dé u tii ji.”

Anyumbaa ciire sa n bo i bá ba n jɔre

¹⁴ Na Yesu akaaki ase bu ka, “Am bá ɲu anyumbaa ciire sa be bo Nyeme mmɔɔ kpɔ i, ka bu má i jina Nyeme Sereebiri Awuru n nu, deke bo wɔ yo má daka ka i jina, na i sáaki i ni. Ma sɔɔɔ kɛɛ bo i kan ahin kadasi n ti i bu nyunyumi. Nyini saŋga ni, wɔrɔ kɛɛ bo a tiiri i ɲga, na a wo Yudiya asien n su, ɲmati kɔ bukam n su. ¹⁵ Wɔrɔ kɛɛ bo a wo kpata nu, má a wura

gisan n nu fa pui. ¹⁶ Na wɔrɔ kere gusu bo a wo fiesu, má a kpie u nyi ko awuru ko fa u sutura be. ¹⁷ Nyini sanɔa ni yó kekere agaya ma nyinsefɔm, ni nbaram bo bu nbaam toko nu ni. ¹⁸ Am sere Nyeme ka má nyini sa n yó buke sanɔa. ¹⁹ Nyini sanɔa ni, wahara bo mine dí i, i tára wahara kere bo ba di i asin, fite sanɔa n bo Nyeme yiiri durunya ni haari ni kisa, nyini wahara n nusu bá má kun. ²⁰ Ama, Micera n akpie nyini sanɔa n su. Nzen má wɔ kpie má i su, má sɔnɔ wo má bere bo i nyá ngɔɔ, ama, i deɛ tienɔu minem bo wɔ yi bu n deɛ ti, wɔ kpie sanɔa n su a. ²¹ Nyini sanɔa ni, nzen be bá se am ka, ‘Am niɛ, Kristo Tiidefɔ ni wo fen n a,’ wara ‘Am niɛ, yiri wo dɔ n a,’ má am de i mi nɔanie ni. ²² Dama kɔrefɔ nbem bá ba na bu yó bu nɔu ka bere ti Kristo n a, na nbem gusu yó bu nɔu ka bu ti Nyeme nɔanie kanfɔm wɔ. Bu yó alekutura sam beberebe fa kere am, na nzen bu koro nyaari atin, bu dádaka Nyeme deɛ minem bo wɔ yi bu ni. ²³ Amberɛ, ma se am i kere wɔ lee ka, na sanɔa n nyá ba ju. Am si am nɔu sa.”

Kabo Adamande Wa ni bá kaaki ba barasu ni

²⁴ Na Yesu akaaki ase bu ka, “Sanɔa bo nyini wahara n kere ba siinri, ‘Awosin káta wiɛ n su, na sara n gusu tá má bo minem nɔu i. ²⁵ Na asarambaam fite angoro titi toto, na angoro n kere kpisi.’ ²⁶ Na minem nyá nɔu ka mini Adamande Wa ni sufite angoro yinyingɔu n nu suje piɛpiɛu suba ni yiko bambaka. ²⁷ Na m nyá sunma Nyeme merékem durunya n awɔre n kere nu, na bu tiɛntien Nyeme minem bo Nyeme ayi bu durunya n nu n kere nɔɔ.”

Kabo Yesu na ya fa damba baka fa se nyaari barasu ni

²⁸ Na Yesu akaaki ase ka, “Am fa damba baka n fa se nyaari. Sanɔa bo am ba nɔu ka i nyawa akpɔnkpɔn, na i sufieɛ fɔfɔre ni, am si ka dɔdɔri sanɔa adodo lee. ²⁹ Mini Adamande Wa n ba ni bá yo sɔɔ. Sanɔa bo amberɛ gusu bá nɔu ka nyini sam kere bá suyo ni, am si tenle su ka sanɔa n adodo lee, i cé má kun. ³⁰ Nahɔre ye m suse am n a, ka bo bu la ngɔɔ kisa n wú wie má ka, ye nyini sam kere bá yo a. ³¹ Angoro ni asiɛngɔu kere bá la awieeri, ama, m deɛ nɔanie n yiri la má awieeri cɛen be.”

Kabo Yesu seeri ka ya si ya nɔu sa fa ko i ba n su ni

³² Na Yesu akaaki ase ka, “Be si má sanɔa ni, wara cɛen n bo m bá kpie m nyi ba ni. Haari Nyeme merékem n bo bu wo i dɔ ni, ni mini bo m ti i wa n mmɔɔ si má. Má ka ya Si Nyeme ngumi si a. ³³ Nyini ti, am si am nɔu sa. Má am fa am nɔu ji, dama am si má sanɔa n bo m bá ni. ³⁴ Mini Adamande Wa n baawa ni bá yo ka sɔnɔ be ye wɔ yasu i dika ka i ko atin. Sanɔa bo i ba sukɔ ni, na wɔ fa i awuru n awura i akɔɔm saa nu, na wɔ ma bu kere ni bu juma bo bu yo. Na wɔ se danmindafɔ n ka má i fa i nɔu ji haari fa ko sanɔa bo i bá ba. ³⁵ Amberɛ mmɔɔ si má sanɔa bo mini Awurufɔbie ni bá ba. Nzen ngarama a? Naasɔɔ? Kɔngue jinanjin? Akɔnyuma bo sanɔa? Be si má. Nyini ti, má am fa am nɔu ji, ³⁶ na má am daafi na m bá fura am nu. ³⁷ Deke bo m sujɔɔ se am ni, m jɔɔ ni sɔnɔ kere pepere wɔ lee, ka, má am fa am nɔu ji na am daafi.”

14

Kabo bu seɛɛri su na bu tára Yesu ni

¹ Nyini sanɔa ni, wɔ ka lennyɔɔ, na bu di bu cɛenkpiri nbem. Bu fere kun n ka Butara cɛenkpiri, bo bu di i na bu tenge su kabo Nyeme yo deeri

bu nam tii fiteeri Ijipitifom asien su ni. Na kun la bo bu di i ni kpɔnɔ bo bu go má ayiri nu na i yasu ni. Na Nyeme sayoowa dɔnguyofɔ nkpienkpienm ni, ni Nyeme nɔaniɛ kerefom ni, anienie atin kabo bu yó barasu na bu tára Yesu kun i fiɛwa nu. ² Na ba se bu nɔnɔ nu ka, “Má am ma ya yo i cɛenkpiri n sanɔa. Má nyini, minem ni kéte yo nanmie wɔ, na bu sutientien.”

Kabo bara be gɔɔri Yesu tii su tulaale ni

³ Yesu woori Betani mie n nu wɔ, sɔnɔ be dika, bu fere i ka Simon, i yo ti kokofɔ ɔ. Sanɔa bo Yesu wo diire di su ni, na bara be aba ni tulaale tuwa nvanvani bo i la go agaya. Na wɔ bo abu tulaale tuwa n nɔɔ, na wɔ kaaki tulaale n kere ago Yesu tii su. ⁴ Na yaa ati minem ni nbem bo bu wo do ni, na ba se bu nɔnɔ nu ka, “Nzu ti ye wɔ saaki tulaale n sɔ a? ⁵ Má ya tɔɔri i, má ya nyá nwaa beberebe, na ya fá ma yaarifom.” Na ba kan bara ni ndie agaya. ⁶ Na Yesu ase bu ka, “Am yaki i benle. Má am kan i ndie. Sakpa lee ye wɔ yo ama m n a. ⁷ Am ni yaarifom ni wo bere sanɔa kere a, na nzen sanɔa be am ba koro ka am yo bu sakpa, am yo bu. Ama, mini, m wo má am do sanɔa kere. ⁸ Wɔ yo i dee fanɔa nyaari lee, wɔ kaaki tulaale n ago m nɔ ka i dee nzee bo wɔ fa ayo m siriya fa kɔ m yiwee cɛen lee. ⁹ Nahore ye m suse am n a, deke kere bo bu bá kaanri Nyeme labari kpa ni durunya n kere nu, bu kán i sayoowa n na minem tenge i su.”

Kabo Yudasi seseeri su ka i tó Yesu ni

¹⁰ Na Yudasi Isikariyoti bo i ti Yesu susufɔ buru ni nnyom ni kun be ni, ako Nyeme sayoowa dɔnguyofɔ nkpienkpienm ni do, ka i kɔ to Yesu ma bu. ¹¹ Bu tiiri labari n sɔ ni, na bu ahore ajo, na bu gusu atan ndie ama i ka bu má i nwaa. Na Yudasi akpini atin kabo i yó barasu na bu nya Yesu taraabiri.

Kabo Yesu ni i susufom diiri cɛenkpiri diire ni

¹² Na cɛenkpiri n bo bu di i ni kpɔnɔ bo bu go má ayiri nu na i yasu ni, i lekun cɛen, nyini cɛen ye bu kun nbɔmbaam bo bu di na bu tenge Butara cɛenkpiri n su n a, na Yesu susufom n abisa i ka, “A koro ka ya kɔ ni kɔ sese Butara cɛenkpiri n diire n su se a?” ¹³ Na Yesu afere bu nu nnyo na wɔ se bu ka, “Am kɔ mie n kunnu. Am ni sɔnɔ be yé. I sɔ nzue dundu. Am su i su, ¹⁴ kɔ awuru n bo i kó wura nu ni, na am bisa awurufobie n ka, ‘Ya Kerefɔ n nɔa, sɔɔ bɔnɔ nu ye i ni i susufom ni dí Butara cɛenkpiri n diire n a?’ ¹⁵ Na i kere am angoro sɔɔ bambaka n bo ba yo i dɔngu ase ni, do ye am sése diire n su se ya.” ¹⁶ Na i susufom ni ako mie n nu, na ba kɔ anɔ deke n kere sɔ, kabo Yesu seeri bu ni, na ba sese Butara cɛenkpiri diire n su.

¹⁷ Na naaso sanɔa, na Yesu ni i susufɔ buru ni nnyom ni kere aba do. ¹⁸ Na sanɔa bo bu tana wo diire n di su ni, na Yesu ase bu ka, “Nahore ye m suse am n a, am nu kun bá to m ma m kpɔfom a. I mi ni mini susanɔa di diire n a.” ¹⁹ Na bu ahore asaaki, na bu kun kun n kere abisa i ka, “Ye m nɔa má mini yiri e?” ²⁰ Na Yesu abo bu nu ka, “Amberɛ buru ni nnyom nu kun yó nyini a, i mi ni mini susanɔa fa ya saa wura taale kun nu a. ²¹ Mini Adamande Wa ni wú kabo ba kere i Nyeme Jore Kadasi n nu ase ka m wú n wɔ, ama, sɔnɔ n bo i tó mini Adamande Wa n ni, i mi bá nɔ anyumboro. Má ba wu má i mi n mmɔɔ, má i ti ye.”

Ya Mibie kasin diire n jore

²² Sanɔa bo Yesu ni i susufom ni wo diire n di su ni, na Yesu afa kpɔnɔ, na wɔ da Nyeme asi, na wɔ bubu i nu, na wɔ fa ama bu, na wɔ se bu ka,

“Am de ahin kpɔnɔ n na am di, i ti m ηuniembaa a.” ²³ Na wɔ kaaki afa awa ni nzan, na wɔ da Nyemɛ asi, na wɔ fa ama bu, na bu kerɛ anu be. ²⁴ Na wɔ se bu ka, “Ahin nzan n ti m mbunja lɛɛ, ye m sufa ma am n a. Yiri ye Nyemɛ sufa sɛsɛsu na i di i di n a. Minɛm dɔŋgu satie dɛɛ ti, ye m mbunja ni songi gɔ a.” ²⁵ Na wɔ kaaki ase bu ka, “Nahɔrɛ ye m suse am n a, m nũ má nzan be kun, má ka cɛɛn n bo m bá nu i fɔfɔrɛ Nyemɛ femɛya n nu ni.”

Kabo Yesu seeri i susufɔm n ka bu bá ηmati yaki i ni

²⁶ Nyini sin na ba di jue akansi Nyemɛ, na ba fite akɔ Oliva Buka n su. ²⁷ Na Yesu ase i susufɔm n ka, “Am kerɛ bá ηmati yaki m, dama ba kerɛ i Nyemɛ Jɔrɛ Kadasi n nu ka, Nyemɛ ηa, ‘M bó kun bɔɛsasafɔ ni, na nbɔɛm bá sandi.’” ²⁸ Ama, m bá tengeeri m yiwee n nu ni, m dú am mɔ kɔ Galili awɔrɛ n nu.” ²⁹ Na Petoro ase i ka, “Nzen ahinm kerɛ ηmati yakiiri u, mini ηmáti yaki má u da.” ³⁰ Na Yesu ase Petoro ka, “Nahɔrɛ ye m suse u a, nyuma kɔŋgue n nu, kana akɔnyuma bá bo kpe nnyɔ su, a kɛte kpe nsan ka a si má m.” ³¹ Na Petoro abo i hoe ase i ka, “Mini sé má sɔ da. Nzen haari wɔ yo daka ka mini ni wɔrɔ kerɛ sánɔga wu mmɔɔ, ya wú ɔ.” Na i susufɔm n kerɛ ase sɔ.

Kabo Yesu jeke tiiri na i kɔ sereeri Nyemɛ ni

³² Na ba yasu akɔ aju awɔrɛ be bo bu fere i ka Gesemane ni, na Yesu ase i susufɔm ni ka, “Am tana fen ηminda m, na m kó sere Nyemɛ.” ³³ Na wɔ fa Petoro ni Yakobo ni Yohane na ba kɔ mɔ kaan. Bu kɔ juuri dɔ na ahoresaaki aba i dɔ agaya, na i jeke ati. ³⁴ Na wɔ se bu ka, “Ahoresaaki aba m dɔ agaya, i yo m ka m wú ɔ mmɔɔ. Am wo fen na am ηminda m. Má am daafi.” ³⁵ Na wɔ kɔ dede kaan, na wɔ butu i kunnu su, na wɔ sere Nyemɛ ka nzen má i koro ma ahin anyumboro n sin yaki i. ³⁶ I ηa, “*Abba*,” i bu la ka, “M Si, wɔrɔ koro yo sa kerɛ a. Nyini ti, yi m fite ahin anyumboro n bo i suba m dɔ n nu. Ama, má a yo kabo m koro ni, se kabo a koro ni.” ³⁷ I sere Nyemɛ wieeri ni, na wɔ kpɛ i nyi akɔ aju ka i susufɔ nsanm ni wo daafiri su. Na wɔ tenge bu na wɔ se Simon Petoro ka, “Simon, a daafi wɔ? A koro kpɛ má daafiri, haari kaan sɔ mmɔɔ?” ³⁸ Na wɔ kaaki ase bu ka, “Am kpɛ daafiri, na am sere Nyemɛ, adena má deke be yo am na am wura satie nu. Ahorembaa n koro nyemɛsu, ama, aηuniembaa n ayɔrɔki.” ³⁹ Na wɔ kaaki akɔ asere Nyemɛ bekun ni nyini nɔaniɛ jɔjɔwa kun bo i du mɔ jɔjɔri ni. ⁴⁰ Na wɔ kpɛ i nyi aba i susufɔm n dɔ, na wɔ ba aju ka ba daafi bekun, dama daafiri ati bu agaya. Ba koro ase má i pui. ⁴¹ Na wɔ kɔ asere Nyemɛ kpe nsan su, akaaki aba aju ka bu toko wo daafiri su, na wɔ se bu ka, “Am toko daafi yi am ηumi wɔ? Wɔ sɛ su. Sanga n aju, wɔ tɔ mini Adamande Wa ni ama satieyofɔm. ⁴² Am niɛ, sɔnɔ n bo wɔ tɔ m lɛɛ. Am yasu na ya kɔ.”

Kabo bu taraari Yesu barasu ni

⁴³ Na sanga bo Yesu toko wo jɔjɔri su ni, na Yudasi bo i ti Yesu susufɔ buru ni nnyɔm nu kun aju ni jama beberebe. Bu bita takobem ni kɔrɔmam. Nyemɛ sayoowa dɔŋguyofɔ nkpienkpienm n ni Nyemɛ nɔaniɛ kerefɔm ni, ni Yudafɔm nkpienkpienm ni sunmaari bu a. ⁴⁴ Na Yudasi bo i tɔɔri Yesu ni akere jama n nyaari su kabo bu sí Yesu na bu tara i. I ηa, “Sɔnɔ n bo m kó biti i ni, yiri lɛɛ. Am tara i, na am bita i kenken, na am fa i kɔ.” ⁴⁵ Sanga bo i kɔ juuri ni, i kaba kɔɔri Yesu dɔ ɔ, na wɔ bo afere i ka, “Ya Kerefɔ.” Na

wɔ bitɪ i, na wɔ yo i anse. ⁴⁶ Na minem n atara Yesu na ba bita i kenken. ⁴⁷ Na Yesu susufɔm bo bu jina bere n nu kun acin ayi i takobe, na wɔ kpɛ sɔnɔ be sui, nyini sɔnɔ n ti Nyemɛ sayoowa dɔnguyofɔm kpɛn n akɔɔ ɔ. ⁴⁸ Na Yesu abisa bu ka, “M ti finfɔ ɔ ye am fa takobem ni kɔrɔmam na am ba tara m a? ⁴⁹ Cɛn kɛrɛ cɛn m ni ambere wo Nyemɛ Sereebiri Awuru n nu a, ye m kere minem a, ama, am atara m á m. Tɔ, i ti ye ni ka kabo ba kɛrɛ i Nyemɛ Jɔrɛ Kadasi n nu ka bu yó m ni yo yíiwa.” ⁵⁰ Na i susufɔm n kere anmati ayaki i.

⁵¹ Na gbɛfɛnɛ be gusu su Yesu su. I kara tani ngumi wɔ. Na ba laandi ka bu tara i, ⁵² na wɔ foro bu saa anmati ayaki tani ni, i bu ngbɛn.

Kabo bu fa Yesu kɔri jɔrɛ diibiri ni

⁵³ Na ba fa Yesu akɔ Nyemɛ sayoowa dɔnguyofɔm kpɛn n dika, na Yuda-fɔm tereterefɔm kere aba atien bu nɔɔ. Bere la Nyemɛ sayoowa dɔnguyofɔm nkpienkpienm ni, ni Yuda-fɔm nkpienkpienm ni, ni Nyemɛ nɔaniɛ kerefɔm ni. ⁵⁴ Na Petoro asu Yesu su, ama, i woori dede kaan ni yiri, na wɔ kɔ awura Nyemɛ sayoowa dɔnguyofɔm kpɛn n dika gisan nu. Na wɔ kɔ asanɔga atana tintinijinafɔm n nu atun sin. ⁵⁵ Na Nyemɛ sayoowa dɔnguyofɔm nkpienkpienm ni, ni Yuda-fɔm tereterefɔm n kere anienɛ minem bo bu bá di daani fa kɔ ngasi bo Yesu ado i ni, adena bu nya i taraabiri na bu kun i, ama, ba nya m á jɔrɛ bo bu fa kpɛ sɔ i. ⁵⁶ Na daani difɔm beberebe afite ajina akpɛ kɔrɛ asɔ Yesu, ama, bu nɔaniɛ n ayo m á kun. ⁵⁷ Na mine nbem gusu ayasu ajina akpɛ kɔrɛ asɔ Yesu, ⁵⁸ bu ɲa, “Ya tiiri ka i ɲa, i fúfu ahin Nyemɛ Sereebiri Awuru n bo minem taari i ni, na lesan afien, na i káaki ta fɔfɔrɛ bo i ti m á kabo adamande ataari ti ni.” ⁵⁹ Haari ni nyini n mmɔɔ, bu nɔaniɛ ni ayo m á kun.

⁶⁰ Na Nyemɛ sayoowa dɔnguyofɔm kpɛn ni ayasu ajina tereterefɔm n afien, na wɔ bisa Yesu ka, “A la m á bɔnu be fa kɔ ahin jɔrɛ n bo minem ni akpɛ asɔ u n su?” ⁶¹ Ama, na Yesu amɔ i nɔɔ, wɔ bɔ m á jɔrɛ be nu.

Na Nyemɛ sayoowa dɔnguyofɔm kpɛn ni abisa i bekun ka, “Wɔrɔ ti Nyemɛ n bo ya kere kansɪ i n dɛɛ Wa, Kristo Tiidefɔ n a?” ⁶² Na Yesu abo i nu ka, “Mini lɛɛ. Na

‘am bá ɲu mini Adamande Wa ni,
ka m tana Nyemɛ Yikofɔ n saa fɔmbɔrɔ su,
na am ɲú ka m fite angoro yinyingu n nu suba.’ ”

⁶³ Yesu bɔ nu sɔ wieeri ni, na Nyemɛ sayoowa dɔnguyofɔm kpɛn ni asɔn i tanlɛɛ. Na wɔ se ka, “Ya koro m á daanfɔ bekun. ⁶⁴ Ambere mmɔɔ ti kabo wɔ jɔjɔ awura Nyemɛ ngasi n nu e. Ye am ɲa sɛ wɔ?” Na bu kere ase ka wɔ kan ciire jɔrɛ, nyini ti, wɔ yo daka ka i wu. ⁶⁵ Bu kaanri sɔ wieeri ni, na bu nbem ayi nanzue agɔ Yesu ɲu, na ba fa sanvuin acin akata i nyumbaa, na ba bobo i, na ba se i ka, “Wɔrɔ Nyemɛ nɔaniɛ kanfɔ ni, kan kere ya sɔnɔ n bo i boori u ni.” Na tintinijinafɔm n gusu afinfin i nyɔɔnu.

Kabo Petoro keteeri ka i si m á Yesu ni

⁶⁶ Bu wo nyini kere su ni, na Petoro toko wo gisan n nu, na afani be aba i bi, yiri ti Nyemɛ sayoowa dɔnguyofɔm kpɛn n dɛɛ afani kun a. ⁶⁷ Sanɔga bo i niɛ ɲuuri Petoro ka i wo sin tuunbiri n ni, na wɔ niɛ Petoro nyunu dika gbirim, na wɔ se i ka, “Wɔrɔ mmɔɔ yo woori nyini Yesu Nazaretifɔ n dɔ ɔ.” ⁶⁸ Na Petoro akete, i ɲa, “Ai, m si m á nyini jɔrɛ n bo a sujɔjɔ i ni.” Na wɔ fite gisan n nu aba lɛɛ n nu. Nyini sanɔga ni na akɔnyuma abo kpekun. ⁶⁹ Na afani n aba anɲu i dɔ, na wɔ kaaki ase minem bo bu jina bere ni ka, “Ahin sɔnɔ n ti bu nu kun wɔ.” ⁷⁰ Ama, na Petoro akete bekun.

Wɔ cɛ má na bo bu jina bere n gusu ase Petoro ka, “Nahore a, a ti bu nu kun wɔ, dama wɔrɔ mmɔɔ ti Galilifo ɔ.” ⁷¹ Na wɔ tan ndie afa i saa awura sin nu, i na, “M si má sɔnɔ n bo am sujɔɔ i jɔre ni.” ⁷² Kpennga na akonyuma n abo kpe nnyɔ su, na Petoro atenge su kabo Yesu seeri i ni, i na, “Kana akonyuma bá bo kpe nnyɔ su, a kéte kpe nsan su ka a si má m.” Na i ahore asaaki, na wɔ sun.

15

Kabo bu faari Yesu kɔ jinaari Gomina Pilato nyunu ni

¹ Na alecin sangá na Yudafoɔm tereterefoɔm kere atien bu nɔɔ. Bere la Nyeme sayoowa dɔnguyofɔ nkpienkpienm ni, ni Yudafoɔm nkpienkpienm ni, ni Nyeme nɔanie kerefoɔm ni. Na ba tana asese su kabo bu yó Yesu. Na ba wura i jɔrɔkɔ, na ba fa i akɔ ama Gomina Pilato. ² Na Gomina Pilato abisa i ka, “Wɔrɔ ti Yudafoɔm fɛmɛ n a?” Na wɔ bɔ i nu ka, “Kabo a jɔɔ ni, i ti sɔ ɔ.” ³ Na Nyeme sayoowa dɔnguyofɔ nkpienkpienm ni akpie jore beberebe asɔ i. ⁴ Na Gomina Pilato abisa i bekun ka, “A la má nɔanie bo a bɔ bu nu? Nie jɔre beberebe bo ba kpie asɔ u a.” ⁵ Ama, Yesu abɔ má jore be nu, na Gomina Pilato abirisi kabo Yesu abɔ má nu ni.

⁶ Afɔ kere afɔ Butara cɛenkpiri n nya ba ju ni, Gomina Pilato yi dansaraka n bo jama n sere i ka i yi i ji n wɔ. ⁷ Nyini sangá ni sɔnɔ be woori dansaraka sɔɔ n nu dɔ, bu fere i ka Barabasi. Sangá be minɛm yo keteeri gomina n nju wɔ, na ba tu lue, na i ni i beɔgu ketemafɔ nbem akun minɛm, nyini ti, na ba tara bu anyi bu dansaraka. ⁸ Tɔ. Kabo afɔ kere afɔ Gomina Pilato n yi dansaraka n kun ma bu ni, na jama n aba atien bu nɔɔ i bi na bu kere sɔnɔ n bo i yí ma bu ni. ⁹ Na Gomina Pilato abisa bu ka, “Am koro ka m yi Yudafoɔm fɛmɛ ni ma am a?” ¹⁰ I seeri sɔ ni, dama i si tenle su ka Nyeme sayoowa dɔnguyofɔ nkpienkpienm ni si Yesu kore ti ye bu faari i ba wuraari i saa nu a. ¹¹ Na Nyeme sayoowa dɔnguyofɔ nkpienkpienm n awura jama n bu sin ka bu se Gomina Pilato ka i yi Barabasi ji ma bu. ¹² Na Gomina Pilato abisa bu ka, “Ye ahin sɔnɔ n bo am fere i ka Yudafoɔm fɛmɛ ni, am koro ka m yo i se wɔ?” ¹³ Na jama n atien ase ka, “Kpama i baka jaanu n su na i wu.” ¹⁴ Na Gomina Pilato ase bu ka, “Ye nzu satie ye wɔ yo i a?” Ama, na ba kaaki atien agaya bekun ase ka, “Kpama i baka jaanu n su na i wu.” ¹⁵ Dɔ na Gomina Pilato akoro ka i jɔ jama n ahore, nyini dɛɛ ti, na wɔ yi Barabasi aji, na wɔ ma sojam afin Yesu nɔgbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo bu yoori Yesu anzasi ni

¹⁶ Na ba fa Yesu awura gomina n gisan n nu, na ba fere bu beɔgu sojam kere ka bu tien bu nɔɔ. ¹⁷ Na ba wura Yesu tanlee kɔkɔre yorom ka femeya tanlee su, na ba fa buwe aɔɔ i ka kaba dɛɛ su, na ba fa aforo i tii ka femeya kere dɛɛ su, adena bu yo i anzasi. ¹⁸ Na ba yo bu nju ka bu suma i jirima, bu na, “Yudafoɔm fɛmɛ ni, ya yo u anse.” ¹⁹ Na bu sufinfin i tii baka, na bu suyi nanzue gɔ i nju, na bu sukutu i nyunu. ²⁰ Bu ba yoori i anzasi n wieeri ni, na ba yi tanlee kɔkɔre yorom ni, na ba kaaki afa i tienɔgu dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

²¹ Sangá bo bu sukɔ ni, na bu ni Sirenefoɔ bie be aye, bu fere i ka Simon, Alekizanda ni Rufusu si lee. I fite aheme suba mie kunnu, na sojam n amie i ka i sɔ Yesu baka jaanu ni. ²² Na ba fa Yesu akɔ deke bo bu fere i ka Gologota ni, Gologota n bu la ka Tereawa Woobiri. ²³ Na mine nbem

asaŋga nzan ni ayiri barasu be ama i ka i nu, na i jɔ yaari, ama, wɔ nu má i. ²⁴ Bu yoori nyini n kere wieeri ni, na ba nya akpama i baka jaanu n su, na ba ye i su ajina, na ba tu mbaa na bu si kabo bu kpaaki i suturam nu, bu nɔɔ nu.

²⁵ Bu kpamaari i baka jaanu n su ngarama kerefi ngɔna a. ²⁶ Na ba kere jɔre n bo bu kpie sɔori i ni, na ba fa abo akpama i baka jaanu n tii su, kerewa n la ka, “Yudafɔm Feme n lɛɛ.” ²⁷⁻²⁸ Na ba kpama finfo nnyɔ nbem baka jaanu su adodo i, bu kpamaari kun i saa fɔmbɔɔ su wɔ, na ba kpama kun n gusu i saa bie su. ²⁹ Na minem kere bo bu sin dɔ ni subobo bu tii, na bu sukpie i nzuko, bu ɔa, “Enehɛɛn, wɔɔ bo a ɔa a fufu Nyeme Sereebiri Awuru n na a káaki ta i lesan afien n lɛɛ, ³⁰ jura baka jaanu n su na a de u tii ji.” ³¹ Na Nyeme sayoowa dɔnguyofɔ nkpienkpienm ni, ni Nyeme nɔaniɛ kerefɔm ni gusu suyo i anzasi bu nɔɔ nu, bu ɔa, “Wɔ de minem tii aji, ama, i sukoro de má yiri ni i tii. ³² Am ma ya nie Yisarelifɔm Feme n bo i ɔa i ti Kristo Tiidefɔ ni, nzen i koro juraari baka jaanu n su kisa kisa, ya yó i yarada.” Na mine nnyɔm ni bo bu kpamaari bu dodoori i ni mmɔɔ akpie i nzuko.

Kabo Yesu wuuri ni

³³ Wiesu kerefi buru ni nnyɔ saŋga na awosin akata asien n kere su, haari naaso kerefi nsan. ³⁴ Na nyini saŋga ni, na Yesu abo awie kpa ase ka, “Eli, Eli, lama sabatani?” I bu la ka, “M Nyeme, m Nyeme, nzu ti ye a yaki m aji a?” ³⁵ Na minem nbem jinaari bere, bu nbem n tiiri sɔ ni, na ba se ka, “Am so am sui na am ti, i sufere Eliya.” ³⁶ Na bu kun nu aɔmati afa mene adɔ nzan gagaraki be nu, na wɔ fa awɔ baka su alaandi atɔ Yesu nɔɔ ka i nu, na wɔ se ka, “Am yaki i na ya nie, ka Eliya bá jura i baka jaanu n su.” ³⁷ Na Yesu abo awie kpa kpekun, na wɔ nya ayo Nyeme dɛɛ. ³⁸ Na tani bambaka n bo bu fa kpaakiiri sɔɔ casi n bo i wo Nyeme Sereebiri Awuru n nu n ati nu nnyɔ, fa i aɔgoro kɔ jura asiɛngu. ³⁹ Na soja kpien n bo i jinaari baka jaanu n nyunu ɔuuri kabo Yesu boori awie na i wuuri barasu ni, na wɔ se ka, “Ahin sɔnɔ n ti Nyeme Wa a nahɔre su.”

⁴⁰ Na nbara nbem ajina dede sunie Yesu. Bu nu nbem la Mariya bo i fite Magadala mie n nu ni, ni Salome, ni Mariya n bo i nbaam la Yakobo kaan n ni Yose. ⁴¹ Bere yo suuri Yesu su wɔ saŋga bo i wo Galili awɔre n nu na bu subuka i. Nbaram beberebe gusu yo woori dɔ bo bu suuri i su baari Yerusalem mie kpiri n nu.

Kabo bu yoori Yesu sutura barasu ni

⁴² Kabo nyini cɛɛn n tiiri Numiya cɛɛn n kpokpo cɛɛn ni, i naaso wie, ⁴³ na Yosefu bo i fite Aramatiya mie kpiri n nu ni, na wɔ fa ahoresi na wɔ kɔ aɔu Gomina Pilato, na wɔ sere i ka i fa Yesu ɔuniɛ n ma i. Yosefu yo ti sɔnɔ jirimafɔ ɔ Yudafɔm tereterefɔm n nu, na i sunsunni kere yo la ka, i ɔminda saŋga bo Nyeme bá di i femeya n wɔ. ⁴⁴ Gomina Pilato tiiri kabo wɔ se ni, na wɔ yo alekutura kabo Yesu akaba awu ni. Na wɔ sunma afere soja kpien n na i bisa i na i ti ka Yesu wuuri ni, wɔ cɛ? ⁴⁵ I tiiri soja n nɔaniɛ wieeri ni, na wɔ ma Yosefu atin ka i kɔ fa i ɔuniɛ ni. ⁴⁶ Na Yosefu ato nzee, na wɔ yi fuin n baka jaanu n su, na wɔ fa nzee ni apɔɔndi i. Na wɔ kɔ afa i awura yabue buɛ bo ba lokoti i ayo i faɔkunma n nu, na wɔ fa i ase nu, na wɔ kundu yabue bambaka afa atɔ faɔkunma n aɔɔ ni. ⁴⁷ Na Mariya Magadalafo ni, ni Mariya n bo i wa la Yose ni ajina anie aɔu deke bo bu seeri Yesu ni.

16

Kabo Yesu tengeeri i yiwee n nu ni

¹ Na naaso sanja bo Njumiya cɛɛn n asin ni, na Mariya Magadalafɔ ni, ni Salome, ni Mariya n bo i wa la Yakobo ni, aba ato tulaalɛ nvanvani ka bu fa kɔ gɔ Yesu ŋunɛ n su. ² Na Yudafɔm bakue n bumboori, mɔnɛ cɛɛn ŋgarama fuun, fa kɔ wie tie sanja, na ba kɔ Yesu faŋkunma n su. ³ Sanja bo bu sukɔ ni, na ba bisa bu beŋgu ka, “Njma kɔ kundu yi yabue n bo i tɔ faŋkunma n anɔ n ma ya?” ⁴ Deke bo i ti na bu seeri sɔ n la ka, yabue n ti bambaka agaya. Na ba tu bu tii anɛ anɔ ka yabue n tɔ má anɔ ni. ⁵ Na ba wura yabue buɛ faŋkunma n nu anɔ ka gbefene be tana nu saa fɔmbɔɔ su, i wura tanlɛɛ fofoe yorom be, na ba yo alekutura. ⁶ Na wɔ se bu ka, “Má am yo alekutura. M si ka am nienɛ Yesu Nazaretifɔ n bo bu kpamaari i baka jaanu n su n wɔ. Wɔ tenge i yiwee n nu. I wo má fɛn. Am niɛ, deke bo bu faari i seeri n yaa. ⁷ Am kpɛ am nyi na am kɔ se Petoro ni nyingam n kere ka wɔ du am mɔ sukɔ Galili, dɔ ye am kɔ ŋu i a, dama kabo i yo seeri am lɛɛ.” ⁸ Na ba fite faŋkunma n nu ni ŋmatiiri, na bu ŋunɛ subobo bu ni sere. Ba bo má su ase má be, dama sere ati bu agaya.

Kabo Yesu faari i ŋu kereeri Mariya Magadalafɔ ni

[⁹ Mɔnɛ cɛɛn ŋgarama fuun ye Yesu tengeeri i yiwee n nu a. I du mɔ yiiri i ŋu kereeri Mariya Magadalafɔ n wɔ. Yiri la bara n bo Yesu fɔn yiiri ajini nsom i ŋu ni. ¹⁰ Na wɔ kɔ atu Yesu susufɔm ni ka bu wo ahoresaaki ni sun su, na wɔ se bu ka wɔ ŋu Yesu. ¹¹ Sanja bo i seeri bu ka Yesu atenge i yiwee n nu na wɔ ŋu i ni, ba de má i nɔanie ni.

Kabo Yesu faari i ŋu kereeri i susufɔ nnyɔ nbem ni

¹² Nyini sin na Yesu susufɔ nnyɔ nbem afite Yerusalem miɛ kpiri n nu sukɔ aheme, na wɔ yi i ŋu akere bu, bo ba koro afa má nu nde ka yiri lɛɛ. ¹³ Na ba kpɛ bu nyi aba ase nyingam n ka ba ŋu Yesu, ama, haari ni nyini mmɔɔ, ba de má.

Kabo Yesu faari i ŋu kereeri i susufɔ buru ni kunm ni

¹⁴ Nyini kere sin na sanja bo i susufɔ buru ni kunm n wo diire di su ni, na wɔ yi i ŋu akere bu. Na wɔ jaraki bu kabo bu ahorembaa ti kekereke ni, ni kabo ba yo má yarada ni minem bo bu ŋuuri i sanja bo i tengeeri i yiwee n nu na bu ba seeri bu ni. ¹⁵ Na wɔ se bu ka, “Am kɔ durunya n kere nu na am kɔ kan m labari kpa n kere adamande kere. ¹⁶ Na sɔnɔ kere bo i yoori m yarada, na am biɛɛri i Nyeme nzue, Nyeme dé i tii ji, ama, bo ba yo má yarada ni, Nyeme dí bu jɔɛ na i yó bu ŋgbɛɛn. ¹⁷ Na bo bu yoori yarada, bu nyá yiko bo bu koro yó ahin alekutura sam ni. Bu fá m duma fɔn yi ajinim fite minem n ŋu, na bu jɔjɔ anɛ barasu barasu bo bu si má bu, ¹⁸ na nzen bu taraari woom wara bu diiri nenge diiwa n mmɔɔ, i yó má bu pui. Bu fá bu saa nana tukpakifɔm ŋu, na bu nyá laifɛ.”

Kabo Nyeme faari Yesu fun kɔɔri angoro ni

¹⁹ Sanja bo Mibiɛ Yesu jɔjɔri bu dɔ wieeri ni, na Nyeme afa i afun ako angoro ako atana i saa fɔmbɔɔ su. ²⁰ Na i susufɔm n ako deke n kere kɔ sukan i labari kpa ni, na Mibiɛ n awo bu dɔ abuka bu, na wɔ ma bu yiko, na ba yo alekutura sam bo i kere ka bu labari kpa kaanwa n kere ti nahɔɛ wɔ.]

Labari kpa n bo LUKA akere i ni

¹ Ya si Teyofilosi, mine dangu boroori bu nyi na ba kere sam bo bu yoori ya nu fen n afa ase. ² Kabo jore n ti na bu kereri i ni, yiri ye minem seeri ya n a, nyini minem bo bu woori i bumboori ni, bere nuuri i a, bere kaanri a. ³ To, kabo mini ni m tii ayi koresi anie sereya n kere, fite sang a n bo jore n boori i bu ni, ma nu ka i ti kpa ka mini gusu kere i kere sese i su na i ko atin su fa ma woro Teyofilosi bo a la anyunuyi ni, ⁴ adena a si ka bo ba kan akere u n kere ti nahore wo.

Kabo Nyeme merere n korri Zakariya do n jore

⁵ Sang a bo Herode yo ti Yudiya fem e ni, Nyeme sayoowa danguyof o be wo bere, bu fere i ka Zakariya. I fite Abiya dee Nyeme sayoowa danguyof om asese n nu wo. Bu fere i yi duma ka Elizabeti, yiri mmoo ti Aaron busu nuf o. ⁶ Bere nnyom kere yo ti minem bo bu su Nyeme nahore su wo, na bu deeri i noanie maawam ni, na bu yoori dekem kere bo i se ka minem yo i ni. ⁷ Ama, ba wu ma baa, dama Elizabeti ti noroka a, na bekun i ni i hun n kere ayo nkpienm agaya.

⁸ Ceen n be, na Zakariya awo Yudafom Nyeme Sereebiri Awuru n Soa Casi n nu suyo i Nyeme sayoowa danguyof o juma, dama nyini ceen n ti bu dee busu nufom ceen wo. ⁹ Nyeme sayoowa danguyof om la bu nana sayoowa be. Bu tu mbaa a, na bu yi bu nu kun. Nyini ceen ni, bu yiiri Zakariya a, ka i wura bu Nyeme Sereebiri Awuru n Soa Casi n nu, na i kunkun ayiri kunkuunwa nvanvani. Nyini ti, na wo ko awura nu. ¹⁰ Ayiri nvanvani n kunkun sang a ba juuri ni, na jama kere aka gisan nu susere Nyeme. ¹¹ Na Nyeme merere aba ayi i nu akere Zakariya, i jina Mikun n yoowa yoobiri fomboro su, deke bo wo kunkun ayiri nvanvani n ni. ¹² I nuuri merere n so ni, na wo bo biri, na sere ati i. ¹³ Ama, na merere n ase i ka, "Zakariya, ma a ma sere ti u. Nyeme ade u sere ni. U yi Elizabeti ba wu baabieso, na a tun i duma ka Yohane. ¹⁴ Baa n bo i wu i n dee ti, u ahore jo agaya ko sin su, na mine dangu gusu ahore jo. ¹⁵ Baa ni ba yo sono bambaka a Nyeme do. Wo yo ma daka ka i nu nzan fieo. Haari i ni kunnu, ye Nyeme Awiewie Casi ni wura i nu a. ¹⁶ Na i ma Yisareli busu nufom dangu kpie bu nyi ba yiri Micera Nyeme n bo i ti ye ni ka bu su i n do. ¹⁷ Awiewie Casi n fanga wo yiri nu ka Nyeme noanie kanfo Eliya a, yiri du Micera nyunu a, adena i yo nbaasim ni bu nbaam afien dangu a, na i kaaki mine keteewam sunsunni, na bu yo mine kpaam, na i sese Nyeme minem su se i."

¹⁸ Na Zakariya ase Nyeme merere n ka, "Nzu deke ye m fa si ka jore n bo a sujoko i ni yo nahore a? Dama ma yo kpien, m yi gusu ayo buke."

¹⁹ Na merere n ase i ka, "Bu fere m ka Gabiriyeli. Mini wo Nyeme nyunu a. Ye wo sunma m u do ka m fa ahin labari kpa n ba ma u a. ²⁰ Ti fen. Noanie n bo m sujoko i ni ba yo nahore wo, sang a bo Nyeme koro ka i yo ni. Ama, a yo ma m noanie n yarada dee ti, a to amuna, na a koro joko ma haari ceen bo a ba nu ka noanie n bo m sujoko i n ayo nahore."

²¹ Nyini sang a n kere minem n toko jina gisan nu nminda Zakariya, na ba birisi deke bo i ti na wo ce Soa Casi n nu so ni. ²² Sang a bo i ba fiteeri ni, wo koro ajoko ma bu do. Do na ba fa nu ka wo nu alekutura deke be

Soo Casi n nu. Dama wo koro ateke ma i noo ajojo ma, se i fa i saa jojo bu do a.

²³ Saŋga bo Zakariya ba yoori i juma kere wieeri Nyeme Sereebiri Awuru n nu ni, na wo kpie i nyi ako i bosu. ²⁴ Wo ce ma, na i yi Elizabeti anyinse. Wo yi ma i nu fofoe nu haari sara nnu. ²⁵ Na wo se ka, "Kisa, ya Micera n anie anu m anunfo. Wo yi m afite nyinse bambaka nu."

Kabo Nyeme merke n koori Mariya do n jore

²⁶ Saŋga bo Elizabeti nyinse n ba juuri sara nsen ni, na Nyeme asunma merke Gabiriyeli mie be bo i wo Galili awore n nu, na bu fere i ka Nazareti ni, ²⁷ ka i ko fa labari ma sunguru be bo bu fere i ka Mariya ni. Nyini saŋga, ba fa i ace bieso be, bu fere i ka Yosefu, i fite Feme Davidi dee busu n nu wo. I ni Mariya nya saŋga da ma, dama wo nya ja ma i. ²⁸ Na merke n awura i nu, na wo se i ka, "Sunguru, m yo u anse ni terefie. A di Nyeme ahorama, na i kaaki wo u do." ²⁹ Mariya tiiri ahin noanie n ni, na wo yo i alekutura, na wo birisi ase ka, "Ahin anse yoowa n bu la ka se wo lee?" ³⁰ Na merke n ase i ka, "Mariya, ma a ma sere ti u. A di Nyeme ahorama beberebe. ³¹ So u sui na a ti. M na a ba nyinse, na a wu baabieso, na a tun i duma ka Yesu. ³² I ba yo sono bambaka, na bu fere i ka, Nyeme Feme Kpiri n Wa. Ya Micera Nyeme fa i na Davidi femeya bie ma i, ³³ na i yo Jakobu busu nufom feme saŋga kere, na i dee femeya ni la ma awieeri." ³⁴ Na Mariya abisa merke n ka, "Ye ahin yo se koro yo a? Dama m nya si ma bieso." ³⁵ Na merke n abo i nu ka, "Nyeme Awiewie Casi ni ba wura u nu, na Nyeme dee yiko n ba wo u do. Nyini ti, baa n bo a wu i ni, i ba yo baa casi wo, na bu fere i ka Nyeme Wa. ³⁶ Nie fen, Elizabeti bo i ti u lamoko ni, yiri bo bu na i ti noroka ni, haari ni bo wo yo buke ni, wo nyinse, i sara nsen lee. ³⁷ Pui wo ma bere bo Nyeme koro yo ma i." ³⁸ Na Mariya ase i ka, "To, m ti Micera n afani wo. Ma nyini sam kere yo ma m kabo a se ni." Na merke n ako ayaki i.

Kabo Mariya ko niERI Elizabeti busu ni

³⁹ Nyini dee sin, wo ce ma, na Mariya akpa i nu, na wo yasu ndende ako Zakariya ni i yi Elizabeti bosu ka i ko nie bu busu. Nyini mie n wo Yudiya asien n su bukam n afien wo. ⁴⁰ Na wo ko awura Zakariya dika, na wo yo Elizabeti anse. ⁴¹ Elizabeti tiiri Mariya anse yoowa n ni, na baa n bo i wo i kunnu n akpisi i nu. Do na Awiewie Casi n awura Elizabeti nu, ⁴² na wo bo awie kpa, i na, "Nyeme ayo u kisi atara nbaram kere, wo kaaki ayo baa n bo a bita i nyinse n kisi. ⁴³ Nzu jirima la ahin n bo Nyeme afa ama n a, ka m Mibie dee ni aba anie m busu a? ⁴⁴ Dama m tiiri u anse yoowa n na baa n bo i wo m kunnu ni, akaba akpisi i nu ni akunnujo. ⁴⁵ Terefie wo u do, dama a yo yarada ka Mibie n noanie n bo wo kan akere u ni, i ba yo yiiwa angba."

Kabo Mariya diiri jue kansiri Nyeme ni

⁴⁶ Na Mariya ase ka,
 "M kansu Mibie ni m ahorembaa su.
⁴⁷ M ahore ajo Nyeme nu, yiri bo i ti m Tiidefo ni.
⁴⁸ Haari ni bo m ti i afani n kere ni, i wara afi ma m sa.
 Fite nyuma fa ko, minem kere ba fere m ka terefiefo.
⁴⁹ Dama ka Micera yiko kere fo ni ayo sakpa beberebe ama m,
 i duma ti casi.
⁵⁰ Saŋga kere saŋga i si anunfo o,
 i si minem bo bu soro i n kere anunfo o.

- 51 Wɔ fa i yiko asaa ni, afɔn asandi karambanifɔm,
ni bu sunsunni tie n kere.
52 Wɔ yi nfeme bambakam afite bu femeya biem n su,
na wɔ ye tarakam saa su.
53 Wɔ ma ahɔefɔm nenje kpakpam na bu kunnu ayi,
na wɔ fɔn nenjefɔm na ba ka bu saa ngbeen.
54-55 Sesesu n bo i yo faari na i diiri i di ni ya nam ni,
wɔ ma i ayo yiiwa,
ye wɔ ba abuka Yisarelifɔm bo bu su i ni.

I wara afi má Abraham sa.

Wɔ si i ni i sinfɔm kere anunfo sanja kere.”

56 Na Mariya aka Elizabeti bi, sara nsan, na wɔ nya aba akaaki akɔ i bɔsu.

Kabo bu wuuri Yohane Nyeme Nzue Bisfo n ni

57 Elizabeti kutu cɛen ni, na wɔ wu baabiesɔ. 58 Na Elizabeti tanafɔm, ni i lamɔsim tiiri ka Micera n ayo i sakpa bo i la má anusu ni, na bu ni yiri kere kunnu ajo. 59 Baa n lemɔcɛ cɛen n ba juuri ni, na ba tien bu nɔɔ na bu wura i kenkenne, na bu tun i duma. Má bu koro ka bu fa i si Zakariya duma fa tun i a. 60 Ama, na i ni ase ka, “Ai, bu fére i ka Yohane wɔ.” 61 Na ba se i ka, “U lamɔsi nu, bu fere nma sɔ a?” 62 Na ba fa bu saa ajojo baa n si n dɔ, na bu si duma bo i koro ka bu fa tun i wa ni. 63 Dɔ na Zakariya afa i saa akere ka, bu má i deke be na i kere, na wɔ de i na wɔ kere ka, “I duma la Yohane.” Na nyini jɔre n ayo bu kere alekutura. 64 Jina n nu bere, na Nyeme ateke i nɔɔ na wɔ bo i bu ajojo bekun, na i sukansi Nyeme. 65 Na sere ati bu tanafɔm kere. Na minem akan nyini sa n bo i yoori n jore abara aye Yudiya awɔre n bukam n kere su. 66 Na minem kere bo bu tiiri i n afa jore n ase bu ahore su na bu susunsun, na ba bisa bu nju ka, “Baa n ba nyiiri, i yó nzu baa lee?” Bu seeri sɔ ni, dama bu kere anju ka Micera n yiko n wo i nju.

Kabo Zakariya kaanri Nyeme nɔanie n ni

67 Na Awiewie Casi n awura baa n si Zakariya nju, na wɔ kan Nyeme nɔanie, i nja,

68 “Am ma ya kansu ya Micera ni,
yiri bo i ti Yisarelifɔm Nyeme ni.

Dama ka wɔ ba anie i minem busu,
na wɔ de bu tii aji.

69 Wɔ ma ya tiidefo fangafɔ,
i fite i amusuisufɔ Feme Davidi dɛɛ busu n nu wɔ.

70 Nyeme yo maari i nɔanie kanfo casim jɔjɔri dawa sanja

71 ka i bá de ya tii fite ya kpɔfɔm,
ni bo bu koro má ya n saa nu.

72 Sɔ ye i kereeri ka i si ya nam anunfo,
na i wara fi má i sesesu casi n sa a.

73-74 I yo faari nyini sesesu n na wɔ di i di ni ya na Abraham
ka i de ya tii fite ya kpɔfɔm saa nu,

adena ya koro su i bo ya soro má sere,

75 na ya yo casi na ya yo sa bo i kɔ atin n su i dɔ,
haari ni ya ngɔɔ awieeri.

76 Wɔrɔ, m wa ni, bu bá fere u ka
Micera Nyeme Kpiri n dɛɛ nɔanie kanfo.

Dama a dú ya Micera n mɔ

na a kó sɛsɛ i atin su ɲminda i.

⁷⁷ Na a má i minɛm si ka i fá bu satie ce bu n dɛɛ ti,
ye i dé bu tii ji a.

⁷⁸ Dama Nyɛmɛ si ya aɲunfɔ agaya n dɛɛ ti,
i má aɲgoro wein n ta ma ya.

Nyini wein n ti kabo wie fite na i ti n wɔ,

⁷⁹ na i má wein ta ma minɛm bo bu wo awosin nu
na bu soro yiwee sɛrɛ ni.

Na i bá kere ya atin bo i ma ahoreda.”

⁸⁰ Na baa n anyi, na Nyɛmɛ ayo i sunsunni faɲga, na wɔ kɔ awo boro
kpantain nu dɔ i ɲumi, haari cɛɛn n bo i ba yiiri i ɲu fiteeri fofoe nu kere
Yisarelifɔm ni.

2

Kabo bu wuuri Yesu ni

¹ Nyini saɲga na Romafɔm fɛmɛ kpiri n bo bu fere i ka Siza Agusito ni,
ama nɔɔ ka bu kɛrɛ i minɛm kɛrɛ duma. ² Nyini saɲga ni tiiri ciciri su dɛɛ
minɛm duma kɛrɛɛwa n ɲusu a. Nyini saɲga n ye sɔnɔ be bo bu fere i ka
Kurenɔsi n ti Siriya awɔrɛ n nu gomina n a. ³ Nyini ti, na deke bo sɔnɔ
kɛrɛ wo na ba kɔ bu na miɛ su na bu kɔ kɛrɛ bu duma. ⁴ Dɔ na Yosefu
gusu afite Nazareti miɛ n bo i wo Galili awɔrɛ n nu ni, na i kɔ kɛrɛ i duma.
I kɔɔri miɛ n bo bu fere i ka Betilehem na i wo Yudiya awɔrɛ n nu wɔ, dɔ
ye bu wuuri Fɛmɛ Davidi a. Yosefu ti Fɛmɛ Davidi dɛɛ busu nufɔ n ti ye i
kɔɔri awɔrɛ n nu dɔ a. ⁵ I ni Mariya bo ba fa ace i ni kɔɔri a. Nyini saɲga
ni, Mariya bita nyinsɛ. ⁶ Bu wo dɔ n na saɲga n aju bo Mariya wu baa.
⁷ Ba nya má fofoe wɔfɔm daabiri n nu bo bu da. Nyini ti, na ba kɔ awura
deke bo bu fa nɛɲgendɔrɛm wura, dɔ na wɔ wu i sunɲguru baa, baabiesɔ.
Na wɔ fa baa n apɔɔndi sanvuin nu, na wɔ fa i ada nɛɲgendɔrɛm diire
diibiri alaka nu.

Kabo mɛrɛkɛm tiɛeri nbɔɛsasafɔm ɲu ni

⁸ Nbɔɛsasafɔm nbem wo nyini awɔrɛ n nu dɔ suniɛ bu nbɔɛm dika,
kɔɲgue, ⁹ na Micera n mɛrɛke akaba atie bu ɲu, na Micera n ama i wein
ata abara aye bu, na sɛrɛ ati bu agaya, ¹⁰ ama, na mɛrɛke n ase bu ka,
“Má am ma sɛrɛ ti am. Ma ba ka m ba ma am labari kpa a. Nyini labari
ni, yiri má minɛm kɛrɛ ahore jɔ agaya. ¹¹ Ahin kɔɲgue n nu bɛrɛ, ba wu
am Tiidefɔ ni, Fɛmɛ Davidi bɔsu n nu, yiri ti Kristo n bo Nyɛmɛ ase ka i
súnma i n a, am Mibiɛ ni. ¹² Deke bo i kere am na am sí nu n la ka, am
kó ɲu ka ba fa i apɔɔndi sanvuin nu afa i ada nɛɲgendɔrɛm diire diibiri
alaka nu.” ¹³ Jinaabiri n nu bɛrɛ na mɛrɛkɛm beberebe akaba afite aɲgoro
abuka nyini kun n su, na bu sukansi Nyɛmɛ, bu ɲa,

¹⁴ “Kansi wo Nyɛmɛ bo i wo aɲgoro n dɔ.

Na ahoreda wo minɛm bo bu wo asiɛɲgu fɛn n dɔ
na Nyɛmɛ ahore aju bu ɲu ni.”

¹⁵ Saɲga bo mɛrɛkɛm n fiteeri bu dɔ kpieeri bu nyi kɔɔri aɲgoro ni, na
nbɔɛsasafɔm ni ase bu ɲuɲu nu ka, “Am ma ya kɔ Betilehem miɛ n nu na
ya kɔ ɲu deke n bo wɔ yo na Micera n ayi akere ya ni.” ¹⁶ Nyini ti, na ba
kɔ ndende, na ba kɔ aɲu Mariya ni Yosefu, na ba ɲu baa n gusu ka i da
nɛɲgendɔrɛm diire diibiri alaka n nu. ¹⁷ Saɲga bo bu kɔ ɲuuri baa n ni,
na ba kan nɔanie n kɛrɛ bo mɛrɛke n fa maari bu fa kɔ baa n ɲusu jɔrɛ
n akere minɛm. ¹⁸ Na minɛm kɛrɛ bo bu tiiri kabo nbɔɛsasafɔm seeri bu
ni, n ayo alekutura. ¹⁹ Na Mariya afa nyini sereya n kɛrɛ bo i yoori ni ase

i ahore su. ²⁰ Na n̄b̄esasaƒom n akpie bu nyi akɔ bu n̄b̄em n bi, na bu sukansi Nyeme na bu subo tuntun i fa kɔ deke n kere bo ba ŋu i na ba ti i n dɛɛ ti. Deke n kere yoori kabo mereke n seeri bu n wɔ.

Kabo bu tuunri Yesu duma ni

²¹ Saŋga bo lemɔcɛ cɛen n ba juuri ni, na ba wura baa n kenkenne, na ba tun i duma ka Yesu. Duma n bo mereke n fa maari i ka, na i ni nyinseeri i n lɛɛ.

Kabo bu faari Yesu kɔɔri Nyeme Sereebiri Awuru n nu barasu ni

²² Na cɛen n aju bo Yosefu ni Mariya kɔ yo bu fin ŋmisi sayoowa kabo Nyeme nɔanie kpamaawa n bo i fa maari Moyisi n kereeri ka bu yo ni. Nyini ti, na ba fa baa n akɔ Yerusalem mie kpiri n nu na bu kɔ fa i wura Micera n saa nu. ²³ Kabo ba kere i Micera n nɔanie kpamaawa n nu ni, ba kere ka, “Baabiesɔ kere bo i ti i ni sunguru baa, i ti ye ni ka bu fa i kɔ ma Micera ni, na i yɔ i dɛɛ.” ²⁴ Na ba kɔ ayo yoowa, kabo Micera n nɔanie kpamaawa n akere ka bu yo i ni, bu faari bumbuku wara tiiwa nnyɔ yoori yoowa n a.

²⁵ Nyini saŋga ni, sɔnɔ be wo Yerusalem, bu fere i ka Simeyon. I yo ti sɔnɔ bo i yo sa bo i kɔ atin su Nyeme dɔ ɔ, na i ti sɔnɔ bo i soro Nyeme, na i ŋminda fa kɔ saŋga bo Yisarelifom nya bu tiide n wɔ. Na Awiewie Casi n wo i ŋu. ²⁶ Na Awiewie Casi n ama wɔ si ka i wú má, má ka i nyumbaa aba aŋu Kristo ni, Tiidefɔ n bo Micera n ase ka i súnma i ni. ²⁷ Na Awiewie Casi n ama Simeyon akɔ Nyeme Sereebiri Awuru n nu. Nyini saŋga n ye Yesu si ni i ni gusu afa i akɔ ka bu kɔ yo yoowa kabo Nyeme nɔanie kpamaawa n akere ka bu yo n a. ²⁸ Simeyon ŋuuri baa n sɔ ni, na wɔ kaba ade baa ni i saa nu, na wɔ kansi Nyeme, i ŋa,

²⁹ “M Mibie, u nɔanie n bo a yo seeri m ni, ayo yiiwa,

ma mini u akɔɔ n atin kisa na m fite durunya n nu ni ahoreda.

³⁰ Dama kisa mini ni m tii nyumbaa aŋu Tiidefɔ ni,

³¹ yiri ye a sese i su,

ye a ma minem kere nyumbaa aŋu i a.

³² Yiri ti wein n a, na i kere minem u atin ni,

berɛ bo bu ti má Yudafom ni,

na i wúra Yisarelifom kpiri,

berɛ bo bu ti u dɛɛ minem ni.”

³³ Simeyon jɔjɔri baa n jɔre sɔ ni, na i si ni i ni ayo alekutura. ³⁴ Na Simeyon asere Nyeme, na wɔ yo bu kisi. Na wɔ se baa n ni ka, “Ahin baa n ye Nyeme ayi i ka i má Yisarelifom dɔŋgu kpaasi, na dɔŋgu gusu yásu n a. Yiri yɔ deke bo i ti alekutura sa, na minem dɔŋgu bá kete i. ³⁵ Sɔ ye i bá yi bu asiri nu sunsunni tiem kere fite fofoe nu a. Na yiri ti, u ahore sáaki agaya, kabo takobe kpie sɔnɔ na i yo ya ni.”

³⁶⁻³⁸ Nyini saŋga n nu nɔ ɔ, na bara be, i ti Nyeme nɔanie kanfɔ ɔ, na i gusu wo dɔ, na wɔ ba baa n bi. I duma la Anna, na bu fere i si ka Fanuweli, Aseri dɛɛ busu nufɔa. Bara n ti buke wɔ nahore su, i jaari i hun, bu afɔ nso ye i kaari kunafɔ a. Nyini saŋga ni, i la afɔ aburamɔcɛ ni nna. Wɔ kpaaki ayaki má Nyeme Sereebiri Awuru ni, i cici i nɔɔ sɔ ɔ, na i kɔ susere Nyeme, wiesu ni kɔŋgue. I ba juuri baa n bi ni, na wɔ da Nyeme asi na yiri gusu ajɔɔ baa n jɔre akere minem kere bo bu ŋminda ka Nyeme sunma Tiidefɔ n na i de Yisarelifom tii ji ni.

Kabo bu faari Yesu kɔɔri awuru ni

³⁹ Saŋga bo Yosefu ni Mariya yoori yoowa n kere bo Micera n nɔanie kpamaawa n kere ka bu yo n wieeri ni, na ba kpie bu nyi akɔ bu b̄osu

Nazareti bo i wo Galili awɔre n nu ni. ⁴⁰ Na baa n anyi, na wo nya fanja ni alecira, na Nyeme ahɔroma awo i do agaya.

Kabo bu faari Yesu kɔri Yerusalem mie kpiri n nu ni

⁴¹ Afɔ kere afɔ, Yesu si ni i ni ko Yerusalem mie kpiri n nu wo, na bu ko di Butara cɛnkpiri, bo bu di i na bu tenge su kabo Nyeme yo deeri bu nam tii fiteeri Ijipitifom asien su ni. ⁴² Saŋga bo Yesu ba juuri afɔ buru ni nnyo ni, na ba ko na bu ko di cɛnkpiri n kabo bu yo afɔ kere afɔ ni. ⁴³ Bu ba diiri cɛnkpiri n wieeri na bu sukpie bu nyi ko awuru ni, na Yesu yiri aka Yerusalem do. I si ni i ni asi ma ka wo ka do. ⁴⁴ Bu sunsunni la ka i wo abenju natiirifom n nu wo, nyini dee ti, bu wo ko su wo haari wie ko suto. Do na ba bo i bu sunienie i, bu lamosim ni bu danfom nu. ⁴⁵ Ama, ba ŋu ma i, na ba nya kpie bu nyi ako Yerusalem na bu ko nienie i. ⁴⁶ I lesan cɛen na ba ko anu ka i tana Nyeme Sereebiri Awuru n nu, Nyeme noanie kerefom afien suso i sui, na i subisa bisaawam. ⁴⁷ Na minem bo bu tiiri i noanie n kere ayo alekutura, fa ko kabo i la si na i bo noanie bisaawam nu barasu ni. ⁴⁸ Na saŋga bo i si ni i ni ba ŋuuri i n na ba mie, na i ni abisa i ka, "M wa, nzu ti ye a yo ya so a? A ma mini ni u si ahore asaaki ako asin su, haari ya nati wo u nienie su." ⁴⁹ Na wo se bu ka, "Nzu ti ye am nati nienie m busu a? Am si ma ka wo yo daka ka m wo m Si awuru n nu wo?"

⁵⁰ Ama, ba ti ma noanie n bo i seeri bu nu n bu.

⁵¹ Na Yesu asu bu su, na ba kpie bu nyi ako Nazareti mie n nu, na wo de bu noanie. Na i ni afa nyini sam kere ase i ahore su. ⁵² Na Yesu sunyi, na i alecira subuka su, na i sayoowam susun Nyeme ni adamande kere nu.

3

Kabo Yohane Nyeme Nzue Biefo n kaanri Nyeme jore ni

¹ Romafom femɛ kpiri bo bu fere i ka Siza Tiberiyosi n diiri i femɛya ni, afɔ buru ni nnu, nyini saŋga ye sono be bo bu fere i ka Pontiyɔ Pilato n ti Yudiya awɔre n nu gomina, na sono be bo bu fere i ka Herode n nie Galili awɔre n nu su, na i goro bo bu fere i ka Filipu n gusu nie awɔre nnyo nbem bo bu fere bu ka Iturayo ni Taronitido n su, na sono be bo bu fere i ka Lusaniya n gusu nie awɔre n bo bu fere i ka Abilene n su. ² Nyini saŋga ni, Anasi ni Kayafasi jina Nyeme sayoowa donguyofom kere kpien n jinaabiri a. Na Nyeme afa i noanie n ama Yohane Zakariya wa, boro kpantain n nu. ³ Nyini ti, na Yohane ako Yodan kunma n awɔre n kere n nu sukan Nyeme jore, i ŋa, "Am kaaki am wo na m bie am Nyeme nzue, na Nyeme fa am ngasi ni am satie kere ce am." ⁴ So ye wo yo yiiwa, kabo Nyeme ma ba kere i noanie kanfo Esaya dee kadasi n nu ka, "Sono be subo ndoori boro kpantain n nu ka,

'Am sese Mibie n atin su,
na am yo i atin n dongu.

⁵ Na bu ba bereki bukam n ni kperem kere,
na bu ba toto kunma kunma kere bo i wo buka n bu,
na atin kere bo wo biri, bu ba tenge,
na bu ba toto i kunma kunma n kere.

⁶ Na adamande kere ba ŋu kabo Nyeme de bu tii ji barasu ni.' "

⁷ Na jama beberebe afite aba Yohane do ka i bie bu Nyeme nzue. Na wo se bu ka, "Amberɛ burukoonufom bo am ti ka woom ni, ŋma seeri am ka am ŋmati fite suicin kekereke n bo Nyeme sufa ba am do n nu a? ⁸ Am yo sakpa bo i kere ka am akaaki am wo. Na ma am sunsun ka, Abraham ti am na dee ti, na am koro fite nyini suicin n nu. M suse am wo lee, ka,

Nyeme koro ma ahin yabuem ni kaaki nbaam ma Abraham. ⁹ Nyeme asi i samba n nana ase baka kere bu na i kpie i ji sin nu, yiri bo i suuwa ti ma kpa ni.”

¹⁰ Na jama n abisa Yohane ka, “Ye ya yo se wo lee kisa n a?” ¹¹ Na wo bo bu nu ka, “Sono kere bo i la tanlee nnyo, i mi ma sono bo i la ma be n kun, na bo i la diire gusu yo so.” ¹² Na lampodefo nbem aba i do ka i bie bu Nyeme nzue, na ba bisa i ka, “Ya Kerefo, ye ya yo se wo?” ¹³ Na wo se bu ka, “Ma am de nwaa ko tara kabo i ti ye ni ka am de ni.” ¹⁴ Na soja nbem gusu aba i do aba abisa i ka, “Ye yere di, ya yo se wo?” Na wo se bu ka, “Ma am mie be de nwaa i do, na ma am tun be nzuin. Am ma am nyunu yi am nkato.”

¹⁵ Na minem bo bu tana nie Kristo n atin nu ka i ba ni, yiri Tiidefo n bo Nyeme ase ka i sunma i ni, bu sunsun ka, beni, kisa Yohane ti Kristo Tiidefo n a. ¹⁶ Yohane siiri nyini dee ti, na wo se bu ka, “Mini sufa nzue bie am a, na am yo casi, ama, bo i tara m fieo wo m sin suba. M ti kaan ni bo m dodo i. Yiri fa Awiewie Casi n ni sin yo am casi a, kabo sono bie nzue na i yo casi ni. ¹⁷ I bita i ngani bakiti fieeba suba, na i ba bakiti yi ngani mbaa n busu go i bondo nu, na i nya yara kunkun n sin n bo i je na i no ma n nu.”

¹⁸ So ye Yohane kaanri labari kpa n kereeri minem a, na wo jajo jore dongu ase bu ka bu kaaki bu wo. ¹⁹ Ama, na Yohane akan Feme Herode ndie ka wo fa i goro yi Herodiya aja i hun ngoo su, na wo kaaki ayo sa ngbennngbenn beberebe. ²⁰ I satie bo i ti tie tara i kere n la ka i taraari Yohane nyiiri i dansaraka a.

Kabo Yohane bieeri Yesu Nyeme nzue barasu ni

²¹ Sanga bo Yohane bieeri minem Nyeme nzue ni, na wo bie Yesu gusu. Bu bieeri i wieeri, na i susere Nyeme ni, do na angoro n ateke, ²² na Awiewie Casi n ajura aba atana i nu ka tiiwa dee su. Na wo ti akonvi be nga angoro, i na, “Woro ti m wa a, m koro u agaya, m ahore ajo u nu.”

Yesu Kristo nam дума yaa

²³ Sanga bo Yesu boori i juma n bu ni, nyini sanga i la afo aburasan. Mine yo sunsun ka i si la Yosefu bo i ti Heli wa n wo, na Heli si la ²⁴ Matati, na Matati si la Levi, na Levi si la Meleki, na Meleki si la Yanayi, na Yanayi si la Yosefu nyinga n bo ²⁵ i si la Matatiya ni, na Matatiya si la Amosi, na Amosi si la Nahumu, na Nahumu si la Esili, na Esili si la Nagayi, ²⁶ na Nagayi si la Maati, na Maati si la Matatiya nyinga n bo i si la Semeni ni, na Semeni si la Yoseki, na Yoseki si la Yoda, ²⁷ na Yoda si la Yowanani, na Yowanani si la Resa, na Resa si la Zorobabeli, na Zorobabeli si la Salatiyeli, na Salatiyeli si la Nieri, ²⁸ na Nieri si la Meleki nyinga n bo i si la Adi ni, na Adi si la Kosamu, na Kosamu si la Elimadamu, na Elimadamu si la Eri, ²⁹ na Eri si la Yosuwa, na Yosuwa si la Eliyeza, na Eliyeza si la Yorimu, na Yorimu si la Matati nyinga bekun, na nyini Matati n si la Levi nyinga bekun, ³⁰ na nyini Levi n si la Simeyon, na Simeyon si la Yuda, na Yuda si la Yosefu nyinga n bo i si la Yonamu ni, na Yonamu si la Eliyakimu, ³¹ na Eliyakimu si la Meliya, na Meliya si la Menna, na Menna si la Matata, na Matata si la Natani, na Natani si la Feme Davidi, ³² na Feme Davidi si la Jese, na Jese si la Yobedi, na Yobedi si la Boosi, na Boosi si la Sala, na Sala si la Naasoni, ³³ na Naasoni si la Aminadabu, na Aminadabu si la Adimini, na Adimini si la Arani, na Arani si la Hesarom, na Hesarom si la Farese, na Farese si la Yuda nyinga n bo ³⁴ i si la Jakobu ni, na Jakobu si la Izaki, na Izaki si la Abraham, na Abraham si la Tara, na Tara si la Nakoro, ³⁵ na

Nakoro si la Seruku, na Seruku si la Ragawu, na Ragawu si la Falēki, na Falēki si la Ebera, na Ebera si la Sala nyinga bekun, ³⁶ na nyini Sala n si la Keena, na Keena si la Arafakadi, na Arafakadi si la Semu, na Semu si la Nowa, na Nowa si la Lamēki, ³⁷ na Lamēki si la Matusala, na Matusala si la Henoki, na Henoki si la Yareti, na Yareti si la Malēheeli, na Malēheeli si la Keena nyinga bekun, ³⁸ na Keena n si la Enosi, na Enosi si la Seti, na Seti si la Adam, na Adam si la Nyemε.

4

Kabo Sitana yoori Yesu na i niε ni

¹ Awiewie Casi n woori Yesu ηu agaya, na wɔ fite Yodan kunma n awɔre n nu, na Awiewie Casi n afa i akɔ boro kpantain n nu kɔ sukere i atin.

² I woori dɔ cɛen aburana, na Sitana ayo i na i niε ka, i yɔ yiri Sitana n dɛe koroowa, nzen i yɔ mǎ i. Nyini cɛen aburana n kere ni, wɔ di mǎ pui, nyini dɛe sin, na ahɔe aba ati i. ³ Na Sitana n ase i ka, "Nzen a ti Nyemε Wa, se ahin yabue n na i kaaki diire." ⁴ Ama, na Yesu abɔ i nu ka, "Ba kere i Nyemε Jɔre Kadasi n nu ka, mǎ diire ηgumi ma sɔnɔ ηgɔɔ a."

⁵ Na Sitana afa i afun akɔ angoro lenlenge, na i nyumbaambaa n nu bere, na wɔ kere i durunya n nu asien n kere. ⁶ Na wɔ se i ka, "Wɔrɔ ye m mǎ a niε ahin asien n kere su a, na m fǎ bu ajekem kere ma u, dama Nyemε afa i kere awura m saa nu, na mini gusu koro fa ma sɔnɔ kere bo m koro. ⁷ Nzen a kutu suuri m, m fǎ nyinim kere ma u." ⁸ Na Yesu ase i bekun ka, "Ba kaaki akere i Nyemε Jɔre Kadasi n nu ka,

'Kutu Micera u Nyemε ni,
na a su yiri ηgumi.' "

⁹ Na Sitana n akaaki afa Yesu akɔ Yerusalem miε kpiri n nu, na wɔ fa i akɔ ajina Nyemε Sereebiri Awuru n tii su lenlenge, na wɔ se i ka, "Nzen a ti Nyemε Wa, fite fen ti tɔ asienngu na m niε. ¹⁰ Dama ba kere i Nyemε Jɔre Kadasi n nu ka,

'Nyemε mǎ i merɛkem nɔɔ ka bu niε u dika
na bu kanda u.'

¹¹ Ba kaaki akere i ka,
'Bu fǎ bu saa so u nu,
na mǎ u jaa bo yabue be.' "

¹² Ama, na Yesu akaaki ase i ka, "Ba kaaki akere i Nyemε Jɔre Kadasi n nu ka, 'Mǎ a yo Micera Nyemε n na a niε kabo i yiko ti barasu.' "

¹³ Saŋga bo Sitana n yoori Yesu yoowa barasu n kere na i niε i ni, na wɔ kɔ ayaki Yesu ka.

Kabo Yesu boori i juma bu Galili awɔre n nu ni

¹⁴ Na Yesu akpie i nyi akɔ Galili awɔre n nu, ni Awiewie Casi n dɛe yiko nu. Na i labari abara aye nyini awɔre n kere pepere nu. ¹⁵ Na wɔ kere minem Yudafɔm tientienbunɔɔ sɔɔm nu, na sɔnɔ kere akansi i.

Kabo Yesu ηa Nyemε nɔanie kanfɔ la mǎ jirima i bɔsu ni

¹⁶ Na Yesu akɔ Nazareti miε n nu, dɔ ye bu taari i a, na wɔ nyi, na Yuda-fɔm Numiyi cɛen n be, na wɔ kɔ bu tientienbunɔɔ sɔɔ n nu, kabo i nati kɔ ni. Na wɔ yasu ajina ka i kan Nyemε Jɔre Kadasi ni, ¹⁷ na ba fa Nyemε nɔanie kanfɔ Esaya dɛe kadasi n ama i. Na wɔ teke i, na wɔ niε anu awɔre n bo ba kere i nu ka,

¹⁸ "Micera n Awiewie n wo m dɔ,
dama wɔ yi m ka m kan labari kpa n kere jaarifɔm.
Na wɔ sunma m ka m kɔ minem bo ba tara bu domuem n dɔ,

na m se bu ka m bá de bu tii ji,
 na m kó anyinsinm dɔ,
 na m se bu ka m bá teke bu nyumbaa,
 na m kó minem bo bu bita bu miɛ n dɔ,
 na m se bu ka m bá de bu tii ji,

¹⁹ na m bo ndoori ka,

afɔ n nu Mícera ni má i minem di i ahɔrɔma.”

²⁰ Na Yesu akan awie, na wɔ kata Nyemɛ Jɔrɛ Kadasi n su, na wɔ fa ama i bitafɔ ni, na wɔ tana. Na minem kere bo bu wo tientienbunɔɔ sɔɔ n nu n afa bu nyumbaa akpama i ɲu. ²¹ Na wɔ se bu ka, “Nyuma dɛɛ cɛɛn n nu, ahin Nyemɛ Jɔrɛ Kadasi n bo ma kan i na am ati i ni, ayo yiiwa.” ²² Na sɔnɔ kere akan kpa ama i, na ba yo alekutura kabo i nɔanie jɔjɔɔwa n ti kpa barasu ni, na ba bisa bu ɲunɲu nu ka, “Má Yosefu wa n lɛɛ?”

²³ Na Yesu ase bu ka, “M si tenle ka am bó m ahin anyundere ni ka, ‘Ayirifo, tuntun u ɲu.’ Na am sé m ka, ‘Sam n bo ya tiiri ka a yoori bu Kapenam miɛ kpiri n nu ni, yo bu u bɔsu fen gusu na ya niɛ.’ ” ²⁴ Na Yesu akaaki ase bu ka, “Nahɔre ye m suse am n a, Nyemɛ nɔanie kanfɔ la má jirima haari kaan sɔ mmɔɔ i bɔsufɔm dɔ. ²⁵ Am tenge su kabo Nyemɛ nɔanie kanfɔ Eliya dɛɛ sanɲa n na nzue atɔ má afɔ nsan ni kpaaki nu, na ahɔɛ bambaka tɔori ni. I ti nahɔre wɔ ka, nyini sanɲa, kunafɔm beberebe woori Yisareli asien n su, ²⁶ ama, Nyemɛ asunma má Eliya nyini kunafɔm be dɔ, se i sunmaari i kunafɔ kun be dɔ a, i wo miɛ be bo bu fere i ka Zarefati na i ti má Yudafɔm miɛ kpiri n wɔ, i wo Sidon dɛɛ awɔre n nu wɔ. ²⁷ Sasu bekun, Nyemɛ nɔanie kanfɔ Elisa dɛɛ sanɲa, i ti nahɔre wɔ ka kokobi yo taraari minem beberebe Yisareli asien n su, ama, Nyemɛ ama wɔ tuntun má bu kun n kpein mmɔɔ, se i tuntuunri kokofɔ kun be wɔ, bu fere i ka Naama, i ti má Yudafɔ, i fite Siriya awɔre nu wɔ.”

²⁸ Minem bo bu wo sɔɔ n nu n tiiri sɔ ni, na yaa ati bu agaya. ²⁹ Na ba yasu aso i nu, acin i afite miɛ n nu akɔ kpere n bo miɛ n wo su ni, ka bu fa i ji buka n bu asienɲu. ³⁰ Ama, na wɔ nati asin jama n afien akɔ.

Kabo Yesu fɔn yiiri ajini sɔnɔ be ɲu ni

³¹ Dɔ na wɔ kɔ miɛ kpiri n bo bu fere i ka Kapenam na i wo Galili awɔre n nu ni, na Njumiya cɛɛn ni, na wɔ kɔ awura bu tientienbunɔɔ sɔɔ n nu sukere minem. ³² Na ba yo alekutura fa kɔ i kereewa n su, dama i jɔjɔɔwa n la yiko. ³³ Na sɔnɔ be wo tientienbunɔɔ sɔɔ n nu dɔ, ajini wo i ɲu, na wɔ bo awie kpa ase ka, ³⁴ “Oi, Yesu Nazaretifo, a koro nzu ya nu fen a? A ba ka a ba yo ya ɲgbɛɛn wɔ, nzen sɛ? M si u sa, wɔrɔ ti sɔnɔ casi bo Nyemɛ asunma u n a.” ³⁵ Na Yesu atien ajini n ɲu ase ka, “Mɔ u nɔɔ bere na a fite yaki sɔnɔ ni.” Na ajini n akpisi sɔnɔ n abo asienɲu jama n kere nyunu, na ba fite ayaki sɔnɔ ni, ba ma má i mandim be. ³⁶ Na minem kere ayo alekutura, na ba bisa bu ɲunɲu nu ka, “Nzu alekutura nɔanie jɔjɔɔwa n la ahin? Dama i la yiko nahɔre su bo i koro ma ajinim nɔɔ na bu fite yaki sɔnɔ.” ³⁷ Na i labari n abara aye nyini awɔre n kere nu.

Kabo Yesu tuntuunri tukpakifɔm beberebe Simon dika ni

³⁸ Na Yesu afite tientienbunɔɔ sɔɔ n nu, na wɔ kɔ awura Simon dika, na ba se i ka Simon sibara la má i ɲu, yakɔkɔ abo i agaya. ³⁹ Na Yesu ako ajina i bi, na wɔ ma yakɔkɔ n nɔɔ ka i fite yaki bara ni. Na wɔ fite ayaki i, na bara n akaba ayasu, na wɔ kɔ ayo diire ama bu.

⁴⁰ Na naasɔ dika bibiri sanɲa, na minem n afa tukpaki barasu barasu fɔm kere aba Yesu dɔ ka i tuntun bu, na wɔ fa i saa anana bu ɲu, na bu kere anya laifɛ. ⁴¹ Na wɔ fɔn ayi ajinim n gusu afite minem beberebe ɲu,

na ajinim n acindi, na ba se i ka, “Wɔɔ ti Nyeme Wa n a.” Ama, na Yesu akan ajinim n ndie, wɔ du má su na bu jɔjɔ, dama bu si ka yiri ti Kristo n a, Tiidefɔ n bo Nyeme ase ka i súnma i ni.

Kabo Yesu kɔ kaanri Nyeme jɔre Yudaɔm tientiɛnbunɔɔ sɔɔm nu ni

⁴² Ale ba ciinri, na Yesu afite mie n nu ako awo awɔre be nu i ngumi. Na minem n ako i nienie, na sanɔa bo bu kɔ ŋuuri i ni, na ba kpini atin kabo bu yo na má i kpaaki yaki bu. ⁴³ Ama, na wɔ se bu ka, “Wɔ yo daka ka m kɔ mie nyingam gusu su na m kɔ kan labari kpa fa kɔ Nyeme femeya n su kere bu gusu, dama ka nyini ti ye Nyeme sunmaari m a.” ⁴⁴ Nyini ti, na wɔ bara aye sukan Nyeme jɔre ni, tientiɛnbunɔɔ sɔɔm nu bu awɔre n kere nu.

5

Kabo Yesu fereeri i susufɔ ciciri su dɛem ni

¹ Cɛen be na Yesu jina Genesareti kunma kpiri n nɔɔ su, na jama beberebe abara aye i, na bu susun bu beɔgu ka bu ju i bi na bu ti Nyeme nɔanie ni. ² Dɔ na wɔ ŋu lee nnyɔ nbem ka bu wo kunma n nɔɔ su. Jombaa tarafɔm n afite ayaki leem wo bu diendiɛm ŋmisi su. ³ Na Yesu awura lee n kun nu, nyini lee n ti Simon dɛe wɔ, na Yesu ase Simon ka i sun lee n kɔ kaan. Na Yesu atana lee n nu, na i sukere jama ni.

⁴ Sanɔa bo i kere wieeri ni, na wɔ se Simon ka, “Sun lee n na i kɔ ngongɔ n nu, na am sandi am diendiɛm na am tara jombaa.” ⁵ Na Simon ase Yesu ka, “M Mɔfɔ, ya yo jumam ni anyumboro anuma kɔngue kere fa ba ju haari ni kisa, ya tara má pui. Ama, nzen a se sɔ yiri, m fá diendiɛm n sandi nzue n nu.” ⁶ Na ba fa diendiɛm n asandi nzue n nu, na ba tara jombaa beberebe haari má diendiɛm ni jinaari ka bu sɔn ɔ. ⁷ Nyini ti, ba fa bu saa apaati bu lamokɔm bo bu wo lee nyinga n nu ka bu ba buka bu. Na ba yi yi jombaam n ago lee nnyɔ n nu, na ba yi haari leem ni jinaari ka bu sa nzue wɔ. ⁸ Sanɔa bo Simon Petoro ŋuuri nyini sɔ ni, na wɔ kɔ akutu Yesu jaa bu ase i ka, “M Mibiɛ, cinsi m bi bere, dama m ti satieyofɔ ɔ.” ⁹ Deke bo i ma i seeri sɔ n la ka, i ni nyingam kere ayo alekutura fa kɔ kabo ba tara nyini jombaa beberebe n barasu ni. ¹⁰ Yakobo ni Yohane gusu woori bere, bu si la Zɛbedi, bu ni Simon sanɔa tara jombaa n a. Na bu gusu ayo alekutura. Na Yesu ase Simon ka, “Má a ma sere ti u, fite kisa fa kɔ, m má a sutien minem nɔɔ ma m, kabo a tara jombaa ni.” ¹¹ Na ba cin ayi lee n afite nzue n aheme, na ba yaki deke n kere bere, na ba su i su.

Kabo Yesu tuntuunri kokofɔ be ni

¹² Cɛen n be sɔ ɔ, na Yesu wo mie be su, kokofɔ be wo nyini mie n nu. Sanɔa bo i ŋuuri Yesu sɔ ni, na wɔ ŋmati aba akutu, na wɔ fa i nyunu abutu asiɛngu, na wɔ sere i jande ka, “M Mibiɛ, nzen a koro ka a ma m nya laifie, a koro ma m nya i.” ¹³ Na Yesu atenge i saa anana i ŋu na wɔ se i ka, “M koro. Nya laifie.” Na kokobi n akaba ayaki sɔnɔ ni. ¹⁴ Na Yesu abɔɔ i ase i ka, “Má a se ka a se be, ama, kɔ na a kɔ fa u ŋu kere Nyeme sayoowa dɔnguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a.”

¹⁵ Ama, haari ni nyini mmɔɔ, na i labari abara aye deke n kere, na minem aba i dɔ na bu ba ti Nyeme jɔre kaanwa n na i tuntun bu tukpaki barasu barasu kere na bu nya laifie. ¹⁶ Ama, yiri ba yo, i yi i ŋu kɔ deke bo minem wo má n wɔ, na i kɔ sere Nyeme.

Kabo Yesu tuntunri sɔɔ bo i saam ni i jaam awu ni

¹⁷ Cɛɛn n be sɔɔ, Yesu wo minem kere su, na Farasifom nbem, ni Yuda-fom Nyeme noanie kerefom tana bere. Bu fiteeri mie miem bo bu wo Galili ni Yudiya aworem n nu, ni Yerusalem mie kpiri n nu baari a. Na Nyeme ama Yesu yiko bo i tuntun tukpakifom na bu nya laifie. ¹⁸ Do na mine nbem aso sɔɔ be ni i dasu aba, i saam ni i jaam awu, na bu sumie bu nyi ka bu fa i wura sɔɔ n nu wo, na bu fa i se Yesu nyunu. ¹⁹ Ama, jama n sunnuuri so n de ti, ba koro anya ma atin. Nyini ti, na ba fa i afun sɔɔ n tii su, na ba fiiti anya fofoe, na ba cɔɔndi i ni i dasu n kere ase jama n afien Yesu nyunu. ²⁰ Yesu nuuri kabo bu yoori i yarada n so ni, na wo se bie n ka, "Ma fa u satie ace u."

²¹ Na Nyeme noanie kerefom ni Farasifom n abisa bu nuju nu ka, "Sɔɔ bo la ahin bo i jojo wura Nyeme ngasi nu so a? Be wo ma bere bo i koro fa minem satie ni bu ngasi ce bu, sin Nyeme ngumi nu." ²² Na Yesu afa nu fa ko bu sunsunni bo bu bita i n su, na wo se bu ka, "Nzu ti ye am bita nyini sunsunni ni am ahore su a?" ²³ Bo ti kekereke a, bo m se ka, 'Ma fa u satie ace u,' nzen, 'Yasu nati' n a? ²⁴ M kere am ka mini Adamande Wa n la yiko durunya n nu bo m fa satie ni ngasi ce." Na wo se sɔɔ n bo i saam ni i jaam awu n ka, "Woro, yasu fa u dasu n na a ko awuru." ²⁵ Kpena na sɔɔ n ayasu jama n kere nyunu, na wo fa i dasu n na i sukansi Nyeme sukɔ awuru. ²⁶ Na bu kere ayo alekutura agaya, na ba kansi Nyeme, na sere ati bu, bu na, "Nyuma, ya nu alekutura sam bo ya nya nu ma i."

Kabo Yesu fereeri Levi ka i ba su i su ni

²⁷ Nyini sin, na Yesu afite bere, na wo ko anu lampodefɔ be bo bu fere i ka Levi, i tana i juma yoobiri. Na Yesu ase i ka, "Yasu bra na a ba su m su." ²⁸ Na Levi ayaki deke n kere, ayasu asu i su.

²⁹ Na Levi afa Yesu ako i dika, na wo ko ayo di ni nu bambaka, na ba tien bu noo adi, bu ni lampodefom beberebe, ni mine nyinga nbem. ³⁰ Na Farasifo nbem ni Nyeme noanie kerefom nbem bo bu ni bere wo ni, anjuti i, na ba bisa Yesu susufom n ka, "Nzu ti ye am ni lampodefom, ni satieyofom sangɔ di diire na am nu nzan a?" ³¹ Na Yesu ase bu ka, "Minem bo bu la laifie n koro ma ayirifo, ma ka bo bu la ma laifie ni koro a. ³² Ma ba ma ka m ba fere minem bo bu na bu yo sa bo i ko atin su Nyeme do n wo, ama, m baari ka m ba fere satieyofom wo, na bu kaaki bu wo."

Kabo Yesu kereeri noo cici jore ni

³³ Na mine nbem aba abisa Yesu ka, "Nzu ti ye Yohane de susufom ni Farasifom deem cici bu noo na bu sere Nyeme sangɔ kere sangɔ ye u deem bere di ye bu nu a?" ³⁴ Na Yesu abo bu nu ka, "Am koro mie ma konyayafom ka bu cici bu noo, sangɔ bo konyafan n toko wo bu do ni. ³⁵ Ama, sangɔ suba bo bu ba yi konyafan n fite bu nu, nyini sangɔ n ye bu nya cici bu noo a."

³⁶ Na Yesu abo ahin mienu n akere bu, i na, "Sɔɔ koro fa ma sanvui fofore kpa to ma tani dawa kunma, nzen i yoori so, sanvui fofore ni son dawa n wo, i to ma su. ³⁷ I kaaki ti so o bekun ka be koro fa ma nzan nyiwa fangafɔ go ma dundu dawa bebete nu, nzen i yoori so, dundu ni tie wo, na i ka ngbeen, na nzan n kere songi butu. ³⁸ Ama, i ti ye ni ka bu fa nzan nyiwa fangafɔ go dundu fofore biiwa nu. ³⁹ Sɔɔ nya nuuri nzan nyiwa wieeri, i koro ma nzan mone kun. A ti ka i na, 'Nzan nyiwa ni ti kpa a.' "

6

Kabo Yesu jɔɔ fa kɔɔri Njumiyi cɛɛn jɔrɛ ni

¹ Njumiyi cɛɛn be, na Yesu ni i susufɔm ni sunati sin alembaa fie be nu, na i susufɔm n abubu be, na ba nunuka i bu saa nu akpɛsɛ. ² Na Farasifo nbem abisa bu ka, “Nzu ti ye am suyo sɔ a? Nyɛmɛ nɔaniɛ kpamaawa n kere ka má be yo sɔ Njumiyi cɛɛn.” ³ Na Yesu abisa bu ka, “Am nya kan má Nyɛmɛ Jɔrɛ Kadasi n nu, kabo Fɛmɛ Davidi yo yoori saɔga bo ahɔɛ tiiri i ni i minɛm na ba si má kabo bu yo n wɔ, nzen sɛ? ⁴ Ahɔɛ n ti, na wɔ kɔ awura Nyɛmɛ Sereebiri Awuru n nu, na wɔ fa kpɔnɔ n bo ba fa ama Nyɛmɛ ni, na wɔ di, na wɔ ma i minɛm be. Ama, am si ka ya dɛɛ atin n su, Nyɛmɛ sayoowa dɔɔguyofɔm ɔgumi di nyini kpɔnɔ n a.” ⁵ Na Yesu ase bu ka, “Mini Adamande Wa ni ti Njumiyi cɛɛn n Mibiɛ a.”

Kabo Yesu tuntunri sɔnɔ asaa fuin be Njumiyi cɛɛn ni

⁶ Na Njumiyi cɛɛn n be bekun, na Yesu akɔ awura tientienbunɔɔ sɔɔ n nu, na wɔ kere minɛm. Sɔnɔ be woori dɔ, i saa fɔmbɔrɔ awu. ⁷ Nyɛmɛ nɔaniɛ kerefɔm ni Farasifɔm nbem woori dɔ, na ba koro ka bu nya ɔgɛɛ bo bu sɔ Yesu na bu nya i taraabiri. Nyini ti, ba tu bu nyumbaa aniɛ Yesu, na bu niɛ ka i túntun sɔnɔ asaa fuin n Njumiyi cɛɛn ni, nzen i túntun má i. ⁸ Ama, na Yesu asi bu sunsunni bo bu bita i, na wɔ se sɔnɔ asaa fuin n ka, “Yasu bra ba jina afien fɛn.” Na sɔnɔ n ayasu akɔ ajina dɔ. ⁹ Na Yesu abisa bu ka, “Ya dɛɛ atin n su, atin wo nu ka ya yo sakpa Njumiyi cɛɛn ni, nzen ya yo satie wɔ? I kaaki ti ye ni ka ya de ɔgɔɔ, nzen ya kun wɔ?” ¹⁰ Na Yesu aniɛ bu nyunu abara ayɛ, na wɔ nya ase sɔnɔ asaa fuin n ka, “Tenge u saa ni.” Na sɔnɔ n ayo sɔ, na i saa n ayo faɔga bekun. ¹¹ Na yaa ati bu agaya, na ba bo i bu afa sɛsɛsu kabo bu yó Yesu barasu.

Kabo Yesu yiiri mine buru ni nnyɔ ka bu yo i jaramasam ni

¹² Nyini saɔga n na Yesu afun akɔ buka be su ka i kɔ sere Nyɛmɛ, na wɔ sere Nyɛmɛ nyini kɔɔgɛ n kɛrɛ. ¹³ Saɔga bo ale ba ciinri ni, na wɔ fere i susufɔm ni, na wɔ yi bu nu, buru ni nnyɔ, na wɔ fa bu ayo i jaramasam. ¹⁴ Bɛrɛ la Simon bo Yesu tuunri i duma ka Petoro ni, ni i niɛma bo bu fere i ka Andere ni, ni Yakobo, ni Yohane, ni Filipu, ni Batolomeyo, ¹⁵ ni Matio, ni Tomasi, ni Yakobo bo i si la Alafeyo ni, ni Simon bo i tu ɔgoni fa kɔ i asien su ni, ¹⁶ ni Yudasi bo i si la Yakobo ni, ni Yudasi Isikariyoti bo i ba tɔɔri Yesu ni.

Kabo Yesu kaanri Nyɛmɛ jɔrɛ na i ma tukpakifɔm nyaari laifɛ ni

¹⁷ Na Yesu ni i jaramasam n acɔɔndi buka n aba ajina awɔrɛ be nu, i susufɔm nyingam beberebe woori dɔ, ni jama beberebe. Bu fiteeri Yudiya dɛɛ awɔrɛ n kɛrɛ nu wɔ, ni Yerusalem miɛ kpiri n nu, ni Tiro ni Sidon awɔrɛ n bo i wo tieku n nɔɔ su ni. ¹⁸ Bu baari ka bu ba ti i kereewa n wɔ, na i tuntun bu, na minɛm bo ajinim wo bu ɔu kere bu yaari n gusu aba, na wɔ tuntun bu, na ba nya laifɛ. ¹⁹ Minɛm kɛrɛ boro bu nyi wɔ, na bu fa bu saa kan i, dama yiko fite i dɔ ye bu kɛrɛ nya laifɛ a.

Kabo terefɛ ni anyumboro ti barasu ni

²⁰ Na Yesu aniɛ i susufɔm, na wɔ se bu ka,
 “Amberɛ bo am ti yaarifɔm ni,
 terefɛ wo am dɔ,
 dama Nyɛmɛ fɛmɛya n ti am dɛɛ wɔ.
²¹ Amberɛ bo ahɔɛ ati am kisa ni,
 terefɛ wo am dɔ,

dama Nyeme bá ma am akunnuyi.
 Amberε bo am ahore asaaki kisa ni,
 terefie wo am dɔ,
 dama Nyeme bá ma am ahoreda.

²² Amberε bo minem bá kpɔ am, na bu kéte am, na bu kpíe am nzukɔ, na bu sáaki am duma ka am ti satieyofɔm ni, nzen i kere fite ka mini Adamande Wa n dεε ti, terefie wo am dɔ. ²³ Bu bá yoori am sɔ, am ma am ahore jɔ, na am tutu am kɔm. Dama am bá nya nkato bambaka Nyeme dɔ. Kabo bu nam yo yoori dawa dεε Nyeme nɔanie kanfɔm n lεε.

²⁴ Ama, amberε bo am la ajεke beberebe kisa ni,
 am bá ηu anyumboro bambaka,
 dama am adu mɔ ayo am koroowa n dεε ti.

²⁵ Amberε bo am adi na am kunnu ayi kisa ni,
 am bá ηu anyumboro bambaka,
 dama ahɔε bá ti am.

Amberε bo am siri kisa ni,
 am bá ηu anyumboro bambaka,
 dama am bá sun haari na am bá nya má nyunvuin.

²⁶ Amberε bo sɔnɔ kere kansu am ni, am bá ηu anyumboro bambaka, dama sɔ ye bu nam yo kansuiri kɔrefɔm n bo bu yo bu ηu ka bu ti Nyeme nɔanie kanfɔm n a.”

Kabo i ti ye ni ka ya koro ya kpɔfɔm barasu ni

²⁷ Na Yesu ase bu ka, “Ama, m se amberε bo am suso am sui na am ti n wɔ lεε ka, am koro am kpɔfɔm, na am yo sakpa ma bo bu yo am satie ni.

²⁸ Minem bo bu jɔjɔ nɔanie tie gɔ am ηu ni, am yo bu kisi, na minem bo bu kere am wuwuruwa ni, am kaaki sere Nyeme ma bu. ²⁹ Nzen be fin u nyɔɔnu, kaaki bue nyinga n gusu ma i na i fin i buka su, na nzen be de u tanlεε bambaka, kaba fa u tanlεε kaan n bo i wo i bu mmɔɔ n buka i su. ³⁰ Sɔnɔ kere bo i sere u deke be, má a kpíe i, na sɔnɔ kere bo i fa u deke be, má a bisa i busu kun. ³¹ Kabo am koro ka minem yo ma am ni, am yo i sɔ ma bu.”

³² Na wɔ kaaki ase bu ka, “Nzen am nya koroori minem bo bu koro am ni ηgumi, i kansu la bɔnɔ ɔ, ye am ba nya i a? Dama haari satieyofɔm mmɔɔ yo sɔ ɔ. ³³ Na nzen am nya yoori sakpa maari minem bo bu yo sakpa ma am ni, i kansu la bɔnɔ ɔ? Dama haari satieyofɔm mmɔɔ yo sɔ ɔ. ³⁴ Na nzen am fa nenje fie minem bo am sunsun ka bu bá tɔ am kaari ni, i kansu la bɔnɔ ɔ, ye am bá nya i a? Dama haari satieyofɔm mmɔɔ fie bu benju satieyofɔm wɔ, na bu bá de i ηusu sɔ. ³⁵ Ama, wɔ yo daka ka am koro am kpɔfɔm, na am yo sakpa ma bu, na má am fie be nenje be, na am sunsun ka i tɔ kaari. Dɔ ye am nyá i nkato bambaka a, na am yó Micera Nyeme Kpiri ni nbaam. Dama yiri yo sakpa ma satieyofɔm, ni bo bu si má aye ni. ³⁶ Am si anunfɔ kabo am Si Nyeme si anunfɔ ni.”

Kabo Yesu ηa má ya jɔjɔ be jɔre jaraki i ni

³⁷ Na Yesu ase bu ka, “Má am jɔjɔ be jɔre na am jaraki i, na Nyeme gusu dí má am jɔre na i jaraki am. Má am ma bu di be jɔre cin i sui, na Nyeme gusu dí má am jɔre cin má am sui. Am fa minem satie ce bu, na Nyeme gusu fá am dεε ce am. ³⁸ Am ma minem deke bo bu koro, na Nyeme gusu má am. Kabo Nyeme má am n la ka, i fá gɔngɔ dɔngɔ susu ma am a, na i yí kɔ butu. Nyini ti, gɔngɔ bo am fa susu ma minem ni, sɔ ye Nyeme gusu fá susu ma am a.”

³⁹ Na Yesu abo ahin anyundere n akere bu, i na, "Anyinsin koro bita má i benngu anyinsin kpama, nzen i yoori so, bu nnyo n kere kó to kunma nu wo. ⁴⁰ Sónsónfó tara má i kerefo, ama, sanja bo wo ba asónsón juma n awie, i ni i kerefo n kere ase wo lee."

⁴¹ Na wo bisa bu ka, "Nzu ti ye a nie nu wura mbaa n bo i wo u niwa nyumbaa nu, ye a nie nu má yeenzin n bo i wo u dee nyumbaa n nu a? ⁴² A yo se koro se u niwa ka, 'Ma m yi wura mbaa n bo i wo u nyumbaa nu ni,' ye a nu má yeenzin n bo i wo u dee nyumbaa n nu n a? Woro burukoonufó ni, du mo yi yeenzin n bo i wo u nyumbaa nu n ka, na a nyá nu asi nyunyumi, na a yi wura mbaa n bo i wo u niwa n dee nyumbaa nu ni."

Kabo Yesu na ya fa minem sayoowa fa si kabo bu ti ni

⁴³ Na Yesu ase ka, "Baka bo i ti kpa su má suuwa tie, na baka bo i ti má kpa gusu su má suuwa kpa. ⁴⁴ Baka kere suuwa kere kabo baka n ti barasu a. Sóno kere si ka a koro titi má damba buwe baka su. A kaaki koro titi má cacabu kpanji baka su. ⁴⁵ Sóno kpa ni i deke kpa kere bo i bita i ahore su, fa sakpa ba a. Na sóno tie gusu ni i deke tie bo i bita i ahore su, fa satie ba a. Dama dekem bo am sunsun bu am ahore su sanja kere n ye am jojo bu a."

Mienu fa ko ataari tafó nnyo nbem jore

⁴⁶ Na Yesu akaaki ase ka, "Nzu ti ye am fere m ka, 'Ya Mibie, ya Mibie,' ye am yo má deke bo m se ka am yo a? ⁴⁷ Sóno kere bo i baari m do, na i tiiri m noaniem n na i deeri bu na i fa yoori juma, m kere am kabo i mi ti barasu. ⁴⁸ I mi ti ka sóno bo i na i tá awuru na i fundu kunma ngonggo na i ko kpura yabue, na i se soo n jaa. Wombu koro wura na nzuetinm kere koro yi sandi ba kpura awuru ni, i yo má i pui, dama ataari n ayo fanga n ti. ⁴⁹ Ama, sóno kere bo i tiiri m noaniem n na wo de má i, afa ayo má juma, i mi ti ka sóno bo i taari i awuru na wo se má i jaa yabue su n wo. Wombu ba wurari na nzuetinm kere ba yi kpura nyini awuru ni, na i kaba to fanga su bo i busu nu má n wo."

7

Kabo soja kpien be yoori Yesu yarada agaya ni

¹ Sanja bo Yesu jójóri minem do ni nyini noaniem n kere wieeri ni, na wo ko Kapenam mie kpiri n nu. ² Na Romafom soja kpien be wo do, i la i akoo bo i koro i agaya, wo da tukpaki sukoro ka i wu. ³ Soja kpien n tiiri Yesu nga ni, na wo sunma Yudafom nkpienkpienm nbem ka bu ko sere i ka i ba tuntun i akoo n na i nya laifie. ⁴ Na ba ko Yesu do ako asere i jande ka, "I ti ye ni ka a ba buka ahin soja kpien ni. ⁵ Dama i koro ya minem n agaya haari wo ta tientienbunoo soo ama ya." ⁶ Do na Yesu asu bu su ako. Sanja bo bu ko dodoori awuru n kaan so ni, na soja kpien n asunma i danfom Yesu do, bu ko juuri ni, na ba se i ka, "Ya Mibie, soja kpien n na má a fie u nu. I na i ti kaan ni bo a ba i dika. ⁷ Nyini ti ye i na wo bu má ka i ti pui bo i ba u nyunu n a. Ama, haari a maari noanie n mmoo, i akoo ni nyá laifie. ⁸ Dama yiri mmoo ni i tii wo sóno saa nu wo, na yiri gusu nya la i dee sojam bo i nie bu su. Na bo i nya se i ka, 'Ko fen,' na i ko, na i se nyinga gusu ka, 'Bra fen,' na i ba. Na i se i akoo n gusu ka, 'Yo ahin,' na i yo i." ⁹ Sanja bo Yesu tiiri so ni, na wo yo i alekutura, na wo kaaki anie jama n bo bu su i su n na wo se ka, "M suse am wo lee, ka, ma nya anu má sóno bo i la yarada agaya ka ahin sóno n nusu, haari fa sanja ni

Yisarelifom mmoo." ¹⁰ Na minem bo soja kpien n sunmaari bu n akpie bu nyi ako i dika. Bu ko juuri, na ba ngu ka i akoo n anya laifie.

Kabo Yesu tengeeri kunafɔ be wa i yiwee nu ni

¹¹ Nyini sin, wo ce ma, na Yesu ako mie kpiri be bo bu fere i ka Nayin n su, i ni i susufom, ni jama beberebe koori a. ¹² Sanja bo i ko na i wura mie n nu ni, kpenja i ni minem aye, sono be awu mie n nu, bu suso i fite na bu ko se i. Sono n bo wo wu n ti bara kunafɔ be wa a, i wa kere la yiri ngumi kpein wo. Na jama beberebe afite mie n nu susu kunafɔ n su. ¹³ Mibie Yesu n nguuri kunafɔ n so ni, na anunfo ati i, na wo se i ka, "Ma a sun." ¹⁴ Na Yesu ako afa i saa akan dangu n bo fuin n da su ni, na minem bo bu so i n aka ajina. Na Yesu ase ka, "Gbefene, m suse u wo lee, yasu." ¹⁵ Do na gbefene n ayasu atana na wo joko minem do, na Yesu akaaki afa i ama i ni. ¹⁶ Na sere ati sono kere, na ba kansu Nyeme, na ba se bu ngu nu ka, "Nyeme noanie kanfo bambaka be aba ya do. Nyeme aba anie i minem busu." ¹⁷ Sa n bo Yesu yoori i n dee ti, na i labari n abara aye Yudiya aware n kere, ni awarem kere bo bu dodo bere ni.

Kabo Yohane Nyeme Nzue Biefo n sunmaari i susufom Yesu do ni

¹⁸ Sanja bo Yohane dee susufom ba kaanri nyini jorem kere kereeri i ni, na wo fere bu mine nnyo, ¹⁹ na wo sunma bu Mibie Yesu n do ka bu ko bisa i ka, "Woro ye bu yo seeri ka a ba n a, nzen ya nminda sono fofore be wo?" ²⁰ Bu ba juuri Yesu do n na ba se i ka, "Yohane Nyeme Nzue Biefo ni sunmaari ya u do a, na ya ba bisa u ka, 'Woro ye bu yo seeri ka a ba n a, nzen ya nminda sono fofore be wo?' " ²¹ Nyini sanja n nu, na Yesu atuntun mine beberebe bo bu la tukpaki barasu barasum, na wo fon ayi ajinim afite minem ngu, na wo ma anyinsinm beberebe ngu asi. ²² Na Yesu ase minem bo Yohane sunmaari bu n ka, "Am kpie am nyi na am ko se Yohane fa ko sam bo am ati bu na am ngu bu ni, ka anyinsinm ngu asi, wobukam akoro anati, kokofom anya laifie, asuturim ati asui, minem bo ba wu n atenge, na yaarifom gusu akoro ati labari kpa ni. ²³ Terefie wo minem bo bu yo m yarada na bu la ma sika be, ni mini n do."

²⁴ Sanja bo minem bo Yohane sunmaari bu n ko wieeri ni, na Yesu ajoko jama n do, fa ko Yohane nusu jore. I na, "Sanja bo am fite koori Yohane do boro kpantain n nu ni, am koori ka am ko ngu nzu wo? Am koori ka am ko ngu sono bo i ti ka barankpaati fofoe bo anuma n kankan i wo? ²⁵ Nzen ma nyini, am fite koori ka am ko ngu nzu wo? Am na am ko ngu sono bo i wura sutura kpakpa a, nzen se? Ai, am si ka minem bo bu wura nyini suturam na bu di fiefie ni, bu wo nfemem dika a. ²⁶ Nzen ma nyini, am koori ka am ko ngu nzu wo? Am koori ka am ko ngu Nyeme noanie kanfo o, nzen se? Ee, m suse am wo lee, ka, am ngu sono bo i tara Nyeme noanie kanfo. ²⁷ Dama Yohane ye bu yo kereeri i nusu jore, Nyeme Jore Kadasi n nu ka,

'Nyeme na o,

"M du mo sunma m sunmafɔ n na i du u mo,
yiri ko yo atin n dangu se u a." ' ' "

²⁸ Do na Yesu ase bu ka, "M suse am wo lee, ka, sono wo ma durunya n nu fen bo i tara Yohane. Ama, sono kere bo i ti kaan Nyeme femeya n nu n tara yiri Yohane."

²⁹ Minem kere bo bu woori do ni, haari fa sanja ni lampodefom ni, tiiri kabo Yesu jokoori ni, na ba soro su ka Nyeme dee atin ni ti atin nahore a, dama bu ma Yohane adu mo abie bu Nyeme nzue. ³⁰ Ama, na Farasifom

ni Nyeme nɔaniɛ kerefɔm n akete kabo Nyeme kereeri ka bu yo ni, dama ba kete ka má Yohane biɛ bu Nyeme nzue.

³¹ Na Yesu ase bekun ka, “Ye m fá nzu fa sunsun kabo nyumafɔ ti a? Bu ti ka nzu wɔ? ³² Bu ti ka nbaatuma kan kanm bo bu tana gɔɔsu wɔ, na bu sufere bu bengɔ, bu ɲa,

‘Ya kan tere ama am, ama, am abo má kereba.

Ya di sɛɛ jue ama am, ama, am asun má.’

³³ Deke bo i ti na m se sɔ n la ka, Yohane Nyeme Nzue Biɛfɔ n ba juuri ni, i ciciiri i nɔɔ ɔ, i di má diire, i nu má nzan yiri fieo, nyini ti, na am ase ka ajini wo i ɲu. ³⁴ Ama, mini Adamande Wa n ba juuri, na m ni mine asanɔa adi, na ya sanɔa anu, na am ase ka, ‘Am niɛ, ahin sɔnɔ n yiri, i ti ayaakpirifɔ ɔ, na i nu nzan nahɔɛ su. Wɔ tara lampodefɔm, ni satieyofɔm danfoya.’ ³⁵ Tɔ, minɛm kere bo bu su Nyeme dɛɛ alecira n atin n su ni, bere kere ka i ti nahɔɛ a.”

Kabo Yesu kɔɔri Simon Farasifɔ n dika ni

³⁶ Farasifɔ be yo baandiiri Yesu a, ka i bra i dika ba di diire, na Yesu ako i dika, na wɔ kɔ awura ka i di diire ni. ³⁷ Bara be woori nyini miɛ n nu, i ti satieyofɔ ɔ. I tiiri ka Yesu wo Farasifɔ n dika n wo diire di su, na wɔ fa tulaalɛ nvanvani tuwa kun aba. ³⁸ Na wɔ ba ajina Yesu jaa dika, na i susun, na i nyunvuin sugɔ Yesu jaa su. Na wɔ kutu aso i jaa nu, na wɔ fa i tiɲmiɛ tintiin anunuka i, na wɔ kaaki tulaalɛ n agɔ i jaa nnyɔ n kere su. ³⁹ Na Farasifɔ n bo i baandiiri Yesu n ase i kunnu ka, “Ahin sɔnɔ n ti má Nyeme nɔaniɛ kanfɔ, nzen má i ti Nyeme nɔaniɛ kanfɔ, má i si ahin bara n bo i sufa i saa kan i n kabo i woowa ti barasu, má i si ka i ti satieyofɔ.” ⁴⁰ Dɔ na Yesu ase i ka, “Simon, m koro ka m se u jɔɛ be.” Na wɔ se Yesu ka, “Ya Kerefɔ, se m.” ⁴¹ Na Yesu ase i ka, “Mine nnyɔ nbem wo bere a, na ba kɔ ɲwaafo be dɔ ako afie ɲwaa. Kun dɛɛ kaari n sunnu má, ama, kun n yiri dɛɛ sunnu, i kpaaki ciciiri dɛɛ n ɲusu buru. ⁴² Bu mine nnyɔ n nu, bu be mmɔɔ akoro atɔ má ɲwaafo n kaari ni, nyini ti, na wɔ yaki ɲwaa n ace bu. Ye a sunsun ka bu mine nnyɔ n nu, ɲma koro ɲwaafo n agaya?” ⁴³ Na Simon abɔ Yesu nu ka, “Mini dɔ, m sunsun ka sɔnɔ n bo i kaari sunnuuri ni, yiri koro i agaya.” Na Yesu ase i ka, “A la nahɔɛ.” ⁴⁴ Dɔ na Yesu ace anie bara ni, na wɔ se Simon ka, “M ɲa a ɲu ahin bara ni e? M ba juuri u dika n nu ni, a ma má m nzue ka m ɲmisi m jaa, ama, yiri afa i nyunvuin aɲmisi m jaa, ye wɔ fa i tiɲmiɛ n anunuka m jaa n na i wu. ⁴⁵ Bekun, a biti má m na a yo m anɛ ni ba mmɔɔ, ama, kabo m ba juuri, yiri akere kabo i koro m, wɔ yaki má m jaa so nu. ⁴⁶ A fa má ɲguin ka a kpakpa má m tii, ama, yiri afa tulaalɛ akaaki agɔ m jaa su. ⁴⁷ Nyini ti, m suse u wɔ lɛɛ ka, i satie sunnu ye Nyeme afa i kere ace i a, nyini dɛɛ ti, wɔ kere m i koro agaya. Ama, sɔnɔ bo i satie sunnu má na Nyeme afa ace i a, i mi koro mmɔɔ sunnu má.” ⁴⁸ Dɔ na Yesu ase bara n ka, “Ma fa u satie kere ace u.” ⁴⁹ Mine nyɲgam n bo bere gusu tana wo diire n di su n tiiri sɔ ni, na ba bisa bu ɲuɲu nu ka, “Nma la ahin sɔnɔmbiri n bo i koro fa minɛm satie ce bu a?” ⁵⁰ Na Yesu akaaki ase bara n ka, “Yarada n bo a yo m ni, nyini ma a nya u tii a. Kɔ awuru ni ahoreda.”

8

Kabo nbara nbem bukaari Yesu barasu ni

¹ Nyini sin na Yesu ajɛngbe miɛ kpirim, ni aheme aheme miɛm su, na i sukan labari kpa n fa kɔ Nyeme femeya n su. I ni i susufɔ buru ni nnyɔm ni kɔɔri a. ² Na nbara beberebe nbem gusu asu i su. Bu nbem ye i tuntuunri

bu tukpaki barasu barasu n a. Bu kun ye i fɔn yiiri ajinim nso fiteeri i ɲu n a, bu fere i ka Mariya Magadalafo ni, ³ ni kun bo bu fere i ka Yowana, na i hun la sɔnɔ be bo bu fere i ka Cusa na i niɛ Fɛmɛ Herode dika n kere su ni, ni bara bo bu fere i ka Susanna ni. Nyini nbaram kere fa bu tienɲu deke bo bu la i wɔ, na ba fa abuka Yesu ni i susufɔm ni.

Miɛnu fa kɔ kabo dɔdɔrifɔ be sandiiri aɛmbaa ni

⁴ Na jama beberebe atien bu nɔɔ Yesu dɔ, bu fiteeri miɛ su miɛ su baari a. Na wɔ bo bu ahin miɛnu ni, i ɲa, ⁵ “Dɔdɔrifɔ be fiteeri sɔ ɔ, ka i kɔ sandi aɛmbaa. Saɲga bo i wo sandi su ni, na nbem atɔtɔ atin n nɔɔ, na minɛm atientien su asin, na anumam aba atambu bu ami. ⁶ Na nbem atɔtɔ tieka su, na wɔ fi, wɔ ɛ má na wɔ waandi, dama niniki awo má asien n bu n dɛɛ ti. ⁷ Na aɛmbaa ni nbem atɔtɔ lɔlɔɛ nu, na lɔlɔɛ n anyi akata i ɲu. ⁸ Ama, na nbem atɔtɔ asien kpa su, na wɔ nyi awura mbaa zɔi zɔi.” Yesu seeri sɔ wieeri ni, na wɔ nya atien kpa ase ka, “Bo i koro ka i ti ahin jɔre n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

⁹ Dɔ na Yesu susufɔm n abisa i nyini miɛnu n bu, ¹⁰ na wɔ bo bu nu ka, “Amberɛ ye Nyemɛ ama am asi i femeya n nu asiri jɔre kere a, ama, bo ba ka ni, m bobo i miɛnu kere bu a. Adena i yó kabo ba kere i Nyemɛ Jɔre Kadasi n nu ni, ka,

‘Bu níɛ wɔ,

ama, bu ɲú má pui.

Bu só bu sui wɔ,

ama, bu tí má deke n bo bu so bu sui ka bu ti i n bu.’ ”

Kabo Yesu kereeri miɛnu n bu ni

¹¹ Na Yesu asa su ase bu ka, “Tɔ, miɛnu n bo m boori i n bu yaa. Aɛmbaa n ti Nyemɛ nɔaniɛ n wɔ lɛɛ. ¹² Aɛmbaa n bo bu tɔtɔri atin nɔɔ n la minɛm bo bu ti Nyemɛ nɔaniɛ ni, i ɛ má, na Sitana bá yi i fite bu ahore su, adena má bu yó yarada na bu nyá tiide. ¹³ Aɛmbaa n bo bu tɔtɔri tieka su n la minɛm bo bu ti Nyemɛ nɔaniɛ n na bu de i ni ahorejɔ, ama, i da má bu ahore su. Bu kaaki ti ka aɛmbaa n bo i bunlui akpama abi má n wɔ. I woori bu dɔ kaan sɔ, na saɲga bo kekereke be ba tuuri bu, a ɲu ka ba fa ati. ¹⁴ Aɛmbaa n bo bu tɔtɔri lɔlɔɛ nu n la minɛm bo bu nya tiiri Nyemɛ nɔaniɛ ni na bu su i atin su, a ɲu ka bu sunsunni kere wo kabo bu yó na bu asiri káta su, na bu nyá durunya n nu ajekɛm, na bu yó bu koroowa, a ɲu ka Nyemɛ nɔaniɛ n koro da má bu ahore su na i yo juma. Bu ti ka aɛmbaa bo i bi má n wɔ. ¹⁵ Ama, aɛmbaa n bo bu tɔtɔri asien kpa su n la minɛm bo bu ti Nyemɛ nɔaniɛ n na bu de i ni bu ahore fofoe nahɔre su, na bu de i ni bu saa nnyɔ, na bu mindi bita i, na bu fa i yo juma ni.”

Kabo sɔnɔ koro so má sin su na i fa fie ni

¹⁶ Na Yesu ase ka, “Sɔnɔ be nya so má fitana su na i fa ganga butu su, wara i fa se gado bu, ama, i fa taka deke su aɲgoro wɔ, adena minɛm bo bu ba wura awuru n nu n koro ɲu asi. ¹⁷ Deke be wo má bere bo i wo fieɛwa nu na bu bá ɲu má i, deke be gusu wo má bere bo i wo asiri nu na bu bá si má i. ¹⁸ Nyini dɛɛ ti, am si am ɲu sa ni kabo am ti nɔaniɛ n barasu ni. Dama sɔnɔ kere bo wɔ nya deke be Nyemɛ dɔ na i mi si i bita, Nyemɛ búka i su wɔ, ama, bo i si má i bita, haari ni nyini kaan n bo i sunsun ka wɔ nya i ni, Nyemɛ dé i dɔ ɔ.”

Minɛm bo bu ti Yesu ni, ni i ninbaam nahɔre su n jɔre

¹⁹ Na Yesu ni, ni i niemam aba i dɔ, ama, jama sunnuuri i dɔ n dɛɛ ti, ba koro aju má i bi. ²⁰ Na be ase i ka, “M Mibiɛ, u ni, ni u niemam jina dasin koro u.” ²¹ Na Yesu ase bu ka, “M ni, ni m niemam la minɛm bo bu ti Nyemɛ nɔaniɛ n na bu de i na bu fa yo juma n wɔ.”

Kabo Yesu kereeri ka i la yiko tara aɲuma ni nzue ni

²² Cɛɛn n be sɔ ɔ, na Yesu ni i susufɔm n awura lee nu, na wɔ se bu ka, “Am ma ya kpiɛ kɔ kunma kpiri n buekun dɔ.” Nyini ti, na ba yasu na bu kɔ. ²³ Bu wo kɔ su ni, na Yesu adaafi, na aɲuma bambaka be ayasu na i subo nzue gɔ lee n nu. Má lee ni suyi ni nzue wɔ, na anyumboro atu bu. ²⁴ Na Yesu susufɔm n akɔ atɛɲge i, na ba se i ka, “Ya Mɔfɔ, ya Mɔfɔ e, ya wu awie.” Na Yesu ayasu, na wɔ tien nzue n ni aɲuma n bo i subo n ɲu, na ba tara, na dika n atara jum. ²⁵ Dɔ na Yesu ase i susufɔm ni ka, “Nzu ti ye am yo má m yarada a?” Na ba yo alekutura na sere akaaki ati bu agaya, na ba bisa bu ɲuɲu nu ka, “Nzu sɔnɔmbiri barasu la ahin bo i ma aɲuma ni nzue mmɔɔ nɔɔ na bu de i a?”

Kabo Yesu fɔn yiiri ajinim fiteeri sɔnɔ be ɲu ni

²⁶ Na Yesu ni i susufɔm n akpiɛ kunma kpiri n akɔ aju Gerasafɔm dɛɛ awɔrɛ n nu, na kunma kpiri n wo i ni Galili dɛɛ awɔrɛ n afien ni. ²⁷ Yesu fiteeri lee n nu ni, na miɛ n nu sɔnɔ be aba akpa i atin, ajinim wo i ɲu, wɔ cɛ, i nati i bu ɲgbɛɛn wɔ saɲga kɛrɛ, i da má awuru, má ka faɲkunma nu. ²⁸ I ɲuuri Yesu ni, na wɔ bo awie kpa, na wɔ kutu haari Yesu jaa bu, na wɔ ciindi ase ka, “Yesu, Micɛra Nyemɛ Kpiri n Wa, a koro nzu ya nu fɛn a? M sere u wɔ ka, má a ma m ɲu anyumboro.” ²⁹ Deke bo i ti na i seeri sɔ n la ka, Yesu ama ajinim n nɔɔ ka bu fite yaki i. Saɲga kɛrɛ saɲga ajinim n fun i ɲu wɔ, haari ni bo bu niɛ i dika, na bu bo i tobari, na bu wura i jɔrɔko buka su ni, i sandi i kɛrɛ wɔ, na ajinim n fa i kɔ boro kpantain n nu.

³⁰ Na Yesu abisa i ka, “Bu fere u sɛ?” Na wɔ bo i nu ka, “Bu fere m ka Jama Beberebefɔ.” Deke bo i ti na i seeri sɔ n la ka, ajinim beberebe wo i ɲu wɔ. ³¹ Na ba sere Yesu jande ka má i fɔn bu kɔ wura kunma n bo i kɔ ɲgɔɲgɔ na i la má awieeri n nu.

³² Nyini saɲga afam beberebe wo dodo bɛrɛ, bu wo buka be su sudi, na ajinim n asere Yesu ka i ma bu kɔ fun afam n ɲu, na wɔ ma bu atin. ³³ Na ba fite ayaki sɔnɔ ni, na ba kɔ afun afam n ɲu. Dika n nu bɛrɛ, na bu kere aɲmati accɔndi akɔ ato kunma kpiri nzue n nu, na nzue n adi bu.

³⁴ Afa sasafɔm n ɲuuri nyini n sɔ ni, na ba ɲmati akɔ abo ndoori miɛ kunnu, ni ahɛmɛ ahɛmɛ kɛrɛ su. ³⁵ Na minɛm aba na bu ba niɛ sa n bo wɔ yo ni, na ba ba Yesu dɔ, aɲu sɔnɔ n bo ajinim n yo woori i ɲu n ka i tana Yesu bi wura tanlɛɛ, ni i nyunu koroya su. Dɔ na sere ati bu. ³⁶ Na minɛm n bo bu ɲuuri sa n yoobiri ni, akan jɔrɛ n kɛrɛ akere jama n kabo i ba yoori na sɔnɔ n bo ajinim yo woori i ɲu n anya laifɛ ni. ³⁷ Na minɛm kɛrɛ bo bu fite nyini awɔrɛ n nu n asere Yesu jande ka, i yasu bu awɔrɛ n nu bɛrɛ, dama sere ati bu agaya. Na Yesu ayasu awura lee nu ka i kɔ.

³⁸ Dɔ na sɔnɔ n bo ajinim afite ayaki i n asere Yesu ka, i ma i su i su. Ama, Yesu asoro má i su, na wɔ se i ka, ³⁹ “Kpie u nyi kɔ awuru, na a kɔ kan kere minɛm fa kɔ sakpa n bo Nyemɛ ayo ama u n su.” Na sɔnɔ n akpie i nyi akɔ akan akere miɛ n nufɔm kɛrɛ fa kɔ sakpa n kɛrɛ bo Yesu ayo ama i ni.

Bara tukpakifɔ be, ni baabara be yiwee jɔrɛ

⁴⁰ Saɲga bo Yesu kpieeri i nyi kɔ juuri kunma kpiri n buekun dɔ ni, i kɔ ɲu ka jama n atien bu nɔɔ sunminda i wɔ, na ba yo i anse ni ba. ⁴¹ Dɔ na

sono be aba Yesu do, yiri ti kpien bo i nie bu tientienbunoo soo n su a, bu fere i ka Yarusi. Na wo ba akutu asienngu Yesu jaa bu asere i ka, jande i bra i dika, ⁴² dama i wa baabara kun n kpein bo i la i n suwu, i la afo buru ni nnyo o.

Yesu wo ko su n na jama n amie i nu agaya. ⁴³ Bara be woori jama n nu, i bita abieeri i afo buru ni nnyo lee, bo i kpu na i kpie ma, ama, be akoro atuntun ma i na i nya laifie. ⁴⁴ Na wo sakati awura jama n nu Yesu sin, afa i saa akan Yesu tanlee n jaa bu ni, kpennga na abieeri n ajina. ⁴⁵ Na Yesu abisa ka, "Nma fa i saa kaanri m a?" Na sono kere ase ka ba si ma, na Petoro ase i ka, "Ya Mofa, woro mmoo nu kabo jama n abara aye na bu mie u nu barasu." ⁴⁶ Ama, na Yesu ase ka, "Sono be afa i saa akan m, dama ma fa nu ka m yiko n be afite m nunie nu ako ayo juma." ⁴⁷ Na bara n anu ka i koro fie ma i nu, na wo ba ajina Yesu nyunu, i nunie kere subobo i. Na wo kutu haari Yesu jaa bu akan jore n akere i, jama n kere nyunu, kabo i ba yoori na i kaba nyaari laifie ni. ⁴⁸ Na Yesu ase i ka, "M wa, yarada n bo ayo m ni, yiri ma a nya laifie a. Ko awuru ni ahoreda."

⁴⁹ Sanga n bo Yesu toko wo joo su ni, na sono be afite tientienbunoo soo n kpien n dika aba ase i ka, "U wa n wo ma bere. Nyini ti, ma a dama ya Keref n kun." ⁵⁰ Ama, na Yesu ati jore n na wo se baa n si n ka, "Ma a sere ti u, woro yo m yarada, i nya laifie." ⁵¹ Bu ko juuri kpien n dika n nu ni, wo soro ma su, na be wura buka i su, ma ka Petoro, ni Yakobo, ni i niema Yohane, ni baa n si, ni i ni. ⁵² Minem kere bo bu woori do n wo awie bo su wo, na bu sukoko. Nyini dee ti, na Yesu ase ka, "Ma am sun, wo wu ma, wo daafi wo." ⁵³ Na ba siri i, dama bu si ka wo wu wo. ⁵⁴ Ama, na Yesu ako atara i saa, na wo tien kpa ase i ka, "M wa, yasu jina." ⁵⁵ Na wo nya ngoo bekun, na wo kaba ayasu ajina, na Yesu ase ka bu ma baa n deke be na i di. ⁵⁶ Na baa n si, ni i ni ayo alekutura ako asin su, ama, na Yesu abobo bu ni nahore su ka, ma bu ma be si sa n bo wo yo ni.

9

Kabo Yesu sunmaari i susufo buru ni nnyom ni

¹ Na Yesu afere i susufo buru ni nnyom ni, na wo tien bu noo, na wo ma bu yiko ka bu ko sufon yi ajini barasu barasum kere fite minem nu, na bu ma tukpakifom nya laifie. ² Do na wo sunma bu ka bu ko kan Nyeme jore fa ko kabo Nyeme ba nie i minem su ni, na bu tuntun tukpakifom na bu nya laifie, ³ na wo se bu ka, "Ma am fa puitiripui ko ahin atin n bo m susunma am ni, kpama o, kuruku o, diire o, nwaa o. Ma am fa tanlee be mmoo buka bo am wura i n su. ⁴ Am ko juuri mie be su, na awuru kere bo am ko wuraari nu, am ka nyini awuru n nu haari am ba fite mie n nu. ⁵ Sasu bekun, mie bo am ko wuraari nu, na ba de ma am wofa, am fite yaki nyini mie ni, na am kponkpon yi am jaa tuturi kere. Nyini di daani kere bu ka bu woowa ti ma kpa." ⁶ Na i jamasam n ako ajengbe abara aye mie miem su akan labari kpa n jore akere minem deke n kere bo bu koori ni, na ba tuntun tukpakifom na ba nya laifie.

Kabo Feme Herode birisi fa koori Yesu sayoowam su ni

⁷ Na Feme Herode ati sa n kere bo Yesu ayo i ni, na wo birisi, dama mine nbem na Yohane Nyeme Nzue Biefo n ye wo tenge i yiwee n nu a, ⁸ ye nbem na Nyeme noanie kanfo Eliya ye wo yi i nu afite fofoe nu, na nbem gusu ase ka dawa dee Nyeme noanie kanfo nyinga n be ye wo kaaki atenge aba a. ⁹ Na Feme Herode ase ka, "M ma ba kpie Yohane tii e, ye nma la

ahin sɔnɔ n bo m ti i sayoowam nga sɔ n a?" Na wɔ boro i nyi ka i nyi Yesu.

Kabo Yesu maari nbiesɔm akpii nnu ni bu minem diire ni

¹⁰ Saŋga bo Yesu jaramasam n kpieeri bu nyi baari i dɔ ni, na ba kan sam kere bo ba yo i n akere i. Na wɔ fa bu na ba kɔ awo mie be su awɔre be nu bere ngumi. Bu fere mie n ka Besayida. ¹¹ Jama n tiiri Yesu nga sɔ ni, na ba sa i su akɔ dɔ. Na wɔ de bu, na wɔ kan Nyeme jɔre fa kɔ kabo Nyeme bá nié i minem su barasu. Na wɔ tuntun tukpakifɔm, na ba nya laifé.

¹² Saŋga bo wie ba sukɔ tɔ ni, na i jaramasam n aba i dɔ aba ase i ka, "Ma minem n atin na bu kɔ mie kunnu ni aheme aheme miem su na bu kɔ nienie diire di na bu nya daabiri da, dama deke bo ya wo ni, ya wo boro wɔ lɛɛ." ¹³ Ama, na Yesu ase bu ka, "Amberé mmɔɔ ni am tii nya deke be ma bu na bu di." Na ba se i ka, "Deke bo ya la i kere la kɔnɔ nnu wɔ, ni jombaa nnyɔ, i jú má. A koro ka ya kɔ to diire ba ma ahin jama n kere wɔ, nzen se a?" ¹⁴ Deke bo i ti na bu seeri sɔ n la ka, nbiesɔm kɔ yasuari mine akpii nnu wɔ. Na Yesu ase i susufɔm n ka, "Am ma bu tana asese asese aburunu nnu na bu di." ¹⁵ I susufɔm ni maari bu kere tanaari sɔ wieeri ni, ¹⁶ na Yesu afa kɔnɔ nnu ni, ni jombaa nnyɔ ni, na wɔ ye i tii su angoro, na wɔ da Nyeme asi, na wɔ kpiekpie i kere n nu, na wɔ fa ama i susufɔm ni ka bu fa ma minem ni. ¹⁷ Na bu kere adi, na bu kunnu ayi. Na ba tambu kɔnɔ, ni jombaa sinsin bo bu diiri na i kaari ni, na ba nya kandie buru ni nnyɔ.

Kabo Petoro kereeri ka Yesu ti barasu ni

¹⁸ Cɛɛn n be sɔ ɔ, Yesu wo nyemesere su i ngumi, i susufɔm ni wo i bi. I sereeri Nyeme wieeri n na wɔ bisa bu ka, "Minem fa m bu nma a?" ¹⁹ Na ba bɔ i nu ka, "Bu n wɔrɔ ti Yohane Nyeme Nzue Biefɔ n a, nbem n wɔrɔ ti Nyeme nɔanie kanfɔ Eliya, ye nbem gusu n wɔrɔ ti dawa dɛɛ Nyeme nɔanie kanfɔ nyinga n be ye wɔ tenge aba a." ²⁰ Na wɔ nya abisa bu bekun ka, "Ye amberé fa m bu nma a?" Na Petoro abɔ i nu ka, "Wɔrɔ ti Kristo n a, Tiidefɔ n bo Nyeme ase ka i súnma i ni."

Kabo Yesu jɔjɔ fa kɔri i yiwee n su ni

²¹ Na Yesu abɔɔ bu ka, má bu se ka bu se be jɔre n bo Petoro ajɔjɔ i ni, ²² i nja, "Wɔ yo daka ka mini Adamande Wa n di wahara dɔngu, na Yudafɔm nkpienkpienm, ni Nyeme sayoowa dɔnguyofɔ nkpienkpienm, ni Nyeme nɔanie kerefɔm kere bá kete m nju, na bu kún m. Ama, na i lesan cɛɛn, na Nyeme má m tenge m yiwee n nu."

Kabo Yesu jɔjɔ fa kɔri kabo minem su i su ni

²³ Na wɔ se bere kere pepere ka, "Sɔnɔ kere bo i koro ka i su m su, wɔ yo daka ka i mi wara fi i tienngu sa koroowa sa, na i fá i yiwee baka jaanu n sɔ, na i su m su cɛɛn kere cɛɛn. ²⁴ Dama sɔnɔ kere bo i koro ka i fa i ngɔɔ fie, i mi bá fun i. Ama, sɔnɔ kere bo i tɔri i ngɔɔ mini dɛɛ ti, i mi nyá ngɔɔ. ²⁵ Nzen sɔnɔ nyaari durunya n nu deke n kere na i fuunri i ngɔɔ na i kaari ngbeen, i kperé la bɔnɔ? ²⁶ Sɔnɔ kere bo nyinse ti i fa kɔ mini ni m nɔanie n su, sɔ ye nyinse tí mini Adamande Wa n gusu fa kɔ bu su a, saŋga bo m bá ba ni m jirima woowa n nu, ni m Si Nyeme dɛɛ jirima woowa ni, ni i mereke casim ni. ²⁷ Nahɔre ye m suse am n a, am nbem wo nu fen bo am wú má, má ka am aba anju ka Nyeme femeya n aba."

Kabo Yesu nunié kaakiiri wo barasu ni

²⁸ Yesu jòjòrì nyinim kere wieeri sò ni, fa kò i lemòcùe cèen, na wò fa Petoro ni Yohane ni Yakobo na ba fun akò buka be su ka bu kò sere Nyeme. ²⁹ I wo nyemesere n su ni, na i nyunuawa akaaki wo, na i tanlèe n akaaki fofoe papasi. ³⁰ Dò na minem nnyò nbem atie bu ñu, bu ni Yesu subo anzama. Bere la Moyisi ni Eliya, dawa dèe Nyeme nòanie kanfòm ni. ³¹ Na bere gusu ata fofoe papasi, na bu sujòjò i dò fa kò kabo i sangá bá ju bo i kó Yerusalem miè kpiri n nu ni, na i yoori sò na Nyeme koroowa n yó yiiwa. ³² Nyini sangá, Petoro ni i bengum wo daafiri su, bu ba tengeeri n na ba ñu kabo Yesu woowa n akaaki barasu, i ni mine nnyòm ni jina. ³³ Sangá bo minem n ba sukò yaki Yesu ni, na Petoro ase i ka, “Ya Mòfò, i ti kpa ka ya wo fèn. Ma ya bo nambue nsan, u dèe kun, Moyisi dèe kun, na Eliya gusu dèe kun.” I jòjò ò, wò si má kabo i seeri ni. ³⁴ I toko wo jòjòrì su n na yinyingù akata bu ñu liim, na sere ati i susufòm ni, sangá bo yinyingù n sukata bu ñu ni. ³⁵ Na ba ti akonvi be nga yinyingù n nu, i ña, “M wa lèe, yiri ye ma yi i a. Am de i nòanie.” ³⁶ Bu tiiri jòjòwa n sò ni, bu ñu ka Yesu ngumi jina a. Nyini sangá ni, i susufòm n abo má su akan akere má be fa kò sam n bo bu ñuuri i n su.

Kabo Yesu fòn yìiri ajini fiteeri baa be ñu ni

³⁷ Na i alecin, na Yesu ni i susufò nsanm ni sujura buka n su ni, na jama beberebe akpa i atin. ³⁸ Dò na sòno be awo jama n nu atien ase ka, “Ya Kerefò, m sere u wò, si m wa baabiesò n anunfò, m wa kere lèe. ³⁹ Niè, ajini wo i ñu, sangá kere bo i ba ña i yasu i ñu, i kaba bo awie kungerekun wò, na i fa i bo asiengù, na i nanzue sufite fufuku, i bita i kere i wahara sò ò sangá kere, i koro má ka i fite yaki i. ⁴⁰ Ma sere u susufòm ni lèe ka bu fòn yi ajini ni, ama, ba kura má nu.” ⁴¹ Na Yesu ase ka, “Amaa. Ambere nyumafò satieyofòm, am la má yarada fieo. Nyuma sa ye m wo am dò fèn a? Ye m yó sawòre ni ambere kò ju se wò?” Dò na wò se baa n si ka, “Fa baa n bra fèn.” ⁴² Sangá bo baa ni suba Yesu dò ni, na ajini n abo i aji asiengù, na wò da sukpisi. Na Yesu atien ajini n ñu na baa n anya laifìe, na wò kaaki afa i ama i si. ⁴³ Na minem kere amie fa kò yiko bambaka bo Nyeme la i ni.

Kabo Yesu jòjò fa kòrì i yiwee n su bekun ni

Sam n kere bo Yesu woori bu yo su n dèe ti, nyini ma mine kere yoori alekutura n a. Dò na wò se i susufòm ka, ⁴⁴ “Ambere, am so am sui na am ti deke bo m koro ka m se am ni. Bu bá tó mini Adamande Wa n ma mine nbem.” ⁴⁵ Ama, i jòjòrì sò ni, i susufòm n ati má i bu. Nyeme ayi má i nyi akere má bu, nyini ti ye ba koro ati má i bu. Ama, sere dèe ti, ba koro abisa má i fa kò nyini jòre n su.

Kabo Yesu kereeri sòno bo i tara bu kere ni

⁴⁶ Na i susufòm n ase akuruwa bu ñuñu nu fa kò sòno bo i tara bu kere ni. ⁴⁷ Yesu siiri bu sunsunni bo bu bita i n dèe ti, na wò fa baa kaan be ajina bu afien i bi, ⁴⁸ na wò se bu ka, “Wòro kere bo a deerì ahin baakan n ñusu m dèe ti, a deerì mini wò lèe. Bekun, wòro kere gusu bo a nya deerì mini, a deerì m si bo wò sunma m wò lèe. Dama bo am sunsun ka i ti kaan am kere nu ni, yiri ti kpiri tara am kere a.”

⁴⁹ Dò na Yohane ase i ka, “Ya Mòfò, ya ñuuri ka sòno be afa u duma sufa fòn yi ajinim fite minem ñu, ye ya ña ya yáki má i, dama i wo má ya nu n dèe ti.” ⁵⁰ Na Yesu ase ka, “Má am se ka am kanda i, dama sòno kere bo i fite má am sin, i mi jina am sin wò lèe.”

Kabo Samariyafòm keteeri ka bu de má Yesu ni

⁵¹ Saŋga n ba dodoori bo Nyeme má Yesu fun kɔ angoro ni, na wɔ bu i tii nu ka i ti ye ni ka i kɔ Yerusalem mie kpiri n nu. ⁵² Na wɔ sunma sunmafɔm Samariya aheme mie be su ka bu kɔ suyo deke kere siriya nminda i. ⁵³ Ama, na SamariyaƔɔm n akete ka bu de má i, dama ka i susin kɔ Yerusalem n de ti. ⁵⁴ Yakobo ni Yohane nuuri nyini n sɔ ni, na ba se ka, “Ya Mibiε, a koro ka ya ma sin fite angoro ba di bu, nzen se a?” ⁵⁵ Na Yesu ace anie, na wɔ jaraki bu. ⁵⁶ Dɔ na Yesu ni i susufɔm n asin ako mie nyiŋga be su.

Minem bo bu koro ka bu su Yesu su n jɔre

⁵⁷ Saŋga bo Yesu ni i susufɔm n wo kɔ su ni, na sɔnɔ be aba ase Yesu ka, “Deke kere bo a kɔ, m sɔ u su wɔ.” ⁵⁸ Na Yesu ase i ka, “Naakum la kunmam, na anumam gusu la tieirim, ama, mini Adamande Wa n yiri, m la má m tii daabiri.”

⁵⁹ Na wɔ se sɔnɔ nyiŋga be ka, “Su m su.” Ama, na sɔnɔ n ase i ka, “M Mibiε, ma m du mɔ kɔ yo m si sutura ka, na m nyá ba su u su.” ⁶⁰ Na Yesu ase i ka, “Yaki bo ba wu ni, na bu se bu beŋgu, wɔwɔ kɔ na a kɔ kan Nyeme jɔre fa kɔ kabo Nyeme Feme bá nie i minem su ni.”

⁶¹ Na sɔnɔ nyiŋga be bekun ase Yesu ka, “M Mibiε, m bá su u su, ama, ma m kɔ kaari m dikafɔm ka, na m bá.” ⁶² Na Yesu ase i ka, “Sɔnɔ kere bo i ti ka toora dɔdɔrifɔ na i wo dɔ su, na i kaaki nie i sin, i ti má ye ni ka Nyeme yo i mi feme.”

10

Kabo Yesu sunmaari i susufɔ aburaso ni nnyɔm ni

¹ Nyini sin na Mibiε Yesu n ayi i susufɔ aburaso ni nnyɔ nyiŋga nbem, na wɔ sunma bu nnyɔ nnyɔ ka bu du mɔ kɔ mie miem kere bo yiri ni i tii ase ka i bá kɔ su ni. ² Na wɔ se bu ka, “Fiesu diire n sunnu, ama, bo bu kɔ i tambu n sunnu má. Nyini ti, am sere Mibiε n bo i de la fie n ka i sunma jumayofɔm na bu kɔ i tambu. ³ Ama, am ti fen. Am kɔ. M susunma am wɔ lεε, kabo nbombaam kɔ saŋga bedim nu barasu ni. ⁴ Má am se ka am fa nwaa, wara kuruku, wara gbagbaa, má am se ka am jina atin nu yo be mmɔɔ anse. ⁵ Awuru kere bo am kɔ wuraari nu, am du mɔ se ka, ‘Nyeme ma am tanalaifie.’ ⁶ Nzen tanalaifieƔɔ wo nyini awuru n nu, am ma am tanalaifie n ka i mi n dɔ, ama, nzen wɔ ti má sɔ, Nyeme dé tanalaifie ni i mi n dɔ. ⁷ Awuru bo am kɔ wuraari nu na bu deer am wɔfɔ, am ka nyini awuru n nu, na am di na am nu deke kere bo bu fa ma am, dama i ti ye ni ka jumayofɔ nya i juma ni nkato. Má am nati awuru kere nu. ⁸ Am kɔ juuri mie be su na bu deer am wɔfɔ, am di deke kere bo bu fa ma am. ⁹ Am tuntun tukpakifɔm bo bu wo dɔ n na bu nya laifie, na am se bu ka, ‘Saŋga bo Nyeme Feme bá nie i minem su n adodo am lεε.’ ¹⁰ Ama, nzen am kɔ juuri mie be su na ba de má am wɔfɔ, am fite kɔ atingbere n su, na am se bu ka, ¹¹ ‘Haari am mie n tuturi mmɔɔ mata má ya jaa, ya kpɔnkɔn yi i wɔ, nyini di daani kere ka am woowa ti má kpa. Ama, i ti ye ni ka am si ka saŋga bo Nyeme Feme bá nie i minem su n adodo lεε.’ ¹² Nyini ti, m suse am wɔ lεε, ka, jina cɛen, nyini mie n nufɔm, Nyeme cín bu sui tara Sodom mie kpiri n nu satieyofɔm.”

¹³ Na Yesu akaaki ase ka, “Tɔ, amberε Korazinfɔm, am bá nu anyumboro. Amberε Besayidafɔm gusu, am bá nu anyumboro. Alekutura sam bo m yo maari am ni, má nzen m yoori bu Tiro, ni Sidon mie kpirim n nu, má minem n akaaki bu wo dada kere na bu fa pirim botɔ, ni nzuin yo bu

yoowa n bo i kere ka bu ahore asaaki, bu satie yoowa n dɛɛ ti ni. ¹⁴ Ama, amberɛ, Nyɛmɛ bá cin am sui tara Tiro ni Sidon dɛɛ satieyofɔm. ¹⁵ Amberɛ Kapɛnamfɔm gusu, am sunsun ka Nyɛmɛ bá yɛ am su kɔ angoro wɔ, nzen sɛ? Ai. I bá yo am kaan wɔ, na i fá am cɔɔndi kɔ Yiweefɔm Woobiri.”

¹⁶ Na Yesu ase i susufɔm ka, “Sɔnɔ kɛɛ bo i de am nɔaniɛ, i mi de m dɛɛ nɔaniɛ wɔ lɛɛ, na sɔnɔ kɛɛ bo i kete am nɔaniɛ, i mi kete m dɛɛ nɔaniɛ wɔ lɛɛ, na sɔnɔ kɛɛ bo i kete m dɛɛ nɔaniɛ, i mi kete yiri n bo i sunmaari m wɔ lɛɛ.” I jɔjɔ wieeri, na ba kɔ.

¹⁷ Saɔga bo i susufɔ aburaso ni nnyɔm ni kpieeri bu nyi baari Yesu dɔ ni, na bu ahore ajɔ agaya, na ba se i ka, “Ya Mibiɛ, haari ajinim mmɔɔ de ya nɔaniɛ wɔ, nzen ya nya atien bu ɔu u dɛɛ duma n nu.” ¹⁸ Na Yesu ase bu ka, “M ɔuuri Sitana ka wɔ fite angoro atɔ, kabo nzue kpɛsɛ na i ti barasu n wɔ.” ¹⁹ Na Yesu ase ka, “Am ti fɛn. Ma ma am yiko adena am tientien woom ni bundaanim ɔu, na am kunma yiri kpɔfɔ n faɔga kɛɛ na pui yó má am. ²⁰ Haari ni nyini kɛɛ ni, má am ma am ahore jɔ ka ajinim de am nɔaniɛ ɔgumi n dɛɛ ti, ama, am ma am ahore jɔ ka ba kɛɛ am duma ase Nyɛmɛ dika.”

²¹ Nyini saɔga n na Awiewiɛ Casi n ama Yesu ahorejɔ akɔ sin su, na wɔ sere Nyɛmɛ ase ka, “M Si Nyɛmɛ, wɔrɔ ti angoro ni asiɔngu kɛɛ Mibiɛ a. M da u asi ka a fa nyini dekem bo alecirafɔm ni sifɔm si má i ni, ayi akere bo bu ti ka nbaatam ni. M Si, i ti nahɔrɛ wɔ, kabo a koroori ka i yo lɛɛ.”

²² Yesu sereeri Nyɛmɛ n wieeri ni, na wɔ se ka, “M Si afa deke kɛɛ awura m saa nu. Be si má Nyɛmɛ Wa ni, má ka i Si Nyɛmɛ ni si i a, na be gusu si má i Si ni, má ka Baa ni si i a, ni minɛm bo Baa n koro ka i yi i kere bu ni, bɛrɛ si i a.”

²³ Dɔ na Yesu acɛ anie i susufɔm ni, na wɔ jɔjɔ bɛrɛ ɔgumi dɔ, i ɔa, “Amberɛ la terefie ka am aɔu dekem bo am ɔu bu ni. ²⁴ M suse am wɔ lɛɛ, ka, Nyɛmɛ nɔaniɛ kanfɔm ni nfɛmɛm beberebe koroori ka bu ɔu deke n bo am ɔu i ni, ama, ba ɔu má i, na ba koro ka bu ti deke n bo am ti i ni, ama, ba ti má i.”

Miɛnu fa kɔ Samariya sɔnɔ aɔunfɔ sifɔ be

²⁵ Na Nyɛmɛ nɔaniɛ kerefɔ be aba Yesu dɔ ka i ba sɔ i ɔgɛɛ. Na wɔ bisa Yesu ka, “Ya Kerefɔ, ye m yo sɛ wɔ, ye m nyá ɔgɔɔ n bo i la má awieeri n a?” ²⁶ Na Yesu abɔ i nu ka, “Ba kɛɛ i sɛ wɔ, Nyɛmɛ Jɔrɛ Kadasi n nu a? A ti i bu sɛ wɔ?” ²⁷ Na sɔnɔ n abɔ Yesu nu ka, “Ba kɛɛ ka, ‘Koro Micera u Nyɛmɛ ni, ni u ahorembaa kun, ni u awiewiɛ, ni u faɔga, ni u sunsunni kɛɛ, na a koro u beɔgu kabo a koro u ɔu ni.’ ” ²⁸ Na Yesu ase i ka, “A kan nahɔrɛ wɔ, yo sɔ na a nyá ɔgɔɔ.”

²⁹ Ama, na Nyɛmɛ nɔaniɛ kerefɔ n akoro ka i yo i ɔu ka i ti sɔnɔ bo i yo sa bo i kɔ atin su Nyɛmɛ dɔ ɔ, nyini ti, na wɔ bisa Yesu ka, “M beɔgu la ɔma a?” ³⁰ Na Yesu abɔ i nu ka, “Sɔnɔ be yo woori bɛrɛ a, na wɔ yasɔ Yerusalem ka i kɔ miɛ kpiri be su, bu fere dɔ ka Yeriko, na atin bujaanufɔm akɔ atara i ade i nenɔge kɛɛ, na ba bo i akɔ ayaki i ɔgɔɔ n kaan sɔ ɔ. ³¹ I ba yoori ka Nyɛmɛ sayoowa dɔɔnguyofɔ kpien be su nyini atin n su, ama, saɔga bo i kɔ ɔuuri sɔnɔ n bo atin bujaanufɔm abo i ni, na wɔ san asin ayaki i. ³² I tiiri sɔ bekun, na Levi busu nufɔ be susin bɛrɛ, na wɔ ɔu i, na i gusu asan asin. ³³ Ama, na Samariyafo be gusu ba bita nyini atin ni, na wɔ ba aɔu sɔnɔ ni, i ɔuuri i sɔ ni, na aɔunfɔ ati i. ³⁴ Na wɔ kɔ sɔnɔ n bi, na wɔ fa ɔguin ni nzan afa aɔmisi kambuem ni, na wɔ cici i, na wɔ fa sɔnɔ n na wɔ ma wɔ tana i kaako su, na wɔ fa i akɔ wɔfɔm deebiri, na wɔ kɔ anie i dika. ³⁵ Alecin na wɔ yi ɔwaa be ama sɔnɔ bo i nie awuru n su

ni. Na wɔ se i ka, ‘De na a niɛ i dika ma m, na m ba kpieeri m nyi baari, m tɔ deke kere bo a saaki i afa anie i dika ni.’ ³⁶ Tɔ, u sunsunni nu, nyini mine nsanm n nu, bonɔ kere ka i ti sonɔ n beɲgu a?” ³⁷ Na Nyeme noanie kerefɔ n abɔ i nu ka, “Sonɔ n bo i siiri i aɲunfɔ ni.” Na Yesu ase i ka, “Ko na a kɔ yo sɔ.”

Yesu ni Marata ni Mariya jɔre

³⁸ Saɲga bo Yesu ni i susufɔm n wo kɔ su ni, na ba kɔ aju mie be su, bara be woori dɔ, bu fere i ka Marata, na wɔ de Yesu wɔfɔ i dika. ³⁹ Marata la i niema be, bu fere i ka Mariya, na wɔ tana Yesu bi, na i suti kabo Yesu kere barasu ni. ⁴⁰ Ama, na wɔ yo Marata ahoresaaki kabo yiri ɲgumi wo juma yo su ni, nyini ti, na wɔ ba ase Yesu ka, “M Mibiɛ, u cɛɛ wo má nu ka m niema n ayaki juma n kere aji mini ɲgumi saa su, nzen se? Se i ka i ba buka m.” ⁴¹ Na Mibiɛ n abɔ i nu ka, “M danfo Marata, a fa juma beberebe ata u ɲu nyi, ye a suwaraki a, ⁴² ama, deke kun n kpein be akpie u su a. Mariya yiri, deke bo i ti kpa tara i kere ye wɔ yi i n a, na be wo má bere bo i koro de i dɔ.”

11

Kabo Yesu kereeri ya nyemesere atin barasu ni

¹ Cɛɛn n be sɔ ɔ, na Yesu wo nyemesere su awɔre be nu. I ba sere wieeri ni, na i susufɔm ni kun ase i ka, “Ya Mibiɛ, kere ya nyemesere atin, kabo Yohane kereeri i dɛɛ susufɔm ni.” ² Na Yesu ase bu ka, “Saɲga bo am ba susere Nyeme, am se ka o,

‘Ya Si Nyeme,

ma minɛm bu u duma casi ni.

Ma u femeya n bra.

³ Ma ya nɔɔ nu diire cɛɛn n kere cɛɛn.

⁴ Fa ya satie ce ya,

dama yere gusu fa ce bo bu do ya ɲgasi n wɔ.

Má a ma deke be yo ya na ya wura satie nu.’ ”

⁵ Na Yesu ase ka, “Ma m fa i ka, nzen am nu kun kɔɔri i danfo dika kɔɲgue jinanjin, na i kɔ se i ka, ‘M danfo, fie m kɔɔnɔ nsan. ⁶ M danfo atin natiirifɔ be aba m dika jina n nu bere lee, m gusu la má diire bo m fá ma i.’ ⁷ Na yiri n bo i wo sɔɔ n ase ka, ‘Má a mie m. Ma tu anɔ awie, na m nbaam da a. M koro yasu má na m má u pui.’ ⁸ Tɔ, m suse am wɔ lee, ka, má ka am ti danfoya n dɛɛ ti ye i yásu na i ma u kɔɔnɔ n a, ama, i bá yasu na i ma u deke kere bo a koro, dama ka a fie ni sere n dɛɛ ti.

⁹ Nyini ti, m suse am wɔ lee, ka, am sere deke bo am koro i Nyeme dɔ, na i má am. Am nienie deke bo am koro i dɔ, na am ɲú i. Am bobo anɔ ni, na i téke i ma am. ¹⁰ Dama sɔɔ kere bo i sere deke be Nyeme dɔ, i má i, na sɔɔ kere bo i nienie deke be, i ɲú i wɔ, na sɔɔ kere bo i bobo anɔ ni, i téke i ma i. ¹¹ Ambere bo am ti nbaasim ni, ɲma ye i wa sere i jombaa ye i mi kéte na i fá woo ma i wa n a? Ai, be yo má sɔ. ¹² Wara, ambere nu ɲma ye i wa sere i karafɔ ye i kéte na i fá bundaani ma i wa n a? Ai, be yo má sɔ. ¹³ Tɔ, ambere, haari ni bo am ti satieyofɔm ni, am si aceeri kpam bo am fa ce am nbaam, nzu ti ye nzen am sereeri am Si Nyeme bo i wo angoro ni, i koro ma má am Awiewie Casi n a?”

Kabo minɛm ɲa Yesu ni Sitana dɛɛ ti kun ni

¹⁴ Saɲga be na Yesu afɔn ayi ajini afite sɔɔ be ɲu, wɔ yo i bobo. Ajini n fite yakiiri sɔɔ n sɔ ni, na wɔ koro aɔjɔ. Na jama n ayo alekutura.

¹⁵ Ama, na mine nbem ase ka, “Belazɛbuli bo i ti ajinim kere deɛ femɛ n na bu kaaki fere i ka Sitana ni, yiri ma ahin sɔnɔ n yiko ye i koro fɔn yi ajinim a.” ¹⁶ Na nbem gusu akoro ka bu sɔ i ηγεε. Nyini ti, na ba se i ka i yo alekutura sa be bo i kere ka i yiko n fite Nyeme dɔ ɔ. ¹⁷ Ama, Yesu siiri bu sunsunni n sɔ ni, na wɔ se bu ka, “Femɛya kere bo i nya kpakpaakiiri nu wieeri, nyini femɛya ni ká ηgbɛɛn wɔ. Awuru gusu kere bo i kpakpaakiiri nu wieeri, nyini awuru ni sáandi wɔ. ¹⁸ Na nzen Sitana deɛ femɛya n nya kpaakiiri nu wieeri, i kóro jina a? Ai, i kóro jina má. Deke bo i ti na m se sɔ n la ka, am ηa Belazɛbuli ma m yiko ye m koro fa fɔn yi ajinim a. ¹⁹ Tɔ, ye nzen am ηa Belazɛbuli maari m yiko, ye m fa fɔn yi ajinim a, ye ηma maari am deɛ minem ni yiko ye bu bita fɔn yi bu n a? Nyini ti, kabo am minem yoori ni, nyini kere ka am la má nahɔre. ²⁰ Ama, Nyeme deɛ yiko nu ye mini fɔn yi ajinim a. Nyini n kere ka, Nyeme wo am nu sunie i minem su lɛɛ.

²¹ Nzen sɔnɔ fanɔfaɔ nya faari i biɛsɔya nenɔge kere jina ηmindaari i dika, pui koro yo má i awuru n nu nenɔge be. ²² Ama, nzen sɔnɔ nyinga nya taraari i fanɔa, i koro tu ηgoni ni yiri na i kunma i fanɔa, na i de i biɛsɔya nenɔge n bo i daafi i ηu ni, na i fin i nenɔge kere kɔ na i ni i benɔm kɔ kpaaki nu.

²³ Sɔnɔ kere bo i jina má m sin, i mi ti m kpɔfɔ ɔ. Na sɔnɔ kere gusu bo i buka má m na ya tien minem nɔɔ, i mi sandi minem wɔ.

²⁴ Nzen ajini nya fite yakiiri sɔnɔ, i kɔ jengbe bara ye boro kpantain nu wɔ, deke bo nzue wo má, na i kɔ nienie woobiri bo i tana yi i ηumi. Nzen wɔ nya má woobiri, nyini sanɔa, a ti ka i ηa, ‘Ma m kpie m nyi kɔ m woobiri dawa ni.’ ²⁵ Na i kaaki kɔ, i kɔ ηu ka ba kpara dika n nyunyumi, asese deke kere su. ²⁶ Na i nyá kɔ fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini sanɔa, a ηu ka sɔnɔ n woowa ayo tie atara kabo i yo ti dawa ni.”

²⁷ Sanɔa bo Yesu seeri sɔ wieeri ni, bara be wo jama n nu, na wɔ se Yesu ka, “Terefie wo bara n bo i wuuri u na i maari u nyufini n dɔ.” ²⁸ Ama, na Yesu ase i ka, “Terefie wo minem bo bu ti Nyeme nɔanie n na bu de i ni dɔ a.”

Kabo Yesu keteeri ka i yo má alekutura sa bo bu koro i ni

²⁹ Sanɔa bo minem sutien bu nɔɔ bara ye Yesu sɔ ni, na wɔ se bu ka, “Amberɛ nyumafɔm ti satieyofɔm wɔ. Am koro ka m yo alekutura sa na am ηu i wɔ, ama, m yó má i, má ka alekutura sa n bo Nyeme yo yoori i maari i nɔanie kanfɔ Jona ni ηgumi. ³⁰ I ti sɔ lɛɛ, kabo sa n bo i yo tuuri Jona n kereeri Ninevafɔm ka Nyeme sunmaari i ni, sɔ ye sa n bo i bá tu mini Adamande Wa n gusu kére amberɛ nyumafɔm ka Nyeme asunma m a. ³¹ Femɛ bara be yo fiteeri haari i bɔsu Seba wɔ, na i ba ti Femɛ Solomon deɛ ηɔnle jɔjɔwa nɔanie ni. Jina cɛɛn, yiri bá yasu jina na i járaiki amberɛ nyumafɔm nahɔre su, dama kisa, m suse am wɔ ka, mini tara Femɛ Solomon, ama, am ade má m nɔanie ni. ³² Jona yo kaanri Nyeme jɔre kereeri Ninevafɔm na ba kaaki bu wo. Jina cɛɛn, bere bá yasu jina na bu járaiki amberɛ nyumafɔm, dama kisa, m suse am wɔ ka, mini tara Jona, ama, am akete ka am kaaki má am wo.”

Kabo Yesu kereeri anyumbaa kpa jɔre ni

³³ Na Yesu akaaki ase ka, “Sɔnɔ koro so má fitana su na i fa se fieɛwa nu, wara i fa ganɔa butu su. Ama, i fa taka deke su anɔgoro wɔ, adena minem bo bu ba wura awuru n nu n koro ηu asi. ³⁴ Ya nyumbaa ni ti ka fitana ma ya ηuniembaa n a. Nzen u nyumbaa nya ti kpa, u ηuniembaa n kere ta

wein n wɔ lɛɛ. Ama, nzen i nya ti má kpa, u ɲuniɛmbaa n kɛrɛ wo awosin nu wɔ lɛɛ. ³⁵ Nyini ti, si u ɲu sa na má a se ka wein wo u dɔ, ama, i ti awosin wɔ. ³⁶ Nzen u ɲuniɛmbaa n kɛrɛ woori wein nu, na awosin be awo má nu, i tá a papasi, kabo fitana sin ta wura u ni.”

Kabo Yesu ɲa Yudaƴɔm teretereƴɔm nbem bá ɲu anyumboro ni

³⁷ Saɲga bo Yesu jɔjɔ wieeri sɔ ni, na Farasifo be asere i ka i bra na bu di diire i dika, na Yesu akɔ awura ka i di diire ni. ³⁸ Na Farasifo n abirisi kabo Yesu aɲmisi má i ɲu ka, ye i sudi diire ni. ³⁹ Na Mibiɛ n ase i ka, “Ambere Farasifo, am ɲmisi am kɔpu ni am taale sin wɔ, ama, am kunnu ayi ni anyii sayoowam, ni sunsunni tiem wɔ. ⁴⁰ Ambere sinnzinm ni, sɔnɔ kɛrɛ si ka Nyeme yoori deke kɛrɛ kunnu ni i sin a. ⁴¹ Má nzen am fa deke bo i wo am kɔpu ni am taale kunnu ma yaarifɔm, má deke kɛrɛ bo am yo i, má i yo casi ma am wɔ Nyeme dɔ.

⁴² Ambere Farasifo ni, am bá ɲu anyumboro, dama am yi am jakam ma Nyeme wɔ, haari ni am maakunm, ni ɲgetem, ni nvannvanm kɛrɛ, ama, am yo má nahɔrɛ sam, na am kaaki koro má Nyeme. Wɔ yo daka ka am yo nyini sam saɲga kɛrɛ, na am fa jaka yiwam buka su.

⁴³ Ambere Farasifo ni, am bá ɲu anyumboro. Am koro ka am tana kpirikoro tanaabirim wɔ, am tientienbunɔɔ sɔɔm n nu, na am koro ka minem yo am anse ɲɔɔsu wɔ, na bu ma am jirima. ⁴⁴ Am bá ɲu anyumboro. Am ti ka faɲkunmam bo bu la má nyaari seewa be n wɔ, na minem nati su na bu si má ka faɲkunma lɛɛ.”

⁴⁵ Na Nyeme ɲɔaniɛ kereƴɔm n kun ase Yesu ka, “Ya Kereƴɔ, nzen a seeri sɔ, a kpiɛ nzukɔ asaɲga ya kɛrɛ mmɔɔ lɛɛ.” ⁴⁶ Na Yesu ase i ka, “Ambere Nyeme ɲɔaniɛ kereƴɔm ni, ambere mmɔɔ bá ɲu anyumboro. Am cici sɔɔri ɲɔnɔɔri sɔ minem wɔ, ama, ambere ni am tii soro má su ka am fa am saa kan i.

⁴⁷ Ambere bá ɲu anyumboro. Am yo faɲkunmam dɔɲgu fa ma Nyeme ɲɔaniɛ kanfɔm wɔ, bere bo am nam yo kuunri bu ni. ⁴⁸ Nyini kere ka ambere ni am tii saa woori sa n bo am nam yo yoori i n nu lɛɛ. Bere kuunri Nyeme ɲɔaniɛ kanfɔm n a, na ambere ata bu faɲkunmam. ⁴⁹ Nyini ti, ye Nyeme Aleciraƴɔ n seeri ka, ‘M súnma m ɲɔaniɛ kanfɔm, ni m jaramasam bu dɔ, na bu kún nbem, na bu kéré nbem wuwuruwa.’ ⁵⁰ Nyini ti, Nyeme cín ambere nyumafɔm sui fa kɔ kabo am nam yo kuunri Nyeme ɲɔaniɛ kanfɔm, fiteeri durunya n bumboori fa ba ju haari ni kisa ni. ⁵¹ Bu yo yoori sɔ ɔ, fite saɲga n bo bu kuunri sɔnɔ be bo bu fere i ka Abeli n fa ba juuri saɲga n bo bu kuunri sɔnɔ be bo bu fere i ka Zakariya ni. Yiri ye bu kuunri i Nyeme Sereebiri Awuru n nu, Casi Kere Casi Sɔɔ n ni Mikun yoowa yoobiri n aƴen n a. Nahɔrɛ ye m suse am n a, nyini sam kɛrɛ deɛ ti ye Nyeme bá cin ambere nyumafɔm sui n a.

⁵² Ambere Nyeme ɲɔaniɛ kereƴɔm ni, am bá ɲu anyumboro. Am akere má minem Nyeme atin, kabo i ti ye ni ka am kere bu ni, na ambere ni am tii akete ka am su má i atin n su, ye am akanda bo bu koro ka bu su i su ni.”

⁵³ Saɲga bo Yesu yasuri nyini dika n nu ni, na Nyeme ɲɔaniɛ kereƴɔm, ni Farasifo n afa i kɔpɔ agaya, na ba bisa i bisaawam beberebe, ⁵⁴ na ba boro bu nyi na bu sɔ i ɲɲɛɛ, adena i jɔjɔ wura Nyeme ɲgasi nu.

12

Kabo wɔ yo daka ka ya soro Nyeme ɲgumi ni

¹ Saŋga n bo nyini n kere suko su ni, na jama beberebe aba atien bu nɔɔ haari bu ko sutientien bu beŋgu ŋu. Na Yesu abo i bu ka i jojo, na wo du mo ase i susufom n ka, "Am si am ŋu sa ni Farasifom dee kpono ayiri n bo bu fa go kpono nu na i yasu ni. M suni bu dee burukoonu sayoowam wo.

² Deke be wo ma fiɛwa nu bo bu ba ŋu ma i, deke be gusu wo ma asiri nu bo bu ba si ma i. ³ Nyini ti, deke kere bo am jooori i kongue, bu ba jojo i wiesu wo. Na deke kere bo am tuuri i asuturi soro, bu ba bo i ndoori wo, na soro kere ti i."

⁴ Na Yesu akaaki ase ka, "M danfom, m suse am wo lee, ka, ma am soro minem bo bu koro kun anuniembaa ni, na nyini sin, bu koro yo ma pui kun ni. ⁵ Ama, m kere am soro bo i ti ye ni ka am soro i. Am soro Nyeme, yiri koro kun anuniembaa n a, na i kaaki la yiko bo i koro fa i ji cema sin nu. M suse am wo lee, ka, yiri ti soro bo am soro i a. ⁶ Am si ka njorem nnu nwaa ti kaan so o, ma so? Ama, bu kun n kpein mmoo wo ma bere bo Nyeme nie ma i dika. ⁷ Haari am tiɛmɛ mmoo bo i wo am tii su ni, Nyeme si i kere no. Nyini ti, ma am soro sere. Am la anyunuyi Nyeme do tara njorem beberebe."

⁸ Na Yesu akaaki ase bu ka, "M suse am wo lee, ka, soro kere bo i kan kereeri minem ka i ti m susufo, mini Adamande Wa n gusu ba kan kere Nyeme merkem n ka i mi ti m dee wo. ⁹ Ama, soro kere gusu bo i keteeri minem nyunu ka i ti ma m susufo, mini Adamande Wa n gusu ba kete Nyeme merkem nyunu ka i mi ti ma m dee. ¹⁰ Soro kere bo i jojo wuraari mini Adamande Wa ni ngasi nu, Nyeme fa i mi ngasi ce i, ama, soro kere bo i jojo wuraari Awiewie Casi ni ngasi nu, Nyeme fa ma i mi ngasi ce ma i. ¹¹ Saŋga bo bu ba faari am baari bu tientienbunoo soom nu, wara nfemem ni nfangafom nyunu ka bu di am jore, ma am ma am ahore saaki fa ko kabo am jojo barasu. ¹² Dama nyini saŋga n ba juuri, Awiewie Casi ni kere am noanie kere bo wo yo daka ka am jojo i a."

Miɛnu fa ko soro nengefɔ sinnzin be su

¹³ Soro be woori jama n nu, na wo se Yesu ka, "M Kerefɔ, se m goro ka i kpaaki aja bo ya si ayaki i ama ya n nu, na i fa m dee ma m." ¹⁴ Na Yesu ase i ka, "Woro, nma ayi m, ka m di am jore na m kpaaki am aja nu ma am a?" ¹⁵ Na Yesu ase jama n kere ka, "Am nie am tii su dongu na am si am ŋu sa fa ko anyii barasu kere sa, dama soroombiri nenge ti ma i ngoo, haari i mi n koro i la i ka se." ¹⁶ Do na Yesu abo bu ahin miɛnu ni, i na, "Soro nengefɔ be yo woori bere a, na wo do i fie, na wo nya diire beberebe. ¹⁷ Na wo sunsun i tii nu na wo se ka, 'M la ma deke bo m fa ahin diire n kere se. Ye m yo se wo?' ¹⁸ Na wo se ka, 'Kabo m yo yaa, m sun m bondom kere ji wo, na m ta ngbingbirim, na m fa m diire n ni nenge kere bo m la bu n wura nu. ¹⁹ Na m nya se ka ma di terefie, puitiripui kpie ma m su kun, m tana a, ahin afɔ nye nye n kere, na m di na m nu na m ahore jo.' ²⁰ Ama, na Nyeme ase i ka, 'Woro sinnzin ngbeen ni. Ahin kongue n nu bere, m yi u ngoo n fite u do. Na m nie ka nyini nenge n kere bo a tien i nɔɔ ni ka nma dee wo?' " ²¹ Na Yesu akaaki ase bekun ka, "I ti so o lee, fa ko minem bo bu kpini nenge beberebe fa se durunya n nu fen ni, ama, Nyeme do, bu la ma pui."

Kabo Yesu na ma ya tana koko ni

²² Na Yesu ase i susufom n ka, "Nyini ti, m suse am wo lee, ka, ma am tana sukoko fa ko am ngoo su, kabo am di, na ma am kaaki sukoko fa ko am nunie su, kabo am nya suturam bo am fa wura na am kara. ²³ Dama

ngɔɔ tara diire, na aɲuniembaa n gusu tara suturam. ²⁴ Am niɛ anumam, haari ni bo bu dɔ má ni, na bu kaaki kpɛ má ni, bu la má bondo gusu, bo bu fa diire wura nu, se Nyemɛ ma bu diire ye bu di a. Amberɛ la anyunuyi tara anumam e. ²⁵ Am nu, ɲma tana koko fa kɔ i koroowam su ye i mi koro buka i ngɔɔ tintiin su haari kaan sɔ a? Ai, be wo má bɛɛ. ²⁶ Nzen am koro yo má nyini deke n kaan n be sɔ, nzu ti ye dekem bo bu kaari n kɛɛ mie am a? ²⁷ Am niɛ kabo wuram bo pum barasu barasu a. Bu yo má juma be, bu kaaki tu má gise. Ama, m suse am wɔ lɛɛ, ka, haari Fɛmɛ Solomon ni i nenɛ n kɛɛ bo i yo la i ni, wɔ la má sutura bo i yo nyumi juuri nyini wura pum ni be. ²⁸ Nzen wuram bo bu wo bɛɛ nyuma, na ahunma a ɲú ka ba kpɛ bu na bu yara bu, ye Nyemɛ niɛ bu dika, nzu ti ye i níɛ má amberɛ bo am tara wuram co n a? Amberɛ, am la má yarada fieo. ²⁹ Nyini ti, saɲga kɛɛ, má am ma am sunsunni wo deke bo am dí, ni deke bo am nú su. Má am tana koko fieo. ³⁰ Dama durunya n nufɔm bo bu su má Nyemɛ ni, bɛɛ sunsun sɔ ɔ saɲga kɛɛ. Am Si Nyemɛ si ka am koro nyini dekem ni. ³¹ Má am yo sɔ, ama, am kpini Nyemɛ fɛmɛya n busu ka, na i nyá ba fa nyini dekem n buka am su.”

³² Na Yesu akaaki ase ka, “Má am soro sɛɛ, haari ni bo am ti ka nbɔɛm bo bu sunnu má ni, dama am Si Nyemɛ ayi am ka am ni yiri sáɲga di i fɛmɛya n a. ³³ Am tɔ am deke bo am la i, na am fa ɲwaa n ma yaarifɔm. Am kpini ajeke seebiri bo i saaki má n busu. Am fa ajeke bo i kpɛ má su n fa se Nyemɛ dika n nu, dɔ ye awiefɔ koro wura wɔ má i a, na watarawam gusu koro muka má i. ³⁴ Dama deke bo am ajeke wo ni, am ahorembaa kɛɛ gusu wó dɔ ɔ.”

Kabo Yesu ɲa i susufɔm ni kpa bu ɲu ɲminda i saɲga kɛɛ ni

³⁵ Na Yesu ase ka, “Am kpa am ɲu wɔ, na am so am fitana sunɲminda. ³⁶ Am yo sɔ ɔ, ka minɛm bo bu tana ɲminda bu mibiɛ bo wɔ kɔ konyaya, na i bá n wɔ, na saɲga bo i ba boboori aɲɔ n kpenɲa ni, bu kába teke i wɔ na i wúra. ³⁷ Terefiɛ wo nyini akɔɔm n dɔ, nzen bu mibiɛ n ba ɲu ka bu toko tana ɲminda i. Nahɔɛ ye m suse am n a, i má bɛɛ tana a, na yiri ni i tii fá diire ba ma bu na bu di. ³⁸ Nzen haari i kpɛeri i nyi ba juuri kɔɲɲue jinanjin, wara akɔnyuma bo saɲga, na i ba ɲu ka bu toko tana ɲminda i, terefiɛ wo bu dɔ. ³⁹ Am si tenle ka nzen má awurufɔbie n si saɲga bo awiefɔ ni bá i dika na i ba wɔ i, má i tana ɲminda a, na awiefɔ n koro ba wura má. ⁴⁰ Amberɛ gusu kpa am ɲu saɲga kɛɛ, dama mini Adamande Wa ni bá saɲga bo am sunsun má ka m bá n wɔ.”

⁴¹ I jɔjɔri sɔ n na Petoro abisa i ka, “Ya Mibiɛ, a bo ahin miɛnu n ni yɛɛ wɔ, nzen a ni sɔɲɔ kɛɛ wɔ?” ⁴² Na Yesu abisa i ka, “Amusuisufɔ kpɛn n bo i la dabuɲu na i kaaki la alecira n la ɲma a? Yiri la bo i mibiɛ n afa amusuisufɔ nyɲɲam awura i saa nu ka i kpaaki diire nu ma bu, saɲga bo i ti ye ni ka i ma bu ni. ⁴³ Nzen i mibiɛ n ba ɲuuri ka i suyo juma n kabo i seeri i ka i yo i ni, terefiɛ wo nyini amusuisufɔ n dɔ. ⁴⁴ Nahɔɛ ye m suse am n a, nyini amusuisufɔ n mibiɛ ni fá i aja kɛɛ wura i saa nu wɔ, na i níɛ i dika. ⁴⁵ Ama, nzen i ti amusuisufɔ tiefɔ, i súnsun ka i mibiɛ ni kpɛ má i nyi ba má nde. A ɲu ka i subo amusuisufɔ nyɲɲam ni, bu nbiesɔm ni nbaram kɛɛ, na i sudi na i sunu nzan bo, ⁴⁶ dɔ na i mibiɛ n bá kpɛ i nyi ba cɛɛn bo i sunsun má ka i bá, na i kaaki si má ba n saɲga ni. Nyini saɲga n na i mibiɛ n cín i sui agaya, na i fá i bo minɛm bo bu yo má i yarada n su.

⁴⁷ Na nzen amusuisufɔ n si deke bo i mibiɛ n koro ka i yo i, na wɔ yo má siriya na i yo deke bo i mibiɛ n koro ka i yo ni, i bó i wɔ nyunyumi.

⁴⁸ Ama, nzen amusuisufo bo i si má deke bo i mibiε n koro ka i yo i, na i yoori deke be bo i ti ye ni ka i cin i sui, i dεε suicin n ti kaan so o. Sono kεre bo bu ce i aceeri beberebe, i ti ye ni ka i mi fa yo deke bo wo yo daka ka i yo i, na sono kεre bo Nyeme ce i aceeri beberebe agaya, i ti ye ni ka i mi su i ko tara so.”

Kabo Yesu na wo fa kpakpaakinu aba ni

⁴⁹ Na Yesu akaaki ase bu ka, “Ma fa Nyeme jore n aba ka i yara durunya n nufom ka sin dεε su wo. Má nyini sin n jeeri kisa, má m koro. ⁵⁰ Ama, m la wahara be bo i ti ye ni ka m di i, má ka ma di i awie, m ahore dá má. ⁵¹ Am sunsun ka ma fa tanalaifie aba durunya n nu a? Ai, m suse am wo lee, ka, ma fa má tanalaifie baari a, ama, ma fa kpakpaakinu aba a. ⁵² Fite kisa fa ko, awuru kun nufom mine nnu kpakpaaki nu. Mine nsan tí bu busu bu ngumi wo, na mine nnyo tí bu busu bu ngumi. ⁵³ Baabieso ni i si koro má bu bengi jore, na baabara ni i ni koro má bu bengi jore, na baa n ni, ni i wa yi koro má bu bengi jore.”

Kabo Yesu jarakiiri minem ka bu si má sam bo bu suyo n bu ni

⁵⁴ Na Yesu ase jama n ka, “Sanga bo am nu ka nzue yinyingu atien i noo wie afiiri, a ti ka am na, nzue bá nyuma, a nu ka i bá a gusu. ⁵⁵ Na sanga bo am nu ka anuma sukpie fite nyunu ndiema bie su, a ti ka am na, nyuma wie fite agaya, a nu ka i fite wo. ⁵⁶ Ambere burukonufom ni, nzu dεε ti ye am koro nie angoro ni asiengu na am si sam bo bu bá yo n a, ye am nie ye am koro si má sam bo bu suyo ahin sanga n bu a?”

⁵⁷ Na Yesu akaaki ase bu ka, “Nzu ti ye ambere ni am tii sunsun má na am si sa bo i ko atin su a? ⁵⁸ Nzen u ni be la jore, na nzen i koro ka i fa u ko joredifo do, jokoti tara i mi n jaa, na má jore n ju joredifo n do, má nyini, i mi ni cin u ko joredifo n do, na yiri gusu fá u ma dansaraka niefo ni, na yiri gusu nyá nyi u. ⁵⁹ M suse am wo lee, ka, nzen a woori do, na a to má kaari n kere awie má, a nyá má atin fite má dansaraka n nu.”

13

Kabo i ti ye ni ka ya kaaki ya wo barasu ni

¹ Nyini sanga n na mine nbem wo do, na ba se Yesu kabo Galilifo nbem yo koori ka bu ko yo yoowa ma Nyeme, na bu wo yo su ni, na Gomina Pilato gusu ama minem aba akun bu. ² Na wo se bu ka, “Ye kabo bu kuunri nyini Galilifom ni, am sunsun ka nyini kere ka bu dεε satie yoowa tara Galilifom kere dεε wo, nzen se? ³ Ai, i ti má so fieo. M suse am wo lee, ka, nzen am akaaki má am wo, ambere mmoo bá ka ngbeen so o lee. ⁴ Ye mine buru ni mocuem bo Silowam dεε awore n nu kobe bambaka n to goori bu nu n di? Am sunsun ka i kere ka bu dεε satie yoowa tara Yerusalemfom kere dεε wo, nzen se? ⁵ Ai, i ti má so fieo. M suse am wo lee, ka, nzen am akaaki má am wo, ambere mmoo bá ka ngbeen so o lee.”

Mienu fa ko damba baka n bo wo su má n su

⁶ Do na Yesu abo bu ahin mienu ni, i na, “Sono be yo woori bere a, ye damba baka jina i baka suuwa barasu barasum fie nu. Na wo ko anienie ka i nie, beni i nu suuwa su, ama, wo nu má puitiripui su. ⁷ Nyini ti, na wo ko ase fie n niefo n ka, ‘Nie, afo kun kun so nsan lee, bo m ba nie ahin damba baka n su ka, beni m nu suuwa a, ama, m nu má pui su. Nyini ti, kpie i ji. Nzu ti ye i jina bere susaaki asien n a?’ ⁸ Ama, na fie n niefo n abo i nu ka, ‘M mibiε, yaki i benle, na ya nie i ko ju afo kun bekun na ya

niɛ. M fúndu kunma bara ye i bu wɔ, na m gó i nanyeti. ⁹ Dɔ na nzen baka n suuri suuwa, i ti kpa, nzen wɔ su má, na a koro ma m kpiɛ i ji.' ”

Kabo Yesu tuntunri bara be Numiyi cɛɛn n ni

¹⁰ Numiyi cɛɛn n be sɔ ɔ, na Yesu wo minɛm kere su, tientienbunɔɔ sɔɔm kun nu. ¹¹ Bara be woori dɔ, ajini wo i ɲu, wɔ bu i wi, i afɔ buru ni mɔcɛ lɛɛ, i koro yasu jina má. ¹² Saɲga bo Yesu ɲuuri i n na wɔ bo afere i, na wɔ se i ka, “Bara, a nya u tii afite u tukpaki n nu.” ¹³ Saɲga bo Yesu suse sɔ n na wɔ fa i saa anana i ɲu, kpenɲa na wɔ tenɲe i ɲu ajina, na wɔ kansɪ Nyɛmɛ.

¹⁴ Ama, na yaa ati tientienbunɔɔ sɔɔ n kpɪɛn ni, ka Yesu atuntun sɔɔɔ Numiyi cɛɛn ni. Na wɔ se minɛm ni ka, “Ya la lesɛn bo wɔ yo daka ka ya fa yo juma, nyini ti, am bra nyini cɛɛnm ni, na bu bá tuntun am, ama, má Numiyi cɛɛn n yiri.” ¹⁵ Na Yesu ase i ka, “Amberɛ burukɔɔnufɔm ni. Numiyi cɛɛn ni, am ɲma nu ye i nyangɪ má i naani, wara i kaako, na i kɔ ma i nzue a? ¹⁶ Ye ahin bara ni mmɔɔ ti Abraham busu nufɔɔ, ye Sitana afa i ayo i dɛɛ, afɔ buru ni mɔcɛ lɛɛ, wɔ yo má daka ka m tuntun i Numiyi cɛɛn n na i nya laifɛ, nzen sɛ?” ¹⁷ I seeri sɔ n na wɔ wura i kpɔfɔm ni nyinse, ama, na minɛm n bɛrɛ ahore ajɔ fa kɔ alekutura sam bo wɔ yo bu n su.

Miɛnu fa kɔ aɛmbaa kaan be jɔrɛ su

¹⁸ Na Yesu akaaki ase bu ka, “Nyɛmɛ fɛmɛya n ti ka nzu wɔ? Ye m fá nzu deke fa sunsun kabo i ti a? ¹⁹ I ti ka aɛmbaa kaan kabo nyɛm mbaa ti n wɔ, bo sɔɔɔ be dɔɔri i fiesu ni, na wɔ fi, na wɔ nyi atɛtɛrɛki asambaa asambaa, na anumam akoro ayo bu tiɛrim su.”

Miɛnu fa kɔ kpɔɔ ayiri n su

²⁰ Na Yesu akaaki ase bu bekun ka, “Ye m fá nzu deke fa sunsun kabo Nyɛmɛ fɛmɛya n ti a? ²¹ I ti ka ayiri bo bu fa gɔ kpɔɔ samɛnɛ nu na i yasu ni, na bara be fa gɔɔri samɛnɛ bebɛrɛbe nu, na i kɛrɛ yasuuri n wɔ.”

Kabo Yesu jɔɔ fa kɔɔri anɔ n bo i ti fii n su ni

²² Yesu sukɔ Yerusalem miɛ kpɪri n su ni, na wɔ nati asin miɛ ɲgbingbirim ni kan kanm su, sukere minɛm. ²³ Na sɔɔɔ be abisa i ka, “Ya Mibiɛ, minɛm bo Nyɛmɛ dé bu tii ji ni, bu sunnu, nzen bu sunnu má?” Na Yesu ase bu ka, ²⁴ “Am boro am nyi na am fa anɔ n bo i ti fii n na am wura, dama m suse am wɔ lɛɛ, ka, minɛ bebɛrɛbe bá koro ka bu wura, ama, bu bá koro wura má. ²⁵ Saɲga n ba juuri, awurufɔbiɛ ni yásu nyi anɔ n wɔ, nyini saɲga n na am jína anɔ n su, subobo, na am sére i jande ka, ‘Ya Mibiɛ, teke anɔ n ma ya.’ Na i gusu nyá se am ka, ‘Ai, m si má am sa.’ ²⁶ Dɔ na am sé i ka, ‘Ya ni wɔrɔ yo diiri a, na ya nu, na a kere minɛm ni yere kɛrɛ, ya bɔsu dɔ.’ ²⁷ Ama, na i káaki se am bekun ka, ‘Amberɛ satɛyofɔm ni, m si má am sa fieo, am cinsi m bi bɛrɛ.’ ²⁸ Na am ɲú ka Abraham, ni Izaki, ni Jakɔbu, ni Nyɛmɛ nɔaniɛ kanfɔm ni, ka bu wo Nyɛmɛ fɛmɛya n nu, na kabo ba fa amberɛ atu dasin ni, dɔ na am sún, na am kán am saa. ²⁹ Na minɛm fite durunya n awɔrɛ nna n kɛrɛ nu, na bu bá tana Nyɛmɛ fɛmɛya n nu, na bu dí na bu nú. ³⁰ Am ti fɛn. Minɛm bo bu wo mɔ kisa ni, bá ka sin, na bo bu ka sin kisa n bá du mɔ.”

Kabo Yesu ahore saaki maari Yerusalemfɔm barasu ni

³¹ Nyini saɲga n na Farasifɔ nbem aba Yesu dɔ aba ase i ka, “I ti ye ni ka a ɲmati fite fɛn, na a kɔ deke be, dama Fɛmɛ Herode koro ka i kun u wɔ.” ³² Na Yesu ase bu ka, “Am kɔ na am kɔ se nyini ɲaaku sɔɔmbiri ka o,

‘Ti fen. M sufɔn ajinim fite minem ɲu wɔ, na m ma tukpakifɔm nya laifɛ, nyuma ni ahunma ɲgumi wɔ, na ahieni na m wɛ m juma.’ ³³ Haari ni nyini mmɔɔ, wɔ yo daka ka m sukɔ ɔ, nyuma, ni ahunma, ni ahieni, dama Nyemɛ nɔaniɛ kanfɔ kere ti ye ni ka bu kun i Yerusalem miɛ kpiri n nu wɔ.”

³⁴ Na Yesu abo awie ase ka, “Oɪ, amberɛ Yerusalemfɔm. Amberɛ kuunri Nyemɛ nɔaniɛ kanfɔm n a, na minem bo Nyemɛ sunmaari bu am dɔ ni, am atu bu yabuɛ. Saɲga kere m koro ka m tien am nɔɔ, na m fa m saa bara ye am, kabo akɔ tien i nbaam nɔɔ, i lanƙpetɛ nu ni, ama, am soro má m su. ³⁵ Am niɛ fen, Nyemɛ yáki am nu ji. M suse am wɔ lɛɛ, ka, fite kisa fa kɔ, am ɲú má m kun, má ka saɲga bo am bá se ka, “Terefiɛ wo yiri n bo i suba Micɛra n dɛɛ duma n nu n dɔ.’ ”

14

Kabo Yesu tuntunri sɔnɔ be ɲumiyi cɛɛn ni

¹ ɲumiyi cɛɛn n be sɔ ɔ, na Farasifɔm kpiɛn be afere Yesu ka i bra i dika na bu di diire, na Yesu akɔ. Saɲga bo i wo diire n di su ni, na mine aba atana suyi i kɔresi. ² Kpenɲa na sɔnɔ be ayasu ajina Yesu nyunu, i saam ni i jaam kere awura, ³ Yesu ɲuuri sɔnɔ n sɔ ni, na wɔ bisa Nyemɛ nɔaniɛ kerefɔm ni, ni Farasifɔm n ka, “Ya dɛɛ atin n su, atin wo nu ka ya tuntun tukpakifo ɲumiyi cɛɛn ni, nzen atin wo má nu?” ⁴ Ama, ba bɔ má i nu, na Yesu ama sɔnɔ n anya laifɛ, na wɔ ma i atin na wɔ kɔ. ⁵ Dɔ na wɔ nya abisa bu ka, “Am nu ɲma ye nzen i wa baabiesɔ, wara i naani, toori bura nu, ɲumiyi cɛɛn ni, ye i mi kába yi má i fite má?” ⁶ Ama, ba koro abo má i ahin bisaawa n nu.

Kabo Yesu tuuri bu fɔ fa kɔ kpirikoro sam su ni

⁷ Na Yesu aɲu kabo wɔfɔm nbem sunienɛ kpirikoro tanaabiri na bu tana ni, dɔ na wɔ bo ahin miɛɛnu ni, akere bu kere. ⁸ I ɲa, “Saɲga kere bo sɔnɔ be ba fere u ka a bra ba di konyaya diire i dika, a kɔ, má a tana jirima tanaabiri ni, a yoori sɔ, a kɔ ɲu ka wɔ fere sɔnɔ be bo i tara u, ⁹ nyini saɲga n na sɔnɔ n bo wɔ fere am kere ni, yiri nyá ba u dɔ na i bá se u ka, ‘M dɔn, yasu ma ahin sɔnɔ n tanaabiri.’ Nyini saɲga, a ɲu ka wɔ wura u nyinse lɛɛ, na a kó kaan kɔɔbiri. ¹⁰ Ama, sɔnɔ fereeri u ka a bra i dika ba di diire, a kɔ juuri, du mɔ kɔ tana kaan tanaabiri ka. Dɔ na sɔnɔ n bo wɔ fere u ni, yiri nyá ba u dɔ na i bá se u ka, ‘M dɔn, yasu bra na a ba tana ahin tanaabiri nyunyumi ni.’ Nyini n sɔ koro wura u kpiri, u benɲu wɔfɔm kere n nyunu a. ¹¹ Dama sɔnɔ kere bo i wura i ɲu kpiri, Nyemɛ yó i mi kaan wɔ, na sɔnɔ bo i yo i ɲu kaan, Nyemɛ wúra i mi kpiri.”

¹² Dɔ na Yesu anya ase sɔnɔ n bo i baandiiri i n ka, “Saɲga bo a ɲa a fere minem na bu ba di diire u dika, má a fere u danfom, wara u ninbaam, wara u lamɔyam, wara u benɲum bo bu la ajɛɛ, nzen a yoori sɔ, bere gusu bá fere u cɛɛn n be sɔ ɔ, nyini saɲga ni, ba tɔ u kaari awie lɛɛ. ¹³ Ama, saɲga kere bo a ɲa a baandi mine na bu ba di diire u dika, baandi jaarifɔm, ni wɔbukam, ni bo bu saam ni bu jaam awu ni, ni anyinsinm. ¹⁴ A nya yoori sɔ, terefiɛ wo u dɔ. Bere koro tɔ má u kaari, ama, Nyemɛ bá tɔ u kaari a, cɛɛn bo minem bo bu yo sa bo i kɔ atin su Nyemɛ dɔ n bá tenge bu yiwee n nu ni.”

Miɛɛnu fa kɔ di ni nu bambaka n su

¹⁵ Yesu seeri sɔ n na wɔfɔm nu kun ase i ka, “Nka terefiɛ wo minem bo bu bá tana Nyemɛ femɛya n nu di diire n dɔ.” ¹⁶ Na Yesu ase i ka, “Sɔnɔ be yo woori bere a, na wɔ yo diire beberebe, na wɔ baandi jama beberebe ka

bu ba di diire ni. ¹⁷ Na sangga n bo diire n ba yoori siriya ni, na wɔ sunma i akɔɔ ka i kɔ se minem n bo wɔ du mɔ abaandi bu n ka, 'Am bra, deke kere ayo siriya.' ¹⁸ Na bu kun kun kere asere atin ka bu koro ba má diire n di. Na ciciri su dɛɛ sɔnɔ n ase akɔɔ n ka, 'Jande, m sere u wɔ, ma to asien, i ti ye ni ka m kɔ nie kabo i ti wɔ, m koro ba má.' ¹⁹ Na nyinga n ase ka, 'Ma to m tooram asese busu nnu, m koro ka m kɔ fa bu yo juma kisa kisa na m nie, m sere u wɔ jande, m koro ba má.' ²⁰ Na nyinga n gusu ase ka, 'Ma ja bara kisa lɛɛ, nyini dɛɛ ti, m koro ba má.' ²¹ Na akɔɔ n akpie i nyi akɔ ase i mibie n kabo minem kere ase i ni. Dɔ na yaa ati awurufobie n agaya, na wɔ se yiri akɔɔ n ka, 'Yo ndende na a kɔ mie kunnu atingberem kere su, na a kɔ fere jaarifom, ni wobukam, ni anyinsinm, ni minem bo bu saam ni bu jaam awu ni, na a fa bu bra.' ²² Wɔ ce má na akɔɔ n akɔ aba, na wɔ se ka, 'M mibie, ma yo kabo a seeri ka m yo ni, ama, fofoe toko ka.' ²³ Na awurufobie n ase i ka, 'Fite kɔ mie n aheme aheme, ni i korokam kere nu, na a kɔ fere minem ka bu bra, adena m awuru n yi ni jama. ²⁴ M suse am wɔ lɛɛ, ka, nyini minem kere bo m baandiiri bu na ba ba má ni, bere kun n kpein mmɔɔ nɔɔ kán má m diire n kun.' "

Kabo ya yaki deke kere na ya su Yesu su ni

²⁵ Sangga bo Yesu wo kɔ su ni, na jama beberebe asu i su, na wɔ ce anie bu, na wɔ se bu ka, ²⁶ "Sɔnɔ kere bo i koro ka i ba m dɔ, i koro yo má m susufɔ, má ka i mi akoro m atara i si, ni i ni, ni i yi, ni i nbaam, ni i ninbaam, ni i sinbaam, ni haari yiri mmɔɔ ni i tii. ²⁷ Sɔnɔ kere bo i koro sɔ má i yiwee baka jaanu n na i su m su, i mi koro yo má m susufɔ. ²⁸ Ma m fa i ka sɔnɔ ɲa i ta awuru, i du mɔ tana wɔ, na i bu akunta ka, na i nie ka i la ɲwaa bo i koro ju awuru n ta. ²⁹ Nzen i ɲwaa ju má bo i ta awuru n wie, na i boori i bu na wɔ wie má i, sɔnɔ kere bo i sin ɲuuri sa n bo wɔ yo i ni, i mi síri wɔ, ³⁰ na bu sé ka, 'Ahin sɔnɔ n boori i awuru n bu wɔ, ama, wɔ koro awie má i.' ³¹ Ma m kaaki fa i ka nzen feme bo i la i sojam akpii buru ye i koro ka i kɔ lue ni i benggu feme be bo yiri la sojam akpii aburanyɔ, i tána sunsun wɔ ka, na i nie ka i koro kun lue ni i benggu ni. ³² Nzen i ɲuuri ka i koro korɔ má nu, i dú mɔ sunma sɔnɔ ɔ, na i kpá i benggu feme n atin na i kó sere i ka, i má bu yo jɔre n dɔngɔ." ³³ Na Yesu ase ka, "I ti sɔ ɔ lɛɛ, ni ambere gusu dɔ, sɔnɔ kere bo i wara afi má i tienɲu deke, i mi koro yo má m susufɔ."

Njin bo i la má kperɛ n dɛɛ jɔre

³⁴ Na Yesu akaaki ase ka, "Njin yo fie, ama, nzen i fiɛfiɛ nya ba saari wieeri, i koro yo má fiɛfiɛ kun. ³⁵ I koro buka má asien ni mmɔɔ na i kaaki koro buka má nanyeti na i yo diire, ɲka bu fa butu wɔ. Bo i koro ka i ti ahin jɔre n bu, i ti ye ni ka i mi so i sui na i ti."

15

Miɛnu fa kɔ bɔɛ n bo i miniiri n jɔre

¹ Cɛɛn n be sɔ ɔ, na lampodefom ni satiyofom beberebe aba Yesu dɔ na bu ba ti i kereewam ni. ² Na Farasifom ni Yudafom Nyeme nɔanie kerefom n anɲuti, bu ɲa, "Ahin sɔnɔ n de satiyofom wɔ, haari na i ni bere sangga di diire wɔ mmɔɔ." ³ Dɔ na wɔ bo bu ahin miɛnu ni, i ɲa, ⁴ "Nzen ambere be nu la i nbɔɛm yaa, na kun miniiri, i mi yó se wɔ? I yáki nbɔɛ aburanyɔna ni ɲɔɔnam ni boro n nu wɔ, na i kó nienie kun n bo wɔ mini ni haari i bá ɲu i. ⁵ Sangga bo i ba ɲuuri wieeri ni, na i ahore jó na i fá i fa bo i betɛ, ⁶ na i fá i fa ba awuru. Dɔ na i fére i danfom ni i tanafom

kerε na bu tien bu nɔɔ, na i sε bu ka, 'M ahore ajo ka ma ηu m bɔε n bo i miniiri ni. Nyini ti, am ma m ni amberε kerε kunnu jo.' ⁷ M suse am wɔ lεε, ka, i tı sɔ ɔ lεε, nzen sɔnɔ kun kaakiiri i wo, ahorejo wɔ Nyemε dika n nu tara minε aburaŋgɔna ni ηgɔna bo bu ηa bu yo sa bo i kɔ atin su Nyemε dɔ na wɔ yo mǎ daka ka bu kaaki bu wo ni."

Miεenu fa kɔ ηwaa n bo i miniiri n jɔrε

⁸ Na Yesu abo bu miεenu bekun, i ηa, "Nzen bara be la i jete ηwaa buru, na kun miniiri, i mi yɔ sε? I sɔ sin su wɔ, na i kpára bara ye awuru n nu, na i níenίε deke n kerε, haari i bá ηu i. ⁹ Na sanja bo i ba ηuuri ni, i fére i danfom ni i tanafom kerε, na bu tien bu nɔɔ, na i sε bu ka, 'M ahore ajo ka ma ηu m ηwaa n bo i miniiri ni. Nyini ti, am ma m ni amberε kerε kunnu jo.' ¹⁰ M suse am wɔ lεε, ka, i ti sɔ ɔ lεε, nzen satieyofɔ kun kaakiiri i wo, ahorejo wɔ Nyemε merεkem n dɔ."

Miεenu fa kɔ biε be bo i wa miniiri n jɔrε

¹¹ Na Yesu akaaki abo bu miεenu be bekun, i ηa, "Sɔnɔ be yo woori bere a, i la nbaabiesom nnyɔ. ¹² Cεen n be sɔ ɔ, na kaan n ase i si n ka, 'M si, kpaaki u aja kerε nu na a fa m dεε ma m kisa.' Na i si n akpaaki aja n nu, na wɔ fa bu nnyɔ n kerε dεε ama bu. ¹³ Wɔ cε mǎ, na kaan n atɔ i dεε nenje n kerε bo i si n fa maari i ni. I nyaari ηwaa n wieeri sɔ ni, na wɔ yasu akɔ asien dede be su. Dɔ na wɔ kɔ adi ηwaa ni ηgbεenηgbεen haari na i kerε aba awie. ¹⁴ Sanja bo i ba diiri ηwaa n kerε wieeri n na ahɔε bambaka be atɔ nyini asien n su. Dɔ, wɔ la mǎ pui bo i di kun. ¹⁵ Nyini ti, na wɔ fa i ηu akɔ awura nyini asien n su miεbaa be saa nu, ka i yo juma ma i mi ni, adena i nya diire di. Dɔ na miεbaa n afa i akɔ i fiesu ka i kɔ sunίε i afam dika. ¹⁶ Na ahɔε aba ati i agaya, haari i ba koro ka i di afam dεε diire n be mmɔɔ ɔ, ama, be ama mǎ i deke be na i di. ¹⁷ Kasin, na wɔ ba anu i ηu ηgbεen fa kɔ sa n bo wɔ yo i n su, na wɔ bu i tii nu, na wɔ se i ηu ka, 'M si npadifom kerε di diire wɔ na i ka, ama, mini ba wo fen suwu ni ahɔε n a. ¹⁸ M kpíε m nyi kɔ m si dɔ ɔ, na m kó se i ka, "M si, ma do Nyemε ni wɔrɔ kerε ηgasi. ¹⁹ I ti mǎ ye ni ka a fere m ka u wa kun, fa m yo u npadifom ni kun." ' ²⁰ Dɔ na wɔ yasu na i kpíε i nyi kɔ i si dɔ.

Sanja bo i toko wo dede suba ni, na i si n anu i, na wɔ si i anunfɔ agaya. Na wɔ ηmati akpa i atin, na wɔ fa i saa abara ayε i, na wɔ biti i. ²¹ Na baa n ase i si n ka, 'M si, ma do Nyemε ni wɔrɔ kerε ηgasi. I ti mǎ ye ni ka a fere m ka u wa kun.' ²² Ama, na i si n afere i akɔɔm, na wɔ se bu ka, 'Am kɔ ndende na am kɔ nie suturam kerε nu bo i ti kpa, na am fa ba wura i, na am fa ηгаа ba wura i saa maraka, na am fa gbagbaa ba wura i jaa. ²³ Na am nya kɔ nie naanim n nu, na am tara bo i la anyunuyi bra, na am ba kpíε i kɔm yo i dɔngɔ, na am ma ya di na ya nu. ²⁴ Dama m ahin wa ni, i wuuri wɔ, ye wɔ tenje a, i miniiri wɔ, ye ma ηu i a.' Dɔ na ba bo i bu ni di ni nu.

²⁵ Nyini sanja n kerε baakpien n toko wo fiesu. I ba suba awuru, na sanja bo i ba dodoori awuru n na wɔ ti ka bu wo agɔrε gɔ su ni jue. ²⁶ Dɔ na wɔ fere i si akɔɔm kun, na wɔ bisa i ka, 'Nzu sa yoori awuru a?' ²⁷ Na akɔɔ n abɔ i nu ka, 'U niema ye wɔ ba awuru a, ye u si ama nɔɔ ye ya kpíε naani bo i la anyunuyi n kɔm, dama u niema n aba awuru ni laifíε n ti.' ²⁸ Na yaa ati baakpien ni agaya, haari na wɔ kete ka i wura mǎ awuru n nu. Nyini ti, na i si n afite aba asere i jande ka i wura. ²⁹ Ama, na wɔ se i si n ka, 'Ti fen, afɔ nye nye lεε bo m wo u dɔ yo juma ma u, ka m ti akɔɔ ɔ, ma kete mǎ u nɔanie be. A koro ama mǎ m puitiripui, haari sirimbaa

mmɔɔ ka m gusu fa na m ni m danfom fa di na ya nu. ³⁰ Ama, u ahin wa n yiri, wɔ fa u aja bo a fa ama i n ako boro, na wɔ kɔ ayo i koroowa ni nbarasakaram. Haari ni nyini n kere ni, i kpieeri i nyi ba juuri awuru ni, a ma nɔɔ ka bu kpie naani bo i la anyunuyi n kom ma i.' ³¹ Na i si n ase i ka, 'M wa, sangga kere mini ni wɔɔ wo bere a, deke kere bo i ti m deɛ ti u deɛ wɔ. ³² Ama, wɔ yo daka ka ya di na ya nu na ya gɔ agɔɛ, dama u niema ni, i wuuri wɔ, ye wɔ tenge a, i miniiri wɔ, ye ma ŋu i a.' "

16

Miɛnu fa kɔ amuisufɔ kpien n bo wɔ la má dabuŋu ni

¹ Na Yesu ase i susufom n ka, "Biɛ nenɛfɔ be woore bere a, i la i amuisufɔ kpien bo yiri niɛ i nenɛge n kere su a. Na minem aba nenɛfɔ n do aba se i ka i amuisufɔ kpien ni susaaki i nenɛgem ni. ² Nyini ti, na wɔ fere i, na wɔ se i ka, 'M suti jɔɛ nbem fa kɔ u do. Nyini ti, ba bu akunta kere m na m si kabo a bita m nenɛgem barasu, dama a koro niɛ má bu dika kun.' ³ Na amuisufɔ kpien n ase i tii nu ka, 'Ye kisa na m mibiɛ ni sufom m fite m juma n nu ni, m yó se wɔ? M la má fanɛga bo m koro do, m gusu nyunu asin ni bo m nati susere. ⁴ Eɛnhɛɛn, kisa m si kabo m yo, na haari nzen m ba fuunri m juma ni, m fún má m danfom bo m kó wo bu do.' ⁵ Nyini ti, na wɔ fere minem kere bo bu bita i mibiɛ n kaari n kun kun. Na wɔ bisa ciciri su deɛ sɔnɔ n ka, 'A bita m mibiɛ n kaari nye wɔ?' ⁶ Na wɔ bo i nu ka, 'M bita i ŋguin nzue sɔ ganɛga yaa kun wɔ.' Na amuisufɔ kpien n ase i ka, 'De u kaari kadasi ni, na a tana, na a kere ka a bita ganɛga aburunu wɔ.' ⁷ Na wɔ nya abisa nyinga gusu ka, 'Ye wɔɔ di, a bita kaari nye wɔ?' Na wɔ bo i nu ka, 'M bita i alembaa pirim bɔtɔ yaa kun wɔ.' Na amuisufɔ kpien n ase i gusu ka, 'De u kaari kadasi na a kere ka a bita pirim bɔtɔ aburamɔɔɛ wɔ.' ⁸ I mibiɛ ŋuuri sɔ ni, na wɔ kansu i fa kɔ nyini ŋɔnle bo i la i n su, haari ni bo i la má dabuŋu ni. Kabo i ti leɛ, durunya n nufom la ŋɔnle fa kɔ durunya n nu deɛ sayoowam n su tara minem bo Nyeme ma bu wo wein n nu ni."

⁹ Na Yesu ase bu bekun ka, "M suse am wɔ leɛ, ka, am fa durunya n nu deɛ fin ajekɛ bo am la i n fa tara danfoya, adena ajekɛ n ba ŋmati yakiiri am, na minem bá de am wura woobiri kpa bo i la má awieeri n nu.

¹⁰ Sɔnɔ kere bo minem koro daafi i ŋu ka i bita deke kaan ni nahɔɛ atin, yiri ye bu koro daafi i ŋu ka i bita deke bambaka mmɔɔ ni nahɔɛ atin a. Ama, sɔnɔ kere bo bu koro daafi má i ŋu ka i bita deke kaan ni nahɔɛ atin, bu koro daafi má i mi ŋu ka i bita deke bambaka mmɔɔ. ¹¹ Tɔ, nzen ambere la má dabuŋu bo am koro bita durunya n nu deɛ fin ajekem ni nahɔɛ atin, ŋma fá Nyeme deɛ ajekem wura am saa nu? ¹² Na nzen am la má dabuŋu bo am koro bita be deɛ ajekem ni nahɔɛ atin, ŋma fá deke bo i bá yo am tienɛgu deɛ ma am a?

¹³ Sɔnɔ kun koro sangga su má mibiɛm nnyɔ. Nzen i ŋa i yó sɔ, i kpó kun n wɔ, na i kóro nyinga ni, wara, i bóro i nyi su kun wɔ, na i bú nyinga ni ŋgbɛɛn. Am koro sangga su má Nyeme ni ajekɛ."

Kabo Yesu tuuri Farasifom fɔ barasu ni

¹⁴ Sangga bo Farasifom n tiiri ahin n kere n sɔ ni, na ba siri i, dama bu ti ŋwaa korofom wɔ. ¹⁵ Na Yesu ase bu ka, "Ambere ŋa am ti minem bo bu yo sa bo i kɔ atin su Nyeme do na minem ŋu am n a, ama, Nyeme yiri si am ahore su kere. Dama deke bo adamande sunsun ka i ŋusu nya má ni, nyini ye Nyeme kpɔ i a.

¹⁶ Nyeme Jore Kadasi n bo Moyisi ni Nyeme noanie kanfom kereeri i n wo bere ka, ye Yohane nya baari a, nyini n sin, na ba kan labari kpa n akere minem fa ko Nyeme femeya n su, na sono kere suboro i nyi ka i kpini atin na i wura nu. ¹⁷ I ti ma kekereke na angoro ni asiengu kere ba mini, ama, Nyeme dee noanie kpamaawa n kampiti so mmoo ka ma ngeen.

¹⁸ Sono kere bo i faari i yi jiiri na i jaari bara fofore, i mi n asaaki ajaa ciire lee. Na sono kere bo i jaari bara bo wo fite i hun ajaa bu, i mi n asaaki ajaa ciire lee.”

Mienu fa ko nengefɔ be ni Lazarosi jore

¹⁹ Na Yesu ase bu ka, “Nengefɔ be yo woori bere a, sangha kere sangha, i wura sutura kpa kpa bo i la go o, na i sudi i koroowa ceen n kere ceen.

²⁰ Na jaarifo be gusu wo bere, bu fere i ka Lazarosi, kambue abara aye i deke kere. Na bu sufa i ba tana nengefɔ n ano nu, ²¹ adena nengefɔ n ba sudi diire, na nzen be toto asiengu, na i gusu fa di. Haari na caam ba sutafi i kambue n nu. ²² Na sono jaarifo n aba awu, na Nyeme merkem aba afa i ako angoro Abraham bi. Na nengefɔ n gusu aba awu na ba se i, ²³ na yiri ako Yiweefom Woobiri. I wo wahara di su do so ni, na wo ye i tii su anu Abraham dede do, Lazarosi wo i bi. ²⁴ Do na wo bo afere Abraham ase i ka, ‘Ya si Abraham, si m anunfo. Na a sunma Lazarosi na i fa i saa maraka do nzue nu na i fa ba do m taferema, dama m wo wahara bambaka nu wo, sin nu fen.’

²⁵ Ama, na Abraham ase i ka, ‘Tenge su ka sangha bo a la ngoo wo durunya n nu ni, a yoori u koroowa a, na Lazarosi yiri adi durunya n nu wahara n kere. Ama, kisa yiri wo fie di su, ye woro wo wahara di su n a. ²⁶ Bekun, kunma ngongo wo u ni yere afien, bo be koro fite ma fen na i ko u bi. Be gusu koro fite ma u bi do na i ba ya do fen.’ ²⁷ Na nengefɔ n ase ka, ‘Ya si Abraham, m sere u wo, ka a sunma Lazarosi na i ko m si awuru n nu, ²⁸ m ninbaam nnu wo do, na i ko bobo bu ka bu si bu nu sa na ma bu ba wo ahin wahara bambaka woobiri n bo m wo ni.’ ²⁹ Na Abraham ase i ka, ‘Nyeme Jore Kadasi n bo Moyisi ni Nyeme noanie kanfom kere maari bu ni, i wo bu do. Wo yo daka ka bu so bu sui na bu ti i bu, na bu si bu nu sa.’ ³⁰ Na nengefɔ n ase i ka, ‘Ya si Abraham, bu de ma i. Ama, nzen sono fiteeri minem bo ba wu n do kori bu do, bu kaaki bu wo.’ ³¹ Ama, na Abraham ase i ka, ‘Nzen ba so ma bu sui na bu ti Nyeme Jore Kadasi n bo Moyisi ni Nyeme noanie kanfom kere maari bu ni, haari nzen sono tengeeri i yiwee n nu mmoo baari, bu de ma i.’ ”

17

Kabo Yesu kereeri minem fa ko nyemesu barasu ni

¹ Na Yesu ase i susufom n ka, “Sam nbem bo bu yo na bu fa mine wura satie nu ni, nyini sam ni ba yo sangha kere, ama, anyumboro wo sono kere bo i ma nyini sam yoori n do. ² Nzen ma bu faari ngani san yabue ciciiri i mi kom na bu fa i ko tuuri tieku nu mmoo, ma i ti ye tara bo i mi ma ahin yaradayofom n be wura satie nu.

³ Nyini ti, am si am nu sa. Nzen woro kere bo u niwa yoori u satie be, jaraki i, na nzen i kaakiiri i wo, na a fa i satie n ce i. ⁴ Nzen i yoori u satie ko jinaari haari kpe nso mmoo wie kun nu, na i baari u do ba seeri u ka, ‘Ma yo u satie,’ fa i satie n ce i.”

⁵ Na Yesu jaramasam n ase i ka, “Buka ya na ya yarada yo biiwa.” ⁶ Na Mibie n ase bu ka, “Nzen ma am la yarada bo i ko ju kabo nyem mbaa ti

ni mmɔɔ, má am koro se ahin koto baka n ka, 'Kpekiti ni u bunlui n kere na a kɔ jina tieku n nu,' má i de am nɔaniɛ n wɔ.

⁷ Ma m fa i ka, am nu, nzen be la akɔɔ na i wo fiesu wara i sasa nbɔɛm wɔ, na i ba baari awuru, am nu nma ye i kaba se akɔɔ n ka, 'Ba tana na a di diire' a? ⁸ Am be se má i sɔ da. Ama, kabo a se i n la ka, 'Yo m diire siriya, na a jina nmindanda na m di na m nu ka, na a nya kɔ yo u dɛɛ di.' ⁹ Nzen u akɔɔ n deeru u nɔaniɛ na i yoori juma bo a se i ka i yo i ni, a se má i ka, 'M da u asi.' ¹⁰ I ti sɔ ɔ lɛɛ, amɛrɛ gusu dɔ, sanɔa bo am ayo juma n kere bo am mibie n ase ka am yo i ni, am se ka, 'Yerɛ ti akɔɔm wɔ, ya ti má ye ni ka bu kansu ya, dama ya juma lɛɛ, ye ya yo i n a.' "

Kabo Yesu tuntuunri kokofɔ buru nbem na bu nyaari laifie ni

¹¹ Sanɔa bo Yesu sukɔ Yerusalem mie kpiri n nu ni, na wɔ sin Samariya ni Galili awɔrem n afien. ¹² I kɔ nja i wura mie kaan be nu, na i ni kokofɔ buru nbem ayɛ. Na ba jina dede ¹³ atien kpa ka, "Ya Mɔfɔ Yesu, si ya anɔnfo." ¹⁴ I njuuri bu sɔ n na wɔ se bu ka, "Am kɔ na am kɔ fa am nju kere Nyemɛ sayoowa dɔnguyofom ni, na bu fiiti am na bu nie." Na ba de atin sukɔ, bu wo kɔ su n na bu kere anju ka ba nya laifie. ¹⁵ Dɔ na bu nu kun njuuri ka wɔ nya laifie sɔ ni, na wɔ kpie i nyi aba Yesu dɔ sutien kpa sukansi Nyemɛ. ¹⁶ Na wɔ ba akutu haari Yesu jaa bu asiɛngu, na wɔ da i asi. Nyini sɔnɔ n ti Samariyafɔ ɔ. ¹⁷ Dɔ na Yesu abisa ka, "Má mine buru nyaari laifie a, ye nɔnɔ nyingam n wo ni? ¹⁸ Nzu ti ye ahin sɔnɔ n bo i ti má Yudafo ni nɔnɔ aba ka i ba da Nyemɛ asi a?" ¹⁹ Dɔ na wɔ se sɔnɔ n ka, "Yarada n bo a yo m ni, yiri ma a nya laifie a. Yasu na a kɔ awuru."

Kabo Nyemɛ Feme bá nie i minem su barasu ni

²⁰ Na Farasifo nbem abisa Yesu ka, "Ye sanɔa bɔnɔ ye Nyemɛ Feme bá nie i minem su a?" Na wɔ bɔ bu nu ka, "Sa be wo má berɛ bo i koro kere am sanɔa bo Nyemɛ Feme bá nie i minem su. ²¹ Be se má ka, 'Am nie, yiri yaa fen,' wara, 'Yiri lɛɛ dɔ.' Dama m se am nahɔre wɔ lɛɛ ka, Nyemɛ wo am nu fen jina n nu, sunie i minem su."

²² Na wɔ se i susufom ni ka, "Sanɔa suba bo am bá koro ka am nju mini Adamande Wa n ba sanɔa ni, haari cɛɛn kun mmɔɔ, ama, am nju má i. ²³ Nbem bá ba na bu sé am ka, 'Am nie, yiri lɛɛ dɔ,' wara, 'Yiri yaa fen.' Ama, má am fite kɔ su bu su. ²⁴ Dama mini Adamande Wa n ba cɛɛn ni, i tí kabo nzue kpɛɛ na i ta papasi bara ye deke kere n wɔ. ²⁵ Ama, kana ahin kere bá yo, wɔ yo daka ka m du mɔ di wahara beberebe, na amɛrɛ nyumafom bá kete m.

²⁶ Mini Adamande Wa n ba sanɔa ni yó kabo ya na Nowa sanɔa na i yoori n wɔ. ²⁷ Nyini sanɔa ni, sɔnɔ kere woori di ni nu su wɔ, na nbaram ni nbiesom suja bu bengum, fa kɔ juuri haari cɛɛn n bo Nowa wuraari lee bambaka n nu, na wɔmbu n ba diiri deke kere n wɔ. ²⁸ I yo sɔ ɔ lɛɛ bekun, ka Loti dɛɛ sanɔa ni. Nyini sanɔa ni, sɔnɔ kere woori di ni nu su wɔ, na nbem suto, na nbem suto, na nbem sudɔ dɔdɔri, na nbem suta fa. ²⁹ Cɛɛn n bo Loti fa yasuri Sodom mie kpiri n nu ni, nyini cɛɛn n ye sin ni ferewita sin fiteeri angoro a, na wɔ ba atɔ mie n nu adi deke n kere. ³⁰ Kabo cɛɛn n bo mini Adamande Wa ni bá yi m nju kere lɛɛ."

³¹ Na Yesu akaaki ase ka, "Nyini cɛɛn ni, wɔrɔ kere bo a wo kpata nu, na u nenɔge wo awuru n nu, má a wura gisan nu fa pui. I ti sɔ ɔ lɛɛ, wɔrɔ kere gusu bo a wo fiesu, má a kpie u nyi kɔ awuru. ³² Am tenɔge su fa kɔ sa bo i yoori Loti yi ni. ³³ Dama sɔnɔ kere bo i nja i kpini i nɔnɔ busu, i mi bá fun i, ama, na sɔnɔ kere bo i tɔri i nɔnɔ maari m, i mi nyá nɔnɔ. ³⁴ M

suse am wɔ lɛɛ, ka, nyini cɛɛn n kɔŋgue, mine nnyɔ ɔ dá dasu kun su wo daafiri su a, na Nyemɛ má bu bá fa kun n kɔ yaki kun ni. ³⁵ Na nbaram nnyɔ kási wo ngani san su, na Nyemɛ má bu bá fa kun n kɔ yaki kun ni. [³⁶ Na biesɔm nnyɔ bá wo juma yo su fiesu, na Nyemɛ má bu bá fa kun yaki kun ni.]” ³⁷ I susufɔm tiiri sɔ ni, na ba bisa i ka, “Ya Mibiɛ, nifansu ye ahin sam kɛɛ bá yo a?” Na wɔ bɔ bu nu ka, “Deke kɛɛ bo deke fuin nya wo, petɛm bara ye dɔ ɔ.”

18

Miɛnu fa kɔ bara kunafo n ni jɔɛdifo be jɔɛ

¹ Dɔ na Yesu abo miɛnu akere i susufɔm n ka wɔ yo daka ka bu sere Nyemɛ sanɔga kɛɛ, na má bu yaki i sere. ² I ɲa, “Jɔɛdifo be woori miɛ be su a, i soro má Nyemɛ, na i kaaki bu má be. ³ Na bara kunafo be awo nyini miɛ n su, sanɔga kɛɛ i ba jɔɛdifo n dɔ ɔ, na i ba sere i ka, ‘Jɔɛ bo mini ni m kpɔfo n bita i ni, buka m na m nya nahɔɛ.’” ⁴ Na wɔ cɛ bo jɔɛdifo n bɔ má i n nu. Ama, na kasin, na wɔ ba asunsun i tii nu, na wɔ se ka, ‘Haari ni bo m soro má Nyemɛ na m bu má be ni, ⁵ ama, kabo sanɔga kɛɛ na ahin kunafo n bita kpiɛ m daafiri n dɛɛ ti, m má i nya nahɔɛ wɔ. Nzen ma yo má sɔ, i suba m dɔ sɔ ɔ, haari i bá ma m wara yi m ɲu.’”

⁶ Na Yesu akaaki ase bu ka, “Ye m ɲa am ati kabo nyini jɔɛdifo findifo n seeri ni. ⁷ Ye nzu ti ye Nyemɛ búka má i dɛɛ minem bo bu sun fere i kɔŋgue ni wiesu kɛɛ a, na bu nyá nahɔɛ a? I cé má ni bu buka. ⁸ M suse am wɔ lɛɛ, ka, i búka bu wɔ na bu nya nahɔɛ ndende. Ama, haari ni nyini mmɔɔ, sanɔga bo mini Adamande Wa n ba baari, m bá ɲu minem bo bu toko yo m yarada, nzen se a? Ai, m ɲú má be.”

Miɛnu fa kɔ Farasifo n ni lampodefɔ n jɔɛ

⁹ Na Yesu akaaki abo ahin miɛnu n akere minem bo bu sunsun ka bere yo sa bo i kɔ atin su Nyemɛ dɔ na bu bu má be ni. ¹⁰ I ɲa, “Cɛɛn n be sɔ ɔ, na mine nnyɔ nbem akɔ ka bu kɔ sere Nyemɛ, Nyemɛ Sereebiri Awuru n nu. Kun n ti Farasifo ɔ, na nyinga n ti lampodefɔ. ¹¹ Na Farasifo n ajina i ɲgumi abo i hoe asere Nyemɛ ka, ‘Miceɛra Nyemɛ, m da u asi ka m ti má kabo mine nyingam ti barasu ni. M ti má anyiifo, m ti má findifo, m saaki má ajaa ciire, haari m ti má ka nyini lampodefɔ n bo i jina dɔ ni. ¹² Leso kun kun kɛɛ nu, m cici m nɔɔ kpe nnyɔ nnyɔ ɔ, na deke buru kɛɛ bo m la i, m yi i kun kun ma u wɔ.’” ¹³ Ama, na lampodefɔ n ajina dede, haari wɔ koro má ka i ye i tii su nie aŋgoro mmɔɔ, na wɔ fa i saa ataka i bengunu, na wɔ se ka, ‘Miceɛra Nyemɛ, m ti satieyofɔ ɔ, si m aɲunfo.’” ¹⁴ Na Yesu ase ka, “M suse am wɔ lɛɛ, ka, nyini mine nnyɔm ni sereeri Nyemɛ wieeri, na bu kɔ juuri awuru ni, Nyemɛ deeri lampodefɔ ni ka i ti sɔnɔ bo i yo sa bo i kɔ atin su i dɔ a, má Farasifo ni. Dama sɔnɔ kɛɛ bo i wura i ɲu kpiri, Nyemɛ yó i kaan wɔ, ama, na sɔnɔ bo i yo i ɲu kaan, Nyemɛ wúra i mi kpiri wɔ.”

Kabo Yesu yoori nbaatumam kisi ni

¹⁵ Cɛɛn be na mine nbem sufa bu nbaam ba Yesu dɔ ka i fa i saa nana bu ɲu na i yo bu kisi. I susufɔm n ɲuuri i sɔ ni, na ba tien minem n ɲu. ¹⁶ Ama, na Yesu afere nbaatumam ni, na wɔ se ka, “Am ma nbaatumam n bra m dɔ, má am fɔn bu. Dama bere ɲusu sɔ ye Nyemɛ femɛya n ti bu dɛɛ a. ¹⁷ Nahɔɛ ye m suse am n a, wɔɔ kɛɛ bo a de má Nyemɛ femɛya n nu jɔɛ kabo baatuma de deke i saa nnyɔ ni, a wúra má Nyemɛ femɛya n nu fieo.”

Nenɓeƴo n ni nyemɛsu jɔre

¹⁸ Na Yudafo nkprienkpienm be abisa Yesu ka, “Ya Kerefo sɔnɔ kpa, m yɔ se ye m bá nya ngɔɔ n bo i la má awieeri n a?” ¹⁹ Na wɔ bɔ i nu ka, “Nzu ti ye a fere m ka sɔnɔ kpa a? Be ti má kpa sin Nyemɛ ɲu. ²⁰ Ye m ɲa a si Nyemɛ nɔaniɛ maawam ni e, bu ɲa, ‘Má a saaki ajaa ciire. Má a kun sɔnɔ. Má a wɔ. Má a di kɔre daani. Bu u si ni u ni.’ ” ²¹ Na sɔnɔ n ase i ka, “Ma su nyini nɔaniɛ maawam n kere su haari m kaan nu.” ²² Yesu tiiri sɔ n na wɔ se i ka, “Deke kun be ye wɔ kpɛ u su a. Kɔ na a kɔ tɔ u aja n kere, na a fa ɲwaa n ma jaarifom, na a bá nya ajekɛ Nyemɛ dɔ, na a bra ba su m su.” ²³ Ama, sɔnɔ n tiiri sɔ n na i ahore asaaki, dama i la nenɓe agaya n dɛɛ ti. ²⁴ Na Yesu anie sɔnɔ n nyunu, na wɔ se i ka, “I ti kekereke bo nenɓeƴo wura Nyemɛ femɛya n nu. ²⁵ Kabo nyɔɔma sin misini bue nu ni, i ti má kekereke tara má kabo nenɓeƴo yo na i wura Nyemɛ femɛya n nu.” ²⁶ Minem ni tiiri sɔ ni, na ba bisa ka, “Ye nzen i ti sɔ e, ɲma koro fite nu a?” ²⁷ Na wɔ bɔ nu ka, “Deke bo adamande koro yo má i, Nyemɛ koro yo i.”

²⁸ Na Petoro ase i ka, “Tɔ, ye yere ayaki ya dekem kere susu u su e.” ²⁹ Na wɔ se bu ka, “Nahore ye m suse am n a, sɔnɔ kere bo i yakiiri i awuru, wara i yi, wara i ninbaam, wara i wufom, wara i nbaam, Nyemɛ femɛya n dɛɛ ti, ³⁰ i mi nyá nyinim ɲusu sɔ yaa i ngɔɔ su, na fa kɔ fa ba, i nyá ngɔɔ n bo i la má awieeri ni.”

Kabo Yesu jɔjɔ fa kɔɔri i yiwee n su kpe nsan su ni

³¹ Na Yesu afere i susufo buru ni nnyom n akɔ ahemɛ, na wɔ se bu ka, “Am ti fen. Ya sukɔ Yerusalem lee, dɔ ye bu kó yo mini Adamande Wa n kabo Nyemɛ nɔaniɛ kanfom akere ka bu yó m n a. ³² Na bu fá m wura minem bo bu ti má Yudafoɔm saa nu, na bu yó m anzasi, na bu kpɛ m nzukɔ, na bu yí nanzue gɔ m ɲu, ³³ na bu fín m ngbere, na bu nyá kun m, na i lesan cɛɛn, na m tɛngge m yiwee n nu.” ³⁴ Ama, i susufom n ati má i jɔjɔwa n be bu. Nyemɛ ayi má i nyi akere má bu, nyini ti, ba koro ati má i bu.

Kabo Yesu tuntuunri anyinsin be na i ɲuuri asi ni

³⁵ Saɲga bo Yesu kɔ sudodo miɛ kpiri be bo bu fere i ka Yeriko ni, na anyinsin be tana atin n nɔɔ su wo sere su. ³⁶ I tiiri ka jama n wo sin su ni, na wɔ bisa ka, “Nzu suyo a?” ³⁷ Na ba se i ka, “Yesu Nazaretifo ni susin a.” ³⁸ Dɔ na wɔ tien afere i, i ɲa, “Yesu, Femɛ Davidi anuma, si m aɲunfo.” ³⁹ Na minem n atien i ɲu ka i yaki naɲmiɛ. Ama, haari ni nyini mmɔɔ, na wɔ kaaki atien kpa abuka su ka, “Femɛ Davidi anuma, si m aɲunfo.” ⁴⁰ Yesu tiiri sɔ n na wɔ ka ajina, na wɔ se ka bu fa i bra i dɔ. Na ba fere i ama i. I ba dodoori ni, na Yesu abisa i ka, ⁴¹ “A koro ka m yo nzu ma u a?” Na wɔ bɔ i nu ka, “M Mibiɛ, m koro ka a ma m ɲu asi wɔ.” ⁴² Na Yesu ase i ka, “Nju asi bekun. Yarada n bo a yo m ni, nyini ma a nya laifɛ a.” ⁴³ Kpenɲa na wɔ kaba aɲu asi, na wɔ su i su, sukansi Nyemɛ. Jama n ɲuuri i sɔ n na bu kere gusu akansi Nyemɛ.

19

Yesu ni Zakayosi dɛɛ jɔre

¹ Yesu kɔ wuraari Yeriko miɛ kpiri n nu na wɔ koro ka i sin. ² Bie be woori dɔ, bu fere i ka Zakayosi, i ti lampodefom kere kprien wɔ, na i la ajekɛ agaya. ³ Na wɔ boro i nyi ka i ɲu Yesu na i si i. Ama, jama asunnu agaya n dɛɛ ti, wɔ koro aɲu má i, dama i ti sɔnɔ tika a. ⁴ Nyini ti, na wɔ

ɲmati adu jama n mɔ akɔ afun baka na i ɲu i, dama wɔ ɲu ka Yesu fá nyini baka n bu sin a. ⁵ Saɲga bo Yesu ba juuri nyini awɔrɛ n nu n na wɔ niɛ aɲgoro, na wɔ se i ka, “Zakayosi, jura bra ndende, dama wɔ yo daka ka m yo u wɔfɔ ɔ nyuma.” ⁶ Na wɔ jura ndende, na wɔ kɔ ade i wɔfɔ ni ahorejɔ bambaka. ⁷ Na bo bu ɲuuri i n kere aɲɲuti. Bu ɲa, “Ahin sɔnɔ n akɔ na i kɔ da satieyofɔ dika.” ⁸ Na Zakayosi ayasu ajina, na wɔ se Mibiɛ n ka, “M Mibiɛ, ti fɛn. M kpáaki m ajeke kere nu busu nnyɔ, na m fá bukun n ma yaarifɔm. Na nzen ma sisi be, m tó i sɔ ɲusu nna, na m fá ma i mi.” ⁹ Na Yesu ase i ka, “Nyuma dɛɛ cɛɛn n nu, Nyemɛ ade ahin awuru n nufɔm tii aji, dama ahin sɔnɔ ni mmɔɔ ti Abraham busu nufɔɔ. ¹⁰ Nahɔrɛ, mini Adamande Wa n baari ka m bá nienie minem bo ba mini n wɔ na m dé bu tii ji.”

Miɛnu fa kɔ akɔɔ buru nbem dabuɲu n jɔrɛ

¹¹ Saɲga bo minem ni toko so bu sui ti ahin jɔrem bo Yesu sujɔɔ bu ni, na Yesu akaaki abo bu miɛnu be, dama nyini saɲga ni wɔ ka kaan sɔ na i wúra Yerusalem mie kpiri n nu, na minem asunsun ka saɲga n akaba aju bo Nyemɛ bá niɛ i minem su lɛɛ. ¹² Nyini ti, na wɔ se bu ka, “Femɛ baa be yo woori bere a, cɛɛn be sɔ ɔ, na wɔ yasu ka i kɔ asien dede be su ka i kɔ di femɛya na i kpie i nyi ba. ¹³ Kana i ba kɔ ni, na wɔ fere i akɔɔm buru, na wɔ fa ɲwaa akpaaki bu kere nu, na wɔ se bu ka, ‘M kɔ wieeri, ambere si kabo am yo ahin ɲwaa n a, haari m bá kpie m nyi ba.’ ¹⁴ Nyini sɔnɔ n gusu, i minem akoro má ka i yo bu femɛ, bu kpɔ i wɔ, nyini ti, na ba sunma minem ka bu kɔ se ka, ‘Ya koro má ka ahin sɔnɔ n bá yo ya femɛ.’

¹⁵ Na sɔnɔ n akɔ adi femɛya ni, na wɔ kpie i nyi aba. I ba juuri kpenɲa i kaba tieɲri i akɔɔm ni nɔɔ ɔ, adena i si kperɛ bo ba nya i fite i ɲwaa bo i fa maari bu n nu. ¹⁶ Na akɔɔ n bo i du mɔ baari n ase i ka, ‘M mibiɛ, u ɲwaa n bo a fa maari m ni, ma nya i ɲusu buru abuka su.’ ¹⁷ Na i mibiɛ n ase i ka, ‘Nfan. Wɔrɔ akɔɔ kpa, kabo a kere ka a la dabuɲu niɛ deke kaan su ni, m má a niɛ miɛm buru su.’ ¹⁸ Na akɔɔ n bo i tɔ su nnyɔ su n aba, na wɔ se ka, ‘M mibiɛ, u ɲwaa n bo a fa maari m ni, ma nya i ɲusu nnu abuka su.’ ¹⁹ Na wɔ se nyini n gusu ka, ‘M má a niɛ miɛm nnu su.’ ²⁰ Na akɔɔm n kun be aba ase ka, ‘M mibiɛ, u ɲwaa n bo a fa maari m yaa, m fa pɔɔndiiri sanvuin nu fa seeri wɔ. ²¹ M soroori sere wɔ, dama a ti u sɔnɔ faɲgafɔ ɔ. A de deke bo i ti má u dɛɛ, na a kaaki kpie deke bo a dɔ má i.’ ²² Na wɔ se akɔɔ n ka, ‘Wɔrɔ akɔɔ tiefɔ ni, u nɔaniɛ n bo a jɔɔ i n ye m fá yo u ɲgbɛɛn a. A ɲa a si tenle ka m ti m sɔnɔ faɲgafɔ ɔ, na m de deke bo i ti má m dɛɛ, na m kaaki kpie deke bo ma dɔ má i, má sɔ? ²³ Tɔ, ye nzu ti ye a fa má m ɲwaa n akɔ ase má baɲkifɔm dɔ a? Na má m ba kpieeri m nyi baari, má m nya kperɛ buka su.’ ²⁴ Dɔ na wɔ se bo bu jina dɔ n kere ka, ‘Am de ɲwaa n fite i dɔ, na am fa ma akɔɔ n bo wɔ nya m ɲwaa n ɲusu buru abuka su ni.’ ²⁵ Ama, na ba se i ka, ‘Ya mibiɛ, ye yiri du mɔ la u ɲwaa n ɲusu buru e.’ ²⁶ Na wɔ se bu ka, ‘M suse am wɔ lɛɛ, ka, sɔnɔ kere bo i la deke be, bu má i be buka su wɔ. Ama, sɔnɔ kere bo i la má pui, haari ni nyini kaan n bo i la i ni, bu cín de i dɔ ɔ. ²⁷ Ama, m ahin kpɔfɔm bere yiri, má ba koro má ka m yo bu femɛ, am fa bu ba jina m nyunu fɛn na am kun bu kere.’ ”

Kabo Yesu wuraari Yerusalem ka femɛ dɛɛ su ni

²⁸ Yesu seeri sɔ wieeri ni, na wɔ du bu nyunu na bu kɔ Yerusalem mie kpiri n nu. ²⁹ I ba dodoori miɛm bo bu fere bu ka Befage ni Betani, nyini miɛm ni dodo buka n bo bu fere i ka Oliva Buka n wɔ, dama oliva bakam

gɔ su wɔ. Dɔ na wɔ sunma i susufɔm n nu nnyɔ, ³⁰ na wɔ se bu ka, “Am kɔ miɛ kaan n bo i wo am nyunu dɔ ni, am kɔ ɲa am wura miɛ n nu, am ɲú ka kaakobaa be minda, be nya fun má i. Am nyaŋgi i bra fɛn. ³¹ Nzen be bisaari am ka nzu ti ye am sunyaŋgi i a, am se i ka Mibiɛ ni koro i a.” ³² Na bɛrɛ n bo i sunmaari bu n akɔ, akɔ aɲu kaakobaa n ka i minda kabo i seeri bu ni. ³³ Saɲga bo bu sunyaŋgi i ni, na i fɔm n abisa bu ka, “Nzu ti ye am sunyaŋgi kaakobaa n a?” ³⁴ Na ba bɔ bu nu ka, “Mibiɛ ni koro i a.” ³⁵ Na ba fa i aba Yesu dɔ, na minɛm n atɛrɛki bu suturam anana kaakobaa n ɲu, na ba buka Yesu na wɔ fun. ³⁶ I fun tanaari su wieeri n na i wo kɔ su ni, na minɛm n afa bu suturam atɛrɛki ase atin n nu. ³⁷ Saɲga bo i ba dodoori Yerusalem miɛ kpiri n nu, fa kɔ awɔrɛ n bo i atin kaba cɔɔndi Oliva Buka n su ni, na i susufɔm beberebe sukansi Nyɛmɛ ni ahorejɔ, na bu subo kuyigindi, dama ba ɲu alekutura sakpakpam bo wɔ yo i n dɛɛ ti. ³⁸ Bu ɲa,

“Tɛrɛfiɛ wo fɛmɛ n dɔ,

Yiri n bo i suba Mícɛra n dɛɛ duma n nu ni.

Ahoreda wo aɲgoro,

na kansi wo Nyɛmɛ bo i wo aɲgoro n dɔ.”

³⁹ Dɔ na Farasifɔm nbem bo bu wo jama n nu n ase Yesu ka, “Ya Kɛrɛfɔ, tien u susufɔm n ɲu ka bu yaki naɲmiɛ.” ⁴⁰ Na wɔ se bu ka, “M suse am wɔ lɛɛ, ka, nzen má bɛrɛ yakiiri naɲmiɛ, má am ɲu ka yabuɛm bo bu da bɛrɛ n ayasu suyo naɲmiɛ.”

Kabo Yesu suunri Yerusalemfɔm n dɛɛ ti ni

⁴¹ Saɲga bo Yesu ba dodoori Yerusalem miɛ kpiri n na i ɲuuri i sɔ ni, na wɔ sun miɛ n dɛɛ ti, ⁴² na wɔ se ka, “Nzen má nyuma dɛɛ cɛɛn n nu am si sam bo bu fa ahoreda ba ni, má i ti má sɔ. Ama, kabo i ti ni, am koro ɲu má nyini sam ni. ⁴³ Saɲga ni suba bo am kpɔfɔm bá ta kanda bara ye am deke kɛrɛ na am kóro fite má nu. ⁴⁴ Bu kún am ni am nbaam, na bu fúfu am ahin miɛ n kɛrɛ pepere, haari yabuɛ kun n kpein mmɔɔ bá nana má i beɲgu su. Ahin n kɛrɛ bá yo sɔ, dama am asi má saɲga n bo Nyɛmɛ baari ka i ba de am tii ji ni.”

Kabo Yesu fɔɔnri watafɔm fiteeri Nyɛmɛ Sereebiri Awuru n nu ni

⁴⁵ Dɔ na Yesu akɔ awura Nyɛmɛ Sereebiri Awuru n nu, na wɔ bo i bu sufɔn yi watafɔm, ⁴⁶ na wɔ se bu ka, “Ba kɛrɛ i Nyɛmɛ Jɔrɛ Kadasi n nu ka, Nyɛmɛ ɲa o, ‘M awuru ni, bu bá fere i ka awuru bo bu bá sere Nyɛmɛ nu.’ Ama, ambɛrɛ afa i ayo awiefɔm fiɛɛbiri.”

⁴⁷ Cɛɛn n kɛrɛ cɛɛn, Yesu kere minɛm wɔ Nyɛmɛ Sereebiri Awuru n nu. Na Nyɛmɛ sayoowa dɔɲguyofɔ nkpiɛnkpiɛnm, ni Nyɛmɛ nɔaniɛ kɛrɛfɔm, ni Yudaɲm teretɛrɛfɔm n akoro ka bu kun i, ⁴⁸ ama, ba koro anya má atin, dama minɛm n kɛrɛ koroori ka bu so bu sui wɔ, na bu ti i kereewam ni.

20

Kabo bu bisaari Yesu deke bo i yiko n fite ni

¹ Cɛɛn be sɔ ɔ, Yesu wo Nyɛmɛ Sereebiri Awuru n nu sukere minɛm, na i sukan labari kpa n kere bu. I wo kere su n na Nyɛmɛ sayoowa dɔɲguyofɔ nkpiɛnkpiɛnm, ni Nyɛmɛ nɔaniɛ kɛrɛfɔm, ni Yudaɲm nkpiɛnkpiɛnm aba i dɔ ² aba ase i ka, “Nma dɛɛ yiko nu ye a yo nyini sam kɛrɛ a? Kan na ya ti. Nma ma u nyini yiko ni, ye a yo nyini sam n a?” ³ Na wɔ bɔ bu nu ka, “Am ma m du mɔ bisa am bisaawa kun be ka. Kisa, ambɛrɛ kan na m ti, ⁴ ɲma maari Yohane atin ye i ba biɛri minɛm Nyɛmɛ nzue n a? Nyɛmɛ

nzen adamande?" ⁵ Na ba bisa bu n̄n̄u nu kabo bu b̄o i nu barasu, bu n̄a, "Nzen ya seeri i ka Nyeme maari i atin a, i b̄isa ya ka, ye nzu ti ye ya da má Yohane n̄u a?" ⁶ Ama, nzen ya seeri i ka adamande d̄o, minem kere tú ya yabue w̄o, dama bu kere soroori su ka Yohane yo tiiri Nyeme n̄oan̄ie kanf̄o ɔ nah̄ore su." ⁷ Nyini ti, na ba b̄o i nu ka, "Ya si má s̄on̄o bo i maari i atin." ⁸ Na yiri gusu ase bu ka, "Mini mm̄oó sé má am s̄on̄o bo i d̄ee yiko nu na m yo ahin sam n kere ni."

Kabo Yesu boori miɛnu niiri Yudaf̄om nkpienkpienm ni

⁹ D̄o na Yesu abo minem ahin miɛnu ni, i n̄a, "S̄on̄o be yo woori bere a, na w̄o d̄o i baka suuwa barasu be fie. Na w̄o nya afa awura i npadif̄om saa nu, na w̄o k̄o atin ak̄o ace." ¹⁰ Saŋga ba juuri bo i si ka baka suuwam n abi ni, na w̄o sunma i ak̄oom kun i npadif̄om n d̄o, ka i k̄o de i d̄ee bo ba nya i n bra. Ak̄o n k̄o juuri ni, na ba tara i abo i, na ba f̄on i akpie i nyi i saa n̄gb̄een. ¹¹ Na fie n f̄o n asunma i ak̄o n kun bekun, na ba tara i abo i, na ba kpa i nyinye, na ba ma w̄o kpie i nyi i saa n̄gb̄een. ¹² Kpe nsan su ni, na w̄o sunma ak̄o nyinga, na ba tara i abo i, na ba ma i mandim, na ba fa i atu baka suuwam fie n aheme. ¹³ D̄o na fie n f̄o n ase ka, 'Ye m yó se w̄o l̄ee kisa? M s̄unma m tien̄gu wa koroowa n w̄o, beni, bu má yiri jirima.' ¹⁴ Ama, saŋga bo npadif̄om n n̄uuri ka baa ni suba ni, na ba se bu n̄n̄u nu ka, 'I wa n bo i dí i aja n l̄ee suba n a. Am bra na ya kun i, adena aja n kere ká ya d̄ee.' ¹⁵ D̄o na ba cin i atu baka suuwam fie n aheme, na ba kun i." Na Yesu anya abisa bu ka, "Am sunsun ka fie n f̄o ni yó bu se w̄o?" ¹⁶ I bá kun nyini npadif̄om n kere w̄o, na i fá fie n wura mine f̄of̄orem saa nu."

Saŋga bo minem ni tiiri s̄o n na ba se ka, "Nyeme yo ya kisi ni nyini." ¹⁷ Na Yesu ace anie bu d̄o na w̄o se bu ka, "Kabo ba kere i Nyeme J̄ore Kadasi n nu ni, am tiiri i bu se w̄o? Bu n̄a, 'Yabue n bo bondo taf̄om n faari i tuuri ni, yiri ye w̄o kaaki bondo n jaa yabuem kere tii a.'

¹⁸ S̄on̄o kere bo i kpaasiiri nyini yabue n su, i mi búbu nu w̄o mumuku, na s̄on̄o kere gusu bo nyini yabue n t̄ori i n̄u, i s̄án i mi samene w̄o."

¹⁹ I seeri s̄o ni, na Nyeme n̄oan̄ie keref̄om ni, ni Nyeme sayoowa d̄onguyof̄o nkpienkpienm n akaba akpini atin kabo bu yo na bu tara i, dama bu faari nu ka miɛnu n bo i boori i ni, i bo niiri bere w̄o, ama, bu soroori minem d̄ee ti, na ba yaki i.

Kabo bu s̄ori Yesu n̄ḡee lampo t̄o busu ni

²⁰ Nyini ti, na Nyeme n̄oan̄ie keref̄om ni, ni Nyeme sayoowa d̄onguyof̄o nkpienkpienm n akpini atin kabo bu yo na bu nya Yesu taraabiri. Na ba bo mine nbem ajaakpie ka bu yo bu n̄u ka bu ti mine kpam w̄o, na bu ba s̄o i n̄ḡee na bu bisa i n̄oan̄ie nbem, adena bu koro fa i wura gomina yikof̄o n saa nu. ²¹ Na nyini minem n ase Yesu ka, "Ya Keref̄o, ya si ka u n̄oan̄ie j̄oj̄owa ni u kereewa kere ti nah̄ore w̄o, na a tantambu má nu, ama, a kere minem w̄o nah̄ore su kabo Nyeme atin ti barasu." ²² T̄o, ya d̄ee atin n su, atin wo nu ka ya t̄o lampo ma Romaf̄om Feme Kpiri Siza, nzen atin wo má nu?" ²³ Ama, na w̄o fa nu ka bu koro ka bu kpie i mbenle w̄o, na w̄o se bu ka, ²⁴ "Am fa n̄waa bra na m nie." Bu fa baari ni, na w̄o bisa bu ka, "Am nie ahin n̄waa ni. N̄ma d̄ee tii ni i duma wo su a?" Na ba b̄o i nu ka, "Feme Siza d̄ee a." ²⁵ Na w̄o se bu ka, "T̄o, deke bo i ti Feme Siza d̄ee, am fa ma Feme Siza, na deke bo i ti Nyeme d̄ee, am fa ma Nyeme."

²⁶ Dɔ na ba ɲu ka bu koro nya má i taraabiri minem nyunu bere, ama, kabo i boori bu nu n deɛ ti, na ba miɛ, na ba tɔ amuna.

Kabo bu bisaari Yesu fa kɔɔri yiwee tenge jɔɛ su ni

²⁷ Na Yudafoɔm asese barasu nbem bo bu fere bu ka Sadiusifoɔm ni, aba Yesu dɔ. Bu deɛ kereewa la ka Nyeme tenge má minem bu yiwee nu n a. Na ba ba abisa i jɔɛ be, bu ɲa, ²⁸ “Ya Kerefo, Moyisi yo kereeri noanie be maari ya, ka nzen soɔ wu yakiiri i yi na i ni bara n anya má baa, wɔ yo daka ka i niema n fa kunofo n na bu wu nbaam ma goɔ n bo wɔ wu ni. ²⁹ Tɔ, soɔ be yo laari nbaabiesoɔm nso a, na baakpien n aja bara, na wɔ wu ayaki bara ni, ba nya má baa. ³⁰ So ye bo i tɔ i su nnyɔ su, ³¹ ni nsan su n yoori a, haari fa kɔ kpuraari nso su ni, bu be mmɔɔ anya má baa ye bu wuuri a. ³² Kasin na bara n gusu aba awu. ³³ Tɔ, kabo bu mine nso n kere aja bara n na ba wu so ni, cɛɛn n bo Nyeme bá tenge minem bu yiwee n nu ni, bara ni ká ɲma deɛ wɔ?” ³⁴ Na Yesu abo bu nu ka, “Nbaram ni nbiesoɔm bo bu wo bere kisa ni ja ajaa, ³⁵ ama, nbaram ni nbiesoɔm bo Nyeme anu ka bere ti ye ni ka bu bá tenge bu yiwee n nu fa kɔ fa ba ni, bere ja má ajaa kun, ³⁶ dama bu wu má kun. Bu wo bere ka Nyeme merékem wɔ. Bu ti Nyeme nbaam wɔ, dama ka ba tenge bu yiwee n nu. ³⁷ Na fa kɔ kabo Nyeme bá tenge minem bu yiwee n nu ni, Moyisi mmɔɔ yo kereeri ka i ti so ɔ. Wɔ kere i Nyeme Jɔɛ Kadasi n nu, fa kɔ sangá bo sin n jeeri buwe baka n su ni, ka, Micera ni ti Abraham, ni Izaki, ni Jakɔbu deɛ Nyeme a.”

³⁸ Na Yesu asa su ase bu ka, “Tɔ, kabo Micera n ti nyini minem deɛ Nyeme ni, nyini kere ka bu toko la ɲgoɔ leɛ. Nyeme ti má bo ba wu n deɛ Nyeme, i ti bo bu la ɲgoɔ ni deɛ Nyeme a, dama soɔ kere ɲgoɔ fite yiri dɔ a.”

³⁹ Dɔ na Nyeme noanie kerefo nbem ayasu ase i ka, “Nfan. Ya Kerefo, u bo nu n ti kpa.” ⁴⁰ Nyini sin, be abo má su ka i bisa i jɔɛ bekun.

Kristo Tiidefo n bo i ti Feme Davidi anuma n jɔɛ

⁴¹ Na Yesu ajoɔ minem dɔ fa kɔ Kristo Tiidefo n su, na wɔ bisa bu ka, “Ye nzu ti ye bu bita joɔ ka Kristo n ti Feme Davidi anuma a? ⁴² Dama kabo ba kere i Kansi Jue kereewam n nu ni, Feme Davidi ni i tii ase ka, ‘Na Micera n ase m Mibiɛ n ka, ‘Ba tana m saa fomboro su fen,

⁴³ haari m bá ma u kpofom kere ba kutu u jaa bu.” ’

⁴⁴ Tɔ, Feme Davidi mmɔɔ fereeri Kristo n ka i Mibiɛ wɔ, ye Kristo n yo se kaaki yo Feme Davidi anuma a?”

Kabo Yesu ɲa mine si bu ɲu sa ni Nyeme noanie kerefoɔm ni

⁴⁵ Sangá bo minem n kere jina wo i noanie n ti su so ni, na Yesu ase i susufom n ka, ⁴⁶ “Am si am ɲu sa ni Nyeme noanie kerefoɔm ni, deke bo bu koro i n la ka, bu wura sutura ngbingbirim wɔ, na bu nati sujengbe, na soɔ kere suyo bu anse goosu. Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wɔ. ⁴⁷ Nyini minem n so fin nkunafom nengem wɔ, na bu jina sere Nyeme ce, adena minem ɲu ka bu ti mine kpam wɔ. Jina cɛɛn, bere bá nya suicin tara minem kere.”

21

Kabo kunafɔ be yiiri saraka ni

¹ Tɔ, na Yesu anie anu kabo nengefoɔm suyi bu ɲwaa wura alaka bo minem yi saraka wura nu ni. ² Kunafɔ jaarifo be gusu woori dɔ, na wɔ ba ayi ɲwaa kaan be bo i koro to má pui awura saraka n nu, na Yesu anu i.

³ Dɔ na wɔ se ka, “Nahɔre ye m suse am n a, nyini kunafo n ayi nwaa atara minem kere. ⁴ Dama nengefom la nwaa beberebe n deɛ ti, ye ba yi be a. Ama, nyini kunafo n ni i yaari n kere, i deke kere bo i la i lee ye wɔ yi i n a.”

Kabo Yesu seeri ka Nyeme Sereebiri Awuru ni bá bereki ni

⁵ Na Yesu susufɔ nbem ajojo fa ko Nyeme Sereebiri Awuru n su, kabo ba ta i ni yabue ngbingbirim ni aceerim bo bu fa ba ce Nyeme na i yo nyumi barasu ni. Bu wo jɔjo n su so ni, na Yesu ase ka, ⁶ “Nyini dekem bo am nju bu ni, sanja suba bo yabue kun n kpein n mmɔɔ bá nana má i benggu su. Bu bá bereki i kere go o lee.”

Kabo Yesu kereeri fa ko durunya n awieeri su deɛ jɔre ni

⁷ Na Yesu susufom n abisa i ka, “Ya Kerefo, sanja bono ye ahin sam kere bá yo a? Ye nzu deke bá kere ya ka sanja n adodo bo ahin sam n kere bá yo a?” ⁸ Na wɔ se bu ka, “Am si am nju sa, na má am ma be dadaka am. Dama mine dɔnggu bá fa m дума ba, na bu sé ka, ‘Yiri la mini a.’ Na bu káaki se am ka, ‘Sanja n aju lee.’ Ama, má am su bu su. ⁹ Sanja bo am bá ti aluwa nga fen, wara bu sukun lue do, má am ma sere ti am. Dama wɔ yo daka ka nyini sam n kere bá yo sin ka, ama, i kere má ka durunya n awieeri lee.”

¹⁰ Na wɔ kaaki ase bu ka, “Daanfie daanfie bá kun lue ni bu bengum, na nfemem kún lue ni bu benggu nfemem. ¹¹ Na asien bá kpisi agaya, na ahɔe tó, na alɔba tó awɔre awɔrem nu, na ya bá nju anyumbaa ciire sa nbem ka bu sutie fite angoro n nu.

¹² Ama, kana ahin sam kere bá yo ni, bu tara am, na bu kere am wuwuruwa, na bu fá am wura yikofom saa nu, na bu dí am jɔre bu tientienbunɔɔ soom nu, na bu nyí am dansaraka, na bu fá am wura nfemem ni gominam saa nu, na bu fá am jina bu nyunu, mini deɛ ti. ¹³ Ahin má am atin a, na am kóro kan labari kpa n kere bu. ¹⁴ Ama, am du mo yo am sunsunni nu na má am ma i mie am, kabo bu ko bisa am na am jojo barasu. ¹⁵ Dama mini má am alecira noanie bo am jójo a, na am kpɔfom be mmɔɔ kóro la má noanie be bo bu kóro jojo bo am asi, wara bu fá ta am nyi. ¹⁶ Haari am wufom, ni am ninbaam, ni am lamɔsim, ni am danfom mmɔɔ bá to am ma nfangafom, na bu kún am nbem. ¹⁷ Mini deɛ ti, sono kere kpó am. ¹⁸ Ama, am tiɔnmie kun n kpein mmɔɔ ká má ngbɛen. ¹⁹ Nzen am mindi deeru nyini n kere, am nyá ngɔɔ.”

Kabo Yesu jɔjɔri ka Yerusalem mie ni bá saaki barasu ni

²⁰ Na Yesu akaaki ase i susufom n ka, “Sanja bo am bá nju ka sojam abara aye Yerusalem mie kpiri n ni, am si tenle su ka i cé má, bu sáaki mie n kere lee. ²¹ Nyini sanja ni, wɔro kere bo a tiiri i nga na a wo Yudiya asien n su, nmati ko bukam n su. Wɔro kere bo a wo mie n nu, nmati fite nu. Na wɔro kere gusu bo a wo mie n aheme, má a kpie u nyi ko mie n nu kun. ²² Dama ahin suicin kekereke sanja ni yó yiiwa, kabo ba kere i Nyeme Jɔre Kadasi n nu n kere. ²³ Nyini sanja ni yó kekereke agaya ma nyinsefom, ni nbaram bo bu nbaam toko nu ni. Dama minem n bo bu wo ahin asien n su ni dí yaari agaya, na Nyeme cín bu sui. ²⁴ Na bu kún nbem lue nu, na bu tara nyɔngam domue, na bu fá bu ko asien asienm n kere su, na minem bo bu ti má Yudafom ni sáaki mie n kere haari fa ko ju sanja bo bu yiko bá wie.”

Kabo Adamande Wa ni bá kaaki ba barasu ni

²⁵ Na Yesu ase bu ka, “Na alekutura sam nyá ba tie fite wie n ni sara n, ni asarambaam kere nu. Na durunya n nu fen, asien asienm n sufom kere ahore tánda, na sere tí bu, fa ko kabo tieku nzue n bo barasu, na i yo nanmie agaya ni. ²⁶ Sam bo bu bá yo durunya n nu n dee ti, nyini má sere ti minem na bu tó cin, dama angoro n kere kpisi wo. ²⁷ Na minem nyá nu ka mini Adamande Wa ni sufite angoro yinyingu n nu suje piepieu suba ni yiko bambaka. ²⁸ Saŋga bo nyini sam n kere bá suyo ni, am yasu na am ye am tii su ni ahoresi, dama saŋga n adodo bo Nyeme bá de am tii lee.”

Kabo Yesu na ya fa damba baka fa se nyaari barasu ni

²⁹ Do na Yesu abo ahin mienu n akere bu. I na, “Am nie damba baka ni baka nyingam kere. ³⁰ Saŋga bo am nya ba nu ka bu sufie nyawa fofore ni, ambere ni am tii si ka dodoori saŋga adodo lee. ³¹ Kabo Nyeme Feme bá nie i minem su ni, i yó so o. Saŋga bo ambere gusu bá nu ka nyini sam kere suyo ni, am si tenle ka i cé má, Nyeme Feme bá nie i minem su lee.

³² Nahore ye m suse am n a, bo bu la ngoo kisa ni wú wie má ka, ye ahin sam kere bá yo a. ³³ Angoro n ni asienngu n kere bá la awieeri, ama, m dee noanie n yiri, i la má awieeri ceen be.”

Kabo Yesu seeri ka ya si ya nu sa fa ko i ba n su ni

³⁴ Na Yesu ase i susufom n ka, “Am si am nu sa, na má am susaaki am saŋga sutien am noo sunu nzan subo, na má am ma durunya n nu sa koroowa mie am, na má m ba ni fura am nu ³⁵ kabo toroku tara deke ni. Dama nyini ceen bá fura minem bo bu wo durunya n nu wo. ³⁶ Má am fa am nu ji, am sere Nyeme saŋga kere ka i ma am faŋga na am koro fite nyini kekereke n kere bo bu suba n nu, na am bá koro jina mini Adamande Wa n nyunu.”

³⁷ Ale kere bo i cin, Yesu ko Nyeme Sereebiri Awuru n nu wo, na i ko sukere minem, ale nya ba san, na i ko Oliva Buka n su. ³⁸ Ale kere bo i cin ngarama fuun, minem ni ba i do Nyeme Sereebiri Awuru n nu wo, na bu ti i kereewam ni.

22

Kabo bu seseeri su ka bu kun Yesu ni

¹ Saŋga n ba dodoori bo bu di bu ceenkpiri n bo bu di i ni kpono bo bu go má ayiri nu na i yasu ni. Yiri ye bu kaaki fere i ka Butara ceenkpiri n a. ² Na Nyeme sayoowa dnguyofo nkpienkpienm ni, ni Nyeme noanie kerefom ni, anienie atin kabo bu yo barasu na bu kun Yesu, dama bu soroori minem ni ahore wo.

³ Na Sitana awura Yudasi Isikariyoti ni, yiri ti Yesu susufo buru ni nnyom ni kun be a. ⁴ Nyini ti, na wo ko asese su ni Nyeme sayoowa dnguyofo nkpienkpienm ni, ni Nyeme Sereebiri Awuru n tintinijinafo nkpienm ni, kabo i to Yesu ma bu ni. ⁵ Bu tiiri nyini n so ni, na bu ahore ajo, na ba se ka bu má i nwaa. ⁶ Na Yudasi asoro su, na wo kpini atin na i to Yesu ma bu, saŋga bo jama wo má i do ni.

Kabo Yesu ni i susufom seseeri su ka bu di ceenkpiri diire ni

⁷ Na ceenkpiri ceen n aju, ceen n bo bu di kpono bo bu go má ayiri nu na i yasu ni. Nyini ceen n ye wo yo daka ka bu kpie nbombaam kom n a, na bu fa tenge Butara ceenkpiri n su. ⁸ Na Yesu asunma Peto ni Yohane, i na, “Am ko sese Butara ceenkpiri n diire n su na ya ba di.” ⁹ Na ba bisa i ka, “A koro ka ya ko ni ko sese diire n su a?” ¹⁰ Na wo bo bu nu ka, “Am ti fen, am ko na am wura mie n nu, am ni sono be kaba ye, i so dundu ni nzue.

Am su i su kɔ wura awuru n bo i kɔ wura nu ni. ¹¹ Na am bisa awurufɔbie n ka, 'Ya Kerefɔ n ŋa, sɔɔ bɔnɔ nu ye i ni i susufɔm ni dí Butara cɛɛnkpiri diire n a?' ¹² Na i kére am angoro sɔɔ bambaka n bo ba yo i kere dɔŋgu ni, dɔ ye am sese diire n su se ya." ¹³ I jɔjɔ wieeri ni, na ba kɔ anu deke n kere sɔ kabo Yesu seeri bu ni, na ba sese Butara cɛɛnkpiri diire n su.

Kabo Yesu ni i susufɔm ni diiri Butara cɛɛnkpiri diire ni

¹⁴ Saŋga n ba juuri, na Yesu ni i jaramasam n aba atana ka bu di diire ni. ¹⁵ Na wɔ se bu ka, "Kabo m koroori lɛɛ, m boroori m nyi wɔ ka m ni ambere saŋga di ahin Butara cɛɛnkpiri diire n ka, na m nyá di m wahara ni. ¹⁶ Dama m suse am wɔ lɛɛ, ka, m dí má ahin diire n kun, má ka i bá yo yiiwa Nyeme femeya n nu."

¹⁷ Dɔ na wɔ fa awa ni nzan, na wɔ da Nyeme asi, na wɔ se bu ka, "Am de na am nu, na am fa ma am beŋgu. ¹⁸ M suse am wɔ lɛɛ, ka, m nú má ahin nzan n kun, má ka cɛɛn n bo Nyeme Feme bá nie i minem su."

¹⁹ Na Yesu akaaki afa kpɔnɔ, na wɔ da Nyeme asi, na wɔ bubu i nu, na wɔ fa ama bu, na wɔ se bu ka, "Ahin kpɔnɔ n ti m ŋuniɛmbaa lɛɛ, ye m sufa ma am n a. Am yo ahin sɔ adena am fa tenge m su." ²⁰ Bu diiri diire n wieeri ni, na wɔ kaaki afa awa ni nzan ni, na wɔ yo sɔ, na wɔ se bu ka, "Ahin nzan n ti sɛsɛsu fɔfɔre n bo Nyeme sufa m mbunja n sudi i di n a. Ambere dɛɛ ti ye m mbunja ni songi gɔ a.

²¹ Ama, am nie. Sɔnɔ n bo i tɔ m ni wo diire n diibiri fen, m ni yiri susaŋga di diire n a. ²² Mini Adamande Wa ni wú kabo Nyeme adu mɔ acici ka m wú n wɔ, ama, sɔnɔ n bo i tɔ m ni, i mi bá ŋu anyumboro." ²³ Dɔ na ba bisa bu ŋunɔ nu ka, "Ye ya nu ŋma koro yo ahin sa n a?"

Kabo Yesu kereeri ka mɔfɔ yo i ŋu kaan ni

²⁴ Na Yesu jaramasam n ase akuruwa bu ŋunɔ nu fa kɔ sɔnɔ bo i tara bu kere bu nu. ²⁵ Na Yesu ase bu ka, "Minem bo bu su má Nyeme n dɛɛ nfemem, bere mie bu minem a, na bere bo bu la yiko minem ŋu ni, bu fere bu ka bukafɔm. ²⁶ Ama, má ambere yo sɔ. Sɔnɔ bo i tara am kere am nu ni, i ti ye ni ka i mi yo i ŋu kaan, na bo i ti am mɔfɔ n gusu, i ti ye ni ka i mi yo i ŋu kaan na i su am. ²⁷ Sɔnɔ bo i tana di diire ni, ni bo i su amusui ni, ŋma tara i beŋgu a? Yiri la bo i tana di ni, má sɔ ɔ? Ama, mini wo am nu ka sɔnɔ bo i su amusui wɔ.

²⁸ Saŋga kere bo m woori kekereke nu, ambere jinaari m sin a. ²⁹ Kabo m Si Nyeme ama m atin ka m di femeya ni, sɔ ye mini gusu fá ma am a, ³⁰ na am dí na am nú m femeya n nu, na am tána femeya biem su, na am nie Yisarelifɔm anɔ buru ni nnyɔm n su."

Kabo Yesu seeri ka Simon Peto bá kete i ni

³¹ Na Yesu ase Simon ka, "Simon, ti fen. Sitana asere atin ka i kpaja am kabo bu kpaja ŋgani n wɔ. ³² Ama, ma sere Nyeme ama u na má a yaki m yaradayo. Na saŋga bo a ba kaaki ba suuri m su bekun ni, buka u ninbaam ni, na bu nya ahoresi." ³³ Na wɔ se i ka, "M Mibiɛ, m ŋmáti yaki má u da, ŋka bu sáŋga nyi wɔrɔ ni mini kere wɔ, na ya sáŋga wu." ³⁴ Na Yesu ase i ka, "Peto, m suse u wɔ lɛɛ ka, nyuma, kana akɔnyuma bá bo, a kete kpe nsan su ka a si má m."

Kabo Yesu seeri i susufɔm fa kɔ sa kekerekem bo bu bá yo ni

³⁵ Na Yesu abisa i susufɔm n ka, "Saŋga bo m sunmaari am na am abita má ŋwaa kuruku, wara kuruku, wara gbagbaa ni, nzu kpiɛeri am su a?" Na ba bo i nu ka, "Pui akpie má ya su." ³⁶ Na wɔ se bu ka, "Ama, kisa, wɔrɔ kere bo a la ŋwaa kuruku, wara kuruku, fa i, na wɔrɔ kere bo a la

má takobe, tó u tanlɛɛ na a fa ɲwaa n to be. ³⁷ Dama ba kere i Nyeme Jore Kadasi n nu ka, 'Bu faari m buuri satieyofom kun wo.' M suse am wo lɛɛ, ka, wo yo daka ka, mini dɛɛ ti, na i yo yiiwa. Nahore, deke n bo bu kere niiri mini ni, i suyo yiiwa." ³⁸ Na ba se i ka, "Ya Mibie, nie. Takobe nnyo yaa fen." Na wo se bu ka, "Wo se su."

Kabo Yesu jeki tiiri n na i ko sereeri Nyeme ni

³⁹ Na Yesu afite mie n nu, na wo ko Oliva Buka n su, kabo i nati yo ni, na i susufom n asu i su. ⁴⁰ Saŋga bo i ko juuri do ni, na wo se i susufom n ka, "Am sere Nyeme, adena má deke be yo am na am wura satie nu." ⁴¹ Do na wo yaki bu, na wo ko mo kaan, na wo kutu asere Nyeme. ⁴² I ɲa, "M Si Nyeme, nzen i ti u koroyanu, yi m fite ahin anyumboro n bo i suba m do n nu. Haari ni nyini mmoo, má a yo kabo m koro ni, ama, se kabo a koro ni." ⁴³ Na Nyeme merেকে be atie afite angoro aba asi i ahore. ⁴⁴ Ahoretanda n bo i tuuri i n dɛɛ ti, na wo sere Nyeme ni anyumboro abuka su, na i anjuye sukpinkpin asienɲu ka mbunja dɛɛ su.

⁴⁵ I sereeri Nyeme n wieeri ni, na wo yasu akpie i nyi ako i susufom n do, i ko ɲuuri ka bu wo daafiri su, dama bu ahore asaaki agaya n dɛɛ ti. ⁴⁶ Na wo se bu ka, "Nzu ti ye am da daafi a? Am yasu jina na am sere Nyeme, adena má deke be yo am na am wura satie nu."

Kabo bu taraari Yesu ni

⁴⁷ Na saŋga bo i toko wo jɔjɔri n su ni, na jama be aba aju. Yudasi bo i ti i susufo buru ni nnyom nu kun ni, duuri bu mo a, na wo ko Yesu do ka i ko biti i, ⁴⁸ ama, na Yesu abisa i ka, "Yudasi, a biti m ye a ma bu nya mini Adamande Wa n taraabiri a?"

⁴⁹ Saŋga bo i susufom bo bu wo i do n ɲuuri sa n bo i suba ni, na ba bisa i ka, "Ya Mibie, ya kpie bu takobe, nzen se?" ⁵⁰ Na bu nu kun akpie ayi sono be sui, i saa fomboro dɛɛ ni, nyini sono n ti Nyeme sayoowa donɲuyofo n kere kpien n akoo o. ⁵¹ Ama, na Yesu atien i susufom n ɲu ka, "Má am yo so kun." Na wo fa i saa akan sono n sui ni, na wo nya lafie. ⁵² Do na Yesu ase Nyeme sayoowa donɲuyofo nkpienkpienm ni, ni tintinijinafo nkpienkpienm ni, ni Yudafom nkpienkpienm kere bo bu baari ka bu ba tara i n ka, "M ti awiefo o, ye am fa takobem ni koromam na am ba tara m a? ⁵³ Cɛɛn n kere cɛɛn m ni amberɛ wo Nyeme Sereebiri Awuru n nu a, am atara má m. Ama, kisa ti saŋga bo Nyeme ama atin, na am ni Sitana bo i wo awosin nu n kere am yiko a."

Kabo Peto keteeeri ka i si má Yesu ni

⁵⁴ Na ba tara Yesu afa i ako awura Nyeme sayoowa donɲuyofom n kere kpien n dika, na Peto asu bu su, ama, i woori dede kaan ni bere wo. ⁵⁵ Mine nbem atorɔ sin gisan n afien, atana abara aye i, na Peto ako abuka bu su. ⁵⁶ I tanaari na sin wein n goori i ɲu ni, na afani be anu i. Na wo nie i nyunu dika gbirim, na wo se bu ka, "Ahin sono ni mmoo ti i susufo o." ⁵⁷ Ama, na wo kete, i ɲa, "Bara, m si má i." ⁵⁸ Nyini sin, wo ce má, na sono be gusu aba anu i, na wo se i ka, "Woro mmoo ti bu kun wo." Ama, na wo se i ka, "Woro, m ti má bu kun." ⁵⁹ Na fa ko saŋga su bekun, na sono kun be ajina su kekereke ase ka, "Nahore, ahin sono n ti bu kun wo, dama yiri gusu ti Galilifo o." ⁶⁰ Ama, na wo se i ka, "Woro, m si má ahin jore n bo a sujɔɔ i ni mmoo." Saŋga bo i toko wo jɔjɔri n su ni, na akonyuma akaba abo. ⁶¹ Na Mibie Yesu n ace anie Peto nyunu, na wo tenge su kabo Mibie n seeri i ni, i ɲa, "Nyuma, kana akonyuma bá bo, a kete kpe nsan su ka a si má m." ⁶² Na wo fite ako asun agaya.

Kabo bu yoori Yesu anzasi na bu boori i barasu ni

⁶³ Na minem bo bu bita Yesu ni, ayo i anzasi, na ba bo i. ⁶⁴ Na ba fa sanvuin acin akata i nyumbaa, na ba bisa i ka, "Wɔrɔ Nyemɛ nɔaniɛ kanfɔ ni, nma bo u a? Kan kere ya." ⁶⁵ Na ba kpɛ i nzukɔ barasu barasu n kɛrɛ.

Kabo Yudafo tereterefoɔm diiri Yesu jɔrɛ barasu ni

⁶⁶ Na ale acin, na Yudafoɔm tereterefoɔm atien bu nɔɔ, Nyemɛ sayoowa dɔnguyofɔ nkpienkpienm ni, ni Nyemɛ nɔaniɛ kerefoɔm n gusu buka su, na ba fa Yesu aba bu tientienbunɔɔ n nu. ⁶⁷ Na ba se i ka, "Nzen a ti Kristo Tiidefoɔ n a, se ya." Na wɔ se bu ka, "Nzen m seeri am ka yiri la mini, am dɛ má, ⁶⁸ na nzen m bisaari am bisaawa, am bó má m nu. ⁶⁹ Ama, fite kisa fa kɔ, mini Adamande Wa ni bá tana Nyemɛ Yikofɔ n saa fɔmbɔrɔ su wɔ." ⁷⁰ Dɔ na bu kere abisa i ka, "Nka wɔrɔ ti Nyemɛ Wa n a?" Na wɔ bɔ bu nu ka, "Kabo am jɔjɔri ni, i ti sɔ ɔ." ⁷¹ Na ba se ka, "Ya koro má daanifo be kun. Yerɛ mmɔɔ ni ya tii ati kabo wɔ se ni."

23*Kabo bu faari Yesu kɔ jinaari Gomina Pilato nyunu ni*

¹ Na bu tereterefoɔm n kere bo ba tien bu nɔɔ n ayasu, na ba fa Yesu ako ama Gomina Pilato. ² Na ba bo i bu sujaraki i, bu nja, "Ya kɔ anju ka ahin sɔnɔ ni sudaka ya minem ka bu kete gomina ni, na má bu tɔ lampo kaari ma Fɛmɛ Kpiri Siza, i nja ka yiri ni i tii ti Kristo Tiidefoɔ n a, nyini la ka i ti fɛmɛ wɔ lɛɛ." ³ Na Gomina Pilato abisa i ka, "Wɔrɔ ti Yudafoɔm fɛmɛ n a?" Na wɔ bɔ i nu ka, "Kabo a jɔjɔ ni, i ti sɔ ɔ." ⁴ Dɔ na Gomina Pilato ase Nyemɛ sayoowa dɔnguyofɔ nkpienkpienm ni, ni jama n kere ka, "Ma nɔ má nɔgasi bo ahin sɔnɔ n ado i." ⁵ Ama, na ba jina kun su, na ba jaraki i, bu nja, "I kereewa n ama Yudiya awɔrɛ n nu minem kere ahore ayasu. I boori i bu Galili awɔrɛ n nu wɔ, ye kisa wɔ fa aba fen n a."

Kabo bu faari Yesu kɔ jinaari Fɛmɛ Herode nyunu ni

⁶ Gomina Pilato tiiri sɔ ni, na wɔ bisa ka, "Sɔnɔ n ti Galilifo ɔ?" ⁷ I tiiri ka i fite dɔ ni, na wɔ ma ba fa i ako Fɛmɛ Herode dɔ, dama yiri yo niɛ nyini awɔrɛ n su a. Nyini sanɔa ni, Fɛmɛ Herode gusu woori Yerusalem mie kpiri n nu. ⁸ Fɛmɛ Herode njuuri Yesu ni, na wɔ yo i fie ako asin su, dama wɔ ti i nɔga ace, na wɔ koro ka i nju i na i yo alekutura sa nbem na i niɛ. ⁹ Nyini ti, na wɔ bisa Yesu bisaawam beberebe, ama, wɔ bɔ má i nu. ¹⁰ Na Nyemɛ sayoowa dɔnguyofɔ nkpienkpienm ni, ni Nyemɛ nɔaniɛ kerefoɔm n afite ajina sujaraki i ni anyumboro su. ¹¹ Na Fɛmɛ Herode ni i sojam n ayo Yesu anzasi, na ba bu i nɔgbɛɛn, na ba fa tanlɛɛ nyunyumi awura i, na ba fa i akpie i nyi ako Gomina Pilato dɔ. ¹² Nyini sanɔa ni, Fɛmɛ Herode ni Gomina Pilato yo kpɔ bu beɔgu wɔ, ama, nyini cɛɛn n gbingbin na ba kaaki danfom.

Kabo Gomina Pilato maari nɔɔ ka bu kun Yesu ni

¹³ Na Gomina Pilato afere Nyemɛ sayoowa dɔnguyofɔ nkpienkpienm ni, ni Yudafoɔm tereterefoɔm ni, ni minem ni, ¹⁴ na wɔ se bu ka, "Am faari ahin sɔnɔ n baari m dɔ, na am ase ka i sukere minem na bu kete gomina n wɔ. Mini ni m tii anie jɔrɛ n nu am nyunu fen, ama, ma nɔ má nɔgasi bo wɔ do i. ¹⁵ Fɛmɛ Herode mmɔɔ ni i tii anju má i nɔgasi be, nyini dɛɛ ti ye wɔ kaaki i aba ama ya n a. Nahɔrɛ, ahin sɔnɔ n ado má nɔgasi be bo bu kun i. ¹⁶ Nyini ti, m má bu fin i nɔgbere na m yáki i na i kɔ." [¹⁷ Afɔ kere afɔ, Butara cɛɛnkpiri n nya ba juuri ni, wɔ yo daka ka Gomina Pilato yi dansaraka n kun ji.] ¹⁸ Ama, na jama n kere atien kungerekun ase ka,

“Yi ahin sɔnɔ ni ɲɔɔ, na a yi Barabasi ma ya.” ¹⁹ Yiri Barabasi ni i bengu ketemafo nbem yo kpieri jɔre, Yerusalem mie kpiri n nu, na ba di aluwa na ba kun mine. Nyini ti ye bu taraari i dansaraka n a.

²⁰ Gomina Pilato koroori ka i yaki Yesu nu ji n dɛɛ ti, na wɔ kaaki ajojo jama n do bekun. ²¹ Ama, na bu sutientien suse ka, “Kpama i baka jaanu n su na i wu. Kpama i.” ²² Na wɔ kaaki ase bu kpe nshan su ka, “Ye nzu satie ye wɔ yo i a? Mini aɲu ma satie be bo wɔ yo i na bu kun i. M ma bu fin i ɲgbere wɔ, na m yaƙi i na i ko.” ²³ Ama, na ba kaaki atien kpa amie i ka i kpama Yesu baka jaanu n su. Na bu nanmie yoowa agaya n akunma Gomina Pilato. ²⁴ Na wɔ ma nɔɔ ka bu yo Yesu kabo minem koro ni. ²⁵ Na wɔ yi sɔnɔ n bo minem n koroori i n aji, yiri bo i kpiniiri jɔre na i kuunri minem na bu nyiiri i dansaraka ni. Ama, Yesu yiri, na wɔ ma bu nɔɔ ka bu kun i, kabo Yudafo m koro ni.

Kabo bu kpamaari Yesu baka jaanu n su ni

²⁶ Na sojam n afa Yesu afite, na sanƙa bo bu wo ko su ni, na bu ni bie be aye, bu fere i ka Simon, i ti Sirenefo o. I fite aheme suba mie kunnu, na sojam n amie i ka i so baka jaanu n su Yesu su. ²⁷ Na jama beberebe asu i su, bu nbem ti nbaram wɔ, na bu susun, na bu sukoko, i dɛɛ ti. ²⁸ Na Yesu ace anie bu, na wɔ se bu ka, “Yerusalem nbaram, ma am sun mini dɛɛ ti, ama, am sun ambere ni am nbaam dɛɛ ti. ²⁹ Am ti fen, sanƙa ni suba bo minem ba se ka, ‘Terefie wo ɲɔɔkam n do, ni bo bu nya wu ma nbaam ni, ni bo nbaam nya nu ma bu nyufini ni.’ ³⁰ Nyini sanƙa n ye minem se ka, ‘Nzen ma bukam bereki go ya ɲu,

na kperem kata ya ɲu,

ma i ti ye.’

³¹ Nzen bu faari baka mone wuraari sin nu na i jeeri, ye baka wuruuwa yiri yo se wo lee?”

³² Na ba fa satieyofɔ nnyo nbem gusu ako ka bu ko kun bu ni Yesu kere. ³³ Sanƙa bo bu ko juuri dika be bo bu fere i ka Tereawa woobiri ni, na ba kpama Yesu baka jaanu n su, na ba ye i su ajina. Na ba kpama satieyofɔ nnyo nbem baka jaanu n su adodo i, bu kpamaari kun i saa fomboro su wɔ, na ba kpama kun n gusu i saa bie su. ³⁴ Na Yesu ase ka, “M Si Nyeme, fa bu satie ce bu, dama bu si ma sa n bo bu suyo i ni.” Na ba tu mbaa na bu si kabo bu kpaaki i suturam nu. ³⁵ Na minem n ajina do sunie i, na Yudafo m tereterefo m mmoo ayo i anzasi. Bu ɲa, “I ɲa i koro de minem tii ji. Nzen yiri ti Kristo Tiidefo n bo Nyeme ayi i ni, ma i de i ɲu tii ji.” ³⁶ Na sojam n gusu ayo i anzasi, na ba fa nzan gagaraki be ama i ka i nu, ³⁷ na ba se ka, “Nzen woro ti Yudafo m Feme n a, de u tii ji.” ³⁸ Na ba kere kereewa be abo akpama i baka jaanu n tii su, kereewa n la ka, “Yudafo m Feme n lee.”

³⁹ Na satieyofɔ nnyom bo bu sanƙa kpamaari bu ni Yesu ni, bu nu kun ato i ɲu ni nzuko, i ɲa, “Ma woro ti Kristo Tiidefo n a? De u tii ji na a de yere gusu ji.” ⁴⁰ Ama, na nyinga n ajaraki i, i ɲa, “A soro ma Nyeme wo? M ɲa ya dɛɛ suicin ni i dɛɛ n kere ti kun wɔ. ⁴¹ Ya dɛɛ suicin n yiri, i ti deke bo ya de i wɔ, dama kabo i ti ye ni ka bu yo ya lee, ama, yiri ado ma ɲgasi be.” ⁴² Na wɔ kaaki ase ka, “Yesu, a ba baari ni u femeya ni, tenge m su.” ⁴³ Na Yesu ase i ka, “Nahore ye m suse u n a, nyuma dɛɛ cɛen n nu, a ba wo m do alezanda nu.”

Kabo Yesu wuuri ni

⁴⁴⁻⁴⁵ Na fa ko wiesu kerefi buru ni nnyo sanƙa, wie n afite ma na awosin akata asien n kere su haari naaso kerefi nshan, na tani bambaka n bo bu fa kanda kpaakiiri Soɔ Casi n bo i wo Nyeme Sereebiri Awuru n nu n ati

nu nnyɔ, i afien. ⁴⁶ Na Yesu abo awie kpa, i ɲa, “M Si Nyeme, ma fa m ɲu awura u saa nu.” I seeri sɔ wieeri n na wɔ yo Nyeme dɛ. ⁴⁷ Saɲga bo soja kpian ɲuuri sa n bo wɔ yo sɔ ni, na wɔ kansɩ Nyeme, na wɔ se ka, “Nahore su, ahin sɔnɔ n tiiri sɔnɔ fofoe wɔ.” ⁴⁸ Na minem kere bo ba tien bu nɔ jina wo i nie su ni, saɲga bo bu ɲuuri sa n bo wɔ yo n sɔ ni, na bu kere afa bu saa ataka i benggu nu, na ba kpie bu nyi akɔ awuru. ⁴⁹ Na Yesu danfom n kere, ni nbaram bo bu suuri i su fiteeri Galili awɔre n nu ni, ajina dede kaan sunie sam n kere bo bu yoori ni.

Kabo bu yoori Yesu sutura barasu ni

⁵⁰ Sɔnɔ be woori bere, bu fere i ka Yosefu, i ti Yudafom tereterefom nu kun wɔ, na i ti sɔnɔ kpa, na i yo sa bo i kɔ atin su Nyeme dɔ. ⁵¹ Wɔ soro má su ni sunsunni n bo i bengum faari i na bu yoori Yesu barasu ni. I fite mie kpiri n bo bu fere i ka Aramatiya na i wo Yudiya awɔre nu n wɔ, na i dɛ la ka, i ɲminda wɔ, fa kɔ saɲga bo Nyeme Feme bá nie i minem su. ⁵² Na wɔ kɔ Gomina Pilato dɔ, na wɔ kɔ asere i ka i fa Yesu ɲunie n ma i. ⁵³ Na wɔ kɔ ayi fuin ni baka jaanu n su, na wɔ fa nzee n apɔondi i. Na wɔ kɔ afa i awura yabue bu bo ba lokoti i ayo i faɲkunma n nu na ba nya ase má sɔnɔ be nu ni, na wɔ fa i ase nu. ⁵⁴ Nyini cɛen n tiiri ɲumiya cɛen n kpokpo cɛen wɔ, i naaso, wɔ ka kaan na bu di ɲumiya cɛen ni.

⁵⁵ Nbaram bo bu suuri Yesu su fiteeri Galili awɔre n nu ni, bere suuri Yosefu su, na ba kɔ aɲu yabue bu faɲkunma ni, ni kabo bu seeri fuin n barasu.

⁵⁶ Na ba kpie bu nyi akɔ awuru ka bu kɔ kpa bu ɲu ni ɲguin nvanvanim ni tulaaleem. Na alecin ɲumiya cɛen ni, na ba yi bu ɲumi kabo Nyeme maari Moyisi nɔɔ ka bu yo ni.

24

Kabo Yesu tengeeri i yiwee n nu ni

¹ Na alecin, Yudafom bakue n bumboori, mɔne cɛen ɲgarama fuun, na nbaram n afa tulaalee nvanvani bo ba kpini ase ni, na ba fa akɔ yabue bu faɲkunma n su. ² Bu kɔ juuri dɔ n na ba ɲu ka yabue bambaka n akundu ayaki faɲkunma n anɔ ni. ³ Ama, bu wuraari faɲkunma n nu ni, ba ɲu má Mibie Yesu ɲunie ni, ⁴ na ba mie aka ajina gbirim, kpenɲa na ba ɲu ka nbiesom nnyɔ jina, bu wura sutura fofoe papasi. ⁵ Na sere ati nbaram n agaya, na ba biri bu tii haari asienɲu, na minem n abisa bu ka, “Nzu ti ye am sunienie fuinm nu na am ɲu sɔnɔ bo i la ɲɔɔ a? ⁶ I wo má fen. Wɔ tenge i yiwee n nu. Am tenge su kabo i yo seeri am ni, saɲga bo i yo wo Galili awɔre n nu ni, ⁷ i ɲa, ‘Wɔ yo daka ka bu bá fa mini Adamande Wa n wura satieyofom saa nu, na bu kpáma m baka jaanu n su, ama, na lesan cɛen na m tenge m yiwee n nu.’ ” ⁸ Dɔ na ba tenge Yesu nɔanie bo i yo seeri bu n su, ⁹ na ba fite faɲkunma n nu, na ba kpie bu nyi akɔ akan sam n kere bo ba ɲu i ni, akere i susufɔ buru ni kunm ni, ni nyingam kere. ¹⁰ Nbaram ni la Mariya bo i fite Magadala mie n nu ni, ni Yowana, ni Yakobo dɛ ni Mariya, ni bu benggu nbara nbem, bere kaanri nyini sam n kere kereeri i jaramasam n a. ¹¹ Ama, bu tiiri jɔre n bo nbaram kan kereeri bu ni, bu sunsuunri ka i ti jɔre ɲgbɛen wɔ, ba yo má yarada. ¹² Ama, na Petoro ayasu aɲmati akɔ faɲkunma n nu, i kɔ juuri n na wɔ kasi anie faɲkunma n nu, wɔ ɲu má pui, má ka nzee n ɲgumi da. Na wɔ kpie i nyi aba awuru, na wɔ birisi fa kɔ sa n bo wɔ yo n su.

Kabo Yesu faari i ɲu kereeri i susufɔ nnyom barasu ni

¹³ Nyini cɛɛn ni, na Yesu susufɔ nnyɔ nbem sukɔ miɛ kaan be bo bu fere i ka Emɔsi n su, i ni Yerusalem miɛ kpiri n waari má agaya. ¹⁴ Bu wo ko su ni, na bu subo anzama fa ko sa n kere bo wo yo n su. ¹⁵ Bu nati wo nyini anzama n bo su ni akuruwa ni, na Yesu ni i tii aba atu bu atin nu, ¹⁶ na ba ɲu i, ama, ba koro asi má ka yiri lɛɛ. ¹⁷ Na wo bisa bu ka, “Am wo natiiri n su atin n nu ni, am boori nzu anzama n a?” Na ba ka ajina ghirim ni ahoresaaki. ¹⁸ Na bu nu kun be bo bu fere i ka Kelɔpasi n abo i nu ka, “I yo sɛ ye wɔfɔm kere bo bu wo Yerusalem miɛ kpiri n nu n si sam bo ba yo nyini lennyɔ n nu bere, ye wɔɔ ɲgumi si má?” ¹⁹ Na wo bisa bu ka, “Nzu sam?” Na ba bo i nu ka, “Yesu Nazaretifo n jɔɛ. I yo tiiri Nyeme noaniɛ kanfo bo i la yiko wo, fa ko i alekutura sam ni i kereewam su, na i sayoowam sun Nyeme ni minem n kere nu. ²⁰ Na Nyeme sayoowa donɲuyofɔ nkpienkpienm ni tereterefom n ama ba di i jɔɛ ka bu kun i, na ba kpama i baka jaanu n su. ²¹ Ama, yere yo laari tama ka yiri ye wo ba ka i bá de Yisarelifom tii ji a. Deke bo i buka nyinim kere su n la ka, nyini sam kere yoori, i nyuma lesan lɛɛ. ²² Haari ni nyini n mmɔɔ, ya nbaram nbem ba kaanri alekutura jɔɛ be kereeri ya. Bu kɔori yabuɛ buɛ fanɲunma n nu wo ɲgarama fuun, ²³ ama, ba ɲu má fuin n do. Bu kpieeri bu nyi ba juuri ni, na ba se ya ka, bu ko ɲuuri Nyeme merɛkem ka alele nu wo, fanɲunma n nu, na ba se bu ka i la ɲɔɔ. ²⁴ Na ya nu nbem gusu ako fanɲunma n nu, bu ko ɲuuri deke n kere so ɔ, kabo nbaram seeri ni, ama, ba ɲu má yiri.”

²⁵ Na Yesu ase bu ka, “Amberɛ, ɲɔnlɛ akpie am su wo, nzen sɛ, ye dada kere am nya yo má yarada, fa ko jɔɛ n kere bo Nyeme noaniɛ kanfom jɔjɔori n su? ²⁶ Am si má ka wo yo daka ka Kristo Tiidefo n di nyini wahara n kere ka, na Nyeme wura i kpiri?” ²⁷ I seeri so n na wo kan i ɲusu jɔɛ akere bu, kabo ba kere i Nyeme jɔɛ Kadasi n kere nu ni, i boori i bu ni Moyisi dɛɛ kereewam wo, na wo nya akan kabo Nyeme noaniɛ kanfom kere kereeri ni.

²⁸ Bu ba ko suju miɛ n bo bu sukɔ su ni, na Yesu ayo ka yiri susin ko mo, ²⁹ ama, na ba sere i ni anyumboro, na ba se i ka, “Ba yo ya wɔfo. Wie ato, ale susan lɛɛ.” Nyini ti, na wo wura awuru n nu ka i da bu do. ³⁰ Saɲga bo i tanaari na bu kere di diire n ni, na wo fa kpɔnɔ, na wo da Nyeme asi, na wo bubu i nu afa ama bu. ³¹ Do na bu nyunu ateke i ɲu, na ba si i, kpenɲa na wo mini ayaki bu. ³² Na ba se bu bengɲu ka, “Saɲga bo i jɔjɔori ya do atin n nu na i kaanri Nyeme jɔɛ Kadasi n bu kereeri ya ni, i maari ya ahorejo ko sin su wo, má so?”

³³ Na ba kaba ayasu bere akpie bu nyi ako Yerusalem miɛ kpiri n nu, na ba ko anu ka i susufɔ buru ni kunm ni, ni nyɲgam n atien bu noɔ, ³⁴ bu suse ka, “Ya Mibiɛ n atenɲe nahore su. Wo yi i ɲu akere Simon.” ³⁵ Na susufɔ nnyom n akan sa n bo i yoori atin n nu do ni, ni kabo bu siiri ka yiri ni, saɲga bo i bubuuri kpɔnɔ n nu maari bu ni.

Kabo Yesu yiiri i ɲu kereeri i susufom ni

³⁶ Saɲga bo susufɔ nnyom n wo jɔɛ n kan su so ni, na Yesu ni i tii akaba aba ajina bu afien, na wo se bu ka, “Nyeme ma am ahoreda.” ³⁷ Na sere ati bu agaya, dama bu sunsun ka ɲumi ye ba ɲu i a. ³⁸ Na wo bisa bu ka, “Nzu deke miɛ am a? Nzu ti ye am yo sika? ³⁹ Am nie m saam ni m jaam, mini ni m tii lɛɛ. Am fa am saa kan m na am nie, ɲumi la má anuniembaa ni buwem kabo am ɲu ka m la i ni.” ⁴⁰ I seeri so wieeri n na wo fa i saam ni i jaam deke bo bu boori i bulaari n afa akere bu. ⁴¹ I yoori bu alekutura na bu ahore jo ko siinri su ni, haari ni nyini n kere, ba koro ayo má yarada.

Dɔ na wɔ bisa bu ka, “Am la diire be fɛn bo am di?” ⁴² Na ba fa jombaa n bo ba tun i n be ama i, ⁴³ na wɔ de akpɛsɛ bu nyumbaa nu bɛrɛ.

⁴⁴ Na wɔ se bu ka, “Ahin nɔaniɛm bo m yo jɔjɔri bu saɔga bo m toko wo am dɔ n lɛɛ, ka, wɔ yo daka ka m ɲusu jɔrɛ kɛrɛ yo yiiwa, kabo ba kɛrɛ i Nyɛmɛ nɔaniɛ kɔpamaawa n bo i fa maari Moyisi dɛɛ kadasi n nu, ni Nyɛmɛ nɔaniɛ kanfɔm dɛɛ n nu, ni kansɪ jue kɛrɛwam n nu ni.” ⁴⁵ Na wɔ teke bu nyi na bu si Nyɛmɛ Jɔrɛ Kadasi n bu, ⁴⁶ na wɔ se bu ka, “Kabo ba kɛrɛ i Nyɛmɛ Jɔrɛ Kadasi n nu n lɛɛ, ka, Kristo Tiidefɔ ni bá di wahara, na bu kún i, na lesan cɛɛn na i tɛɲge i yiwee n nu. ⁴⁷ Bu bó i bu Yerusalem miɛ kpiri n nu wɔ, na bu kán labari kpa n jɔrɛ i duma nu kere daanfɛ kɛrɛ, ka, bu kaaki bu wo na Nyɛmɛ fá bu satɪɛ ce bu. ⁴⁸ Ambɛrɛ dí nyini sam daani a. ⁴⁹ Am ti fɛn, mini bá sunma aceeri n bo m Si Nyɛmɛ seeri ka i fá ma am, na i bá wura am ɲu n a. Ama, ambɛrɛ ɲmínda miɛ n kunnu fɛn, haari saɔga bo yiko ni bá fite aɲgoro ba wura am ɲu.”

Kabo Nyɛmɛ ma Yesu fun kɔɔri aɲgoro barasu ni

⁵⁰ Na wɔ fa bu afite miɛ n kunnu akɔ aju Betani miɛ n ahɛmɛ, dɔ na wɔ yɛ i saa su na wɔ yo kisi aɲo bu ɲu. ⁵¹ I wo bu kisi n yo su sɔ ni, na wɔ yaki bu, na Nyɛmɛ ama wɔ fun akɔ aɲgoro. ⁵² Na ba kutu asu i, na ba kpɛ bu nyi akɔ Yerusalem miɛ kpiri n nu ni ahorejɔ bambaka. ⁵³ Na ba kɔ awo Nyɛmɛ Sereebiri Awuru n nu sukansi Nyɛmɛ saɔga kɛrɛ.

Labari kpa n bo YOHANE akerε i ni

Yesu ti Nɔ́aniε n bo i ma ηγγω n a

¹ Kana Nyeme ba yi durunya ni, be woori bere bo bu fere i ka Nɔ́aniε. I ni Nyeme woori bere a. Yiri Nɔ́aniε ni ti Nyeme a. ² Fite i bumboori n kere, yiri ni Nyeme wo bere a. ³ Na Nyeme ama Nɔ́aniε n ayi deke n kere. Deke be wo má bere bo wo yi má i. ⁴ Ngɔɔ fite yiri Nɔ́aniε ni dɔ a. Nyini ηγγω ni fa wein ba tekeeri adamande nyi a. ⁵ Na wein n aje awosin nu, na awosin n akoro akunma má wein ni.

⁶ Nyeme yo sunmaari sɔ́nɔ be, bu fere i ka Yohane. ⁷ I baari ka i ba di nyini wein n daani wɔ, na i kan i jɔre kere minem, adena sɔ́nɔ kere bo i tiiri kabo i kan ni, na bu daari nyini wein n ηu. ⁸ Yohane n mmɔɔ ni i tii yo ti má wein ni, ama, i baari ka i ba di wein n daani wɔ. ⁹ Nyini wein ni ti wein nahɔre su n a, bo wɔ ba durunya n nu, na i teke adamande kere nyi.

¹⁰ Yiri n bo bu fere i ka Nɔ́aniε n yo woori durunya n nu wɔ, Nyeme faari yiri yiiri durunya n a, haari ni nyini n kere mmɔɔ, durunya n nufɔm asi má i. ¹¹ Na wɔ ba i tienɔu dεε asien n su minem dɔ, na ba kete ka bu de má i. ¹² Ama, na minem kere bo bu deer i, na bu daari i ηu ni, na wɔ ma bu atin ka bu kaaki Nyeme nbaam. ¹³ Bu Nyeme nbaa kaakiiwam n ti má ka bu wu bu ni adamande mbunja a, nzen má nyini, i ti má ka biesɔ ni bara sanɔa a ye bu wu bu a, ama, Nyeme ni i tii, ti bu Si a.

¹⁴ Na yiri Nɔ́aniε n akaaki adamande aba awo ya dɔ. Ahɔ́rɔma ni nahɔre wo i dɔ beberebe. Ya ηu i jirima woowa ni, nyini jirima woowa n ye Nyeme afa ama i Wa kun n kpein n a.

¹⁵ Yohane diiri i daani kereeri minem, na wɔ tien ase ka, “Nyini sɔ́nɔ n bo m yo seeri am ka i wo m sin suba na i tara m fieo n lee, dama kana bu ba wuuri m ni, yiri wo bere wɔ.”

¹⁶ I ahɔ́rɔma beberebe n dεε ti, ye ya di i ahɔ́rɔma, na ya toko di i buka su. ¹⁷ Nyeme yo faari i nɔ́aniε kpamaawa ni maari Moyisi ka i fa kere Yisarelifɔm, ama, Yesu Kristo aba ka i ba kere ya kabo Nyeme ahɔ́rɔma n ni i nahɔre n ti barasu wɔ. ¹⁸ Be nya ηu má Nyeme, má ka i Wa kun n kpein n bo i ni i Si Nyeme n ti kun ni, na i wo Nyeme dɔ ni, yiri ye wɔ kere ya kabo Nyeme ti a.

Yohane Nyeme Nzue Biefɔ n daani diiwa ni

¹⁹ Ahin ti daani diiwa n bo Yohane yo diiri i, sanɔa bo Yudaɔm nkpien-kpienm n bo bu wo Yerusalem mie kpiri n nu n sunmaari Nyeme sayoowa dɔnguyofɔm ni bu bukafɔm ka bu kɔ bisa Yohane ka, “Wɔ́rɔ la ηma a?” ²⁰ Yohane afie má bu jɔre be su, na wɔ kan i kere kpain akere bu. I ηa, “Má mini ti Kristo ni, Tiideɔ n bo Nyeme ηa i súnma i n a.” ²¹ Na ba bisa i bekun ka, “Ye wɔ́rɔ la ηma a? Wɔ́rɔ ti Nyeme nɔ́aniε kanɔ Eliya n a?” Na wɔ se bu ka, “Má yiri la mini.” Na ba kaaki abisa i ka, “Wɔ́rɔ ti Nyeme nɔ́aniε kanɔ n a?” I ηa, “Ai.” ²² Na ba sa su abisa i ka, “Ye wɔ́rɔ la ηma a? Ma ya nɔ́aniε na ya kɔ se bo bu sunmaari ya ni. Wɔ́rɔ ηa, wɔ́rɔ la ηma tenle su a?” ²³ Na wɔ se bu ka, “Sɔ́nɔ n bo Nyeme nɔ́aniε kanɔ Esaya yo kereeri i jɔre ka i bá subo ndoori boro kpantain nu n ka,

‘Am yo Mibiε n atin n dɔŋgu.’
Yiri la mini.”

²⁴ Minem bo bu bisaari Yohane bisaawa ni, Farasifom bo bu ti Yudafom asese be ni sunmaari bu a. ²⁵ Na ba kaaki abisa i ka, “A ŋa a ti má Kristo Tiidefo ni, a kaaki ti má Eliya, na a kaaki ti má Nyeme noanie kanfo n ni, ye nzu ti ye a bie minem Nyeme nzue a?” ²⁶ Na wo bo bu nu ka, “Mini bie minem Nyeme nzue wo. Ama, sono be wo am nu fen bo amberε si má i. ²⁷ I wo m sin suba, m ti kaan ni bo m dodo i mmoo.” ²⁸ Ahin sa n kere yo yoori mie n bo bu fere i ka Betani n nu wo, i wo Yodan kunma n wie afiiri, deke bo Yohane yo bieeri minem Nyeme nzue n wo.

Kabo Yohane ŋa Yesu ti Nyeme bombaa ni

²⁹ Alecin fofore na Yohane anu ka Yesu suba i do, na wo se ka, “Am nie, Nyeme bombaa n bo wo ba ka i ba yi durunya n nufom satie n lee. ³⁰ Yiri, ye m yo seeri am ka sono n bo i wo m sin suba na i tara m fieo n lee, dama i yo woori bere wo ka, ye bu wuuri m a, yiri lee. ³¹ Mini mmoo ni m tii yo si má i, m dee la ka m bie minem Nyeme nzue wo, adena amberε Yisarelifom si i.” ³² Na Yohane adi daani ase minem ka, “Ma ŋu ka Nyeme Awiewie Casi n afite angoro ajura ka tiiwa dee su aba atana i ŋu, na wo wo i do. ³³ Mini mmoo ni m tii yo si má i, ama, Nyeme bo i sunmaari m ka m ba bie mine Nyeme nzue ni, yiri seeri m ka, ‘A bá ŋu ka m Awiewie ni júra ba tana sono be ŋu, na i wo i do, yiri má m Awiewie Casi n ba wura minem ŋu a.’ ³⁴ Ma ŋu i so ye m sudi daani kere mine a, ka yiri ti Nyeme Wa n nahore su a.”

Mine n bo bu du mo yoori Yesu susufom ni

³⁵ Na alecin fofore bekun na Yohane ni i susufom ni nnyo jina. ³⁶ Na wo nie anu ka Yesu wo natiiri su susin, na wo se ka, “Am nie, Nyeme Bombaa n lee.” ³⁷ I susufo nnyom n tiiri so n na ba ko asu Yesu su. ³⁸ Na Yesu akaaki anie anu ka bu susu i su, na wo bisa bu ka, “Am koro nzu wo?” Na ba bisa i ka, “Rabi, a da ni wo?” Rabi bu la ka, ya Kerefo. ³⁹ Na wo se bu ka, “Am bra na am ba nie.” Nyini sangani, naaso kerefi nna abo, na ba su i su, na ba ko anu deke bo i wo ni. Na ba ka i do nyini ceen ni. ⁴⁰ Nyini mine n nnyom n bo bu yo tiiri kabo Yohane seeri n na bu suuri Yesu su ni, bu nu kun ye bu fere i ka Andere n a, bo i gorɔ la Simon Petoro ni. ⁴¹ Nyini sin na Andere ako anu i gorɔ Simon, na wo se i ka, “Ya ŋu Mesaya ni.” Mesaya bu la ka Kristo, Tiidefo n bo Nyeme ase ka i sunma i ni. ⁴² Na wo fa i aba Yesu do. Na Yesu anie i nyunu, na wo se i ka, “Bu fere u ka Simon wo, woro ti Yohane wa n a, ama, bu bá fere u ka Kefasi.” I bu la ka yabuε, i ni Petoro kere ti duma kun wo.

Kabo Yesu fereeri Filipu ni Natanieli ka bu su i su ni

⁴³ Alecin fofore na Yesu ayasu ka i ko Galili dee awore n nu. Na wo ko anu sono be bo bu fere i ka Filipu ni, na wo se i ka, “Ba su m su.” ⁴⁴ Filipu bosu la mie be bo bu fere i ka Besayida n wo. I ni Andere ni Petoro kere fite mie kun su wo. ⁴⁵ Na Filipu gusu ako anu sono be bo bu fere i ka Natanieli, na wo se i ka, “Ya ŋu sono n bo Moyisi yo kerεeri i jore Nyeme noanie kpamaawa kadasi n nu ni, na Nyeme noanie kanfom gusu yo kerεeri i jore bu dee kadasi n nu ni. Yiri la Yesu n bo i fite Nazareti ni, na i si la sono be bo bu fere i ka Yosefu ni.” ⁴⁶ Na Natanieli abisa i ka, “Deke kpa koro fite Nazareti dee mie n gusu nu?” Na Filipu ase i ka, “Bra na a ba nie.” ⁴⁷ Nyini sangani na Yesu anu ka Natanieli suba i do, na wo se ka, “Ahin sono n ti Yisarelifo baa a nahore su, bo sa be wo má i ŋu.” ⁴⁸ Na Natanieli abisa

i ka, “A yo se siiri ma?” Na Yesu abo i nu ka, “M n̄uuri u san̄ga bo a toko tana damba baka n bu n wɔ, nyini sin ye Filipu fereeri u n a.” ⁴⁹ Na Natanieli ase i ka, “Ya Kerefo, woro ti Nyeme Wa n a, nahore su. Woro ti Yisarelifom Feme n a.” ⁵⁰ Na Yesu ase i ka, “Bo ma se u ka m n̄uuri u damba baka n bu n ti ye a yo m yarada, nzen se? A ba n̄u alekutura sam bo bu tara so. ⁵¹ Nahore ye m suse am a. Am ba n̄u kabo angoro ba teke na Nyeme merékem ba sufun ko angoro, na bu ba sujura ba mini Adamande Wa n do.”

2

Kabo Yesu koori konyaya be Kana mie kpiri n nu ni

¹ Nyini sin, i lesan ceen na konyaya be awo Kana, mie kpiri n bo i wo Galili awore n nu ni. Na Yesu ni gusu ako konyaya n nu. ² Na ba fere Yesu ni i susufom n ka bu gusu ba di konyaya n be. ³ San̄ga bo konyayafom nzan n ba kpieri bu su ni, na Yesu ni aba ase i ka, “Bu nzan n awie.” ⁴ Na Yesu abo i nu ka, “M ni, ye a na m yo se wɔ? M san̄ga nya ju ma.” ⁵ Na i ni ase awurunbaam n ka, “Am yo deke kere bo i se am.”

⁶ Nyini dika n nu, yabue cun̄gu nsen jina bere, bo i kun kun kere koro de nzue gan̄ga nnu wara nsen. Yudafom la bu yoowa be, bu fa nyini cun̄gum n nu nzue ni, ye bu bita nmisi bu fin a. ⁷ Na Yesu ase awurunbaam n ka, “Am sa nzue go cun̄gum n nu na bu yi.” Na ba go i kere nzue na bu yi. ⁸ Na Yesu akaaki ase bu ka, “Kisa am sa be ko ma konyafan danfo ni.” Na ba sa be ako ama i. ⁹ Bu sa ko maari i ni, na nzue n akaaki nzan. Na wo fa akan i n̄oo. Wo si ma deke bo nyini nzan n fite. Ama, awurunbaam bo bu saari nzue ni, bere si deke bo i fite. Na wo fere konyafan ni, ¹⁰ ase i ka, “Sono kere nya na bu ma nzan, bu du mo fa nzan fiefie n ma jama n a ka, na ba nya aba anu abo ni, na bu nya fa bo i yo ma fie n ma bu, ama, woro, a fa bo i yo fie n aka sin a.” ¹¹ Kabo Yesu maari nzue kaaki nzan ni, nyini tiiri i ciciri su dee alekutura sa. I yoori nyini sa n Kana, bo i wo Galili awore n nu n wɔ, na i kere kabo i la yiko n bo i fite Nyeme do, na i susufom n ayo i yarada.

¹² Nyini sin, na i ni i ni, ni i niemam, ni i susufom n ako mie kpiri n bo bu fere i ka Kapenam, na ba ko ayo lennyo do.

Kabo Yesu fonri watafom fiteeri Nyeme Sereebiri Awuru n nu ni

¹³ Wo ka kaan na Yudafom di bu ceenkpiri n bo bu fere i ka Butara ceenkpiri ni. Na Yesu ako Yerusalem mie kpiri n nu. ¹⁴ Na wo ko awura Nyeme Sereebiri Awuru n nu an̄u ka mine wo do suto naanim, ni nboem, ni bumbuku tiwam, na nwaa kaakifom gusu tana do. ¹⁵ Na wo fa nyama an̄o i ka ngbere dee su, na wo fa afon ayi nboem n ni naanim n kere afite Nyeme Sereebiri Awuru n nu. Na wo sandi nwaa kaakifom nwaa n kere abutu, na wo nya akaaki bu teebirim kere alanlanga. ¹⁶ Na wo se minem bo bu to bumbuku tiwam n ka, “Am fa am bumbukum n fite fen. Ma am se ka am fa m Si Nyeme Sereebiri Awuru n yo go kun.”

¹⁷ Na i susufom n aba atenge su ka ba kere i Nyeme Jore Kadasa n nu ka, “M Nyeme Feme, m nyunu aboro u awuru n jore su, nyini kun m a.” ¹⁸ Na Yudafom nkpienm abisa i ka, “A yo nzu alekutura sa bo i kere ya ka a la atin bo a yo so a?” ¹⁹ Na Yesu ase bu ka, “Am bo fufu ahin Nyeme Sereebiri Awuru ni, na lesan afien m kaaki ta i bekun.” ²⁰ Na ba se i ka, “Afo aburana ni nsen ye bu fa taari ahin Nyeme Sereebiri Awuru n a. I yo se ye woro ba se ka a kaaki ta i lesan afien a?” ²¹ I yo kaanri so ni, i faari i nuniembaa ni fa sunsun Nyeme Sereebiri Awuru n a. ²² Na san̄ga bo i

ba wu tengeeri i yiwee n nu ni, na i susufom n atenge su ka i yo seeri so, na ba de nɔaniɛ n bo ba kere i Nyeme Jore Kadasi n nu ni, na ba yo Yesu jɔjɔwa n yarada.

Yesu si kabo adamande woowa ti barasu

²³ Saɗa bo i wo Yerusalem na bu sudi Butara cɛenkpiri ni, i yoori alekutura sam, na mine dɔngu aɗu i, na ba yo i yarada. ²⁴ Ama, yiri afa má i ɗu ago má bu ɗu, dama i si kabo adamande woowa ti. ²⁵ Má pui ti, yiri mmɔɔ ni i tii si kabo adamande ahore su ti barasu, má be se i a.

3

Kabo Yesu kaanri Nyeme jore kereeri Nikodemo ni

¹⁻² Cɛen be kɔngue so o, na Yudaɓom kpɛen be aba Yesu do, bu fere i ka Nikodemo. I ti Farasifom ni kun be wo. Na wo se Yesu ka, “Ya Kerefɔ, ya si ka a ti kerefɔ n bo a fite Nyeme do o, dama be koro yo má alekutura sa bo a yo bu ni, má ka Nyeme wo i mi do.” ³ Na Yesu ase i ka, “Nahore ye m suse u a. Sɔno koro fa má Nyeme yo má i femɛ, má ka ba wu i fɔfɔre.” ⁴ Na Nikodemo abisa i ka, “Sɔno nyunu ati, bu yo se koro kaaki wu i fɔfɔre a? I koro kaaki wura i ni kunnu na bu wu i bekun?” ⁵ Na Yesu ase i ka, “Nahore ye m suse u a, sɔno koro wura má Nyeme femɛya n nu, má ka ba wu i fɔfɔre fa ko nzue bieɛwa ni Awiewie Casi n deɛ atin n su. ⁶ Deke bo adamande awu i, i ti adamande wo, na deke bo Awiewie Casi n awu i, i ti awiewie wo. ⁷ Má a ma i yo u alekutura fa ko kabo ma se u ka wo yo daka ka bu wu am fɔfɔre ni. ⁸ Saɗa kere a ti ka aɗuma kpɛe ko o, ye a ti i nanmie ɗga a, ama, a si má deke bo i fite, na a kaaki si má deke bo i suko, nyini ti, sɔno kere bo Awiewie Casi n awu i ti so o.”

⁹ Na Nikodemo abisa Yesu ka, “I yo se ye ahin koro yo a?” ¹⁰ Na Yesu akaaki abisa i ka, “Woro bo a kere Yisarelifom Nyeme nɔaniɛ n na bu nyunu yi u ni, i yo se ye a si má ahin n a? ¹¹ Nahore ye m suse u a, sa bo ya si i, ye ya jɔjɔ i jore a, na sa bo ya nyumbaa aɗu i, ye ya di i daani kere minem a, ama, am akete ya daani diiwa ni. ¹² M suse am sam bo bu wo durunya n nu fen wo lee, ama, am sude má i, ye m ba seeri am sam bo bu wo Nyeme femɛya n nu, am yo se de i a? ¹³ Be nya fun má Nyeme do, má ka mini Adamande Wa n bo m woori i do na ma jura aba ni. ¹⁴ Kabo Moyisi yo faari jawii yoori i ka woo deɛ su n na i fa i bara yeeri baka n na i yeeri i su kpamaari boro kpantain n nu ni, wo yo daka ka so ye minem ba ye mini Adamande Wa n su a. ¹⁵ Na sɔno kere bo i yoori m yarada, i nya ɗɔɔ bo i la má awieeri ni.”

¹⁶ Nyeme akoro durunya n nufom agaya n deɛ ti, na wo fa i kunnu Wa kun n kpein n afa ama bu, adena sɔno kere bo i yo i yarada, i mi ka má ɗgbɛɛn, ama, i nya ɗɔɔ bo i la má awieeri ni. ¹⁷ Nyeme asunma má i Wa n durunya n nu ka i ba di bu jore cin bu sui wo, ama, wo sunma i ka i ba de bu tii ji wo. ¹⁸ Sɔno kere bo i daafiiri Nyeme Wa n ɗu, Nyeme dí má i mi n jore, ama, sɔno kere bo wo da má i ɗu, Nyeme adu mo adi i jore ka, dama ka wo da má Nyeme Wa kun n kpein n ɗu n deɛ ti. ¹⁹ Kabo Nyeme di bu jore n la ka, wein n aba durunya n nufom do, ama, bu satie yoowa n deɛ ti, ba koro awosin n atara wein ni. ²⁰ Sɔno kere bo i yo satie kpo wein n wo, i koro má ka i ko wein n nu, na i satiem fite fofoe nu. ²¹ Ama, sɔno kere bo i su nahore atin su, i fite fofoe nu wo, na mine kere ɗu ka i sayoowa n su Nyeme atin n su wo.

Kabo Yohane diiri Yesu ɗu daani barasu ni

²² Nyini sin na Yesu ni i susufom n ako Yudiya dɛɛ awɔrɛ n nu. Na ba ko adi lennyɔ do, na i subie minem Nyeme nzue. ²³ Nyini sanja n na Yohane gusu subie minem Nyeme nzue. I wo Ayinon mie n nu fa dodo Salim awɔrɛ n nu, dama nzue sunnu do n dɛɛ ti. Na minem suba i do na i subie bu Nyeme nzue. ²⁴ Nyini sanja ni, ba nya anyi ma Yohane dansaraka.

²⁵ Na Yohane susufom ni Yudafo be awura akuruwa fa ko bu fin kpara n dɛɛ yoowa atin su. ²⁶ Na ba ko Yohane do ako ase i ka, “Ya Kerefo, nie. Sono n bo i yo baari u do Yodan kunma n wie afiri n na a yo diiri i nu daani kereeri mine ni, yiri wo do subie minem Nyeme nzue n a, bu kere sukɔ i do o.” ²⁷ Na Yohane ase bu ka, “Sono koro nya ma deke be, ma ka Nyeme afa nyini deke n ama i. ²⁸ Amberɛ ni am tii woori m daani ka m na ma mini ti Kristo Tiidefo n a, ama, Nyeme sunmaari m ka m du i mo o. ²⁹ Bu nya jaari konya, i ti konyafan n dɛɛ wo, ama, na konyafan n danfo jina suso i sui ti deke bo konyafan ni jojo se i, nyini sanja na i danfo n ahore jo. Nyini ahorejo kun ni, wo mini gusu do a. ³⁰ Wo yo daka ka i dɛɛ duma n fun, na m dɛɛ n kpie su.”

Yiri bo i fite angoro n dɛɛ jɔrɛ

³¹ Yiri bo i fite angoro n tara sono kere. Na bo i fite durunya n nu fen ti durunya n nu fen fo o, na i jojowa kere ti durunya n nu fen jore wo. Ama, yiri n bo i fite angoro n tara sono kere. ³² Deke bo wo nu i, ni bo wo ti i, ye i di i daani kere mine a, ama, be de ma i daani diiwa ni. ³³ Ama, sono kere bo i deeri i daani diiwa n asoro su akere ka Nyeme ti nahorefo lee. ³⁴ Dama yiri n bo Nyeme asunma i ni, Nyeme noanie n ye i kan i a, dama Nyeme afa i Awiewie Casi n ama i bo i la ma anusu. ³⁵ Nyeme koro i Wa ni, na wo fa deke n kere awura i saa nu. ³⁶ Na sono kere bo i daari Nyeme Wa n nu, i la ngoo bo i la ma awieeri ni. Na sono kere bo i kete i noanie ni, i nya ma ngoo n bo i la ma awieeri ni, ama, Nyeme fa yaa cin i sui.

4

Kabo Yesu seeri Samariyafɔ bara be i tii su jɔrɛ ni

¹⁻² To. Na Farasifom n ati ka Yesu sunya minem dongu bo bu susu i su na i bie bu Nyeme nzue tara Yohane. Ama, ma Yesu ni i tii bie bu Nyeme nzue n a, i susufom ni bie bu a. Sanja bo Yesu faari nu so ni, ³ na wo yasu Yudiya awɔrɛ n nu akaaki ka i ko Galili dɛɛ awɔrɛ n nu bekun. ⁴ I sukɔ ni, wo yo daka ka i fa Samariya dɛɛ awɔrɛ n nu sin a. ⁵ Na wo ko aju Samariya mie kpiri be bo bu fere i ka Suka n su, na i wo dodo asien n bo Jakobu yo fa maari i wa Yosefu dawa sanja ni. ⁶ Jakobu bura n wo nyini dika n nu wo. Natiiri fie n dɛɛ ti, na Yesu ako atana bura n su. Nyini sanja wie abi kenken.

⁷ Na Samariya bara be aba ka i ba sa nzue, na Yesu ase i ka, “Ma m nzue n be na m nu.” ⁸ Nyini sanja ni, i susufom n ako mie kunnu ka bu ko to diire. ⁹ Na bara n ase i ka, “Ee, woro, a ti Yudafo e, ye m gusu ti m Samariyafɔ bara. Nzu ti ye a se m ka m ma u nzue a?” Dama Yudafo ni Samariyafom to ma pui. ¹⁰ Na Yesu ase i ka, “Nzen ma a si Nyeme aceeri ni, na ma a si sono n bo i susere u nzue ni, ma woro sere i a, na i ma u nzue bo i ma ngoo ni.” ¹¹ Na bara n ase i ka, “Ya si, bura n wo ngo, u gusu la ma goroka, ye a nya nyini nzue n bo i ma ngoo n ni wo? ¹² Woro, nka a na a tara ya na Jakobu n wo, nzen se? Yiri maari ya nyini bura n a. I ni i nbaam fa sanja ni i nengendorem kere yo nuuri nyini bura n nu wo.” ¹³ Na Yesu ase i ka, “Sono kere bo i nu ahin nzue ni, nzuehoɛ ti i mi bekun,

14 ama, sɔnɔ kɛrɛ bo i nu nzue n bo m má i ni, nzuehɔɛ tí má i mi kun fieo, dama nzue n bo m má i ni, i wó i kunnu tiɛ kabo bura nzue tiɛ n wɔ, na i má i ɲɔɔ bo i la má awieeri ni.” 15 Na bara n ase i ka, “Ya si, ma m nyini nzue n be na m nu, adena má nzuehɔɛ ti m kun, na má m kaaki ba sa nzue fɛn kun.”

16 Na Yesu ase i ka, “Kɔ fere u hun na am bra.” 17 Na bara n ase Yesu ka, “M la má hun.” Na Yesu ase i ka, “Kabo a ɲa a la má hun ni, i ti nahɔrɛ wɔ. 18 Dama nbiesɔm nnu ye a fite bu ajaa bu n a, na haari bo u ni yiri wo bere kisa mmɔɔ ni, i ti má u hun. A se nahɔrɛ wɔ.” 19 Na bara n ase i ka, “Ya si, ma ɲu ka a ti Nyɛmɛ nɔɔniɛ kanfɔ ɔ. 20 Ya na Samariyafɔm yo suuri Nyɛmɛ ahin buka n su wɔ. Ama, ambere Yudaɔfɔm ɲa wɔ yo daka ka sɔnɔ kɛrɛ su Nyɛmɛ Yerusalem miɛ kpiri n nu wɔ.” 21 Na Yesu ase i ka, “Bara, de bo m suse u ni, saɲga suba bo am sú má ya Si Nyɛmɛ ahin buka n su, wara Yerusalem miɛ n nu. 22 Ambere Samariyafɔm ɲa am su Nyɛmɛ wɔ, ama, am si má i. Ama, yere Yudaɔfɔm si i, ye ya su i a. Dama tiide n fite Yudaɔfɔm dɔ ɔ. 23 Saɲga suba bo wɔ ju awie, na bo bu su ya Si Nyɛmɛ ni, i Awiewie Casi ni búka bu ye bu sú i ni nahɔrɛ su a. Dama nyini minem ɲusu ye ya Si Nyɛmɛ koro ka bu su i a. 24 Nyɛmɛ ti awiewie wɔ, nyini dɛɛ ti, bo bu su i ni, wɔ yo daka ka i Awiewie Casi n búka bu na bu sú i ni nahɔrɛ su.” 25 Na bara n ase i ka, “Tɔ, m si ka Kristo Tiidefɔ ni bá. I ba juuri, i kán ya deke kɛrɛ kere ya.” 26 Na Yesu ase i ka, “Mini bo m sujɔɔ u dɔ ni, mini lɛɛ.”

27 Nyini saɲga n nu na Yesu susufɔm n afite miɛ n kunnu aju, na jɔrɛ n amie bu kabo Yesu ni bara n wo jɔɔ su ni. Ama, bu be abisa má bara n ka, “A koro nzu i dɔ a?” Be gusu abisa má Yesu ka, “Nzu ti ye a sujɔɔ bara n dɔ a?”

28 Na bara n ayaki i dundu n bere, na wɔ kpie i nyi akɔ miɛ n kunnu ako ase minem ka, 29 “Am ba nie sɔnɔ be bo wɔ se m m tii su sa kɛrɛ bo ma yo i. Beni, kisa, Kristo Tiidefɔ n lɛɛ fan?” 30 Na minem n afite miɛ n nu, na bu kɔ Yesu dɔ.

31 Bara n kɔɔri n dɛɛ sin, na Yesu susufɔm n asere i ka, “Jande, ya Kerefɔ, di diire.” 32 Na wɔ se bu ka, “M la diire bo m di bo am si má i.” 33 Na i susufɔm n abisa bu ɲuɲu nu ka, “Be afa diire aba ama i wɔ di wɔ, nzen sɛ?” 34 Na wɔ se bu ka, “M diire n la ka, m yo yiri bo wɔ sunma m dɛɛ koroowa na m yó i juma n wie.” 35 Na wɔ bo bu anyunderɛ ase ka, “Am ɲa wɔ ka sara nna na am tambu fiesu nenɲem. Ama, mini suse am wɔ lɛɛ, am tu am tii na am nie, fiesu diire n abi ni kpie. 36 Sɔnɔ bo i kpie diire ni, i nya i ɲkatɔ, i ti ka sɔnɔ bo i tien mine nɔɔ, na bu nya ɲɔɔ bo i la má awieeri ni, dɔfɔ ni kpiefɔ n kere nya ahorejɔ. 37 Be bu ɲa ‘Be dɔ, na be kpie ni,’ i ti nahɔrɛ wɔ. 38 Ambere yiri, mini asunma am a, ka am kɔ kpie diire n bo am adɔ má i ni. I ti ka nbem adu mɔ akan Nyɛmɛ nɔɔniɛ n akere minem, ye am dɛɛ la ka am ma bu yo m yarada. Nbem dɛɛ jumayoowa ye am sudi i kperɛ n a.”

39 Bara n seeri minem bo bu fite miɛ n nu n kabo Yesu ase i tii su sa kɛrɛ n dɛɛ ti, na Samariyafɔm dɔɲgu bo bu fite miɛ n nu n ada Yesu ɲu. 40 Nyini ti, bu ba juuri Yesu dɔ ni, na ba sere i ka i ka bu dɔ, na wɔ kɔ awo bu dɔ cɛɛn nnyɔ. 41 Na mine dɔɲgu ada i ɲu abuka su fa kɔ i nɔɔniɛ jɔɔɔwa n ti. 42 Na ba se bara n ka, “Kisa, má u dɛɛ jɔɔɔwa n ɲgumi ti ye ya da i ɲu a, ama, yere mmɔɔ ni ya tii ati i nɔɔniɛ jɔɔɔwa, na ya si nu ka ahin sɔnɔ n ti bo i baari ka i ba de durunya n nufɔm tii wɔ, nahɔrɛ su.”

Kabo Yesu maari fɛmɛ n kpɛn be wa nyaari laifɛ ni

⁴³ Yesu woori bu do cɛɛn nnyɔ n sin, na wo yasu bere ako Galili deɛ awɔre n nu. ⁴⁴ Dama yiri mmɔɔ ni i tii adu mo akan ka Nyeme noɔnie kanfo la ma jirima i tienngu bosu. ⁴⁵ Saɔga bo i ko juuri Galili ni, na ba de i ni bu sa nnyɔ, dama bu yo nuuri kabo i yoori alekutura sam cɛɛnkpiri n saɔga, Yerusalem mie kpiri n nu ni, dama bere mmɔɔ yo koori nyini cɛɛnkpiri n di ti.

⁴⁶ Na Yesu akaaki ako Kana, mie kpiri n bo i wo Galili awɔre n nu ni, deke bo i yo maari nzue kaakiiri nzan ni. Feme n kpien be woori do. I wa be la ma laifie, i wo Kapenam mie kpiri n nu. ⁴⁷ Na saɔga bo kpien n tiiri ka Yesu afite Yudiya deɛ awɔre n nu ako aju Galili ni, na wo ko Yesu do ako asere i ka i wa suwu, i ma bu ko na i ko tuntun i, na i nya laifie. ⁴⁸ Na Yesu ase i ka, "Ma nu ka nzen am anu ma alekutura sam, am yo ma m yarada." ⁴⁹ Na kpien n ase i ka, "M Mibie, bra ndende, ma nyini, a cɛeri, a ba nu ka m wa n awu." ⁵⁰ Na Yesu ase i ka, "Ko. U wa n anya laifie." Na wo de Yesu noɔnie ni, na wo kaaki ako. ⁵¹ Na saɔga bo i suko awuru ni, na i akoom akpa i atin aba ase i ka, "U wa n anya laifie." ⁵² Na wo bisa bu ka, "Saɔga bono ye i nunie n jooi a?" Na ba se i ka, "Anuma wiesu kerefi kun saɔga ye i nunie n jooi a." ⁵³ Do na baa n si n atenge su ka, nyini saɔga n nu lee, ye Yesu seeri i ka i wa n anya laifie n a. Na i ni i dikafom kere ada Yesu nu. ⁵⁴ Kabo Yesu ma baa n nyaari laifie ni, nyini tiiri i alekutura sa nnyɔ su bo i yoori saɔga bo i fite Yudiya deɛ awɔre n nu koori Galili n a, na i kere kabo i la yiko n bo i fite Nyeme do.

5

Kabo Yesu tuntuunri sɔno be kunma n noo su ni

¹ Nyini sin na Yesu ako Yerusalem mie kpiri n nu na i ko di Yudafoɔm cɛɛnkpiri be. ² Kunma be da dodoori ano n bo bu fa nboem fa sin wura mie n nu ni. Hiburu anie nu bu fere nyini kunma n ka Besata, i la kpatam nnu wo. ³ Landurifoɔm beberebe dada kpatam n nu, bu nu nbem ti anyinsinm, nbem ti kujandafom, na bu nbem gusu nunie buekun awu bo bu koro yasu ma. [⁴ Bu da nminda do, dama saɔga saɔga Nyeme mereke jura ba kunma n nu wo, na i ba kankan nzue n nu. Nzue kankanwa n deɛ sin, na landurifo n bo i du mo juraari nzue n nu, i tukpaki n koro i ti ka se, i yaki wo, na i nya laifie.] ⁵ Sɔno be woori bu nu bo wo da tukpaki i afo aburasan ni mocue lee. ⁶ Yesu nuuri i so ni, na wo fa nu ka sɔno n tukpaki n ace i nu, na wo bisa i ka, "A koro ka a nya laifie wo?" ⁷ Na tukpakifo n ase Yesu ka, "M Mibie, m la ma bukafɔ be bo nzue n nya ba kankan, na i kuku m wura nu. Saɔga kere bo nzue n nya ba kankan, na m ba na m wura nu, a nu ka be adu m mo." ⁸ Na Yesu ase i ka, "Yasu, fa u dasu n na a nati." ⁹ Jinaabiri n nu bere na sɔno n anya laifie, na wo yasu afa i dasu n sunati.

Nyini cɛɛn n bo Yesu tuntuunri sɔno n ti Numiyi cɛɛn wo. ¹⁰ Nyini ti na Yudafoɔm nkpienkpienm n ase sɔno n bo wo nya laifie n ka, "Nyuma ti Numiyi cɛɛn wo. Ya deɛ atin n su, atin wo ma nu bo a so u dasu ni." ¹¹ Na wo se bu ka, "Sɔno n bo i tuntuunri m ni, yiri seeri m ka m fa m dasu na m nati a." ¹² Na ba bisa i ka, "Nyini sɔno n la nma a, ye i seeri u ka a fa u dasu nati a?" ¹³ Ama, na sɔno n bo wo nya laifie n akoro asi ma i mi n bo i tuntuunri i ni, dama Yesu awura jama n nu ako. ¹⁴ Nyini sin na Yesu aba anu i, Nyeme Sereebiri Awuru n nu, na wo se i ka, "Ti fen. Kisa a nya laifie, ma a yo satie kun. Ma nyini, a di wahara bo i tara nyini n nusu." ¹⁵ Na sɔno n ako ase Yudafo nkpienkpienm ni ka Yesu tuntuunri i a. ¹⁶ Nyini ti, na ba kere Yesu wuwuruwa, dama wo tuntun sɔno Numiyi cɛɛn n deɛ ti.

17 Na wɔ se bu ka, “M Si toko yo juma haari ba ju ni nyuma, nyini ti ye m gusu yo a.” 18 Yesu jɔjɔri sɔ n dɛɛ ti, na Yudafɔm nkpienkpienm n aboro bu nyi abuka su ka bu kun i. Má ka bo wɔ saaki Njumiyi cɛɛn n ciire n ngumi dɛɛ ti, ye bu kpi ka bu kun i a, ama, bo wɔ kaaki ase ka Nyeme ti i Si n dɛɛ ti. Nyini kere ka wɔ fa i nju abu Nyeme wɔ lɛɛ.

Kabo Yesu yiko ti barasu ni

19 Na Yesu ase bu ka, “Nahɔre ye m suse am a, mini Nyeme Wa n ni m tii, m koro bo má m tiɛnu yo má pui, má ka deke bo m nju ka m Si yo i ni, ye mini gusu yo i a. 20 Dama m Si Nyeme koro mini i Wa ni, na i sukere m deke kere bo i yo i ni, na i bá kere m sakpakpam bo m yó bu tara sɔ, na i yó am alekutura. 21 Kabo m Si Nyeme ye minem bo ba wu n su n na i ma bu ngɔɔ ni, sɔ ye mini gusu ma minem bo ma yi bu ni ngɔɔ a. 22 Dama m Si Nyeme ni i tii di má be jɔre, ama, wɔ fa jɔredi atin kere ama mini i Wa n wɔ, 23 adena sɔnɔ kere bu m kabo bu bu m Si ni. Sɔnɔ kere bo i bu má m, i mi abu má m Si bo wɔ sunma m n lɛɛ.

24 Nahɔre ye m suse am a, sɔnɔ kere bo i ti m nɔanie n na i de i, na i da Nyeme bo wɔ sunma m n nju, i mi la ngɔɔ bo i la má awieeri, na m dí má i mi jɔre. I mi afite yiwee nu anya ngɔɔ lɛɛ. 25 Nahɔre ye m kaaki suse am a, ka sanɔga suba bo wɔ ju awie, na mine bo ba wu ni tí mini Nyeme Wa n nɔanie ni, na bo bu tiiri i na bu deeri i, bu nyá ngɔɔ. 26 Dama kabo ngɔɔ fite yiri m Si Nyeme dɔ ni, sɔ ye wɔ ma mini i Wa n gusu yiko ka m ma minem ngɔɔ a, 27 na wɔ kaaki ama m atin ka m di mine jɔre, dama m ti Adamande Wa a. 28 Má am ma ahin jɔjɔwam n yo am alekutura. Sanɔga suba bo mine bo ba wu n kere tí m nɔanie ni, 29 na bu tɛnge bu yiwee n nu. Minem bo bu yo yoori sakpa ni, bu tɛnge na bu nya ngɔɔ bo i la má awieeri, na minem bo bu gusu yo yoori satie ni, bu tɛnge na bu nya suicin.”

Sam bo bu di Yesu nju daani ni

30 Na Yesu asa su ase ka, “M koro bo má m tiɛnu yo má pui. Kabo Nyeme se m ni, sɔ ye m di minem jɔre a. Nyini ti, m jɔre diiwa n ti nahɔre wɔ, dama m yo má m dɛɛ koroowa, ama, m yo yiri n bo wɔ sunma m n dɛɛ koroowa a.

31 Nzen m di m nju daani kere am, am de má ka i ti nahɔre, 32 ama, be wo bere bo i di m nju daani. Yiri la m Si Nyeme. Na m si ka i daani diiwa n ti nahɔre wɔ. 33 Am yo sunmaari minem Yohane dɔ, na wɔ se am nahɔre, kabo m ti barasu. 34 M de má adamande daani diiwa, ama, m kan kabo Yohane seeri am ni, adena am nya am tii. 35 Yohane yo ti ka fitana bo i je na i ta a, na amberɛ ayo asoro su ka am wo i wein nu ni ahorejo fa ko sanɔga su. 36 Ama, m la deke bo i di m nju daani bo i tara Yohane dɛɛ ni, yiri la sam bo m Si Nyeme akere m ka m yo bu wie ni. Nyini sam ni di m nju daani ka m Si asunma m a. 37 Na m Si bo wɔ sunma m ni, yiri gusu adi m nju daani a. Am nya ti má i konvi, am kaaki nya nju má i kabo i ti barasu, 38 na i nɔanie wo má am ahore su, dama wɔ sunma m am dɔ, na am ada má m nju. 39 Am kan Nyeme Jɔre Kadasi n wɔ, na am fiiti i nu, dama am sunsun ka nyini kere am atin bo am fa na am nya ngɔɔ bo i la má awieeri a, ama, nyini kerɛwam nu di m nju daani a. 40 Haari ni nyini n mmɔɔ am akete ka am ba má m dɔ na am ba nya ngɔɔ.

41 M koro má kansu adamande dɔ. 42 M si am sa, na m si ka, Nyeme dɛɛ koro n wo má am ahore su. 43 Mini ade m Si jinaabiri aba, ye am ade má m, ama, nzen be baari ni i tienɔgu ba, am dé yiri wɔ. 44 Amberɛ, am koro am nju nu kansu wɔ, na bu susu am, ama, am koro má kansu yiri n

ngumi bo i ti Nyeme n do, nyini ti, i yo se ye am koro da m nu a? ⁴⁵ Má am sunsun ka mini kó jaraki am m Si Nyeme do a. Am jarakifo la Moyisi, bo am la tama ka yiri búka am ni. ⁴⁶ Moyisi yo kereri m nusu jore wo. Nyini ti, nzen má am de i noanie ni, má am de m gusu dee ni. ⁴⁷ Ama, am ade má kabo i yo kereri i ni, i yó se ye am koro de bo m suse am n a?"

6

Kabo Yesu maari nbiesom akpii nnu ni bu minem diire ni

¹ Nyini sin, na Yesu akpie ako Galili kunma kpiri n bo bu kaaki fere i ka Tiberiya n buekun do. ²⁻⁴ Nyini sanja, wo ka kaan, na Yudafom di bu Butara eenkpiri ni. Na jama beberebe asu i su, dama ba nu kabo wo yo alekutura sam atuntun tukpakifom na ba nya laifie ni. Na Yesu ni i susufom n afun ako atana buka be su. ⁵ Na Yesu atu i tii anie anu ka jama beberebe suba i do, na wo bisa Filipu ka, "Ya nya diire nifansu wo, na ya to ma ahin minem kere a?" ⁶ Yiri mmoo ni i tii si kabo i yo barasu, ama, i subo Filipu kunnu na i nie wo. ⁷ Na Filipu ase i ka, "Haari nzen ya faari nwaa beberebe toori diire maari bu, i ju má bo bu kere koro nya kan kan di." ⁸ Na i susufom kun bo bu fere i ka Andere, na i goró la Simon Peto n ase Yesu ka, ⁹ "Gbefene kaan be wo ya nu fen, i bita kpono nnu ni jombaa nnyo, ama, i koro ju má ahin minem kere." ¹⁰ Wura mone sunnu bere, na Yesu ase i susufom ka, "Am ma minem kere tantana wura n su." Na ba ma minem kere atantana. Nbiesom ngumi ko yasuuri mine akpii nnu wo. ¹¹ Na Yesu afa kpono n na wo da Nyeme asi, na wo kpakpaaki i nu ama minem bo bu tantana ni, na wo kaaki afa jombaa n ayo i so, na bu kere anya kabo bu koro. ¹² Bu kere diiri na bu kunnu yiiri ni, na wo se i susufom n ka, "Am tientien sinsin n bo ba di i na wo ka n noo. Má am ma be ka ngbeen." ¹³ Na ba tientien kpono sinsin n bo ba di i na wo ka n noo, na wo yi kandie buru ni nnyo. ¹⁴ Minem n nuuri nyini alekutura sa n bo Yesu yoori ni, na ba se ka, "Nahore, ahin sono n ti Nyeme noanie kanfo n bo bu seeri ka i ba durunya n nu n a." ¹⁵ Yesu faari nu ka bu koro ka bu tara i fanga, na bu fa i yo bu fema n dee ti, na wo yasu afite bu nu yiri ngumi, ako buka n su.

Kabo Yesu natiiri nzue su ni

¹⁶ I naaso sanja, na Yesu susufom n ajura ako kunma kpiri n nu, ¹⁷ na ba ko awura lee nu ka bu kaaki kpie ko Kapenam mie kpiri n nu. Ale aba asan kere, na Yesu nya ba má bu do, ¹⁸ na anuma sukpie fanga su, na nzue nyama gusu suyasu. ¹⁹ Nyini sanja ni, i susufom n wo nzue n su ako aju kunma kpiri n afien, na ba nu Yesu ka i nati nzue n su suba dodo lee ni, na sere ati bu. ²⁰ Na Yesu ase bu ka, "Mini a, má am ma sere ti am." ²¹ Na ba ma wo wura lee n nu. Jinaabiri n nu bere, na ba ju deke bo bu suko ni.

Kabo jama n sunienie Yesu busu ni

²² Alecin na jama n bo bu kaari kunma kpiri n buekun do n afa nu ka lee kun n kpein woori kunma n su anuma n a. Na ba si nu ka Yesu susufom n ngumi wuraari lee n nu koori a, ama, yiri mmoo ni i tii awura má nu. ²³ Na lee nbem afite mie n bo bu fere i ka Tiberiya n aba aju kunma n noo su, fa dodo deke bo Yesu sereeri Nyeme goori kpono n su maari minem na bu diiri ni. ²⁴ Na jama n anie, ba nu má Yesu ni i susufom n bere, nyini ti, na ba wura leem n nu ako Kapenam ko sunienie Yesu busu.

Kabo Yesu na yiri ti diire n bo i ma ngoo n a

²⁵ Minem n ko ɲuuri Yesu kunma kpiri n buekun do ni, na ba bisa i ka, “Ya Kerefɔ, sanɔa bono ye a baari fen a?” ²⁶ Na wo se bu ka, “Nahore ye m suse am n a, ma alekutura sam bo m yoori bu n ti ye am sunienie m busu a, ama, kabo m maari am diire na am kunnu ayi n dee ti a.” ²⁷ Ma am ma am nyunu boro diire bo i saaki n busu, ama, am ma am nyunu boro diire bo i wie ma, na i ma ngoo bo i la ma awieeri n busu. Mini Adamande Wa ni ma am nyini diire n a, dama mini ngumi, ye m Si Nyeme ase m nyaari akere ka m ti i dee a.” ²⁸ Na ba bisa i ka, “Ya yo se koro yo juma n bo Nyeme koro ka ya yo i n a?” ²⁹ Na Yesu abo bu nu ka, “Juma n bo Nyeme koro ka am yo i n la ka, am yo mini bo wo sunma m yarada.” ³⁰ Na ba bisa i ka, “Ye a yo nzu alekutura sa kere ya, na ya ɲu i na ya yo u yarada? A yo sa bono o?” ³¹ Dama sanɔa bo ya nam yo woori boro kpantain nu ni, bu diiri diire be bo bu fere i ka *mana* n wo. Kabo ba kere i Nyeme Jore Kadasi n nu lee, ka yiri maari bu diire n bo i fite angoro ye bu diiri a.” ³² Na Yesu ase bu ka, “Nahore ye m suse am n a, ma Moyisi yo maari nyini diire n bo i fite angoro n a, ama, m Si Nyeme maari am diire n bo i fite angoro nahore su a.” ³³ Dama diire n bo Nyeme ma n la bo i fite angoro, na i ba ma durunya n nufom ngoo ni.” ³⁴ Na ba se i ka, “Ya Mibie, ɲka a ma ya nyini diire n sanɔa kere.”

³⁵ Na Yesu ase bu ka, “Mini ti diire n bo i ma ngoo n a. Sono kere bo i ba m do, ahoe ti ma i mi, na sono kere bo i yo m yarada, nzuehoe ti ma i mi kun. ³⁶ Ama, ma se am, haari ni bo am anu m n kere, am suyo ma m yarada. ³⁷ Sono kere bo m Si fa i maari m, i ba m do, na woro kere bo a ba m do, m kete ma u fieo. ³⁸ Dama ma fite ma angoro aba ma ka m ba yo m dee koroowa, ama, m baari ka m ba yo Nyeme bo wo sunma m dee koroowa a. ³⁹ Yiri n bo wo sunma m dee koroowa la ka, minem kere bo wo fa ama m ni, ma m ma bu be mmoo mini, ama, i koro ka m tenge bu kere jina ceen na bu nya ngoo. ⁴⁰ Dama m Si koroowa la ka, sono kere bo i ɲu mini i Wa n na i yo m yarada, i mi nya ngoo bo i la ma awieeri, na m tenge i jina ceen.”

⁴¹ I seeri ka yiri ti diire n bo wo fite angoro aba n dee ti, na minem ni sununuti i. ⁴² Na ba se ka, “Ma Yosefu wa Yesu n lee? Ya si i si ni i ni kere e. Ye i baari se, ye i ɲa i fiteeri angoro baari a?” ⁴³ Na Yesu ase bu ka, “Ma am nunuti am ɲunu nu. ⁴⁴ Be koro ba ma m do, ma ka m Si Nyeme bo wo sunma m ni, acin i mi adodo m, na m tenge i mi jina ceen. ⁴⁵ Kabo Nyeme nɔanie kanfom yo kereeri lee, ka, ‘Nyeme kere sono kere nyaari a.’ Na sono kere bo i ti Nyeme kereewa n na i siiri nu, i mi ba m do. ⁴⁶ Nyini kere ma ka be adu mo anu Nyeme wo lee, ma ka mini ngumi bo m fite m Si Nyeme do n anu i a. ⁴⁷ Nahore ye m suse am n a, ka sono kere bo i yo m yarada, i la ngoo bo i la ma awieeri. ⁴⁸ Mini ti diire n bo i ma ngoo n a. ⁴⁹ Am nam yo diiri diire n bo bu fere i ka *mana* n boro kpantain nu, ama, na ba wu. ⁵⁰ Ama, ahin diire n ti diire barasu be bo i fite angoro wo, na sono kere bo i diiri i, i wu ma. ⁵¹ Mini ti diire n bo wo fite angoro aba, na i ma ngoo n a. Sono kere bo i di ahin diire ni, i nya ngoo bo i la ma awieeri. Diire n bo m ma n la m ɲuniembaa ni, bo m fa ma durunya n nufom, na bu nya ngoo ni.”

⁵² Yesu seeri so ni, na yaa ati bu, na bu suse akuruwa bu ɲunu nu ka, “Ahin sono ni yo se koro fa i ɲunie ma ya na ya di a?” ⁵³ Na Yesu ase bu ka, “Nahore ye m suse am n a, ma ka am di mini Adamande Wa n ɲuniembaa ni, na am nu m dee mbunja ni, ambere ni am tii la ma ngoo n bo i la ma awieeri ni. ⁵⁴ Sono kere bo i di m dee ɲuniembaa ni, na i nu m mbunja ni,

i mi la ngɔɔ n bo i la má awieeri ni, na m tɛnge i mi jina cɛɛn. ⁵⁵ Dama m dɛɛ ɲuniɛmbaa ni, ti deke bo i ti diire nahɔre su a, na m mbunja n ti deke bo i ti nuuwa nahɔre su a. ⁵⁶ Sɔnɔ kɛre bo i di m dɛɛ ɲuniɛmbaa ni, na i nu m mbunja ni, i mi wo ni mini, na mini gusu wo ni yiri lɛɛ. ⁵⁷ Yiri m Si bo i ma ngɔɔ ni sunmaari m a, i dɛɛ ti, ye m la ngɔɔ a, sɔ ye sɔnɔ kɛre bo i di m ɲuniɛmbaa ni, mini dɛɛ ti, ye i nyá ngɔɔ a. ⁵⁸ Ahin ni ti diire n bo wo fite aɲgoro aba n a, i ti má ka diire n bo am nam yo diiri na i sin na bu wuuri ni. Sɔnɔ kɛre bo i di ahin diire ni, i nyá ngɔɔ n bo i la má awieeri.”

⁵⁹ Yesu kereeri nyini kereewa n kɛre saɲga bo i wo Kapenam bu tientien-bunɔɔ sɔɔ nu n wo.

Kabo Petoro seeri ka Yesu ti sɔnɔ bo i ma ngɔɔ n bo i la má awieeri n a

⁶⁰ Yesu susufɔm dɔɲgu tiiri i jɔɔɔwa n sɔ ni, na ba se ka, “Ahin kereewa n ti kekereke. ɲma koro de i a?” ⁶¹ Na Yesu afa nu ka bu suɲuɲuti fa ko i kereewa n su, na wo se bu ka, “Ahin jɔɔɔwa n dɛɛ ti ye am koro ka am kaaki am sin n a? ⁶² Ye nzen má am ɲu ka mini Adamande Wa n sukaaki sufun kɔ aɲgoro, deke bo m fite baari ni, má am se se wo lɛɛ? ⁶³ Awiewie Casi ni ma mine ngɔɔ a. Adamande yiko be koro ma má ngɔɔ. Nɔanie n bo ma jɔɔ akere am ni, yiri ma am nya Awiewie Casi n bo i ma ngɔɔ n a. ⁶⁴ Ama, am be n mmɔɔ ada má m ɲu.” Má pui ti, fite saɲga bo Yesu boori i juma n bu ni, ye i si bo bu yo má i yarada n a, ni sɔnɔ n bo i bá tɔ i ni. ⁶⁵ Na wo se bu ka, “Nyini dɛɛ ti ye ma se am ka be wo má bere bo i koro ba m dɔ, má ka m Si ama atin ka i mi yo m susufɔ.”

⁶⁶ I seeri sɔ n sin, na i susufɔm dɔɲgu akaaki ayaki i ka bu su má i su kun. ⁶⁷ Na wo bisa i susufɔ buru ni nnyɔm ni ka, “Amberɛ gusu koro ka am kaaki yaki m wo fan?” ⁶⁸ Na Simon Petoro abɔ i nu ka, “M Mibiɛ, ya kó ɲma dɔ a? Wɔrɔ ti sɔnɔ n bo i la nɔanie n bo i ma ngɔɔ n bo i la má awieeri n a. ⁶⁹ Ye ya yo u yarada, na ya si ka wɔrɔ ti sɔnɔ casi n bo a fite Nyɛmɛ dɔ n a.” ⁷⁰ Na Yesu abɔ nu ka, “M ɲa am buru ni nnyɔ ye m yiiri am e, má sɔ? Ama, am nu kun ti Sitana sɔnɔ ɔ.” ⁷¹ I jɔɔ niiri Yudasí wo, Simon Isikariyoti wa ni. Yiri Yudasí tiiri buru ni nnyɔm ni kun wo, ama, yiri bá tɔ Yesu n a.

7

Kabo Yesu ni i niemam boori anzama barasu ni

¹ Nyini sin na Yesu afa Galili awɔre n nu subara ye, wo koro má ka i ko Yudiya dɛɛ awɔre n nu, dama Yudaɔm nkpienkpienm koro ka bu kun i wo. ² Nyini saɲga, wo ka kaan na Yudaɔm di bu cɛenkpiri be bo bu fere i ka Nambue Bo cɛenkpiri ni. ³ Na Yesu niemam ase i ka, “Fite ahin awɔre n nu na a kɔ Yudiya, adena u susufɔm gusu kó ɲu sam bo a yo bu ni. ⁴ Dama sɔnɔ kɛre bo i koro ka mine si kabo i ti barasu, i fa má i sayoowa fie má minɛm sin, nzen a yo alekutura sam wo, ma durunya n nufɔm kɛre si u sa.” ⁵ I niemam n mmɔɔ ayo má i yarada, nyini ti ye bu seeri sɔ n a. ⁶ Na Yesu ase bu ka, “M saɲga nya ju má, ama, amberɛ yiri, saɲga kɛre bo am koro, am kɔ ɔ. ⁷ Amberɛ ye durunya n nufɔm koro kpɔ má am a, ama, bu kpɔ mini wo, dama m se bu wo, ka bu sayoowam ti má kpa. ⁸ Am kɔ cɛenkpiri n di, m kó má, dama m saɲga nya ju má.” ⁹ I seeri bu sɔ ni, na wo ka Galili dɔ lee nnyɔ.

Kabo Yesu kɔ diiri Nambue Bo cɛenkpiri ni

¹⁰ I niemam kɔri ka bu kɔ di cɛenkpiri ni, na Yesu gusu aba asa bu su, ama, wo yi má i ɲu fofoe nu, i fie kɔri a. ¹¹ Na Yudaɔm nkpienkpienm

ni sunienie i, na ba bisa ka, “Ye i wo ni wo?” ¹² Na jama n sutu asuturi bu beɲgu do i busu. Nbem na, “I ti sono kpa a.” Ye nbem gusu na, “Ai, i dadaka minem wo.” ¹³ Ama, be akoro akan ma i jore fofoe nu, dama bu kere soro Yudafoɱ nkpienkpienm n wo.

¹⁴ Saɲga bo ba di ceɛnkpiri n ako aju afien ni, na Yesu ako awura Nyeme Sereebiri Awuru n nu, sukere minem. ¹⁵ Na Yudafoɱ nkpienkpienm n ayo alekutura, na ba bisa ka, “I yo se ye ahin sono n la nyini si n nusu so a, bo be akere ma i a?” ¹⁶ Na Yesu ase bu ka, “Deke bo m fa kere am ni, i ti ma m tiɛngu kereewa, ama, m Si Nyeme bo wo sunma m ni, yiri kere m kabo m kere a.” ¹⁷ Sono kere bo i na i yo Nyeme koroowa ni, ye i si kabo m kereewa n ti a, nzen m kereewa n fite Nyeme do, wara m tiɛngu kereewa. ¹⁸ Sono kere bo i joro i koroyanu, i mi koro ka bu kansi i wo, ama, bo i koro ka bu kansi sono bo i sunma i ni, nyini sono ni joro nahore a, na kore be wo ma i nu. ¹⁹ M na Moyisi yo maari am Nyeme noanie kpamaawa n a, ma so? Ama, am be n mmoo su ma i atin su. Ye nzu ti ye am koro ka am kun m a?” ²⁰ Na jama n ase i ka, “Ajini wo u nu. Nma koro ka i kun u a?” ²¹ Na Yesu ase bu ka, “Sa kun be lee, ye ma yo i n a, ye wo yo am kere alekutura n a.” ²² Moyisi yo maari am noo ka am wura am nbaabiesom kenkenne lemoe ceɛn, nzen haari i to Numiyi ceɛn n mmoo, am yo i, ama, ma Moyisi yo boori i bu ka bu wura kenkenne n a, am nam yo boori i bu a. ²³ Am wura nbaabiesom kenkenne Numiyi ceɛn wo, adena ma am bu noanie kpamaawa n bo Nyeme fa maari Moyisi ni ngbeen, ye nzen ma tuntun sono momo kun Numiyi ceɛn n na wo nya laifie, nzu ti ye am afa yaa m nu a? ²⁴ Ma am nie sono nyunu dika na am di i jore, ama, am si i wo nahore su, na am nya di i jore.”

Kabo minem bisaari ka Yesu ti Kristo Tiidefo n a

²⁵ Yesu seeri so ni, na Yerusalemfoɱ nbem abisa bu nɲu nu ka, “Ma ahin sono n ye Yudafoɱ nkpienkpienm koro ka bu kun i n a?” ²⁶ Am nie e. Wo yi i nu fofoe nu ye i joro a. Be suse ma i pui mmoo. Beni, Yudafoɱ nkpienkpienm asi ka yiri ti Kristo Tiidefo n nahore su n a. ²⁷ Ama, saɲga bo Kristo Tiidefo n ba baari, be si ma deke bo i fite. Ahin sono n yiri, ya si deke bo i fite.” ²⁸ Na saɲga bo Yesu sukere Nyeme Sereebiri Awuru n nu ni, na wo tien faɲga su ase ka, “Am sunsun ka am si m nahore su, nzen se? Ye am si deke bo m fite? Ma ba ma ni m dee yiko nu wo. Yiri n bo wo sunma m ni ti nahorefo a, ama, am si ma i. ²⁹ Mini si i a, dama m fite i do o, yiri sunmaari m a.” ³⁰ Nyini ti, na ba kpi ka bu tara i, ama, be afa ma i saa akan ma i, dama i saɲga nya ju ma. ³¹ Na jama n doɲgu ayo i yarada, na ba se ka, “Saɲga bo Kristo Tiidefo n ba baari, i yo alekutura sam tara ahin sono n wo, nzen se?”

Kabo bu sunmaari tintinijinafoɱ ka bu ko tara Yesu ni

³² Na Farasifoɱ n ati kabo jama n sutu asuturi sukan Yesu jore, na bu ni Nyeme sayoowa doɲguyofo nkpienkpienm n asunma tintinijinafoɱ ka bu ko tara i. ³³ Na wo se ka, “M wo am do saɲga kaan, na m nya ba ko yiri n bo i sunmaari m n do. ³⁴ Am ba nienie m busu, na am nu ma m. Deke bo m ba wo ni, am koro ko ma do.” ³⁵ Na Yudafoɱ nkpienkpienm n abisa bu nɲu nu ka, “Yiri koro ka i ko ni wo, ye yere koro nu ma i a? I ko ya minem do o, bo ba sandi awura Girikifoɱ asien su ni, na i ko kere Girikifoɱ ni Nyeme jore ni, nzen se a? ³⁶ I na se wo lee? Bo i na ya ba nienie i busu na ya nu ma i ni, na bekun, deke bo i sukoni, ya koro ko ma do.”

Kabo sɔnɔ bo i yo Yesu yarada nya nzue n bo i ma ηƔɔɔ ni

³⁷ Cɛɛnkpiri n awieeri cɛɛn n ti cɛɛnkpiri n tii a. Nyini cɛɛn n na Yesu ayasu ajina, na wɔ tien fanga su ase ka, “Sɔnɔ kere bo nzuehɔe ati i, i mi bra m dɔ na i ba nu. ³⁸ Dama ba kere i Nyeme Jɔre Kadasi n nu ka, sɔnɔ kere bo i yo m yarada, ‘Nzuetin bo i ma ηƔɔɔ ni, i sɔngi fite i mi ahorembaa su a.’ ” ³⁹ Yesu jɔjɔ niiri Awiewie Casi n wɔ, ka sɔnɔ kere bo i yo yiri Yesu yarada nyá Awiewie Casi ni. Nyini sanƙa ni, Nyeme nya fa má i Awiewie Casi n ma má, dama wɔ nya wura má Yesu kpiri.

Kabo Yesu dɛɛ ti, na jama n nɔɔ woori bu ηƔunƙumi ni

⁴⁰ Na jama n nu mine nbem tiiri kabo i seeri sɔ ni, na ba se ka, “Ahin sɔnɔ n ti Nyeme nɔanie kanfɔ n wɔ nahɔre su.” ⁴¹ Na nbem ase ka, “Yiri ti Kristo Tiidefɔ n a.” Ama, na nbem gusu ase ka, “Kristo Tiidefɔ ni fite má Galili da. ⁴² Ba kere i Nyeme Jɔre Kadasi n nu ka Kristo Tiidefɔ ni yó Feme Davidi anuma a, na bu wú i Betlehem, Feme Davidi bɔsu wɔ.” ⁴³ Yesu dɛɛ ti, na jama n nɔɔ awo bu ηƔunƙumi, ⁴⁴ na nbem akoro ka bu tara i, ama, be afa má i saa akan má i.

Kabo Yudaƙɔm nkpienkpienm ayo má Yesu yarada ni

⁴⁵ Na tintinijinaƙɔm n akpie bu nyi ako Nyeme sayoowa dɔnguyofɔm ni, ni Farasifɔm n dɔ, na ba bisa bu ka, “Nzu ti ye am afa má i aba má?” ⁴⁶ Na tintinijinaƙɔm n abɔ bu nu ka, “Be nya koro jɔjɔ má kabo nyini sɔnɔ n jɔjɔ ni.” ⁴⁷ Na Farasifɔm n abisa bu ka, “Wɔ daka ambere gusu wɔ fan? ⁴⁸ Am nya ti ka Yudaƙɔm nkpienkpienm wara Farasifɔm n be ayo i yarada a? ⁴⁹ Ama, ahin jama n si má Nyeme nɔanie kpamaawa ni, nyini ti, Nyeme ayo bu ηƙbɛɛn.” ⁵⁰ Na Nikodemo bo i ti Farasifɔm kun n na i yo kɔ ηuuri Yesu ni, ase bu ka, ⁵¹ “Ya dɛɛ atin n su, kana ya ba di sɔnɔ jɔre jaraki i, má ka ya bisa i na ya ti sa bo wɔ yo i n ka.” ⁵² Na ba bisa i ka, “Wɔrɔ n mmɔɔ fite Galili wɔ? Kan Nyeme Jɔre Kadasi n na a niɛ. A ηú má ka Nyeme nɔanie kanfɔ n be mmɔɔ fite Galili.”

[⁵³ Bu se sɔ wieeri ni, na bu kere asandi ako awuru.

8

¹ Na Yesu ako buka n bo bu fere i ka Oliva Buka n su, dama oliva bakam Ɣɔ su wɔ.

Bara ajaafɔ n bo i saakiiri ajaa ciire n jɔre

² Alecín ηƙarama fuun na Yesu akaaki ako Nyeme Sereebiri Awuru n nu. Na jama n kere aba atien bu nɔɔ i dɔ. Na wɔ tana sukere bu Nyeme nɔanie. ³ Na Nyeme nɔanie kerefɔm, ni Farasifɔm nbem afa bara ajaafɔ be bo bu kɔ taraari i ka i ni biɛsɔ da, na ba fa i ajina bu afien. ⁴ Na ba se Yesu ka, “Ya Kerefɔ, ya kɔ atara ahin bara n ka i susaaki ajaa ciire wɔ. ⁵ Nɔanie kpamaawa n bo Nyeme fa maari Moyisi n kere ka, nyini nbaram ηusu sɔ, ya tu bu yabue bo kun bu. Nyini ti, ye wɔrɔ ηa se?” ⁶ Bu seeri sɔ n na bu sɔ i ηƙɛɛ, na bu jaraki i wɔ. Na Yesu abiri i tii asiɛngu sufa i saa maraka sukere asiɛngu. ⁷ Bu wo i bisa n su ni, na wɔ ye i tii su ase bu ka, “Bo i ηa wɔ nya yo má satie am nu, ma i mi du mɔ tu i yabue.” ⁸ Na wɔ kaaki abiri i tii sukere asiɛngu. ⁹ Bu tiiri sɔ ni, na bu kere alɔrɔki kun kun ako. Nkpienm ni du mɔ a. Na wɔ ka Yesu ni bara ni ηƙumi. ¹⁰ Na Yesu aye i tii su, na wɔ bisa bara n ka, “Bara, bu wo ni? Be ase má ka i ti ye ni ka bu kun u, nzen se?” ¹¹ Na bara n abɔ i nu ka, “Ai, m Mibiɛ, be ase má ka i kún m.” Na Yesu ase i ka, “Mini mmɔɔ se má ka be kún u. Kɔ, ama, má a yo satie kun.”]

Kabo Yesu na yiri ti durunya n nufom wein n ni

¹² Na Yesu akaaki ase jama n ka, “Mini ti durunya n nufom wein a. Bo i su m su kere wo má awosin nu kun, ama, i nyá wein bo i ma ngoo ni.”

¹³ Na Farasifom n ase i ka, “Woro, a sudi u nu daani wo, be de má u daani n ka i ti nahore.”

¹⁴ Na Yesu ase bu ka, “Haari nzen m di m nu daani n mmoo, m daani diiwa n ti nahore wo, dama m si deke n bo m fite baari, na m kaaki si deke bo m sukoo ni. Ama, amberɛ, am si má deke bo m fite, na am kaaki si má deke bo m sukoo n gusu. ¹⁵ Amberɛ, am di jore kabo durunya n nufom di bu bengum jore n wo, ama, mini ni m tii, m di má be jore. ¹⁶ Ama, haari nzen m di mine jore n mmoo, m jore diiwa n ti nahore wo, dama má mini ngumi di minem jore a, ama, mini ni m Si bo i sunmaari m ni di a. ¹⁷ Ba kere am Nyeme noanie kpamaawa n nu ka, nzen mine nnyoo daani diiwa yo kun, nyini la ka i ti nahore wo lee. ¹⁸ Mini ni m tii di m nu daani a, na m Si bo wo sunma m gusu di m daani.” ¹⁹ Na ba bisa i ka, “U si wo ni?” Na wo bo bu nu ka, “Am si má m ni m Si n be n mmoo. Nzen má am si mini, má am si m Si n mmoo.”

²⁰ Sanja bo Yesu seeri so ni, i wo minem kere su Nyeme Sereebiri Awuru n nu, fa dodo deke bo bu yi bu saraka njwaa fa ma Nyeme n wo. Ama, be akoro atara má i, dama i sanja nya ju má.

Kabo Yesu seeri ka i fite má durunya n nu fen ni

²¹ Na Yesu akaaki ase bu ka, “M bá ko yaki am, na am bá nienie m busu, ama, am nu má m, na am bá wu ni am satie ni. Deke bo m sukoo ni, am koro ko má do.” ²² Na Yudafo m n abisa ka, “I na deke bo i sukoo ni, ya koro ko má do. Nyini la ka, i kún i nu wo lee, nzen se a?” ²³ Na wo se bu ka, “Amberɛ fite durunya n nu fen wo, ama, mini fite angoro wo. Amberɛ ti durunya n nu fen fom wo, ama, mini fite má durunya n nu fen. ²⁴ Nyini ti ye ma se am ka, am wú ni am satie n a, dama nzen am yo má m yarada ka mini la sonohore n bo m se am ka m ti ni, am wú ni am satie n wo.”

²⁵ Na ba bisa i ka, “Ye woro la nma a?” Na Yesu ase bu ka, “Kabo m se am sanja kere ni, m ti so o. ²⁶ M la sa dogu bo m joo fa ko am do, na m la sa dogu bo m fa di am jore jarki am, ama, yiri bo i sunmaari m ti nahorefo o, na deke bo i se m ni, nyini ye m kan kere durunya n nufom a.”

²⁷ Yesu seeri so ni, ba si má ka i joo niiri i Si Nyeme wo. ²⁸ Na wo se bu ka, “Am bá yeeri mini Adamande Wa n su baka jaanu n su, ye am sí ka mini la sonohore n bo m se am kabo m ti n a, na m yo má deke be m dee yiko nu, ama, m se kabo m Si akere m wo. ²⁹ Yiri bo i sunmaari m n wo m do, wo nya yaki má m ceen be, dama sanja kere m yo deke bo i sun i nu wo.”

³⁰ I jooori so ni, na jama n dogu ayo i yarada.

Kabo Yesu seeri Yudafo m ka bu satie dee ti ma ba yo akoom n a

³¹ Na Yesu ase Yudafo m bo bu yo i yarada n ka, “Nzen am de m noanie ni, am ti m susufom wo nahore su. ³² Na am sí deke bo i ti nahore ni, na nahore ni má am nya am tii a.” ³³ Na ba se i ka, “Ya ti Abraham anumam wo, be nya fa má ya yo má i akoom. Ye nzu ti ye a na ya nyá ya tii a?”

³⁴ Na Yesu ase bu ka, “Nahore ye m suse am a, ka, sono kere bo i yo satie, i mi ti satie akoo. ³⁵ Akoo baa koro ka má awuru n nu sanja kere, ama, awurubaa yiri wo awuru n nu wo sanja kere. ³⁶ Nyini ti, nzen mini awurubaa n nya deeru am tii jiiri, am nyá am tii nahore su. ³⁷ M si ka am ti Abraham anumam wo, ama, am koro ka am kun m wo, dama am ade má m noanie ni. ³⁸ Deke bo mini anu i m Si do n ye m suse am a, ama, amberɛ, deke bo am ti i am si do, ye am yo a.” ³⁹ Na ba se i ka, “Ya si la Abraham.”

Na wɔ se bu ka, “Nzen má am ti Abraham nbaam, má am yo i sayoowa a. ⁴⁰ Kabo i ti ni, ma se am nahɔre sam bo m tiiri i Nyeme dɔ n wɔ, ama, am koro ka am kun m wɔ. Abraham ayo má nyini be sɔ. ⁴¹ Amberɛ, am yo am si sayoowa a.” Na ba se i ka, “Yere, ya ti má soma nbaam. Ya si la Nyeme ngumi wɔ.” ⁴² Na Yesu ase bu ka, “Nzen má Nyeme ti am Si, má am koro m, dama m fiteeri Nyeme dɔ ɔ, ye m baari fen n a. Ma ba má ni m dɛe yiko nu, ama, yiri sunmaari m a. ⁴³ Nzu ti ye am ti má m jɔjɔowa n bu a? Dama am koro de má m nɔanie n dɛe ti. ⁴⁴ Sitana ti am si wɔ, na am koro ka am yo kabo am si koro n wɔ, i fite ka i bumboori kere, i ti sɔnɔ kunfɔ ɔ, na i su má nahɔre su, dama nahɔre haari kun mmɔɔ wo má i dɔ, i dɛe la ka i bu kɔre wɔ, dama yiri ti kɔrefɔ a, na yiri kaaki ti kɔrefɔm kere si a. ⁴⁵ Ama, mini se nahɔre n ti, am de má m nɔanie ni. ⁴⁶ Am nja koro kere m satie bo ma yo i a? Nzu ti ye m se am nahɔre, ye am de má m nɔanie n a? ⁴⁷ Sɔnɔ kere bo i ti Nyeme dɛe, i mi ti Nyeme nɔanie wɔ. Deke bo i ti na am ti má Nyeme nɔanie n la ka, am ti má i dɛem wɔ.”

Kabo Yesu ti kpiri tara Abraham ni Nyeme nɔanie kanfɔm ni

⁴⁸ Na Yudaɔm n ase i ka, “Bo ya nja a ti Samariyaɔ ɔ, na ajini wo u nju ni, i ti má nahɔre wɔ, nzen se a?” ⁴⁹ Na Yesu ase bu ka, “Ajini wo má m nju, ama, m bu m Si n wɔ, ye amberɛ bu má m. ⁵⁰ M sukoro má ka mine wura m nju kpiri wɔ, be wo bere bo i koro ka i wura m kpiri, yiri ti jɔredifɔ a. ⁵¹ Nahɔre ye m suse am a, ka, sɔnɔ kere bo i bita m nɔanie ni, i mi wú má fieo.”

⁵² Na ba se i ka, “Kisa, ye ya si ka ajini wo u nju a. Abraham ni Nyeme nɔanie kanfɔm ni kere awu, ama, wɔɔ nja sɔnɔ kere bo i bita u nɔanie ni, i mi wú má fieo. ⁵³ A tara ya si Abraham bo wɔ wu n wɔ? I ni Nyeme nɔanie kanfɔm kere awu. A bu u nju se wɔ?”

⁵⁴ Na Yesu ase bu ka, “Nzen m wura m nju kpiri, i ti ngbɛen wɔ. M Si wura m kpiri a, yiri bo am nja i ti am Nyeme ni, ⁵⁵ ama, am si má i. Mini si i a. Haari nzen m nja m si má i, m yó kɔrefɔ ka amberɛ wɔ. Ama, m si i, na m bita i nɔanie ni. ⁵⁶ I yoori am si Abraham fie ka i nju m ba n nu, i njuuri i, na i ahore ajo.” ⁵⁷ Na ba se i ka, “A nya ju má aɔ aburunu, ye i yo se ye a nja a njuuri Abraham a?” ⁵⁸ Na Yesu ase bu ka, “Nahɔre ye m suse am a, kana bu ba wuuri Abraham ni, mini wo bere wɔ.” ⁵⁹ I seeri sɔ ni, na ba fa yabuɛ ka bu bo kun i, ama, na wɔ lɔɔki afite Nyeme Sereebiri Awuru n nu.

9

Kabo Yesu tekeeri anyinsin be nyumbaa ni

¹ Na sanga bo Yesu wo natiiri su ni, na wɔ nju sɔnɔ be, bu wuuri i ni, i ti anyinsin wɔ. ² Na i susufɔm n abisa i ka, “Ya Kereɔ, nzu ti ye bu wuuri ahin sɔnɔ ni anyinsin a? I wufɔm yoori satie, nzen i dɛe satie a?” ³ Na Yesu ase bu ka, “I ti má i ni i wufɔm be mmɔɔ satie dɛe ti, ama, Nyeme koro ka minem nju kabo i yo alekutura sa fa ma i a. ⁴ Kabo wie toko wo bere ni, am ma ya yo yiri n bo wɔ sunma m juma ni. Ale bá san bo be koro yo má juma be. ⁵ Kabo m toko wo durunya n nu ni, mini ti durunya n nufɔm wein a.”

⁶ Yesu seeri sɔ ni, na wɔ yi nanzue ago asiengu, na wɔ fa akpita naatie afa abɔɔki anyinsin nyumbaa nnyɔ n kere. ⁷ Na wɔ se i ka, “Kɔ na a kɔ n̄misi u nyunu Silowam bura n nu.” Silowam n bu la ka, ba sunma i wɔ. Na wɔ kɔ an̄misi i nyunu n na wɔ nju asi, na wɔ kaaki aba awuru.

⁸ Na i lamokom ni minem bo bu yo nuuri i sangga kere ka i sere ni, abisa ka, "Ma ahin sono ni yo tana fen sere na?" ⁹ Nbem na, "Yiri a." Nbem gusu na, "Ma yiri a. I feremafu a." Na yiri n mmoo ni i tii suse bu ka, "Mini a." ¹⁰ Na ba bisa i ka, "Ye i yoori se ye u nyumbaa n ateke a?" ¹¹ Na wo se bu ka, "Sono n bo bu fere i ka Yesu ni, yiri kpitaari naatie borokiiri m nyumbaa n a. Na wo se m ka m ko Silowam bura n nu, na m ko nmisi m nyunu. Na ma ko anmisi, kpennga na ma nu asi." ¹² Na ba bisa i ka, "Ye yiri n wo ni?" Na wo se bu ka, "M si ma."

Kabo Farasifom bisaari sono n fa ko i nyumbaa tekeewa n su ni

¹³ Na ba fa sono n bo i yo tiiri anyinsin n ako Farasifom do. ¹⁴ Nyini ceen n bo Yesu kpitaari naatie na i fa tekeeri anyinsin nyumbaa n tiiri Numiyi ceen wo. ¹⁵ Nyini ti, na Farasifom gusu akaaki abisa i ka, "I yoori se ye a nuuri asi a?" Na wo se bu ka, "I faari naatie borokiiri m nyumbaa n a, na ma nmisi i, na ma nu asi." ¹⁶ Na Farasifom nbem ase ka, "Ahin sono n fite ma Nyeme do, dama i bita ma Numiyi ceen ciire ni." Ama, na nbem gusu ase ka, "I yo se ye satieyofu koro yo alekutura sam ka ahin nusu so a?" Na bu kere noo awo i ngungumi. ¹⁷ Na ba kaaki abisa sono n bo i yo tiiri anyinsin bekun ka, "Ye woro bo wo teke u nyumbaa ni, a bu i se wo?" Na wo se ka, "I ti Nyeme noanie kanfo o."

¹⁸ Yudafu nkpienkpienm n ade ma ka i yo tiiri anyinsin wo, ye i nu asi kisa, ma ka bu ba fereeri i si, ni i ni, ¹⁹ na ba bisa bu ka, "Am wa n bo am na am wuuri i na i ti anyinsin ni, yiri la ahin? Ye i yoori se ye i nu asi kisa a?" ²⁰ Na i si, ni i ni abo bu nu ka, "Ya si i ka i ti ya wa a, ya wuuri i anyinsin wo. ²¹ Ama, ya si ma kabo i yoori barasu na i koro nu asi kisa ni, yere gusu kaaki si ma sono bo i tekeeri i nyumbaa ni. Wo ju i tienggu sono, am bisa i, yiri mmoo ni i tii se am." ²² Deke bo i ti na i si, ni i ni seeri so ni, bu soroori Yudafu nkpienkpienm n ahore wo, dama Yudafu nkpienkpienm n adu mo ase ka sono kere bo i seeri ka Yesu ti Kristo Tiidefu ni, bu fon i mi fite bu tientienbunoo soo n nu wo. ²³ Nyini dee ti ye i si, ni i ni seeri ka, "Wo ju i tienggu sono, am bisa yiri mmoo ni i tii na."

²⁴ Na ba kaaki afere sono n bo i yo tiiri anyinsin n bekun, na ba se i ka, "Nie Nyeme ti, na a joro nahore. Yere si ka ahin sono n ti satieyofu o." ²⁵ Na wo se bu ka, "Nzen i ti satieyofu o, i ti ma satieyofu o, mini si ma. Deke bo m si i n la ka, m yo tiiri anyinsin wo, ama, kisa m nu asi." ²⁶ Na ba bisa i ka, "I yoori u se wo, ye i tekeeri u nyumbaa n se wo?" ²⁷ Na wo bo bu nu ka, "Ma du mo ase am kabo i tekeeri m nyumbaa ni, ye am ade ma. Ye nzu ti ye am koro ka m kan kere am bekun a? Ambere gusu, am koro ka am yo i susufom wo, nzen se?" ²⁸ Na ba to i nu ni nzuko kpie ase i ka, "Woro ti nyini sono n susufu a, yere yiri, ya ti Moyisi dee susufom wo. ²⁹ Ya si ka Nyeme yo joro Moyisi do a, ama, nyini sono n yiri, ya si ma i fiteebiri n mmoo."

³⁰ Na wo se bu ka, "Ahin ti alekutura wanla, am si ma i fiteebiri, ama, wo teke m nyumbaa. ³¹ Ya si ka Nyeme de ma satieyofu nyemesere, ama, sono kere bo i su Nyeme atin su, na i yo i sa koroowa, Nyeme de i sere wo. ³² Fite durunya n bumoori, sono be nya ti ma ka be ateke sono bo bu wuuri i na i ti anyinsin nyumbaa. ³³ Nzen ma ahin sono n afite ma Nyeme do, ma i koro yo ma pui." ³⁴ Na ba se i ka, "Woro yiri, bu wuuri u satieyofu o, ye woro koro ka a kere yere a?" Na ba fon i afite.

Kabo Yesu na bo bu de ma Adamande Wa n ti anyinsinm ni

³⁵ Yesu tiiri ka ba fɔn ayi sɔnɔ n ni, na wɔ kɔ anu i, na wɔ bisa i ka, “A yo Adamande Wa n yarada a?” ³⁶ Na sɔnɔ n abisa i ka, “M Mibiɛ, yiri la ŋma a? Se m na m yo i yarada.” ³⁷ Na Yesu ase i ka, “A ŋu i e, yiri la mini n bo m sujɔɔ u dɔ ni.” ³⁸ Na sɔnɔ n ase i ka, “M Mibiɛ, ma yo u yarada.” Na wɔ kutu Yesu nyunu akansi i.

³⁹ Na Yesu ase ka, “M baari durunya n nu ka m ba di minem jɔrɛ wɔ, na bo bu ŋu má asi n ŋú asi, na bo bu ŋu asi n yó anyinsinm.” ⁴⁰ Farasifom nbem bo bu woori i bi dɔ n tiiri sɔ ni, na ba se i ka, “Ŋka a ŋa a se ka yɛrɛ gusu ti anyinsinm wɔ lɛɛ fan?” ⁴¹ Na Yesu ase bu ka, “Nzen má am ti anyinsinm, má am la má ŋgasi, ama, kabo am nya ŋa am ŋu asi ni, am toko la ŋgasi lɛɛ.”

10

Kabo Yesu boori miɛnu niiri bɔɛsasafɔ ni

¹ Na Yesu ase ka, “Nahɔrɛ ye m suse am a, sɔnɔ bo i lɔrɔki wura nbɔɛm sɔɔ n nu, na wɔ fa má anɔ n nu awura má, i mi ti awiefɔ ɔ, na i kaaki ti sɔnɔ bo i nati fin minem di wɔ. ² Sɔnɔ bo i fa anɔ n wura nbɔɛm sɔɔ n nu, yiri ti nbɔɛm sasafɔ n a. ³ Anɔ niefɔ ni teke anɔ n ma i a, na i fere i dɛɛ nbɔɛm n duma, na i nbɔɛm ni ti i konvi, na i fa bu fite. ⁴ Nzen i nya faari i nbɔɛm kɛrɛ fiteeri, i du bu mɔ ɔ, na i dɛɛ nbɔɛm n su i su, dama bu si i konvi. ⁵ Sɔnɔ bo bu si má i, bu sú má i su fieo, bu ŋmáti yaki i wɔ, dama bu si má i konvi.”

⁶ Na Yesu abo ahin miɛnu n akere bu, ama, ba ti má i bu.

Kabo Yesu ŋa yiri ti bɔɛsasafɔ kpa n ni

⁷ Ba ti má miɛnu n bu n ti, na Yesu akaaki ase bu bekun ka, “Nahɔrɛ ye m suse am a, mini ti nbɔɛm anɔ n bo bu fa wura sɔɔ n nu n a. ⁸ Bere kɛrɛ bo bu duuri m mɔ baari, na bu yo bu ŋu ka bu nie nbɔɛm su ni, bu ti awiefom wɔ, ni minem bo bu nati fin minem di wɔ, ama, nbɔɛm n ade má bu jɔɔɔwa ni. ⁹ Mini ti anɔ n a, na sɔnɔ kɛrɛ bo i fa m dɛɛ anɔ n wuraari, i nyá tiide, na i wúra na i fíte, na i nyá i diire di. ¹⁰ Awiefɔ dɛɛ la ka i ba wɔ ɔ, na i kun, na i saaki. Mini aba ka bu nyá ŋɔɔ bo i la má anusu.

¹¹ Mini ti bɔɛsasafɔ kpa n a. Bɔɛsasafɔ kpa n tɔ i ŋɔɔ ɔ, na i wu ma i nbɔɛm ni. ¹² Padifɔ n bo ba fa i ka i sasa nbɔɛm n ti má bɔɛsasafɔ nahɔrɛ su, na nbɔɛm n ti má i dɛɛm. Nyini ti, nzen i ba ŋuuri ka bedi suba, i ŋmati yaki nbɔɛm wɔ. Na bedi n wura bu nu tara nbem, na bo ba ka n sandi. ¹³ I ti padifɔ n dɛɛ ti, na i cɛcɛ wo má nbɔɛm n nu, nyini ti ye i ŋmati yaki bu n a. ¹⁴⁻¹⁵ Mini ti bɔɛsasafɔ kpa n a. Kabo m Si Nyɛmɛ si m na m si i ni, sɔ ye mini gusu si m dɛɛ nbɔɛm a, na bu gusu si m. Na m tɔ m dɛɛ ŋɔɔ na m wu ma bu. ¹⁶ M la nbɔɛ nyinga nbem bo bu ti m dɛɛm, bo bu wo má ahin nbɔɛm n nu. Wɔ yo daka ka m fa bu gusu ba wura ahinm n nu. Bere gusu tí m konvi na bu dé i, na bu yó kun na bu sasafɔ yó kun. ¹⁷ M tɔ m dɛɛ ŋɔɔ fa ma m minem, na m káaki de i bekun, nyini dɛɛ ti ye m Si koro m n a. ¹⁸ Be sude má m dɛɛ ŋɔɔ ni m dɔ, ama, mini ni m tii suto i m koroyanu a. M la atin bo m tɔ m dɛɛ ŋɔɔ ni, na m kaaki la atin bo m de i bekun. M Si maari m nɔɔ ka m yo sɔ a.”

¹⁹ Yesu seeri sɔ n dɛɛ ti, na Yudafo nkpienkpienm n nɔɔ awo i ŋgunɔgumi bekun. ²⁰ Na bu dɔŋgu n ase ka, “Ajini wo i ŋu, nyini dɛɛ ti, wɔ bo fie a. Nzu ti ye am so am sui i dɔ a?” ²¹ Ama, nbem ŋa, “Má sɔnɔ bo ajini wo i ŋu jɔɔɔwa la ahin. Ajini yo se koro teke anyinsin nyumbaa?”

Kabo Yudafo m keteeri Yesu ni

²² Fufuku sangha na Yudafom ba sudi bu cɛɛnkpiri n Yerusalem mie kpiri n nu, na bu tenge su kabo bu yo tekeeri Nyeme Sereebiri Awuru n ni, na bu yoori i dongu ni. ²³ Na Yesu sunati bara ye Solomon Lɛɛ n bo i wo Nyeme Sereebiri Awuru n nu ni. ²⁴ Na Yudafom nbem atien bu noo abara aye i, na ba bisa i ka, "Sangha bono ye a ba kan teke ya nyi a? Nzen woro ti Kristo Tiidefo n a, se ya nahore kpain." ²⁵ Na Yesu ase bu ka, "Ma se am, ye am ade ma a. Alekutura sam bo m yo bu m Si duma n nu ni, di m nu daani a. ²⁶ Ama, am yo ma m yarada, dama am ti ma m deɛ nboem. ²⁷ M deɛ nboem ti m konvi. M si bu, na bu su m su. ²⁸ M ma bu ngoo bo i la ma awieeri, na bu ka ma ngbeen cɛɛn be fieo. Be gusu koro fin ma bu fite ma m saa nu. ²⁹ M Si bo i faari bu maari m ni, tara deke kere fanga, na be wo ma bere bo i koro fin bu fite m Si saa nu. ³⁰ Mini ni m Si ti deke kun wo."

³¹ Na Yudafom afa yabue bekun ka bu bo kun i. ³² Na Yesu ase bu ka, "Ma yo alekutura sakpam dongu, bo m Si kereeri m na am anu i, ye sa bono ti ye am na am kun m n a?" ³³ Na Yudafom n ase i ka, "Ma sakpam bo a yo bu n be deɛ ti ye ya na ya kun u a, ama, bo a joo wura Nyeme ngasi nu n ti, dama a ti adamande wo, ama, na a se ka a ti Nyeme wo." ³⁴ Na wo se bu ka, "Ba kere i am Nyeme Jore Kadasi n nu ka, Nyeme na, 'Am ti ka Nyeme wo.' ³⁵ Be koro bu ma Nyeme Jore Kadasi ni ngbeen. Nyeme yo seeri bu ka bu ti ka Nyeme wo, bere bo bu deeri Nyeme nonie ni, ³⁶ ama, mini yiri, m Si Nyeme ayi m, ye wo sunma m durunya n nu a. Ye nzu ti ye amberɛ na ma kan ciire jore, dama m na mini ti Nyeme Wa a? ³⁷ Nzen m yo ma m Si juma ni, ma am yo m yarada. ³⁸ Ama, nzen m yo bu na haari am yo ma m yarada mmoo a, am yo m juma n yarada, adena am si nahore su ka mini ni m Si n ti deke kun wo." ³⁹ I seeri so ni, na ba kpi ka bu tara i bekun, na wo lorki afite bu nu.

⁴⁰ Na Yesu akaaki akpie ako Yodan kunma n bukun do ako aju deke bo Yohane yo bieeri minem Nyeme nzue ni, na wo wo do. ⁴¹ Na jama beberebe aba i do, na ba se ka, "Yohane ayo ma alekutura sa be, ama, jooowa kere bo i yo joo fa kori ahin sono n nusu n ti nahore wo." ⁴² Na mine dongu ayo i yarada do.

11

Kabo Lazarosi wuuri ni

¹ Na sono be bo bu fere i ka Lazarosi n ada tukpaki. I ninbaam la Mariya ni Marata. Bu bosu la Betani. ² Nyini Mariya n bo i niwa Lazarosi daari tukpaki ni, yiri ba faari tulaaleɛ nvanvanifo goori Yesu jaa su ye i faari i tiɛmie tintiin nunukaari i n a. ³ Na i ninbaa nbaabaram n asunma ka bu ko se Yesu ka, "Ya Mibie, u danfo n bo a koro i agaya n ada tukpaki." ⁴ Yesu tiiri so ni, na wo se ka, "Ahin tukpaki n ti ma yiwee tukpaki, ama, i yo so, na minem nu Nyeme jirima woowa kabo i ti, na Nyeme ma minem nu mini bo m ti i Wa n gusu jirima woowa." ⁵ To, Yesu koroori Marata ni Mariya ni bu niwa Lazarosi. ⁶ Ama, i tiiri ka Lazarosi ada tukpaki ni, na wo ka deke bo i woori n cɛɛn nnyo abuka su.

⁷ Nyini sin na Yesu ase i susufom ka, "Am ma ya kaaki ko Yudiya deɛ awore n nu." ⁸ Na i susufom n ase i ka, "Ya Kerefo, ma anzoni fen ye Yudafom na bu tu yabue bo kun u n a? Ye a sukoro ka ya kpie ya nyi ko do bekun n a?" ⁹ Na Yesu ase bu ka, "Fa ngarama ko ju naaso, m na i ti wie kun wo e. Sono bo i nati wiesu bo ma i jaa, dama durunya n nu wein ni ma i nu asi a. ¹⁰ Ama, sono bo i nati kongue bo i jaa, dama wein wo ma i do." ¹¹ Yesu jooori so n sin, na wo kaaki ase bu ka, "Ya danfo Lazarosi adaafi,

ama, m sukɔ na m kɔ tenge i læɛ.” ¹² Na i susufɔm n ase i ka, “Ya Mibiɛ, nzen wɔ daafi wɔ, i nyá laifiɛ.” ¹³ Kabo Yesu seeri n la ka, Lazarosi awu wɔ, ama, i susufɔm bere sunsun ka i ɲa wɔ daafi nahɔre su wɔ. ¹⁴ Nyini ti, na Yesu ase bu kpain ka, “Lazarosi awu. ¹⁵ Ama, amberɛ dɛɛ ti, wɔ yo m fiɛ ka ma wo má dɔ, adena am yo yarada. Am ma ya kɔ i dɔ.” ¹⁶ Na Tomasi bo bu fere i ka Ndaa n ase i lamɔkɔ susufɔm n ka, “Am ma yere gusu kɔ, nzen bu kɔ kuunri i a, na ya ni yiri kere awu.”

Kabo Yesu ɲa yiri tenge minem yiwee nu ni

¹⁷ Saɲga bo Yesu kɔ juuri ni, i ɲuuri ka ba se Lazarosi i lenna læɛ. ¹⁸ Betani ni Yerusalem miem waari má ni i beɲgu. ¹⁹ Na Yudafɔm dɔɲgu aba Marata, ni Mariya dɔ ka bu ba dada bu ahore, bu niwa n bo wɔ wu n dɛɛ ti. ²⁰ Marata tiiri ka Yesu suba ni, na wɔ kpa i atin, ama, na Mariya aka awuru. ²¹ Na Marata ase Yesu ka, “M Mibiɛ, nzen má a woori fen, má m niwa n awu má. ²² Ama, haari ni nyini mmɔɔ, m si ka deke kere bo a sere Nyemɛ, i yó i ma u.” ²³ Na Yesu ase i ka, “U niwa ni tɛɲge i yiwee n nu bekun.” ²⁴ Na Marata ase i ka, “M si ka i bá tenge i yiwee nu jina cɛɛn, saɲga bo Nyemɛ bá tenge minem bu yiwee nu ni.” ²⁵ Na Yesu ase i ka, “Mini ti sɔɲɔ bo i tenge minem bu yiwee nu, na i má bu ɲɔɔ n a. Sɔɲɔ kere bo i yo m yarada, haari nzen i wuuri, i nyá ɲɔɔ. ²⁶ Na sɔɲɔ kere bo i la ɲɔɔ na i yo m yarada, i mi wu má fieo. A yo ahin jɔjɔwa n yarada a?” ²⁷ Na Marata ase i ka, “M Mibiɛ, ma yo yarada ka wɔɔ ti Nyemɛ Wa, Kristo Tiidefɔ n a, bo i ɲa i súnma i durunya n nu ni.”

Kabo Yesu suunri ni

²⁸ Marata seeri sɔ n sin, na wɔ kaaki akɔ afere i niwa Mariya benlɛ, na wɔ se i ka, “Ya Mibiɛ n aba, i ɲa a bra.” ²⁹ Mariya tiiri sɔ ni, i kaba bereki yasuuri wɔ, na wɔ kɔ i dɔ. ³⁰ Nyini saɲga, na Yesu nya ju má miɛ n nu, i toko wo deke bo Marata kɔ tuuri i n wɔ. ³¹ Na Yudafɔm bo bu woori awuru n nu Mariya bi, na bu sudada i ahore ni, bu ɲuuri kabo i bereki yasu fiteeri ni, na ba su i su. Bu sunsuunri ka i sukɔ deke bo bu seeri Lazarosi n wɔ, na i kɔ sun. ³² Saɲga bo Mariya kɔ juuri deke bo Yesu wo n na i ɲuuri i ni, na wɔ kutu i nyunu, na wɔ se i ka, “M Mibiɛ, nzen má a woori fen, má m niwa n awu má.” ³³ Yesu ɲuuri ka i susun ni, ni kabo Yudafɔm n bo bu suuri i su baari n gusu wo sun su ni, na i ahore asaaki, na wɔ mi i ɲumi. ³⁴ Na wɔ bisa bu ka, “Am seeri i ni wɔ?” Na ba se i ka, “Ya Mibiɛ, bra na a ba niɛ.” ³⁵ Na Yesu asun. ³⁶ Nyini ti na Yudafɔm n ase ka, “Am niɛ kabo i koro i agaya barasu a.” ³⁷ Ama, na bu nbem ase ka, “Yiri n bo i teke anyinsin n nyumbaa ni, má i koro tuntun má sɔɲɔ ni, na i wu má, nzen se?”

Kabo Yesu tengeeri Lazarosi i yiwee nu ni

³⁸ Na Yesu ahore asaaki bekun, na wɔ kɔ deke bo bu seeri Lazarosi ni. I ti yabuɛ buɛ faɲkunma wɔ, ye bu faari i seeri nu a, na ba fa yabuɛ nyiɲga atɔ anɔ ni. ³⁹ Na Yesu ase bu ka, “Am ba yi yabuɛ ni.” Na sɔɲɔ n bo wɔ wu n niwa Marata ase i ka, “M Mibiɛ, kisa wɔ bun, dama bu seeri i nyuma lenna læɛ.” ⁴⁰ Na Yesu ase i ka, “Ma se má u ka, nzen a yoori m yarada, a ɲú Nyemɛ jirima woowa kabo i ti barasu?” ⁴¹ I seeri sɔ ni, na ba lakati yabuɛ ni. Na wɔ ye i tii su aɲgoro, na wɔ se ka, “M Si, m da u asi ka a de m sere. ⁴² M si ka saɲga kere a de m sere wɔ, ama, ahin minem bo bu jina fen n dɛɛ ti, ye m seeri sɔ a, adena bu yo m yarada ka wɔɔ sunmaari m a.” ⁴³ I sereeri Nyemɛ n wieeri ni, na wɔ tien ase ka, “Lazarosi, fite.” ⁴⁴ Na sɔɲɔ n bo wɔ wu n afite faɲkunma n nu. Tani pɔɔndiiri i saa, ni i

jaa, na tani kun pɔɔndiiri i tii. Na Yesu ase bu ka, “Am nyangɔ yi tani n na am ma i kɔ.”

Kabo bu sɛsɛeri su ka bu kun Yesu ni

⁴⁵ Yudafɔm dɔŋgu bo bu baari Mariya dɔ ŋuuri sa n bo Yesu yoori i ni, na ba yo i yarada. ⁴⁶ Na bu nbem akɔ Farasifɔm n dɔ akɔ ase bu kabo Yesu ayo ni. ⁴⁷ Na Farasifɔm ni Nyɛmɛ sayoowa dɔŋguyofɔ nkpienkpiɛnm n afere Yudafɔm tereterefɔm ni, na ba tien bu nɔɔ. Na ba se ka, “Ye ya yo sɛ wɔ? Am niɛ e, ahin sɔnɔ ni suyo alekutura sayoowam dɔŋgu. ⁴⁸ Nzen ya yaki i na i suyo sɔ, minɛm kɛrɛ yɔ i yarada a, na Roma yikofɔm b́a saaki ya Nyɛmɛ Sereebiri Awuru ni, na bu kún ya minɛm ni.” ⁴⁹ Na bu nu sɔnɔ be bo bu fere i ka Kayafasi ni, bo i ti Nyɛmɛ sayoowa dɔŋguyofɔm kɛrɛ kpiɛn nyini afɔ n ase ka, “Amberɛ, am si má pui. ⁵⁰ Am si má kabo i ti n wɔ, nzen sɛ? Ka nzen am ma sɔnɔ kun wu maari minɛm kɛrɛ, i ti ye ni bo ya minɛm kɛrɛ b́a wu ni.” ⁵¹ Má i koroyanu ye i seeri sɔ a, ama, yiri ti Nyɛmɛ sayoowa dɔŋguyofɔm kɛrɛ kpiɛn nyini afɔ n ti, ye Nyɛmɛ ma i seeri ka Yesu wú ma Yudafɔm n a. ⁵² Na má bɛrɛ ŋgumi dɛɛ ti ye i wú a, ama, adena i tien Nyɛmɛ nbaam nɔɔ, na bu yo kun, bɛrɛ bo ba sandi ako asiɛn nbem n su. ⁵³ Nyini dɛɛ ti, fite nyini cɛɛn n fa kɔ, na ba sɛsɛ su ka bu kun Yesu.

⁵⁴ Nyini dɛɛ ti, wɔ yi má i ŋu fofoe nu anati má Yudafɔm nu kun. Ama, i fiteeri bɛrɛ ni, na wɔ kɔ awɔrɛ be bo i wo dodo boro kpantain dɛɛ bue ni, na i ni i susufɔm n akɔ awo miɛ n bo bu fere i ka Efirayim n su.

⁵⁵ Nyini saŋga, wɔ ka kaan, na Yudafɔm di bu Butara cɛɛnkpiri ni, na mine dɔŋgu afite ahɛmɛm aba Yerusalem miɛ kpiri n nu, na bu ba kpakpara bu ŋu fin ka, na cɛɛnkpiri n nya ju. ⁵⁶ Na ba nienie Yesu busu, na saŋga bo bu wo Nyɛmɛ Sereebiri Awuru n nu ni, na ba bisa bu ŋuŋu nu ka, “Am sunsun sɛ wɔ? I b́a cɛɛnkpiri ni? Ya de má ka i b́a.” ⁵⁷ Ama, Nyɛmɛ sayoowa dɔŋguyofɔ nkpienkpiɛnm ni, ni Farasifɔm n ama nɔɔ ka sɔnɔ kɛrɛ bo i si deke bo Yesu wo, i se bu na bu kɔ tara i.

12

Kabo Mariya faari tulaalɛ nvanvanifɔ gɔɔri Yesu jaam su ni

¹ Na saŋga bo i ba kaari lesen, na bu di Butara cɛɛnkpiri ni, na Yesu akɔ Betani, Lazarosi bɔsu, yiri bo Yesu tengeeri i yiwee n nu ni. ² Na ba su Yesu wɔfɔ dɔ. Marata faari diire n ba maari bu a, Lazarosi gusu woori minɛm bo bu ni Yesu diiri diire n nu. ³ Na Mariya afa tulaalɛ nvanvani bo i la gɔ agaya tuwa bambaka kun, na wɔ fa agɔ Yesu jaa su, na wɔ fa i tiɛmiɛ tintiin anunuka i jaam kɛrɛ su, na tulaalɛ ni nvani ade awuru n kɛrɛ. ⁴ Na Yesu susufɔm kun bo bu fere i ka Yudasi Isikariyoti bo i b́a tɔ Yesu n abisa ka, ⁵ “Nzu ti ye bara n atɔ má tulaalɛ n na i nya ŋwaa beberebe, na ya fa ma yaarifɔm a?” ⁶ I ti awiefɔ n dɛɛ ti ye i seeri sɔ a, má ka i cɛɛ wo yaarifɔm nu wɔ. Yiri ti bu ŋwaa bitafɔ a, na i suwɔ ŋwaa n be saŋga saŋga. ⁷ Na Yesu ase ka, “Yaki Mariya benlɛ, i dɛɛ nzee bo i sufa yo m fa kɔ m yiwee cɛɛn lɛɛ. ⁸ Dama am ni yaarifɔm ni wo bɛrɛ saŋga kɛrɛ a, ama, am ni mini koro wo má bɛrɛ saŋga kɛrɛ.”

⁹ Yudafɔm beberebe tiiri ka Yesu woori dɔ ni, na ba ba i dɔ, má ka Yesu ŋgumi ti ye bu baari a, ama, bu baari ka bu ba ŋu Lazarosi n bo Yesu tengeeri i yiwee n nu n wɔ. ¹⁰ Nyini dɛɛ ti, na Nyɛmɛ sayoowa dɔŋguyofɔ nkpienkpiɛnm n asɛsɛ su ka bu kun Lazarosi gusu. ¹¹ Dama i dɛɛ ti ye Yudafɔm dɔŋgu akaaki bu sin abo bu a, ye ba yo Yesu yarada n a.

Kabo Yesu wuraari Yerusalem ka fεε dεε su ni

¹² Na alecin na jama n bo bu baari ka bu ba di Butara cεenkpiri n ati ka Yesu suba Yerusalem miε kpiri n nu. ¹³ Na ba kpiεkpiε kpakpa nyawa ako akpa i atin, na bu subo kuyigindi, bu ηa, “*Hosana*. Ya kansi Nyεmε.

Terefiε wo yiri n bo i suba Micεra n dεε duma n nu n dε.

Terefiε wo Yisarelifom fεmε n dε.”

¹⁴ Na Yesu anu kaakobaa be, na wε fun atana su, kabo ba kεre i Nyεmε Jεre Kadasi n nu ni,

¹⁵ “Amberε Siyonfom, mǎ am soro sεre.

Am niε, am fεmε ni suba n a,

i fun kaakobaa wε.”

¹⁶ Nyini sanu, i susufom nya si mǎ nyini sam n bo ba yo n kεre bu. Mǎ ka sanu bo Yesu ba tengeeri i yiwee n nu, na bu ηuuri i jirima woowa n sin, na ba nya atenge su, ka ba kεre i Nyεmε Jεre Kadasi n nu ka bu yό i sε ε, na ba kaaki atenge su, ka ba yo i sε nahεre su. ¹⁷ Na jama n bo bu yo woori Yesu dε, sanu n bo i fereeri Lazarosi fiteeri fanunma n nu, na i tengeeri i yiwee n nu ni, na bu sukan labari ni. ¹⁸ Nyini alekutura sa n bo i yoori i na minem tiiri n dεε ti, na ba kpa i atin. ¹⁹ Na Farasifom n ase bu ηunnu nu ka, “Am anu mǎ i? Ya koro yo mǎ pui kun. Yiri ye durunya n nufom kεre susu i su n a.”

Kabo Girikifε nbem ba bisaari Yesu busu ni

²⁰ Minem bo bu baari Yerusalem miε kpiri n nu Butara cεenkpiri n sanu n ka bu ba su Nyεmε ni, bu nbem ti Girikifom wε. ²¹ Na ba ba Filipu dε, i fite miε n bo bu fere i ka Besayida na i wo Galili awεre n nu n wε. Na ba se i ka, “Njabiε, ya koro ka ya ηu Yesu wε.” ²² Na Filipu akε ase Andere, na bu nnyε n kεre akε ase Yesu. ²³ Na Yesu ase ka, “Sanu n aju bo Nyεmε wura mini Adamande Wa n kpiri. ²⁴ Nahεre ye m suse am n a, mǎ ka alembaa awura fa nu, na wε kpεrε, i ti i tii wε. Ama, nzen i wuraari fa nu na i kpεrεori, ye i wura mbaa beberebe a. ²⁵ Sεnε kεre bo i koro i ηgεε, i mi bǎ fun i, ama, sεnε kεre bo i koro mǎ i ηgεε durunya n nu fen, i mi bǎ nya ηgεε bo i la mǎ awieeri. ²⁶ Sεnε kεre bo i su m, wε yo daka ka i mi su m su, na deke bo m wo ni, m amusuisufε gusu wό dε ε. Na sεnε kεre bo i suuri m, m Si Nyεmε wura i mi kpiri.”

Kabo Yesu jεjε fa kεori i yiwee n jεre su ni

²⁷ Na Yesu ase ka, “Kisa, m ahore asaaki, ye m se sε wε? M koro se ka, m Si Nyεmε, yi m fite ahin anyumboro bo i suba m dε n nu, nzen sε? Ai, m koro se mǎ sε, dama nyini dεε ti ye m baari a. ²⁸ M dεε bo m se la ka, m Si, kere kabo u jirima woowa ti.” Na akonvi be atien afite angoro ase ka, “Ma du mε akere kabo m jirima woowa ti, na m kǎaki kere i bekun.” ²⁹ Jama n bo bu jina Yesu bi n tiiri akonvi ni ηga ni, na bu nbem ase ka, “Nzue akpura.” Na nbem gusu ase ka, “Nyεmε mereke ajεjε i dε a.” ³⁰ Na Yesu ase bu ka, “Amberε dεε ti ye akonvi n jεjεori a, mǎ mini dεε ti a. ³¹ Sanu n aju bo Nyεmε dǎ durunya n nufom jεre, na i fón yi Sitana bo i ti bu feme ni. ³² Ama, mini, bu ba yeeri m su jinaari angoro baka jaanu n su, m cǎn sεnε kεre ba m dε.” ³³ Kabo i yo seeri sε n kere yiwee n bo i bǎ wu i n wε.

³⁴ Na jama n ase i ka, “Ya ti i Nyεmε Jεre Kadasi n nu ka, Kristo Tiidefε ni wo bere sanu kεre. I wu mǎ. Ye i yoori sε ye wεrε ηa, wε yo daka ka bu bǎ yeeri Adamande Wa n su jinaari angoro baka jaanu n su a? Ye Adamande Wa n la ηma a?” ³⁵ Na Yesu ase bu ka, “Mini bo m ti wein ni,

m wo am nu kisa, ama, m cé má. Nyini dɛɛ ti, am nya wo ni wein ni, am sunati wein nu wɔ, na má awosin tu am. Sɔnɔ kɛɛ bo i wo awosin nu, i mi si má deke bo i sukɔ ni. ³⁶ Am nya wo ni wein ni, am yo i yarada, na m má am yo wein dɛɛ nbaam.” Yesu seeri sɔ ni, na wɔ fite bu nu ako afie deke be, na má be ɲu i.

Kabo Yudaƒɔm ayo má Yesu yarada ni

³⁷ Yesu yo yoori alekutura sam dɔɲgu na ba ɲu i, haari ni nyini mmɔɔ, ba yo má i yarada. ³⁸ Nyini ma Nyɛmɛ nɔɔniɛ kanfɔ Esaya jɔɛ n bo i yo kɛɛɛri n yo yiiwa. I ɲa,

“M Nyɛmɛ Fɛmɛ, ɲma ade jɔɛ n bo ya kan i n a?

Ye ɲma ye a yi u yiko akere i a?”

³⁹ Nyini dɛɛ ti, ye ba koro ayo má Yesu yarada n a. Kabo Esaya akaaki ase ka,

⁴⁰ “Nyɛmɛ ama ba yo anyinsinm
na má bu ɲu asi,
na wɔ ma bu ahore ayo kekereke
na má bu ti i nɔɔniɛ n bu,
adena má bu kaaki ba i dɔ
na bu nya laifiɛ.”

⁴¹ Esaya yo ɲuuri Yesu jirima woowa n dɛɛ ti, ye i kaanri i ɲu jɔɛ n a.

⁴² Yudaƒɔ nkpiɛnkpiɛnm dɔɲgu mmɔɔ yoori Yesu yarada, ama, bu soroori Farasifɔm n ahore n dɛɛ ti, ba koro ayi má bu ɲu fofoe nu. Nzen bu yiiri bu ɲu ka ba yo i yarada, Farasifɔm ni fɔn bu fite bu tientienbunɔɔ sɔ n nu wɔ. ⁴³ Dama Yudaƒɔ nkpiɛnkpiɛnm n yo koroori adamande kansi taraari Nyɛmɛ dɛɛ.

Kabo Yesu seeri ka i nɔɔniɛ ni dí minɛm jɔɛ ni

⁴⁴ Na Yesu atien ase ka, “Sɔnɔ kɛɛ bo i yo m yarada, má mini ɲgumi ye i yo m yarada, ama, i yo bo wɔ sunma m n gusu yarada a. ⁴⁵ Na sɔnɔ kɛɛ bo i niɛ na i ɲuuri m, ti ka wɔ ɲu m Si Nyɛmɛ bo i sunmaari m n lɛɛ. ⁴⁶ Mini bo m ti wein n aba durunya n nu, adena sɔnɔ kɛɛ bo i yo m yarada, i wó má awosin nu. ⁴⁷ Sɔnɔ kɛɛ bo i ti m nɔɔniɛ n na i de má i, m di má i mi jɔɛ, dama ma ba má ka m ba di durunya n nufɔm jɔɛ wɔ, ama, m baari ka m ba de bu tii ji wɔ. ⁴⁸ Sɔnɔ kɛɛ bo i kete m, na i de má m nɔɔniɛ ni, i jɔɛdifo wo bɛɛ wɔ. Nɔɔniɛ n bo ma jɔjɔ i ni, yiri dí i mi jɔɛ jina cɛɛn n a. ⁴⁹ Dama má m koroyanu ye m kan sɔ a, ama, m Si n bo wɔ sunma m ni, yiri maari m nɔɔ, kɛɛɛri m nɔɔniɛ kun kun kɛɛ bo m jɔjɔ i n a. ⁵⁰ M si ka i nɔɔniɛ maawa n ti deke bo i ma ɲgɔɔ bo i la má awieeri n wɔ. Nyini dɛɛ ti, kabo m Si seeri m ni, sɔ ye m jɔjɔ a.”

13

Kabo Yesu ɲmisiiri i susufɔm n jaa ni

¹ Alecin bo má bu di Butara cɛɛnkpiri n ni, na Yesu asi nu ka sanɲa n aju bo i fite durunya n nu kaaki kɔ i Si Nyɛmɛ dɔ. Na i dɛɛ tienɲu minɛm bo bu wo durunya n nu na i koro bu ni, i koro bu sɔ ɔ haari i kɔ ju i fanɲa nyaari. ² Na kɔɲɲue sanɲa bo bu wo diire n di su ni, na Sitana awura Yudasɪ, Simon Isikariyoti wa n tii nu ka i tɔ Yesu ma i kpɔfɔm. ³ Na Yesu asi nu ka i Si Nyɛmɛ afa deke n kɛɛ awura i saa nu, na i kaaki si ka i fiteeri Nyɛmɛ dɔ baari a, na i káaki kɔ i dɔ ɔ. ⁴ Na wɔ nya yasu ajina, na wɔ yi i tanlɛɛ n ase, na wɔ fa papawo abo i wi nu. ⁵ Na wɔ sa nzue ago nyanɲa nu, na wɔ bo i bu sunmisi i susufɔm n jaa, na wɔ fa papawo n bo

i bo i wi nu ni sunuka bu jaam. ⁶ I ba kpuraari Simon Petoro, na wɔ bisa Yesu ka, “M Mibiɛ, na wɔɔ ba ɲmisi m dɛɛ jaa?” ⁷ Na Yesu ase i ka, “Sa bo m suyo i ni, a koro ti má i bu kisa, ama, fa kɔ fa ba, a bá ti i bu.” ⁸ Na Petoro ase i ka, “Ai, a ɲmísi má m jaa haari durunya n ba yasu.” Na Yesu ase i ka, “Nzen ma ɲmisi má u jaa, m ni wɔɔ akpaaki lɛɛ.” ⁹ Dɔ na Simon Petoro anya ase i ka, “M Mibiɛ, nzen i ti sɔ a, má a ɲmisi m jaa ɲgumi, ama, ɲmisi m saam ni m tii kɛɛ.” ¹⁰ Na Yesu ase i ka, “Sɔnɔ anya abie nzue, ɲka i ɲmisi i jaa a, i biɛ má nzue kun, dama i ɲuniɛ kɛɛ ti casi wɔ. Amɛɛɛ, am ti casi wɔ, ama, má am kɛɛ.” ¹¹ Yesu siiri bo i bá tɔ i ma i kpɔfɔm ni, nyini ti ye i ɲa má bu kɛɛ ti casi n a.

¹² I ɲmisi bu jaam wieeri ni, na wɔ fa i tanlɛɛ n awura, na wɔ kɔ atana i tanaabiri ni. Na wɔ bisa bu ka, “Kabo ma yo am ni, am ati i bu?” ¹³ Am fere m ka am Kerefɔ ɔ, na am kaaki fere m ka am Mibiɛ. Am jɔjɔ nahɔɛ wɔ, dama m ti sɔ ɔ. ¹⁴ Tɔ. Kisa na mini bo m ti am Mibiɛ, ni am Kerefɔ, na ma ɲmisi am jaam ni, wɔ yo daka ka amɛɛɛ gusu ɲmisi am beɲgum jaam sɔ. ¹⁵ Dama ma yo akere am lɛɛ, na am gusu yo am beɲgum kabo ma yo am ni.” ¹⁶ Na wɔ se bu ka, “Nahɔɛ ye m suse am a, akɔɔ koro tara má i mibiɛ, na bekun sunmafɔ gusu koro tara má bo i sunmaari i ni. ¹⁷ Nzen am sin ahin n kɛɛ, na am yoori sɔ, terefie wo am dɔ.

¹⁸ M sujɔjɔ ni má am kɛɛ wɔ, dama m si bo ma du mɔ ayi bu ni. Ama, kabo ba kɛɛ i Nyemɛ Jɔɛ Kadasi n nu ni, i ti ye ni ka i yo yiiwa, ka, ‘Sɔnɔ n bo m ni yiri saɲga di diire taale kun nu, yiri akaaki m jaa tufɔ n a.’ ¹⁹ M suse am sa bo i bá yo wɔ lɛɛ, na i ba yoori, na am yo m yarada ka mini la sɔnɔhɔɛ n bo ma se am kabo m ti n a. ²⁰ Nahɔɛ ye m suse am a, sɔnɔ kɛɛ bo i de sɔnɔ bo m sunma i ni, i mi ade mini wɔ lɛɛ, na sɔnɔ kɛɛ bo i de mini, i mi ade yiri bo i sunmaari m wɔ lɛɛ.”

Kabo Yesu seeri ka Yudasi tɔ i ma i kpɔfɔm ni

²¹ Yesu seeri bu sɔ wieeri ni, na i ahore asaaki akɔ asin su, na wɔ se bu kpain ka, “Nahɔɛ ye m suse am a, am nu kun bá tɔ m ma m kpɔfɔm a.” ²² Na i susufɔm n abirisi, suniɛ bu ɲuɲu nu, ama, ba si má bo i yó nyini sa n ni. ²³ Bu nu kun be bo Yesu koro i agaya n tana mata Yesu. ²⁴ Na Simon Petoro abo i nyumbaa i dɔ ka i bisa Yesu ka, i ni ɲma a? ²⁵ Na yiri n acin adodo Yesu, na wɔ bisa i ka, “Ya Mibiɛ, a ni ɲma a?” ²⁶ Na Yesu ase i ka, “Sɔnɔ n bo m kpíɛ too n bo toro n nu na m fá ma i ni, yiri lɛɛ.” Na wɔ fa too n abo toro n nu, na wɔ fa ama Yudasi, Simon Isikariyoti wa ni. ²⁷ Yesu faari too n maari Yudasi wieeri ni, na Sitana awura i tii nu, na Yesu ase i ka, “Sa n bo a ɲa a yó i ni, kɔ yo i ndende.” ²⁸ Ama, bu kɛɛ bo bu woori diire n di su ni, bu be mmɔɔ asi má deke n bo i ti na Yesu seeri i sɔ ni. ²⁹ Yudasi tiiri bu ɲwaa bitafɔ n dɛɛ ti, bu nbem sunsun ka Yesu ɲa i kɔ to deke be na bu fa di cɛɛnkpiri n wɔ, wara i kɔ yi ɲwaa n be fa ma yaarifɔm wɔ. ³⁰ Yudasi diiri too n wieeri ni, na wɔ yasu afite akɔ. Nyini saɲga ni, i ti kɔɲgue wɔ.

Kabo Yesu maari bu nɔaniɛ maawa fɔfɔɛ ni

³¹ Yudasi fite kɔ wieeri ni, na Yesu ase ka, “Kisa ye Nyemɛ wúra mini Adamande Wa n kpiri a, na m dɛɛ ti ye mine wúra m Si Nyemɛ kpiri a. ³² Na nzen bu wuraari Nyemɛ kpiri m dɛɛ ti, Nyemɛ gusu wúra m kpiri, na Nyemɛ má i yo kisa bɛɛɛ.” ³³ Na wɔ se bu ka, “M nbaam, m cé má am nu fɛn. Am bá nienie m busu fie wɔ, na kabo m yo seeri Yudafɔm ni, sɔ ye m suse am kisa, ka am koro kɔ má deke bo m sukɔ ni. ³⁴ Nɔaniɛ maawa fɔfɔɛ ye m sufa ma am n a, yiri la ka, am koro am beɲgum. Kabo ma

koro am ni, am koro am benngu so. ³⁵ Nzen am koro am benngu, nyini ye sono kere si ka am ti m susufom a.”

Kabo Yesu seeri ka Petoro kéte kpe nsan ka i si má i ni

³⁶ Na Simon Petoro abisa i ka, “Ya Mibiε, a kó ni wɔ?” Na Yesu abo i nu ka, “Deke bo m sukɔ ni, a koro su má m su kisa, ama, sanɔa suba bo a bá su m su.” ³⁷ Na Petoro akaaki abisa i ka, “Ya Mibiε, nzu ti ye m koro su má u su kisa? Nzen i yo yiwee mmɔɔ a, m wú u dεε ti.” ³⁸ Na Yesu abisa i ka, “A koro wu m dεε ti? Nahɔre ye m suse u a, kana akonyuma bá bo, a kéte kpe nsan su ka a si má m.”

14

Kabo Yesu na yiri ti atin n bo sono koro fa i sukɔ Nyeme do ni

¹ Na Yesu ase i susufom n ka, “Má am ma am ahore saaki. Am yo Nyeme yarada, na am yo m gusu yarada. ² M Si Nyeme dika n nu, soom sunnu do, nzen má i ti má so, má m se má am. M kó na m kɔ sese woobiri su se am. ³ Na nzen m kɔ sese woobiri n su seeri am, m káaki ba fa am kɔ deke bo m kó wo ni, na deke bo m wó ni, am gusu wó do o. ⁴ Na deke bo m sukɔ ni, am si atin ni.” ⁵ Na Tomasi ase i ka, “Ya Mibiε, ya si má deke bo a sukɔ ni, ye ya yo se si atin n a?” ⁶ Na Yesu ase i ka, “Mini ti atin n a, ni nahɔre, ni ngɔɔ n a. Mini ngumi ti atin n bo sono koro fa i na i kɔ m Si Nyeme do a. ⁷ Nzen má am siiri m, má am si m Si mmɔɔ, ama, fa nyuma fa kɔ, am asi i, na am anu i.”

⁸ Na Filipu ase i ka, “Ya Mibiε, kere ya u Si ni, deke bo ya koro i kere lεε.” ⁹ Na Yesu abisa i ka, “Filipu, bo m ni ambere awo bere ace so n na a si má m? Sɔno kere bo wɔ nu mini anu m Si lεε, ye nzu ti ye am na m kere am m Si n a? ¹⁰ A yo má yarada ka m ni m Si n ti deke kun wɔ, nzen se? Jɔre n bo ma jɔjɔ ama am ni, má m tienɔgu jɔjɔwa, ama, m Si bo m ni yiri ti kun ni, yo i juma. ¹¹ Bo m na, m ni m Si n ti deke kun ni, am yo m yarada. Nzen má nyini, am yo m yarada sam bo m yo bu n dεε ti. ¹² Nahɔre ye m suse am n a. Sɔno kere bo i yo m yarada, yiri mmɔɔ yó ahin sam bo m yo bu ni, na i yó bo bu tara ahin mmɔɔ, dama m sukɔ m Si do o. ¹³ Na deke kere bo am fa m duma fa sereeri i, m yó i ma am, adena mini Baa ni má minem wura m Si kpiri. ¹⁴ Na nzen am ba faari m duma fa sereeri m deke be, m yó i ma am.”

Kabo Yesu jɔjɔ fa kɔori Awiewie Casi n su ni

¹⁵ Na Yesu ase bu ka, “Nzen am koro m, am dé m nɔanie maawam ni. ¹⁶ M sére m Si Nyeme, na i má am Bukafɔ fɔfɔre bo i bá wo am do sanɔa kere. ¹⁷ Yiri la Awiewie Casi n bo i se nahɔre ni. Durunya n nufom koro de má i, dama bu nu má i, na bekun bu kaaki si má i, ama, ambere si i, dama i wo am do, na i bá wo am nu. ¹⁸ M kɔori, m yaki má am na am ka ayikam, m káaki ba am do. ¹⁹ Wɔ ka kaan na durunya n nufom nu má m kun, ama, ambere nú m. M la ngɔɔ n dεε ti, am gusu nyá ngɔɔ. ²⁰ Nyini cεen n ye am sí ka mini ni m Si n ti deke kun a, na mini ni ambere gusu ti deke kun wɔ. ²¹ Sɔno kere bo i de m nɔanie maawam, na i su i su, i mi ti bo i koro m a, na bo i koro m ni, m Si gusu koro yiri wɔ, na mini mmɔɔ koro i mi, na m yí m nu kere i.”

²² Na Yudasi, má Yudasi Isikariyoti ni, ase ka, “Ya Mibiε, nzu ti ye a yí u nu kere yere a, ye a yí má u nu kere má durunya n nufom a?” ²³ Na Yesu ase i ka, “Sɔno kere bo i koro m, i dé m nɔanie ni, na m Si mmɔɔ koro i mi, na ya bá, na ya bá wo i do. ²⁴ Sɔno kere bo i koro má m, i dé má m

nɔ́aniɛ ni. Nɔ́aniɛ n bo ma jɔ́jɔ́ i ni, i ti má m dɛɛ nɔ́aniɛ, i ti m Si n bo i sunmaari m dɛɛ wɔ́.

²⁵ M toko wo am dɔ́, ye m suse am ahin kɛɛ a, ²⁶ ama, m Si Nyɛmɛ súnma Bukafo ni, m duma n nu, yiri la Awiewie Casi ni, yiri kéré am deke kɛɛ a, na i káaki tenge am su fa kɔ́ deke kɛɛ bo ma kere am ni.”

²⁷ Na wɔ́ se bu ka, “Ahoreda n ye m sufa ma am n a. M dɛɛ ahoreda n ye m sufa ma am a. Má kabo durunya n nufɔm ma am ahoreda ye m suma am n a. Má am ma am ahore saaki, má am soro sɛɛ. ²⁸ Am ati ka ma se ka, ‘M kó na m káaki ba am dɔ́ bekun.’ Nzen má am koro m, má am ahore jɔ́ ka m sukɔ́ m Si n dɔ́, dama m Si tara m. ²⁹ Sa bo wɔ́ nya yo má lɛɛ, ye ma se am n a, adena i bá yoori, na am yo m yarada. ³⁰ M jɔ́jɔ́ má am dɔ́ jɔ́ɛ beberebe kun, dama Sitana bo i ti durunya n nufɔm tii ní suba. Ama, i koro yo má m pui. ³¹ M koro ka durunya n nufɔm si ka, m koro m Si ni, nyini dɛɛ ti ye m yo deke kɛɛ bo i se m ka m yo i n a.”

Na wɔ́ se bu ka, “Am yasu na ya kɔ́.”

15

Kabo Yesu na yiri ti baka n ni i tii nahɔɛ su n a

¹ Na Yesu ase bu ka, “Mini ti baka n bo i su suuwa nahɔɛ su a, ye m Si Nyɛmɛ ti nyini baka n fie niefo. ² Asambaa kɛɛ bo i wo m su na i su má, m Si kpɛɛ i ji wɔ́, na asambaa kɛɛ bo i wo m su na i su, i kpɛɛkpɛɛ i nyawa n yo i dɔ́ngu wɔ́, na i su nyunyumi. ³ Jɔ́ɛ n bo m jɔ́jɔ́ maari am ni, yiri adu mɔ́ ayo am casi a. ⁴ Am wo ni mini na m gusu wo ni ambɛɛ. Kabo baka asambaa be wo má bɛɛ bo i koro su i ŋgumi, má ka i wo baka n su. Sɔ́ ye am gusu koro su má, má ka am wo m dɔ́.

⁵ Mini ti baka n a, ye ambɛɛ ti asambaam ni, sɔ́nɔ́ kɛɛ bo i wo m dɔ́, na mini mmɔ́ wo i dɔ́, i mi su suuwa nyunyumi wɔ́, dama am koro yo má pui, má ka am awo m dɔ́. ⁶ Sɔ́nɔ́ kɛɛ bo i wo má m dɔ́, bu kpɛɛ i ji wɔ́, kabo bu kpɛɛ baka asambaa na i wu n wɔ́, na bu tien bu nɔ́ wura sin nu na bu je ni. ⁷ Nzen am wo m dɔ́, na m nɔ́aniɛ n wo am ahore su, deke kɛɛ bo am koroori i, na am sereeri Nyɛmɛ, am nyá i. ⁸ Nzen am su suuwa nyunyumi, nyini kere ka am ti m susufɔm a, na i wura m Si kpɛɛ. ⁹ Kabo m Si koro m ni, sɔ́ ye mini mmɔ́ koro am a, am wo ni m koro ni. ¹⁰ Ma de m Si nɔ́aniɛ maawam n dɛɛ ti ye i koro m a. Nzen am gusu de m nɔ́aniɛ maawam ni, m gusu kóro am sɔ́. ¹¹ Ma se am ahin sam na am ahore jɔ́ kabo m ahore ajɔ́ n wɔ́, na am ahore jɔ́ n kɔ́ sin su. ¹² M nɔ́aniɛ maawa n la ka o, am koro am benggu kabo m koro am ni. ¹³ Koro be wo má ahin koro n sin, ka sɔ́nɔ́ wu i danfom ti. ¹⁴ Nzen am su m nɔ́aniɛ maawa n su, am ti m danfom wɔ́ lɛɛ. ¹⁵ M fere am m danfom wɔ́, m fere má am ka m akɔ́m kun, dama sɔ́nɔ́ akɔ́ si má i mibiɛ sayoowa kɛɛ, ama, deke kɛɛ bo ma ti i m Si dɔ́ ni, ma fa akere am. ¹⁶ Má ambɛɛ yiiri m a, ama, mini ayi am ase ka am kɔ́ su suuwa bo i wó bɛɛ saŋga kɛɛ, na deke kɛɛ bo am bá fa m duma n sereeri m Si, i yó i ma am. ¹⁷ Nɔ́aniɛ maawam n bo m sufa ma am la ka, am koro am bengum.”

Kabo Yesu na durunya n nufɔm kpɔ́ i susufɔm ni

¹⁸ Na Yesu asa su ase bu ka, “Nzen durunya n nufɔm kpɔ́ am, am si nu ka o, ba du mɔ́ akpɔ́ mini wɔ́, ye bu nya ba sukpɔ́ am n a. ¹⁹ Nzen má am ti durunya n nufɔm dɛɛ minɛm, má bu koro am kabo bu koro bu benggu n wɔ́. Ama, bo ma yi am afite durunya n nufɔm nu, na am ti má durunya n nufɔm dɛɛ minɛm n ti, ye bu kpɔ́ am n a. ²⁰ Má am ma am wara fi ka ma se am ka, akɔ́ tara má i mibiɛ. Nzen bu yo kereeri m wuwuruwa, sɔ́

ye bu kére am gusu wuwuruwa a. Na nzen bu yo deeri m nɔaniɛ, bu dé am gusu dɛɛ ni. ²¹ Bu yó am nyini n kére, m dɛɛ ti, dama bu si má m Si bo i sunmaari m ni. ²² Nzen má ma ba akan má m ɲu jɔre akere má bu, má bu si má ka ba yo satie, ama, kisa na ma kan akere bu ni, bu koro kan fite má nu ka ba yo má satie. ²³ Sɔnɔ kére bo i kpɔ m, i kpɔ mini ni m Si n kére wɔ lɛɛ. ²⁴ Ma yo alekutura sam bo ba ɲu i. Be wo má bere bo i koro yo nyini alekutura sam sɔ. Nzen má ma yo má nyini alekutura sam na ba ɲu má i, má be fa má bu ɲgasi ka bu ti satieyofɔm. Ama, kisa, ba ɲu nyini n kére, na bu toko kpɔ m ni m Si ni. ²⁵ Nyini ma kabo ba kére i Nyeme Jɔre Kadasi n nu n ayo yiiwa n a, ka, ‘Bu kpɔ m kpɔ ɲgbɛɛn wɔ.’

²⁶ Na Bukafɔ n bo m súnma i fite m Si dɔ na i bá am dɔ ni, yiri ti Awiewie Casi n bo i kere kabo Nyeme ti nahɔre su n a, yiri dí m ɲusu daani kere am a. ²⁷ Na am gusu di m daani, dama m ni ambere wo bere a, fite m juma n bumboori ba ju ni kisa.

16

¹ M suse am ahin sam kére bo bu bá yo n wɔ, na bu ba yoori, na má am kaaki am sin bo m. ² Bu bá fɔn yi am fite bu tientienbunɔɔ sɔɔm n nu, ama, sanɲa suba bo bu bá kun am, na bu súnsun ka bu susu Nyeme wɔ. ³ Bu si má m ni m Si n dɛɛ ti, ye bu yó nyini sam kére n a. ⁴ Ma se am sam bo bu bá yo lɛɛ, na i sanɲa ba juuri, na am tɛnɲe su ka m yo seeri am.”

Kabo Awiewie Casi n juma ti barasu ni

Na Yesu asa su ase bu ka, “M ni ambere yo woori bumboori n dɛɛ ti, ye ma yo ase má am ahin kére a. ⁵ Ama, kisa m sukaaki kɔ yiri bo i sunmaari m n dɔ ɔ, ye am be akoro abisa má m ka, ‘Ye a sukɔ ni wɔ?’ ⁶ Bo ma se ka m kó yaki am dɛɛ ti, am ahore asaaki agaya. ⁷ Ama, nahɔre ye m suse am n a, i ti am buka su wɔ ka m kɔ, dama nzen má m kɔ má, má Bukafɔ ni bá má, ama, nzen m kɔɔri, m súnma i am dɔ. ⁸ I baari, i kére durunya n nufɔm deke bo i ti satie, na i kére bu deke bo i ti sakpa na i kɔ atin su Nyeme dɔ, na i káaki kere bu kabo Nyeme bá di sɔnɔ kére jɔre barasu. ⁹ I kére bu deke bo i ti satie, dama bu yo má m yarada. ¹⁰ Na i kére bu deke bo i ti kpa na i kɔ atin su Nyeme dɔ, dama m sukɔ m Si n dɔ ɔ, na am ɲú má m kun. ¹¹ Na i káaki kere bu kabo Nyeme bá di sɔnɔ kére jɔre, dama Nyeme adi Sitana bo i ti durunya n nufɔm kére tii n jɔre ayo i ɲgbɛɛn.

¹² M toko la jɔre dɔnɲu bo má m se am, ama, am koro de má i kére kisa. ¹³ Ama, Awiewie Casi n bo i se nahɔre n ba baari, yiri kére am nahɔre atin kére a, dama jɔre kére bo i kán kére am ni, má i dɛɛ yiko nu ye i fá kan, ama, kabo Nyeme kére i ni, sɔ ye i kán, na i kére am sam bo bu bá yo ni. ¹⁴ Yiri wúra m kpiri a, dama i kán m ɲu jɔre kere am. ¹⁵ Deke kére bo i ti m Si dɛɛ, i ti m dɛɛ wɔ, nyini dɛɛ ti ye ma se am ka, i kán m ɲu jɔre kere am n a.”

Kabo Yesu kaanri ahoresaaki ni ahorejo jɔre ni

¹⁶ Na Yesu ase bu ka, “Wɔ ka kaan na am ɲú má m, ama, i ba yoori kaan buka su na am ɲú m bekun.” ¹⁷ Na i susufɔm n nbem abisa bu ɲuɲu nu ka, “Nzu jɔre ye i jɔjɔri i sɔ n a? I ɲa, wɔ ka kaan na ya ɲú má i, ama, i ba yoori kaan buka su, ya ɲú i bekun. Ye wɔ kaaki ase bekun ka, i sukɔ i Si dɔ ɔ.”

¹⁸ Na ba kaaki abisa bu ɲuɲu nu ka, “Ye ahin dɛɛ, i ba yoori kaan n bu la ka se wɔ lɛɛ? Ya si má i jɔjɔwa n bu.”

¹⁹ Na Yesu afa nu ka bu koro ka bu bisa i nyini jɔjɔwa n bu wɔ. Na wɔ bisa bu ka, “Bo m seeri ka wɔ ka kaan na am ɲú má m, ama, i ba

yoori kaan buka su, am n̄ú m bekun n ye am subisa am n̄uñu nu, na am si i bu, nzen se? ²⁰ Nahore ye m suse am a, amberε bá sun na am kóko, ama, na durunya n nufom bere ahore jó. Amberε ahore bá saaki, ama, am ahoresaaki ni bá kaaki ahorejó. ²¹ Nzen bara anya akutu ka i wu baa, i la ahoresaaki, dama i wahara san̄ga ye wɔ ju a, ama, i ba wuuri baa n wieeri, i ténge má i wahara n bo wɔ sin n su kun, dama baa n bo wɔ wu i durunya n nu n ti, i ahore ajɔ. ²² I ti sɔ ɔ, am gusu dɔ, kisa, am la ahoresaaki, ama, m bá n̄u am bekun, na am ahore jó bo sɔnɔ koro dé má am ahorejó n am dɔ. ²³ Nyini c̄en ni, am b́isa má deke be busu m dɔ. Nahore ye m suse am a, deke kere bo am sereeri m Si ni, m duma n nu, i yó i ma am. ²⁴ Am nya sere má m Si deke be m duma n nu haari ni nyuma. Kisa am sere i, na am nyá i, na am ahore jó kɔ sin su.”

Kabo Yesu akunma durunya n ni

²⁵ Na Yesu ase bu ka, “Ma se am ahin n kere anyunderε nu wɔ lεε, san̄ga suba bo m bó má am anyunderε kun, ama, m kán m Si n̄u jore kere kpain kere am a. ²⁶ Nyini c̄en ni, am fá m duma n fa sere Nyemε, má mini sere Nyemε ma am a. ²⁷ Yiri m Si ni i tii koro am a, dama am koro m na am ayo yarada ka m fite i dɔ ɔ. ²⁸ M fiteeri m Si dɔ ɔ baari durunya n nu a, ye kisa m sufite durunya n nu kaaki kɔ i dɔ a.”

²⁹ Na Yesu susufom n ase i ka, “Kisa a jɔjɔ ya dɔ weinwein wɔ, a bo má ya anyunderε kun. ³⁰ Ama, kisa ya si ka a si deke kere, wɔ ti má ye ni ka be bisa u deke be, dama kana bu ba bisa u deke be, a si kabo bu koro ka bu bisa u ni, nyini ma ya si ka a fite Nyemε dɔ n a.”

³¹ Na wɔ bisa bu ka, “Am ayo yarada kisa? ³² Ama, san̄ga suba bo wɔ ju awie, bo am kere bá sandi yaki mini ngumi, na sɔnɔ kere kó i dika, ama, m wo má m ngumi, dama m Si Nyemε wo m dɔ. ³³ Ma se am ahin kere na am la ahoreda m dɔ. Am n̄ú kekereke durunya n nu, ama, am fa ahoresi, dama ma kunma durunya ni.”

17

Kabo Yesu sereeri Nyemε maari i susufom n ni

¹ Yesu seeri sɔ wieeri ni, na wɔ ye i tii su anie angoro na wɔ sere Nyemε. I n̄a, “M Si, san̄ga n aju. Wura mini u Wa n kpiri, adena m gusu wura u kpiri. ² Dama a ma m yiko ka m nie minem kere su, na bo a fa bu ama m ni, m má bu ngɔɔ bo i la má awieeri. ³ Wɔrɔ ngumi ti Nyemε nahore su a. Na mine bo bu si u, na bu si mini Yesu Kristo n bo a sunmaari m ni, bere la ngɔɔ bo i la má awieeri n a. ⁴ Ma wura u kpiri durunya n nu, dama ma yo juma n bo a ma m ka m yo i n awie. ⁵ M Si, san̄ga bo durunya nya bo má i bu ni, m yo woori u dɔ ɔ, ye a wura m kpiri a. Kisa, kaaki wura m kpiri u dɔ bekun.

⁶ Minem n bo a yiiri bu fiteeri durunya n nu fen, ma kere bu kabo a ti barasu. Bu tiiri u d̄em wɔ, ye a faari bu maari m a, ye ba de u n̄anie n a. ⁷ Kisa bu si ka deke kere bo a fa ama m ni, fite u dɔ ɔ. ⁸ Dama n̄anie n kere bo a jɔjɔ fa maari m ni, m gusu ajɔjɔ ama bu, ye ba de i, ye ba si ka i ti nahore ka m fiteeri u dɔ ɔ, ye ba yo yarada ka wɔrɔ sunmaari m a. ⁹ M susere u ma bere wɔ, má bo bu wo durunya n nu ni, ama, minem bo a fa bu ama m ni, bere ye m sere u ma bu a, dama bu ti u d̄ε minem wɔ. ¹⁰ M minem kere ti u d̄em wɔ, ye u d̄em gusu kere ti m d̄em, ye ba ma minem an̄u m jirima woowa ni. ¹¹ Kisa, m suba u dɔ lεε, m ká má durunya n nu fen kun, ama, bere ká fen wɔ. M Si, wɔrɔ bo a ti casi ni, yo bu kanda

u duma n bo a fa maari m n yiko nu, na bu yo deke kun, kabo mini ni wɔrɔ ti kun ni. ¹² Saŋga bo m woori bu dɔ ni, m yoori bu kanda u duma n bo afa ama m yiko nu wɔ. M niɛeri bu su, na bu be aka má ŋgbɛɛn, má ka bo wɔ ka ŋgbɛɛn haari i ni kunnu ni, adena kabo ba kɛrɛ i Nyɛmɛ Jɔrɛ Kadasi n nu n yo yiiwa.

¹³ Kisa m suba u dɔ lɛɛ, ama, m toko wo durunya n nu ye m jɔjɔ ahin jɔjɔwa n na bu nya m dɛɛ ahorejɔ n kɔ sin su. ¹⁴ Ma fa u nɔaniɛ n afa ama bu, na kabo m ti má durunya n nu fɛn fɔ be ni, sɔ ye bu gusu ti má durunya n nu fɛn fɔm a, nyini dɛɛ ti, durunya n nufɔm koro má bu jɔrɛ. ¹⁵ M susere má u ka a yi bu fite durunya n nu wɔ, ama, m susere u ka a kanda Sitana satieyofɔ ni, na i yaki bu. ¹⁶ Kabo m ti má durunya n nu fɛn fɔ ni, sɔ ye bu gusu ti má durunya n nu fɛn fɔm a. ¹⁷ U nɔaniɛ n ti nahɔrɛ wɔ. Ma u nɔaniɛ n bo i ti nahɔrɛ n yo bu casi. ¹⁸ Kabo a sunmaari m durunya n nu ni, sɔ ye m gusu asunma bu a. ¹⁹ Bɛrɛ dɛɛ ti, ye ma fa m ŋu ama u a, adena bɛrɛ gusu fa bu ŋu ma u nahɔrɛ n dɛɛ ti.

²⁰ M susere má u ma má bɛrɛ ŋgumi wɔ, ama, m susere u ma minɛm bo bu bá yo m yarada ahinm dɛɛ nɔaniɛ kaanwa n ti wɔ. ²¹ M Si, m sere u ka a ma bu kɛrɛ yo kun, kabo a wo m dɔ, na m gusu wo u dɔ ni, ma bɛrɛ gusu wo ya dɔ, adena durunya n nufɔm yo yarada ka wɔrɔ sunmaari m a. ²² U jirima woowa n bo a maari m ni, ma fa ama bu, na bu yó kun kabo m ni wɔrɔ ti kun ni. ²³ M wo bu dɔ, na u gusu wo m dɔ, nyini ma bu yo deke kun kabo a koro ka bu ti n a, na durunya n nufɔm si ka wɔrɔ sunmaari m a, na kabo a koro m ni, a koro u minɛm gusu sɔ ɔ.

²⁴ M Si, m koro ka a ma minɛm bo a fa bu ama m n bá wo m dɔ, deke bo m wo ni, na bu ŋú m jirima woowa n bo a fa maari m ni, dama saŋga bo a nya ayi má durunya n ye a koro m a. ²⁵ M Si, wɔrɔ yo sa kɛrɛ bo i kɔ atin su n a, durunya n nufɔm si má u, ama, mini si u, na ahinm gusu si ka wɔrɔ sunmaari m a. ²⁶ Ma kere bu kabo a ti barasu, na m toko sukere bu wɔ, adena koro n bo a koro m n wó bu nu, na m ni bɛrɛ yó kun.”

18

Kabo bu kɔɔri ka bu kɔ tara Yesu ni

¹ Yesu sereeri Nyɛmɛ wieeri ni, na i ni i susufɔm n ayasu akɔ akpiɛ Kɛdɔrɔn nzuɛtin n buɛkun dɔ, deke bo baka fie be wo ni, na ba kɔ awura baka fie n nu. ² Yudasi bo i sutɔ Yesu ma i kpɔfɔm ni si dika n nu, dama Yesu ni i susufɔm nati tien bu nɔɔ dɔ ɔ saŋga saŋga. ³ Na Yudasi aba dɔ. Sojam su i su, ni tintinijinafɔm bo Nyɛmɛ sayoowa dɔnguyofɔm nkpiɛnkpiɛnm n ni Farasifɔm asunma bu n buka su. Bu bita fitanam, ni wura sinm, ni biɛsoya nɛngem. ⁴ Yesu si sa kɛrɛ bo i bá tu i ni, na wɔ kpa bu atin abisa bu ka, “Am koro ŋma a?” ⁵ Na ba bɔ i nu ase i ka, “Ya koro Yesu Nazaretifɔ n wɔ.” Na wɔ se bu ka, “Yiri la mini.” Yudasi bo i tɔɔri i ni jina sojam n nu. ⁶ Yesu seeri ka, “Yiri la mini” ni, na bu kɛrɛ akɔkɔ bu sin akpakpaasi asiɛngu. ⁷ Na wɔ kaaki abisa bu bekun ka, “Am koro ŋma a?” Na ba se i ka, “Ya koro Yesu Nazaretifɔ n wɔ.” ⁸ Na wɔ se bu ka, “Ma se am ka yiri la mini. Nzen am koro mini wɔ, am ma ahin minɛm bɛrɛ kɔ.” ⁹ I seeri sɔ ni, na i nɔaniɛ bo i yo jɔjɔɔri i n ayo yiiwa, ka, “Minɛm bo a fa bu ama m ni, m ma má bu be ka má ŋgbɛɛn.” ¹⁰ Nyini saŋga Simon Petoro jina bita takobe, na wɔ cin awɔrɔ i akpiɛ sɔnɔ be sui, i saa fɔmbɔrɔ dɛɛ ni, nyini sɔnɔ n ti Nyɛmɛ sayoowa dɔnguyofɔm kpiɛn n akɔɔ ɔ. Bu fere i ka Malikusi. ¹¹ Na Yesu ase Petoro ka, “Fa u takobe n wura i buɛ nu. A ŋa má m ŋu anyumboro n bo m Si afa ama m n wɔ?”

Kabo bu taraari Yesu kɔɔri bu kpien Anasi dɔ ni

¹² Na sojam, ni bu kpien, ni Yudafɔm nkpienkpienm n tintinijinafɔm n atara Yesu acici i nyama. ¹³ Bu du mɔ faari i kɔɔri sɔnɔ be bo bu fere i ka Anasi n dɔ ɔ ka. Anasi sibiɛ la Kayafasi. Kayafasi ti Nyemɛ sayoowa dɔnguyofɔm kpien n nyini afɔ n a. ¹⁴ Yiri Kayafasi ti bo i yo seeri Yudafɔm ka i ti ye ni ka sɔnɔ kun wu ma minɛm kɛrɛ n a.

Kabo Petoro keteeri ka i si má Yesu ni

¹⁵ Bu taraari Yesu suko ni, na Simon Petoro ni Yesu susufɔ n kun asu i su ako. Nyemɛ sayoowa dɔnguyofɔm kpien n si nyini Yesu susufɔ n dɛɛ ti, ye i suuri Yesu su wurari yiri Nyemɛ sayoowa dɔnguyofɔm kpien n gisan nu a. ¹⁶ Ama, na Petoro yiri aka ajina dasin anɔ n nu, na yiri susufɔ n bo Nyemɛ sayoowa dɔnguyofɔm kpien n si i ni afite, na wɔ ba afani n bo i jina kanda anɔ n dɔ, na wɔ sere i atin na wɔ fa Petoro awura. ¹⁷ Na afani n bo i jina kanda anɔ n abisa Petoro ka, “Wɔrɔ mmɔɔ ti nyini sɔnɔ n susufɔm nu kun wɔ, má sɔ?” Na Petoro ase i ka, “Ai, m ti má bu kun.”

¹⁸ Ayere sanja lɛɛ, na Nyemɛ sayoowa dɔnguyofɔm kpien ni ngbɛfɛnɛm, ni tintinijinafɔm atɔrɔ sin wo tun su, na Petoro gusu ajina bu bi sutun sin n be.

Kabo Nyemɛ sayoowa dɔnguyofɔm n kpien n diiri Yesu jɔrɛ ni

¹⁹ Na Nyemɛ sayoowa dɔnguyofɔm n kpien n abisa Yesu fa kɔ i susufɔm n jɔrɛ, ni kabo i kereewa n ti barasu ni. ²⁰ Na Yesu ase i ka, “Sanja kɛrɛ m jɔjɔ sɔnɔ kɛrɛ nyunu wɔ, na m kere bu Nyemɛ nɔaniɛ ni bu tientienbunɔɔ sɔɔm n nu, ni Nyemɛ Sereebiri Awuru n nu, deke bo Yudafɔm kɛrɛ tien bu nɔɔ ni, m kan má jɔrɛ be fiɛwa nu. ²¹ Ye nzu ti ye a bisa m a? Bisa minɛm bo bu tiiri m kereewa n ka m seeri bu sɛ wɔ. Bɛrɛ si kabo m seeri bu n a.” ²² Yesu seeri sɔ ni, na tintinijinafɔ n bo i jina dodo i n abo i nyɔɔnu, na wɔ bisa Yesu ka, “Sɔ ye a bo Nyemɛ sayoowa dɔnguyofɔm kpien n nu a?” ²³ Na Yesu ase i ka, “Nzen ma jɔjɔ jɔrɛ bo wɔ kɔ má atin su, kan na m ti. Ye nzen bo ma se n ti nahɔrɛ, nzu ti ye a bo m nyɔɔnu a?” ²⁴ Na Anasi ama ba fa i ni nyama ciciwa n sɔ ako Kayafasi bo i ti Nyemɛ sayoowa dɔnguyofɔm n kpien n dɔ.

Kabo Petoro keteeri bekun ka i si má Yesu ni

²⁵ Simon Petoro jina woori sin n tun su ni, na ba bisa i ka, “Wɔrɔ mmɔɔ ti i susufɔm kun wɔ, má sɔ?” Na Petoro akete, i ɲa, “Ai, m ti má bu kun.” ²⁶ Na Nyemɛ sayoowa dɔnguyofɔm kpien n akɔɔ be, i dikaɔ la sɔnɔ n bo Petoro kpiɛ yiiri i sui ni, na wɔ se Petoro ka, “Ma ɲu má u ka a wo i bi baka fie n nu dɔ?” ²⁷ Na Petoro akete bekun, kpenɲa akɔnyuma abo.

Kabo bu faari Yesu baari Gomina Pilato dɔ ni

²⁸ Na alecin ɲgarama fun na ba fa Yesu afite Kayafasi dika n nu, na ba fa i ako gomina n dika, bu fere gomina n ka Pilato. Yudafɔm awura má gisan nu, adena má bu yo bu ɲu fin, na bu koro di má Butara cɛɛnkpiri ni. ²⁹ Nyini ti, na Pilato afite aba bu dɔ dasin abisa bu ka, “Ahin sɔnɔ n bo am afa i aba m dɔ ni, i ɲgasi la bɔnɔ?” ³⁰ Na ba se i ka, “Nzen má wɔ do má ɲgasi be, má ya fa má i ba má u dɔ.” ³¹ Na Pilato ase bu ka, “Ambɛrɛ mmɔɔ ni am tii fa i kɔ di i jɔrɛ kabo am jɔrɛdi atin kere ni.” Na Yudafɔm n ase i ka, “Ya la má atin bo ya kun sɔnɔ.” ³² Bu seeri sɔ ni, adena Yesu nɔaniɛ n bo i seeri kabo i bá wu barasu n yo yiwa.

³³ Na Pilato akaaki awura gisan n nu, na wɔ fere Yesu abisa i ka, “Wɔrɔ ti Yudafɔm Fɛmɛ n a?” ³⁴ Na Yesu abisa i ka, “U dɛɛ sunsunni nu lɛɛ, nzen be seeri u a?” ³⁵ Na Pilato abisa i ka, “M ti Yudafɔ ɔ? U minɛm ni

Nyeme sayoowa danguyofom nkpienkpienm ni faari u baari m do a. A do nzu ngasi wo?" ³⁶ Na Yesu ase i ka, "M femeya n ti ma durunya n nu fen femeya. Nzen ma m femeya n ti durunya n nu fen femeya, ma m susufom ba kun lue m busu, na ma be koro tara ma m wura ma Yudafo m saa nu. Ama, m femeya n ti ma durunya n nu fen dee." ³⁷ Na Pilato abisa i bekun ka, "Nka a ti fem wo lee?" Na Yesu ase i ka, "Bo a na m ti fem ni, i ti so o. Bu wuuri m durunya n nu ka m ba di nahore n daani wo. Na sono kere bo i su nahore n su, i de m noanie n wo." ³⁸ Na Pilato abisa i ka, "Nahore la nzu wo?"

Kabo bu maari noo ka bu kun Yesu ni

Pilato seeri i so, na wo kaaki afite ako Yudafo m do ako ase bu ka, "Ma nu ma i ngasi be wo do i." ³⁹ Ama, am la am yoowa be bo i ma m atin ka m yi dansaraka kun ma am Butara ceenkpiri n di sangga. Am koro ka m yi ambere Yudafo m Feme ni ji ma am a, nzen se?" ⁴⁰ Na ba tien ase ka, "Ma yiri. Ya koro Barabasi wo." Barabasi ti sono bo i nati fin minem di wo.

19

¹ Na Pilato ama ba fa Yesu ako afin i ngbere. ² Na sojam n awura i tanlee kokore yorom ka femeya dee su, na ba fa buwe ago i ka kaba dee su, na ba fa aforo i tii. ³ Na bu suba i do suyo i anzasi se i ka, "Yudafo m Feme, ya yo u anse." Na ba bo i nyoonu. ⁴ Na Pilato akaaki afite aba Yudafo m do aba ase bu ka, "Am ti fen, m sufa i fite ba kere am wo, na am si ka ma nu ma ngasi bo wo do i." ⁵ Yesu tie fiteeri ni tanlee kokore yorom ni, ni i tii buwe kaba n ni, na Pilato ase bu ka, "Am nie, sono n yaa." ⁶ Deke bo i tie fiteeri na Nyeme sayoowa danguyofom nkpienkpienm ni tintinjinafom nuuri i so ni, kpennga na ba tien, bu na, "Am kpama i baka jaanu n su na i wu. Am kpama i." Na Pilato ase bu ka, "Ambere mmoo ni am tii fa i ko kpama i e. Mini, ma nu ma ngasi bo wo do i." ⁷ Na ba se i ka, "Ya la noanie kpamaawa be, wo yo daka ka i wu, dama i na i ti Nyeme Wa a."

⁸ Pilato tiiri ka Yesu na i ti Nyeme wa ni, na sere ati i abuka su. ⁹ Na wo kaaki awura gisan n nu abisa Yesu ka, "A fite ni wo?" Ama, Yesu abo ma i nu. ¹⁰ Na Pilato akaaki abisa i ka, "A bo ma m nu? A si ma ka m la yiko bo m koro ma bu fa u ji, na m kaaki la yiko bo m koro ma bu kpama u baka jaanu n su?" ¹¹ Na Yesu ase i ka, "Nzen ma Nyeme ama ma u atin, maala ma yiko bo a koro yo m pui. Nyini ti, sono n bo i faari m wuraari u saa nu ni, i satie yoowa tara u dee." ¹² I seeri so ni, na Pilato akpi kabo i yo na i yaki Yesu nu ji. Ama, na Yudafo m sutientien suse ka, "Nzen a yakiiri i nu jiiri, u ni Feme Siza danfoya awie lee, dama sono kere bo i yo i nu ka i ti fem, i mi ti Feme Siza koro o."

¹³ Pilato tiiri so ni, na wo fa Yesu afite, na wo tana jore diibiri n su bimbindi n su. Yudafo m anie nu bu fere i ka *Gabata*, i bu la ka, deke bo ba fa yabue asese su ayo i dangu ni. ¹⁴ Nyini ceen n tiiri bu Butara ceenkpiri n kpokpo ceen wo, wiesu kerefi buru ni nnyo sangga a. Na Pilato ase Yudafo m ka, "Am fem n yaa." ¹⁵ Na ba kaaki atien ase ka, "Am fa i ko, am fa i ko kpama i baka jaanu n su." Na Pilato abisa bu ka, "M fa am fem n ko kpama i baka jaanu n su?" Na Nyeme sayoowa danguyofom nkpienkpienm n ase ka, "Ya la ma fem be sin Feme Siza nu." ¹⁶ Bu seeri so wieeri ni, na Pilato anya afa i ama bu ka bu ko kpama i baka jaanu n su.

Kabo bu kpamaari Yesu baka jaanu n su ni

Na ba de Yesu akɔ. ¹⁷ Na yiri ni i tii asɔ i baka jaanu n akɔ awɔre n bo bu fere i ka Tereawa Woobiri ni, Yudafɔm anie nu bu fere dɔ ka *Gologota*. ¹⁸ Na ba kpama i baka jaanu n su dɔ, na ba kaaki akpama mine nnyɔ nbem adodo i, bu kpamaari kun i saa fɔmbɔrɔ su, na ba kpama kun i saa bie su, na Yesu awo bu afien. ¹⁹ Na Pilato akere kerewa be amata i tii su baka jaanu n su. Kerewa n la ka, "Yesu Nazaretifo n bo i ti Yudafɔm Feme n lee." ²⁰ Bu kereri nyini kerewa n Yudafɔm, ni Romafɔm, ni Girikifɔm dee aniem kere nu wɔ, na Yudafɔm dɔngɔ anu i, na ba kan i, dama deke bo bu kpamaari i n waari má ni mie kunnu. ²¹ Na Nyeme sayoowa dɔnguyofɔm nkpienkpienm n akete ase Pilato ka, "Má a kere ka, 'Yudafɔm Feme n lee,' ama, kere ka, 'Ahin sɔnɔ ɲa, "Mini ti Yudafɔm Feme n a." ' " ²² Na Pilato ase bu ka, "Bo ma kere i ni, nyini lee wɔ."

²³ Sojam n kpamaari i baka jaanu n su wieeri ni, na ba kpaaki i nenje wuraawam nu busu nna, na bu kere afa kun kun, na wɔ ka i tanlee yorom bo i wo i bu na i wura be gɔ su ni, i la má gise kpaabiri, ama, ba wu i kere angoro kɔ jura asienɔ wɔ. ²⁴ Na ba se ka, "Má am ma ya sɔnsɔn i nu, ama, am ma ya tu mbaa na ya si bo i dí i." Bu yoori sɔ adena Nyeme Jɔre Kadasi n yo yiiwa, bo ba kere i ka, "Ba kpaaki m nenje wuraawam nu, na ba tu mbaa m tanlee n bo i wo m bu n busu ni." Nyini ti ye sojam yoori sɔ n a.

²⁵ Na Yesu ni, ni Yesu ni niemabara, ni Kolopasi yi Mariya, fa kɔ tuuri Mariya n bo i fite Magadala n jina dodo deke bo bu kpamaari Yesu ni. ²⁶ Yesu nie ɲuuri i ni ni, ni i susufɔ n bo i koro i agaya n ka bu jina dodo i ni, na wɔ se i ni n ka, "M ni, nie fen, u wa la ahin." ²⁷ Na wɔ se i susufɔ n gusu ka, "Nie fen, u gusu ni lee." Nyini cɛen n kere na Yesu susufɔ n afa Yesu ni, na wɔ kɔ awo i dɔ.

Kabo Yesu wuuri ni

²⁸ Nyini sin na Yesu asi nu ka wɔ yo i juma kere awie, na wɔ se ka, "Nzuehɔe ti m wɔ." I seeri sɔ ni, adena Nyeme nɔanie n yo yiiwa. ²⁹ Nyini sanɔga dundu be taka bere, wɔ yi ni nzan gagaraki, na ba fa mene afa awo baka su afa abo nu alaandi atɔ i nɔɔ. ³⁰ Yesu de nu wieeri ni, na wɔ se ka, "Wɔ wie." Na wɔ biri i tii, na wɔ yo Nyeme dee.

Kabo bu wɔɔri Yesu kpie i nvin nu ni

³¹ Nyini cɛen n ti ɲumiyi cɛen n kpokpo cɛen n ti, ba koro má ka minem bo ba kpama bu baka jaanu n su n ka sense su bu ɲumiyi cɛen ni, dama ɲumiyi cɛen n bo i suba n ti cɛenkpiri bambaka bu dɔ ɔ. Nyini dee ti, ye bu sereeri Pilato ka i ma bu kɔ bubu bo ba kpama bu baka jaanu n su jaam n a, na bu yi bu kɔ se bu. ³² Nyini ti, na sojam n akɔ abo abubu sɔnɔ n kun jaam, ni nyinga n gusu dee, bere n bo bu kpamaari bu dodoori Yesu ni. ³³ Ama, sanɔga bo bu ba kpuraari Yesu ni, bu ɲuuri ka yiri awu, nyini dee ti, ba bubu má i jaam. ³⁴ Ama, na sojam kun afa kpie awɔ Yesu nvin nu, kpenɔga na nzue ni mbunja susonɔgi fite. ³⁵ Sɔnɔ n bo i nyumbaa ɲuuri i ni, yiri di i daani a, adena am yo yarada. I jɔre n ti nahɔre wɔ, na kabo i di daani n gusu ti nahɔre wɔ. ³⁶ Ahin n kere yoori, adena kabo ba kere i Nyeme Jɔre Kadasi n nu n yo yiiwa. Ba kere ka, "I buwe kun n kpein mmɔɔ bu má." ³⁷ Ye ba kaaki akere ka, "Minem bá nie yiri n bo ba wɔ i kpie n wɔ."

Kabo bu seeri Yesu ni

³⁸ Nyini dee sin, na sɔnɔ be bo bu fere i ka Yosefu n asere Pilato atin na i yi Yesu ɲunie n kɔ se i. Na Pilato ama i atin, na wɔ kɔ ayi i ɲunie n baka

jaanu n su ako. Yiri Yosefu fite mie kpiri n bo bu fere i ka Aramatiya n su wo, i yo tiiri Yesu susufom kun wo, ama, i soroori Yudafom ahore ti, wo yi ma i nu fofoe nu. ³⁹ Na Nikodemo bo i yo baari Yesu do kongue be n gusu aba, i bita nguin nvanvani ni tulaalee sanngaawa, i nononori ju pobu aburana. ⁴⁰ Na ba fa Yesu njunie ni, na ba yo i kabo Yudafom yo bu fuin na bu se i ni, bu faari tulaalee n goori i nu wo, na ba nya afa nzee apooni. ⁴¹ Deke bo bu kpamaari Yesu ni, baka fie be wo do. Nyini baka fie n nu yabue bue bo ba lokoti i ayo i fanjunma wo do, bo bu nya se ma fuin nu ni. ⁴² Nyini ceen n ti Numiyi ceen n kpokpo n dee ti, na bekun, fanjunma n waari ma ni bere ni, ye bu faari i ko seeri nu n a.

20

Kabo Yesu tengeeri i yiwee n nu ni

¹ Yudafom bakue n bumboori, mone ceen ngarama fuun, nyini sannga dika toko ti liim, na Mariya n bo i fite Magadala n ako yabue bue fanjunma n su. I ko juuri ni, i nuuri ka ba yi yabue bambaka n bo bu fa toori fanjunma n ano ni. ² Na wo nmati ako Simon Petoro ni Yesu susufo n bo i koro i agaya n do, na wo se bu ka, "Ba yi Mibie n fanjunma n nu, ya si ma deke bo ba fa i ako ase." ³ Na Petoro ni i lamoko n ayasu ka bu ko fanjunma n su. ⁴ Bu mine nnyo ni sunmati ko a, ama, na kun n nmati asin Petoro nu adu mo aju fanjunma n su. ⁵ Na wo kasi anie fanjunma n nu, anu ka nzee n da, ama, wo wura ma fanjunma n nu. ⁶ Ama, na Simon Petoro yiri aka sin aba aju, na wo wura fanjunma n nu, anu ka nzee n da, ⁷ na wo nu ka tani n bo bu fa ciinri Yesu tii ka kaba n gusu bubu nu da i ngumi. ⁸ Nyini sannga na yiri n bo i du mo juuri fanjunma n su n awura nu, i nuuri i ni, na wo yo yarada kabo Yesu yo seeri bu ni. ⁹ Ama, ba nya asi ma Nyeme Jore Kadasi n bo i na Yesu tenge i yiwee n nu n bu. ¹⁰ Na ba kaaki ako awuru.

Kabo Yesu yiiri i nu kereeri Mariya n bo i fite Magadala ni

¹¹ Ama, na Mariya aka ajina fanjunma n su, na i susun. I wo sun su ni, na wo kasi anie fanjunma n nu. ¹² Na wo nu merkem nnyo ka bu wura tanlee fofoe tana deke bo bu faari Yesu njunie n daari ni, kun tana deke bo bu faari i tii woori ni, na nyinga gusu tana deke bo bu faari i jaa woori ni. ¹³ Na ba bisa i ka, "Bara, nzu ti ye a sun a?" Na wo se bu ka, "Ba yi m Mibie n wo, ye m si ma deke bo ba fa i ase." ¹⁴ I seeri so ni, na wo kaaki anie i sin. I nuuri ka Yesu jina, ama, wo si ma ka Yesu lee. ¹⁵ Na Yesu abisa i ka, "Bara, nzu ti ye a sun a? A koro nma a?" Mariya nuuri i so ni, i sunsun ka fie n niefo a. Na wo se i ka, "M jakpien, nzen woro ayi i ako ase deke be a, kere m na m ko fa i." ¹⁶ Na Yesu afere i ka, "Mariya." Na wo kaaki anie Yesu do, na wo se i ka, "Raboni." Yudafom dee anie n nu, i bu la ka, ya Keref. ¹⁷ Na Yesu ase i ka, "Ma a fa u saa kan m, dama ma nya ako ma Si do, ama, ko na a ko se m ninbaam n ka, 'M suk m Si bo i ti am Si ni, ni m Nyeme bo i ti ambere mmoo Nyeme n do.'" ¹⁸ Na Mariya n bo i fite Magadala n ako ase bu ka, "Ma nu Mibie ni." Na wo se bu jore n kere bo Yesu akan akere i ni.

Kabo Yesu yiiri i nu kereeri i susufom ni

¹⁹ Na bakue n bumboori, mone ceen n naaso sannga, na Yesu susufom woori soo be nu, na ba tu ano n ago bu nu, dama bu soroori Yudafom nkpien-kpienm wo. Na Yesu aba ajina bu afien ase bu ka, "Am ma am ahore da." ²⁰ I seeri so wieeri ni, na wo fa i saam deke bo bu boori i bulaari ni, ni

i nvin deke bo bu wɔɔri i kpɛ n akere bu. I susufɔm ɲuuri i sɔ ni, na bu ahore ajɔ. ²¹ Na wɔ kaaki ase bu ka, “Am ma am ahore da, kabo m Si sunmaari m ni, sɔ ye mini gusu susunma am a.” ²² I seeri sɔ wieeri ni, na wɔ yi i ɲumi agɔ bu ɲu, na wɔ se bu ka, “Am de Nyemɛ Awiewiɛ Casi ni. ²³ Sɔnɔ kɛrɛ bo am faari i satie ceeri i, Nyemɛ fá i satie ce i. Ama, sɔnɔ kɛrɛ bo am fa má i satie ce má i, Nyemɛ fá má i satie ce má i.”

Kabo Yesu yiiri i ɲu kereeri Tomasi ni

²⁴ Saŋga bo Yesu yiiri i ɲu kereeri i susufɔm buru ni nnyɔm ni, bu nu kun awo má bu nu. Yiri la Tomasi bo bu fere i ka Ndaa ni. ²⁵ I ba ɓaari ni, na ba se i ka, “Ya ɲu Mibiɛ ni.” Na wɔ se bu ka, “Má ka ma ɲu i saa kunma n bo bu kpamaari i ni, na m fa m saa maraka wura nu, na m fa m saa wura i nvin nu deke bo bu wɔɔri i kpɛ ni, m yó má yarada fieo.”

²⁶ Na i lemɔcɛ cɛɛn, na ba wo sɔɔ n nu bekun. Nyini cɛɛn ni, Tomasi gusu woori bu nu, na ba yandi atu anɔ ni. Na Yesu aba ajina bu nu, na wɔ se bu ka, “Am ma am ahore da.” ²⁷ Na wɔ se Tomasi ka, “Fa u saa maraka ba wura m saa kunma n nu, na a fa u saa ba wura m nvin kunma n nu. Na a yaki sika na a yo yarada.” ²⁸ Na Tomasi ase i ka, “Wɔrɔ ti m Mibiɛ, ni m Nyemɛ a.” ²⁹ Na Yesu ase i ka, “Bo a ɲu m ti ye a yo yarada? Terefie wo bu dɔ, bo bu nya ɲu má m na bu yo yarada ni.”

Deke bo i ti na bu kɛrɛeri ahin kadasi n ni

³⁰ Yesu yo yoori alekutura sam beberebe na i susufɔm n aɲu i, ama, ba kɛrɛ má i kɛrɛ awura má ahin kadasi n nu. ³¹ Ama, ba kɛrɛ ahinm ni, adena am yo yarada ka Yesu Nyemɛ Wa ni ti Kristo n a, Tiidefɔ n bo Nyemɛ ase ka i súnma i ni, na am yarada ni ma am nya ɲɔɔ i dɛɛ duma n nu.

21

Kabo Yesu yiiri i ɲu kereeri i susufɔm n bekun ni

¹ Nyini sin, na Yesu ayi i ɲu akere i susufɔm n bekun kunma kpiri n bo bu fere i ka Tiberiya n nɔɔ su. Kabo i faari i ɲu kereeri bu n la ka, ² i susufɔ nbem atien bu nɔɔ, bere la Simon Petoro, ni Tomasi n bo bu fere i ka Ndaa ni, ni Nataniɛli n bo i fite Kana bo i wo Galili asien n su ni, ni Zɛbedi nbaa nnyɔm ni, ni i susufɔ nnyɔ nbem. ³ Na Simon Petoro ase bu ka, “M suko jombaa tara lɛɛ.” Na ba se i ka, “Yɛrɛ mmɔɔ sú u su kɔ ɔ.” Na ba wura lee n nu ako, bu woori nzue n nu haari ale kɔ sucin, ba nya koro tara má pui.

⁴ Saŋga bo ale ba ciinri wein ni, na Yesu aba ajina kunma n nɔɔ su, ama, i susufɔm n asi má ka yiri lɛɛ. ⁵ Na wɔ bisa bu ka, “M nbaam, am anya má jombaa, má sɔ?” Na ba se i ka, “Ai, ya nya má be.” ⁶ Na wɔ se bu ka, “Am sandi am diendie n lee n fɔmbɔrɔ su dɛɛ bue ni, am nyá be.” Bu sandiiri ni, na ba tara jombaa beberebe, haari ba koro ama má diendie n su. ⁷ Na Yesu susufɔ n bo i koro i agaya n ase Petoro ka, “Ya Mibiɛ lɛɛ.” Deke bo Petoro tiiri ka, bu Mibiɛ lɛɛ ni, nyini saŋga i jina i ɲunie ɲɔbɛɛn wɔ. Na wɔ yo ndende afa i tanlɛɛ abo i wi nu, na wɔ ti ato nzue n nu. ⁸ Ama, na i beɲgu susufɔm n bo bu wo lee n nu ni, sucin diendie n bo wɔ yi ni jombaa ni, na bu fa ba kunma n nɔɔ su ni. Deke bo bu wo n ni kunma n nɔɔ su n waari má, i tiiri ajaari natiwa yaa kun wɔ.

⁹ Bu cin kɔ juuri kunma n nɔɔ su ni, na bu fiteeri lee n nu ni, bu ɲuuri ka sinmɔnɛ da, jombaa nana su, kpɔnɔ da bere. ¹⁰ Na Yesu ase bu ka, “Am fa jombaa n bo am atara bu kisa n be bra.” ¹¹ Na Simon Petoro awura lee n nu, na wɔ cin diendie n bo wɔ yi ni jombaa ɲɔbingbiri n aba ahemɛ. Jombaa n kɛrɛ kɔ yasuuri yaa ni aburunu ni nsan a, ama, haari ni nyini jombaa beberebe n kɛrɛ, diendie n ati má. ¹² Na Yesu ase i susufɔm n ka,

“Am ba yo daraka.” Bu be abo má su, na i bisa i ka, “Wɔrɔ ɲma?” dama bu kere si ka bu Mibiɛ n a. ¹³ Na Yesu aba afa kpɔnɔ n ama bu, na wɔ fa jombaa n gusu abuka bu su. ¹⁴ Ahin yoori kpe nsan su, bo i yiiri i ɲu kereeri i susufɔm n a, saɲga bo i tengeeri i yiwee n nu ni.

Kabo Yesu ni Petoro boori anzama ni

¹⁵ Bu yoori daraka n wieeri ni, na Yesu abisa Simon Petoro ka, “Yohane wa Simon, a koro m tara kabo nyingam ni koro m ni?” Na wɔ se i ka, “Ɛɛn, m Mibiɛ, wɔrɔ mmɔɔ si ka m koro u.” Na Yesu ase i ka, “Niɛ m nbɔmbaam dika.” ¹⁶ Na wɔ kaaki abisa i kpe nnyɔ su ka, “Yohane wa Simon, a koro m?” Na Petoro ase i ka, “Ɛɛn, m Mibiɛ, wɔrɔ mmɔɔ si ka m koro u.” Na Yesu ase i ka, “Niɛ m nbɔɛm dika.” ¹⁷ Na wɔ kaaki abisa i kpe nsan su ka, “Yohane wa Simon, a koro m?” Na Petoro ahore asaaki kabo wɔ bisa i kpe nsan su kere ka, i koro i ni? Na Petoro ase i ka, “M Mibiɛ, wɔrɔ si deke n kere a, a si ka m koro u.” Na Yesu ase i ka, “Niɛ m nbɔɛm dika. ¹⁸ Nahɔre ye m suse u n a, ka saɲga bo a yo ti gbefene ni, wɔrɔ mmɔɔ ni u tii bo u wi nu kujara kɔ deke kere bo a koro a, ama, a ba yoori kpiɛn, a yɛ u saa su aɲgoro wɔ, na be bó u kujara na i fá u kɔ deke bo a koro má ni.” ¹⁹ I seeri sɔ n na i kere kabo Petoro bá wu barasu, na minɛm ɲú kabo Nyɛmɛ jirima woowa n ti barasu. Nyini sin na wɔ se Petoro ka, “Su m su.”

Yesu ni i susufɔ n bo i koroori i agaya n jɔre

²⁰ Na Petoro akaaki anie aɲu ka bere susufɔm nu kun bo Yesu koro i agaya n su bu su. Yiri la bo bu yo sudi diire na i tana mataari Yesu na i bisaari i ka, “M Mibiɛ, ɲma tó u n a?” ²¹ Petoro ɲuuri ka i su bu su sɔ ni, na wɔ bisa Yesu ka, “M Mibiɛ, ye ahin n gusu di?” ²² Na Yesu ase i ka, “Nzen m koro ka i wo bere haari saɲga bo m bá kaaki ba, i nya u se? Wɔrɔ su m su.” ²³ I seeri sɔ n na labari n abara aye i susufɔm dɔ, ka i nyini susufɔ ni wú má. Yesu ase má ka i wú má, ama, i ɲa, “Nzen m koro ka i wo bere haari saɲga bo m bá kaaki ba, i nya u se?”

²⁴ Nyini Yesu susufɔ ni diiri ahin jɔrem kere daani a, yiri kaaki kereeri ahin jɔrem kere a, na ya si ka i daani diiwa n ti nahɔre n a. ²⁵ Yesu yo yoori sam dɔɲgu, bo má bu ɲa bu kere i kere, ma de má ka bu nyá fofoe durunya n nu, bo bu fá nyini kadasim n kere fa se.

Yesu Jaramasam SAYOOWAM

¹ Ya si Teyofilosi, m kadasi n bo m du mɔ kɛrɛ maari u ni, m yo seeri u fa kɔ sam bo Yesu yo yoori bu n kɛrɛ, ni kabo i kereeri minɛm, sanɓa bo i boori i juma n bu ni, ² haari fa kɔ ju sanɓa bo Nyemɛ faari i fun kɔɔri angoro ni. Kana i ba fun kɔ ni, Nyemɛ Awiewie Casi n dɛɛ yiko nu ye i yo seeri i jaramasam bo wɔ yi bu n sam bo bu bá yo n a. ³ Yesu wu tengeeri n dɛɛ sin, na wɔ wo durunya n nu cɛɛn aburana, na i suyi i ɗu sukere bu sanɓa sanɓa su, bo i kere ka i la ɗɔɔ nahore su. Na ba ɗu i, na wɔ jɔjɔ bu dɔ fa kɔ Nyemɛ femɛya n su. ⁴ Na sanɓa bo Yesu ni i jaramasam ba tiɛnri bu nɔɔ wo diire di su ni, na wɔ se bu ka, “Má am se ka am fite Yerusalem mie kpiri n nu, ama, am ɗminda kɔ ju sanɓa bo m Si Nyemɛ fá Awiewie Casi n bá ma am, yiri ye i yo seeri ka i fá ma am n a. Yiri ye m yo kaanri i jɔrɛ kereeri am n a. ⁵ Yohane yo faari nzue biɛri am a, ama, i cɛ má, mini fá Awiewie Casi n ba wura am ɗu a.”

Kabo Nyemɛ ma Yesu fun kɔɔri angoro barasu ni

⁶ Na sanɓa bo Yesu ni i jaramasam n ba tiɛnri bu nɔɔ ni, na ba bisa i ka, “Ya Mibie, kisa ye a káaki fa femɛya n ma yere Yisarelifom, nzen se?” ⁷ Na Yesu ase bu ka, “Deke bo m Si Nyemɛ koro ka i yo i, ye i yo a, ambere koro si má nyini sanɓa wara cɛɛn ni.” ⁸ Ama, sanɓa bo Awiewie Casi n ba wuraari am ɗu, i má am fanɓa na am dí m ɗusu daani Yerusalem mie kpiri n nu, ni Yudiya awore n kere nu, ni Samariya awore n kere nu, haari kɔ kpura durunya n kere pepere su. ⁹ Sanɓa bo Yesu seeri sɔ wieeri ni, na Nyemɛ ama wɔ fun akɔ angoro, bu toko jina wo nie su ni, na yinyingu akata i ɗu, ba ɗu má i kun. ¹⁰ Bu jina wo nie su kabo i sufun kɔ angoro n nu barasu ni, na mine nnyɔ nbem akaba aba ajina bu bi, bu wura sutura fofoe, ¹¹ na ba bisa bu ka, “Galilifom, nzu ti ye am jina nie angoro n nu sɔ a? Yiri Yesu ni, kabo am anu ka i sufun kɔ angoro n nu barasu ni, am bá kaaki ɗu i sɔ ɔ lɛɛ, sanɓa bo i bá sukpie i nyi ba ni.”

Sɔnɔ bo i deerɪ Yudasi jinaabiri n jɔrɛ

¹² Nyini sanɓa ni, Yesu jaramasam yo woori buka n bo bu fere i ka Oliva Buka n su wɔ. Dɔ ni Yerusalem mie kpiri n nu waari má. Na ba kpie bu nyi akɔ Yerusalem. ¹³ Bu kɔ juuri n na ba fun akɔ angoro sɔɔ n bo bu da nu n ni. Bere bo bu kɔɔri dɔ n la Petoro, ni Yohane, ni Yakobo, ni Andere, ni Filipu, ni Tomasi, ni Batolomeyo, ni Matio, Yakobo bo i si la Alafeyo ni, ni Simon bo i tu ɗgoni fa kɔ i asien su ni, ni Yudasi bo i si la Yakobo ni. ¹⁴ Bu tien bu nɔɔ sɔ ɔ sanɓa kere, na bu susere Nyemɛ, bu ni nbaram nbem, ni Yesu ni Mariya, ni Yesu niemam ni.

¹⁵ Cɛɛn be sɔ ɔ, na yaradayofom n atien bu nɔɔ, bu kere kɔ yasuuri mine yaa ni aburanyɔ ɔ. Dɔ na Petoro ayasu ajina bu afien ase bu ka, ¹⁶ “M ninbaam, wɔ yo daka ka nɔanie n bo Awiewie Casi n yo maari Feme Davidi nɔɔ na i kereeri i Nyemɛ Jɔrɛ Kadasi n nu n yo yiiwa, kabo i kereeri fa kɔ Yudasi jɔrɛ ni, ka yiri dú minɛm bo bu ba tara Yesu n mɔ a. ¹⁷ Yudasi yo tiiri ya nu kun wɔ, ya ni yiri sanɓa yoori juma n a.” ¹⁸ Ya si Teyofilosi, si nu ka Yudasi afa ɗwaa n bo i yoori satie na i nyaari i ni, na wɔ fa ato asien, dɔ na wɔ kpaasi, na wɔ wu, na i kunnu atie, na i ayaya kere afite ago. ¹⁹ Na Yerusalemfom kere ati nyini jɔrɛ ni, nyini ti, na ba fere nyini asien ni, bu

aniε nu ka *Akelidama*, i bu la ka, Mbunja Asien. ²⁰ Tɔ, na Petoro akaaki ase bu ka, “Bu yo kerεeri i Kansi Jue kerεεwam n nu, ka,

‘Ma i dika n ka bonfo,
na má be wo nu.’

Na wo kaaki akere ka,
‘Ma sɔnɔ be de i jinaabiri ni.’

²¹⁻²² Nyini ti, wo yo daka ka i mi ti sɔnɔ bo i woori ya nu, sanga bo ya Mibiε Yesu woori bere na ya nati tien ya nɔɔ i dɔ ni, fite sanga n bo Yohane biεeri Yesu Nyeme nzue ni, haari fa ko juuri cɛen n bo Nyeme maari Yesu fun kɔori angoro yakiiri ya ni.” ²³ Nyini ti, na ba yi mine nnyɔ ajina. Bu kun la Yosefu bo bu fere i ka Basabasi, na bu kaaki fere i ka Jusitosi ni, ye kun n la bo bu fere i ka Matiyasi ni. ²⁴ Dɔ na ba sere Nyeme, bu ηa, “Ya Mibiε, wɔrɔ si kabo sɔnɔ kere sunsunni ti barasu a. Ahin mine nnyɔm ni nu, kere ya bo a koro ka ya yi i, ²⁵ na i yo u jaramasa na i yo ahin juma ni, na i jina Yudasi jinaabiri, yiri bo wo yaki u ako i koroobiri ni.” ²⁶ Na ba tu mbaa na bu yi mine nnyɔm nu kun, na ba yi Matiyasi abuka Yesu jaramasa buru ni kunm n su.

2

Kabo Awiewie Casi n wurari Yesu susufɔm n ηu ni

¹ Yudafɔm cɛenkpiri n bo bu fere i ka Pentekoti n di cɛen, nyini sanga ni, na Yesu susufɔm kere atien bu nɔɔ dika hɔre kun. ² Kpenga na ba ti nanmie be ηga angoro n nu ka anuma bo i sukpie fanga su, na wo de sɔɔ n bo bu tana nu n kere abara aye. ³ Dɔ na ba ηu deke be ka sin taferema dɛe su, na wo sandi atantana bu kun kun n kere tii su. ⁴ Na Awiewie Casi n awura bu kere ηu, na bu sujɔɔ aniε barasu barasu bo Awiewie Casi n ma bu koro jɔɔ i.

⁵ Tɔ, nyini sanga, Yudafɔm bo bu soro Nyeme n atien bu nɔɔ Yerusalem mie kpiri n nu, bu fiteeri durunya n awɔre n kere baari a, ka bu ba su Nyeme. ⁶ Sanga bo bu tiiri nanmie ni ηga sɔ ni, na jama beberebe aba atien bu nɔɔ, na jɔre n amie bu, dama bu kere tiiri ka Yesu susufɔm ni sujɔɔ bere kun kun n kere bo ba tien bu nɔɔ n dɛe aniε nu. ⁷ Na ba birisi na ba yo alekutura, na ba se ka, “Ahin minem kere bo bu wo jɔɔ su n ti Galilifɔm wɔ, ⁸ ye i baari se, ye bu sujɔɔ, ye ya kun kun n kere ti ka bu jɔɔ ya dɛe aniεm n a? ⁹ Ya fite awɔre barasu barasu kere n nu wɔ, nbem fite Patiya, na nbem fite Mediya, na nbem fite Elam, na nbem fite Mesopotamiya, na nbem fite Yudiya, na nbem fite Kapadosiya, na nbem fite Pontusi ni Esiya, ¹⁰ na nbem fite Firigiya, na nbem fite Pamfliya, na nbem fite Ijipiti asien n su, na nbem fite Libiya asien bo i wo dodo Sirene mie kpiri n ni. Ya nbem gusu fite Roma mie kpiri n su wɔ. ¹¹ Ya nbem ti Yudafɔm, ni minem bo bu ti má Yudafɔm na ba kaaki bu wo ka bu ti Yudafɔm ni, ye ya nbem gusu fite Kereti asien n su, na nbem fite Arabiya asien n su, ama, ya kere ti ka bu jɔɔ ya dɛe aniεm n nu wɔ, fa ko sakpakpam kere bo Nyeme ayo bu n su.” ¹² Na ba yo alekutura, ba si má kabo bu yo, na bu subisa bu ηunju nu ka, “Ahin sa n bu la ka se wo lɛe?” ¹³ Ama, na bu nbem ayo Yesu susufɔm n anzasi, na ba se ka, “Ai, ba nu nzan abo wɔ.”

Kabo Petoro kaanri Nyeme nɔaniε barasu ni

¹⁴ Dɔ na Petoro ni i benju buru ni kunm n ayasu ajina, na wo ye i konvi su ase jama n ka, “M lamoko Yudafɔm, ni ambere kere bo am wo Yerusalem mie kpiri n nu ni, am so am sui nyunyumi na am ti deke n bo m sukan kere am ni. ¹⁵ Ahin minem bo am sunsun ka ba nu nzan abo ni, ba nu má

nzan, kisa ngarama kerefi ngona ye ya wo nu n a. ¹⁶ Ama, nyini n bo am ti ka bu jɔjɔ anie barasu barasu ni, i ti kabo Nyeme noanie kanfo Joweli yo jɔjɔori n wo lee, i na,

¹⁷ 'Nyeme na o, fa ko durunya n awieeri,
m fa m Awiewie n wura minem kere nu.

Na am nbaabiesom ni nbaabaram kan Nyeme noanie n kere minem,
na am ngbefenem nu deke nbem nahore su ka alele nu,
na am nkpienkpienm da cin alele.

¹⁸ Nahore, nzen ceen n ba juuri,
m fa m Awiewie n wura m akoom n nu,
i bara ni i bieso kere,
na bu kan m noanie n kere mine.

¹⁹ Na m yo alekutura sam barasu barasu beberebe
angoro ni asienngu fen,
na am nu mbunja, ni sin, ni nmisini bambaka.

²⁰ Na wie n si biri,
na sara n kaaki kokore ka mbunja.

Nyini sin, na Mibie n ceen bambaka n bo i la jirima n nya ju.

²¹ Nyini ceen ni, sono kere bo i bo fereeri Mibie n дума, i mi nya tiide.' "

²² Na Peto ase bu ka, "Amberie Yisarelifom, am so am sui na am ti fen. Nyeme akere am ka yiri sunmaari Yesu bo i fite Nazareti mie n nu n a. Nyini ti, ye i ma i yoori alekutura sam, ni sa ngbingbirim am nu n a, kabo amberie ni am tii si i ni. ²³ Nyeme dee koroyanu, ye i du mo ciciiri ka i ma am nya Yesu taraabiri a, ye am faari i wuraari mine tiem saa nu, ye bu kpamaari i baka jaanu n su kuunri i n a. ²⁴ Ama, na Nyeme atenge i afite i yiwee n nu, yiwee akoro ala ma i yiko, dama i tiiri kekereke na yiwee koro kunma i. ²⁵ Dama Feme Davidi yo jɔjɔori fa ko yiri Yesu nusu jore, i na, 'Ma nu i ka Mibie n wo m do sangka kere,
nyini dee ti, puitiripui koro yo ma m.

²⁶ Nyini dee ti, m ahore ti daawa, na m jɔjɔ ni ahorejo,
haari ni bo m ba wu ni, m la tama fa ko m nuniembaa n su,

²⁷ dama woro Nyeme, a yaki ma m na m ka fuinm n nu,
a yaki ma na u dee amususufo casi ka mini so wu kporo.

²⁸ A kere m atin bo m fa na m nya ngoo,
na kabo a wo m do ni, nyini ma m la ahorejo nahore su a.'

²⁹ M ninbaam, m koro ka m se am nahore su wo, fa ko ya na Feme Davidi nusu jore. I yo wuuri wo, na ba se i, i fanjunma toko wo ya nu fen haari ni nyuma. ³⁰ I tiiri Nyeme noanie kanfo n dee ti, na wo si ka Nyeme atan ndie ka, i yi yiri Feme Davidi busu nufom n nu kun, na i di i femeya n kabo yiri Feme Davidi yo tiiri barasu ni. ³¹ Feme Davidi du mo nuuri sa n bo Nyeme ba yo i ni, na wo jɔjɔ fa ko Kristo su, Tiidefo n bo Nyeme ase ka i sunma i ni, ka i ba wu na i tenge i yiwee nu, i na,
'Nyeme yaki ma na i ka fuinm nu,
na i nuniembaa n kporo.'

³² Yiri Yesu n ye Nyeme tengeeri i yiwee n nu a, na ya kere anu i, ye ya sudi i daani a. ³³ I Si Nyeme aye i su ako angoro afa atana i saa fomboro su, ye wo ma i Awiewie Casi n bo wo se ka i fa ma i ni. Deke bo am anu i ni, ni deke n bo am ati i ni, yiri la Awiewie Casi n bo i seeri ka i fa ma ya ni. ³⁴ Ma Feme Davidi ni i tii fun kori angoro a, ama, na wo se ka,
'Micera n ase m Mibie n ka,

"Bra, ba tana m saa fomboro su fen,
³⁵ haari m ba ma a kunma u kpofom." ' ' "

³⁶ Na Petoro akaaki ase ka, “I ti ye ni ka Yisarelifom kere si ka, yiri Yesu n bo ambere yo kpamaari i baka jaanu n su n ye Nyeme afa i ayo Mibie n ni Kristo, ya Tiidefo n a.”

³⁷ Saŋga bo minem n tiiri ahin jore n so ni, na bu ahore asaaki agaya, na ba bisa Petoro ni Yesu jaramasa nyingam n ka, “Ya ninbaam, ye ya yo se wo?” ³⁸ Na Petoro ase bu ka, “Am kaaki am wo, na ya bie am kun kun kere Nyeme nzue, Yesu Kristo dee duma n nu, na Nyeme fa am satie ce am, na i fa Awiewie Casi n ce am. ³⁹ Dama Nyeme yo seeri ka i fa Awiewie Casi n ma ambere ni am busu nufom, ni minem bo bu wo dede ni, ni minem kere bo ya Micera Nyeme n fere bu ka bu bra yiri ni i tii do n wo.” ⁴⁰ Na Petoro ajojo jore beberebe atu bu fo ni anyumboro su, i ŋa, “Am yi am ŋu fite suicin n bo Nyeme ba fa cin ahin nyumafɔ satieyofom n nu.” ⁴¹ Na bu dongu ayo i noanie n yarada, na ba bie bu Nyeme nzue, nyini ceen ni, na ba nya mine, ba yo ka akpii nsan abuka bu ŋu su. ⁴² Na bu nyunu aboro ka bu sonson Yesu jaramasam kereewam ni, na bu kere ayo anɔkun, na bu saŋga di diire, na bu saŋga sere Nyeme.

Kabo Yesu susufom woowa tiiri barasu ni

⁴³ Na Nyeme ama Yesu jaramasam n ayo alekutura sam barasu barasu beberebe, na sonɔ kere asoro Nyeme. ⁴⁴ Na yaradayofom n ayo deke kere ni anɔse, na ba soro su ka, deke kere bo bu la i n ti bu kere dee wo. ⁴⁵ Bu to bu nenje kere bo bu la i wo, na bu kpaaki ŋwaa n nu, na bo bu la ma be n kere nya be. ⁴⁶ Ceen n kere ceen, bu ba tien bu noo Nyeme Sereebiri Awuru n nu wo, na bu nati sutien bu noo awuru awurum nu, na bu saŋga di diire ni ahorejo, ni bu kunnu fofoe, ⁴⁷ na bu sukansi Nyeme, na minem akoro bu jore. Na ceen kere ceen na bu sunya minem bo Nyeme ma bu anya tiide n abuka bu ŋu su.

3

Kabo wobuka be nyaari laifte barasu ni

¹ Ceen n be naaso wie kerefi nsan saŋga, na Petoro ni Yohane ako Nyeme Sereebiri Awuru n nu ka bu ko sere Nyeme. Saŋga bo bu fa sere Nyeme lee. ² Sonɔ be woori do, bu wuuri i wobuka wo, na mine nbem aso i aba atana Nyeme Sereebiri Awuru nu anɔ n bo bu fere i ka Anɔ Nyunyumi ni, na i tana susere minem bo bu ba nyemesere ni, ka bu ma i ŋwaa. Ceen n kere ceen bu fa i ba wo, na i ba susere. ³ Nyini ceen ni, saŋga bo i ŋuuri Petoro ni Yohane ka bu suwura Nyeme Sereebiri Awuru n nu ni, na wo sere bere gusu ka bu ma i deke be. ⁴ Na Petoro ni Yohane afa bu nyumbaa akpama i ŋu, na Petoro ase i ka, “Nie ya do fen.” ⁵ Nyini ti, na wo tu i tii sunie bu do, i sunsun ka bu ma i deke be wo.

⁶ Na Petoro ase i ka, “M la ma ŋwaa bo m ma u, ama, deke bo m la i na m fa ma u yaa, Yesu Kristo Nazaretifo n dee duma nu, m ŋa, a yasu nati.” ⁷ Do na Petoro aso wobuka n saa fomboro nu, na wo ye i su ajina, kpenja sonɔ n jaam kere ayo faŋga, ⁸ nyini ti, na wo warakpin, na wo jina i jaa su, na wo bo i bu sunati bara ye. Do na wo su bu su awura Nyeme Sereebiri Awuru n nu, na i sunati, na i suwarakpin, na i sukansi Nyeme. ⁹ Na jama n kere anu ka i sunati, na i sukansi Nyeme. ¹⁰ Saŋga bo minem ni siiri nu ka, yiri bo i yo tana Nyeme Sereebiri Awuru n Anɔ Nyunyumi n nu sere n lee ni, na ba mie atana, na sa n bo i yoori sonɔ n ayo bu alekutura.

Kabo Petoro kaanri Nyeme noanie n Nyeme Sereebiri Awuru n nu ni

¹¹ Saŋga bo wɔbuka n bita Petoro ni Yohane barasu ni, na mine kere ayo alekutura, na ba ŋmati aba bu dɔ awɔre be bo bu fere i ka Solomon dɛɛ Lele n nu. ¹² Saŋga bo Petoro ŋuuri minem sɔ ni, na wɔ se bu ka, “Yisarelifɔm, nzu ti ye am fa ahin sa n yo alekutura ye am nie ya sɔ a? Am sunsun ka ya dɛɛ yiko nu ye ahin sɔnɔ n anati a, wara am sunsun ka ya yo sa bo i kɔ atin su Nyemɛ dɔ n dɛɛ ti, nzen sɛ? Ai, i ti má sɔ. ¹³ Nyemɛ bo Abraham ni Izaki ni Jakɔbu ni ya nam suuri i ni, yiri ye wɔ wura i amusuisufɔ Yesu n kpiri bambaka a. Ama, am faari i wuraari yikofɔm saa nu wɔ, na am akete i Gomina Pilato nyunu, ka am koro má i, haari ni bo má gomina n ŋa i yaki i nu ji ni. ¹⁴ I ti Nyemɛ sɔnɔ fofoe wɔ, bo i yo sa bo i kɔ atin su Nyemɛ dɔ ɔ, ama, na am akete i, na am asere gomina n jande ka i yaki sɔnɔ kunfɔ nu ji. ¹⁵ Na am akun yiri Yesu n bo i ma ya ŋgɔɔ ni, ama, Nyemɛ atenge i yiwee n nu, ya ŋuuri i wɔ ye ya sudi i daani a. ¹⁶ Ahin sɔnɔ bo am ŋu i na am si i ni, Yesu dɛɛ duma n yiko nu ma i jaam kere ayo faŋga n a. Deke n bo am aŋu i ni, i fite ka sɔnɔ n ayo Yesu duma n yarada n dɛɛ ti, nyini ma wɔ nya laifɛ ye am kere aŋu i n a.”

¹⁷ Na Petoro anya ase bu ka, “M ninbaam, m si ka amberɛ ni am tereterefɔm kere be mmɔɔ asi má sam bo am yo yoori bu ni. ¹⁸ Dawa saŋga, Nyemɛ ma i nɔanie kanfɔm kere yo jɔjɔri ahin jɔre kere, ka, Kristo, Tiidefɔ n bo Nyemɛ ase ka i súnma i ni bá, na i bá di wahara, nyini lee ye wɔ yo yiiwa bere n a. ¹⁹ Nyini dɛɛ ti, am kaaki am wo, na am su Nyemɛ, na i fá am satie ce am, ²⁰ na i má am nyá ŋumiyi, na i nyá sunma Kristo, Tiidefɔ n bo wɔ yi i ka i bá am dɔ ni, yiri la Yesu. ²¹ Wɔ yo daka ka i wó Nyemɛ dɔ angoro, haari fa kɔ ju saŋga n bo Nyemɛ má deke kere yo yiiwa, kabo dawa saŋga na i maari i nɔanie kanfɔ casim n nɔɔ na bu seeri ni. ²² Moyisi yo seeri ka, ‘Am Micera Nyemɛ súnma i nɔanie kanfɔ kabo i sunmaari mini Moyisi n wɔ. Nyini sɔnɔ ni yó am dɛɛ tienɔgu sɔnɔ bo i fite am nu wɔ. I ti ye ni ka am de i nɔanie, na am yo deke kere bo i se ka am yo i. ²³ Sɔnɔ kere bo i de má Nyemɛ nɔanie kanfɔ n nɔanie ni, Nyemɛ yí i mi fite i dɛɛ minem nu wɔ, na i ká ŋgbɛɛn.’ ²⁴ Nyemɛ nɔanie kanfɔm kere bo bu jɔjɔri fite Samuweli saŋga haari ba ju ni nyuma, bu kere jɔjɔri fa kɔ ahin sam bo bu suyo nyuma n su wɔ. ²⁵ Amberɛ ti Nyemɛ nɔanie kanfɔ dɛɛ busu nufɔm a, am dɛɛ la sesesu n bo Nyemɛ yo diiri i di ni am nam ni. Na wɔ se ya na Abraham ka, ‘U busu nufɔm dɛɛ ti ye m yó durunya n nufɔm kere kisi a.’ ²⁶ Nyini dɛɛ ti, ye i du mɔ yiiri i amusuisufɔ n ye i sunmaari i am dɔ n a, ka i bá yo am kisi, nyini la ka, i má am kaaki am wo, na i yí am fite am satie kere nu.”

4

Kabo Yudaɔfɔ tereterefɔm diiri Petoro ni Yohane jɔre ni

¹ Petoro ni Yohane toko jɔjɔ jama n dɔ ni, na minem nbem aba bu dɔ, bere la Nyemɛ sayoowa dɔŋguyofɔm nbem, ni Nyemɛ Sereebiri Awuru n nu tintinijinafɔm kpɛɛn, ni Sadusifɔm nbem. ² Bu baari ni yaa su wɔ, kabo Yesu jaramasa nnyɔm ni sukere minem ka Yesu wuuri ni, i tengeeri i yiwee nu wɔ, nyini kere ka minem wu, bu tenge bu yiwee nu wɔ lee. ³ Nyini ti, na ba tara Petoro ni Yohane. Bu taraari bu naasɔ saŋga a, na ba nyi bu haari ale akɔ acin. ⁴ Ama, na mine dɔŋgu bo bu tiiri Yesu jaramasa ni kereewa n ayo yarada. Nyini ti, bere kere bo bu yoori yarada ni, bu nbiesɔm kɔ yasuri mine akpii nnu wɔ. ⁵ Alecin ŋgarama na Yudaɔfɔm tereterefɔm, ni bu nkpienkpienm, ni Nyemɛ nɔanie kerefɔm kere atien bu nɔɔ Yerusalem mie kpiri n nu. ⁶ Bo bu gusu woori dɔ n la Anasi bo i ti Nyemɛ sayoowa

dɔŋguyofɔm kere kpien ni, ni mine nbem bo bu fere bu ka Kayafasi, ni Yohane, ni Alekizanda, ni minem bo bu wo Nyeme sayoowa dɔŋguyofɔm busu nu n kere tiɛnri bu nɔɔ. ⁷ Na ba fa Petoro ni Yohane aba ajina bu afien, na ba bisa bu ka, “Am yoori se yoori ahin sa n a? Am la yiko bono, wara nma dɛɛ duma nu ye am fa tuntuunri sɔnɔ n ye wɔ nya laifie n a?”

⁸ Na Awiewie Casi n awura Petoro nju, na wɔ se bu ka, “Ya tereterefɔm ni ya nkpienkpienm, ⁹ sakpa n bo ya yo i ama wɔbuka ni, ni kabo i yoori barasu na wɔ nya laifie n dɛɛ ti, ye am sudi ya jɔre bisa ya sɔ a, nzen se? ¹⁰ I ti ye ni ka ambere ni Yisarelifɔm kere si ka o, ahin sɔnɔ n bo i jina bere na wɔ nya laifie ni, i fite Yesu Kristo Nazaretifɔ n duma n nu wɔ. Yiri ye am kuunri i, ye Nyeme tengeeri i fiteeri i yiwee n nu n a. ¹¹ Ba kere i nusu jɔre Nyeme jɔre Kadasi n nu ka,

‘Yabue n bo ambere bondo tafɔm faari i tuuri ni,
yiri ye wɔ kaaki bondo n jaa yabuem kere tii a.’

¹² Yiri ngumi ye Nyeme ayi i ka i ba de sɔnɔ kere tii a, duma be wo má durunya n kere nu bo i koro de ya tii ji, má ka Yesu Kristo dɛɛ duma ni ngumi.”

¹³ Na Yudafo yikofɔm ni tereterefɔm n anju kabo Petoro ni Yohane la ahoresi barasu ni, na ba si ka ba kɔ má kara be mmɔɔ, na wɔ yo bu alekutura. Do na ba si nu ka bu yo suuri Yesu su wɔ. ¹⁴ Bu njuuri ka sɔnɔ n bo wɔ nya laifie n jina Petoro ni Yohane bi ni, nyini dɛɛ ti, ba koro ase má jɔre be. ¹⁵ Na ba se Petoro ni Yohane ka bu fite sɔɔ n nu. Bu fite wieeri ni, na bere nkpienkpienm n abo Petoro ni Yohane n nusu anzama. ¹⁶ Na ba bisa bu nju nu ka, “Ye ya yó ahin minem se wɔ? Dama sɔnɔ kere bo i wo Yerusalem mie kpiri n nu si ka ba yo ahin alekutura sa bambaka ni, ya koro se má ka ba yo má i e. ¹⁷ Ama, nzen ya koro má ka ahin jɔre n bara ye deke n kere, am ma ya nɔnɔnɔ bu ka, má bu se ka bu bo Yesu duma mmɔɔ na be ti.” ¹⁸ Nyini ti, na ba kaaki afere Petoro ni Yohane awura, na ba ma bu nɔɔ ka, má bu se ka bu bo Yesu duma, wara bu kan i nusu jɔre kere minem. ¹⁹ Ama, na Petoro ni Yohane ase bu ka, “Ambere mmɔɔ ni am tii, am nie nu na am nie e, Nyeme atin su, bono ti ye a, ya de am dɛɛ nɔanie n wɔ, nzen ya de Nyeme dɛɛ n wɔ? ²⁰ Ya sukan kere minem n wɔ fa kɔ sam n bo yere ni ya tii ati bu, na ya nju bu ni, ya koro mɔ má ya nɔɔ.” ²¹ Na bere yikofɔm, ni tereterefɔm n anɔnɔnɔ bu nahore su, na ba yaki bu nu aji. Bu niɛeri nu, bu nju ka bu koro yo má bu pui, dama minem kere wo Nyeme kansu su wɔ fa kɔ sa n bo wɔ yo ni. ²² Sɔnɔ n bo bu yoori nyini alekutura sa n maari i na i nyaari laifie ni, i tara afo aburana.

Kabo yaradayofɔm n sereeri Nyeme ka i ma bu ahoresi ni

²³ Sanja bo Petoro ni Yohane nyaari bu tii ni, bu kaba kpieeri bu nyi koori bu beŋgu Yesu susufɔm n do o, na ba kan jɔre n kere bo Nyeme sayoowa dɔŋguyofɔ nkpienm, ni nkpienkpienm n seeri ni. ²⁴ Yaradayofɔm ni tiiri nyini jɔre n kere sɔ ni, na bu kere ayo anɔɔkun, na ba sere Nyeme, bu nja, “Ya Micera Yikofɔ, wɔrɔ yiiri angoro ni asiɛngu a, ni tieku n ni dekem kere bo bu wo nu ni. ²⁵ Wɔrɔ yo ma u Awiewie Casi n wuraari ya na Davidi bo i ti u dɛɛ amusuisufɔ n nju a, na wɔ se ka,

‘Nzu ti ye minem bo bu ti má Yudafo afa yaa agaya sɔ a,
ye minem bita sunsunni bo i la má kperɛ a?’

²⁶ Ye durunya n nu nfemem ayasu ajina,
na bu yikofɔm atien bu nɔɔ,
ka bu tu lue ni Micera Nyeme ni,
ni Kristo, Tiidefo n bo Nyeme ase ka i súnma i n a.’

27 Tɔ, kabo Feme Davidi yo kaanri ni, i ti nahore wo, ka Feme Herode, ni Gomina Pontiyi Pilato fa sangha ni minem bo bu ti má Yudafom, ni Yudafom yo tiɛnri bu nɔɔ ahin miɛ n nu wo, na ba kete Yesu, u amusuisufɔ casi n bo a yiiri i ka yiri ti Tiidefɔ ni. 28 Bu tiɛnri bu nɔɔ ɔ, na ba yo dekem kere bo u dɛɛ yiko n ni u koroyanu na a du mɔ acici ka bu yo ni. 29 Ya Mibiɛ, ti kabo kisa bu nɔnɔnɔ ya barasu, nyini ti, ma yere u akɔom n ahoresi, na ya kan u dɛɛ labari kpa n na má ya soro sere. 30 Fa u yiko n tuntun tukpakifom na bu nya laifiɛ, na a ma ya yiko na ya tuntun mine, na ya yo alekutura sam barasu barasu, u amusuisufɔ casi Yesu n dɛɛ duma nu.” 31 Sangha bo bu sereeri Nyeme n wieeri sɔ ni, na dika n bo bu wo nu n akpisi. Na Awiewie Casi n awura bu kere nu, na ba kan Nyeme jore ni ahoresi.

Kabo Yesu susufom ni yoori anɔɔse barasu ni

32 Yaradayofom n yo yoori anɔɔse wo, na ba sangha ayo deke n kere kun. Be wo má bere bo i se ka i nenge be tiiri i tiɛngu dɛɛ. Ama, bu kere kpaaki deke n kere bo bu la i nu ma bu beɛgu wo. 33 Na Yesu jaramasam n akan Nyeme jore ni yiko bambaka, na ba kan akere minem kabo Yesu tengeeri i yiwee n nu ni. Na Nyeme ama bu kere adi ahɔroma beberebe. 34 Be awo má bu nu bo i miɛri deke be busu. Bo bu laari asienm, ni awurum tɔori bu wo, na ba fa nɔwaa kere bo bu nyaari i ni, 35 aba ama Yesu jaramasam ni, na bere gusu akpaaki i nu ama bo bu la má pui ni, na ba fa ayo deke bo i miɛ bu. 36 Sɔnɔ be yo woori bu nu, bu fere i ka Yosefu, i ti Levi busu nufɔ ɔ, bu wuuri i asien be bo bu fere i ka Sipurusi n su wo. Na Yesu jaramasam n atun i duma ka Banabasi, i bu la ka, sɔnɔ bo i ma mine ahoresi ni. 37 Nyini sɔnɔ n tɔori i asien n bo i la i, na wo fa nɔwaa n aba ama Yesu jaramasam ni.

5

Ananiyasi ni i yi Safira dɛɛ jore

1 Sɔnɔ be yo woori dɔ bu fere i ka Ananiyasi, na bu fere i yi ka Safira, na ba tɔ bu aja be. 2 Ama, na yiri ni i yi n ayo bu nɔɔkun, na wo yi nɔwaa n be afie, na wo fa bo i kaari n ama Yesu jaramasam ni. 3 Na Petoro abisa i ka, “Ananiyasi, nzu ti ye a ma Sitana awura u sunsunni nu, ye a fa nɔwaa n bo a tɔori u asien n na a nyaari i n be afie a, ye a nɔ a dadaka Nyeme Awiewie Casi n a? 4 Sangha n bo a nya tɔ má i ni, i ti u dɛɛ wo, kisa gusu bo a tɔ i ni, nɔwaa n ti u dɛɛ wo. Ye nzu ti ye a yo ahin sa n a? Má adamande ngumi ye a nɔ a dadaka a, ama, a nɔ a dadaka Nyeme wo.” 5 Ananiyasi tiiri nyini nɔanie n sɔ ni, i kaba kpaasiiri wo, na wo wu, na sɔnɔ kere bo i tiiri nyini sa n bo wo yo ni, na sere ati bu agaya. 6 Na ngbefenem ayasu afa tani apɔondi i, na ba fa i afite akɔ ase i.

7 Wo ce má, na i yi gusu aba, wo si má sa bo wo yo ni. 8 Na Petoro abisa i ka, “U ni u hun aja n bo am tɔori i n nɔwaa n kere lee?” Na wo bo Petoro n nu ka, “Eɛn, i kere lee.” 9 Dɔ na Petoro abisa i ka, “Nzu ti ye u ni u hun ayo am nɔɔkun na am yo Micera n Awiewie n na am nie a? Nie fen, minem bo bu faari u hun kɔ seeri i ni, bu jaa busu wo anɔ n nu, bu fá worɔ mmɔɔ fite lee.” 10 Jina n nu bere, na wo kaba akpaasi Petoro jaa bu, na wo wu. Bo bu seeri i hun n ba nuuri ka yiri gusu awu, na ba fa i akɔ ase i adodo i hun ni. 11 Na Kristo jama n kere, ni minem kere bo bu tiiri nyini sa n bo wo yo ni, na sere ati bu kere agaya.

Kabo Yesu jaramasam n yoori alekutura sam barasu ni

¹² Na Yesu jaramasam n ayo alekutura sam barasu barasu dɔngɔ minem n nu bo i kere ka Nyeme wo bu dɔ. Na yaradayofom n kere atien bu nɔɔ Solomon Lele n bo i wo Nyeme Sereebiri Awuru n nu ni. ¹³ Minem bo ba yo má Yesu yarada ni soroori sere wɔ, ba koro asanga má bu nu, ama, na minem n awura bu kpiri. ¹⁴ Na mine beberebe ayo Mibie n yarada, subuka bu su sanga kere, bu sunnu, nbiesom ni nbaram. ¹⁵ Na alekutura sam bo Yesu jaramasam yoori bu n dɛɛ ti, na mine aso bu tukpakifom, ni bu dasum aba ase atingberem nɔɔ su, adena Peto ba sunati sin, na haari i awiewie mmɔɔ tɔ gɔ bu nbem ɲu, na bu nyá laifie. ¹⁶ Na mine beberebe afite mie miem bo bu bara ye Yerusalem mie kpiri n su ni, na ba fa tukpakifom ni minem bo ajinim yaki má bu n aba, na bu kere anya laifie.

Kabo bu kereeri Yesu jaramasam n wuwuruwa barasu ni

¹⁷ Na Nyeme sayoowa dɔnguyofom n kere kprien ni, ni i bengum bo bu su Sadiusifom atin su ni, aba asi Yesu jaramasam ni kore agaya. ¹⁸ Na ba tara Yesu jaramasam ni, ako anyi bu dansaraka. ¹⁹ Ama, nyini cɛɛn n kɔngue, na Nyeme mereke aba ateke dansaraka anɔ ni, na wɔ yi Yesu jaramasam n afite, na wɔ se bu ka, ²⁰ “Am kɔ na am kɔ jina Nyeme Sereebiri Awuru n nu, na am kan ahin ɲɔɔ fɔfɔre n bo am anya i n jɔre kere kere minem.” ²¹ Na jaramasam n ade i nɔanie ni, na alecin ɲgarama fuun, na ba kɔ ajina Nyeme Sereebiri Awuru n nu, na ba bo i bu sukere mine.

Sanga bo Nyeme sayoowa dɔnguyofom n kere kprien n ni i dɛɛ jama nbaam n ba juuri ni, na ba fere Yudafo tereterefom ni, ni Yisareli nkpienkpienm kere, na ba tien bu nɔɔ na bu fa sɛsɛsu, dɔ na ba ma nɔɔ ka bu kɔ yi Yesu jaramasam ni dansaraka n nu bra. ²² Ama, minem n bo bu sunmaari bu n kɔ juuri ni, ba ɲu má jaramasam ni dansaraka sɔɔ n nu, na ba kpie bu nyi aba ase bu. ²³ Bu ɲa, “Sanga bo ya kɔ juuri ni, dansaraka anɔ n kere nyi wɔ kenken, tintinijinafom gusu jina anɔ n nu bere, ama, sanga bo ya ba tekeeri anɔ n ni, ya ɲu má sɔnɔ kun n kpein mmɔɔ sɔɔ n nu.” ²⁴ Sanga bo Nyeme sayoowa dɔnguyofom n kere nkpienm, ni Nyeme Sereebiri Awuru n nu tintinijinafom kprien n tiiri sɔ ni, na ba birisi, ba si má sa bo wɔ yo. ²⁵ Dɔ na sɔnɔ be aba ase bu ka, “Am ti fen. Minem bo am taraari bu kɔ nyiiri bu ni, bu wo Nyeme Sereebiri Awuru n nu wo minem kere su.” ²⁶ Nyini ti, na Nyeme Sereebiri Awuru n nu tintinijinafom kprien n afa i minem ako, na ba kɔ atara Yesu jaramasam n aba. Bu kɔ faari bu ni, ba mie má bu, dama bu soroori ka minem ni tu bu yabue wɔ.

²⁷ Na ba fa jaramasam n aba, na ba fa bu ajina minem bo ba tien bu nɔɔ n nyunu. Na Nyeme sayoowa dɔnguyofom n kere kprien n abisa bu bisaawam. ²⁸ I ɲa, “Ya maari am nɔɔ nahore su ka, má am se ka am kere kereewa be ahin sɔnɔ n duma nu. Ama, am nie kabo am ayo a. Am afa am kereewa n abara aye Yerusalem mie kpiri n kere nu, ye am koro ka am se ka yere kuunri i a.” ²⁹ Na Peto ni jaramasa nyingam n abo bu nu ka, “Wɔ yo daka ka ya de Nyeme nɔanie wɔ, má adamande dɛɛ. ³⁰ Nyeme bo i ti ya nam dɛɛ Nyeme ni, yiri tengeeri Yesu fiteeri i yiwee n nu, yiri bo am kuunri i na am kpamaari i baka jaanu n su ni. ³¹ Yiri Yesu, ye Nyeme afa i atana i saa fomboro su, ka i yo ya Mɔfo ni ya Tiidefo, na i ma yere Yisarelifom atin, na ya kaaki ya wo, na Nyeme fa ya satie kere ce ya. ³² Yere ni Awiewie Casi ni di ahin sam n daani kan kere mine a. Yiri Awiewie Casi n ye Nyeme afa ama minem bo bu de i nɔanie n a.”

³³ Sanga bo minem bo ba tien bu nɔɔ n tiiri nyini jɔre n sɔ ni, na yaa ati bu agaya, má bu koroori ka bu kun Yesu jaramasam wɔ. ³⁴ Ama, na bu nu kun, i ti Farasifo ɔ, bu fere i ka Gameli, i kaaki ti Nyeme nɔanie kpamaawa

n kerefo ɔ, bo minem kere ma i jirima agaya. Na wo yasu ajina, na wo ma nɔɔ ka bu fa jaramasam n fite dasin kaan ka. ³⁵ Do na wo se jama n kere ka, “M lamoko Yisarelifom, am nie am tii su dongu fa ko sa n bo am koro ka am fa yo ahin minem ni. ³⁶ Am tenge su ka afo be, na sono be, bu fere i ka Tiyodasi, na wo ba, na wo yo i nu ka i ti sono bo i nusu nya ma durunya n nu wo, na mine ba yo ka yaa nna kere asu i su. Ama, wo ce ma, na mine akun i, na i susufom n kere anmati asandi, na i dee atin n aka ngbeen. ³⁷ Nyini sin, sanja bo bu na bu kere asien n su jama duma na bu si bu no ni, na sono be gusu aba, yiri la Yudasi bo i fite Galili asien n su ni. Na jama beberebe asu i su, ama, na mine akun yiri gusu, na i susufom n kere anmati asandi. ³⁸ Nyini ti, kabo i ti ni, m suse am wo, ma am se ka am yo ahin minem ni pui. Am yaki bu benle. Nzen atin n bo bu bita i n ti adamande dee, i ka ngbeen wo. ³⁹ Ama, nzen i ti Nyeme dee, am koro yo ma ahin mine ni pui. Am ba nu ka am si ma na am sukun lue ni Nyeme.” ⁴⁰ Na ba de Gameli fotuuwa ni. Na ba fere Yesu jaramasam n awura, na ba fin bu ngbere, na ba ma bu nɔɔ ka, ma bu se ka bu bo Yesu duma mmoo kere mine kun. Na ba yaki bu, na ba ko. ⁴¹ Yesu jaramasam ni fiteeri minem bo ba tien bu nɔɔ n do wieeri ni, na bu ahore ajo agaya, ka Nyeme abu bu awura be nu, dama ba di nyinse Yesu dee duma n nu. ⁴² Na ceen n kere ceen, na bu suwura Nyeme Sereebiri Awuru n nu, ni minem dika, na bu yaki ma Nyeme noanie n kere ni, na bu sukan Nyeme labari kpa n kere bu ka Yesu ti Kristo n a, Tiidefo n bo Nyeme ase ka i sunma i ni.

6

Kabo bu yiiri bukafɔ nsom ni

¹ Na fa ko sanja su, na Yesu susufom n asunnu abuka su, na Yudafom bo bu jɔɔ Giriki anie n ni anunuti Yudafom bo bu jɔɔ Hiburu anie ni. Bu na ceen kere ceen na bu ce nkunafom diire ni, bu bu ma bu deem wura ma nu. ² Nyini ti, na Yesu jaramasam buru ni nnyom n afere susufom n kere pepere atien bu nɔɔ, na ba se bu ka, “I ti ma ye ni ka yere ni ya tii yaki Nyeme jore n kan, na ya sunie diire jore su. ³ Nyini ti, m ninbaam, am nie am nuju nu, na am yi mine nso bo bu la anyunuyi, na Awiewie Casi n wo bu do, na bu la alecira, na bu kaaki la sunsunni kpa, na ya ma bere nie nyini sereyam n kere su. ⁴ Na yere ni ya tii nya ya nu, na ya nyunu boro nyemesere, ni Nyeme noanie n kan su.” ⁵ Yesu jaramasam n seeri so ni, na wo yo minem kere fie fa ko bu jɔɔowa n su. Na ba yi sono be, bu fere i ka Satefano, i ti sono bo i la yarada nahore su wo, na Awiewie Casi n wo i nu, ni Filipu, ni Porokoron ni, ni Nikano, ni Timona, ni Pamenasi, ni Nikola bo i fite mie kpiri n bo bu fere i ka Antiyoki n su, na wo kaaki i nu ka i ti Yudafɔ, na i su bu dee atin n su ni. ⁶ Na jama n afa bu aba Yesu jaramasam n do, na ba fa bu saa anana bu nu, na ba sere Nyeme ama bu.

⁷ Na Nyeme noanie ni susandi subuka su. Na mine beberebe ayo yarada abuka Yesu susufom su Yerusalem mie kpiri n nu. Na Nyeme sayoowa donguyofom gusu dongu ayo yarada.

Kabo bu taraari Satefano barasu ni

⁸ Satefano ti sono bo i diiri Nyeme ahroma wo beberebe, na Nyeme ama i yiko nahore su, na wo yo alekutura sa barasu barasu minem n nu. ⁹ Ama, na Yudafɔ nbem ayasu ajina ase akuruwa ni yiri. Nyini minem wo ase n bo bu fere i ka Ma De M Tii tientienbunoo so n nu wo. Bu nbem fite mie kpirim n bo bu fere bu ka Sirene, ni Alekizanderiya n wo.

Na bu nbem gusu fite Silisiya ni Esiya dɛɛ awɔrɛm n nu wɔ. ¹⁰ Ama, na Awiewie Casi ni ama Satefano alecira, na wɔ koro akan ayi bu. ¹¹ Nyini dɛɛ ti, na ba ma mine nbem ηwaa ka bu kpɛ kɔrɛ sɔ Satefano ka, ba ti ka wɔ kpɛ Moyisi ni Nyeme nzuko. ¹² Bu seeri sɔ n dɛɛ ti, na ba ye minem yaa su, ni nkpienkpienm ni, ni Nyeme nɔaniɛ kerefɔm, na ba tara i akɔ Yudafo tereterefɔm dɔ. ¹³ Dɔ na ba fa mine nbem aba, na ba kpɛ kɔrɛ asɔ i. Bu ηa, “Sanɔa kere ahin sɔnɔ n jɔjɔ ηgbɛɛnngbɛɛn wɔ fa ko ya Nyeme Sereebiri Awuru casi n su, na i kaaki jɔjɔ ηgbɛɛnngbɛɛn fa ko Nyeme nɔaniɛ kpamaawa su. ¹⁴ Ya ti ka i ηa, Yesu Nazaretifo ni bɔ fufu ya Nyeme Sereebiri Awuru n kere go, na i kaaki ya nana sayoowam kere bo Moyisi fa kereeri ya ni.” ¹⁵ Na bere tereterefɔm n kere afa bu nyumbaa akpama Satefano ηu, na ba ηu ka i nyunuawa akaaki wo ka Nyeme mereke dɛɛ su.

7

Kabo Satefano jɔjɔri barasu ni

¹ Na Nyeme sayoowa dɔnguyofɔm kere kpɛn n abisa Satefano ka, “Ahin jɔrɛ n kere bo ba kan i n ti nahɔrɛ wɔ?” ² Na Satefano abɔ i nu ka, “M sim ni m ninbaam, am so am sui na am ti fen. Kana ya na Abraham ko wo Harani mie kpɛri n nu ni, Nyeme Kpɛri n yo yiiri i ηu kereeri Abraham Mesopotamiya dɛɛ asien n su wɔ. ³ Na wɔ se i ka, ‘Fite yaki u asien n bo a tana su ni, ni u minem, na m kere u asien bo m koro ka a ko tana su ni.’ ⁴ Nyini ti, na Abraham ayasu Kaladiya asien n su, na wɔ ko awo Harani mie kpɛri n nu. I woori dɔ ye i si ba wuuri a. Nyini sin, na Nyeme ama wɔ yasu dɔ aba atana ahin asien n bo ya wo su kisa ni. ⁵ Nyini sanɔa, Nyeme nya fa ma asien n haari kampiti sɔ mmɔɔ ma ma Abraham na i se ka i ti i dɛɛ. Nyeme yo seeri i ka i fa asien n ma i ni i busu nufɔm wɔ. Sanɔa bo i seeri i sɔ ni, na Abraham nya wu ma baa. ⁶ Na Nyeme ase i ka, ‘U busu nufɔm ba ko yo wɔfɔm wɔ asien be su, na bu fa bu yo nkɔkɔm, na bu kere bu wahara agaya ko ju afo yaa nna.’ ⁷ Ama, na Nyeme ase ka, ‘M ba cin minem n bo bu fa u minem yo bu nkɔkɔm n sui, na m nya yi u minem fite nyini asien n su, na bu kaaki ba fen, na bu ba su m.’ ⁸ Dɔ na Nyeme afa sɛsɛsu na wɔ di i di ni Abraham, i ηa, ‘Baa kere bo a wuuri i, i ti ye ni ka a wura i kenkenne. Nyini kere ka a bita sɛsɛsu n bo ya di i di n a.’ Nyini ti, Abraham ba wuuri Izaki ni, i wuraari i kenkenne wɔ lemɔcɛ cɛɛn. Na Izaki gusu aba wu Jakɔbu, na wɔ wura i kenkenne i lemɔcɛ cɛɛn, na Jakɔbu gusu aba awu i nbaa buru ni nnyɔm bo bu ti ya nam ni, na wɔ wura bu kenkenne lemɔcɛ cɛɛn.

⁹ Na Jakɔbu nbaam n asi bu niema Yosefu kere, na ba to i afa ama Ijipiti asien n sufɔm. Ama, na Nyeme awo i dɔ, ¹⁰ na wɔ yi i afite kekereke kere bo i tuuri i nu, na wɔ ma i alecira, na wɔ di Ijipiti Feme Faaro ahɔrɔma. Na feme n afa i dika n kere, ni Ijipiti asien n ama i ka i nie i dika. ¹¹ Na ahɔrɔ aba ato Ijipiti, ni Kanana asienm n su, abi aboro mine ηu, bo ya nam anya ma diire bo bu di. ¹² Na bu si Jakɔbu ati ka diire wo Ijipiti asien n su, na wɔ sunma i nbaam. Ciciri su dɛɛ sunma ni, na ba ko ato diire n aba. ¹³ Bu ba kpɛeri bu nyi kɔri ajaari nnyɔ su ni, na Yosefu ayi i ηu akere i sinbaam ni, na Feme Faaro gusu asi Yosefu dikafɔm. ¹⁴ Na Yosefu asunma i sinbaam n ka bu ko fa bu si, ni i dikafɔm kere ka bu bra i dɔ Ijipiti asien n su. Minem kere ko yasuri aburaso ni nnu wɔ, bo bu baari Ijipiti asien n su. ¹⁵ Na Jakɔbu, ni i dikafɔm kere akɔ Ijipiti asien n su, dɔ ye i ni i nbaam

n kere ko wuuri a. ¹⁶ Na ba fa bu aba Sekem mie kpiri n nu, na ba se bu fanƙunma n bo Abraham toori i jete nƙwaa beberebe Hamo nbaam do ni.

¹⁷ Sanga n ba dodoori bo deke n bo Nyeme yo seeri ka i yo ma Abraham n yo yiiwa ni, nyini sanga ni, na ya minem ni atere ade Ijipiti asien n kere su. ¹⁸ Bo woori do so o, haari na sono be aba adi Ijipiti asien n su feme, yiri asi ma Yosefu. ¹⁹ Na yiri ni afa sunsunni tie adadaka ya nam, na wo bita bu ni tie bita, na wo se ya nam ka bu fa bu nbaam fa tu, adena bu wu. ²⁰ Nyini sanga n ye bu wuuri Moyisi a, i yo ti baa bo i yo nyumi agaya Nyeme do o. Na ba bita i i si dika haari sara nsan, ²¹ na ba nya ayi i afite, na Feme Faaro wa baabara afa i ayo i kunnu wa. ²² Na ba kere i Ijipitifom ngonle ni alecira barasu barasu kere, na wo yasu, na i duma ata fa ko i sayoowa ni i jooowa kere nu.

²³ Sanga bo Moyisi ba juuri afo aburana ni, na i sunsunni ama i ka i ko nie i lamoko Yisarelifom busu. ²⁴ Na wo nu ka Ijipitifom be sukere Yisarelifom kun be wuwuruwa. I nuuri i so ni, wo sun ma i nu, na wo ko abo akun Ijipitifom ni. ²⁵ Moyisi sunsunni ka, i dee minem ni ti i bu wo, ka, Nyeme ye wo yi i ka i ba de bu tii ji a, ama, ba ti ma i bu so. ²⁶ I alecin, na wo nu ka Yisarelifom mine nnyo sudi aluwa n bu nu nu, na wo ko akpata bu, na wo se bu ka, 'Njam, am ti fen, m na am kere ti kun wo e, ye nzu ti ye am sudi aluwa?' ²⁷ Ama, na yiri n bo i sukere i benƙu n wuwuruwa n asun Moyisi ako i sin, na wo bisa i ka, 'Nma fa u yoori ya niesufom ni ya joredifo a?' ²⁸ A koro ka a kun mini gusu, kabo anuma a kuunri Ijipitifom wo, nzen se a?' ²⁹ Moyisi tiiri nyini jore n so ni, na wo nmati afite Ijipiti asien n su ako awo Madiya asien n su akaaki wofom do. Do na wo ba aja bara, na wo wu nbaabiesom nnyo.

³⁰ Na afo aburana sin, na Nyeme mereke be ayi i nu akere Moyisi boro kpantain n nu, fa dodo buka n bo bu fere i ka Sinayi n su, i nu ka sin fofoe be je buwe baka be su, ama, i yara ma, mereke n wo sin n nu. ³¹ Moyisi nuuri i so ni, na wo yo alekutura, na wo cin adodo ka i nie i nyunyumi. Do na Micera n ajoo i do, ase i ka, ³² 'Mini ti u nam Nyeme a, u na Abraham, ni Izaki, ni Jakobu.' Na sere ati Moyisi, na i nunie subobo i, wo bo ma su ka i nie i kun. ³³ Na Micera n ase Moyisi ka, 'Deke bo a jina n ti m tiengu dee asien casi wo, cin yi u gbagbaa ni. ³⁴ Ma nu kabo m minem wo kekereke nu Ijipiti asien n su barasu. Ma nu kabo bu fiefie barasu, nyini dee ti ye ma jura aba ka m ba de bu tii ji. Bra na m sunma u Ijipiti asien n su.'

³⁵ To, yiri Moyisi ye Yisarelifom keteeri i n a, na ba bisa i ka, 'Nma fa u yoori ya niesufom ni ya joredifo a?' Moyisi, yiri ye Nyeme sunmaari i mereke i do baka n bo i je sin fofoe na i yara ma n su, na mereke n ase i ka i ko de minem tii ji na i yo bu kpien n a. ³⁶ Na wo du Yisarelifom mo, na wo yi bu afite Ijipiti asien n su, na wo yo alekutura sam beberebe do, ni kunma kpiri n bo bu fere i ka Kunma Koko n su, ni sanga bo bu wo boro kpantain n nu afo aburana ni. ³⁷ Yiri Moyisi yo seeri Yisarelifom ka, 'Nyeme ba yi am busu nufom be na i yo i noanie kanfo, kabo m ti ni.' ³⁸ Yiri Moyisi, i ni ya na Yisarelifom yo woori boro kpantain n nu n a, yiri ye Nyeme mereke n jooori i do Sinayi Buka n su n a, yiri ye Nyeme yo faari i noanie n bo i ma ngoo n maari i ka i fa ma ya nam n a. ³⁹ Ama, ya nam akoro ma ka bu de i, na ba kete i na ba koro ka ma bu kpie bu nyi ko Ijipiti asien n su. ⁴⁰ Na ba se Moyisi gooro Aaron ka, 'Ta amom ma ya na bu du ya mo fa ya nati. Ya si ma sa bo wo yo yiri Moyisi n bo i faari ya fiteeri Ijipiti asien n su ni.' ⁴¹ Na ba yiyi bu sikam, na ba fa ata amoe ka nambaa dee su, na ba yo tie ama i, na ba su i, na ba di cenkpiri fa ko nyini deke n bo bere ni bu

tii ayo i n su. ⁴² Nyini ti, na Nyeme akaaki i sin abo bu, na wo ma bu susu asarambaam bo bu wo angoro ni, kabo ba kere i Nyeme noanie kanfom dee kadasi n nu lee. Bu na,

‘Amberε Yisarelifom, am yo yoori yoowam boro kpantain n nu afo aburana ni,
am yo maari mini wo?’

⁴³ Ai, am yo soori amoe n bo bu fere i ka Moleki na am afa tani abo i nambue n so i nati wo,
ni amoe n bo bu fere i ka Refani na i ti ka asarambaa be ni.
Bere ye am ta bu ka amoem ye am su bu a.

Nyini ti, ye m ma bu taraari am ko mie be bo i sin Babilon mie kpiri n nu n a.’

⁴⁴ Ya nam ni, bere yo laari nambue n bo i kere ka Nyeme wo bu do n boro kpantain n nu a. Bu yoori i kabo Nyeme kereeri Moyisi ka i yo i n wo.

⁴⁵ Ya nam yo faari nyini nambue n maari bu sinfom wo, na bu ni bu mofu Yosua afa i ako asien n bo Nyeme fon yiiri minem su na i fa maari bu ni. Na nyini nambue n awo bu do haari Feme Davidi sangga. ⁴⁶ Na Feme Davidi adi ahoroama Nyeme do, na wo sere Nyeme ka i ma i ta awuru bo Jakobu ni i dikafom fa su Nyeme. Feme Davidi akoro ata ma i, ⁴⁷ ama, i wa Feme Solomon yo taari awuru n maari Nyeme a. ⁴⁸ Haari ni nyini mmoo, Micera Nyeme Kpiri n yiri tana ma awuru bo adamande ata i nu, kabo Nyeme noanie kanfo n ajojo i ni. I na,

⁴⁹ ‘Micera n na o,

Angoro ni ti m femeya tanaabiri a,
na asienngu nya ti deke bo m jaa gbagbaa tien.

Ye am ta nzu awuru barasu ma m a?

Am nya nyini fofoe n ni ye m wo nu a?

⁵⁰ Ma mini yoori ahin dekem ni kere a?’ ”

⁵¹ Na Satefano akaaki ase bu ka, “Amberε, am ahorembaa ti kekereke, na am sui ti tantanantan ka minem bo bu su ma Nyeme ni. Am nati kete Nyeme Awiewie Casi n wo, kabo am nam yo yoori lee. ⁵² Nyeme noanie kanfo bono ye am nam akere ma i wuwuruwa? Na ba kun minem ni, bo bu seeri ka Sono n bo i yo sa bo i ko atin su ni ba ni. ⁵³ Amberε ye Nyeme yo sunmaari i merkem ye bu faari i noanie kpamaawa maari am n a, ama, am ade ma i.”

Kabo bu tuuri Satefano yabue bo kuunri i barasu ni

⁵⁴ Kabo Satefano jojori so ni, na yaa ati Yudafu tereterefom n agaya, na ba kan bu noo awura nu, na bu sukpepe bu jee. ⁵⁵ Ama, na Awiewie Casi n awura Satefano nu, na wo tu i tii anie angoro, na wo nu kabo Nyeme woowa ata papasi barasu. Na wo nu ka Yesu jina Nyeme saa fomboro su.

⁵⁶ Na wo se bu ka, “Am nie, ma nu ka angoro n ateke ye Adamande Wa n jina Nyeme saa fomboro su.” ⁵⁷ I seeri so ni, na Yudafu tereterefom n atien kpa, na ba fa bu saa ato bu suim. Do na ba kaba abereki ato Satefano nu.

⁵⁸ Na ba cin i afite mie n aheme, na bu sutu i yabue, na bere bo bu di daani jaraki i, na bu sutu i yabue, na ba yi bu suturam ama gbefene anyunutifo be ka i sunie bu dika, bu fere nyini gbefene n ka Soolu. ⁵⁹ Bu wo Satefano yabue n tu su so ni, na i gusu subo fere Mibie ni, i na, “M Mibie Yesu, de m ngoo ni.” ⁶⁰ Na wo kutu asienngu, na wo bo awie kpa, i na, “M Mibie, ma a fa bu ngasi fa ko sa n bo bu suyo i n su.” I seeri so wieeri ni, kpennga na i ni durunya n akpaaki.

8

¹ Soolu yo soroori su ka bu kun Satefano a.

Kabo Soolu kereeri Kristo jama n wuwuruwa barasu ni

Nyini cɛɛn n gbingbin ye bu boori i bu kereeri Kristo jamam wuwuruwa agaya, bere bo bu wo Yerusalem mie kpiri n nu ni. Na bu kere anmati asandi ako Yudiya, ni Samariya deɛ awore n kere nu, i ko kaari Yesu jaramasam ni ngumi wo, Yerusalem mie kpiri n nu a. ² Na Nyeme sufo nbem ako ayo Satefano sutura, na ba sun sukoko agaya. ³ Ama, na Soolu aboro i nyi kabo i yo na i ka Kristo jama ni ngbeen, na i suwura awuru awurum nu, na i sucin yi yaradayofom ni, nbaram ni nbiesom kere, na i ma bu ko nyi bu dansaraka.

Kabo Filipu kaanri labari kpa n jore kereeri Samariyafom ni

⁴ Yaradayofom n bo bu sandiiri awore n kere nu ni, na ba nati sukan labari kpa n kere minem kere. ⁵ Na Filipu ako Samariya mie kpiri n su, ako sukan kere minem fa ko Kristo, Tiidefo n bo Nyeme ase ka i sunma i ni. ⁶ Na wo yo alekutura sam. Bu tiiri kabo i jajo na bu nuuri alekutura sam bo i yoori bu ni, na bu kere aso bu sui nyunyumi, na ba ti kabo i se ni. ⁷ Na wo fon ayi ajinim mine dongu nu. Bu ba sufite yaki minem ni, bu tien ni fanga su na bu fite. Na minem beberebe bo bu saam ni bu jaam awu ni, ni wobukam kere anya laifie. ⁸ Nyini ti, na ahorejo bambaka aba Samariya mie kpiri n nu.

⁹ Na sono be ayo awo Samariya mie kpiri n nu, bu fere i ka Simon, i nati yo boboyaya wo, na minem bo bu wo mie n nu ayo alekutura, na i sukere i nu ka i ti sono bambaka a. ¹⁰ Na sono kere, tarakam ni nfangafom kere asoro su ka yiri la Nyeme deɛ yiko n a. Na ba fere i ka Yiko Bambakafo n bo i fite Nyeme do n a. ¹¹ Deke bo i ti na bu koro i jore n la ka, i yo yoori nyini boboyaya juma n bu do ace. ¹² Ama, sanga bo Filipu ba kaanri labari kpa n jore n fa ko Nyeme femeya n ni Yesu Kristo deɛ atin n su, na bu deer i noanie ni, na wo bie bu Nyeme nzue, nbaram ni nbiesom kere. ¹³ Na Simon mmoo ni i tii ayo yarada, na Filipu abie i Nyeme nzue, na i susu Filipu su deke kere bo i ko, na wo nu abono sam barasu beberebe bo Filipu yoori bu ni, na wo yo i alekutura.

¹⁴ Na Yesu jaramasam bo bu wo Yerusalem mie kpiri n nu n ati ka Samariyafom gusu ade Nyeme noanie n ni, nyini ti, na ba sunma Petoro ni Yohane bu do. ¹⁵ Sanga bo bu ko juuri do ni, na ba sere Nyeme ama bere bo ba yo yarada ni, adena Awiewie Casi n wura bu nu. ¹⁶ Dama ba bie bu Nyeme nzue ya Mibie Yesu deɛ duma n nu wo, ama, Awiewie Casi n nya wura ma bu nu. ¹⁷ Na Petoro ni Yohane afa bu saa anana bu tii su, na ba sere Nyeme ama bu, na Awiewie Casi n awura bu nu. ¹⁸ Simon nuuri ka Yesu jaramasam faari bu saa nanaari yaradayofom ni tii su, na bu sereeri Nyeme maari bu, na Awiewie Casi n wuraari bu nu ni, na wo fa nwaa aba ka i fa ma Petoro ni Yohane, ¹⁹ na wo se bu ka, "Am ma mini mmoo ahin yiko n be, adena sono kere bo m fa m saa nana i nu na Awiewie Casi n wura i mi nu." ²⁰ Ama, na Petoro ase i ka, "Woro, u ni u nwaa kere ka ngbeen, dama a sunsun ka a koro fa nwaa to Nyeme aceeri n wo. ²¹ U saa wo ma juma n nu fieo, dama u sunsunni ti ma kpa Nyeme do. ²² Kaaki u wo fa ko u satie n bo a bita i n su, na a sere Nyeme, adena nyini sunsunni tie n bo i wo u ahore su ni, i fa ce u. ²³ Dama ma nu ka u ahorembaa yo wi agaya, na u satie akunma u." ²⁴ Do na Simon ase Petoro ni Yohane ka,

“Jande, am sere Mibiε n ma m, adena má ahin sam kere bo am ajojo i n be ba tu m.”

²⁵ Petoro ni Yohane diiri daani n na bu kaanri Mibiε n labari kpa n jore kereeri mine wieeri ni, na ba kpie bu nyi ako Yerusalem mie kpiri n nu. Bu wo ko su ni, na ba kan labari kpa n Samariya mie aheme aheme dongu su.

Filipu ni Itiyopiya sono n jore ni

²⁶ Na Micera n mereke aba ase Filipu ka, “Yasu na a fa wie atori u saa bie su dee atin n bo i fa Yerusalem mie kpiri n nu fa ko Gaza mie kpiri n nu ni.” I ti atin bo i fa boro kpantain n nu wo. ²⁷ Na Filipu ayasu, na wo ko, i wo ko su n na wo ko atu Itiyopiya sono bo i fite Itiyopiya asien su, i la jinaabiri bambaka, yiri nie Itiyopiya feme bara n nenge kere su a. Wo ko asu Nyeme Yerusalem ²⁸ sukpie i nyi ko awuru, i tana i kpongo toroku nu wo, na i sukan Nyeme noanie kanfo Esaya dee kadasi ni. ²⁹ Na Awiewie Casi n ase Filipu ka, “Cin dodo kpongo toroku n na a su i su.” ³⁰ Na wo nmati ako ati ka i sukan Nyeme noanie kanfo Esaya dee kadasi ni. Na wo bisa sono n ka, “A ti kadasi n bo a sukan i n bu?” ³¹ Na sono n abo i nu ka, “M yo se ti i bu a, bo ma ka sono akan i bu akere m?” Na wo se Filipu ka i wura toroku n nu ba tana i bi. ³² Noanie n bo i wo i kan su n la bo ba kere i ka,

“Yiri ti ka boe bo bu sufa i ko kpie i kom wo,
i kaaki ti ka bombaa bo bu sukpiekpie i ndore,
na i sun ma,
so ye wo se ma jore be a.

³³ Bu yo faari i wuraari joredifom saa nu wo,
na ba kpie kore aso i, na ba wura i nyinse.
Be wo ma bere bo i ba koro jajo fa ko i busu nufom do,
dama bu yo yiiri i ngoo durunya n nu fen.”

³⁴ Na Itiyopiya sono n abisa Filipu ka, “Jande, m koro ka a se m, Nyeme noanie kanfo n yo jajo ahin jore n ni nma a? I jajo niiri i nu wo, nzen be a?” ³⁵ Do na Filipu abo i bu ni nyini Nyeme Jore Kadasi n bo yiri sono n sukan i ni, na wo kan Yesu labari kpa n jore n akere i. ³⁶ Bu wo ko su ni, na ba ko aju awore be nu, na ba nu nzue, na sono n ase i ka, “Nie, nzue yaa e, ye nzu kanda ka a koro bie ma m Nyeme nzue a?” [³⁷ Na Filipu abo i nu ka, “Nzen a yoori Yesu Kristo yarada ni u ahorembaa kere, m koro bie u.” Na sono n ase i ka, “Ma yo yarada ka Yesu Kristo ti Nyeme Wa n a.”] ³⁸ Na wo ma toroku n ajina, na bu kere ajura awura nzue n nu, na Filipu abie i Nyeme nzue ni. ³⁹ Na ba fite nzue n nu, bu fite wieeri ni, na Mibiε n Awiewie n akaba akpara Filipu ako, sono n anu ma i kun, na wo ko awuru ni ahorejo. ⁴⁰ Na Filipu anu ka i wo mie kpiri n bo bu fere i ka Azotusi n nu, na wo yasu do suk, na wo kan labari kpa n akere minem mie kere bo i siinri su ni, haari na wo ko aju Sizariya mie kpiri n nu.

9

Kabo Soolu wo kaakiiri barasu ni

¹⁻² Nyini sangha n kere ni, na Soolu suboro i nyi se kabo i yo na i kere Yesu susufom n wuwuruwa haari i ba kun bu. Na wo koro ka i ko Damasiko mie kpiri n nu, na i ko tara nbaram ni nbiesom bo bu su Yesu atin su ni, na i wura bu joroko, na i fa bu ba Yerusalem mie kpiri n nu. Nyini dee ti, na wo ko Nyeme sayoowa donguyofom kere kpien n do, ako ade kadasi bo i koro la atin wura Yudafofom tientienbunoo soom n nu na i tara bu. ³ Na wo de atin ako, i ko sudodo Damasiko, na sin akaba afite angoro ata abara

aye i. ⁴ Na wɔ kpaasi haari asiɛngu, na wɔ ti akonvi be nga, i ɲa, “Sɔɔlu, Sɔɔlu e, nzu ti ye a kere m wuwuruwa sɔ a?” ⁵ Na wɔ bisa ka, “M Mibiɛ, wɔrɔ ɲma a?” Na wɔ bɔ i nu ka, “Mini Yesu, mini ye a kere m wuwuruwa n a. ⁶ Ama, yasu jina na a wura miɛ n kunnu na m má sɔnɔ be kere u deke bo wɔ yo daka ka a yo ni.” ⁷ Na minɛm n bo bu su Sɔɔlu su n aka ajina surum, ba koro ase má jɔrɛ be, bu tiiri akonvi ni nga a, ama, ba ɲu má sɔnɔ be. ⁸ Na Sɔɔlu ayasu ajina, na wɔ teke i nyumbaa, ama, wɔ ɲu má asi. Nyini ti, na ba so i saa nu, na ba cin i awura Damasiko miɛ n kunnu. ⁹ I woori dɔ, i lesan bo wɔ nya koro ɲu má asi, nyini sanɲa n gusu, i di má, i nu má.

¹⁰ Yesu susufɔ n kun be woori Damasiko miɛ kpiri n nu dɔ, bu fere i ka Ananiyasi. Na Mibiɛ ni aba i dɔ ka alɛɛ nu. Na wɔ jɔjɔ i dɔ ka, “Ananiyasi.” Na wɔ bɔ i nu ka, “M Mibiɛ, mini yaa.” ¹¹ Na Mibiɛ n ase i ka, “Yasu, fa atin n bo bu fere i ka Atingbere Tengeewa n su, na a kɔ sɔnɔ n bo bu fere i ka Yudasi n dika, na a bisa ka a koro sɔnɔ be bo bu fere i ka Sɔɔlu ni, na i fite miɛ kpiri n bo bu fere i ka Tarasu n wɔ. Yiri Sɔɔlu n wo dɔ wo nyemɛsere su, ¹² wɔ ɲu sɔnɔ be ka alɛɛ nu, bu fere i ka Ananiyasi, wɔ wura i dɔ afa i saa anana i ɲu ka i kaaki ɲu asi bekun.” ¹³ Na Ananiyasi abɔ i nu ka, “M Mibiɛ, mine dɔngu akan nyini sɔnɔ n jɔrɛ akere m, kabo i kere u minɛm ni wuwuruwa Yerusalem miɛ kpiri n nu barasu. ¹⁴ Ye wɔ de yiko afite Nyemɛ sayoowa dɔnguyofɔ nkpienkpienm dɔ, aba Damasiko fɛn, na i ba tara minɛm bo bu su u n kerɛ.” ¹⁵ Ama, na Mibiɛ n ase i ka, “Kɔ, dama mini ye ma yi i ka i yo m juma a, na i kɔ bo m duma kere minɛm bo bu ti má Yudafɔm ni, ni bu nfemɛm, ni Yisarelifɔm, adena bu si m. ¹⁶ Na m kɛrɛ i wahara n kerɛ bo wɔ yo daka ka i di i, mini dɛɛ ti ni.” ¹⁷ Nyini ti, na Ananiyasi akɔ Yudasi dika, na wɔ wura Sɔɔlu dɔ, na wɔ fa i saa anana i ɲu, na wɔ se i ka, “M niwa Sɔɔlu, ya Mibiɛ ni sunmaari m u dɔ a, yiri Yesu n ye i yiiri i ɲu kereeri u sanɲa bo a wo atin n nu suba n a. Yiri sunmaari m ka m ba ma a ɲu asi bekun, na Awiewiɛ Casi n wura u ɲu a.” ¹⁸ Kpenɲa na deke be afite Sɔɔlu nyumbaa n nu atɔ, i ti ka jombaa bui wɔ. Na wɔ kaaki aɲu asi bekun. Na wɔ yasu ajina, na Ananiyasi abie i Nyemɛ nzue, ¹⁹ na wɔ di diire, na wɔ nya fanɲa bekun.

Kabo Sɔɔlu kaanri Nyemɛ jɔrɛ Damasiko miɛ kpiri n nu barasu ni

Na Sɔɔlu awo Yesu susufɔm n dɔ lennyɔ Damasiko miɛ kpiri n nu. ²⁰ Na wɔ kaba sukan Nyemɛ jɔrɛ Yudafɔm tientienbunɔɔ sɔɔm nu, ka Yesu ti Nyemɛ Wa n a. ²¹ Na jɔrɛ n amiɛ minɛm kere bo bu tiiri ka i sukan Nyemɛ jɔrɛ ni, na ba bisa bu ɲuɲu nu ka, “Má sɔnɔ n bo i wo Yerusalem miɛ kpiri n nu kun minɛm bo bu su Yesu su n lɛɛ? Ye kisa wɔ ba fɛn ka i ba tara minɛm wura bu jɔrɔkɔ, fa bu kpie bu nyi kɔ ma Nyemɛ sayoowa dɔnguyofɔ nkpienkpienm ni, má sɔ?” ²² Ama, na Sɔɔlu anya fanɲa abuka su, na wɔ kan akunma Yudafɔm bo bu wo Damasiko n nu, na wɔ kan ateke bu nyi na wɔ ma ba si ka Yesu ti Kristo n a, Tiidefɔ n bo Nyemɛ ase ka i súnma i ni.

²³ Na wɔ yo lennyɔ, na Yudafɔm n atien bu nɔɔ afa sɛsɛsu kabo bu yo na bu kun Sɔɔlu, ²⁴ ama, na wɔ ti kabo ba sɛsɛsu ka bu kun i ni. Na ba ɲminda i miɛ ni anɔm n nu, wiesu ni kɔngue, ka nzen i ba sufite na bu kun i. ²⁵ Ama, na cɛɛn n be kɔngue, na Sɔɔlu susufɔm afa i awura kandie nu, na ba fa i acɔɔndi miɛ n kobe tukoro nu ase.

Kabo Sɔɔlu kɔ juuri Yerusalem miɛ kpiri n nu ni

²⁶ Sanɲa bo Sɔɔlu kɔ juuri Yerusalem miɛ kpiri n nu ni, na wɔ koro ka i fa i ɲu bo Yesu susufɔm n su, na i ni bere yo kun, na sere ati bu, dama

ba yo má yarada ka i ti Yesu susufóm n be wó. ²⁷ Dó na Banabasi afa i ako Yesu jaramasam n dó. Na yiri Banabasi akan akere bu kabo Soolu wo atin n nu sukó Damasiko mié kpíri n nu, na i ñuuri Mibié ni, ni kabo Mibié n jójóori i dó barasu ni, ni kabo Soolu kaanri Nyemé jóre Yesu duma nu Damasiko, ni ahoresi ni. ²⁸ Banabasi seeri só ni, na ba soro su, na Soolu awo bu dó Yerusalem, na i sujengbe sukan Nyemé jóre Yesu duma nu, ni ahoresi. ²⁹ Na i ni Yudafóm bo bu jójó Giriki anié ni abo anzama haari na ba se akuruwa ni bu bengú. Na ba koro ka bu kun i. ³⁰ Saŋga bo yaradayofóm n tiiri ahin jóre n só ni, na ba fa Soolu akó aju Sizariya mié kpíri n nu, na ba ma wó kó Tarasu mié kpíri n nu.

³¹ Na Kristo jama n anya faŋga abuka su, na bu susoro Mibié n nahóre su, na bu suwo ni Awiewié Casi n dèè ahoresi nu, na bu sunya minem subuka su.

Kabo Petoro yoori abonó sam ni

³² Na Petoro ajengbe ka i bara ye awóre n kéré, na cèen n be só ó, na wó kó ka i kó nié Nyemé minem n bo bu wo Luda dèè mié kpíri n nu n busu. ³³ Dó na wó kó aŋu sònó be, bu fere i ka Aniyasi, i saam ni i jaam kéré awu, i da soro ó, i afó mócúè lèè bo i koro yasu má. ³⁴ Na Petoro ase i ka, “Aniyasi, Yesu Kristo ama u laifíè. Yasu na a nyanya u dasu ni.” Kpenga na wó kaba ayasu. ³⁵ Minem kéré bo bu wo Luda mié kpíri n nu, ni bo bu wo Saroni awóre n nu n kéré ñuuri i só ni, na ba kaaki bu wo na ba fa bu ñu ama Mibié ni.

³⁶ Bara be yo woori mié kpíri be bo bu fere i ka Jopa n nu, bu fere i ka Tabita, i ti Yesu susufó ó, bu fere i duma Giriki anié nu ka Dókasi, i bu la ka aja. I yo sakpa wó saŋga kéré, na i si yaarifóm aŋunfó. ³⁷ Ama, na wó ba ada tukpaki na wó wu, na ba bié i nzue, na ba fa i ada aŋgoro sóo nu. ³⁸ Jopa gusu waari má ni Luda, na saŋga bo Yesu susufóm bo bu wo Jopa n tiiri ka Petoro wo Luda ni, na ba sunma miné nnyó i dó ka i yo anié na i bra ndende. ³⁹ Nyini ti, na Petoro ayasu asu bu su na bu kéré akó. Saŋga bo i kó juuri ni, na ba fa i afun akó aŋgoro sóo n nu, na nkunafóm kéré atien bu nòó abara aye i, na bu susun, na ba fa tanlèem ni tani barasu barasu bo Dókasi la ñgòó na i kpa maari bu n akere yiri Petoro. ⁴⁰ Na Petoro afón bu kéré afite sóo n nu, na wó kutu i naŋgoroma su, na wó sere Nyemé, na wó kaaki i nyunu awó fuin ni, na wó se i ka, “Tabita, yasu.” Saŋga bo i tekeeri i nyumbaa ni, na wó ñu Petoro, na wó yasu atana. ⁴¹ Na Petoro aso i saa nu abuka i, na wó yasu ajina, na wó fere Nyemé minem n ni nkunafóm ni kéré, na wó fa i akere bu ka wó tenge. ⁴² Na nyini labari ni abara aye Jopa mié n kéré nu, na miné beberebe ayo Mibié n yarada. ⁴³ Na Petoro awo Jopa lennyó, i yo woori jéréké be dika a, bu fere i ka Simon.

10

Petoro ni Koneliyo dèè jóre

¹ Sònó be yo woori Sizariya mié kpíri n nu, bu fere i ka Koneliyo, i ti Romafó sojam n kpien wó, i nié soja mbaa yaa su a. Bu fere nyini soja jama mbaa n ka Itali sojam. ² Koneliyo ti sònó bo i su Nyemé atin su wó, i ni i dikafóm kéré, na bu soro Nyemé. Na i suyo sakpa ma Yudafóm bo bu ti yaarifóm ni, na i susere Nyemé saŋga kéré. ³ Na cèen n be wiesu kerefi nsan saŋga, na wó kaba aŋu Nyemé méréké be, na méréké n aba ase i ka, “Koneliyo.” ⁴ Na wó nié i gbirim, na sere ati i, na wó bisa i ka, “M Mibié, nzu a?” Na méréké n abó i nu ka, “Nyemé ade u sere, wó ñu sakpa n bo a yo ama yaarifóm ni, i wara koro fi má nyini sam kéré. ⁵ Tó, kisa, sunma

minem na bu kɔ Jopa miɛ kpiri n nu na bu kɔ fere sɔnɔ bo bu fere i ka Simon Petoro ni. ⁶ I wo jereke be dika a, bu fere i gusu ka Simon, i dika n wo fa dodo tieku n wɔ." ⁷ Mɛreke n jɔjɔri i dɔ wieeri ni, na wɔ kɔ, na Koneliyo afere i ngbefenem nnyɔ, ni soja kun be bo i su Nyeme atin su na i wo i dika ni. ⁸ Na wɔ kan jɔre n kere bo mɛreke n seeri i ni akere bu, na wɔ sunma bu Jopa miɛ kpiri n nu.

⁹ Na alecin ngarama, na ba de atin na bu kɔ Jopa, bu kɔ sudodo dɔ fa kɔ wie kekete sangha, na Petoro gusu ayasu afun sɔɔ su ka i sere Nyeme. ¹⁰ Na ahɔe ati i, na wɔ koro deke be i di. Sangha bo bu wo diire n yo su ni, na deke be aba i dɔ ka alele nu dɛe su. ¹¹ Na wɔ ɲu ka angoro n ateke, na wɔ ɲu deke be i ti ka tani bambaka wɔ, ba cici i bue nna n kere, i succɔndi ba asienɲu. ¹² Ajaanna barasu kere, ni cinbukunnusufɔm barasu kere, ni lanɲkpetefɔm barasu kere ka bu wo nu. ¹³ Na wɔ ti akonvi be ɲga, i ɲa, "Petoro, yasu na a kun di." ¹⁴ Ama, na Petoro ase i ka, "M Mibiɛ, ai. M nya di má deke bo i ti ciire na i la fin." ¹⁵ Na akonvi n akaaki ase i bekun ka, "Deke kere bo Nyeme ayo i casi, má a se ka i ti fin." ¹⁶ Deke n yoori sɔ kɔ juuri kun kun kpe nsan a, na wɔ kaba afun akɔ angoro.

¹⁷ Sangha n bo Petoro subirisi fa kɔ deke n bo wɔ ɲu i n su ni, nyini sangha, minem bo Koneliyo sunmaari bu ni, abisa asi Simon dika, na ba ka ajina awuru n anɔ nu. ¹⁸ Na ba fere sɔnɔ be, abisa i ka, Simon Petoro wo dɔ ɔ? ¹⁹ Petoro toko wo sunsun su, fa kɔ deke bo i baari i dɔ ka alele nu n bu. Dɔ na Awiewie Casi n ase i ka, "Ti fen. Mine nsan nbem wo fen sunienie u busu. ²⁰ Nyini ti, yasu na a jura, na u ni bere kɔ, má a yo sika, dama mini sunmaari bu a." ²¹ Na Petoro ajura akɔ minem n dɔ, na wɔ se bu ka, "Mini ye am nienie m n a. Am natiiri bu la ka se wɔ?" ²² Na ba bo i nu ka, "Sojam kpien Koneliyo sunmaari ya u dɔ a. I ti sɔnɔ kpa a, na i soro Nyeme, na Yudafɔm kere bu i agaya. Nyeme mɛreke be seeri i ka i fere u, na a ba i dika na a ba kan jɔre bo a la i kere i a." ²³ Nyini ti, na Petoro ade minem n awura, na ba da i dɔ.

Alecin ngarama, na Petoro ayasu, na i ni minem n akɔ, bu sukɔ ni, na yaradayofɔm nbem bo bu wo Jopa n gusu asu i su akɔ. ²⁴ Na i alecin fɔfɔre, na ba ju Sizariya, bu kɔ ɲu ka Koneliyo atien i lamɔsim, ni i danfo kpam nɔɔ sunminda yiri Petoro. ²⁵ Sangha bo Petoro kɔ ɲa i wura awuru n nu ni, na Koneliyo akpa i atin akutu i jaa bu haari asienɲu, na wɔ su i. ²⁶ Ama, na Petoro aye i su ajina, na wɔ se i ka, "Mini ni m tii mmɔɔ, ti adamande wɔ." ²⁷ Petoro ni Koneliyo bitaari anzama sɔ ɔ haari bu kɔ wuraari awuru n nu, dɔ na wɔ ɲu ka mine beberebe atien bu nɔɔ. ²⁸ Na wɔ se bu ka, "Ambere mmɔɔ ni am tii si ka, i ti ciire wɔ ka yere Yudafɔm fa ya ɲu sangha ni daanfie barasu be nu, wara ya wura bu dika. Ama, Nyeme akere m ka má m sinndi sɔnɔ be ka i woowa ti fin. ²⁹ Nyini ti, ye a sunma fereeri m ye ma kete má ye ma ba n a. M koro ka m bisa u wɔ, nzu ti ye a sunma fereeri m a?"

³⁰ Na Koneliyo ase i ka, "I nyuma lenna lee, ka ahin sangha n sɔ, fa kɔ wiesu kerefi nsan, m wo m dika n nu wo nyemesere su, na sɔnɔ be akaba aba ajina m nyunu, i wura sutura fofoe papasi, ³¹ na wɔ se m ka, 'Koneliyo, Nyeme ade u sere, ye wɔ tenge u sakpa bo a yo ama yaarifɔm n su. ³² Nyini ti, sunma na bu kɔ Jopa, na bu kɔ fere Simon Petoro ni. I wo jereke be dika a, bu fere i gusu ka Simon, i dika n wo dodo tieku n wɔ.' ³³ Nyini ti, ye m kaba sunmaari ka bu fere u n a, ye wɔrɔ gusu a yo sakpa ye a ba. Kisa, ya kere gusu atien ya nɔɔ fen Nyeme nyunu, na ya ti deke n kere bo Mibiɛ n ama u nɔɔ ka a fa ma ya ni."

Kabo Petoro kaanri Nyeme jore n Koneliyo dika ni

³⁴ Na Petoro anya ase ka, “Kisa, ma si nahore su ka adamande kere ti kun wo Nyeme do, i tambu ma nu. ³⁵ Sono kere bo i soro Nyeme na i yo sa bo i ko atin su i do, i mi koro i ti nzu daanfie sono, Nyeme de i wo. ³⁶ Am si labari n bo Nyeme fa maari Yisarelifom, nyini labari kpa n kere ka minem nya tanalaifie Yesu Kristo dee ti, yiri ti sono kere Mibie a. ³⁷ Am kere si sa bo i boori i bu Galili dee awore n nu, sangha bo Yohane kaanri Nyeme nzue bie n jore ni, haari na wo bara aye Yudiya dee awore n kere nu. ³⁸ Am si Yesu Nazaretifo n jore ni, kabo Nyeme faari i Awiewie Casi n ni yiko n wurari i nu ni, ni kabo i nati bara yeri deke kere suyo sakpa sutuntun minem kere bo Sitana mie bu n na bu nya laifie, dama Nyeme woori i do a. ³⁹ Yere, ya nuuri deke n kere bo i yoori bu Yudafom dee asien su, ni Yerusalem mie kpiri n nu ni. Na ba kpama i baka jaanu n su, na wo wu. ⁴⁰ Ama, i lesan cen, na Nyeme atenge i afite i yiwee n nu, na Nyeme ama minem anu i. ⁴¹ Ma sono kere nuuri i a, ama, yere bo Nyeme du mo yiiri ya ka ya di i daani ni, yere nuuri i a, na ya ni yiri asanga adi, na ya nu, sangha bo i tengeeri ni. ⁴² Na wo ma ya noo ka ya ko kan labari kpa n kere minem na ya di daani ka, yiri ye Nyeme ayi i ka i ba di ngoofo, ni bo ba wu n kere jore a. ⁴³ Nyeme noanie kanfom kere yo jooori Yesu jore, bu na, ‘Sono kere bo i yoori i yarada, Nyeme fa i mi satie bo wo yo i fa ce i, Yesu dee duma n nu.’ ”

Kabo Awiewie Casi n wurari minem bo bu ti ma Yudafom n nu ni

⁴⁴ Sangha bo Petoro toko jina wo joo su ni, na Awiewie Casi n aba awura minem kere bo bu jina suti labari n nu. ⁴⁵ Na Yudafom bo bu ti yaradayofom na bu suuri Petoro su fiteeri Jopa mie kpiri n nu baari n ayo alekutura, kabo Nyeme afa i Awiewie Casi n awura minem n bo bu ti ma Yudafom mmoo nu ni. ⁴⁶ Na bere Yudafom ni, ati ka minem n sujoo anie barasu barasu sukansi Nyeme. Na Petoro ase ka, ⁴⁷ “Nyeme afa i Awiewie Casi n awura ahin minem n nu, kabo i fa wurari ya nu ni. Ye nma koro kete ka ma ya bie bu Nyeme nzue a?” ⁴⁸ Nyini ti, na Petoro ama noo ka bu bie bu Nyeme nzue, Yesu Kristo duma n nu. Na ba sere i ka i wo bu do lennyo.

11

Kabo Petoro kaanri i sa n bu kereeri Kristo Jama n Yerusalem ni

¹ Na Yesu jaramasam ni, ni yaradayofom n kere bo bu wo Yudiya awore n nu n ati ka, minem bo bu ti ma Yudafom n gusu ade Nyeme noanie n ayo i yarada. ² Nyini ti, sangha bo Petoro ko Yerusalem mie kpiri n nu ni, na Yudafo yaradayofom nbem ajaraki i. ³ Bu na, “Nzu ti ye a ko minem bo bu wura ma kenkene n dika ye u ni bere ko sangha di diire a?” ⁴ Do na Petoro abo i bu, na wo kan kabo jore n kere boori i bu kun kun n akere bu. ⁵ I na, “M wo Jopa mie kpiri n nu, wo nyemesere su ni, na ma nu deke be, i yo m ka alele dee su wo. M nuuri deke be, i ti ka tani bambaka wo, ba cici i bue nna n kere, i succondi fite angoro n nu suba asiengu, na wo ba ajina m bi. ⁶ Na ma nie i nu nyunyumi, na ma nu ajaannam barasu kere, ni cinbukunnusufom barasu kere, ni lanjpetefom barasu kere ka bu wo nu. ⁷ Na ma ti akonvi be nga, i na, ‘Petoro, yasu na a kun di.’ ⁸ Ama, na ma se i ka, ‘M Mibie, ai. M nya di ma deke bo i ti ciire na i la fin.’ ⁹ Na ma kaaki ati akonvi ni nga bekun, i fite angoro wo, i na, ‘Deke kere bo Nyeme ayo i casi, ma a se ka i ti fin.’ ¹⁰ Deke n yoori so ko juuri kun kun kpe nsan a, na wo kaaki afun ako angoro. ¹¹ Nyini sangha n nu, na mine

nsanm n bo bu sunmaari bu m dɔ n afite Sizariya miε kpiri n nu aba aju awuru n bo m wo nu ni. ¹² Na Nyeme Awiewie Casi n ase m ka m yasu na m su bu su kɔ, má m yo sika. Na ma su bu su, na ya kere ako. Na ahin yaradayofɔ nsenm n gusu asunma m afite Jopa, na ya kere ako Sizariya, na ya kɔ awura Koneliyo dika. ¹³ Na wɔ se ya kabo i ŋuuri Nyeme merεke i dika barasu ni, ni kabo merεke n ase i ka i sunma na bu kɔ Jopa, na bu kɔ fere sɔnɔ n bo bu fere i ka Simon Petoro ni, ¹⁴ na i bá kan jɔre be kere u ni u dikafɔm kere na am nya tiide. ¹⁵ Na ma bo i bu ka m jɔjɔ. Saŋga bo m wo jɔjɔ su ni, na Awiewie Casi n ajura awura bu ŋu, kabo i yo ba wuraari ya ŋu bumboori ni. ¹⁶ Na ma tenge su kabo Mibiε n yo seeri ni. I ŋa, ‘Yohane yo faari nzue biεeri am a, ama, mini fá Awiewie Casi n ba wura am ŋu a.’ ¹⁷ I ti nahɔre wɔ ka Nyeme faari i Awiewie Casi n wuraari yere Yudafɔm bo ya yo ya Mibiε Yesu Kristo yarada n ŋu, ye wɔ fa awura bo bu ti má Yudafɔm gusu ŋu. Mini la ŋma bo m koro kanda Nyeme ka má i yo sa bo i koro ka i yo i a?” ¹⁸ Saŋga bo bere Yudafɔm tiiri sɔ ni, ba se má jɔre be kun, na ba kansi Nyeme, bu ŋa, “Nyeme ama minem bo bu ti má Yudafɔm n atin ka bere gusu kaaki bu wo na bu nya ŋgɔɔ.”

Kristo jama n bo i wo Antiyoki n jɔre

¹⁹ Fite saŋga n bo bu kuunri Satɛfano n dɛɛ sin, na ba kere yaradayofɔm wuwuruwa, nyini ti, na ba sandi abara aye deke kere, na nbem ako Fonisiya awɔre n nu, ni Sipurusi asien n su, ni Antiyoki miε kpiri n nu, na bu kɔ sukan Nyeme nɔaniε n sukere Yudafɔm ŋgumi. ²⁰ Ama, bu nbem wo nu, bu fite Sipurusi, na nbem gusu fite Sirene miε kpiri n nu, na ba kɔ Antiyoki, na bu sukan ya Mibiε Yesu labari kpa n jɔre sukere minem bo bu ti má Yudafɔm ni. ²¹ Na Mibiε n yiko awo bu dɔ nahɔre su, na mine beberebe ayo yarada, na ba kaaki bu wo, na ba su Mibiε n dɛɛ atin n su.

²² Nyeme minem bo bu wo Yerusalem miε kpiri n nu n tiiri nyini labari sɔ ni, na ba sunma Banabasi Antiyoki dɔ. ²³ Saŋga bo i juuri na i ŋuuri sakpa bo Nyeme ayo ama minem sɔ ni, na i ahɔre ajɔ, na wɔ tu bu fɔ ka bu ma bu nyunu boro yarada n bo bu bita i fa kɔ Mibiε n dɛɛ atin n su ni, na bu su i su ni bu ahorembaa kun. ²⁴ Banabasi tiiri sɔnɔ kpa a, na Awiewie Casi n awo i dɔ, na i la yarada agaya. Na mine beberebe aba ayo Mibiε n yarada. ²⁵ Na Banabasi akɔ Tarasu miε kpiri n nu ka i kɔ nienie Sɔɔlu. ²⁶ Saŋga bo Banabasi kɔ ŋuuri Sɔɔlu ni, na wɔ fa i na ba kɔ Antiyoki, na bere mine nnyɔ n kere ako awo dɔ afɔ kun, na ba tien Kristo jama n nɔɔ, na ba kere mine beberebe. Antiyoki dɔ ye bu du mɔ fereeri yaradayofɔm n ka Kristofɔm a.

²⁷ Nyini saŋga n nu, na Nyeme nɔaniε kanfɔ nbem afite Yerusalem aba Antiyoki dɔ. ²⁸ Bu fere bu nu kun ka Agabusi, dɔ na Awiewie Casi n ama i yiko, na wɔ yasu ajina ajɔjɔ ka, ahɔe bambaka be bá tɔ durunya n kere nu. Nyini ahɔe n ba tɔɔri saŋga bo Romafɔm femε kpiri bo bu fere i ka Kalodisi n diiri i femeya n a. ²⁹ Na Kristo susufɔm ni ayo anɔɔkun ka bu kun kun n kere yiyi ŋwaa kabo bu faŋga nyaari ti barasu, na bu fa kɔ buka bu beŋgu yaradayofɔm bo bu wo Yudiya awɔre n nu ni. ³⁰ Na ba yiyi ŋwaa ni, na ba fa ŋwaa n asunma Banabasi ni Sɔɔlu ka bu fa kɔ ma Kristo jama nkpienkpienm ni.

12

Kabo bu kereeri Kristo jama n wuwuruwa barasu ni

¹ Fa kɔ nyini sanɔa n nu, na Fɛmɛ Herode abo i bu sukere Kristo jama mine nbem wuwuruwa. ² Na wɔ ma ba fa takobe akun Yohane ɔɔɔ Yakobo. ³ I yoori sanɔa bo Yudafoɔm sudi bu Butara cɛɛnkpiri n wɔ. ⁴ Bu taraari Petoɔo wuraari dansaraka nu ni, na ba fa i awura sojam buru ni nsen saa nu ka bu nie i dika. Na bere gusu akpaaki nu ka mine nna nie i dika kɔ ju sanɔa su, na nyingam nya de. Na Fɛmɛ Herode asese su ka bu diiri Butara cɛɛnkpiri n siinri, i fa Petoɔo jina jama n kere nyunu wɔ, na i di i jɔre. ⁵ Nyini ti, na wɔ ka dansaraka n nu, na Kristo jama n asere Nyeme ni anyumboro ama i.

Kabo Nyeme merɛke n yiiri Petoɔo fiteeri dansaraka n nu ni

⁶ Nyini cɛɛn n kɔngue n bo i alecin na Fɛmɛ Herode ma bu yi Petoɔo fite na bu di i jɔre ni, i da sojam nnyɔ afien wɔ. Na ba wura i jɔrɔkɔ aminda bu i bue nnyɔ n kere, na nbem gusu kaaki jina dansaraka anɔ n nu nminda. ⁷ Kpenga na Nyeme merɛke be aba ajina dansaraka n nu, na sɔɔ n ata wein. Na merɛke n abo Petoɔo gbengben, na wɔ tenge i, na wɔ se i ka, "Yasu ndende." Na jɔrɔkɔ n bo i wo Petoɔo saa n afite atɔ. ⁸ Na merɛke n ase i ka, "Bo u dambara ni, na a fa u gbagbaa n wura." Na Petoɔo ayo sɔ, na wɔ kaaki ase i ka, "Fa u tanlee n wura, na a su m su." ⁹ Na Petoɔo asu i su afite dansaraka sɔɔ n nu, wɔ si ma ka sa n bo merɛke n suyo i n ti nahɔre wɔ, i sunsun ka i yo i ka alele dee su wɔ. ¹⁰ Na ba kɔ asin sojam ciciri su dee n nu, na ba kɔ asin nnyɔ su dee n gusu nu, na ba kɔ aju bulaari anɔ n bo bu teke i ka na bu sin kɔ mie n kunnu ni. Na anɔ n ni i tii ateke, na ba fite. Bu toori atingbere n nu kɔɔri mɔ kaan, na merɛke n akaba ayaki Petoɔo. ¹¹ Do na Petoɔo nyunu akoro, na wɔ se ka, "Kisa, ma si ka i ti nahɔre wɔ, ka Micera n ye wɔ sunma i merɛke n ka i yi m fite Fɛmɛ Herode saa nu, ni deke n kere bo Yudafoɔm sunsun ka bu yo m ni."

¹² I faari nyini sa n kere nu sɔ ni, na wɔ kɔ Mariya dika, i wa la Yohane n bo bu kaaki fere i Marako ni, nyini sanɔa, jama beberebe atien bu nɔɔ wo nyemesere su. ¹³ Na Petoɔo abobo dasin anɔ ni, na afani be, bu fere i ka Roda, na wɔ ba ka i ba nie sɔnɔ n bo i bobo anɔ ni. ¹⁴ Na wɔ si akonvi n ka Petoɔo lee, i ahore ajo agaya n dee ti, wɔ teke ma anɔ ni, na wɔ nmati akpie i nyi, na wɔ kɔ ase minem bo bu wo awuru n nu n ka Petoɔo jina dasin. ¹⁵ Na ba se i ka, "A bo fie wɔ." Ama, na wɔ kaaki ajɔɔ ni anyumboro ka i ti nahɔre wɔ. Do na ba se ka, "Kisa, i merɛke a."

¹⁶ Nyini sanɔa n kere Petoɔo toko jina anɔ n nu wo bobo su. Kasin, na ba ba ateke anɔ ni, na sanɔa bo bu nuuri ka yiri ni, na ba yo alekutura. ¹⁷ Na Petoɔo afa i saa ayo bu ka bu yaki nanmie. Na wɔ kan akere bu kabo Mibie n yiiri i fiteeri dansaraka sɔɔ n nu barasu ni. Na wɔ se bu ka, "Am kɔ kan ahin jɔre n kere Yakobo ni yaradayofɔ nyingam n kere." Na wɔ fite bu bi bere akɔ deke be.

¹⁸ Ale ba ciinri ni, na jɔre n amie sojam ni, ba si ma kabo bu yo. Na ba se ka, "Ye nzu ayo Petoɔo a?" ¹⁹ Na Fɛmɛ Herode ama nɔɔ ka bu nienie Petoɔo busu, ama, ba nu ma i. Nyini ti, na wɔ bisa sojam bu jɔre ni, na wɔ ma nɔɔ ka bu kun bu. Nyini sin, na Fɛmɛ Herode afite Yudiya awɔre n nu, na wɔ kɔ awo Sizariya mie kpiri n nu fa kɔ sanɔa su.

Kabo Fɛmɛ Herode wuuri barasu ni

²⁰ Na Fɛmɛ Herode afa yaa agaya Tiro ni Sidon mie n nufɔm nu, nyini ti, na ba fa sese, na ba kɔ ka bu nu i. Bu du mɔ kɔɔri sɔnɔ be do ka, bu fere i ka Blasitusi, na bu ni i dee ayo kun ka. Blasitusi ti Fɛmɛ Herode gisan n niefo kpien wɔ. Na wɔ nya fa bu akɔ Fɛmɛ Herode do, na ba kɔ asere ka i ma bu ni yiri nya tanalaifie. Deke bo i ti na bu yoori sɔ n la ka, dama bu

diire kere fite yiri femε n dεε asien n su wɔ. ²¹ Cεen n bo bu kpamaari i ba juuri ni, na Femε Herode awura i femεya sutura, na wɔ tana i femεya bie n su, na wɔ jɔjɔ minem n dɔ. ²² I jɔjɔ wieeri ni, na mine kere atien, bu ɲa, “Ahin yiri, nyeme be ajɔjɔ a, má adamande.” ²³ Kpenɲa na Micera n mereke akaba abo i aji, dama wɔ ma má Nyeme jirima n dεε ti. Na wɔ da tukpaki, na kakabam awura i, na wɔ wu.

²⁴ Na Nyeme nɔanie n asandi abara aye deke n kere, na ba nya mine dɔngɔ abuka su. ²⁵ Banabasi ni Sɔɔlu yoori bu juma n Yerusalem mie nu wieeri ni, na ba fa Yohane bo bu kaaki fere i ka Marako ni, na ba fite Yerusalem na ba kaaki akɔ Antiyoki mie kpiri n nu.

13

Kabo bu yiiri Sɔɔlu ni Banabasi sunmaari bu ni

¹ Kristo jama n bo i wo Antiyoki mie kpiri n nu ni, bu nu nbem ti Nyeme nɔanie kanfɔm wɔ, na nbem gusu ti kerefɔm. Bere la Banabasi, ni Simeyon bo bu kaaki fere i ka Nigeri ni, ni Lukiyosi bo i fite Sirene mie kpiri n nu ni, ni Manaye bo bu yo sanɲa taari i ni Femε Herode, ni Sɔɔlu ni. ² Sanɲa bo bu cici bu nɔɔ na bu wo Mibie n su su ni, na Awiewie Casi n ase bu ka, “Am yi Banabasi ni Sɔɔlu ma m, na bu yo juma n bo ma yi bu ka bu yo i ni.” ³ Bu ciciiri bu nɔɔ, na bu sereeri Nyeme n wieeri ni, na ba fa bu saa anana bu ɲu, na ba ma bu atin na ba kɔ.

Kabo Banabasi ni Sɔɔlu kɔɔri Sipurusi ni

⁴ Na Awiewie Casi n asunma Banabasi ni Sɔɔlu na ba kɔ aju mie kpiri be su, bu fere i ka Selusiya, na ba fa lee bambaka dɔ, na ba kɔ mie be bo i wo lui bambaka be su, bu fere nyini lui n ka Sipurusi n su. ⁵ Sanɲa bo bu kɔ juuri lui n mie kpiri n bo bu fere i ka Salamisi n su ni, na ba kan Nyeme jɔre Yudaɔm tientienbunɔɔ sɔɔm nu. Na Yohane bo bu kaaki fere i ka Marako n awo bu dɔ abuka bu juma. ⁶ Na ba fa bere asin akɔ aju lui bambaka n wie atɔɔri dεε bue ni, mie kpiri be su, bu fere i ka Pafosi. Na ba kɔ anɲu boboyayafɔ be dɔ, bu fere i ka Baari Yesu, i ti Yudaɔɔ, i yo i ɲu ka i ti Nyeme nɔanie kanfɔɔ, ama, i ti má i. ⁷ I yo wo lui bambaka n su gomina n dɔɔ, bu fere gomina n ka Segosi Pɔɔlu, i ti sifɔɔ. Na wɔ fere Banabasi ni Sɔɔlu, dama i koroori ka i ti Nyeme nɔanie n wɔ. ⁸ Ama, boboyayafɔ ni, bu kaaki fere i duma Giriki anie nu ka Elamasi ni, na wɔ boro i nyi ka i kanda gomina n na má i yo Yesu yarada. ⁹ Ama, na Nyeme Awiewie Casi n awura Sɔɔlu, bo bu kaaki fere i ka Pɔɔlu ɲu, na wɔ nie boboyayafɔ n gbirim, na wɔ se i ka, ¹⁰ “Wɔɔɔ, a ti Sitana dεε wa a. A ti deke kere bo i ti kpa n kpɔɔɔ. Kɔre ni satieyo asunnu u ɲu. A ti Mibie n atin kpa n saakifɔɔ. Cεen bonɔ ye a yaki i a? ¹¹ Ti fen, Mibie ni bó u ji kisa, na a yó anyinsin fa kɔ sanɲa su, na a ɲú má wie ka i ta kun.” Kpenɲa na i nyunu akaba asi biri, na i suturingi sunienie sɔɔɔ bo i kere i atin. ¹² Sanɲa bo gomina n ɲuuri nyini n sɔ ni, na i tiiri kabo bu kan Nyeme nɔanie ni, na wɔ yo i alekutura, nyini dεε ti, na wɔ yo Mibie n yarada.

Kabo Pɔɔlu ni Banabasi kɔɔri Pisidiya dεε Antiyoki mie n nu ni

¹³ Na Pɔɔlu ni i lamɔkɔm n afa lee bambaka afite Pafosi dεε mie kpiri n nu akɔ aju mie kpiri n bo bu fere i ka Peregga na i wo Pamfliya awɔre n nu ni. Na Yohane bo bu kaaki fere i ka Marako n akpaaki ayaki bu, na wɔ kpie i nyi akɔ Yerusalem mie kpiri n nu. ¹⁴ Na ba fite Peregga akɔ aju Antiyoki mie kpiri n bo i wo Pisidiya awɔre n nu ni. Na Nɔumiya cεen, na ba kɔ awura atana bu tientienbunɔɔ sɔɔ n nu. ¹⁵ Sanɲa bo bu kaanri

Nyeme noanie kpamaawa kadasi n bo Moyisi kereeri i ni, ni Nyeme noanie kanfom dee kadasi n wieeri ni, na bu tientienbunoo soo ni nkpienkpienm n asunma ase Poolu ka, "Njam, nzen am la jore be bo am kan kere jama ni, na i ma bu ahoresi, am kan kere bu." ¹⁶ Do na Poolu ayasu ajina, na wo ye i saa su, na wo bo i bu na i joo, i na, "M lamoko Yudafom, ni ambere bo am ti ma Yudafom na am su Nyeme ni, am ti fen. ¹⁷ Yisarelifom Nyeme ni, yiri yo yiiri ya nam a, na wo ma ba tere abuka su, sangha bo bu yo ti wofom Ijipiti asien su ni. Na Nyeme afa i dee yiko bambaka n na wo yi bu afite Ijipiti asien n su, ¹⁸ na wo mindi abita bu boro kpantain n nu ako aju afo aburana. ¹⁹ Na wo butu daanfie barasu nso n bo bu wo Kanana asien n su ni, na wo fa bu asien n ama Yisarelifom ka bu fa yo bu tienggu dee. ²⁰ Ahin n kere yoori so ko juuri afo yaa nna ni afo aburunu wo. Nyini sin, na Nyeme ayi mofom ama bu haari fa ko ju sangha bo i yiiri i noanie kanfo Samuweli maari bu ni. ²¹ Na ba ba ase Samuweli ka bu koro feme wo, na Nyeme ama Soolu bo i ti Kisi wa n ayo bu feme, i fite Benjamin n dee busu nu wo, na wo bita bu ako aju afo aburana. ²² Na Nyeme ayi Soolu femeya n nu, na wo fa Feme Davidi bo i ti Jese wa n ajina i jinaabiri. Na Nyeme adi i nusu daani, i na, 'Yiri Davidi, Jese wa n ti sono bo m ahore atara i a, yiri yo m sa korooa kere a.' ²³ Yiri Feme Davidi dee busu nu ye Nyeme seeri ka Yisarelifom Tiidefo Yesu ni fite n a. ²⁴ Kana Yesu ba ba, Yohane du mo ba kaanri Nyeme jore kereeri Yisarelifom wo, ka bu kaaki bu wo na i bie bu Nyeme nzue. ²⁵ Na sangha bo Yohane ba sukoro ka i wie i juma n ni, na wo se minem n ka, 'Am sunsun ka mini la nma a? Ai, ma mini la sono n bo am nminda i ka i ba n a. Ama, am ti fen. Yiri bo i wo m sin suba ni, m ti kaan mmoo ni bo m dodo i.'

²⁶ M ninbaam, ambere bo am ti Abraham busu nufom ni, ni ambere bo am ti ma Yudafom na am su Nyeme ni, yere ye Nyeme ma ba fa ahin tiide labari n ama ya a. ²⁷ Dama Yerusalemfom ni bu nkpienkpienm kere asi ma Nyeme noanie kanfom dee kadasi n bu, haari ni bo bu kan i bu Numiyi ceen n kere mmoo ni. Ba kaaki asi ma kabo Yesu ti barasu, na ba ma ba kun i. Nyini ma Nyeme noanie kanfom kadasi n ayo yiiwa a. ²⁸ Haari ni bo ba yo anu ma deke n bo i ti na wo yo daka ka bu kun i ni, bu sereeri Gomina Pilato wo, ka i ma bu kun i. ²⁹ Na sangha bo bu yoori sa n kere bo ba kere i Nyeme Jore Kadasi n nu fa ko i nusu jore ni, na ba jura i baka jaanu n su, na ba fa i awura yabue bue fanfunma nu. ³⁰ Ama, na Nyeme atenge i yiwee n nu, ³¹ na wo yi i nu bo i la ma no akere minem kere bo bu suuri i su fiteeri Galili awore n nu koori Yerusalem ni. Bere n bo bu nuuri sam bo bu yoori ni, kisa bere sudi i daani kere ya minem n a. ³² Nyini ti, ya ba ka ya kan labari kpa sam n bo Nyeme seeri ka i fa ma ya nam ni kere am a, ³³ ye i ma noanie n ayo yiiwa ama yere bo ya ti bu busu nufom n a, wo tenge Yesu i yiwee n nu, kabo ba kere i Kansu Jue kereewam n nu, i jue nnyo su ni. Nyeme na,

'Woro ti m Wa a,
nyuma, m kaaki u Si.'

³⁴ Bekun, kabo i tengeeri i yiwee n nu na i kpoo ma fanfunma nu ni, Nyeme akaaki ase ka,

'M fa deke kpa n bo i ti casi na i la anyunuyi n ma u,
yiri ye m seeri ka m fa ma Feme Davidi n a.'

³⁵ Ba kaaki akere i Kansu Jue kereewam n awore be nu, ka,
'A yaki ma na u Amusuisufo Casi n wu kpoo.'

³⁶ Feme Davidi yo yoori Nyeme kun korooa haari na wo ba awu, na ba se i deke bo bu seeri i nam ni, na i nuniembaa n akpoo fanfunma n nu.

³⁷ Ama, yiri n bo Nyeme tengeeri i yiwee n nu ni, wɔ kpɔɔ má. ³⁸ Nyini ti, m ninbaam, m koro ka am si ka yiri Yesu dɛɛ ti ye bu kaanri labari kpa n jɔɛ kereeri am a, ka Nyeme afa am satie ace am. ³⁹ Sɔnɔ kere bo i yoori yiri n yarada, Nyeme afa i mi satie kere ace i. Nɔanie kpamaawa n bo Moyisi fa maari ni, wɔ koro afa má minem satie ace má bu. ⁴⁰ Am si am ɲu sa, adena má sam bo Nyeme nɔanie kanfɔm yo seeri n be tu am.

⁴¹ Bu yo seeri ka,

‘Ambere bo am yo Nyeme anzasi ni, am ti fɛn,

am yo alekutura na am ka ɲgbɛɛn,

dama m suyo juma be am dɛɛ sanɲa nu,

haari má be kan kereeri am, am dé má i.’ ”

⁴² Na sanɲa bo Pɔɔlu ni Banabasi sufite tientienbunɔɔ sɔɔ n nu ni, na minem n asere bu ka bu kaaki bra ɲumiyi cɛɛn n bo i suba ni, na bu ba kan nyini jɔɛm bo ba kan akere bu ni, na bu tí bekun. ⁴³ Sanɲa bo minem ni ba sandiiri tientienbunɔɔ sɔɔ n ni, na Yudafɔm nbem, ní bo bu ti má Yudafɔm na ba kaaki bu woowa na bu su Yudafɔm atin n su ni, na bu dɔɲgu asu Pɔɔlu ni Banabasi su. Na Pɔɔlu ni Banabasi atu bu fɔ, ka má bu kaaki bu sin bo sakpa n bo Nyeme ayo ama bu ni. ⁴⁴ ɲumiyi cɛɛn n ba juuri ni, na minem n dɔɲgu bo bu wo miɛ n nu n aba atien bu nɔɔ tientienbunɔɔ sɔɔ n nu na bu ti Nyeme jɔɛ ni. ⁴⁵ Sanɲa bo Yudafɔm nkpienkpienm ni ɲuuri jama n sɔ ni, na ba si Pɔɔlu kɔɛ, na bu ni yiri awura akuruwa, na ba kpiɛ i nzukɔ. ⁴⁶ Ama, na Pɔɔlu ni Banabasi ajojɔ ni ahoresi, bu ɲa, “I ti ye ni ka ya du mɔ kan Nyeme nɔanie n kere ambere wɔ ka. Ama, kabo am akete i na am koro má ka am nya ɲɔɔ n bo i la má awieeri ni, ya yáki am wɔ, na ya kó kan kere minem bo bu ti má Yudafɔm ni. ⁴⁷ Dama nɔanie maawa bo Mibiɛ n fa maari ya n lɛɛ. I ɲa,

‘Ma yi u ka a yo wein ma minem bo bu ti má Yudafɔm ni,

adena durunya n nufɔm kere nya tiide.’ ”

⁴⁸ Sanɲa bo minem n bo bu ti má Yudafɔm tiiri ahin nɔanie n sɔ ni, na bu ahore ajo, na ba kansi Mibiɛ n nɔanie ni. Na minem bo Nyeme ayi bu ka bu nya ɲɔɔ n bo i la má awieeri n ayo yarada. ⁴⁹ Na Mibiɛ n nɔanie n asandi abara aye nyini awɔɛ n kere nu. ⁵⁰ Ama, na Yudafɔm nkpienkpienm n awura minem bu sin, bere la nbaram bo bu la wo na bu su Nyeme ni, ni nbiesɔm bo bu wo miɛ n nu na bu se na i bi ni. Na ba kere Pɔɔlu ni Banabasi wuwuruwa, na ba fɔn bu afite bu asien n su. ⁵¹ Na Pɔɔlu ni Banabasi akpɔnkpɔn bu jaa tuturi ago bu ɲu, nyini kere ka ba kete miɛ n nufɔm lɛɛ, na ba kɔ miɛ kpiri be bo bu fere i ka Ikoniom n su. ⁵² Na Yesu susufɔm bo bu wo Antiyoki dɔ ni, bu ahore ajo agaya, na Awiewie Casi n awo bu dɔ.

14

Kabo Pɔɔlu ni Banabasi kɔɔri Ikoniom miɛ kpiri n nu ni

¹ Pɔɔlu ni Banabasi kɔ juuri Ikoniom miɛ kpiri n nu ni, bu kaaki yoori sɔ bekun, na ba wura bu tientienbunɔɔ sɔɔ n nu, na ba kan Nyeme jɔɛ n ni anyumboro haari na mine beberebe ayo yarada, Yudafɔm, ni bo bu ti má Yudafɔm n kere. ² Ama, na Yudafɔm nbem bo bu yo má yarada n awura minem bo bu ti má Yudafɔm bu sin akpura bu ni yaradayofɔm n tii. ³ Na Pɔɔlu ni Banabasi awo dɔ ayo lennyɔ. Na bu sujɔjɔ Mibiɛ n jɔɛ ni ahoresi, na Mibiɛ n ama bu fanɲa, na wɔ ma bu atin na ba yo alekutura sa barasu barasum, adena mine ɲu bu na bu si ka i ti nahɔɛ wɔ. ⁴ Na kpakpaakinu aba miɛ n nufɔm dɔ, na nbem ajina Yudafɔm n sin, na nbem gusu ajina Yesu jaramasam n sin.

⁵ Na bo bu ti má Yudafom ni, ni Yudafom ni, fa sanja ni bu mofom n afa sesesu atara kabo bu yo Yesu jaramasam ni tie, na bu tu bu yabue. ⁶ Na Yesu jaramasam n afa nu fa ko kabo bu koro ka bu yo ni, na ba nmati ako mie kpiri nbem bo bu fere bu ka Lisitira ni Derebi n su. Bu wo Likawoniya awore n nu wo, na bu nya nati subara ye aheme ahemem. ⁷ Do na ba kan labari kpa n akere minem.

Kabo Poolu ni Banabasi ko woori Lisitira mie kpiri n nu jore ni

⁸ Sono be woori Lisitira mie kpiri n nu, i jaa awu, kabo bu wuuri i ni, i ti wobuka a, wo nati ma. ⁹ Na wo tana aso i sui ati kabo Poolu sujoko ni. Na Poolu afa i nyumbaa akpama i nu, na wo fa nu ka sono n ayo yarada, ka i koro tuntun i na i nya lafie. ¹⁰ Na wo tien kpa ase i ka, "Yasu jina cencen." Na sono n ayasu kungerekun awarakpin sunati bara ye. ¹¹ Sanja bo jama n nuuri sa n bo Poolu ayo i so ni, na ba tien kpa Likawoniya anie n nu, bu na, "Ya nyemem akaaki ka adamandem wo, ye ba jura aba ya do a." ¹² Na ba fere Banabasi duma ka Ziyosi, bu amoe kpiri duma lee, na ba fere Poolu ka Heremesi, dama yiri ti amoe n cem a. ¹³ Na amoe n bo bu fere i ka Ziyosi n so jina mie n aheme, na amoe n fo n ni mie n nufom anyondi tooram ni baka pum afa aba mie n ano nu ka bu fa yo tie ma Poolu ni Banabasi. ¹⁴ Sanja bo Poolu ni Banabasi tiiri kabo minem koro ka bu yo ni, na bu ahore asaaki na yaa ati bu, nyini ti, na ba cin ason bu sutura bo bu wura i, na ba nmati awura jama n afien sutien bu nu, ¹⁵ bu na, "Njam o e, nzu ti ye am suyo so a? Yere mmoo ni ya tii, ti adamandem kabo am ti n wo. Ya ba ka ya kan labari kpa n kere am wo, na am yaki nyini deke ngbeenm ni, na am su Nyeme bo i wo bere sanja kere ni. Yiri yiiri angoro, ni asienngu, ni tieku n ni dekem kere bo bu wo nu n a. ¹⁶ Dawa sanja ni, yiri Nyeme yo maari atin wo ka daanfie kere yo kabo i koro. ¹⁷ Ama, haari ni nyini n kere, sanja kere i yo sakpa ma am wo, i ma nzue to ma am wo, na am alembaa bo am do bu n yo nyunyumi, na am di, na am kunnu yi, na i ma am ahorejo. Nyini kere kere am ka i wo bere a." ¹⁸ Haari ni nyini jooowa n kere n mmoo ni, i yoori kekereke maari Poolu ni Banabasi ye bu koro kandaari jama n ye ba yo ma tie ama bu n a.

¹⁹ Na Yudafo nbem afite Antiyoki ni Ikoniom mie kpirim n nu aba Lisitira, na ba ma minem ade bu noanie, na ba tutu Poolu yabue, bu sunsun ka wo wu wo, na ba cin i afite mie n nu. ²⁰ Ama, na Yesu susufom n atien bu noo abara aye i, na wo yasu, na wo kpie i nyi awura mie n nu. Na alecin fofore, na yiri ni Banabasi afite do, na ba ko Derebi mie kpiri n nu.

Kabo Poolu ni Banabasi kaaki koori Siriya dee Antiyoki n su ni

²¹ Na Poolu ni Banabasi akan labari kpa n Derebi mie kpiri n nu, na ba nya susufom beberebe do. Na ba kpie bu nyi ako Lisitira, ni Ikoniom mie kpirim n nu, na ba nya ako Antiyoki mie kpiri n bo i wo Pisidiya awore n nu ni. ²² Na ba se yaradayofom ni ka, bu ma bu yarada n yo biiwa, na ba ma bu ahoresi. Na ba se bu ka, "Wo yo daka ka bu kere ya wuwuruwa beberebe ka, na ya nya koro wura Nyeme femeya n nu." ²³ Mie kere bo bu woori su, bu yi nkpienkpienm wo Kristo jama n nu, na bu cici bu noo, na bu sere Nyeme, na bu fa bu wura yiri Mibie n bo ba yo i yarada n saa nu ka i nie bu dika. ²⁴ Bu fite do ni, na ba fa Pisidiya awore n nu ako atie Pamfiliya dee awore n nu. ²⁵ Do na ba kan Nyeme jore Perega mie kpiri n nu, na ba nya ako Ataliya mie kpiri n nu, ²⁶ na ba fa lee bambaka afite do akpie bu nyi akaaki ako Antiyoki mie kpiri n bo i wo Siriya awore n nu. Do ye bu du mo sereeri Nyeme maari bu ka bu di i ahorma fa ko nyini

juma n bo kisa ba yo i awie ni. ²⁷ Sanga bo bu ko juuri Antiyoki ni, na ba tien Kristo jama n nɔɔ, na ba kan sam n bo Nyeme ayo bu ni, ni kabo wo teke atin ama bo bu ti ma Yudafom na ba yo yarada barasu ni. ²⁸ Na ba wo yaradayofom n do mie n nu ace.

15

Kabo Kristo jama n tiɛnri bu nɔɔ Yerusalem ciciri su ni

¹ To, na mine nbem afite Yudiya awore n nu aba Antiyoki mie kpiri n nu, na bu sukere yaradayofom ni bu dee kereewam. Bu na, "Ma ka ba wura am kenkenne kabo Moyisi yo kereeri ni, am koro nya ma tiide." ² Na Poolu, ni Banabasi, ni bere ase akuruwa nyannyan fa ko nyini jore n bu su. Nyini ti, na ba fa sese su ka Poolu, ni Banabasi, ni yaradayofom nbem bo bu wo Antiyoki ni, ka bu ko Yerusalem mie kpiri n nu na bu ko bisa Yesu jaramasam ni, ni Kristo jama nkpienkpienm n nyini jore ni.

³ Na Kristo jama n akaari bu na ba ko. Bu wo ko su ni, na ba fa Fonisiya, ni Samariya aworem n nu, na ba kan akere dofom kabo minem bo bu ti ma Yudafom n ayo Nyeme yarada barasu ni, na nyini labari n ama yaradayofom n ahore ajo ako asin su. ⁴ Sanga bo bu ko juuri Yerusalem ni, na Kristo jama ni, ni Yesu jaramasam, ni nkpienkpienm n ade bu ni bu saa nnyo, na ba kan akere bu fa ko deke n kere bo Nyeme ma ba koro ayo i ni. ⁵ Ama, na yaradayofom nbem bo bu su Farasifom atin n su n ayasu ajina, ase ka, "Wo yo daka ka minem bo bu ti ma Yudafom na ba yo Yesu yarada n awura kenkenne ka, na bu nya ma bu nɔɔ ka bu su Nyeme noanie kpamaawa n bo i fa maari Moyisi n su." ⁶ Na Yesu jaramasam ni nkpienkpienm ni, atien bu nɔɔ, na bu kpokpo jore n nu nyunyumi. ⁷ Na ba se nyini jore n akuruwa bu nɔɔ nu ace, na Petoro ayasu ajina, na wo se bu ka, "M ninbaam, am si ka mini ye Nyeme du mo yiiri m fiteeri am nu, ka m ma minem bo bu ti ma Yudafom n ti labari kpa ni, adena bu yo yarada. ⁸ Na Nyeme bo i si kabo adamande ahorembaa ti barasu ni, akere ka ba yo yarada nahore su, dama wo fa i Awiewie Casi n ama bu, kabo i yo fa maari yere mmoo ni. ⁹ Nyeme do, yere ni bere la ma kpakpaakinu lee, dama yarada n bo ba yo i n dee ti, wo nmisi ayi satie kere bo i wo bu ahore su ni. ¹⁰ Kisa, nzu ti ye am koro ka am yo Nyeme na am nie a, ye am suso yaradayofom soori bo ya nam, ni yere ni ya tii akoro aso ma i a? ¹¹ Ai. Yere ayo yarada ka ya Mibie Yesu ahorama n dee ti, ye ya nya tiide a, nyini ma bere gusu nya tiide a."

¹² Na minem kere ato amuna, na bu ti kabo Banabasi ni Poolu sukan kere bu fa ko alekutura sa barasu barasum bo Nyeme ma bu koro yo maari minem bo bu ti ma Yudafom ni. ¹³ Sanga bo bu jajo wieeri ni, na Yakobo gusu ayasu ajajo. I na, "M ninbaam, am ti fen. ¹⁴ Simon atenge ya su kabo Nyeme ni i tii adu mo akere ka i cee wo minem bo bu ti ma Yudafom nu ni, ni kabo wo yi bu nbem afa bu ayo i dee minem ni. ¹⁵ Nyeme noanie kanfom dee noanie n bo bu yo seeri n ni ahinm n kere ti kun wo, dama bu kereeri ka, ¹⁶ Micera n na,

'Nyini sin, m kaaki ba ye Feme Davidi awuru n bo wo to n su,
na m ta i bonfo ni, na m yo i dongu.

¹⁷ Adena daanfem n bo ba ka n kere ba kpini Mibie busu,
bere la minem bo bu ti ma Yudafom
na ma fere bu ka bu ti m deem ni.

Micera ni seeri so a,

¹⁸ yiri bo i yo seeri dada kere ka i yo i ni.' "

19 Na Yakobo akaaki ase bu ka, “Mini dɛɛ sunsunni la ka, minɛm bo bu ti má Yudafɔm na bu suba Nyɛmɛ dɔ ni, wɔ yo má daka ka ya miɛ bu. 20 Ama, i ti ye ni ka ya kɛrɛ kadasi ma bu, na ya se bu ka, má bu di tiɛ niɛ, na má bu yo sakaraya, na má bu di niɛ bo ba kpɛ má i kɔm, na má bu di niɛ mbunja. 21 Dama ba du mɔ akan Moyisi nɔaniɛ kpamaawa n jɔrɛ ya nam sanɔa, haari ni nyuma bu toko kan i kadasi miɛ n kɛrɛ su wɔ, na bu sukan i na sɔnɔ kɛrɛ ti bu tientienbunɔɔ sɔm nu Njumiyi cɛɛn kɛrɛ.”

Kabo bu kɛrɛeri kadasi maari Antiyokifɔm ni

22 Dɔ na Yesu jaramasam ni, ni nkpienkpiɛnm ni, ni Kristo jama n kɛrɛ afa sɛsɛsu asoro su ka bu yi bu nu nbem, na bu sunma bu ni Pɔɔlu, ni Banabasi Antiyoki miɛ kpɛri n nu, bɛrɛ la Yudasi bo bu fere i ka Basabasi ni, ni Silasi. Nyini minɛ nnyɔm kɛrɛ ti Kristo jama n mɔfɔm wɔ. 23 Na ba kɛrɛ kadasi ama bu ka bu fa kɔ. Kɛrɛewa n la ka,

“Yɛrɛ am ninbaam, ni Kristo jaramasam, ni nkpienkpiɛnm ni subisa am dɔngɔ, ambɛrɛ bo am ti má Yudafɔm na am wo Antiyoki ni, ni bo bu wo Siriya ni Silisiya dɛɛ awɔrɛm nu ni. 24 Ya ti ka ya nbem afite ya nu fɛn aba am dɔ, aba akan jɔrɛ nbem akere am bo wɔ miɛ am, na wo yo am sunsunni agaya. Yɛrɛ ni ya tii asunma má bu. 25 Nyini ti, ye ya kɛrɛ atana asɛsɛ su, asoro su ayi minɛm asunma bu ni ya danfɔ kpam Banabasi ni Pɔɔlu am dɔ. 26 Bɛrɛ ye ba fa bu ŋɔɔ ama ya Mibiɛ Yesu Kristo dɛɛ ti n a. 27 Nyini ti, ya súsunma Yudasi ni Silasi am dɔ, na bɛrɛ ni bu tii bá teke bu nɔɔ, na bu kán jɔrɛ kɛrɛ bo i wo kadasi n nu kɛrɛ am. 28 Kabo ya ni Awɛwɛ Casi n dɛɛ ayo kun, na ya soro su lɛɛ, ka ya sɔ má am sɔɔri nɔnɔɔri be, sin ahin dekɛm bo wɔ yo daka ka am yo bu ni. 29 Má am di tiɛ niɛ, má am di niɛ mbunja, má am di niɛ bo ba kpɛ má i kɔm, na má am yo sakaraya. Nzen am tara am ŋu na am ayo má ahin sam ni, i yó kpa ma am. Tɔ, ya ka sanɔa lɛɛ.”

30 Na minɛm bo bu sunmaari bu n akɔ aju Antiyoki. Bu kɔ juuri ni, na ba nya atien yaradayɔfɔm kɛrɛ nɔɔ, na ba fa kadasi n ama bu. 31 Sanɔa bo bu kaanri kadasi n wieeri ni, na bu ahore ajɔ, na wɔ kaaki ama bu ahoresi. 32 Na Yudasi, ni Silasi bo bɛrɛ ni bu tii ti Nyɛmɛ nɔaniɛ kanfɔm ni, akan Nyɛmɛ jɔrɛ beberebe akere bu, na bu ahore asi, na wɔ buka bu fanɔa. 33 Na ba wo dɔ aɛɛ, na yaradayɔfɔm n akaari bu ni ahoreda, na ba kpɛ bu nyi akɔ bɛrɛ n bo bu sunmaari bu n dɔ. [34 Ama, Silasi ase ka i ka bu dɔ.] 35 Ama, na Pɔɔlu ni Banabasi aka Antiyoki, na bu ni bu bɛngu dɔngɔ akan na ba kɛrɛ minɛm Mibiɛ n nɔaniɛ ni.

Kabo Pɔɔlu ni Banabasi kpaaki yakiiri bu bɛngu ni

36 Tɔ, fa kɔ sanɔa su, na Pɔɔlu ase Banabasi ka, “Ma ya kpɛ ya nyi kɔ miɛm kɛrɛ bo ya kaanri Mibiɛ n jɔrɛ kɛrɛeri bu n su, na ya kɔ niɛ kabo ya ninbaam ti barasu.” 37 Má Banabasi koro ka bu fa Yohane bo bu kaaki fere i ka Marako n na bu kɛrɛ kɔ ɔ, 38 ama, na Pɔɔlu akete ka i sú má bu su, dama sanɔa bo bu wo Pamfliya awɔrɛ n nu ni, i ŋmati yakiiri bu wɔ, wɔ su má bu su abuka má bu ni juma ni. 39 Dɔ na akuruwa bambaka aba bu afien, na ba kpaaki ayaki bu bɛngu, na Banabasi afa Marako abuka i ŋu su, na ba fa lee bambaka akɔ Sipurusi asien n su, 40 na Pɔɔlu gusu afa Silasi ka i su i su, na yaradayɔfɔm n atien bu nɔɔ asere Nyɛmɛ ama bu, ka bu di Mibiɛ n ahɔrɔma. 41 Na wɔ kɔ abara aye Siriya, ni Silisiya awɔrɛm n nu, na wɔ ma Kristo jama n ahoresi.

16

Kabo Timoti, ni Pɔɔlu, ni Silasi nati yoori juma ni

¹ Na Pɔɔlu anati haari na wɔ kɔ aju Dɛrɛbi, ni Lisitira miɛ kpirim n nu, sɔnɔ be woori dɔ, i ti Kristo susufɔ ɔ, bu fere i ka Timoti. I ni ti Yudafɔ bara bo wɔ yo Kristo yarada wɔ, ama, na i si ti Girikifɔ. ² Na yaradayofɔm bo bu woori Lisitira ni Ikoniom miɛ kpirim n nu n kɛrɛ ase ka Timoti ti sɔnɔ kpa a. ³ Pɔɔlu koroori ka i fa Timoti buka i ɲu su wɔ, na bu sunati, na wɔ wura i kenkennɛ. Má deke be dɛɛ ti a, ama, Yudafɔm bo bu woori dɔ n dɛɛ ti, dama bu kɛrɛ si ka Timoti si ti Girikifɔ ɔ. ⁴ Na ba nati miɛ miɛm su, na ba kan akere yaradayofɔm fa kɔ jɔrɛ n kɛrɛ bo Yesu jaramasam, ni nkpienkpiɛnm bo bu wo Yɛrusalem miɛ kpiri n nu n asɛsɛ su asoro su ka bu yo i n su. Na ba se bu ka bu su nyini atinm su nyunyumi. ⁵ Nyini ti, na Kristo jamam n anya faɲga, na bu yarada ayo biiwa abuka su, na bu sunya minɛm subuka su ale kɛrɛ bo i cin.

Kabo Pɔɔlu ɲuuri sɔnɔ be ka alɛɛ nu dɛɛ su ni

⁶ Na ba fa Firigiya, ni Galatiya dɛɛ awɔrɛ n nu asin, dama Awiewiɛ Casi n ama má bu atin na bu kan Nyɛmɛ jɔrɛ n Esiya dɛɛ awɔrɛ n nu. ⁷ Sanga bo bu kɔ juuri Masiya dɛɛ awɔrɛ awieeri ni, má bu koroori ka bu wura Bitiniya dɛɛ awɔrɛ n nu wɔ, ama, Yesu dɛɛ Awiewiɛ n asoro má bu su ka bu wura dɔ. ⁸ Nyini ti, na ba fa Masiya awɔrɛ n nu, na ba sin akɔ miɛ kpiri be bo bu fere i ka Tɔrasi n nu. ⁹ Nyini cɛɛn n kɔɲgɛ, na Pɔɔlu aɲu deke be ka alɛɛ nu dɛɛ su, ka sɔnɔ be wo Makedoniya awɔrɛ n nu, jina susere i, i ɲa, “Jande, bra Makedoniya fɛn na a ba buka ya.” ¹⁰ Pɔɔlu ɲuuri nyini deke n ka alɛɛ nu n dɛɛ ti, ya kaba yoori siriyaa, na ya kɔ Makedoniya, dama ya si ka Nyɛmɛ ye wɔ se ka ya kɔ dɔ na ya kɔ kan i labari kpa n jɔrɛ kere minɛm n bo bu wo dɔ n a.

Kabo Lidiya yoori Yesu yarada ni

¹¹ Na ya fa lee bambaka afite Tɔrasi miɛ kpiri n nu akpiɛ akɔ aju miɛ be bo i wo lui bambaka be su, bu fere nyini lui n ka Samotarase. I alecin fɔfɔrɛ na ya kɔ aju miɛ kpiri n bo bu fere i ka Nɛpɔlisi n su. ¹² Na ya fite bɛrɛ akɔ miɛ kpiri be bo bu fere i ka Filipiya n su, yiri ti Makedoniya awɔrɛ n nyini bue n miɛm kɛrɛ tii a. Romafɔm niɛ i su a. Na ya yo lennyɔ dɔ. ¹³ Na ɲumiya cɛɛn ni, na ya fite miɛ n nu akɔ kunma nu, dɔ ye ya sunsun ka ya kɔ ɲu ka deke bo Yudafɔm n tien bu nɔɔ sere Nyɛmɛ a. Na ya tana, na ya ni nbaram bo ba tien bu nɔɔ n abo anzama. ¹⁴ Bara be woori bu nu, bu fere i ka Lidiya, i fite miɛ kpiri be bo bu fere i ka Tiyatira n su wɔ, i tɔ sanvuin kpakpam bo i la gɔ, i ti bara bo i su Nyɛmɛ wɔ, na Nyɛmɛ ateke i sunsunni, na wɔ so i sui nyunyumi, na wɔ ti kabo Pɔɔlu suse ni. ¹⁵ Na ba biɛ i ni i dikafɔm kɛrɛ Nyɛmɛ nzue, na wɔ sere ya jande ka, “Nzɛn am asoro su ka ma yo Mibiɛ n yarada nahɔrɛ su, am ba wo m dika.” I yoori ya awaraye n dɛɛ ti, na ya soro su.

Kabo bu nyiiri Pɔɔlu ni Silasi dansaraka nu ni

¹⁶ Cɛɛn n be sɔ ɔ, ya sukɔ deke bo Yudafɔm n tien bu nɔɔ sere Nyɛmɛ ni, na ya ni sunguru be ayɛ, i ti afani wɔ, ajini wo i ɲu, na i nati yi munzue. Nyini dɛɛ ti, na i tofɔm anya ɲwaa beberebe afite i munzue yi n nu. ¹⁷ Na i nati susu ya ni Pɔɔlu su, na i sutien suse ka, “Ahin minɛm ti Nyɛmɛ Kpiri n dɛɛ amususufɔm wɔ. Bɛrɛ kere am kabo am yo na am nya tiide a.” ¹⁸ I nati yoori sɔ ɔ, cɛɛn n kɛrɛ cɛɛn, haari na yaa aba ati Pɔɔlu, na wɔ kaaki anie i, na wɔ tien ajini n bo i wo sunguru n ɲu n na wɔ se i ka, “Yesu Kristo dɛɛ duma n dɛɛ yiko nu, fite yaki i.” Kpɛnga, na ajini n afite ayaki i.

¹⁹ Tɔ, sanɔa bo afani n tofɔm ɲuuri ka bu koro nya má ɲwaa fite má i n dɔ kun ni, na ba tara Pɔɔlu ni Silasi, na ba cin bu akɔ miɛ n kunnu afa bu awura yikofɔm saa nu. ²⁰ Bu faari bu kɔ juuri jɔredifɔm nkpienkpienm dɔ, na ba se ka, “Ahin minem ni ti Yudafɔm wɔ, na bu nati sukpini jɔre ya miɛ n nu. ²¹ Bu nati sukere sayoowam bo ya dɛɛ nɔaniɛ kpamaawa atin n su, wɔ yo má daka ka ya de bu, wara ya su bu su, dama ya ti Romafɔm wɔ.”

²² Na jama n kɛrɛ atɔ Pɔɔlu ni Silasi ɲu ni jɔre ɲgbɛɛnɲgbɛɛn. Na jɔredifɔ nkpienkpienm ama ba yi Pɔɔlu ni Silasi suturam, na ba ma nɔɔ ka bu fin bu ɲgbere. ²³ Nyini dɛɛ ti, na ba bo bu nyunyumi, na ba kɔ anyi bu dansaraka, na ba ma dansaraka niɛfɔ n nɔɔ ka i tu anɔ n na i niɛ bu dika nyunyumi. ²⁴ Dansaraka niɛfɔ n deerɛ nyini nɔaniɛ n wieeri sɔ ni, na wɔ fa bu akɔ awura dansaraka n sɔɔ n bo i wo mɔ n nu, na wɔ bo bu tobarim.

²⁵ Na fa kɔ kɔɲɔgɛ jinanjin sanɔa, na Pɔɔlu ni Silasi susere Nyemɛ, na bu sudi jue kansɪ i, na bu benɲu dansarakam ni suso bu sui suti. ²⁶ Jina n nu bɛrɛ, na asien n akpisi agaya, haari na dansaraka sɔɔ n jaafa bo bu fa boori i bu n kɛrɛ akpisi, na anɔm n kɛrɛ ateke, na tobari n kɛrɛ n bo bu fa boori bu n akporo atɔtɔ. ²⁷ Na dansaraka niɛfɔ n abo nu ayasu, na wɔ ɲu ka dansaraka sɔɔ anɔm n kɛrɛ ateke, i sunsun ka dansarakam kɛrɛ anmati asandi wɔ, nyini ti, na wɔ cin awɔrɔ i takobe ka i kun i ɲu wɔ. ²⁸ Ama, na Pɔɔlu atien kpa ase ka, “Má a ma u ɲu mandim. Ya kɛrɛ wo fɛn.” ²⁹ Na dansaraka niɛfɔ n afere ka bu fa sin bra, na wɔ bereki awura Pɔɔlu ni Silasi sɔɔ n nu, na sɛrɛ ati i, na i ɲuniɛ subobo i, na wɔ kɔ akutu bu jaa bu. ³⁰ Dɔ na wɔ fa bu afite, na wɔ bisa bu ka, “M mibiɛm, m yo sɛ ye m nya tiide a?” ³¹ Na ba bo i nu ka, “Yo Mibiɛ Yesu yarada, na a nyá tiide, wɔrɔ ni u dikafɔm kɛrɛ.” ³² Na ba kan Mibiɛ n nɔaniɛ n akere i, i ni bo bu wo i dika n kɛrɛ. ³³ Nyini cɛɛn n kɔɲɔgɛ n kɛrɛ, na dansaraka niɛfɔ n afa Pɔɔlu ni Silasi akɔ, na wɔ kɔ anmisi bu kani n kɛrɛ, na ba kaba abie yiri ni i dikafɔm kɛrɛ Nyemɛ nzue. ³⁴ Dɔ na wɔ fa bu akɔ i dika, na wɔ ma bu diire, na ba di. Na yiri ni i dikafɔm kɛrɛ ahore aɲɔ agaya ka ba yo Nyemɛ yarada n dɛɛ ti.

³⁵ Alecin ɲgarama, na jɔredifɔm n asunma npulisim ka bu kɔ se dansaraka niɛfɔ n ka i yaki nyini minem nu ji na bu kɔ. ³⁶ Nyini ti, na dansaraka niɛfɔ n asere Pɔɔlu ka, “Jɔredifɔm n ama nɔɔ ka ya yaki am na am kɔ. Nyini ti, am kɔ ni ahoreda.” ³⁷ Ama, na Pɔɔlu ase npulisim ni ka, “Haari ni bo ya ti Romafɔm ni, ba di má ya jɔre anɲu má ya ɲgasi be, na ba bo ya jama n kɛrɛ nyunu, na ba nyi ya dansaraka. Ye kisa bu sukoro ka bu fie yi ya ji benle, nzen sɛ? Nyini koro yo má, má ka bɛrɛ ni bu tii aba na bu ba yi ya ji.” ³⁸ Na npulisim n akɔ ase jɔredifɔm ni. Bu tiiri ka Pɔɔlu ni Silasi ti Romafɔm ni, na sɛrɛ ati bu. ³⁹ Nyini ti, na ba ba atara Pɔɔlu ni Silasi jaa, na ba nya ayi bu afite dansaraka n nu, na ba sere bu jande ka bu fite miɛ n nu. ⁴⁰ Na ba fite dansaraka sɔɔ n nu, na ba kaaki akɔ Lidiya dika, na ba kɔ anɲu yaradayofɔm ni, na ba ma bu ahoresi, na ba nya afite miɛ n nu akɔ.

17

Kabo Pɔɔlu kɔɔri Tesalonika miɛ kpiri n nu ni

¹ Na Pɔɔlu ni Silasi afa asin Amfipolisi, ni Apoloniya miɛ kpirim su, na ba kɔ aɲu Tesalonika miɛ kpiri n nu. Yudafɔm tientienbunɔɔ sɔɔ wo dɔ. ² Nyini ti, kabo i nati yo ni, na Pɔɔlu awura bu tientienbunɔɔ sɔɔ n nu akɔ aɲu ɲumiya cɛɛn nsan, na i ni bɛrɛ subo anzama fa kɔ Nyemɛ Jɔrɛ Kadasi n su, ³ na i sukan, na i suyi i bu kere bu, kabo wɔ yo daka ka Kristo Tiidefɔ n

ba di wahara na i tenge i yiwee nu ni. Na wɔ se bu ka, “Yiri Kristo Tiidefɔ n la Yesu n bo m kan i jɔrɛ kere am ni.” ⁴ Na Yudafɔm nbem ade jɔrɛ n bo Pɔɔlu kaanri i ni, ni Girikifɔm beberebe bo bu su Nyemɛ ni, ni nbaram beberebe bo bu la anyunuyi ni, na bu kɛrɛ afa bu ɲu amata Pɔɔlu ni Silasi. ⁵ Ama, na Yudafɔm n asi bu kɔrɛ agaya, na ba fere minem ɲgbɛɛnɲgbɛɛn nbem bo bu la má kperɛ na bu nati tana gɔɔsu ni, na ba tien jama dɔɲgu nɔɔ. Na ba kpisi miɛ ni, na ba kɔ sɔnɔ be bo bu fere i ka Jason n dika, ako ajina i dika anɔ nu, deke bo Pɔɔlu ni Silasi wo ni, na bu sutientien ka i yi bu ma bu na bu fa bu kɔ jama n nu. ⁶ Ama, bu kɔ niɛniɛeri na ba ɲu má bu ni, na ba tara Jason ni yaradayofɔ nbem acin bu afa bu ako miɛ n nu yikofɔm dɔ, na bu sutien suse ka, “Ahin minem n bo ba saaki durunya n abara aye ni, aba ya miɛ n nu fɛn, ⁷ haari Jason ade bu awura i dika. Ba kete Romafɔm femɛ kpiri n nɔaniɛ n bo wɔ fa ama ka ya su i su ni, bu ɲa femɛ be wo bɛrɛ bekun, bo bu fere i ka Yesu.” ⁸ Bu seeri sɔ ni, na wɔ ye yikofɔm ni jama n ahore su. ⁹ Na yikofɔm n akpiɛ Jason ni i bengum kɔbuka, na ba tɔ kaari, na ba nya ayaki bu aji.

Kabo Pɔɔlu woori Beriya miɛ kpiri n nu ni

¹⁰ Nyini cɛɛn n kɔɲgue n kɛrɛ, na yaradayofɔm n ase Pɔɔlu ni Silasi atin nu ako aju miɛ kpiri be bo bu fere i ka Beriya n su. Bu kɔ juuri dɔ n na ba kɔ awura Yudafɔm tientienbunɔɔ sɔɔ n nu. ¹¹ Dɔ dɛɛ Yudafɔm joko n ti kpa tara bɛrɛ n bo bu wo Tesalonika miɛ kpiri n nu ni. Bu soori bu sui wɔ ni nahɔrɛ su, na ba ti kereewa n bo bu kere bu ni, na ale kɛrɛ bo i cin, bɛrɛ ni bu tii kan Nyemɛ Jɔrɛ Kadasi n wɔ, na bu niɛ ka, deke n bo Pɔɔlu sukere bu n ti nahɔrɛ wɔ, nzen i ti má nahɔrɛ. ¹² Na Yudafɔm ni dɔɲgu ayo yarada, fa sanɲa ni Girikifɔm beberebe, nbaram bo bu la anyunuyi n ni nbiesɔm. ¹³ Ama, sanɲa bo Yudafɔm bo bu wo Tesalonika n tiiri ka Pɔɔlu ako akan Nyemɛ jɔrɛ Beriya dɔ gusu ni, na ba ba dɔ aba awura minem bu sin, na ba ye bu yaa su. ¹⁴ Kpenɲa na yaradayofɔm n ayo ndende afa Pɔɔlu ako ase haari tieku n nɔɔ su, ama, na Silasi ni Timoti yiri aka Beriya dɔ. ¹⁵ Na minem n bo bu seeri Pɔɔlu atin nu ni, afa i ako aju haari miɛ kpiri be bo bu fere i ka Atensi n su. Bu kpieeri bu nyi sukɔ ni, na Pɔɔlu akaari bu ka bu kɔ se Silasi ni Timoti ka bu bra na bu ba tu i dɔ ndende.

Kabo Pɔɔlu kɔɔri Atensi miɛ kpiri n nu ni

¹⁶ Sanɲa bo Pɔɔlu wo Atensi miɛ kpiri n nu sunminda Silasi ni Timoti ni, na i ahore asaaki agaya kabo i ɲuuri ka amɔɛm asunnu miɛ n nu ni. ¹⁷ Nyini dɛɛ ti, na wɔ kɔ awura Yudafɔm tientienbunɔɔ sɔɔ n nu, na i ni bɛrɛ, ni minem bo bu ti má Yudafɔm na bu su Nyemɛ ni, subo anzama. Na i sukɔ gɔɔsu cɛɛn n kɛrɛ cɛɛn, na i sukan kere minem bo bu wo dɔ ni. ¹⁸ Sifɔm asɛsɛ nbem wo miɛ n nu, bu fere bu kun ka Epikurifɔm, na bu fere nyiɲga n ka Sitɔwafɔm, na bu suse akuruwa ni Pɔɔlu, na bu nbem abisa ka, “Ye ahin jɔrɛ beberebefɔ n ɲa sɛ wɔ lɛɛ?” Na bu nbem abɔ nu ka, “I jɔjɔ fa kɔ amɔɛ fɔfɔrɛ nbem jɔrɛ wɔ.” Deke bo i ti na bu seeri sɔ n la ka, Pɔɔlu sukan Yesu ni yiwee tenge n su jɔrɛ wɔ. ¹⁹ Na ba fa Pɔɔlu ako awɔrɛ be bo bu fere i ka Aropagɔsi na bu tien bu nɔɔ di jɔrɛ n nu. Na ba se i ka, “A koro kere ya na ya ti ahin kereewa fɔfɔrɛ n bo a sufa kere n bu? ²⁰ Ahin kereewa n bo a sukere i ni, ya si má i, ya koro ka a ma ya ti i bu wɔ.” ²¹ Dama Atensifɔm ni wɔfɔm bo bu wo miɛ n nu n dɛɛ la ka, sanɲa kɛrɛ bu sukan na bu suti kereewa fɔfɔrɛm wɔ.

²² Na Pɔɔlu ayasu ajina miɛ n nu tereterefɔm n afien, na wɔ se ka, “Ma ɲu kabo ambɛrɛ Atensifɔm su amɔɛm na am yo munzue sam ni anyumboro.

²³ Dama kabo m nati bara ye niε yi kōresi ni, ma ηu dekem bo am su bu ni, na ma ηu bimbindi be bo am akere su ka, ‘Nyeme n bo ya si má i n dε woobiri lεε.’ Tō, yiri n bo am su i na am si má i ni, yiri ye m kan i jōre kere am a. ²⁴ Nyeme bo i yiiri durunya n ni deke n kere bo i wo nu ni, yiri ti angoro ni asien gu kere Mibiε a, i wura má amōε sōm bo adamande afa i saa ata bu n nu na i da. ²⁵ Sasu bekun, i fun má deke be bo i se adamande ka i yo ma i, dama yiri ni i tii ma adamande ηgōō ni ηumi a, ni deke n kere a. ²⁶ Yiri ma adamande n kere fite sōnō kun busu n nu wō, na wō ma ba tere ade durunya n kere. Na wō nya akpama san ga san ga ama bu kere, na wō kaaki akere bu kabo bu asien nyaari ti. ²⁷ Deke n bo i ti na i yoori sō n la ka, bu bá turingi nienie i busu na beni bu ηú i. Ama, haari ni nyini mmōō ni, i wo má dede ni yere kere be. ²⁸ Dama yiri dεε ti ye ya la ηgōō ye ya wo bere ye ya nati a. Kabo am juedifo nbem gusu ase ni, ka, ‘Yere mmōō ti i nbaam wō.’

²⁹ Nyini dεε ti, kabo ya nya ti Nyeme nbaam ni, má ya sunsun ka i woowa ti ka sika, wara jete, wara yabue nyunyumi, wara deke be bo juma sifom afa bu alecira ayo i. ³⁰ Dawa san ga ni, Nyeme ayo anie má minem fa ko bu sayoowam su, dama bu yo si má. Ama, kisa, wō ma nōō ka sōnō kere bo i wo deke kere kaaki i wo na i yaki i satie. ³¹ Dama wō du mō akpama cεen na wō yi sōnō be ka i bá di durunya n nufom jōre ni nahore. Deke bo i kere ya kere ka i bá yo sō n la bo i tengeeri i yiwee n nu ni.”

³² San ga bo bu tiiri ka Pōolu sukan fa ko yiwee tenge n su n jōre ni, na bu nbem ayo i anzasi. Ama, na bu nbem ase ka, “Ya koro ka a kaaki ba kan ahin jōre n bekun na ya ti.” ³³ Dō na Pōolu ako ayaki bu. ³⁴ Na bu nbem asu i su na ba yo yarada. Bere la Diyonusiyosi, i ti Aropagosifom n nu kun wō, ni bara be bo bu fere i ka Damarisi ni, ni minem nbem.

18

Kabo Pōolu kōori Kōrinto mie kpiri n nu ni

¹ Nyini sin, na Pōolu afite Atensi mie kpiri n nu, na wō ko Kōrinto mie kpiri n nu. ² Na wō ko atu Yudafō sōnō be dō, bu fere i ka Akuyila, i ti Pontusi asien su fō o, i ni i yi, bu fere i ka Pirisila, bu fiteeri Itali asien su baari a, wō nya cε má ye Pōolu ηuuri bu n a, dama Romafom feme kpiri n bo bu fere i ka Kalodisi n ama nōō ka Yudafom kere fite i asien n su. Nyini dεε ti, na Pōolu ako ka i ko niε bu busu, ³ na wō ko aseke bu wōfō, na i ni bere asan ga ayo juma, dama bu kere ti jerekem ni tani wufom wō. ⁴ Na Numiyi cεen kere, i suwura bu tientienbunōō sōō n nu, na i subo anzama ni bere, ni Girikifom kere, adena i kaaki bu sunsunni na bu yo yarada.

⁵ San ga bo Silasi ni Timoti fiteeri Makedoniya awōre n nu ba juuri ni, Pōolu nyunu aboro ni labari kpa n jōre kan su ηgumi wō. Na i sukere Yudafom n ka, Yesu ti Kristo n a, Tiidefō n bo Nyeme ase ka i sūnma i ni. ⁶ Ama, Yudafom n keteeri i nōanie n wō, na ba kpie i nzuko. Nyini dεε ti, na wō kpōnkpōn i sutura wurawura tuturi ago bu ηu, na wō se bu ka, “Amberε, nzen am nya má tiide, i ti am dεε jōre wō, má m dεε. Fite kisa fa ko, m kó minem bo bu ti má Yudafom n dō o lεε.” ⁷ Dō na Pōolu afite tientienbunōō sōō n nu ayaki bu, na wō ko sōnō be dika, i ti má Yudafō, ama, i su Nyeme wō, bu fere i ka, Titosi Jusitosi, i dika n mata tientienbunōō sōō n wō. ⁸ Na sōnō n be bo bu fere i ka Kirisipusi na i ti bu tientienbunōō sōō n kpian n ayo Mibiε n yarada, i ni i dikafom kere, na Kōrintofom dōngu bo bu tiiri labari n bo Pōolu kaanri i ni, na bu kere ayo yarada, na ba bie bu Nyeme nzue.

⁹ Cɛɛn n be kɔŋgue sɔ ɔ, na Mibiɛ n ajojo Pɔɔlu do ka alele nu deɛ su, i ŋa, “Má a soro sere, ama, kɔ su na a sukan labari kpa n kere bu, má a mo u noo, ¹⁰ dama m wo u do. Be koro fa má i saa kan má u na i yo u pui. Nie fen, m la mine beberebe mie n nu fen bo bu ti m deɛ.” ¹¹ Na wo wo bu do ako aju afɔ kun ni kpaaki nu, na i sukere bu Nyeme noanie ni.

¹² To, bu wo bere na sɔno n be bo bu fere i ka Galiyo n aba adi Akaya awɔre n nu gomina. Nyini saŋga n na Yudafɔm kere noo ayo kun, na ba kete Pɔɔlu ŋu na ba fa i ako jɔre diibiri. ¹³ Na ba se ka, “Ahin sɔno ni suboro i nyi sukere minem kereewa bo i wo i ŋgumi ni Nyeme noanie kpamaawa ni.” ¹⁴ Saŋga bo Pɔɔlu tekeeri i noo ka i jojo ni, na Gomina Galiyo ase Yudafɔm ka, “Nzen má i ti ka wo yo satie be, wara wo do ŋgasi be, ye am sujaraki i a, má m ti i bu ma am. ¹⁵ Ama, kabo i nya ti bisaawam fa kɔ noaniem, ni dumam, ni am deɛ noanie kpamaawam n su ni, ambere ni am tii kɔ yo i doŋgu. Mini, m koro di má nyini jɔre ni.” ¹⁶ Na wo ma ba fon ayi bu afite jɔre diibiri sɔo n nu. ¹⁷ Na bu kere akaba ato sɔno n bo bu fere i ka Sositeni n ŋu na bu subo i wo, jɔre diibiri n nyunu bere, yiri ti tientienbunoo sɔo nkpien a. Ama, Gomina Galiyo cɛɛ awo má nyini n be nu.

Kabo Pɔɔlu kpieeri i nyi kɔori Antiyoki mie kpiri n nu ni

¹⁸ Na Pɔɔlu awo Korinto mie kpiri n nu ace, nyini sin na wo kaari yaradayofɔm ni na i ni Pirisila ni Akuyila ako. Bu kɔ juuri mie kpiri n bo bu fere i ka Kenciriya n su ni, na Pɔɔlu ayi i tii do, dama wo du mo atan ndie n deɛ ti. Na ba wura lee bambaka be nu do, i sukɔ Siriya awɔre n nu. ¹⁹ Bu kɔ juuri Efeso mie kpiri n nu ni, na wo yaki Pirisila ni Akuyila do, ama, na yiri ako awura Yudafɔm tientienbunoo sɔo n nu, na i ni bere abo anzama fa kɔ labari kpa n su. ²⁰ Na ba sere i ka i wo bu do lennyo, ama, wo soro má su. ²¹ Na wo sere bu atin na wo kaari bu, na wo se bu ka, “Nzen Nyeme maari m atin, m kpie m nyi ba am do.” Na wo yasu Efeso do, na wo fa lee bambaka ako. ²² Saŋga bo i kɔ juuri Sizariya mie kpiri n nu ni, na wo sin ako Yerusalem mie kpiri n nu ako ayo Kristo jama n anse, na wo nya kɔ Antiyoki mie kpiri n nu. ²³ Na wo yo lennyo do, na wo nya akaaki ayasu do, abara aye mie miem bo bu wo Galatiya, ni Firigiya deɛ awɔrem n nu n kere, na wo ma yaradayofɔm n kere ahoresi.

Kabo Apolosi kɔori Efeso ni Korinto mie kpirim n nu ni

²⁴ Nyini saŋga ni, Yudafɔ sɔno be aba Efeso mie kpiri n nu, bu fere i ka Apolosi, bu wuuri i Alekizanderiya mie kpiri n nu wo. I yo la si fa kɔ Nyeme Jɔre Kadasi n su, na i koro jojo nahore su. ²⁵ Ba du mo akere i kereewam fa kɔ Mibiɛ n deɛ atin su, na i ahore abi na i ŋunie ti nyakanyaka, na i sukan na i kere minem Yesu jɔre nahore su. Ama, i si má nzue bieewa be, má ka Yohane deɛ Nyeme nzue bieewa ni ŋgumi. ²⁶ Na wo bo i bu na i sukan i ni ahoresi Yudafɔm tientienbunoo sɔo n nu. Saŋga bo Pirisila ni Akuyila tiiri i kereewam n sɔ ni, na ba fa i ako awuru, na ba kere i Nyeme atin n su jɔre nyunyumi abuka su. ²⁷ Nyini sin, na Apolosi akoro ka i kɔ Akaya awɔre n nu, na yaradayofɔm ni bo bu wo Efeso n ama i ahoresi, na ba kere kadasi ama bu ninbaam bo bu wo Akaya n ka bu de i wɔfo nyunyumi. Saŋga bo i kɔ juuri do ni, na wo buka minem bo Nyeme deɛ ahɔroma n nu na ba yo yarada ni. ²⁸ Na Yudafɔm seeri akuruwa n deɛ ti, na wo fa Nyeme Jɔre Kadasi n na wo kan ayi bu fieo fieo jama n kere nyunu, ka, Yesu ti Kristo n a, Tiidefo n bo Nyeme ase ka i sunma i ni.

19

Kabo Pɔɔlu kɔɔri Efeso mie kpiri n nu ni

¹ Sanga bo Apolosi toko wo Kɔrinto mie kpiri n nu ni, na Pɔɔlu anati abara aye dɔ dɛɛ ahɛmɛ mie miɛm n kɛrɛ su, haari na wɔ kɔ aju Efeso mie kpiri n nu. Dɔ na wɔ kɔ atu Yesu susufɔ nbem, ² na wɔ bisa bu ka, “Sanga bo am yoori yarada ni, Awiewie Casi n awura am ɲu?” Na ba bɔ i nu ka, “Ai, ya nya ti má ka Awiewie Casi wo bɛrɛ mmɔɔ.” ³ Dɔ na Pɔɔlu abisa bu ka, “Ye nzu Nyɛmɛ nzue ye bu biɛeri am a?” Na ba bɔ i nu ka, “Bu biɛeri ya Yohane dɛɛ nzue biɛɛwa n wɔ.” ⁴ Na Pɔɔlu ase bu ka, “Yohane nzue biɛɛwa n bu la ka, mine kaaki bu wo na bu yaki bu satie wɔ. Na wɔ se minɛm n ka bu yo sɔnɔ n bo i wo i sin suba n yarada, yiri la Yesu.” ⁵ Bu tiiri nyini n sɔ wieeri ni, na ba biɛ bu Nyɛmɛ nzue ya Mibiɛ Yesu n dɛɛ duma nu. ⁶ Na Pɔɔlu afa i saa anana bu ɲu, na Awiewie Casi n awura bu ɲu. Na ba jɔjɔ anie barasu barasu nbem, na ba kan Nyɛmɛ nɔanie akere minɛm. ⁷ Bu kɛrɛ kɔ yasuuri nbiesɔm buru ni nnyɔ ɔ.

⁸ Na wɔ wo dɔ haari sara nsan, na Njumiɛi cɛɛn kɛrɛ, na i suwura bu tientienbunɔɔ sɔɔ n nu, na i sukan kere bu fa kɔ Nyɛmɛ femɛya n su ni ahoresi, na i ni bɛrɛ subo anzama, na wɔ boro i nyi akere bu ka, kabo i kan n ti nahɔrɛ wɔ. ⁹ Ama, na bu nbem afa ahorembaa kekereke, na ba kete ka bu yo má yarada. Na ba jɔjɔ jɔrɛ tie fa kɔ Mibiɛ n dɛɛ atin n su, jama n kɛrɛ nyunu. Nyini ti, na Pɔɔlu ayaki bu, na wɔ fa yaradayofɔm n afite akɔ Tiranusi tientienbunɔɔ sɔɔ bambaka n nu, na i ni bɛrɛ sutien bu nɔɔ subo anzama, fa kɔ Yesu dɛɛ atin n su cɛɛn n kɛrɛ cɛɛn. ¹⁰ Pɔɔlu bitaari i sɔ ɔ, haari afɔ nnyɔ, na minɛm kɛrɛ bo bu wo Esiya dɛɛ awɔrɛ n nu n ati Mibiɛ n nɔanie ni, bo bu ti Yudafɔm, ni bo bu ti má Yudafɔm n kɛrɛ.

Sikeva nbaabiesɔm n jɔrɛ

¹¹ Na Nyɛmɛ ama Pɔɔlu ayo alekutura sam bo bu la má ɲusu. ¹² Haari na sanvuinm ni suturam kɛrɛ bo ba kan i ɲunie, na bu fa kɔ nana tukpakifɔm ɲu, bu nya laifie wɔ, na ajinim fite yaki minɛm bo bu wo bu ɲu ni. ¹³ Na Yudafɔm nbem bo bɛrɛ gusu nati jɛngbe fɔn yi ajinim fite minɛm ɲu ni, aboro bu nyi ka bu fa Yesu duma n fɔn yi ajinim. Bu ɲa, “Yesu n bo Pɔɔlu kan i jɔrɛ n dɛɛ duma nu, ye m se am ka am fite yaki sɔnɔ n a.” ¹⁴ Yudafɔm mine nso nbem nati yo nyini sam n a. Bɛrɛ la Nyɛmɛ sayoowa dɔnguyofɔm n kɛrɛ kpiɛn be bo bu fere i ka Sikeva n dɛɛ nbaabiesɔm ni.

¹⁵ Ama, na ajini n ase bu ka, “M si Yesu, na m kaaki si Pɔɔlu, ama, ye ambere la ɲma n wɔ?” ¹⁶ Na sɔnɔ n bo ajini n wo i ɲu ni, atɔ bu ɲu na wɔ kunma bu kɛrɛ faɲga, na wɔ bo bu na wɔ ma bu mandim, na ba ɲmati afite i dika n nu bu bu ɲgbɛɛn. ¹⁷ Sanga bo Yudafɔm ni minɛm bo bu ti má Yudafɔm na bu wo Efeso mie kpiri n nu n kɛrɛ tiiri nyini sa n sɔ ni, na sere ati bu, na ba kansi Mibiɛ Yesu n duma agaya. ¹⁸ Na mine dɔngɔ bo ba yo yarada n afite ajina, na ba kan bu ɲgasim ni bu satiem kɛrɛ bo ba yo bu n akere jama ni. ¹⁹ Na mine dɔngɔ bo bu nati yo boboyaya juma n afa bu boboyaya kadasim ni, na ba tien bu nɔɔ jama n kɛrɛ nyunu, na ba yara bu kɛrɛ. Kadasim n kɛrɛ bo bu yaraari bu ni, i ɲwaa sunnu agaya, bu buuri i akunta, i kɛrɛ kɔ yasuuri bu dɛɛ jete ɲwaa akpii aburunu wɔ. ²⁰ Nyini n dɛɛ ti, na mine beberebe ati Mibiɛ n nɔanie ni, na wɔ sandi abara ye ni faɲga.

Kabo minɛm tientien yoori naɲmie Efeso mie kpiri n nu ni

²¹ Nyini n kɛrɛ sin, na Pɔɔlu afa sunsunni ka i kɔ Makɛdoniya ni Akaya dɛɛ awɔrɛm n nu, na i nya sin kɔ Yerusalem mie kpiri n nu. Na wɔ se

ka, “Nzen m nya nyuri m natiiri n kere nyaari, wo yo daka ka m kó Roma mie kpiri n nu gusu.” ²² Na wo sunma i bukafó nnyóm ni, bere la Timoti ni Irasitusi ka bu kó Makedoniya, na yiri aka Esiya dee awore n nu, ayo lennyo.

²³ Nyini sangga n ye Mibié n atin n su su n ayo jore agaya Efeso mie kpiri n nu n a. ²⁴ Jete tunmi be yo wo do, bu fere i ka Demetirósi, i fa jete wo, na i fa yo so kan kanm, bu ti ka amoe n bo bu fere i ka Atemisi n wo, na i sufa to ma minem. Na minem bo bu yo nyini juma n anya kperé beberebe afite nu. ²⁵ To, na yiri Demetirósi afere minem bo bu yo nyini juma atien bu noo, na wo se bu ka, “Njam, am si ka ya nya ya dee ajéke kere fite ahin juma n bo ya yo i n nu wo e. ²⁶ Yiri Póolu ni, kisa, am anu i e, am ati kabo wo koro akan ateke mine beberebe nyi ni, má bo bu wo Efeso fen ngumi, ama, ni bo bu wo Esiya dee awore n nu kere, i na amoem bo adamandem yo bu n ti má nyeme ni. ²⁷ Nyini n bo i wo su ni, nzen ya yakiiri na i yó so o, ya juma n bo ya yo i ni, i ká ngbeen wo. Má nyini ngumi, ama, minem fá má ya amoe kpiri Atemisi so n yo má pui, dama yiri Atemisi n ye minem bo bu wo Esiya awore n nu ni durunya n nufom kere su yiri wo. I nya yoori so, Atemisi fún nyini jirima n wo lee.”

²⁸ Jama n tiiri ahin jójóowa n so ni, na yaa ati bu, na ba tien kpa, bu na, “Yere Efesofom dee amoe Atemisi ni, yiri ti yikofó a.” ²⁹ Na mie n abo nu, na minem suyo nanmie. Na jama n akaba ako atara Gayosi ni Arisitakusi, bere bo bu suuri Póolu su fiteeri Makedoniya baari ni. Na ba cin bu ako tientienbunoo fofoe paa n nu. ³⁰ Má Póolu ni i tii koroori ka i ko deke bo jama n atien bu noo n wo, na i jójó bu do, ama, yaradayofom n asoro má i su. ³¹ Haari na nyini awore n nu yikofom bo bu ti i danfom n asunma asere i jande ka má i ko tientienbunoo fofoe n nu. ³² Nyini sangga n kere ni, bu nyunu ata, na jama n sutientien, suyo nanmie, nbem na so, nbem gusu na ahin, ama, bu dongu asi má deke n bo i ti na ba ba atien bu noo ni. ³³ Na Yudafom asun sono be bo bu fere i ka Alekizanda n adu jama n nyunu, nyini dee ti, mine nbem sunsun ka yiri faari nyini sam n kere baari a. Do na wo ye i saa su ka jama n yaki nanmie, na i sukan na minem si deke bo i wo nu. ³⁴ Ama, sangga bo bu faari nu ka i ti Yudafó ni, na bu kere atien kungerekun, bu na, “Yere Efesofom dee amoe Atemisi ni, yiri ti yikofó a.” Ba tientien so o ace haari sangga su. ³⁵ Na sono be bo i ti bu mie n nu kadasi keréfó n aba bu do, na wo se bu ka, “Am yaki nanmie.” Do na wo nya se bu ka, “Ambere Efesofom, am ti fen, na wo bere bo i si má ka Efesofom nie Atemisi amoe kpiri so n ni yabue n bo i fiteeri angoro toori n su a?” ³⁶ Sono be wo má bere bo i koro se ka ahin jore n ti má nahore. Nyini ti, wo yo daka ka am tara am nyu, má am koro nde yo sa be bo i kunma am. ³⁷ Ahin minem bo am afa bu aba fen ni, ba wo má puitiripui afite má amoe so n nu, ba kaaki akpie má nzuko be ajaraki má ya amoe ni. ³⁸ Nzen Demetirósi ni i bengi jumayofom ni, la jaraki fa ko bu be do, joredifom ni gomina nkpienkpienm wo bere, bu koro jaraki nyini minem bu do. ³⁹ Ama, nzen sa be wo bere buka su na am koro ka ya yo i dongu a, am fa bra sangga bo mie n nu jama n kere la bu tientienbunoo ni. ⁴⁰ Nanmie n bo am ayo i nyuma ni, i la má kperé, i koro fa ya wura jore nu, dama ya koro kan má deke n bo i ti na am ayo so ni. ⁴¹ I jójóri so wieeri ni, na wo ma jama n asandi.

20

Kabo Póolu kóri Makedoniya ni Girikifom dee awore n nu ni

¹ Minem ni yoori nanmɛ n wieeri ni, na Pɔɔlu afere yaradayofɔm n atien bu nɔɔ, na wɔ ma bu ahoresi, na wɔ kaari bu, na wɔ kɔ Makedoniya awɔre n nu. ² Na wɔ fa nyini awɔre n kere nu, na wɔ jɔjɔ yaradayofɔm kere dɔ, na wɔ ma bu ahoresi, na wɔ fa dɔ akɔ aju Girikifɔm dɛɛ awɔre n nu, ³ na wɔ wo dɔ haari sara nsan. Na sanɔa bo i wo sɛsɛsu su ka i kɔ Siriya awɔre n nu ni, na wɔ ti ka Yudaɔm akpa bu ɲu akɔ aɲminda i atin nu, nyini dɛɛ ti, na wɔ yo i sunsunni ka i kpie i nyi fa Makedoniya a. ⁴ Na minɛ nbem asu i su akɔ, bere la Sopateri bo bu fere i si ka Pirihusi na i fite Beriya mie kpiri n nu ni, ni Arisitakusi, ni Sekundosɔ bo bu fite Tesalonika mie kpiri n nu ni, ni Gayosi bo i fite Dɛrɛbi mie kpiri n nu ni, ni Tikikusi, ni Torofimosi bo bu fite Esiya dɛɛ awɔre n nu ni, ni Timoti. ⁵ Na bere kere adu mɔ akɔ aɲminda ya Tɔrasi mie kpiri n nu. ⁶ Na yere aka Filipiya mie kpiri n nu, haari na Yudaɔm aba adi bu cɛɛnkpiri n asin, bo bu di i ni kɔnɔ na bu gɔ má ayiri nu na i yasu ni, na ya nya afa lee bambaka, na i lennu cɛɛn na ya kɔ atu bu Tɔrasi, na ya wo dɔ akɔ aju lesɔ.

Kabo Pɔɔlu kɔɔri Tɔrasi mie kpiri n nu awieeri su ni

⁷ Na Yudaɔm bakue n bumboori, mɔne cɛɛn, na ya kere atien ya nɔɔ ka ya sanɔa di diire. Na Pɔɔlu ajojɔ minem dɔ, haari kɔɲgue jinanjin, dama i koroori ka nyini cɛɛn alecin i kaari bu wɔ, na i kɔ yaki bu. ⁸ Ya tieɛnri ya nɔɔ aɲgoro sɔɔ be nu wɔ, fitanam sunnu nu dɔ. ⁹ Na gbefene be, bu fere i ka Itikusi, na wɔ fun atana sɔɔ aɲgoro nsan n tukoro n su, na daafiri ati i. Pɔɔlu jɔjɔ cɛɛri na wɔ daafi, na wɔ fite aɲgoro aba atɔ asiɲgu. Bu jura kɔ maari i su ni, nyini sanɔa wɔ wu. ¹⁰ Na Pɔɔlu ajura akɔ asiɲgu, na wɔ fun abutu i ɲu, na wɔ fa i saa abara aye i, na wɔ se bu ka, “Má am ma sere ti am, dama i la ɲgɔɔ.” ¹¹ Dɔ na Pɔɔlu akpie i nyi afun akɔ aɲgoro sɔɔ n nu dɔ, na i ni bere kere asanɔa adi diire, na ba bo anzama, haari ale akɔ acin, na wɔ kaari bu na wɔ kɔ. ¹² Na ba nya afa gbefene n akɔ awuru ni laifie, na bu ahore ajo akɔ asin su.

Kabo Pɔɔlu fiteeri Tɔrasi kɔɔri Miletosi ni

¹³ Na Pɔɔlu afa sɛsɛsu ka yere fa lee bambaka du mɔ ɔ, na yiri nati na ya ni yiri kɔ saa nu Asosi mie kpiri n nu. ¹⁴ Sanɔa bo i ba tuuri ya dɔ ni, na wɔ wura lee n nu, na ya ni yiri kere akɔ mie kpiri n bo bu fere i ka Mitulene n su. ¹⁵ Na ya yasu dɔ, i alecin, na ya kɔ dodo lui bambaka n bo bu fere i ka Kiyosi n su. Na i alecin bekun, na ya kɔ aju lui bambaka nyinɔa n bo bu fere i ka Samosi, na i alecin fɔfɔre, na ya kɔ aju mie kpiri n bo bu fere i ka Miletosi n su. ¹⁶ Na Pɔɔlu aboro i nyi ka i ju Yerusalem mie kpiri n nu ka, na bu di Pentekoti cɛɛnkpiri ni, nyini ti, wɔ koro má ka i ce Esiya dɛɛ awɔre nu, na wɔ san asin Efeso mie kpiri n dɛɛ bue ni.

Kabo Pɔɔlu kaariiri Efeso dɛɛ Kristo jama nkpienkpienm ni

¹⁷ Sanɔa bo Pɔɔlu wo Miletosi mie kpiri n nu ni, na wɔ sunma afere Kristo jama nkpienkpienm bo bu wo Efeso mie kpiri n nu n ka bu ma bu ni yiri ye. ¹⁸ Sanɔa bo bu ba juuri i dɔ ni, na wɔ se bu ka, “Amberɛ ni am tii si kabo m woowa ti barasu, sanɔa kere bo m woori am dɔ ni, fite cɛɛn gbingbin n bo m ba juuri Esiya awɔre n nu ni. ¹⁹ M yoori m ɲu kaan wɔ, na ma yo Mibie n juma n ni nyunvuin. Haari ni bo Yudaɔm sɛsɛeri su ka bu kere m wuwuruwa barasu n kere ni, m mindi deerɛ i wɔ. ²⁰ Am si ka deke kere bo i ti kpa na i buka am ni, m kaanri i kereeri am wɔ jama n kere nyunu, ma fa afie má am su, na m sunati awuru awurum n kere nu na m sukere am. ²¹ M kan kereeri Yudaɔm ni bo bu ti má Yudaɔm n kere wɔ, ka bu kaaki bu wo fa kɔ Nyeme dɔ, na bu yo ya Mibie Yesu n

yarada. ²² Tɔ, kisa Awiewie Casi ni ma m sukɔ Yerusalem mie kpiri n nu n a, ama, m gusu si má deke bo i kó yo m dɔ. ²³ Deke bo m si i n la ka, mie kere bo m kɔ su ni, Awiewie Casi n se m ka bu kere m wuwuruwa, na bu nyí m dansaraka. ²⁴ Ama, m fa má m tienngu ngɔɔ yo má pui. Deke bo i kpie m daafiri n kere la ka, má ka ma yo juma n bo Mibie Yesu n afa ama m n awie. Yiri la ka, m kan labari kpa n fa kɔ Nyeme ahɔroma n bo wɔ fa ama minem ni.

²⁵ Kisa m si ka am be mmɔɔ nɔ má m kun, amberɛ bo m yo nati am nu kan Nyeme jɔre fa kɔ i femɛya n su kere am ni. ²⁶ Nyini dɛɛ ti, m suse am wɔ lɛɛ nyuma, ka wɔrɔ kere bo a kaari ngbɛɛn, i ti má m jɔre. ²⁷ Dama deke kere bo Nyeme koroori ka am yo i ni, ma fa afie má am su, ma kan i akere am. ²⁸ Nyini ti, am bita am nɔ nyunyumi, na am kaaki nie Kristo jama minem kere su, bere bo Awiewie Casi n afa ama am ka am nie bu dika ni, kabo bɔɛsasafɔ nie i nbɔem su ni. Nyini minem ye Nyeme faari i tienngu Wa mbunja deeru bu jiiri n a. ²⁹ M si tenle su ka m kɔ yakiiri am, mine tiem ba wura am nu, kabo bedi wura nbɔem nu sandi bu n wɔ. ³⁰ Haari na am dɛɛ minem nbem bo bu wo am nu fen ni, bu bá kaaki nahɔre ni, na bu dádaka yaradayofɔm nbem na bu su bu dɛɛ atin n su. ³¹ Nyini dɛɛ ti, am kpa am nɔ, na am tenge su ka afɔ nsan lɛɛ bo m nati bɔbɔ am ni nyunvuin, kɔngue ni wiesu. ³² Kisa, m sufa am wura Nyeme saa nu wɔ lɛɛ, na i nie am dika, na m kaaki fa am wura i dɛɛ nɔanie n bo i ma am ahɔroma nu, na i buka am na i má am nya deke n bo Nyeme ase ka i fá ma i tienngu minem kere ni. ³³ M konviki awo má be nwa, wara sutura nu. ³⁴ Amberɛ mmɔɔ ni am tii si ka m yo faari m saa yoori m juma a, ye m fa bukaari m nɔ ni m lamɔkɔm n kere a. ³⁵ Kabo ma yo juma n sɔ ni, m sukere am ka am gusu yo i sɔ ɔ lɛɛ, na am buka yaarifɔm, na am tenge su kabo ya Mibie Yesu n ni i tii seeri ni. I nɔ, 'Terefie wo sɔnɔ bo i ce aceeri n dɔ tara sɔnɔ bo i de aceeri ni.' " ³⁶ Sangɔ bo Pɔɔlu jɔjɔ wieeri ni, na i ni bere kere akutu bu jaa nanɔgoroma su, na wɔ sere Nyeme. ³⁷ Na bu kere asun, na ba fa bu saa abara aye i, na ba biti i. ³⁸ Na bu ahore asaaki agaya, dama i seeri bu ka bu nɔ má i kun. Na ba se i atin nu, na wɔ kɔ awura lee bambaka n nu.

21

Kabo Pɔɔlu kɔri Yerusalem ni

¹ Na ya kaari bu, na ya fa lee bambaka, na ya wɔ ya tii cein ako aju mie n bo i wo lui bambaka n su na bu fere i ka Kosi ni. Na i alecin na ya kɔ aju awɔre n bo bu fere i ka Rodesi ni, na ya fite dɔ, na ya kɔ Patara mie kpiri n nu. ² Dɔ na ya nɔ lee bambaka be ka i sukɔ Fonisiya dɛɛ awɔre n nu, na ya wura i ako. ³ Ya sukɔ ni, na ya nɔ Sipurusi lui bambaka ni, na ya yaki ya saa bie su, na ya sin ako Siriya awɔre n nu. Na ya nya ako ajina Tiro mie kpiri n nu, dɔ ye bu yi bu sɔri n lee n nu a. ⁴ Na ya kɔ anienie Yesu susufɔm busu, na ya wo bu dɔ leso. Na Awiewie Casi n ama ba se Pɔɔlu ka má i kɔ Yerusalem mie kpiri n nu. ⁵ Ama, ya yasu cɛɛn n ba juuri ni, na ya fite ka ya kɔ, na bu ni bu yim, ni bu nbaam ase ya atin nu afite mie n nu ako tieku n nɔɔ su. Dɔ na ya ni bere kere akutu ya jaa nanɔgoroma su, na ya sere Nyeme. ⁶ Nyini sin, na ya kaari ya bengɔ, na yere awura lee bambaka n nu, na bere gusu akpie bu nyi ako awuru.

⁷ Na ya fite Tiro ako aju mie kpiri n nu, na ya kɔ anie yaradayofɔm ni busu, na ya da bu dɔ lekun. ⁸ I alecin fɔfɔre na ya fite bere ako aju Sizariya mie kpiri n nu. Dɔ na ya kɔ awo sɔnɔ be dika, bu fere i ka Filipu,

i ti Nyeme jore kanfo o. Yiri bukaari mine nsom bo bu yo yiiri bu ka bu buka Kristo jama n bo bu wo Yerusalem n a. ⁹ I yo la nbaabaram nna a, bu be nya ja ma. Bere nati yo Nyeme noanie kanfo juma n a. ¹⁰ Ya woori do yoori lennyo, na Nyeme noanie kanfo be aba do, bu fere i ka Agabusi, i fite Yudiya awore n nu wo. ¹¹ Na wo ba ya do, na wo fa Poolu dambara, acici i dee jaam ni i saam. Na wo nya ase ka, "Awiewie Casi n na o, kabo Yudafom bo bu wo Yerusalem ni cici ahin dambara n fo lee, na bu nya fa i ma minem bo bu ti ma Yudafom ni." ¹² Sanga bo ya tiiri nyini jore n so ni, na ya ni minem n bo bu wo do n asere Poolu jande ka ma i ko Yerusalem. ¹³ Ama, na wo bisa, "Nzu ti ye am suyo so na am saaki m ahore a? Mini, ma yo siriya na m ko Yerusalem, na bu ko cici m nyama, ma nyini ngumi, ama, haari na bu kun m, ya Mibie Yesu n dee ti." ¹⁴ I seeri so ni, ya koro akanda ma i ka ma i ko, na ya mo ya noo, na ya se i ka, "To, ma Mibie n dee koroowa yo."

¹⁵ Ya diiri lennyo do ni, nyini sin, na ya sese ya nu su, na ya nya ako Yerusalem. ¹⁶ Na Yesu susufom nbem bo bu fite Sizariya n asu ya su, na ba fa ya ako ka ya ko wo sono be dika, bu fere i ka Manesoni, i ti Sipurusifo o, wo su Yesu dee atin n su ace.

Kabo Poolu ko nieeri Yakobo busu ni

¹⁷ Sanga bo ya ko juuri Yerusalem mie kpiri n nu ni, na ya ninbaam n ade ya ni ahorejo nyunyumi. ¹⁸ I alecin na Poolu afa ya ako Yakobo do, na ya ko atu Kristo jama nkpienkpienm kere ka bu wo i do. ¹⁹ Ya bisaari ahin n wieeri ni, na Poolu akan deke n kere kun kun fa ko kabo Nyeme ma wo yo i juma ama minem bo bu ti ma Yudafom ni. ²⁰ Bu tiiri nyini noanie n so ni, na ba kansi Nyeme. Ama, na ba se i ka, "Ya niwa Poolu, m na a nu Yudafom akpii beberebe bo bu wo ya nu fen na ba yo Yesu yarada, ye bu gusu nyunu aboro ka bu su Nyeme noanie kpamaawa n su. ²¹ Ba ti ka a kere Yudafom bo bu tana minem bo bu ti ma Yudafom n nu ni, ka ma bu su Nyeme noanie kpamaawa n bo Moyisi fa maari n su, ye a se bu ka ma bu wura bu nbaam kenkenne, na ma bu kaaki su Yudafom nana sayoowam su. ²² Nahore, bu ti ka a ba. Ye ya yo se wo? ²³ Ti fen, kabo ya yo n la ka, mine nna nbem wo ya nu fen bo ba tan ndie. ²⁴ Su bu su na a ko bie fin kabo bu yoowa kere ni, na a to bu tii su kaari, adena bu koro yi bu tii. Nyini ni ma sono kere si ka jore n kere bo bu kan i fa ko u do n ti kore wo, na bu si ka woro mmoo ni u tii su Nyeme noanie kpamaawa n su wo. ²⁵ Ama, minem bo bu ti ma Yudafom na ba yo yarada n yiri, ya kere kadasi ama bu, ka ma bu se ka bu di tie nie, wara mbunja, wara deke bo wo wu i ngumi na ba kpie ma i kom, na ma bu yo sakaraya." ²⁶ I alecin, na Poolu afa minem n ako na ba ko ayo fin bieewa yoowa ni, na wo nya awura Nyeme Sereebiri Awuru n nu, na wo jajo akere Nyeme sayoowa donguyofom ni, ceen n bo bu ba bie fin n wie, na bu kun kun n kere yo bu tii su sayoowa ni.

Kabo bu taraari Poolu Nyeme Sereebiri Awuru n nu ni

²⁷ Sanga bo wo ka kaan na leso ceen n wie ni, na Yudafom nbem afite Esiya dee awore n nu aba do, na ba nu Poolu Nyeme Sereebiri Awuru n nu. Na ba ye jama n kere ahore su, na ba tara Poolu. ²⁸ Na ba tien, bu na, "Yisarelifom, am buka ya. Ahin sono ni nati jengbe deke n kere kere minem kere o, ka ma bu bu Yisarelifom, ni Nyeme noanie kpamaawa ni, ni Nyeme Sereebiri Awuru ni. Ye wo kaaki afa minem bo bu ti ma Yudafom aba awura Nyeme Sereebiri Awuru n nu, na wo yo ahin woobiri casi n fin." ²⁹ Deke n bo i ti na bu seeri so n la ka, ba du mo anu Torofimosi bo i fite

Efeso miε kpiri n nu ni, ni Pɔɔlu miε kunnu, nyini dεε ti ye bu sunsuunri ka Pɔɔlu afa i awura Nyemε Sereebiri Awuru n nu n a. ³⁰ Na miε n abo nu, na minem kere anmati atien bu nɔɔ, na ba tara Pɔɔlu acin ayi i afite Nyemε Sereebiri Awuru n nu. Na ba kaba anyi Nyemε Sereebiri Awuru n anɔ ni ndende. ³¹ Má bu koroori ka bu kun Pɔɔlu wɔ. Dɔ na labari n atu Romafɔm sojam kere kpien n ka Yerusalem miε kpiri n abo nu. ³² Kpenɔa na wɔ yasu ndende, na wɔ fa sojam ni bu nkpienkpienm, na ba ηmati aju dɔ. Saɔga bo jama n ηuuri soja kpien n ni i sojam ni, na ba yaki Pɔɔlu, ba bo má i kun. ³³ Na sojam kpien n akɔ atara Pɔɔlu, na wɔ ma nɔɔ ka bu wura i jɔrɔkɔ nnyɔ. Na wɔ bisa ka, “Ahin sɔnɔ ti nzu sɔnɔ ɔ? Ye wɔ yo nzu wɔ?” ³⁴ Na jama ni nbem sutientien sujɔɔ, bu jɔɔɔwa n woori i ηgumi ηgumi wɔ, ba jɔɔ má jɔre kun. Bu nanmiε dεε ti, wɔ koro asi má jɔre n bu. Na wɔ ma nɔɔ ka bu fa Pɔɔlu kɔ bere sojam dika bambaka n nu. ³⁵ Bu faari Pɔɔlu kɔ juuri bimbindi bo bu tientien su fun na bu wura gisan nu ni, na i boori i bu ka i fun kɔ sɔɔ n angoro ni, sojam n kukuuri i wɔ, dama jama n bieka n dεε ti. ³⁶ Na bu sunmati su i su, sutien kpa, bu ηa, “Am kun i, am kun i.”

Kabo Pɔɔlu kaanri i jɔre n kereeri jama n ni

³⁷ Saɔga bo bu sukoro ka bu fa Pɔɔlu wura sojam dika bambaka n nu ni, na Pɔɔlu ase sojam kere kpien n ka, “Ma m kan jɔre be na a ti.” Na sojam kere kpien n abisa i ka, “A ti Giriki anie? ³⁸ Nyini yiri, a ti má Ijipiti sɔnɔ n bo i yo duuri mine akpii nna mɔ ka bu tu gomina n ni, na i faari nyini mine akpii nna n kere kɔori boro kpantain n nu ni.” ³⁹ Na Pɔɔlu abɔ i nu ka, “Ai, mini, m ti Yudafo ɔ, m ti miebaa a, m fite Tarasu wɔ, miε kpiri n bo i la duma na i wo Silisiya awɔre n nu ni. Jande, ma m jɔɔ minem ni dɔ.” ⁴⁰ Na sojam kere kpien n ama i atin ka i jɔɔ, na Pɔɔlu ajina bimbindi n bo bu tientien su fun na bu wura gisan nu ni, na wɔ fa i saa ayo minem n ka bu yaki nanmiε. Na ba tɔ amuna, na Pɔɔlu ajɔɔ bu dɔ Hiburu anie nu.

22

¹ I ηa, “M sim ni m ninbaam, am ti fen, m koro ka m kan m jɔre n na am ti.” ² Saɔga bo bu tiiri ka i sujɔɔ bu dɔ Hiburu anie nu ni, na ba yaki nanmiε na ba mɔ bu nɔɔ surum. Na Pɔɔlu ase ka, ³ “M ti Yudafo ɔ, bu wuuri m Tarasu miε kpiri n nu wɔ bo i wo Silisiya awɔre n nu ni, ama, bu taari m Yerusalem miε kpiri n nu fen wɔ, Gameli kereeri m kara a, ye m sɔnsɔɔnri ya nam sayoowa atin n kere ni anyumboro. Na ma fa m ηu kere ama Nyemε, kabo ambere bo am jina fen nyuma n afa am ηu ama i ni. ⁴ Na ma kere minem bo bu su ahin atin n su n wuwuruwa, haari na ma kun bu nbem. Na ma tara bu nbiesɔm ni nbaram anyi bu dansaraka. ⁵ Nzen am bisaari Nyemε sayoowa dɔnguyofɔm n kere kpien ni, ni tereterefɔm ni, bu sé am ka nɔaniε n bo m sujɔɔ i n ti nahɔre wɔ. Haari na ba ma m kadasi ka m fa kɔ ma ya minem bo bu wo Damasiko miε kpiri n nu ni, adena m koro tara Yesu minem ni, na m wura bu jɔrɔkɔ fa bu ba Yerusalem na bu bá cin bu sui.”

Kabo Pɔɔlu kaanri kabo i kaakiiri i wo barasu ni

⁶ Na Pɔɔlu asa su ase bu ka, “Saɔga bo m wo kɔ su n na m kɔ dodoori Damasiko miε kpiri n ni, wiε kekete saɔga lεε, na sin be akaba afite angoro ata abara aye m. ⁷ Na ma kpaasi haari asiηgu, na ma ti akonvi be ηga, i ηa, ‘Sɔɔlu, Sɔɔlu e, nzu ti ye a kere m wuwuruwa sɔ a?’ ⁸ Na ma bisa i ka, ‘M Mibiε, wɔrɔ ηma a?’ Na wɔ bɔ m nu ka, ‘Mini Yesu Nazaretifo n a,

mini ye a kere m wuwuruwa n a.' ⁹ Na minem bo bu su m su n anu sin ni, ama, ba ti má akonvi n yiri nga. ¹⁰ Na ma bisa i ka, 'M Mibiε, ye a ŋa m yo nzu wɔ?' Na wɔ se m ka, 'Yasu na a kɔ Damasiko, dɔ ye bu sé u deke n kere bo Nyemε koro ka a yo i ni.' ¹¹ Sin n bo i ta wuraari m nyumbaa nu agaya n dεε ti, na ma yo anyinsin, na minem ni bo bu su m su n aso m saa nu afa m awura Damasiko. ¹² Tɔ, sɔnɔ be woori miε n nu, bu fere i ka Ananiyasi, i su Nyemε wɔ, na i su i nɔaniε kpamaawa n su, i ti sɔnɔ n bo Yudafɔm bo bu wo miε n nu n kere ma i jirima agaya a. ¹³ Na wɔ ba m dɔ ajina adodo m, na wɔ se m ka, 'M niwa Sɔɔlu, niε, a ŋú asi.' Jina n nu bere na ma ŋu asi bekun, na ma niε anu i. ¹⁴ Na wɔ se m ka, 'Nyemε n bo ya nam su i ni, yiri ye wɔ yi u a, na a si i sa koroowam, ye wɔ yi Sɔnɔ n bo i yo sa bo i kɔ atin su n akere u, na a ti yiri ni i tii nɔaniε jɔjɔwa. ¹⁵ Dama deke bo a ŋu i na a ti i ni, wɔrɔ kán kere minem kere. ¹⁶ Ye kisa, a ŋminda nzu wɔ? Yasu na bu biε u Nyemε nzue. Bo fere i duma na i ŋmisi yi u satie kere.' "

Kabo Pɔɔlu kaanri ka Nyemε asunma i minem bo bu ti má Yudafɔm dɔ ni

¹⁷ Na Pɔɔlu asa su ase bu ka, "Nyini ti, na ma kpie m nyi akɔ Yerusalem miε kpiri n nu, sanɔa bo m wo Nyemε Sereebiri Awuru n nu wo nyemesere su ni, na wɔ yo m ka alele dεε su wɔ, ¹⁸ na ma ŋu Yesu ka i sujɔɔ m dɔ, i ŋa, 'Yasu na a fite Yerusalem ndende, dama minem bo bu wo fen ni dé má m jɔre n bo a kan kere bu ni.' ¹⁹ Na ma bɔ i nu ka, 'M Mibiε, bere ni bu tii si tenle su ka m yo wuraari bu tientienbunɔɔ sɔɔm nu wɔ, na ma tara minem bo bu yo u yarada ni, na ma nyi bu dansaraka, na ma bo bu. ²⁰ Sasu bekun, sanɔa bo bu sukun Satεfano bo i diiri u ŋusu daani kereeri minem ni, m yo jinaari bere, na ma soro su, mini niεeri minem bo bu kuunri i n suturam su a.' ²¹ Na Mibiε n ase m ka, 'Wɔrɔ kɔ, m súnma u dede minem bo bu ti má Yudafɔm ni dɔ.' "

²² Nyini sanɔa n kere ni, minem ni soori bu sui wɔ, na ba ti jɔre n kere bo Pɔɔlu kaanri i ni, ama, i ba kaanri sɔ ni, na ba tien kpa, bu ŋa, "Am yi i fite fen. Am mini i mmɔɔ. Wɔ ti má ye ni ka i wo ni ŋɔɔ." ²³ Na bu sutientien, yaa ati bu n dεε ti, na bu sufikindi bu suturam tu, na bu susa fa sutu sandi angoro. ²⁴ Na Romafɔm soja kere kpien n ama nɔɔ ka bu fa Pɔɔlu wura bu dika bambaka n nu, na bu bisa i bisaawam na bu fin i ŋgbere na bu si deke bo i ti na Yudafɔm ni tientien sɔ ni. ²⁵ Ama, sanɔa bo bu ciciiri Pɔɔlu nyama n ka bu bo i ni, na wɔ bisa soja kpien n bo i jina dodo i ka, "Atin wo nu ka am bo Roma miεbaa na am asi má satie bo wɔ yo i?" ²⁶ Sanɔa bo soja kpien n tiiri nyini jɔre n sɔ ni, na wɔ kɔ sojam kere kpien n dɔ, akɔ abisa i ka, "A koro ka a yo ahin sɔnɔ n se wɔ? I ti Roma miεbaa a." ²⁷ Nyini ti, na sojam kpien n akɔ Pɔɔlu dɔ, akɔ abisa i ka, "A ti Roma miεbaa a, nahɔre su?" Na wɔ bɔ i nu ka, "Eεn." ²⁸ Na sojam kpien n ase i ka, "Mini, m tɔɔri ŋwaa beberebe wɔ ye m nya kaakiiri Roma miεbaa a." Na Pɔɔlu ase i ka, "Ama, mini yiri, bu wuuri m miεbaa a." ²⁹ I seeri sɔ ni, kpenɔa na sere ati sojam bo ba yi bu ka bu bisa i bisaawa ni, na ba kɔ bu sin. Na sere ati soja kpien ni mmɔɔ, dama wɔ du mɔ abo Pɔɔlu jɔrɔkɔ ka, ye i nya siiri ka i ti Roma miεbaa a.

Kabo bu faari Pɔɔlu kɔɔri Yudafɔ tereterefɔm dɔ ni

³⁰ Na i alecin, sojam kpien n akoro ka i si sa bo Pɔɔlu ayo i na Yudafɔm jaraki i ni, na wɔ yi Pɔɔlu jɔrɔkɔ ni, na wɔ ma nɔɔ ka Nyemε sayoowa dɔnguyofɔ nkpienkpienm ni, ni Yudafɔ tereterefɔm n kere tien bu nɔɔ. Na wɔ ma Pɔɔlu aba ajina bu nyunu.

23

¹ Na Pɔɔlu afa i nyumbaa akpama Yudafo tereterefom n ɛɛ, na wo se ka, “M ninbaam, m sunsunni ti kpa wo Nyeme do, fite m kaan nu haari ni nyuma.” ² Na Ananiyasi bo i ti Nyeme sayoowa dɔnguyofom n kere kpien n ama minem bo bu jina dodo Pɔɔlu n nɔɔ, ka bu bo i nɔɔ dika, fa ko i noanie jɔjɔwa n deɛ ti. ³ Na Pɔɔlu ase i ka, “Nyeme bo woɔ mmɔɔ, woɔ bo a tana do ka kobe dawa bo ba bo i ɛgoro fofoe ni. A tana na a di m jɔre, fa ko Nyeme noanie kpamaawa n deɛ atin su, ama, woɔ ni u tii asu ma i noanie kpamaawa n su na a tana ma nɔɔ ka bu bo m.” ⁴ Na minem bo bu jina dodo Pɔɔlu n ase i ka, “Woɔ la ɛma na a kpie i nzuko a, yiri Nyeme sayoowa dɔnguyofom n kere kpien ni?” ⁵ Na Pɔɔlu abo bu nu ka, “M ninbaam, ma si ma ka yiri ti Nyeme sayoowa dɔnguyofom n kere kpien n a. Dama ba kere i Nyeme Jɔre Kadasi n nu ka, ‘Ma a jɔjɔ sɔno bo i nie u minem su jɔre tie.’” ⁶ Saɛga bo Pɔɔlu faari nu ka, minem ni nbem ti Sadiusifom, na bu nbem gusu ti Farasifom ni, na wo tien kpa jama n nu, i ɛa, “M ninbaam, m ti Farasifo o. M sim mmɔɔ suuri nyini atin ni su a. Deke n bo i ti na ya tien ya nɔɔ n la ka, m la tama ka minem wu, bu tɛnge bu yiwee nu wo.” ⁷ Pɔɔlu seeri so wieeri na akuruwa aba Sadiusifom ni Farasifom n afien, na bu tientienbunɔɔ n akpaaki nu nnyo. ⁸ Sadiusifom n ɛa, sɔno wu, i tɛnge ma i yiwee nu kun, ye bu kaaki ɛa, Nyeme merkem, wara awiewiem wo ma bere. Ama, Farasifom bere yo nyinim n kere yarada a. ⁹ Na jama ni sutientien suyo nanmie agaya buka su. Na Nyeme noanie kerefo nbem bo bu wo Farasifom asese n nu n ayasu ajina atien faɛga su, bu ɛa, “Yere aɛu ma ahin sɔno ni ɛgasi bo wo do i. Beni, awiewie be, wara Nyeme merke aɔjɔ i do a.”

¹⁰ Saɛga bo akuruwa n ba bi boroori agaya ni, na sere ati soja kpien ni, ka minem ni ba cincin titi Pɔɔlu nu. Nyini ti, na wo ma sojam nɔɔ ka bu wura jama n nu na bu yi Pɔɔlu fite bu nu, na bu fa i ba wura bu deɛ dika bambaka n nu. ¹¹ Nyini cɛen n kɔngue, na Mibie n ayi i ɛu akere Pɔɔlu, na wo se i ka, “Ma u ahore si, na ma a soro sere. Kaba a di m ɛu daani Yerusalem mie kpiri n nu fen ni, so ye i ti ye ni ka a ko di i Roma mie kpiri n nu gusu a.”

Kabo mine nbem seseeri su ka bu kun Pɔɔlu ni

¹² I alecin fɔfɔre, na Yudafo nbem atien bu nɔɔ, na ba fa seseesu na ba tan ndie ka bu di ma, bu nu ma, ma ka ba kun Pɔɔlu. ¹³ Bere n bo bu tana faari nyini seseesu ni, bu taraari mine aburana. ¹⁴ Na ba ko Nyeme sayoowa dɔnguyofom nkpienkpienm ni, ni Yudafo tereterefom ni do, ako ase bu ka, “Yere, ya tien ya nɔɔ atan ndie ka ya di ma pui, ma ka ya kun Pɔɔlu. ¹⁵ Nyini ti, ambere ni tereterefom ni, am sunma Romafom soja kpien n do ko se i ka, i fa Pɔɔlu bra am do ka am koro ka am nie i jɔre n nu nyunyumi bekun wo. Ama, na ya yo siriya ɛminda i, na ya kun i atin nu na i nya ba ju fen.” ¹⁶ Ama, na Pɔɔlu niwa bara be wa ati seseesu n bo ba fa i ni, na wo ko awura sojam sɔo bambaka n nu, na wo se Pɔɔlu. ¹⁷ Do na Pɔɔlu afere sojam n kun, na wo se i ka, “Fa ahin gbefene n ko am kpien n do, i la jɔre be bo i kan kere i.” ¹⁸ Na soja n afa i ako bu kpien n do, na wo se i ka, “Pɔɔlu bo ba nyi i dansaraka ni fereeri m a, na wo se m ka m fa ahin gbefene n ba u do, dama i la jɔre bo i kan kere u.” ¹⁹ Na sojam kere kpien n aso i saa nu, na i ni yiri ɛgumi afite aheme, na wo bisa i ka, “A koro ka a kan nzu jɔre kere m a?” ²⁰ Na wo se sojam kpien n ka, “Yudafo n asese su ye ba soro su ka ahunma bu ba sere u na a fa Pɔɔlu ma bu na bu fa i ko bu tereterefom ni do, na bu yo bu ɛu ka bu koro ka bu nie i jɔre n nu

nyunyumi wɔ. ²¹ Ama, má a soro bu su, dama bu nbem ɲa bu kɔ ɲminda i atin nu wɔ, bu tara minɛm aburana. Ba tan ndiɛ ka bu dí má, bu nú má, má ka ba kun Pɔɔlu. Kisa ba yo siriyá su aɲminda na bu ti kabo a sé.” ²² Na sojam kere kpien n abobo i ka, “Má a ma be si ka a kan ahin jɔre n akere m.” Na wɔ ma gbefene n atin na wɔ kɔ.

Kabo bu faari Pɔɔlu kɔɔri Gomina Felika dɔ ni

²³ Na sojam kere kpien ni, afere soja nkpienkpienm ni nnyɔ, na wɔ ma bu nɔɔ ka, “Am fa sojam yaa nnyɔ, ni soja kpɔɲgɔfunfɔm aburaso, ni soja kpɛbitafɔm yaa nnyɔ, na am yo siriyá kɔɲgɛ n nu, kerefi ɲgɔna saɲga, na am kɔ Sizariya miɛ kpiri n nu. ²⁴ Na am nya kpɔɲgɔ ma Pɔɔlu gusu, na am fa i haari na am kɔ ju Gomina Felika dɔ, na má pui yo i.” ²⁵ Na sojam kpien n akere kadasi ama gomina n ka,

²⁶ “Mini Kalodisi Lisiyasi sukere ahin kadasi n bisa wɔrɔ, m si Gomina Jirimafɔ Felika dɔɲgu a. ²⁷ Yudafɔm taraari ahin sɔnɔ n a, má bu koro ka bu kun i wɔ. Ama, na ma ti ka i ti Roma miɛbaa a, nyini ti, na ma fa m sojam, na ya kɔ ade i aji. ²⁸ Na ma koro ka m si deke n bo i ti na bu jarakiiri i ni, nyini ti, na ma fa i akɔ Yudafɔ tereterefɔm dɔ. ²⁹ Na ma ɲu ka fa kɔ bu nɔaniɛ kpamaawa n dɛɛ atin su ye bu jarakiiri i a, ama, wɔ yo má sa be bo i ti ye ni ka bu kun i, wara bu nyi i dansaraka. ³⁰ M tiiri ka Yudafɔm asese su akɔ ada aɲminda atin nu ka bu kun i, nyini dɛɛ ti, ye m ma ba kaba afa i aba u dɔ n a. Ma se minɛm bo bu jarakiiri i n ka bu fá jɔre n bra u dɔ.”

³¹ Na sojam n ayo kabo i kereeri bu ka bu yo ni, na ba fa Pɔɔlu nyini kɔɲgɛ n kere, na ba fa i akɔ aju miɛ kpiri n bo bu fere i ka Antipatiriso n su. ³² Na i alecin fɔfɔre na sojam bo bu nati bu jaa su n akpie bu nyi akɔ sojam sɔɔ bambaka n nu, na ba ma soja kpɔɲgɔfunfɔm n afa i akɔ aju deke bo bu sukɔ ni. ³³ Bu kɔ juuri Sizariya ni, na ba fa kadasi n ama gomina ni, na ba nya afa Pɔɔlu awura i saa nu. ³⁴ Gomina n kaanri kadasi n wieeri ni, na wɔ bisa Pɔɔlu awɔre bo i fite nu. I faari nu ka i fite Silisiya awɔre n nu wɔ, ³⁵ na wɔ se i ka, “Minɛm bo bu jarakiiri u n ba juuri, m tí u nɔaniɛ.” Na wɔ ma nɔɔ ka bu fa Pɔɔlu wura Feme Herode dika n nu, na bu nie i dika nyunyumi.

24

Kabo Yudafɔm jarakiiri Pɔɔlu Gomina Felika n nyunu ni

¹ Na i lenu cɛɛn sin, na Ananiyasi bo i ti Nyeme sayoowa dɔɲguyofɔ n kere kpien n aba aju Sizariya miɛ kpiri n nu, i ni Yudafɔ tereterefɔ nbem, na ba fa jɔresifo be bo bu fere i ka Tetulɔsi n abuka bu ɲu su. Na ba jaraki Pɔɔlu gomina n nyunu. ²⁻³ Bu faari Pɔɔlu ba juuri n na Tetulɔsi abo i bu na i kan ɲgasi bo Pɔɔlu ado i. I ɲa, “Ya si Felika jirimafɔ, u ɲgɔnlɛ kpa n bo a la i n dɛɛ ti, nyini ma ya nya tanalaifɛ ace a, ye kaaki aba ya asien n su a, fa kɔ nyini sunsunni n bo a la i ni. Deke kere bo ya wo ni saɲga kere, ya nyunu ayi u fa kɔ deke n kere bo a yo ama ya ni, nyini dɛɛ ti, ya da u asi beberebe. ⁴ Tɔ, m koro má ka m jɔjɔ saaki u saɲga, ama, m sere u wɔ, sawɔre n bo a la i n dɛɛ ti, ti ya ahin jɔre kaan ni. ⁵ Ya ɲu ka ahin sɔnɔ n ti miɛbofɔ ɔ, na i nati sukpukpura Yudafɔm tii durunya n kere nu, na bu sudi aluwa ni bu beɲgu. I ti mɔfɔ ɔ, fa kɔ minɛm bo bu su Nazaretifɔ n atin n su ni. ⁶ Haari i yo koroori ka i wura Nyeme Sereebiri Awuru n nu wɔ na i saaki i na i yo i fin, ye ya taraari i a. [Má ya koroori ka ya fa ya nɔaniɛ kpamaawa n atin su di i jɔre wɔ, ⁷ ama, na sojam kpien Lisiyasi n

ade i ya dɔ ni fanga, ⁸ na wɔ ma nɔɔ ka, bo bu ni yiri la jɔrɛ n kɛrɛ bra u dɔ.] Na nzen wɔrɔ mmɔɔ ni u tii niɛeri jɔrɛ n nu, a sɪ deke n bo i ti na ya jaraki i ni.” ⁹ Na Yudaƒɔm n kɛrɛ ajina su ka, jɔrɛ n kɛrɛ bo bu jɔjɔ i n ti nahɔrɛ wɔ.

Kabo Pɔɔlu kaanri i nahɔrɛ Gomina Felika n nyunu ni

¹⁰ Na Gomina Felika ama Pɔɔlu atin ka i jɔjɔ, na Pɔɔlu ase ka, “M si ka a di jɔrɛ ahin asien n su ace, nyini ti, m ahore ti siiwa ka ma ba u dɔ na m kan de m tii. ¹¹ Wɔrɔ mmɔɔ ni u tii koro bisa na a ti, ka i nyuma leburu lennyɔ lɛɛ, bo m kɔɔri Yerusalem miɛ kpiri n nu ka m kɔ su Nyemɛ. ¹² Bɛrɛ n aɲu má ka m ni be suse akuruwa Nyemɛ Sereebiri Awuru n nu, ba kaaki aɲu má ka m ni be suwura minem bu sin na bu yo sa be tientienbunɔɔ sɔɔm n nu, wara miɛ n nu. ¹³ Bɛrɛ gusu koro kan kere má u deke n bo i ti na kisa bu sujaraki m ni. ¹⁴ Ama, deke bo m soro i su ka i ti nahɔrɛ n la ka, m su Nyemɛ wɔ, kabo ya nam su i ni, nyini atin n gusu ye bu ɲa i ti má nahɔrɛ n a. Ama, m yo deke bo ba kɛrɛ i nɔaniɛ kpamaawa n nu n yarada, na m kaaki yo deke bo ba kɛrɛ i Nyemɛ nɔaniɛ kanƒɔm dɛɛ kadasi n nu n yarada. ¹⁵ M la tama Nyemɛ dɔ ka minem bo bu yo sa bo i kɔ atin su, ni bo bu yo sa bo i kɔ má atin su n kɛrɛ bá tenge bu yiwee n nu, kabo bɛrɛ n bo bu jaraki m n gusu la nyini tama ni. ¹⁶ Nyini dɛɛ ti, sanɲa kɛrɛ m boro m nyi wɔ, na m sunsunni ti casi fa kɔ Nyemɛ ni adamandem dɔ. ¹⁷ M fiteeri Yerusalem, wɔ cɛ, nyini sin, na ma kpɛ m nyi akɔ dɔ ka m kɔ fa ɲwaa ce m minem bo bu ti yaarifɔm n na m yo m dɛɛ yoowa ma Nyemɛ. ¹⁸ M wo nyini yoowa n yo su ye bu ɲuuri m Nyemɛ Sereebiri Awuru n nu a. Nyini sanɲa ni, ma yo fin biɛ yoowa n awiɛ mmɔɔ. Jama be awo má m dɔ, be gusu ayo má nanmiɛ be. ¹⁹ Ama, Yudaƒɔm nbem bo bu fite Esiya awɔrɛ n nu ni, yo woori dɔ a. Wɔ yo daka ka má bɛrɛ mmɔɔ ni bu tii wo fɛn, na bu kan m ɲgasi bo ma do i n kere u. ²⁰ Nzen má nyini, yaki na ahin minem bo bu jina fɛn n kan ɲgasi bo m doori, sanɲa bo m jinaari bu teretereƒɔm nyunu na bu diiri m jɔrɛ ni. ²¹ Má ka deke kun n kpɛin be bo bu yo sudi m jɔrɛ na m jinaari bu nyunu ni. Yiri la bo m seeri ka minem wu, bu káaki tenge bu yiwee nu ni, nyini dɛɛ ti, ye a sudi m jɔrɛ nyuma n a.”

²² Na Gomina Felika si Mibiɛ n atin n sereya n kɛrɛ nyunyumi n dɛɛ ti, na wɔ se bu ka, “Am kɔ ka, na sojam kpɛin Lisiyasi ba baari, na m nyá di jɔrɛ ni.” ²³ Na wɔ ma nɔɔ ka soja kpɛin n niɛ Pɔɔlu dika nyunyumi, ama, i ma i atin na i nati i koroyanu, na i ma i danƒɔm gusu atin na bu koro ba buka i.

Kabo bu faari Pɔɔlu jinaari gomina n ni i yi n nyunu ni

²⁴ I yoori lennyɔ, na Gomina Felika akaaki aba, i ni i yi Durusila, i ti Yudaƒɔ baa a. Na wɔ sunma afere Pɔɔlu na i ba kan kabo sɔnɔ yo Yesu Kristo yarada barasu ni. Na wɔ so i sui ati. ²⁵ Ama, sanɲa bo Pɔɔlu wo jɔjɔ su fa kɔ sa bo i kɔ atin su, ni tarabuɲu, ni kabo Nyemɛ bá di minem n jɔrɛ ni, na sɛrɛ ati Gomina Felika na wɔ se ka, “Tɔ, kisa, wɔ sɛ su. A koro kɔ, na m ba nya sanɲa na m fére u.” ²⁶ Nyini sanɲa n kɛrɛ ni, i sunsunni la ka Pɔɔlu má i ɲwaa a, nyini ti ye sanɲa sanɲa i fere Pɔɔlu, na bu subo anzama n a. ²⁷ Na afɔ nnyɔ aba asin, na sɔnɔ be bo bu fere i ka Pɔkiyɔsi Fesitosi ade Felika jinaabiri ni. Na Gomina Felika akoro ka i jɔ Yudaƒɔm n ahore, nyini dɛɛ ti, na wɔ yaki Pɔɔlu dansaraka n nu, i ma ba yi má i.

25

Kabo Pɔɔlu sereeri ka bu fa i jɔrɛ n kɔ Romaƒɔm fɛmɛ kpiri n dɔ ni

¹ Gomina Fesitosi ba juuri nyini awore n nu ni, i lesan, na wo fite Sizariya mie kpiri n nu, na wo fun ako Yerusalem mie kpiri n nu. ² Na Nyeme sayoowa danguyofo nkpienkpienm, ni Yudafɔ tereterefom n aba akan ngasi bo Pɔlu ado i n akere Gomina Fesitosi. Na ba sere i jande ³ ka i boro i nyi na i ma bu fa Pɔlu ba Yerusalem. Deke n bo i ti na bu seeri so n la ka, ba sese su ka bu ko nminda i atin nu wo na bu kun i. ⁴ Na Gomina Fesitosi abo bu nu ka, "Pɔlu wo dansaraka nu Sizariya, mini ni m tii, m kpie m nyi ko do kisa. ⁵ Am ma am nu nbem bo bu la yiko n su m su, na ya ko Sizariya, na nzen wo do ngasi be a, na bu koro kan i na bu jaraki i."

⁶ Na Gomina Fesitosi awo bu do, lemocue ni leburu afien, na wo nya aba Sizariya. I alecin na wo ko atana jore diibiri ni, na wo ma noo ka bu fa Pɔlu bra. ⁷ Sanga bo bu faari Pɔlu ba juuri n ni, na Yudafom bo bu fiteeri Yerusalem baari n atien bu noo abara aye i. Na ba kan i ngasi tietie beberebe bo bu na wo do i, bu gusu akoro akere ma ngasi n bo bu na wo do i n tenle su. ⁸ Na Pɔlu ase ka, "Ma do ma ngasi be fa ko Yudafom dee noanie kpamaawa n su, ma do ma ngasi be fa ko Nyeme Sereebiri Awuru n su, ma kaaki ado ma ngasi be fa ko Romafom Feme Kpiri Siza n do." ⁹ Ama, na Gomina Fesitosi akoro ka i buka Yudafom ni, na i da bu ahore, nyini dee ti, na wo bisa Pɔlu ka, "A soro su ka ya ko Yerusalem na bu ko di u jore n do m nyunu, fa ko ahin sereyam kere su?" ¹⁰ Ama, na Pɔlu abo i nu ka, "M jina Romafom feme kpiri n jore diibiri wo lee, fen ye wo yo daka ka bu di m jore a. Woro mmoo ni u tii si tenle su ka ma do ma Yudafom ngasi be. ¹¹ Nzen ma do ngasi be bo wo yo daka ka bu kun m, ma kete ma ka ma bu kun m. Ama, nzen jore n kere bo ba kan i n be ti ma nahore, be la ma atin bo i koro fa m wura bu saa nu. Nyini ti, m sere ka a fa m jore n ko Romafom feme kpiri n do." ¹² Na Gomina Fesitosi ni i nkpienkpienm n atana anu bu nu, na ba soro su, na wo se Pɔlu ka, "A sere ka ya fa u jore n ko Romafom feme kpiri n do. To, ya fa u ko i do."

Kabo bu faari Pɔlu baari Feme Agiripa n nyunu ni

¹³ Na wo yo lennyo, na Feme Agiripa ni i siwa baabara Berenisi aba Sizariya mie kpiri n nu, ka bu ba nie Gomina Fesitosi busu. ¹⁴ Bu woori do celeri kaan n dee ti, na Gomina Fesitosi akan Pɔlu jore n kere n akere feme ni. I na, "Felika yo yakiiri sono be dansaraka n nu fen. ¹⁵ Sanga bo m koori Yerusalem mie kpiri n nu ni, na Yudafɔ Nyeme sayoowa danguyofo nkpienkpienm, ni Yudafɔ tereterefom n aba m do, na ba kan nyini sono n jore, ka m boro m nyi di i jore n na m se ka wo do ngasi. ¹⁶ Ama, na ma se bu ka yere Romafom, ya yo ma so, nzen minem ajaraki sono, ya ma bu kere tien bu noo o, na i mi si deke n bo i ti na bu jaraki i ni, na i gusu nya kan i dee bo i la i ni. ¹⁷ Sanga bo bu suuri m su ba juuri fen ni, ma wura ma nnyo nu, i alecin m kaba ko tanaari jore diibiri n wo, na ma ma noo ka bu fa sono n bra. ¹⁸ Sanga bo bu yasu jinaari na bu jaraki i ni, ba kan ma satie bo ma m sunsun ka wo yo i na bu fa jaraki i ni. ¹⁹ Ama, i ti akuruwa ye bu seeri a, fa ko bu nyemesu atin su, ni sono be bo bu fere i ka Yesu n busu, bu na wo wu, ama, Pɔlu na i toko la ngoo. ²⁰ Ma si ma kabo m tara ahin jore n tii ni i jaa barasu, na ma bisa Pɔlu ka, i koro ka ya fa i ko Yerusalem na bu ko di i jore n do, nzen se? ²¹ Ama, na Pɔlu asere ka, i koro ka i ka dansaraka n nu haari i ba ko Romafom feme kpiri n do. Nyini ti, na ma ma noo ka bu subita i haari m ba nya atin na m ma bu fa i ko feme kpiri n do." ²² Na Feme Agiripa ase Gomina Fesitosi ka, "M koro ka mini ni m tii ti ahin sono n jore ni." Na Gomina Fesitosi ase i ka, "Ahunma a ti i jore ni."

²³ Tɔ, na i alecin, na Feme Agiripa, ni Berenisi afite ni bu femeya jirima bambaka, na bu ba wura tientienbunɔɔ sɔɔ bambaka n nu, bu ni soja nkpienkpienm, ni mie n nu mine anyunuyifom. Na Gomina Fesitosi ama nɔɔ, na ba fa Pɔɔlu awura. ²⁴ Na Gomina Fesitosi ase ka, “Ya si Feme Agiripa, ni ambere kere bo am atien am nɔɔ fen ni, am nie ahin sɔnɔ ni. Yiri dee ti ma Yudafoɔm kere bo bu wo Yerusalem, ni bo bu wo fen n yo baari m do a, na bu sutientien ka i ti ma ye ni ka i wo ni ngɔɔ. ²⁵ Ama, m gusu afiiti i jore n nu, ma nu ma i ngasi bo wo do i na i ti ye ni ka i wu. Nyini ti, kabo yiri ni i tii asere ka m fa i jore n ko Romafoɔm feme kpiri n do ni, m fa i ko do ɔ. ²⁶ Ama, m la ma deke be tenle su bo m kere fa ma feme kpiri ni, fa ko ahin n jore n su. Nyini ti ye ma fa i aba woɔ Feme Agiripa do a, adena m ni ambere kere nie i jore n nu, na m si deke bo m kere ko ma feme kpiri ni. ²⁷ Dama mini do, wo ko ma atin su ka m fa sɔnɔ bo ba nyi i dansaraka ko ma feme kpiri n na m la ma jore bo m kan kere i fa ko deke n bo i ti na bu jaraki i n su.”

26

Kabo Pɔɔlu kaanri i jore Feme Agiripa nyunu ni

¹ Na Feme Agiripa ase Pɔɔlu ka, “Atin wo nu ka woɔ ni u tii jojo.” Na Pɔɔlu aye i saa su, na wo bo i jore n bu, i na, ² “Feme Agiripa, wo yo m fie nyuma ka m jina u nyunu, na m kan m jore n nahore su fa ko deke n kere bo Yudafoɔm jaraki m n su. ³ Dama woɔ ni u tii asi kabo Yudafoɔm nana sayoowam n ti, ni kabo ya se bu akuruwam barasu ni. Nyini dee ti, m sere u wo, ka a fa sawore na a ti m jore ni.

⁴ Yudafoɔm kere si kabo m woowa yo ti barasu fite m gbefeneya nu, sangha bo m wo m bosufom nu ni, haari ni bo m ko woori Yerusalem mie kpiri n nu ni. ⁵ Bu si m sa kabo m woowa yo ti, ma nyuma. Nzen bu na bu kan nahore, bu se u ka m yo ti Farasifom be wo, na ma su ya dee nyini atin n bo i su ti kekereke n su ni anyumboro. ⁶ Kisa, deke bo i ti na m jina am nu nyuma na am sudi m jore ni, yiri la tama n bo m la i fa ko deke n bo Nyeme seeri ka i yo ma ya nam ni. ⁷ Nyini n ye ya ano buru ni nnyo n bo ya su Nyeme ni anyumboro wiesu ni kongue n nminda ka ya nya i na. Feme, ti fen, nyini tama n bo m la i n dee ti, ye Yudafoɔm jaraki m na. ⁸ Nzu ti ye am de ma ka Nyeme koro tenge minem bu yiwee nu a? ⁹ Nahore mini ni m tii yo sunsuunri ka wo yo daka ka m yo sam dongu na m saaki Yesu Nazaretifo n duma. ¹⁰ Kabo m yo yoori Yerusalem lee. Nyeme sayoowa donguyofɔ nkpienkpienm yo maari m yiko, na ma tara Nyeme minem beberebe anyi bu dansaraka, na sangha bo bu diiri bu jore na bu na bu kun bu ni, mini mmɔɔ jina bu sin wo. ¹¹ Sangha kere sangha, m nati wura ya tientienbunɔɔ sɔɔm nu wo, na m sucin bu sui, na m sumie bu ka bu kete Yesu. Na ma fa yaa bu nu agaya, haari na m sukɔ mie nyingam su, ko sukere bu wuwuruwa.”

Kabo Pɔɔlu kaanri kabo i kaakiiri i wo ni

¹² Na Pɔɔlu asa su ase ka, “Nyini dee ti, na ma sere atin Nyeme sayoowa donguyofɔ nkpienkpienm n do, na ba ma m yiko ka m ko Damasiko mie kpiri n nu. ¹³ Feme, ti fen, m wo atin n nu wo ko su ni, fa ko wie kekete sangha, na ma nu sin be ka i fite angoro, i ta tara wie, na i wein ata abara aye m ni minem kere bo bu su m su ni. ¹⁴ Na yere kere akpaasi haari asienggu, na ma ti akonvi be nga, ka i sujɔɔ m do Hiburu dee anie n nu, i na, ‘Sɔɔlu, Sɔɔlu e, nzu ti ye a kere m wuwuruwa so a? A sukere u nu yaari ngbeen wo, kabo bu fa toora doɔɔrifɔ sudɔ na i kete, na bu fin i

baka n wɔ.’ ¹⁵ Na ma bisa ka, ‘M Mibiε, wɔrɔ ηma a?’ Na Mibiε n abɔ nu ka, ‘Mini Yesu ye a sukere m wuwuruwa n a. ¹⁶ Ama, yasu jina. Deke n bo i ti na ma yi m ηu akere u n la ka, m fa u yo m amusuisufɔ, na a di m daani kere minem fa kɔ deke bo a ηu i nyuma n su, ni dekem bo m bá yi m ηu kere u bekun n su. ¹⁷ Na m dé u tii fite minem saa nu, Yudafɔm ni bo bu ti má Yudafɔm ni, dama m susunma u bere dɔ a, ¹⁸ na a teke bu nyi, na a yi bu fite awosin nu ba wein nu, na a yi bu fite Sitana saa nu, na a fa bu wura Nyemε saa nu, adena bu yo m yarada na m fa bu satie ce bu, na bu nya jinaabiri Nyemε mine n nu, na bu kere sanɔa wo.’ ”

Kabo Pɔɔlu kaanri kabo i yoori i juma n ni

¹⁹ Na Pɔɔlu asa su ase ka, “Femε Agiripa, nyini dεε ti ni, ma kete má deke n bo Nyemε yi kereeri m ka alele nu dεε su ni. ²⁰ Nyini ti, m du mɔ boori i bu Damasiko mie kpiri n nu wɔ, na ma kan akere bu ka bu kaaki bu wo na bu su Nyemε, na bu yo sakpa bo i kere ka ba kaaki bu wo. Na ma kɔ akan akere Yerusalemfɔm n gusu, na ma nya akɔ akan akere Yudiya dεε awɔre n nu fɔm kere. Nyini sin, na ma kɔ akan akere minem bo bu ti má Yudafɔm n gusu. ²¹ Nyini dεε ti, ye Yudafɔm taraari m Nyemε Sereebiri Awuru n nu, ka bu kun m n a. ²² Ama, Nyemε abuka m dεε ti, ye m toko wo bere haari ni nyuma n a, adena m jina fen di daani kere nfanɔafɔm ni tarakam kere, ni mine barasum kere. M sukan má jɔre fɔfɔre be wɔ, má ka sam bo Nyemε nɔanie kanfɔm ni Moyisi yo seeri ka bu yó ni, ²³ ka, wɔ yo daka ka Kristo, Tiidefɔ n bo Nyemε ase ka i súnma i ni bá di wahara. Yiri ti sɔnɔ bo i wú na i dú mɔ tenge i yiwee n nu a. Na i kán wein n jɔre kere Yudafɔm, ni minem bo bu ti má Yudafɔm n kere.”

²⁴ Pɔɔlu wo nyini jɔjɔri n su na i kan i nahɔre ni, na Gomina Fesitosi atien i ηu kpa, i ηa, “Pɔɔlu, a bo fie wɔ. U kara sɔnsɔn ni u si agaya n ma u tii yo má juma.” ²⁵ Na Pɔɔlu abɔ i nu ka, “Gomina Fesitosi jirimafɔ, ma bo má fie, ama, m jɔjɔ anyunɔoro ni nahɔre jɔre wɔ. ²⁶ Femε Agiripa si ahin jɔrem kere, nyini dεε ti, ye m la ahoresi jɔjɔ i nyunu n a. M si tenle su ka i si ahin sam n kere bo m sukan kere am ni, dama i be mmɔɔ ayo má fieewa nu. ²⁷ Femε Agiripa, a yo Nyemε nɔanie kanfɔm jɔre n yarada a? M si tenle su ka a yo yarada.” ²⁸ Na Femε Agiripa ase Pɔɔlu ka, “Ahin sanɔa kaan nu, a sunsun ka a koro jɔjɔ na a ma m kaaki Kristo susufɔ ɔ, nzen se?” ²⁹ Na Pɔɔlu abɔ i nu ka, “Nzen i ce o, i ce má o, mini yiri, m nyemesere la ka, wɔrɔ ni minem n kere bo m sujɔjɔ am dɔ nyuma ni, am ba kaaki na am yo kabo m ti barasu ni, ama, bu wura má am jɔrɔkɔ kabo ba wura m ni.”

³⁰ I seeri sɔ ni, na femε n ayasu ajina, yiri ni gomina ni, ni Berenisi, ni nyingam n kere bo bu tana bere ni. ³¹ Bu yasuuri na bu wo kɔ su ni, na ba se bu ηuηu nu ka, “Ahin sɔnɔ n ayo má sa be bo i ti ye ni ka bu kun i, wara bu nyi i dansaraka nu.” ³² Na Femε Agiripa ase Gomina Fesitosi ka, “Nzen má ahin sɔnɔ n asere má ka bu fa i jɔre n kɔ Romafɔm femε kpiri n dɔ, má ya koro yaki i nu ji.”

27

Kabo bu faari Pɔɔlu sufa kɔ Roma mie kpiri n nu ni

¹ Tɔ, sanɔa bo bu faari sesesu ka ya fa lee bambaka kɔ Roma mie kpiri n bo i wo Itali n asien n su ni, na ba fa Pɔɔlu ni dansaraka nyinga nbem ama soja kpien be bo bu fere i ka Juliyosi ni, yiri nie soja asese be su a, bu fere i ka Romafɔm Femε Kpiri Agusito dεem. ² Na ya kɔ awura lee bambaka be,

i fite miε n bo bu fere i ka Adaramuteno n wɔ. Lee n ayo siriya sukɔ Esiya awɔrε n nu dεε miε nbem su, na ya wura i akɔ. Yεrε ni sɔnɔ be bo bu fere i ka Arisitakusi n kɔori a, i fite Tesalonika miε kpiri n bo i wo Makɛdoniya awɔrε n nu wɔ. ³ Na i alecin, na ya kɔ aju Sidon miε kpiri n nu, na Juliyosi ayo Pɔɔlu sakpa, i maari i atin wɔ, na wɔ kɔ anie i danfom busu, adena i kɔ nya deke bo i koro. ⁴ Ya yasuuri Sidon ka ya kɔ ni, ya faari Sipurusi lui bambaka n dεε bue n wɔ, ya koro fa má deke bo má ya sukoro ka ya fa ni, dama aɲuma n cin ya kɔ ya sin wɔ. ⁵ Ya yasu bεrε ni, na ya kpie tieku n bo i wo Silisiya, ni Pamfiliya dεε awɔrεm n nu ni, na ya nya akɔ aju miε kpiri n bo bu fere i ka Mira na i wo Lisiya dεε awɔrε n nu ni. ⁶ Dɔ na soja kpien n aɲu lee bambaka be ka i fite Alekizanderiya miε kpiri n nu sukɔ Itali, na wɔ fa ya awura nu. ⁷ Ya yasuuri bεrε ka ya kɔ ni, aɲuma n kpa ya atin wɔ, ya koro akɔ má ndende. I yoori kekereke ye ya nya kɔ dodoori miε n bo bu fere i ka Kinidosi n a. Aɲuma n dεε ti, ya koro akɔ má deke bo má ya sukɔ ni. Nyini dεε ti, na ya fa lui bambaka n bo bu fere i ka Kereti dεε bue ni, akpie akɔ adodo miε n bo bu fere i ka Salamone ni. ⁸ Ya faari bεrε ni, i yoori ya kekereke ye ya nya kɔ juuri miε kpiri n bo bu fere i ka Dika Nyunyumi n a, lee ngbingbirim jinaabiri ni, i mata miε kpiri n bo bu fere i ka Lasiya n wɔ.

⁹ Na ya wo dɔ aε, haari na Yudafoɔm nɔɔ cici n aba asin, bu ɲa nyini sanga ni, tieku n su natiiri ti tie. Nyini dεε ti, na Pɔɔlu abɔɔ bu, i ɲa, ¹⁰ “Njam, ma ɲu ka nzen ya ɲa ya kɔ ya nyunu, i yó kekereke, na deke dɔnggu sáaki, má lee bambaka n ni nengem ɲgumi, ama, ya ɲgɔɔ mmɔɔ wo nu.” ¹¹ Ama, haari ni nyini mmɔɔ, soja kpien n keteeri Pɔɔlu nɔanie n wɔ, na wɔ de leekanfo n ni lee n fo n dεε nɔanie ni. ¹² Deke bo ya wo ni, i ti má kpa ka ya wo dɔ haari fufuku ba tu ya, nyini dεε ti, na ya dɔnggu asoro su ka ya yasu dɔ, na ya nie, beni, ya koro kɔ ju miε kpiri n bo bu fere i ka Foniki n su na i wo Kereti lui bambaka n su ni. Lee ngbingbirim jinaabiri wo dɔ ɔ, i nɔɔ wɔ wie atɔori dεε bue n wɔ, ya koro kɔ wo dɔ, haari na fufuku n ba sin.

Kabo aɲuma bambaka be yasuuri tieku n nu ni

¹³ Na aɲuma fafari be sukpie fite ya nyunu ndiema bie su. Na ba sunsun ka bu koro kɔ deke bo ba fa bu tii awɔ ni. Nyini dεε ti, na ba cin atu bulaari n bo bu fa kpamaari lee ni, na ya san tieku n aheme akɔ adodo Kereti lui bambaka n dεε bue ni. ¹⁴ Ama, wɔ ce má, na sɔɔ sin aɲuma be bo i nati kpie fite wie afiri saa fɔmbɔrɔ su n akpie fanga su afite Kereti dɔ. ¹⁵ Ya kpa aɲuma n atin wɔ, ya koro akɔ má deke bo ya fa ya tii awɔ ni. Nyini dεε ti, na ya yaki lee bambaka ni, na wɔ su aɲuma n su. ¹⁶ Na ya kɔ adodo lui be bo bu fere i ka Kawuda ni, na ya fa i sin. Lee kaan be sa lee bambaka n su, i yoori kekereke ye ya nya koro taraari i jinaari a. ¹⁷ Na ba nya acin i afun awura lee bambaka n nu. Na ba fa nyama awura lee bambaka n bu, na ba cici i kenken, na i bu n ayo fanga. Bu soro sere ka lee ni kpama teteke n dika wɔ, miε kaan be wo bεrε, bu fere i ka Siritisi. Nyini dεε ti, na ba jura lee tani n bo i bo aɲuma na lee n kɔ ni, na ba nyanya i, na lee n asu aɲuma n su. ¹⁸ Kabo aɲuma n kereeri ya wahara sɔ ni, i alecin, na ba yi yi nengem bo bu wo lee n nu ni nbem ajiji nzue n nu. ¹⁹ I lesan cεen, na bu kere afa bu saa ayi lee n dεε nenge kere aji nzue n nu. ²⁰ Na wɔ ce bo ya ɲu má wie, wara asarambaam, na aɲuma n sukpie agaya sɔ, haari na ya ba ayi tama ka ya fite má nu.

²¹ Tɔ, wɔ ce bo minem n adi má diire n dεε ti, na Pɔɔlu ayasu ajina bu afien, na wɔ se bu ka, “Njam, nzen má am tiiri m nɔanie ni, má ya yasu

má Kereti, má ya nenngem ni saaki má, na bu ka ngbæen sɔ. ²² Ama, kisa, m sutu am fɔ ɔ, am ma am ahoresi. Am be mmɔɔ ngɔɔ ká má nu, má ka lee bambaka ni ngumi saaki a. ²³ Dama anuma kɔngue, Nyeme n bo m su i na i dæe la m ni, i mereke be ba jinaari m bi, ²⁴ na wɔ se m ka, 'Pɔɔlu, má a ma sere ti u. Wɔ yo daka ka a kó jina Romafɔm feme kpiri n nyunu wɔ, na i dí u jɔre. Ti fen, Nyeme afa minem kere bo u ni bere sangha wo lee n nu n ama u.' ²⁵ Nyini ti, njam, am fa ahoresi. Dama m daafi Nyeme ɲu ka i yó kabo i seeri m n wɔ. ²⁶ Haari ni nyini mmɔɔ, aɲuma ni sún ya kɔ jina lui bambaka be su wɔ."

²⁷ Tɔ, i bita ya fikindi Adiriya tieku n nu sɔ ɔ, haari i leburu lenna cæen kɔngue fa kɔ i jinanjin sangha, na lee jumayofɔm n afa nu ka bu sudodo asien. ²⁸ Nyini ti, na ba fa nyama bo bu bita sunsun nie kabo nzue ngongɔ ti barasu. Na ba ɲu ka i toko wo ngɔ. Na ba kɔ mɔ kaan abuka su, na ba sunsun bekun, na ba ɲu ka i wo má ngɔ kun. ²⁹ Na sere ati bu, bu sunsun ka lee bambaka ni kó si yabuem wɔ, na i sandi nu, nyini dæe ti, na ba cɔɔndi lee n sin bulaari nɔnɔɔri nna asienɲu. Na bu susere Nyeme ka ale cin bu. ³⁰ Na lee jumayofɔm n akoro ka bu wɔ ɲmati, na ba yi lee kaan n afa ase nzue n su, na ba kpie mbenle ka bu suyi bulaari nɔnɔɔri nbem lee bambaka n tii dika a. ³¹ Ama, na Pɔɔlu ase soja kpien n ni i sojam ni ka, "Má ka ahin minem n aka lee n nu, am be mmɔɔ fite má nu." ³² Na sojam n akpie nyamam bo bu bita lee kaan n aji, na wɔ kɔ.

³³ Sangha bo ale ba sukoro cin ni, na Pɔɔlu asere minem kere ka, bu nya diire be di. I ɲa, "I nyuma leburu lenna læ, bo am wo ahoresaaki nu, na am adi má pui. ³⁴ Nyini ti, m sere am wɔ, am di diire, adena i buka am na am nya ngɔɔ. Haari am be mmɔɔ tiiɲmie kun n kpein ká má ngbæen." ³⁵ Pɔɔlu seeri sɔ wieeri ni, na wɔ fa kɔnɔ, na wɔ da Nyeme asi bu kere nyunu, na wɔ bu i nu, na wɔ di. ³⁶ Na bu kere afa ahoresi, na bere gusu adi diire. ³⁷ Yere bo ya yo woori lee bambaka n nu ni, ya ti mine yaa nnyɔ ni mine aburaso ni nsen wɔ. ³⁸ Bere kere diiri na bu kunnu yiiri ni, na ba sasa diire mbaa n bo wɔ ka n ago nzue n nu, adena lee bambaka n ka fafaki.

Kabo lee bambaka n sandiiri nu barasu ni

³⁹ Sangha bo ale ba ciinri ni, lee jumayofɔm ɲuuri asien be, ba si má i, ama, na ba ɲu ka nzue be ati ada bere, ɲmie abara aye i. Na ba fa sunsunni ka nzen má bu koro yo, na ba boro bu nyi na bu fa lee bambaka n kɔ wura ɲmie n nu na i kpama. ⁴⁰ Na ba nyangi lee bambaka n bulaari nɔnɔɔrim n aji nzue n nu, na ba nyangi bakam bo bu fa kan lee n dæe nyamam ni, na ba ye tani n bo i wo lee n tii su n aɲgoro ka aɲuma n fa lee n kɔ, na bu sukan sukɔ aheme. ⁴¹ Ama, na ba kɔ aju kunma kpiri sangaabiri, na ba wura ɲmie be nu, na lee bambaka n tii dika n aka akpama, wɔ koro akɔ má. Na nzue nyama ni subo lee ni, na wɔ paparaki i sin dika ni. ⁴² Na sojam n asese su ka bu kun dansarakam n kere wɔ, adena má be wie kpie na i ɲmati kɔ. ⁴³ Ama, soja kpien n koroori ka i de Pɔɔlu tii ji n dæe ti, na wɔ kete bu ɲu ka má bu yo sɔ. Na wɔ ma nɔɔ ka, bo bu si nzue wie n kere, bu du mɔ ti to nu na bu wie kpie kperɛ su, ⁴⁴ na minem bo bu kaari n kere nya so baka sinsinm, ni lee buebuem n nu, na bu wie kɔ ju aheme. Kabo i yoori na ya kere koro fiteeri nu, na pui ayo má be n læ.

28

Deke bo i yoori Pɔɔlu Malite lui bambaka n su n jɔre

¹ Saŋga bo ya fiteeri nzue n nu wieeri ni, na ba se ya ka bu fere lui bambaka n ka Malite. ² Na miε n nufom ade ya na ba yo ya sakpa agaya. Nzue suto na ayere wo bere n deε ti, na ba tɔɔ sin ama ya, na ya kere atun. ³ Na Pɔɔlu atientien yee nɔɔ ago sin n nu, jaa pumpuni wo yee n nu, na sin n waraŋgu awura i, na wo fite akan i saa aka asense su. ⁴ Miε n nufom ni ŋuuri ka woo n akan asense Pɔɔlu saa su sɔ ni, na ba se bu ŋuuri nu ka, "Ahin sɔnɔ n ti sɔnɔ kunfo ɔ nahore su, haari ni bo wo koro afite n nzue n nu ni, i nyeme atin su, wo yo má daka ka i nyá ŋɔɔ." ⁵ Ama, na Pɔɔlu akpisi woo n aji sin n nu, wo ŋu má yaari be. ⁶ Na minem n asunsun ka i cé má, i ŋunie wúra a, wara i kába kpaasi wu. Ama, bu ŋminda cɛeri na bu ŋu má ka deke be ayo i ni, na ba kaaki bu sunsunni, na ba se ka, "I ti nyeme be wo."

⁷ Deke bo ya sekeeri ni, fie be wo dodo dɔ, i fo n ti lui bambaka n su sɔnɔ anyumbaafɔ ɔ, bu fere i ka Pubiliyosi. Na wo de ya wɔfo nyunyumi, na ya ka ada i dika haari lesan. ⁸ Nyini saŋga Pubiliyosi si gusu la má laifie, i da sɔɔ, i ŋunie ado, na i suje tɔtɔkɔ. Na Pɔɔlu awura sɔɔ n bo i da nu ni, na wo fa i saa anana i ŋu, na wo sere Nyeme ama i, na wo nya laifie. ⁹ I yoori sɔ n deε sin, na tukpakifom kere bo bu wo lui bambaka n su n gusu aba Pɔɔlu dɔ, na wo tuntun bu, na ba nya laifie. ¹⁰ Na ba wura ya kpiri, na ba ce ya aceerim beberebe. Na saŋga bo ya ba suyasu ka ya fa lee na ya ko ni, na ba fa deke kere bo i ti ya miεwa awura lee bambaka n nu ama ya.

Kabo Pɔɔlu yasu Malite na i ko juuri Roma miε kpiri n nu ni

¹¹ Ya woori dɔ haari sara nsan, na ya nya fa lee bambaka be bo i fite Alekizanderiya deε miε kpiri n nu wo. Amɔε ndaam anyaari seewa mata i. Fufuku saŋga n deε ti, wo jina dɔ ace. ¹² Na ya ko aju miε kpiri n bo bu fere i ka Sarakusasi n su, na ya wo dɔ lesan. ¹³ Na ya nya akaaki ayasu bere bekun, ako aju miε kpiri n bo bu fere i ka Regiyoni n su. Na i alecin, na aŋuma abo i bu sukpie fite ya nyunu ndiema saa bie su. Na i lennyo cɛen n na ya ko aju miε kpiri n bo bu fere i ka Potiyoli n su. ¹⁴ Na ya ŋu yaradayofɔ nbem dɔ, na ba sere ya ka ya wo bu dɔ lesa. Na ya nya yasu aba Roma miε kpiri n nu. ¹⁵ Saŋga bo yaradayofom n bo bu wo Roma n tiiri ya ŋga ka ya suba ni, na ba fite akpa ya atin, na ya ni bu nbem ako aye miε n bue bo bu fere i ka Apiyosi Gɔɔ n su, na ya ni bu nbem gusu ako aye Wɔfom Daabiri Awuru Nsan miε n nu. Saŋga bo Pɔɔlu ŋuuri bu ni, na wo da Nyeme asi, na wo nya ahoresi.

Kabo Pɔɔlu kaanri Yesu jɔre Roma miε kpiri n nu ni

¹⁶ Saŋga bo ya ko juuri Roma miε kpiri n nu ni, na ba ma Pɔɔlu atin ka i nya awuru be na yiri ni i tii suwo nu, na ba ma i soja kun ka i sunie i dika. ¹⁷ I woori dɔ i lesan, nyini sin, na Pɔɔlu afere Yudafoɔm bo bu la anyunuyi na bu wo miε n nu ni, ka bu tien bu nɔɔ. Bu tien bu nɔɔ wieeri ni, na wo se bu ka, "M ninbaam, ma yo má ya minem n sa be, ma bu má ya nana sayoowa n be ŋgbɛen, ama, haari ni nyini mmɔɔ, bu taraari m Yerusalem miε kpiri n nu wo, na ba nya afa m awura Romafom saa nu. ¹⁸ Bere gusu bisaari m bisaawam wieeri ni, má bu ŋa bu fa m ji wo, dama ba ŋu má satie bo ma yo i na i ti ye ni ka bu kun m. ¹⁹ Ama, na Yudafoɔm n akete ka má Romafom n yaki m nu ji, na wo yo daka ka m sere ka bu fa m jɔre n ko Romafom femε kpiri n dɔ, haari ni bo m la má jɔre be bo m fa jarak m tienngu minem ni. ²⁰ Nyini deε ti, ye m fere am a, na m jɔɔ am dɔ na am si bo i wo bere, ka, sɔnɔ n bo Yisarelifom yo i tama n deε ti, ye m wo ahin jɔrɔkɔ n nu a."

²¹ Na ba se ka, “Ya nya de má kadasi be Yudiyafom do fa ko u jore su. Ya minem bo bu fiteeri do baari n gusu, be nya kan má, wara i joro jore tie be fa ko u do. ²² Ama, ya koro ka ya ti fite u do kabo u sunsunni ti, dama ya si ka nyini atin n bo a bita i ni, deke kere bo a ko, mine jaraki i wo.” ²³ Na ba kpama cen ka bu tien bu noo. Nyini cen n na mine beberebe aba atien bu noo deke bo Poolu da ni. Na wo kan akere bu kabo Nyeme femeya n atin ti barasu. Fite ngarama haari kongue, na wo boro i nyi na i ma bu si kabo Yesu ti barasu, fite kabo ba kere i Moyisi dee noanie kpamaawa kadasi n nu ni, ni kabo ba kere i Nyeme noanie kanfom dee kadasi n nu ni. ²⁴ Na bu nbem ade i noanie ni, ama, na nbem akete, ba yo má yarada. ²⁵ Nyini ti, bu noo ayo má kun, na ba yasu ka bu ko awuru, na Poolu ase bu jore kun be abuka su, i na, “Nahore ye Nyeme Awiewie Casi n joro am jore n a. I yo maari Nyeme noanie kanfo Esaya seeri am nam ka,

²⁶ ‘Ko na a ko se nyini minem ka, Nyeme na o,

Am so am sui ni nahore su,

ama, am ti má deke bo am so am sui ka am ti i n bu.

Am kaaki nie ni nahore su,

ama, am nu má poi.

²⁷ Dama ahin minem tii ti kekereke,

ba to bu sui na má bu ti,

ba kata bu nyumbaa na má bu nu.

Má nyini, bu nyumbaa nu i wo,

na bu sui ti,

na bu si bu ahore su,

na bu kaaki bu wo,

na m má bu nya laife.’ ”

²⁸ Na Poolu akun i joro n noo, na wo se bu ka, “Nyini ti, m koro ka am si ka Nyeme asunma ya ka ya fa tiide labari kpa n ko ma minem bo bu ti má Yudafom ni. Bere de i a.” [²⁹ Na Poolu kaanri so wieeri ni, na Yudafom n ayasu afite ako ase akuruwa nyannyan bu nu nu.] ³⁰ Na Poolu ade soo, na i suto kaari, na wo wo nu haari afo nnyo, na i sude minem kere bo bu ba i do ni, ³¹ na i sukan Nyeme femeya n nusu jore, na i sukere minem ya Mibie Yesu Kristo jore ni ahoresi, be akanda má i.

Pɔɔlu kadasi bo i kere fa maari ROMAFOM ni

¹ Mini Pɔɔlu sukere ahin kadasi n fa ma am a. M ti Yesu Kristo akoo o, ye wo fere m ka m kaaki i jaramasa, na wo yi m ka m kan labari kpa n bo i fite Nyeme do n jore. ² Nyini labari kpa n ye Nyeme yo seeri ka i fa ma ya n a, na wo ma i noanie kanfom akere i nusu jore ase i jore kadasi n nu. ³ Nyini labari kpa n kere ya i Wa n jore wo, nzen ya nie i fa ko i adamande dee woowa su, bu yo wuuri i fiteeri Feme Davidi dee busu n nu n wo. ⁴ Ama, kabo Nyeme faari i yiko tengeeri i yiwee nu ni, nyini ma Awiewie Casi n kere ka i ti Nyeme Wa a, yiri la ya Mibie Yesu Kristo ni. ⁵ Yiri dee ti, ma di Nyeme ahoroma, ye wo ma ma yo i jaramasa, adena i duma n dee ti, na m ma daanfie barasu kere de i noanie ni, na bu yo i yarada. ⁶ Ambere Romafom gusu, am wo nyini minem bo Nyeme afere bu n nu wo, ka am kaaki Yesu Kristo dee minem. ⁷ To, ambere bo am wo Roma mie kpiri n nu ni, ye m sukere ahin kadasi n ma am a. Ambere bo Nyeme koro am na wo fere am na am ayo i dee minem ni, ya Si Nyeme ni ya Mibie Yesu Kristo ma am wura bu ahoroma nu na am nya ahoreda.

Kabo má Pɔɔlu koroori ka i ko nie Romafom busu ni

⁸ Ciciri su, Yesu Kristo dee ti, m da m Nyeme asi ma am kere, dama durunya n nufom kere ati kabo am ayo Yesu Kristo yarada ni. ⁹ Nyeme bo m su i ni m ahorembaa kun ni, na m kan i Wa n labari kpa n jore ni, yiri di m daani a, kabo m nati sere Nyeme ma am ni. ¹⁰ Sangha kere m sere i wo, ka nzen i ti i dee koroyanu, i teke atin ma m kisa, na i awieeri su na m koro ba nie am busu. ¹¹ Dama m nyunu aboro ka m ba ni am wo, adena m fa aceeri n bo i fite Awiewie Casi n do ba ma am na am koro jina fanga kenken ni nyemesu ni. ¹² Nahore, i ti deke bo ya fa ma ya benguna ya nya ahoresi wo, m ni ambere kere, kabo ya yo Yesu yarada n dee ti.

¹³ M ninbaam, m koro ka am si ka sangha kere, ma m koro ka m ba ni am busu wo, ama, m nya ma atin. Ma m koro ka m ba nya mine am nu ma Nyeme wo, kabo ma nya am benguna nbo bu ti ma Yudafom ni. ¹⁴ Dama wo yo daka ka m yo so ma mine barasu kere, bo bu nyunu ateke, ni bo bu nyunu ateke ma, ni bo ba sɔnsɔn kara, ni bo ba sɔnsɔn ma kara. ¹⁵ Nyini dee ti, ye m ahore abi ka m ba kan labari kpa n jore kere ambere gusu bo am wo Roma mie kpiri n nu n a.

Yiko bo i wo labari kpa n nu ni

¹⁶ Nyinse ti ma m fa ko labari kpa n su, dama yiri ti Nyeme yiko bo i ma sɔno kere bo i yo yarada n nya tiide a, bo bu ti Yudafom ni du mo a, na bo bu ti ma Yudafom n nya to su. ¹⁷ Labari kpa n kere kabo Nyeme de sɔno ka i yo sa bo i ko atin su i do a. Sɔno kere bo i yo yarada, i fite i yaradayo n dee ti ye Nyeme de i mi ka i yo sa bo i ko atin su i do a, na nyini ma i yarada n yo biiwa. Kabo ba kere i Nyeme Jore Kadasi n nu ka, Nyeme na, "Sɔno bo i yo sa bo i ko atin su m do, i nya ngoo, i yarada n dee ti."

Kabo adamande kere ayo satie ni

¹⁸ Nyeme wo angoro akere kabo wo fa yaa acin minem sui ni, bere bo bu sunsunni ti tie na bu yo satie ni, bu satie n dee ti, ba kete ka ma minem si Nyeme nahore su. ¹⁹ Deke bo i ti na wo fa yaa n la ka, ba nu deke n kere

bo i ma bu si Nyeme ni, dama yiri ni i tii ayi i kpain afite fofoe nu. ²⁰ Fite sanja bo Nyeme yiiri durunya n ba juuri ni kisa, mine anu i woowa, i ti ma ka bu nyumbaa anu i kabo i ti barasu wo, ama, ba nu dekem bo wo yi bu ni. Nyini dekem ni kere ka i ti Nyeme nahore su a, ni kabo i la yiko bo i la ma awieeri ni. Nyini ti, be wo ma bere bo i koro se ka i si ma i. ²¹ Haari ni bo bu si i n kere, ba kete ka bu ma ma i jirima ka i ti Nyeme, na bu kaaki da ma i asi. Nyini dee ti, ye bu sunsunni kere aka ngbeen ye ngonle akpie bu su, ye bu ahorembaa ayo biri n a. ²² Bu bu nu ka bu ti ngonlefom wo, ama, bu ti sinnzinm wo. ²³ Jirima bo ma bu fa ma Nyeme bo i wo bere sanja kere ni, ba fa ama amem bo ba yo bu na bu ferema ni adamandem, ni lanjketefom, ni ajaannam, ni cinbukunnusufom wo.

²⁴ Nyini dee ti, ye Nyeme ayaki bu ye bu yo bu kunnu koroowa n a, na bu suyo dangba sam bu nu nu suwura bu nu nyinse. ²⁵ Dama ba kete Nyeme nahorefom ni, na bu nya susu kore su. Na bu su dekem bo Nyeme ayi bu ni, bu su ma yiri bo i yiiri deke n kere ni. Yiri dee la kansi sanja kere a. Ami. ²⁶ Ba kete Nyeme n dee ti, ye wo yaki bu a, na bu suyo nyinse sam kabo bu kunnu koro n a, haari na nbaram yaki nbiesom do daari, na bu sufa bu benggu nbaram da, na bu yo kabo ma wo yo ma daka ka bu yo ni. ²⁷ Na nbiesom n gusu yaki nbaram do daari, na bu la konviki agaya fa ko bu benggu nbiesom do, na bu ni bere sanja da ka bara ni bieso dee su. Nyini nyinse sam dee ti, ye ba nya suicin kabo wo yo daka ka bu nya i n a.

²⁸ Kabo ba kete ka bu si ma Nyeme ni, nyini ma wo yaki bu, ye bu sunsunni tie n ma bu yo sa bo ma wo yo ma daka ka bu yo i n a. ²⁹ Bu ahorembaa ayi ni satie barasu kere ngumi wo, bu konviki wura bu benggu nengem nu wo, na bu suyo bu bengum tie, na bu susi bu bengum kore, na bu sukun bu bengum, na bu sudi aluwa, na bu sudadaka bu bengum, na bu sukpo bu bengum, na bu sukan bu bengum jore, ³⁰ na bu susaaki bu bengum duma, na bu sukpo Nyeme, na bu sukpie bu bengum nzuko, na bu la karambani, na bu sufom, na bu susunsun kabo bu yo na bu yo satiem, na bu sukete bu wufom nanie, ³¹ na bu la ma ngonle, na bu yo ma sa bo ba se ka bu yo i ni, na bu koro ma minem, na bu si ma bu bengum anunfo. ³² Bu si kabo Nyeme akere ka, sono kere bo i nati yo so, wo yo daka ka i mi wu ni, haari ni nyini mmoo, bu toko yo nyini sam wo, ama, bo i ko tara i kere n la ka, bu jina mine bo bu gusu nati yo nyini sam ni sin wo.

2

Kabo Nyeme ba di sono kere jore barasu ni

¹ To, woro kere bo a kan nyini minem jore ni, a la ma kabo a yo na a kan fite nu Nyeme do. Dama jore n bo a kan jaraki u benggu na woro ni u tii yo nyini sam ni, nyini ma a kan jaraki u nu n a. ² Ya si kabo Nyeme di minem kere bo bu yo so n jore, na i jaraki bu ni, i jore diiwa n ti nahore wo. ³ Ye woro kere bo a kan minem n bo bu yo nyini sam n jore jaraki bu, na woro mmoo ni u tii yo so ni, a sunsun ka a koro fite Nyeme jore diiwa n nu, nzen se? ⁴ Kabo Nyeme ayo sakpa bambaka ama u na i la mindi ni sawore ni, nzu ti ye a bu i ngbeen a? A si ma ka deke bo i ti na i yoori nyini sakpa n la ka, i koro ka a kaaki u wo wo, nzen se? ⁵ Ama, kabo a yo u ahorembaa kekereke na a kete ka a kaaki ma u wo ni, a sukpini suicin ma u nu wo lee, een n bo Nyeme ba di minem jore nahore su, na i cin bu sui na sono kere nu i ni. ⁶ Na i to sono kere nkatso kabo i sayoowa ti barasu. ⁷ Mine nbem dee la ka, bu mindi nati yo sakpa, na bu kpini kansi, ni jirima, ni anuniembaa bo i kpoo ma n busu ni, bere ye Nyeme ma bu

ngoo bo i la má awieeri n a. ⁸ Ama, minem bo bu nati yo anyii sam, na bu kete deke kere bo i ko atin su Nyeme do, na bu su satie atin su ni, bere ye Nyeme fá yaa bu nu na i cin bu sui n a. ⁹ Minem kere bo bu nati yo satie ni, bu di wahara na bu nu anyumboro, bo bu ti Yudafo ni du mo nu nyini kekereke n a, na bo bu ti má Yudafo gusu nya to su. ¹⁰ Ama, minem kere bo bu nati yo sakpa ni, Nyeme má bu nya kansi ni jirima ni ahoreda, bo bu ti Yudafo ni du mo nya nyini deke kpa n a, na bo bu ti má Yudafo n gusu nya to su. ¹¹ Dama Nyeme tambu má nu.

¹² Minem kere bo bu la má Nyeme noanie kpamaawa n na bu yoori satie, bu ka ngbeen, haari ni bo bu la má Nyeme noanie kpamaawa n ni. Na minem kere bo bu la Nyeme noanie kpamaawa n na bu yoori satie, bere ye Nyeme fá i noanie kpamaawa n di bu jore, na i bo bu asi a. ¹³ Má minem bo bu sui ti Nyeme noanie kpamaawa ni ye Nyeme de bu ka bu yo sa bo i ko atin su i do a. Ama, bo bu yo kabo Nyeme noanie kpamaawa n kere ni, bere ye Nyeme de bu ka bu yo sa bo i ko atin su i do a. ¹⁴ Minem bo bu ti má Yudafo na bu la má Nyeme noanie kpamaawa ni, ama, na bu yo kabo noanie n kere ni, bu sunsunni ni bu ahorembaa kpa n dee ti, bere ni bu tii akpama noanie ama bu nu lee. ¹⁵ Kabo ba de i so ni, nyini kere ka Nyeme noanie kpamaawa n wo bu ahore su a, na bu sunsunni gusu kere ka i ti so o, na i kaaki jaraki bu ka ba yo sa bo i ko má atin su, wara i koro jina bu sin ka ba yo sa bo i ko atin su. ¹⁶ Nyini kere yo cen bo Nyeme má Yesu Kristo ba di adamande kere jore bo i wo asiri nu n wo. M labari kpa n bo m kan i kere mine ni, kabo m kere i lee.

Yudafo ni Nyeme noanie kpamaawa n jore

¹⁷ Ambere bo am na am ti Yudafo, na am daafi Nyeme noanie kpamaawa n nu, na am fa fo ka am si Nyeme ni, ¹⁸ na am si kabo Nyeme koroowa ti, na am sunsun nyunyumi, na am yi sa bo i ti kpa, dama am asi Nyeme noanie kpamaawa n kere awie, ¹⁹ am yo am nu ka ambere bita anyinsinm kpama a, na am ti wein ma minem bo bu wo awosin nu ni. ²⁰ Am na ambere teke minem bo bu la má ngonle nyi a, na am kaaki kere minem bo bu ti ka nbaatumam ni, dama am na am si Nyeme noanie kpamaawa n dee ti, am sunsun ka am si ngonle ni nahore kere bo i wo i nu ni. ²¹ Ambere bo am kere minem ni, nzu ti ye am kere má am nu a? Ye ambere bo am se minem ka má bu wo ni, am wo, nzen am wo má? ²² Am na má be saaki ajaa ciire ni, ye am saaki i, nzen am saaki má i? Am na am koro má amoe jore ni, ye am wo nengem amoe soom n nu, nzen am wo má? ²³ Ambere bo am bita Nyeme noanie kpamaawa n fa fo ka am si i, na am su má i su ni, ambere kaaki wura Nyeme nyinse a. ²⁴ Kabo ba kere i Nyeme Jore Kadasi n nu ni, ka, "Ambere Yudafo dee ti, ye minem bo bu ti má Yudafo joro wura Nyeme ngasi nu a."

²⁵ Nzen am yo kabo Nyeme noanie kpamaawa n kere ka am yo ni, nyini yiri, am kenkenne n bo am awura i n la kperere. Ama, nzen am yo má kabo noanie kpamaawa n kere ni, i ti ka am awura má kenkenne lee. ²⁶ Nzen bo ba wura má kenkenne n yo kabo Nyeme noanie kpamaawa n kere ka bu yo ni, Nyeme de bu ka ba wura kenkenne wo lee. ²⁷ Nyini ti, i sukere ka, bere n bo ba wura má kenkenne na bu yo kabo Nyeme noanie kpamaawa n kere ni, bu di ambere Yudafo jore jaraki am, dama am awura kenkenne na am la noanie kpamaawa ni, ama, am yo má kabo i kere ni. ²⁸ Dama má Yudafo bo ba wura kenkenne anuniembaa su ni ngumi ti Yudafo nahore su a. ²⁹ Ama, sono bo i ti Yudafo nahore su la bo wo kaaki wo i ahorembaa su ni, na kenkenne wuraawa nahore su fite ahorembaa su wo,

Nyeme Awiewie ni kaaki sɔnɔ a, má nɔanie kpamaawa ni. Nyini sɔnɔ sɔ, Nyeme kansɩ i a, má adamande.

3

¹ Tɔ, bo bu ti Yudafom ni, bu la nzu kperɛ wɔ? Ye kenkenne wura buka nzu wɔ? ² Nahɔre, Yudafom tara minem bo bu ti má Yudafom ni deke dɔngɔ nu. Ciciri su, Nyeme du mɔ faari i nɔaniem n wuraari bere saa nu a, ka bu nie i su. ³ Ye nzen Nyeme fa wuraari bere saa nu a, ye bu nbem ayo má yarada, nyini kere ka Nyeme la má dabuɔ lɛɛ, nzen sɛ? ⁴ Ai, má sɔ. Haari ni bo sɔnɔ kere ti kɔrefom ni, Nyeme yiri ti i nahɔrefɔ ɔ, kabo ba kere i Nyeme Jɔre Kadasi n nu ni, ka,
 “Deke bo a kan ni, bu nɔ ka nyini ti nahɔre a,
 na nzen bu di u jɔre jarakiiri u, a kúnma bu.”
⁵⁻⁶ Ye nzen ya satiem n bo ya yo bu n kere kabo Nyeme yo sa bo i kɔ atin su, na i cin ya sui, ya koro se ka wɔ yo má sakpa, nzen sɛ? Ai, má sɔ. Adamande sunsunni lɛɛ. Nzen Nyeme yo má sa bo i kɔ atin su, i yo se koro di durunya n nufom jɔre a? ⁷ Be koro se ka nzen m bu kɔre, na i ma minem nɔ kabo Nyeme nahɔre ti barasu, adena bu ma i jirima, ye nzu ti ye i di m jɔre cin m sui ka m ti satieyofɔ a? ⁸ I ti kabo mine nbem nati kan wɔ, bu nɔ, am ma ya yo satie adena Nyeme ba ma i kaaki sakpa. Bu kpɛ m nzukɔ ka mini mmɔ se sɔ ɔ. Bu bu kɔre wɔ. Nyeme dí bu jɔre na i cin bu sui.

Be wo má bere bo i yo sa bo i kɔ atin su sanɔ kere

⁹ Tɔ, ya se sɛ wɔ? Yere bo ya ti Yudafom ni, ya tara bo bu ti má Yudafom n nzu nu wɔ? Ai, ya tara má bu pui, dama ma du mɔ ase am ka yere Yudafom ni, ni bo bu ti má Yudafom n kere ti satieyofom wɔ. ¹⁰ Kabo ba kere i Nyeme Jɔre Kadasi n nu ni, ka,

“Be wo má bere bo i yo sa bo i kɔ atin su, haari sɔnɔ kun n kpein mmɔ.

¹¹ Be wo má bere bo i la nɔnɔ,
 be wo má bere bo i nienie Nyeme busu.

¹² Sɔnɔ kere akaaki bu sin abo Nyeme dɛɛ atin ni, bu kere aka nɔnɔ,
 be wo má bere bo i yo sakpa,
 haari sɔnɔ kun n kpein mmɔ wo má bere.”

¹³ Ba kaaki akere ka,

“Bu konvi ti ka fanɔnɔ bo ba teke i su wɔ,
 na bu fa bu taferema sudadaka minem.”

“Na jɔre bo i fite bu nɔ nu yo ya ka pumpuni bɔre wɔ.”

¹⁴ “Nzukɔlɛɛ ni jɔre tie nɔnɔ fite bu nɔ nu a.”

¹⁵ “Bu ce má na bu yi mine nɔnɔ ndende.

¹⁶ Deke kere bu kɔ, bu dɛɛ la ka bu yo minem nɔnɔnɔnɔ,
 na bu saaki bu.

¹⁷ Bu dɛɛ la ka bu nati sukpinɩ jɔre, bu koro má tanalaifɛ.”

¹⁸ “Bu nyunu yi má Nyeme, nyini dɛɛ ti, bu soro má i.”

¹⁹ Ya si ka deke n kere bo ba kere i Nyeme nɔanie kpamaawa n nu ni, i jɔre ni Yudafom bo bu su i su n wɔ, adena má be koro teke i nɔ kan jɔre be, ama, durunya n nufom kere bá jina Nyeme nyunu na i dí bu jɔre na i cin bu sui. ²⁰ Dama be wo má bere bo i koro se ka i su nɔanie kpamaawa n su dɛɛ ti, ye Nyeme de i ka i yo sa bo i kɔ atin su i dɔ a, ama, nɔanie kpamaawa ni ma minem si ka bu ti satieyofom a.

Kabo Nyeme nɔ sɔnɔ yo sa bo i kɔ atin su i dɔ ni

²¹ Ama, kisa Nyeme ayi akere ya kabo ya yo sa bo i ko atin su i do, ma yiri la bo ya su noanie kpamaawa n su ni, ama, yiri la bo noanie kpamaawa n ni Nyeme noanie kanfom diiri i nusu daani ka i yo n wo. ²² Yiri la ka, sono kere bo wo yo Yesu Kristo yarada, yiri ye Nyeme na i yo sa bo i ko atin su i do a, nyini ti, ya la ma kpakpaakinu, ²³ dama sono kere ayo satie afun Nyeme jirima woowa ni, ²⁴ ama, Yesu Kristo ade sono kere tii aji, nyini dee ti ye Nyeme na sono kere ayo sa bo i ko atin su i do n a, i ti Nyeme aceeri wo. ²⁵⁻²⁶ Yiri Yesu ye Nyeme ma i deeri adamande jinaabiri n a, na wo fa i nu ayo yoowa na wo wu, adena nzen minem yoori i yarada, i mbunja n dee ti, Nyeme fa bu satie ce bu. Deke bo i ti na Nyeme yoori so n la ka, i koro ka i kere kabo yiri ni i tii yo sa bo i ko atin su n wo, dama dawa sangha Nyeme yo laari sawore fa ko minem bo bu yo satie n do. Ama, kisa wo kere ka yiri ni i tii yo sa bo i ko atin su wo, na sono kere bo i yoori Yesu yarada, Nyeme de i mi ka yiri yo sa bo i ko atin su i do a.

²⁷ Nyini dee ti, nzu deke ye ya koro fa fo a? Deke be wo ma bere. Noanie kpamaawa ni ma minem yo sa bo i ko atin su Nyeme do a, nzen se? Ai, ma so. Ama, bo minem yo Yesu yarada n dee ti a. ²⁸ Ya nie ka deke bo i kere ka Nyeme de sono ka i yo sa bo i ko atin su i do n la kabo wo yo Yesu yarada n wo, ma ka i su noanie kpamaawa n su n dee ti a. ²⁹ I ti nahore wo, ka Nyeme ti ma Yudafom ngumi Nyeme, i ti bo bu ti ma Yudafom n gusu Nyeme wo. ³⁰ Nyeme ti kun wo. Yarada n dee ti, ye Nyeme na Yudafom bo ba wura kenkenne n yo sa bo i ko atin su i do a, ye minem bo bu ti ma Yudafom na bu wura ma kenkenne ni, bu yarada ma Nyeme de bu ka bu yo sa bo i ko atin su i do a. ³¹ Nyini sukere ma ka ya yo Yesu yarada n dee ti, ya fa ma noanie kpamaawa n yo ma juma a. I ti ma so, ama, nyini ma ya bita noanie kpamaawa n kenken a.

4

Kabo Abraham yoori Nyeme yarada barasu ni

¹ To, am ma ya nie ya na Abraham jore. Ya busu nu, yiri ti ya kere na a. ² Nzen ma i sakpa yoowa dee ti ye Nyeme ade i ka i yo sa bo i ko atin su i do, ma i koro fa fo yanfoya, ama, Nyeme do, i ti ma so. ³ Dama ba kere i Nyeme Jore Kadasi n nu ka, "Abraham yoori Nyeme yarada, nyini dee ti ye Nyeme ade i ka i yo sa bo i ko atin su i do n a." ⁴ Nzen sono yo juma na ba to i kaari, i ti ma ka bu na ba ce i aceeri wo, i ti i juma ni nkato o. ⁵ Ama, sono bo i yoori yarada, ma ka i sakpa bo wo yo i n dee ti ye Nyeme ade i ka i yo sa bo i ko atin su i do n a, ama, wo yo yarada ka Nyeme de satieyofa ka i yo sa bo i ko atin su i do n dee ti a. ⁶ Feme Davidi mmoo yo kaanri nyini minem nusu jore, ka i mi la terefie, dama Nyeme ade i ka i yo sa bo i ko atin su i do, ma ka i sakpa n dee ti a. I na,

⁷ "Terefie wo bu do, minem bo Nyeme fa bu ngasi ce bu ni.

Terefie wo bu do, minem bo Nyeme kata bu satie su ni.

⁸ Terefiefo la sono bo Micera n na i la ma satie be ni."

⁹ To, minem bo bu wuraari kenkenne n ngumi la nyini terefie ni, nzen se a? Ai, minem bo bu wura ma kenkenne ni mmoo la i. Dama ya du mo ase ka, Abraham yarada n dee ti ye Nyeme ade i ka i yo sa bo i ko atin su i do n a. ¹⁰ Sangha bono ye Nyeme seeri so n a? Nyini sangha Abraham awura kenkenne, nzen wo nya wura ma? Ai, nyini sangha wo nya wura ma. ¹¹ Nyini sangha n sin, ye i ba wuraari kenkenne n a. Na i kenkenne wuraawa n kere ka i yarada n dee ti ye Nyeme deeri i ka i yo sa bo i ko atin su i do, sangha bo i nya wura ma kenkenne ni. I yoori so ni, adena yiri

Abraham bá yo minem bo ba yo yarada n kere si, haari ni bo ba wura má kenkenne ni, ye Nyeme ade bu ka bu yo sa bo i ko atin su i do n a. ¹² Yiri gusu kaaki ti minem bo ba wura kenkenne n si a, má ka ba wura kenkenne n dee ti, ama, bo ba yo yarada kabo i yoori yarada sangá bo i nya wura má kenkenne ni.

¹³ Nyeme yo seeri Abraham ni i busu nufom ka i fá durunya n kere ce bu ni, má ka i su Nyeme noanie kpamaawa n su dee ti a, ama, kabo wo yo Nyeme yarada n ti ye Nyeme deeri i ka i yo sa bo i ko atin n su i do a.

¹⁴ Nzen mine su Nyeme noanie kpamaawa n su ye bu nya deke n bo Nyeme seeri ka i cé bu ni, nyini la ka yaradayo n ti ngbeen wo lee, na kabo Nyeme ase n gusu la má kperé. ¹⁵ Nzen minem saaki noanie kpamaawa ni, nyini ma Nyeme fa yaa na i cin bu sui a, ama, nzen má noanie kpamaawa be wo má bere, má deke be wo má bere bo i kere ka sɔnɔ ayo satie.

¹⁶ Nyini ti, deke bo Nyeme yo seeri ka i fá ma ni, i baari minem bo bu yo yarada n dee ti wo. I yoori so ni, adena deke n bo i yo seeri ka i yó n yó aceeri kpama ma Abraham busu nufom kere, má bo bu su noanie n kpamaawa n su ngumi, ama, bo ba yo yarada kabo Abraham yoori ni. Yiri ti ya kere si a, ¹⁷ kabo ba kere i Nyeme Jore Kadasi n nu ni, ka, Nyeme na o, “M má a yo mine barasu dongu si.” Nyeme nuuri ka Abraham ayo yarada ka yiri Nyeme tenge minem bo ba wu n yiwee nu, na yiri ma deke n bo i yo wo má bere n wo bere a. ¹⁸ Nyini ti, sangá bo Abraham yoori yarada na i la tama ni, i ti kekereke na i yo tama ka i bá yo mine barasu dongu si, kabo ba kere i Nyeme Jore Kadasi n nu ka, “U busu nufom bá sunnu beberebe ni.” ¹⁹ Haari ni sangá bo wo ju afo yaa, na i si ka wo yo kpien ni, na i yi Saara ti njoroka na wo yo buke n kere ni, i njunie ayoroki má i, i yoori yarada a. ²⁰ Wo yo má sika fa ko deke bo Nyeme seeri ka i yó i n su, ama, yarada n bo i yoori i n dee ti, na wo nya fanga na wo kansu Nyeme. ²¹ Na wo si tenle su ka Nyeme koro yo deke n bo i yo seeri ka i yó i ni. ²² Abraham yoori yarada a, nyini dee ti ye Nyeme ade i ka i yo sa bo i ko atin su i do n a. ²³ Kabo ba kere i ka, Nyeme ade i ka i yo sa bo i ko atin su i do ni, má Abraham ngumi dee ti ye bu kereeri i so a, ²⁴ ama, yere gusu dee ti ye bu kereeri so n a, yere bo Nyeme bá de ya ka ya yo sa bo i ko atin su i do n na ya yo i yarada ni, yiri bo i tengeeri ya Mibie Yesu i yiwee n nu ni. ²⁵ Ya satie dee ti ye Yesu wuuri a, na wo tenge i yiwee n nu, adena Nyeme de ya ka ya yo sa bo i ko atin su i do.

5

Kabo Nyeme ade ya ka ya yo sa bo i ko atin su ni

¹ To, ya yo yarada, na Nyeme ade ya ka ya yo sa bo i ko atin su i do ni, ye ya ni yiri afien ayo dongu a, ya Mibie Yesu Kristo dee ti. ² Yesu Kristo dee ti ma ya la atin jina deke bo ya wo kisa n a, yiri la Nyeme ahoroma n bo wo fa ama ya ni, na ya la ahorejo, dama ya la tama ka ya nya Nyeme dee jirima woowa n be. ³ Na nzen ya gusu la ahorejo sangá bo ya di wahara, ya si ka wahara di ni ma ya mindi a. ⁴ Nzen ya la mindi, nyini ma ya la wo kpa a, nzen ya la wo kpa, nyini ma ya la tama a. ⁵ Na tama n bo ya la i ni, i ma ya di má nyinse, dama Nyeme afa i Awiewie Casi n ama ya, yiri ma ya si ya ahore su kabo Nyeme koro ya agaya barasu a.

⁶ Sangá bo ya la má fanga mmoo ni, nyini sangá n ye Kristo ba wu maari satieyofom n a. ⁷ I ti kekereke ka sɔnɔ soro su na i to i ngoo na i wu ma sɔnɔ bo i yo sa bo i ko atin su, ama, beni, be koro fa ahoresi na i soro su na i de sɔnɔ bo i yo sakpa agaya jinaabiri na i wu ma i. ⁸ Ama, Nyeme yiri

akere ya kabo i koro ya barasu, dama sanja bo ya toko yo satiem ni, ye Kristo ba wu maari ya a. ⁹ Nyini dɛɛ ti, i yiwee n bo i wu maari ya ni, ye Nyemɛ ade ya ka ya yo sa bo i kɔ atin su i dɔ n a, nyini ti, i ti nahɔrɛ wo ka i dɛ ya fite suicin n bo Nyemɛ fá cin satieyofom ni. ¹⁰ Sanja bo ya yo ti Nyemɛ kpɔfom ni, ye i wa Yesu wu maari ya n a, na wo yo ya ni Nyemɛ afien dɔngɔ, kisa na ya ni Nyemɛ afien ayo dɔngɔ ni, i dɛ ya tii ji nahɔrɛ su, dama Yesu la ngɔɔ n dɛɛ ti. ¹¹ Má nyini ngumi a, ama, ya la ahorejo na ya bo tuntun Nyemɛ ya Mibiɛ Yesu Kristo dɛɛ ti, dama wo yo ya ni Nyemɛ afien dɔngɔ.

Adam ni Yesu Kristo jɔrɛ

¹² Am ma ya tenge ya kere na Adam jɔrɛ su. Yiri sɔnɔ kun dɛɛ sa bo i yoori i ni faari satie baari durunya n nu a, ye satie n gusu faari yiwee ba kuunri sɔnɔ kere n a, dama sɔnɔ kere yo satie wo. ¹³ Satie yo woori durunya n nu ka, ye Nyemɛ nya ba faari i nɔanie kpamaawa n maari a, ama, sanja bo Nyemɛ nya fa má i nɔanie kpamaawa n ma má ni, minem yo kan má satie jɔrɛ, dama nɔanie kpamaawa be wo má bere n dɛɛ ti. ¹⁴ Ama, haari nyini mmɔɔ, fite Adam sanja n kere kɔ ju Moyisi sanja ni, yiwee la yiko kun minem sɔ ɔ, haari ni bo ba yo má satie kabo Adam yoori ni. Adam woowa kere ya deke be fa kɔ yiri n bo i bá ba n jɔrɛ a.

¹⁵ Ama, aceeri n bo Nyemɛ afa ama ya ni, i ti má ka Adam dɛɛ satie ni. Sɔnɔ kun satie dɛɛ ti ye mine dɔngɔ wuuri a, ama, deke bo i tara i kere n la ka, mine dɔngɔ anya ahɔrɔma bambaka, i ti aceeri bo i fite Nyemɛ dɔ ɔ, sɔnɔ kun ahɔrɔma dɛɛ ti. Yiri la Yesu Kristo. ¹⁶ Bekun, Nyemɛ aceeri n ti má ka sɔnɔ kun n dɛɛ satie ni, dama sɔnɔ kun n dɛɛ satie ni, nyini ma Nyemɛ di mine jɔrɛ cin bu sui a, ama, mine dɔngɔ satie bo ba yo i n dɛɛ sin, ye Nyemɛ ace bu aceeri a, na wo de bu ka bu yo sa bo i kɔ atin su i dɔ. ¹⁷ Ya ŋu ka sɔnɔ kun dɛɛ satie ti, ye yiwee la yiko kun mine sɔ n a, yiri sɔnɔ kun n satie dɛɛ ti. Ama, deke bo i tara i kere n la kabo mine anya ngɔɔ adi femeya n wo, dama ba nya ahɔrɔma bambaka n bo i ti Nyemɛ aceeri ni, Nyemɛ ade bu ka bu yo sa bo i kɔ atin su i dɔ a. I kere fite sɔnɔ kun n dɛɛ ti wo, yiri la Yesu Kristo.

¹⁸ Nyini ti, kabo sɔnɔ kun dɛɛ satie ti na Nyemɛ di minem kere jɔrɛ cin bu sui ni, sɔ bekun ye sɔnɔ kun dɛɛ sakpayo ni ma Nyemɛ de minem kere ka bu yo sa bo i kɔ atin su i dɔ na bu nya ngɔɔ a. ¹⁹ Na kabo sɔnɔ kun keteeri Nyemɛ nɔanie n na minem kere ayo satieyofom ni, sɔ bekun ye sɔnɔ kun gusu ade Nyemɛ nɔanie n a, nyini ye Nyemɛ dɛ minem kere ka bu yo sa bo i kɔ atin su i dɔ a. ²⁰ Nyemɛ faari i nɔanie kpamaawa n kereeri a, na mine si kabo satieyo asunnu barasu a, ama, deke bo satieyo sunnu, Nyemɛ ahɔrɔma n bo wo fa ama n sunnu tara sɔ. ²¹ Nyini ti, kabo satie la yiko na i ma yiwee kun minem sɔ ni, sɔ ye Nyemɛ ahɔrɔma n dɛɛ ti, ye i de minem ka bu yo sa bo i kɔ atin su i dɔ a, na bu nya ngɔɔ bo i la má awieeri a, ya Mibiɛ Yesu Kristo dɛɛ ti.

6

Yesu Kristo dɛɛ ti ya la ngɔɔ

¹ Tɔ, ye ya se sɛ wo? Ya koro kɔ su suyo satie, adena Nyemɛ ahɔrɔma buka su, nzen sɛ? ² Ai. I koro yo má sɔ. I ti ka ya ti minem bo ba du mɔ awu wo, fa kɔ satie su. Ye nzu ti ye ya toko yo satie bekun a? ³ Am si má Nyemɛ nzue n bie n bu wo? Yere bo bu bieeri ya Nyemɛ nzue ni, ya ni Yesu Kristo ayo kun lɛɛ, na ya ni yiri asanja awu yiwee kun lɛɛ. ⁴ Sanja bo bu bieeri ya Nyemɛ nzue ni, i ti ka ya ni Yesu asanja awu, na ba kaaki

ase ya ni yiri wɔ lɛɛ. Na kabo ya Si Nyemɛ Yikofɔ n tengeeri Yesu i yiwee nu ni, sɔ ye i má ya gusu nya nyini ngɔɔ fɔfɔrɛ n a.

⁵ Ya ti kabo i ti n wɔ, sanɔa bo i wuuri ni, sɔ ye wɔ yo daka ka ya bá ti kabo i ti n a, i yiwee tenge n nu. ⁶ Ya si ka, ya woowa dawa ni, ba sanɔa akpama i ni Kristo i baka jaanu n su, adena má ya yo akɔɔm fa kɔ satie su kun, dama anuniembaa n bo i yo satie n wo má bere kun. ⁷ Dama sɔnɔ kɛrɛ bo wɔ wu, wɔ de i tii afite satie nu lɛɛ. ⁸ Tɔ, kabo ya ni Kristo sanɔa wuuri ni, sɔ ye ya yo yarada ka ya ni yiri sanɔa nya ngɔɔ a. ⁹ Ya si ka Kristo tengeeri i yiwee n nu ni, i wú má kun, dama yiwee la má i nusu yiko kun. ¹⁰ Yiwee n bo i wuuri ni, i wuuri kpekun n kpein wɔ, na i yi satie, ama, ngɔɔ n bo i la i ni, i wo Nyemɛ dɛɛ wo wɔ. ¹¹ Sɔ ye i ti ye ni ka ambere ni am tii si ka am awu fa kɔ satie su a, na am ni Yesu ayo kun, ye am la ngɔɔ wo Nyemɛ dɛɛ wo a.

¹² Nyini ti, má am ma satie la yiko fa kɔ am nuniembaa n su, na am yo am kunnu koroowa. ¹³ Má am fa am nuniembaa be ma satie, na i kaaki deke bo i yo satie, ama, am fa am nuniembaa ka minem bo ba tenge yiwee nu anya ngɔɔ kisa, na am fa am nuniembaa n kere ma Nyemɛ na i fa am yo deke bo i yo sa bo i kɔ atin su. ¹⁴ Satie la má yiko fa kɔ am dɔ, dama Nyemɛ nɔanie kpamaawa n nie má am su kun, ama, Nyemɛ ahɔrɔma ni nie am su a.

Minem bo ba kaaki sa bo i kɔ atin su akɔɔm

¹⁵ Tɔ, nzu bekun a? Kisa, Nyemɛ nɔanie kpamaawa n nie má ya su kun, ama, Nyemɛ ahɔrɔma ni nie ya su a. Nyini ti, ya koro yo satie, nzen sɛ? Ai, má sɔ. ¹⁶ Am si ka nzen am faari am nuniembaa be na am deer i mi nɔanie, am ti i mi n akɔɔ ɔ lɛɛ. Kabo i nya ti sɔ ni, nzen am faari am nuniembaa satie, am ti satie akɔɔ ɔ, na am wú ɔ lɛɛ. Ama, nzen am gusu deer i Nyemɛ nɔanie ni, i dé am ka am ayo sa bo i kɔ atin su i dɔ ɔ lɛɛ. ¹⁷ Sanɔa be am yo ti satie akɔɔm wɔ, ama, kisa ya da Nyemɛ asi ka Nyemɛ nɔanie n bo bu fa kereeri am, na am ade i ni am ahorembaa kere ni, ¹⁸ am ade am tii afite satie nu lɛɛ, am akaaki sa bo i kɔ atin su n akɔɔm wɔ. ¹⁹ M fa adamande dɛɛ woowa, ye m fa kere kabo Nyemɛ ti a, dama am suti má i bu. Am yo fa am nuniembaa n be yoori danɔba sam wɔ, ni satie barasum wɔ, nyini ma am saaki nɔanie kpamaawa n a, sɔ ye kisa am fa am nuniembaaam yo sa bo i kɔ atin su, nyini ma am yo Nyemɛ mine casim a.

²⁰ Sanɔa bo am yo ti satie akɔɔm ni, be mie má am ka am yo sa bo i kɔ atin su. ²¹ Satiem bo am yo yoori bu ni, nzu kperɛ ye am nyaari i a? Pui. Kisa, bu ti am nyinɛ wɔ, na i awieeri kere la yiwee wɔ. ²² Ama, kisa na am ade am tii afite satie nu, na am ayo Nyemɛ akɔɔm ni, kperɛ bo am anya i ni, yiri la bo am ayo i mine casim ni, na i awieeri, am nyá ngɔɔ bo i la má awieeri ni. ²³ Dama satie nkato la yiwee wɔ, ama, Nyemɛ aceeri n bo wɔ fa ama ya n la ngɔɔ bo i la má awieeri na i wo ya Mibie Yesu Kristo nu n wɔ.

7

Ajaa woowa kere kabo atin fɔfɔrɛ n ti barasu a

¹ Tɔ, m ninbaam, m sujɔɔ ambere bo am si nɔanie kpamaawa ni dɔ a. Am si má ka nzen sɔnɔ toko la ngɔɔ, ye nɔanie kpamaawa n nie i su a? Ama, i nya wu wieeri, i koro nie má i su kun. ² Ya fa i ka, nzen bara aja, na i hun toko la ngɔɔ, nɔanie kpamaawa n ma má atin ka i yaki i ajaa, ama, nzen i hun n nya wuuri, i la atin bo i koro kɔ ja biesɔ fɔfɔrɛ. ³ Nyini ti, nzen i hun n toko la ngɔɔ na i kɔ jaari biesɔ fɔfɔrɛ, bu fére i ka bara bo

wɔ saaki ajaa ciire wɔ, ama, nzen i hun n awu ye i kɔ jaari biesɔ fɔfɔrɛ, nɔɔniɛ kpamaawa n ma i atin wɔ, wɔ saaki má ajaa ciire lɛɛ. ⁴ Tɔ, nyini ti, m ninbaam, i ti sɔ ɔ lɛɛ, amberɛ mmɔɔ dɔ. Kabo am ni Kristo ayo kun na wɔ wu ni, bu sangga kuunri am ni yiri wɔ lɛɛ. Nyini ti, nɔɔniɛ kpamaawa n niɛ má am su kun, nyini ma am la atin na am kaaki be dɛɛm n a. Nyini la ka, am ti Kristo dɛɛm wɔ lɛɛ, yiri bo i tengeeri i yiwee n nu ni. Deke n bo i ti na i yo sɔ n la ka, ya koro yo sakpa ma Nyɛmɛ. ⁵ Sangga bo ya yo su ya adamande woowa su ni, ya koroowa la ka, ya sufa ya ŋuniɛmbaam suyo satiem, nɔɔniɛ kpamaawa n dɛɛ ti. Nyini satiem n awieeri la yiwee wɔ. ⁶ Ama, kisa, ya nya ya tii afite nɔɔniɛ kpamaawa n bo i yo niɛ ya su ni, dama ya wu wɔ. Nyini ti, ya su Nyɛmɛ wɔ, ya su má atin dawa n bo i su nɔɔniɛ kpamaawa n bo ba kɛrɛ ase n su, ama, ya su Nyɛmɛ ni atin fɔfɔrɛ n bo Awiewie Casi n afa ama ya ni su a.

Kabo nɔɔniɛ kpamaawa n ma mine yo satie barasu ni

⁷ Tɔ, ye ya se sɛ wɔ? Ya koro se ka nɔɔniɛ kpamaawa n ti satie, nzen sɛ? Ai, má sɔ. Nzen má nɔɔniɛ kpamaawa n awo má bɛrɛ, má m si má kabo satie ti. Dama nzen má nɔɔniɛ kpamaawa n ase má ka, “Má a ma u konviki wura be dɛɛ nɛŋge nu,” má m si má ka nzen u konviki wuraari be dɛɛ nɛŋge nu, i ti satie wɔ. ⁸ Nɔɔniɛ maawa n bo i seeri sɔ n dɛɛ ti, satie anya atin m ahore su, nyini ma m la konviki barasu barasu fa kɔ minem nɛŋge nu n a. Nyini kere ka nzen nɔɔniɛ kpamaawa n wo má bɛrɛ, satie la má yiko, i ti ka deke bo wɔ wu wɔ. ⁹ Sangga be m yo la ŋɔɔ ɔ, na m si má nɔɔniɛ kpamaawa n jɔrɛ, ama, sangga bo nɔɔniɛ maawa n baari ni, na wɔ ye satie su m ahore su, ¹⁰ na ma wu. Na ma ŋu ka nɔɔniɛ maawa n bo má i ma ŋɔɔ ni, mini dɔ, i faari yiwee baari a. ¹¹ Nɔɔniɛ maawa n dɛɛ ti, ye satie anya atin awura m ahore su adadaka m, ye i kun m a. ¹² Nyini kere kere ka nɔɔniɛ kpamaawa n ni i tii, ti deke kpa fite Nyɛmɛ dɔ ɔ, na nɔɔniɛ maawa kun kun n kɛrɛ ti deke kpa a, na i kere sa bo i kɔ atin su.

¹³ Nyini ti, nɔɔniɛ kpamaawa n bo i ti kpa ni, wɔ ma ma wu wɔ, nzen sɛ? Ai, má sɔ. Ama, satie fa nyini nɔɔniɛ kpa n su wɔ, ye i ma m wu a, adena satie kere kabo i ti barasu nahore su, na nɔɔniɛ maawa n ma minem si kabo satie ti deke tie agaya ni.

Woowa barasu nnyɔ bo i wo adamande nu ni

¹⁴ Ya si ka nɔɔniɛ kpamaawa n ti awiewie jɔrɛ wɔ, ama, mini yiri, m bita adamande dɛɛ woowa a, na m ti satie akɔɔ. ¹⁵ Sam bo m yo bu ni, m koro si má deke n bo i ti na m yo bu ni, dama deke n bo m koro ka m yo bu ni, m yo má nyini, ama, deke n bo m kpɔ bu ni, m yo nyini wɔ. ¹⁶ Nyini ti, nzen m yoori satie be, na m koro má i, ma soro su ka nɔɔniɛ kpamaawa n ti kpa wɔ lɛɛ. ¹⁷ Ma ŋu ka má m koroyanu ye m yo nyini satiem n a, ama, satie n bo i wo m ahore su ni ma m yo sɔ a. ¹⁸ M si ka woowa n bo m bita i ni, i ti má kpa haari kaan sɔ, i ti adamande woowa a, nyini ti, sakpayo wo m ahore su, ama, m koro yo má i. ¹⁹ M koro ka m yo sakpa, ama, m koro yo má i, satie n bo m koro má ka m yo i ni, m yo nyini wɔ. ²⁰ Satie n bo m yo bu na m koro má ka m yo bu ni, nyini la ka, má mini ni m tii yo bu a, ama, satie n bo i wo m ahore su ni yo bu a.

²¹ Ma ŋu ka nyini jɔrɛ n ti nahore wɔ, ka, sangga kɛrɛ bo m koro ka m yo sakpa, nyini sangga ye m yo satie a. ²² Dama m sunsunni ni m ahore su, m koro Nyɛmɛ nɔɔniɛ kpamaawa ni. ²³ Ama, ma ŋu ka nɔɔniɛ barasu be wo m ŋuniɛmbaa n kɛrɛ nu, nyini nɔɔniɛ tie n kun lue ni nɔɔniɛ kpamaawa n bo i wo m sunsunni ni m ahore su n wɔ, na i kunma m ŋuniɛmbaa n kɛrɛ

nu, na i tara m nyi m. ²⁴ Oi. Mini aɲunfofo so. Nma de m tii ji a, na i yi m fite ahin adamande aɲuniembaa n nu a, bo i sucin m ko yiwee n nu, na m ka ngbeen n a? ²⁵ M da Nyeme asi, dama wo de m tii aji, ya Mibie Yesu Kristo dee ti.

To, mini do, m sunsunni ni m ahore su, m su Nyeme noanie kpamaawa n su wo, ama, m adamande dee woowa su, m su satie atin su wo.

8

Minem bo bu woowa ti kabo Awiewie Casi n koro ni

¹ Nyini ti, kisa, sono kere bo i ni Yesu Kristo ayo kun, Nyeme di ma i jore cin ma i sui. ² Dama Awiewie Casi n dee noanie kpamaawa n bo i ma ya ngoo, na i fite Yesu Kristo do ni, ade u tii aji, na wo yi u afite noanie kpamaawa n bo i ma a yo satie na a wu n nu ni. ³ Nyini noanie kpamaawa n la ma fanga, dama adamande aɲuniembaa woowa n ayoroki. Deke bo noanie kpamaawa n akoro ayo ma i ni, Nyeme ayo i, yiri la bo i sunmaari i tieɲgu Wa durunya n nu fen, ni aɲuniembaa bo i ferema ni adamande dee n bo i yo satie ni, na wo di satie bo i wo adamande ɲunie n nu n jore, na wo yo i ngbeen. ⁴ Deke bo i ti na Nyeme yoori so n la ka, adena ya yo sa bo i ko atin su kabo noanie kpamaawa n kereeri ni, dama yere, ya su ma adamande aɲuniembaa woowa n atin su kun, ama, ya su awiewie n dee atin ni su a. ⁵ Minem kere bo bu su adamande aɲuniembaa woowa n atin su ni, bu sunsunni kere wo adamande sa koroowa su wo, ama, minem bo bu su Awiewie Casi n dee atin n su ni, bu sunsunni kere wo Awiewie Casi n jore su wo. ⁶ Bo i sunsunni wo adamande aɲuniembaa woowa n su, i mi wu o, ama, bo i sunsunni wo Awiewie Casi n jore su, i mi nya ngoo, na i nya ahoreda. ⁷ Dama sono kere bo i sunsunni kere wo adamande aɲuniembaa woowa n su ni, i mi ti Nyeme kporo o, i de ma Nyeme noanie kpamaawa ni, i koro de ma i wo mmoo fieo, ⁸ na bo i su adamande dee aɲuniembaa woowa n su ni, i koro yo ma sa bo i sun Nyeme nu.

⁹ Ama, ambere yiri, am su ma adamande aɲuniembaa woowa n atin n su, am su Awiewie Casi n dee atin ni su a, dama Awiewie Casi n wo am nu n wo. Ama, sono kere bo i la ma Kristo Awiewie ni, i mi ti ma Kristo dee. ¹⁰ Ama, ambere bo Kristo wo am do ni, am ɲuniembaa n ba wu wo, satie dee ti, ama, Awiewie Casi ni ama am ngoo, dama Nyeme do, i de am ka am yo sa bo i ko atin su wo. ¹¹ Nahore su, Nyeme tengeeri Yesu i yiwee n nu, nyini ti, nzen i Awiewie Casi n wo am nu, haari am ɲuniembaa wuuri mmoo, i tenge i kabo i tengeeri Yesu i yiwee n nu n wo, dama i Awiewie n wo am nu n dee ti.

¹² Nyini dee ti, m ninbaam, ya di kaari, ma yere adamande aɲuniembaa woowa n su dee kaari, bo ma ya fa su yere adamande aɲuniembaa woowa n atin su ni. ¹³ Dama nzen am su adamande dee aɲuniembaa woowa n atin su, am wu wo lee, ama, nzen am ma Awiewie Casi n bukaari am, na am yakiiri adamande aɲuniembaa woowa ni, am nya ngoo. ¹⁴ Minem kere bo bu ma Nyeme Awiewie n kere bu atin, bere ti Nyeme nbaam a. ¹⁵ Dama Awiewie Casi n bo am ade i ni, i yaki ma am na am kaaki yo akoom kun na am soro sere, ama, yiri ma am yo Nyeme nbaam a, na yiri ma am koro bo fere Nyeme ka, "Abba," i bu la ka, "M Si." ¹⁶ Awiewie Casi n ni i tii buka ya dee awiewie n ye i di daani ya ahore su se ka ya ti Nyeme nbaam a. ¹⁷ Kabo ya ti Nyeme nbaam ni, ya nya deke n bo Nyeme ase ka i fa ma i minem ni, na ya ni Yesu Kristo gusu sangga nya deke n bo Nyeme ase ka i fa ma i minem n a. Nzen ya ni yiri sangga diiri wahara, ya ni yiri gusu sangga nya i jirima woowa ni.

Kabo ya woowa bá ti kabo Nyeme dɛɛ n ti ni

¹⁸ M sunsun ka wahara n bo ya sudi i kisa ni, i ti má pui, ya koro fa má i sunsun má jirima woowa n bo Nyeme bá yi i kere ya ni. ¹⁹ Deke n kere bo Nyeme ayi bu n n̄minda ni anyumboro wɔ, na bu bá n̄u kabo Nyeme yí i nbaam fite fofoe n nu. ²⁰ Dama deke n kere bo Nyeme ayi bu n wo bere wɔ, bu la má kperɛ, má ka bere koro sɔ a, ama, Nyeme ma bu la má kperɛ a. Deke bo i ti na i yo sɔ n la ka, i la tama ²¹ ka deke n kere bo wɔ yi bu ni, bu nyá bu tii, na má bu yo akɔɔm kun, na bu wu na bu kpɔɔ, ama, na bu nyá tiide ni jirima woowa kabo Nyeme nbaam kere nya i barasu ni. ²² Ya si ka deke n kere bo Nyeme ayi bu ni, wo waraki ni yaari nu wɔ, haari ni kisa, kabo bara ba suwu baa na i di yaari ni. ²³ Má deke n bo Nyeme ayi bu ni n̄gumi wo waraki su a, ama, yere mmɔɔ bo ya de i Awiewie bo i ti ciciri su aceeri ni, ya wo waraki su sun̄minda ni anyumboro wɔ, ka Nyeme bá fa ya yo i nbaam, na i de ya n̄uniɛ ni. ²⁴ Tiide n bo ya nya i ni, nyini ma ya la tama n a. Nzen a la deke, a se má ka a la tama ka a nya i. Deke bo sɔnɔ la i, i se má ka i la i tama. ²⁵ Ama, nzen ya la tama ka ya nyá deke be na ya nya nya má i, ya mindi n̄minda ni anyumboro wɔ, na ya bá nya i.

²⁶ I ti sɔ lɛɛ, san̄ga kere bo ya yɔɔki na ya si má kabo ya yo ni, Awiewie Casi n ba buka ya, beni, ya si má kabo ya sere Nyeme barasu, ama, Awiewie Casi n ni i tii waraki sɔ ɔ sere Nyeme ma ya, ni waraki bo adamande koro jɔjɔ má i. ²⁷ Nyeme fiiti adamande ahorembaa su na i si kabo i ti barasu a, yiri si deke bo i wo i Awiewie Casi n sun̄sunni nu a, dama Awiewie Casi n su kabo Nyeme koro ni su a, na i sere Nyeme ma i minem. ²⁸ Ya si ka Nyeme wo minem bo bu koro i n dɔ, na i buka bu, adena i yo deke kere dɔn̄gu ma bu, bere la minem bo i du mɔ seseeri su ka i fere bu ni, na wo fere bu. ²⁹ Nyeme du mɔ siiri nyini minem wɔ, na wo cici ka bu bá yo kabo i Wa n ti ni, nyini ma i Wa n yoori baakpiɛn, i nbaam kere nu n a. ³⁰ Nyeme du mɔ ciciri nyini n kere wɔ ka, na wo nya fere bu, na bere n bo wo fere bu n ye wo de bu ka bu yo sa bo i kɔ atin su i dɔ n a, na bere n bo wo de bu ka bu yo sa bo i kɔ atin su i dɔ ni, ye wo ma bu i jirima woowa n be n a.

Kabo Nyeme akere i koro barasu ni

³¹ Tɔ, kisa, ye ya se se wɔ bekun a, fa kɔ ahin sam kere su a? Nzen Nyeme wo ya dɔ, n̄ma koro yo ya sa be a? ³² Nyeme akete má ka i fa má i tiɛngu Wa ni mmɔɔ ma má ya, ama, i faari i maari ya kere wɔ. Nyini ti, i yo se kete ka i má má ya deke n kere bo i ti kpa n a? ³³ N̄ma koro fa jɔre fa sɔ Nyeme minem bo wɔ yi bu n a? Be wo má bere, dama Nyeme ni i tii ade bu ka bu yo sa bo i kɔ atin su i dɔ a. ³⁴ Nyini ti, n̄ma koro di ya jɔre cin ya sui a? Be wo má bere. Dama Kristo ni i tii wuuri wɔ, nahɔre na wo tenge i yiwee n nu, i tana Nyeme saa fɔmbɔɔ su, susere i ma ya. ³⁵ Koro n bo Kristo koro ya ni, nzu deke koro kpaaki ya ni yiri a? Ai. Deke be koro kpaaki má ya ni yiri n nu. Kekereke o, wahara o, wuwuruwa o, ahɔɛ o, yaari o, anyumboro o, yiwee o. Deke be wo má bere bo i koro kpaaki ya ni yiri nu. ³⁶ Dama ba kere i Nyeme Jɔre Kadasi n nu ka, "Wɔɔ dɛɛ ti, ale kere bo i cin, bu kun ya sɔ ɔ, ya ti ka n̄ɔɛm wɔ, ye bu kpiɛ ya kɔm a."

³⁷ Haari ni nyini n kere mmɔɔ ni, ya di nasara a, na ya toko di nasara buka su, Kristo bo i koro ya n dɛɛ ti. ³⁸⁻³⁹ M si tenle su ka, deke be wo má bere bo i koro kpaaki ya ni koro n bo Nyeme koro ya, ya Mibiɛ Yesu Kristo dɛɛ ti ni, yiwee wara n̄gɔɔ o, mɛrekem wara Sitana yikofom o, deke n bo bu wo bere o, wara deke n bo bu bá yo o, yiko bo i wo angoro wara asien bu o.

Deke n bo Nyeme ayi bu ni, bu be wo má bere bo i koro kpaaki koro n bo i wo ya ni Kristo afien ni.

9

Minem bo Nyeme afere ayi bu n jore

¹ Tɔ, deke bo m sukan kere am ni, i ti nahore wo, m bu má kore, m ti Kristo dee wo, Awiewie Casi n gusu kere m sunsunni nu a, ye i di daani m ahore su a. ² Yiri la ka, m ahore asaaki agaya, na sanja kere i suyo m yaa ³ fa ko m ninbaa Yisarelifom dee busu. Nzen má mini ni m tii kaari ngbeen, na m kpaaki yakiiri Kristo, adena i buka m ninbaam, m dee tienngu minem ni, má m koro. ⁴ Bere la Yisarelifom bo Nyeme maari bu atin ka bu yo i nbaam, na bu nuuri i jirima woowa ni, na i faari sesesum diiri i di ni bere ni, na i faari nɔaniɛ kpamaawa n maari bu ni, na i kereeri bu kabo bu su i barasu ni, na i seeri ka i yó sakpa beberebe ma bu ni. ⁵ Bu ti ya nam busu nufom wo, haari Kristo Tiidefo n bo Nyeme sunmaari i na i kaaki adamande baari durunya n nu ni, bu wuuri i fite bu dee busu n nu wo. Kristo Tiidefo ni la yiko tara deke n kere, yiri ti Nyeme a, yiri ti ye ni kansi sanja kere a. Ami.

⁶ I ti má ka Nyeme nɔaniɛ n ti má nahore wo, dama má bu kere bo bu wuuri bu Yisarelifom busu nu ni n ti Yisarelifom nahore su a. ⁷ Nahore, má nbaam kere bo Abraham wuuri bu ni ti i nbaam nahore su a, ama, Nyeme yo seeri Abraham ka, “U wa Izaki sinfom ngumi yó u busu nufom a.” ⁸ Nyini la ka, má nbaam kere bo Abraham wuuri bu kabo adamande wu nbaam ni ti Nyeme nbaam nahore su a, ama, i nbaam bo Nyeme seeri ka i wú bu ni ngumi, ti i busu nufom nahore su a. ⁹ Dama kabo Nyeme yo seeri i n yaa, i na, “Ti fen, ngɔɔ cɛɛn ka buuso, m káaki ba na m bá nu ka u yi Saara bita baabieso.” ¹⁰ Má nyini ngumi a, am tenge su ka ya na Izaki yo maari i yi Rebeka akunnu, ye i wuuri ndaam n a. ¹¹⁻¹² Sanja bo Rebeka nya wu má i ndaam ni, na bu nya yo má sakpa wara satie be ni, nyini sanja n ye Nyeme seeri i ka, “Baakpien ni bá su baakan n a.” Nyeme dee koroyanu ye i yoori so n a, yiri koro i sono ye i yiiri i a, má ka bu be sayoowa dee ti a. ¹³ Kabo ba kere i Nyeme Jore Kadasi n nu ni, ka, Nyeme na,

“Jakɔbu, ye m koro i a,
ama, Isawu yiri, m kpo i wo.”

¹⁴ Ye ya se se wo? Ya koro se ka Nyeme ayo má sa bo i ko atin su, nzen se? Ai, ya koro se má so fieo. ¹⁵ Dama Nyeme yo seeri Moyisi ka, “Sono kere bo m koro ka m buka i, m búka i wo,
na sono kere bo m koro ka m si i anunfo, m sí i anunfo o.”

¹⁶ Nyini ti, má adamande koroyanu, wara deke bo i boro i nyi yo i ni ti jore a, ama, kabo Nyeme si anunfo ni, nyini ti jore a. ¹⁷ Dama ba kere i Nyeme Jore Kadasi n nu ka, Nyeme yo seeri Ijipiti Feme Faaro ka, “Deke n bo i ti na m yiiri u tanaari femeya bie n su n la ka, m kere m yiko u ngɔɔ su, na m duma tá bara ye durunya n kere nu.” ¹⁸ Nyini kere kere ka, sono kere bo Nyeme koro ka i si i anunfo, ye i si i mi anunfo a, na minem bo i koro ka i yo bu ahorembaa kekereke ni, na i yo bu.

Nyeme yaafa ni i anunfo si n jore

¹⁹ Nyini ti, beni, be koro bisa m ka, “Nzen i ti so, nzu ti ye Nyeme di minem bo ba kete i n jore na i jaraki bu a? Nma koro kete na i kanda sa bo Nyeme koro i n a?” ²⁰ M na, woro la nma na a se Nyeme akuruwa a? Dundu koro bisa má yakati tafɔ n ka, “Nzu ti ye a taari m so a?” ²¹ Yakati

tafo n la atin bo i fa i yakati n ta dundu bo i sufa yo juma ceen n kere ceen, na i kaaki la atin bo i fa be ta dundu bo i fa yo juma ceen kpiri ceen.

²² Nyini ti, Nyeme la atin bo i koro fa yaa, na minem nu kabo i yiko ti barasu. I gusu koro mindi agaya fa ko minem bo bu ma yaa ati i ni, bere bo ma wo yo daka ka bu ka ngbeen ni. ²³ Na i gusu la atin bo i fa i jirima woowa bo i la ma anusu n fa kere minem bo wo si bu anunfo ni, na wo du mo asese su ka bu ba nya i jirima woowa n be ni. ²⁴ Yere la nyini minem bo i si ya anunfo, na ya nya i jirima woowa n be ni, ma ka yere Yudafo ngumi, ye wo fere ya nbem a, ama, wo fere bo bu ti ma Yudafo ni mmoo nbem abuka su. ²⁵ I ti kabo Nyeme noanie kanfo Hoseya akere i dee kadasi n nu n wo ka, Nyeme na,

“Minem bo bu yo ti ma m minem ni, m fere bu ka m minem.

Na yiri n bo ma koro ma i ni, m fere i ka m sono koroowa.

²⁶ Dika n bo i nu na m fereeri bu ka, ‘Am ti ma m minem ni,’ do ye bu fere bu ka Nyeme bo i wo bere sangha kere n dee nbaam n a.”

²⁷ To, na Nyeme noanie kanfo Esaya abo awie fa ko Yisarelifom jore su, i na, “Haari ni bo Yisarelifom sunnu beberebe ka nmie ni, bu nu mine kaan so nya tiide a. ²⁸ Dama sa n bo Micera ni yo i durunya n nu ni, i yo i wie ndende.” ²⁹ I ti kabo Esaya du mo seeri n wo, i na,

“Nzen ma Micera Yikofa n ayaki ma ya busu nufom nbem, ma i yo ya kabo i yoori Sodomfo ni Gomorafom wo, mie tiem bo Nyeme saaki bu ni.”

Yisarelifom ni labari kpa n jore

³⁰ To, ye ya se se wo? Minem bo bu ti ma Yudafo ni, akpini ma atin kabo bu yo sa bo i ko atin su Nyeme do, ama, kisa, Nyeme ade bu ka bu yo sa bo i ko atin su i do, bu yarada n dee ti. ³¹ Ama, na Yisarelifom bere, akpini atin kabo bu su noanie kpamaawa n su, adena Nyeme de bu ka bu yo sa bo i ko atin su. Ama, haari ni nyini mmoo, ba koro asu ma i su nyunyumi, na bu yo sa bo i ko atin su Nyeme do. ³² Nzu ma i yoori so n a? Dama ba kpini ma atin kabo bu yo yarada na Nyeme de bu ka bu yo sa bo i ko atin su i do, ama, bu kpiniiri atin ka bu sayoowa ma Nyeme de bu ka bu yo sa bo i ko atin su i do a. Na ba bo bu jaa yabue n su na ba kpaasi.

³³ Kabo ba du mo akere i ase ni, Nyeme na,

“Am ti fen, m sufa yabue be se Siyon mie kpiri n nu lee, nyini yabue ni, minem bo bu jaa su na bu kpaasi. Ama, sono kere bo i yoori i yarada, i mi di ma nyinse.”

10

¹ M ninbaam, deke bo m koro i m ahore su la ka, m minem Yisarelifom nya tiide, m nyemesere lee sangha kere. ² M si tenle su ka bu nyunu aboro ka bu su Nyeme atin n su nahore su, ama, bu si ma kabo bu yo na bu su i su. ³ Dama bu si ma atin bo Nyeme de minem ka ba yo sa bo i ko atin su i do ni, ama, bu kpini bu tiengu atin wo, na bu su i su. Nyini ti, na ba kete Nyeme atin ni, ba de ma kabo Nyeme na bu yo sa bo i ko atin su i do ni. ⁴ I ti nahore wo, ka Kristo juma n bo i yoori i ni, yiri kuunri noanie kpamaawa n kere noo a, adena sono kere bo i yoori i yarada, Nyeme de i mi ka i yo sa bo i ko atin su i do.

Sono kere koro nya tiide

⁵ Moyisi yo kere fa koori kabo mine koro su noanie kpamaawa n su, na bu yo sa bo i ko atin su Nyeme do, i na, “Sono kere bo i su noanie kpamaawa

n kere su, i mi nyá ngoo.”⁶ Ama, fa ko kabo yarada dee ti, na sono yo sa bo i ko atin su Nyeme do ni, i na, “Má a sunsun u ahore su ka, nma fun ko angoro a?” Nyini la ka, i ko fa Kristo jura ba lee.⁷ Wara “Nma júra kunma ngongo n bo i la má awieeri nu a?” Nyini la ka, i ko fa Kristo fun fite bo ba wum n nu ba lee.⁸ Deke bo i suse n la ka, “Nyeme noanie n waari má ni woro.

I wo u noo nu, ni u ahorembaa mmoo su.”

Yiri la labari n bo ya kaanri i n fa ko yaradayo su ni.⁹ Nzen a teke u noo jooori minem nyunu ka, Yesu ti u Mibie nahore su, na a yoori yarada u ahore su ka Nyeme tengeeri i yiwee n nu, a nyá tiide.¹⁰ Dama sono kere bo i yoori yarada i ahore su, ye Nyeme de i ka i yo sa bo i ko atin su i do a. Na sono kere bo i teke i noo jooori minem nyunu ka wo yo yarada, nyini ma i nya tiide a.¹¹ Dama ba kere i Nyeme Jore Kadasi n nu ka, “Sono kere bo i yoori i yarada, i mi dí má nyinse.”¹² Nyini ti, bo bu ti Yudafom, ni bo bu ti má Yudafom, bu la má kpakpaakinu, Micera kun ni ti bu kere Mibie a. Yiri ma minem kere bo bu bo fere i duma deke kpa bo i la má agususu n a.¹³ Dama ba kere i Nyeme Jore Kadasi n nu ka, “Sono kere bo i bo fereeri Mibie n duma, i mi nyá tiide.”

¹⁴ To, bu yo se koro bo fere i duma, má ka ba du mo ayo i yarada? Ye bu yo se koro yo i yarada, má ka ba du mo ati i jore? Ye bu yo se koro ti i jore a, má ka be adu mo akan i labari kpa n akere bu?¹⁵ Ye bu yo se koro kan i labari kpa n kere minem a, má ka be asunma bu minem do? Kabo ba kere i Nyeme Jore Kadasi n nu, ka, “Bo bu suba kan Nyeme labari kpa n ma ya ni, bu natiiri yo fie.”¹⁶ Ama, má sono kere soroori su deeru labari kpa n a, kabo Nyeme noanie kanfo Esaya yo seeri ni, ka, “Ya Mibie, nma ayo ya labari n yarada? Ai, be ade má i.”¹⁷ Nyini ti, kana sono ba yo Yesu Kristo yarada, má ka wo ti i labari kpa n ka, kana sono gusu ba ti labari kpa ni, má ka be akan Kristo noanie ni akere i.

¹⁸ Ama, mine bo ba de má labari kpa ni, ba ti má jore n wo, nzen se a? Nahore, ba ti i. Dama ba kere i Nyeme Jore Kadasi n nu ka, “Ba bo ndoori abara aye durunya n kere nu, na bu noanie aju asien n kere su.”

¹⁹ M koro ka m bisa bekun ka, Yisarelifom ni, ba si má? Ba si. Moyisi du mo seeri ka, Nyeme na,

“M má am si kore fa ko minem bo bu ti má daanfie n nahore su ni, m má am fa yaa fa ko minem bo bu la má ngonle n nu.”

²⁰ Na Esaya ayo ahoresi, na wo se bu ka, Nyeme na,

“Haari minem bo bu yo nienie má m busu ni, m ma ba nu m.

Na minem bo bu yo bisa má m busu ni, ma bo bu nu afa m nu akere bu.”

²¹ Na Esaya akaaki ase fa ko Yisarelifom su ka, Nyeme na, “Ale kere bo i cin, m tenge m saa fere nyini minem n wo, ama, bu ti atii kekereke ni ketemafom wo.”

11

Kabo Nyeme ma Yisarelifom nbem diiri i ahorama ni

¹ M koro ka m bisa ka, Nyeme akete i minem wo, nzen se a? Ai, wo kete má bu e. Am ti fen. Mini Poolu ni m tii, m ti Yisarelifom o. M ti Abraham busu nufom o, m fite Benjamin dee lee ano n nu wo.² Nyeme akete má i minem bo i du mo yiiri bu ni. Am nya kan má Nyeme Jore Kadasi n nu fa ko i noanie kanfo Eliya n su, kabo i jarakiiri Yisarelifom Nyeme do n wo,

nzen se? ³ Bo i na, “Micera, ba kun u noanie kanfom kere, ba kaaki afufu u yoowa yoobirim n kere, wo ko aka mini ngumi kpein wo, ye bu koro ka bu kun m gusu n a.” ⁴ Ama, Nyeme yo seeri i se wo? I na, “Ma yaki Yisarelifom mine akpii nso afa ase Yisareli asien n su. Bere ye bu nya kutu ma amoe Baali n na bu su i a.” ⁵ Nyini dee ti, kisa gusu, i ti so o lee. Nyeme ayi Yisarelifom nu mine kaan so o, ye wo fere bu a, fa ko i ahorama n dee ti. ⁶ I ahorama n dee ti, ye wo yi bu a, ma ka bu sayoowa dee ti a. Nzen ma i ti ka bu sayoowa n dee ti, ma ahorama n ti ma aceeri kun.

⁷ Nzu bekun a? Yisarelifom n anya ma deke n bo bu kpiiri i busu ni, ama, minem n bo Nyeme yiiri bu ni, bere nyaari i a, na bo bu kaari n kere ahorembaa ayo kekereke. ⁸ I ti kabo ba kere i Nyeme Jore Kadasi n nu n wo, ka,

“Nyeme ama bu ahorembaa nonoori,
na i ma bu nyumbaa nu ma asi,
na i ma bu sui ti ma asui,
haari ni nyuma.”

⁹ Na Feme Davidi ase ka,

“Ma bu ceenkpiri diire diibiri n kaaki toroku ni diendie tara bu.
Ma bu kpaasi, na bu nya bu satie nkato.

¹⁰ Ma bu nyunu si biri na bu koro nu ma asi,
ma bu wi biri sanja kere sanja ka ba so soori nonoori wo.”

Kabo bo bu ti ma Yudafom n anya tiide ni

¹¹ M koro ka m bisa ka, bo bu boori bu jaa kpaasi ni, bu yasu ma kun wo? Ai, ma so. Ama, nahore, bu kpaasi so n dee ti, ye minem bo bu ti ma Yudafom nyaari tiide a, adena Yudafom nu i na bu si bu kore. ¹² Nyini ti, ba kpaasi n dee ti, ye durunya n nufom anya deke kpa beberebe a, ba fun deke n bo ma bu nya i n dee ti, ye bo bu ti ma Yudafom n anya deke kpa beberebe n a. To, nzen i ti so, na Yudafom bo bu ba yo yarada n buka su, i yo deke kpa tara so.

¹³ Kisa m sujojo ambere bo am ti ma Yudafom ni gusu do a. Juma n bo Nyeme afa ama m ni, i sunmaari m ka m yo i jaramasa ambere bo am ti ma Yudafom do o, nyini ti ye m fa m juma n fa fo a, ¹⁴ na i ma m tienngu minem si kore, adena bu nbem nya tiide. ¹⁵ Dama sanja bo Nyeme keteeri bu ni, ye i ni durunya n nufom kere ayo kun a, ama, nzen i kaaki deeri bu bekun, i ti se wo? I yo ka ba nya ngoo afite yiwee nu wo lee. ¹⁶ Nzen be faari i alembaa fofore be fa yoori yoowa na i fa maari Nyeme, nyini la ka, i alembaa n kere ti Nyeme dee wo lee. Ye nzen baka bunlui n ti Nyeme dee, nyini la ka, i asambaa n kere gusu ti Nyeme dee wo lee.

¹⁷ Nahore, Yisarelifom ti ka baka n bo i su suuwa kpa n wo, ye ba kpie i asambaa ni nbem atu, na ambere ti ka boro baka bo i suuwa la ma fanja, ye ba kpie am asa baka n bo i su suuwa kpa n dee asambaa n su a, nyini ti, am ni baka n bo i su suuwa kpa n asambaa n kere sanja nya ngoo fite i bunlui n do o. ¹⁸ Nzen i nya ti so, ma am fa fo ka am ti kpa tara baka n bo i su suuwa kpa n ni i tii, dama ma asambaa ni ma bunlui ni ngoo a, ama, bunlui ni ma asambaa ni ngoo a.

¹⁹ Beni, a se ka, “Ba kpie baka n bo i su suuwa n dee asambaa n be, adena mini nya sasuubiri a.” ²⁰ To, i ti nahore wo, Yudafom ayo ma yarada n dee ti, ye Nyeme kpieeri bu jiiri n a, ye u yarada n dee ti, ye a jina jinaabiri n bo a jina n a. Nyini ti, ma a yo kpirikoro, ama, si u nu sa. ²¹ Dama nzen Nyeme ayaki ma baka kpa n ni i tii dee asambaa ni, beni, i ba yaki ma woro boro baka ni mmoo dee asambaa ni. ²² M na a nu kabo Nyeme yo sakpa

barasu ni, ni kabo i di mine jore na i cin bu sui ni anyumboro barasu ni. Minem bo bu yo má i yarada n ye i di bu jore cin bu sui ni anyumboro n a, ama, woro yiri, i yo sakpa ma u wo, nyini ti, susu i sakpa n bo i yo ma u n su, má nyini, i kpie woro mmoo ji wo lee. ²³ Nzen Yudafom kaakiiri bu wo, na bu bá yoori Nyeme yarada, i koro fa bu sa bu woobiri dawa n su, dama i la yiko bo i koro yo so. ²⁴ Ti fen. Woro mmoo ni u tii ti ka boro baka asambaa n bo ba kpie i afa asa baka n bo i su suuwa kpa n su wo. Nyini ti, a si ka Nyeme do, i ti má kekereke na i kaaki ba fa baka n bo i su suuwa kpa n asambaam n ba sa bu woobiri dawa n su bekun.

Kabo Nyeme si sono kere anunfo n jore

²⁵ M ninbaam, asiri nu jore be yaa, ye m koro ka am si i a, adena má am yo am nu kpiri ka am la si. Yiri la ka, kabo Yisarelifom nbem ayo bu ahorembaa kekereke ni, bu bita i so haari fa ko ju sangha bo minem bo bu ti má Yudafom kere bá ba Nyeme do. ²⁶ To, i yo so o, na Yisarelifom kere bá nya tiide, kabo ba kere i Nyeme Jore Kadasi n nu ni, ka,

“Tiidefo ni fite Siyon mie kpiri n nu ba,
na i bá yi deke n kere bo i ko má atin su fa tu,
na i yo Jakobu busu nufom casi.

²⁷ Kabo m fá sesesu di i di ni bere lee,
sangha bo m ba yiiri satie n bo i wo bu nu ni.”

²⁸ Kabo Yudafom n akete labari kpa n ni, nyini ma ba kaaki Nyeme kprofom kisa n a, amberere bo am ti má Yudafom n dee ti. Ama, fa ko kabo Nyeme fereeri bu nam na i yiiri bu ni, bu ti i mine koroowam wo. ²⁹ Dama nzen Nyeme faari i aceeri fa ceeri mine nbem, wara nzen wo fere sono, i kaaki má i sunsunni. ³⁰ Amberere, am yo keteeri Nyeme noanie n wo, ama, kisa, wo si am anunfo, bere bo ba kete i noanie n dee ti. ³¹ To, kisa, i ti so o, bere akete Nyeme noanie ni, dama Nyeme asi am anunfo, adena i awieeri su, na i bá si bere gusu anunfo. ³² Dama Nyeme abo sono kere kun ka bu kere kete i wo, adena i awieeri su na i bá si bu kere anunfo.

Nyeme kansu jore

³³ Nahore, Nyeme alecira ni i si bo i la i n wo ngo. Kabo i di i jore ni, be koro fiiti má nu na i ti i bu, i atin n gusu kere, sono koro si má i bu. ³⁴ Ba kere i Nyeme Jore Kadasi n nu ka,

“Nma nya si deke bo i wo Micera n sunsunni nu a?
Wara nma nya koro tu i fo a?”

³⁵ “Nma nya ce Nyeme deke be a,
adena Nyeme kaaki to i mi kaari a?”

³⁶ Dama deke kere fite yiri do a, deke kere ti i dee wo, na deke kere bá yo i dee wo. Yiri ti ye ni ka ya kansu i sangha kere sangha. Ami.

12

Minem bo bu yo Nyeme sa koroowa n woowa jore

¹ Nyini ti, m ninbaam, m sere am wo, am nie kabo Nyeme asi am anunfo ayo am sakpa ni, na am fa am nu ma i, kabo má am yo woowa fa ma i ni, ama, am toko la ngoo, na am kaaki Nyeme minem na am su i ni anyumboro. Nyini ti nyemesu bo i sun i nu a, dama wo yo sakpa ama am. ² Má am ma am woowa ti kabo durunya n nufom woowa ti barasu ni, ama, am kaaki am sunsunni fofore, na am kaaki am wo, nyini ma am koro si Nyeme koroyanu sa a, bo i ti kpa, na i sun i nu, na i ti kabo i koro ka i ti ni.

³ Tɔ, Nyeme aceeri n bo wɔ fa ama m dɛɛ ti, m sutu am kɛrɛ fɔ ɔ ka, má be wura i ɲu kpiri tara kabo i ti ni, ama, sɔnɔ kɛrɛ sunsun na i niɛ i ɲu kabo i ti nahɔrɛ su barasu, na i si kabo Nyeme ama i mi yarada barasu ni. ⁴ Adamande aɲuniɛmbaa n ti mɔmɔ kun wɔ, ama, i la bue bue, i kɛrɛ ni i juma bo i yo i. ⁵ Ya gusu dɔ i ti sɔ ɔ lɛɛ, ya sunnu, ama, ya ni Kristo ayo kun n dɛɛ ti, ya ti aɲuniɛmbaa mɔmɔ kun wɔ, na ya kɛrɛ ti aɲuniɛmbaa n bue be bo ya buka ya bɛɲgu wɔ. ⁶ Nyini ti, aceeri barasu barasum bo Nyeme ahɔrɔma n dɛɛ ti na wɔ fa ama ya ni, am ma ya fa yo i juma ni. Nzen aceeri n bo Nyeme afa ama be n la ka i sukan Nyeme nɔaniɛ ni, i ti ye ni ka i mi sufa yo juma, kabo i yarada n ti barasu ni. ⁷ Nzen Nyeme ama be aceeri ka i su amusui, i ti ye ni ka i mi sufa su. Nzen wɔ ma be aceeri ka i fa kere minɛm, i ti ye ni ka i mi sufa kere bu. ⁸ Nzen wɔ ma be aceeri ka i sutu minɛm fɔ na i wura bu kpekperɛ kekereke, i ti ye ni ka i mi sutu fɔ yo sɔ. Nzen wɔ ma be aceeri ka i suyo sakpa na i ce minɛm aceeri, i ti ye ni ka i mi yo i ni ahorembaa kun. Nzen wɔ ma be aceeri ka i yo minɛm mɔfɔ, i ti ye ni ka i yo sɔ ni anyumboro. Ye nzen wɔ ma be aceeri ka i suyo sakpa ma minɛm bo bu wo ahoresaaki nu ni, i ti ye ni ka i yo sɔ ni ahorejɔ.

⁹ Am koro minɛm ni akunnu fofoe, am kpɔ satie, na am su deke bo i ti kpa su. ¹⁰ Am koro am bɛɲgu Kristofom ka am ti nibaam wɔ, na am bu am bɛɲgum ka bu tara am. ¹¹ Am su Mibiɛ n ni anyumboro, má am yo nviɛya, am ma am ahorembaa bi ni nyemesu. ¹² Am la ahoresi n dɛɛ ti, am ma am ahore jɔ. Saɲga kɛrɛ bo am sudi wahara, am mindi, na am sere Nyeme saɲga kɛrɛ ni anyumboro. ¹³ Am kpaaki am nɛɲgem nu ma Nyeme minɛm bo bu la má be ni, na am boro am nyi sude minɛm wɔfɔ.

¹⁴ Am sere deke kpa Nyeme dɔ ma minɛm bo bu kere am wuwuruwa ni, am sere deke kpa ma bu, má am sere deke tie ma bu. ¹⁵ Nzen minɛm wo ahorejɔ nu, am ma am ni bɛrɛ kɛrɛ ahore ti jɔɔwa. Nzen minɛm wo ahoresaaki nu, am ma am ni bɛrɛ kɛrɛ wo ahoresaaki nu. ¹⁶ Am ma am ni am bɛɲgum saɲga wo ni sawɔrɛ, má am koro kpiri, ama, am fa am ɲu mata tarakam. Má am se ka ambɛrɛ ɲgumi la ɲgɔnlɛ a.

¹⁷ Nzen sɔnɔ yo am satie, má am wɔrɔ tie tɔ i kaari. Ama, am boro am nyi na am suyo sa bo i ti kpa, na sɔnɔ kɛrɛ ɲu i, na bu se ka i ti kpa. ¹⁸ Nzen am koro yo i, am boro am nyi na am ni sɔnɔ kɛrɛ tana ni laifie. ¹⁹ M danfo kpaam, nzen be ayo am satie, má am wɔrɔ tie tɔ i kaari, ama, am yaki i, na Nyeme cín i mi sui, dama ba kɛrɛ i Nyeme Jɔrɛ Kadasi n nu ka, Micera n ɲa, “Mini cín bu sui a, mini tó bu kaari a.” ²⁰ Ama, am yo kabo ba kɛrɛ i Nyeme Jɔrɛ Kadasi n nu ni, ka, “Nzen ahɔɛ ati u kpɔfɔ na a la diire, ma i na i di. Nzen nzuehɔɛ ati i, ma i nzue na i nu. Nzen a yoori sɔ, i ti ka a tɔrɔ sinmɔnɛ aɲɔ i mi tii su wɔ lɛɛ.” ²¹ Má a ma satie yoowa kunma u, ama, ma u kpayo n kunma satie ni.

13

Kabo i ti ye ni ka ya de tereterefom nɔaniɛ barasu ni

¹ I ti ye ni ka sɔnɔ kɛrɛ de tereterefom nɔaniɛ, bɛrɛ bo bu la yiko na bu niɛ am su ni, dama yiko be wo má bɛrɛ bo i fite má Nyeme dɔ. Bo bu la yiko kisa n kɛrɛ, Nyeme akpama bu a. ² Nyini ti, sɔnɔ kɛrɛ bo i keteeri tereterefom nɔaniɛ ni, i mi sukete deke bo Nyeme akpama i n wɔ lɛɛ. Sɔnɔ kɛrɛ bo i yoori sɔ, i sukpini suicin ma i ɲu wɔ lɛɛ. ³ Dama sɔnɔ kɛrɛ bo i yo sakpa soro má tereterefom ni sere, ama, sɔnɔ kɛrɛ bo i yoori satie ni, yiri soro tereterefom n a. Nyini ti, nzen a koro má ka a soro tereterefom ni,

yo sakpa, na bu kansu u. ⁴ Nyeme ma tereterefom wo bere yo bu juma a, na bu buka u na a yo sakpa. Ama, nzen a yoori satie, ma sere ti u, dama Nyeme ama bu yiko ka bu yo bu juma ma yiri Nyeme a, na bu cin minem bo bu yo satie n sui. Bu cin ma minem sui ngbeenngbeen. ⁵ Nyini dee ti, i ti ye ni ka am de tereterefom n noanie, ma ka am soro ka bu cin am sui n ngumi dee ti a, ama, am ahore su, ni am sunsunni kere ka am yo so n dee ti a. ⁶ Nyini dee ti, i kaaki ti ye ni ka am to am lampom, dama gominam n yo bu juma ni anyumboro wo, Nyeme akere ka bu yo so a. ⁷ Nyini ti, deke bo i ti ye ni ka am yo ma sono kere ni, am yo ma bu. Am to am lampom kaari, wara nzen ba kpie am kaari be, am to i, sono kere gusu bo i ti ye ni ka am ma i jirima, am ma i.

Kabo i ti ye ni ka ya yo fa ko ya bengum n do ni

⁸ Ma am ma be deke be kaari su am su. Deke bo wo yo daka ka am bita am bengum kaari la ka, am sukoro am bengum. Dama sono bo i koro i bengum, i mi su Nyeme noanie kpamaawa n kere su wo lee. ⁹ Dama am si Nyeme noanie maawam n kere, ka, "Ma a saaki ajaa ciire, ma a kun sono, ma a wo," ni bo i na, "Ma a ma u konviki wura be dee nenge nu," haari ni bo ba ka n kere jina nyini noanie kun ni su a, ka, "Koro u bengum kabo a koro u nu ni." ¹⁰ Sono kere bo i koro i bengum yo ma i mi satie. Nyini kere ka noanie kpamaawa n kere jina koro su wo lee.

Minem bo bu wo wein nu n jore

¹¹ I ti ye ni ka am yo so, dama am si kabo ahin sangha n ti ni. Sangha n aju, i ti ye ni ka am tenge, ma am daafi. Dama sangha n bo ya nya tiide n adodo, i waari ma ka sangha bo ya du mo yoori yarada ni. ¹² Wo ka kaan na ya fiite kongue nu, ale sucin lee. Nyini ti, am ma ya yaki awosin nu juma kere, na ya yo wein sayoowa, kabo luekunfom sana bu biesoya nengem na bu ko kun lue ni. ¹³ Ya wo wiesu wo lee, nyini ti, am ma ya woowa ko atin su. Ma ya sudi ya tii, sunu nzan subo, suyo ngbeenngbeen, ma ya suyo sakaraya, suyo konvikiya ngbeenngbeen, ma ya sukpini jore, na ma ya susi kore. ¹⁴ Ama, am ma ya fa ya Mibie Yesu Kristo n yo deke bo ya fa wura, kabo sono fa sutura wura barasu ni, na ma ya su ya nyunymbaa koroowa n su.

14

Ma a jaraki u bengum

¹ Am de minem bo bu yarada ti ma biiwa n ni am saa nnyo, ma am se bu akuruwa fa ko deke n bo bu ci bu n su na am tanda bu ahore. ² Ma ya fa i ka, nbem la yarada bo bu koro di deke kere bo bu koro, ama, nbem gusu wo bere, bu yarada ti ma biiwa, bu ciire la nie, bu di toro nyawa n ngumi wo. ³ Sono bo i di nie kere nie ni, ma i mi bu bo i di ma nie ni ngbeen. Sono kere gusu bo i di nyawa n ngumi ni, ma i mi jaraki bo i ci ma pui ni, dama Nyeme ade i a. ⁴ Woro la nma na a jaraki be dee gbefene? I dee tiengu mibie ni se ka i jina wara i kpasi a. I ti nahore wo ka i jina a, dama i mibie ni koro ma i jina nyunyumi a.

⁵ Bekun, mine nbem do, bu sunsun ka ceen nbem ti kpa tara nbem, ama, nbem gusu sunsun ka ceen n kere ti kun wo, be tara ma i bengum. I ti ye ni ka sono kere su kabo i sunsunni nu kere ka i ti kpa n su. ⁶ Sono kere bo i sunsun ka ceen be ti kpa tara ceen nbem ni, i mi koro ka i bu Nyeme dee ti, ye i yo so a, ye sono kere bo i ci ma pui n gusu, i mi koro ka i bu Nyeme dee ti, ye i yo so a, dama i da Nyeme asi fa ko diire n su, ye i nya di a. Sono

kere gusu bo i di má deke nbem ni, i mi gusu bu Nyeme dɛɛ ti, ye i yo sɔ a, dama i mi gusu da Nyeme asi fa kɔ diire n su, ye i nya di a. ⁷ Sɔnɔ be wo má bere bo i koro se ka i wo i tii su wo wɔ, be gusu wo má bere bo i koro se ka i wu i tii su yiwee. ⁸ Ai, nzen ya la ngɔɔ a, Mibiɛ n dɛɛ ti ye ya la ngɔɔ a. Nzen ya wu gusu a, Mibiɛ n dɛɛ ti ye ya wu a. Nyini ti, nzen ya la ngɔɔ wara ya wu wɔ, Mibiɛ n dɛɛ la ya a. ⁹ Dama nyini dɛɛ ti ma Kristo wuuri, ye i tengeeri i yiwee n nu n a, adena i yó sɔnɔ kere Mibiɛ, bo bu la ngɔɔ n ni bo ba du mɔ awu n kere. ¹⁰ Wɔrɔ la nma, wɔrɔ bo a jaraki u benggu na a bu i ngbɛɛn ni? A si má ka ya kere bá jina Nyeme nyunu na i dí ya jɔre? ¹¹ Kabo ba kere i Nyeme Jɔre Kadasi n nu ni, ka, Mícera n nja, “Sɔnɔ kere bá kutu m nyunu,

na sɔnɔ kere bá teke i nɔɔ se ka mini ti Nyeme a.

Kabo ma se ni, nyini wo bere a.”

¹² Nyini ti, ya kere bá kan ya sa bo ya yo i n kere kere Nyeme.

Má a yo sa bo i ma u benggu Kristofɔ bo i jaa na i kpaasi

¹³ Nyini ti, am ma ya yaki ya bengum jɔre kan, na má ya jaraki bu kun, ama, am ma ya sunsun kabo ya yo na má ya ma ya benggu Kristofom bo bu jaa, wara na bu kpaasi. ¹⁴ Kabo m ni ya Mibiɛ Yesu ayo kun ni, nyini ma m si ka deke be mmɔɔ ni i tii ti má ciire n a. Ama, nzen sɔnɔ sunsun ka deke be ti ciire i dɔ, má i mi di i. ¹⁵ Nzen diire n bo a di i n dɛɛ ti, na a saaki u benggu Kristofɔ n ahore, nyini yiri, a suyo má koro sa læɛ. Kristo yo wuuri i dɛɛ ti wɔ, má a ma i mi ka ngbɛɛn, u diire n bo a di i n dɛɛ ti. ¹⁶ Má am ma be jɔjɔ jɔre tie fa kɔ deke kpa n bo am si i n su. ¹⁷ Dama kabo Nyeme niɛ i minem su ni, i ti má di ni nu jɔre wɔ, ama, i ti aceeri bo Awiewie Casi n afa ama minem wɔ, yiri la ka, ya yo sa bo i kɔ atin su Nyeme dɔ, ni tanalaifɛ, ni ahorejɔ. ¹⁸ Sɔnɔ kere bo i suuri nyini atin n su, na i su Kristo sɔ, i mi yo sa bo i sun Nyeme nu a, na adamande kansi i ka i ti sɔnɔ kpa.

¹⁹ Nyini ti, am ma ya boro ya nyi na ya su deke n bo i ma ya tanalaifɛ n su, na ya buka ya bengum, na ya kɔ mɔ ni ya nyemesu ni. ²⁰ Má am saaki Nyeme juma ni, diire dɛɛ ti. Diire kere ti kpa a. Ama, nzen be di diire be na i ma i benggu bo i jaa na i kpaasi, nyini yiri, i ti má kpa. ²¹ Nzen a di niɛ, wara a nu nzan, wara a yo nyini n be sɔ, na i ma u benggu Kristofɔ bo i jaa na i kpaasi, i ti má ye ni ka a yo sɔ. ²² Yarada n bo a yo i u ahore su fa kɔ nyini jɔrem su, ma i wo u ni u Nyeme afien. Sɔnɔ kere bo i yo sa bo i kɔ atin su, na i la má sika i ahore su ka wɔ yo satie, i mi la terefɛ nahore su. ²³ Ama, sɔnɔ kere bo i ba sudi diire barasu nbem na i yo sika, Nyeme adi i mi jɔre ajaraki i ka wɔ yo satie, dama diire n bo i sudi i ni, wɔ yo má yarada. Deke kere gusu bo sɔnɔ yo i, na i la má yarada, i ti satie wɔ Nyeme dɔ.

15

Ya yo sa bo i jɔ ya bengum ahore

¹ Yere bo ya la fanɔa fa kɔ yarada su ni, wɔ yo daka ka ya yo sawɔre ni bere n bo bu yarada la má fanɔa ni, na ya buka bu, na ya dada bu ahore, má ya yo sa bo i sun yere ni ya tii nu. ² Sɔnɔ kere yo deke bo i sun i benggu nu, na i yo sakpa, na i kɔ mɔ ni i nyemesu ni. ³ Dama haari Yesu Kristo ni i tii ayo má sa bo i sun yiri ni i tii nu, ama, i ti kabo ba kere i Nyeme Jɔre Kadasi n nu n wɔ, ka, “Nzukɔlee barasu n kere bo minem fa kpiɛeri wɔrɔ Nyeme ni, bu fa kpiɛeri mini wɔ.” ⁴ Deke n kere bo bu du mɔ kerɛeri i Nyeme Jɔre Kadasi n nu ni, bu kerɛeri i ka i kere ya a, adena ya la tama,

dama deke bo ba kere i ni, nyini ma ya ahoresi a, na ya koro mindi a.
⁵ Nyeme ma ya mindi ni ahoresi a, yiri ma am la anose ni am benju a,
 kabo Yesu Kristo kereeri am ni, ⁶ adena am kere tien am noo fa anose, na
 am kansu Nyeme, ya Mibie Yesu Kristo Si.

Kabo minem bo bu ti ma Yudafoḡm gusu ade Kristo labari kpa n ni

⁷ Nyini dee ti, am de am benjum, ni am saa nnyo kabo Kristo ade am ni,
 nyini ma mine kansu Nyeme a. ⁸ Dama m suse am ka Kristo baari ka i ba
 buka Yudafoḡm n wo, i yoori so n dee ti, nyini ma deke n bo Nyeme seeri
 ka i yo ma Yudafoḡm nam n ayo biiwa nahore su n a. ⁹ Bekun i baari ka i
 ba buka minem bo bu ti ma Yudafoḡm wo, na bu gusu kansu Nyeme fa ko
 kabo wo si bu anunfo ni. Kabo ba kere i Nyeme Jore Kadasi n nu ni, ka,
 “Nyini dee ti, m kansu woro Nyeme,
 m kansu u duma minem bo bu ti ma Yudafoḡm nu,
 na m di jue ma u.”

¹⁰ Ba kaaki akere i bekun ka,
 “Amberere bo am ti ma Yudafoḡm ni,
 am ma am ahore jo ni Nyeme minem bo wo yi bu ni.”

¹¹ Bekun, i na,
 “Amberere bo am ti ma Yudafoḡm ni, am kansu Micera ni,
 na am ma daanfiem kere kansu Nyeme.”

¹² Na Nyeme noanie kanfo Esaya gusu ase ka,
 “Sono be ba fite Jese dee lee ano n nu,
 i ti kabo baka tie i bunlui su n wo,
 na i ba yo daanfiem kere fema,
 yiri ma bu nya ahoresi a.”

¹³ Nyeme ma ya tama, m sere i ka i ma am ahorejo ni tanalaifie ko sin su,
 kabo am ayo i yarada n dee ti, adena Awiewie Casi n yiko ma am tama bo
 i la ma anusu.

Deke bo i ti na Pölu kereeri ahin kadasi n ni

¹⁴ To, m ninbaam, m si tenle su ka am la wo kpa, na am la si dongu, na
 am kaaki koro fa tu am benju fo. ¹⁵ Haari ni nyini mmoo, ma fa ahoresi,
 ye m sukere ahin kadasi n fa ma am a, adena m tenge am ahin sam n
 su, dama Nyeme ayo sakpa ama m, ¹⁶ ka m yo Yesu Kristo amususufo ma
 minem bo bu ti ma Yudafoḡm ni, adena m kan Nyeme labari kpa n kere
 bere bo bu ti ma Yudafoḡm ni, na Awiewie Casi n ma Nyeme de bu ka bu ti
 i dee mine casim. M yoori so ni, i ti ka Nyeme sayoowa donguyofo n bo i
 yo yoowa bo i sun Nyeme nu ni. ¹⁷ Yesu Kristo dee ti, m la atin bo m koro
 fo fa ko Nyeme juma n bo wo fa ama m su. ¹⁸ Nahore, i la m sere na m kan
 sam bo nyingam ayo bu ni, ma ka sam n bo Kristo ma ma yo bu ni ngumi,
 yiri la bo wo ma ma kan i noanie n akere minem bo bu ti ma Yudafoḡm ni,
 na ma yo alekutura sam, na ba de i noanie ni. ¹⁹ I ma m faari alekutura
 sam, ni Awiewie Casi n dee yiko nu fa yoori nyini juma n a. M boori i bu
 Yerusalem mie kpiri n nu wo, na ma bara aye ako aju haari Ilirikum aware
 n nu, na ma kan Kristo labari kpa n jore n kere akere bu. ²⁰ Deke bo m
 nyunu boro su agaya n la ka, m kan labari kpa n jore kere minem awarem
 n kere bo bu nya ti ma Kristo duma ni, dama m koro ma ka m ta be dee
 ataari su, ²¹ kabo ba kere i Nyeme Jore Kadasi n nu ni, ka,
 “Haari ni bo minem nya kan ma labari kpa n kere ma bu ni,
 bu nu i,
 haari ni bo bu nya ti ma labari kpa ni,
 bu ti i, na bu si i bu.”

Kabo Pɔɔlu ŋa i koro ka i kɔ niɛ Romafom busu ni

²² Tɔ, nyini n kere deɛ ti, sanɔa kere, mǎ m koro ka m ba niɛ am busu wɔ, ama, m nya mǎ atin. ²³ Ama, kisa, miɛ fɔfɔre be wo mǎ bere bo m kɔ do na m kɔ yo juma ahin awɔrem n nu, nyini ti, kabo mǎ sanɔa kere na m koro ka m ba niɛ am busu ni, ²⁴ m la tama ka m ba susin kɔ Esipani deɛ awɔre n nu, m jina am do na m niɛ am busu, na m ni ambere nya tana, na am buka m na m koro kɔ ju deke bo m sukɔ ni. ²⁵ Ama, kisa yiri, m sukɔ Yerusalem miɛ kpiri n nu wɔ, m la buka be bo m kɔ fa ma Nyeme minem bo bu wo do ni. ²⁶ Dama Kristofom bo bu wo Makedoniya ni, ni bo bu wo Akaya deɛ awɔrem n nu ni, wɔ yo bu fie ka bu yi yi ŋwaa, na m kɔ fa ma Nyeme minem bo bu wo Yerusalem na bu ti jaarifom ni. ²⁷ Bere ni bu tii afa sunsunni kpa anu ka Yerusalemfom kaari su bu su, dama Yerusalemfom du mɔ faari Nyeme deke kpa maari bere n bo bu ti mǎ Yudafom n wɔ, nyini deɛ ti, wɔ yo daka ka bere gusu nya durunya n nu nenɔe ma Yerusalemfom ni. ²⁸ Tɔ, nyini ti, nzen m koro yoori nyini juma n kere wieeri, na bu nya nyini buka n kere, m bǎ niɛ am busu, na m nyǎ sin kɔ Esipani. ²⁹ M si tenle su ka m baari, m fǎ deke kpa fite Kristo do ba ma am.

³⁰ M ninbaam, kabo Ya Mibiɛ Yesu Kristo wo ya do, na Awiewiɛ Casi n koro ya agaya n deɛ ti, m sere am wɔ, ka am buka m na ya sere Nyeme ni anyumboro, ³¹ ka i de m fite Yudiya awɔre n nufɔ nbem bo bu yo mǎ yarada n saa nu, na Nyeme minem bo bu wo Yerusalem n de buka n bo m sufa kɔ ma bu ni. ³² Na nzen i ti Nyeme koroowa, na m bǎ am do ni ahorejo, na m ni ambere kere koro dada ya benggu ahore. ³³ Nyeme bo i ma tanalaifie n buka ya kere. Ami.

16

Kabo Pɔɔlu yoori Kristo jamam bo bu wo Roma miɛ kpiri n nu anse ni

¹ Tɔ, m koro ka am si ya niwa baabara n bo bu fere i ka Fibi ni, i yo Nyeme juma buka Kristo jama n bo i wo Kenciriya miɛ kpiri n nu n wɔ. ² Am de i kabo mǎ am de Nyeme minem barasu ni, Mibiɛ n deɛ ti, na am buka i ni deke kere bo i koro, dama yiri ni i tii abuka mine dɔŋgu, haari ni mini mmɔɔ.

³ Am bisa Pirisila ni Akuyila dɔŋgu ma m. M ni bere sanɔa yo juma ma Yesu Kristo wɔ. ⁴ Bu yo tɔori bu ŋɔɔ maari m wɔ, nyini deɛ ti ye m da bu asi n a, mǎ mini ŋgumi yo bu anse a, ama, Kristo jamam kere bo bu ti mǎ Yudafom gusu yo bu anse. ⁵ Am bisa Kristo jama n kere dɔŋgu, bo bu tien bu nɔɔ bu dika ni.

Am bisa m danfo kpa Epanetosi n dɔŋgu ma m, yiri du mɔ yoori Kristo yarada Esiya deɛ awɔre n kere nu a. ⁶ Am bisa Mariya dɔŋgu, bo wɔ yo juma agaya abuka am ni. ⁷ Am bisa Andronikusi ni Juniya dɔŋgu, m lamɔkɔ Yudafom bo m ni bere yo woori dansaraka nu ni, bu la dumaye Kristo jaramasam kere nu, bere du mɔ yoori Kristo susufom ka, ye m nya ba yoori a. ⁸ Am bisa m danfo Ampiliyatusi dɔŋgu, m Mibiɛ n deɛ ti, m koro i agaya. ⁹ Am bisa Wuribanisi dɔŋgu ma m, bo yiri ni yere sanɔa yo juma ma Kristo ni, na am kaaki bisa m danfo Sitakisi dɔŋgu. ¹⁰ Am bisa Apelesi dɔŋgu, bo wɔ yi i ŋu ka i ti Kristo susufɔ nahore su ni, na am bisa Arisitobulosi dikafom kere dɔŋgu. ¹¹ Am bisa m lamɔkɔ Yudafom n bo bu fere i ka Herodiyon n dɔŋgu, na am bisa Naracisi dikafom bo bu ti Mibiɛ n deɛ minem n buka su. ¹² Am bisa Tirifena ni Tirifosa dɔŋgu, nbara nnyom bo bu yo juma ma Mibiɛ ni, ni m danfo Perisisi, yiri mmɔɔ ayo juma agaya ama Mibiɛ n ni. ¹³ Am bisa Rufusu dɔŋgu, yiri bo Nyeme

ayi i ka i yo i juma n ni, ni i ni bo i ti mini mmoo ni ni. ¹⁴ Am bisa ahin minem kere dongu ma m, bere la Asinkiritusi, ni Felegon, ni Heremesi, ni Patorobasi, ni Heremasi, ni ya ninbaam kere bo bu wo bu do ni. ¹⁵ Am bisa Filolokusi ni Juliya dongu, ni Nerayusi, ni i niemabara ni, ni Olimpasi, ni Nyeme minem kere bo bu wo bu do ni. ¹⁶ Am bisa am benggu dongu ni koro. Kristo jamam kere bo bu wo fen n bisa am dongu.

Awieeri su dee fottuuwa

¹⁷ M ninbaam, m sere am wo, am si am nu sa ni minem bo bu saaki kereewam bo am adu mo ade i ni, na bu fa kpakpaakinu ba ni, na bu ma minem kpaasi fa ko bu yarada n su ni. Ma am dodo bu. ¹⁸ Dama nyini minem so, bu su ma ya Mibie Yesu Kristo su, ama, bu su bu dee kunnu koroowa su wo, na bu bo minem bo bu si ma pui n anoojie, na bu dadaka bu. ¹⁹ Ama, ambere yiri, sono kere ati kabo am ade Kristo noanie nahore, nyini dee ti, m ahore ajo ako asin su. M koro ka am la si fa ko deke n bo i ti kpa n su, ama, m koro ma ka am la si haari kaan so mmoo fa ko deke n bo i ti ma kpa n su. ²⁰ Nyeme bo i ma tanalaifie ni, i ce ma, i ma am yiko na am fun tientien Sitana nu mereki i. Ya Mibie Yesu Kristo buka am.

²¹ Timoti bo m ni yiri sanja yo juma n bisa am dongu, na Lukiyosi, ni Jason, ni Sosipateri, m lamoko Yudafo m gusu bisa am dongu.

²² Mini Teretiyusi gusu bisa am kere dongu, Mibie n dee duma n nu, mini ye Poolu ma m kereeri ahin kadasi n sufa ma am n a.

²³ M awurufobie Gayosi bisa am dongu. Kristo jama n kere tien bu noo i dika a. Irasitusi bo i ti mie n nu nwaa bitafo ni, ni ya niwa Kuwatosi kere bisa am dongu. [²⁴ Ya Mibie Yesu Kristo buka am kere. Ami.]

Poolu dee awieeri su noanie ni

²⁵ Am ma ya kansi Nyeme. Yiri koro ma am jina fanga kenken fa ko Yesu Kristo labari kpa n bo m kaanri i jore na am ati i n su a. I ti jore bo bu yo fa fiere dada kere wo, ama, kisa wo fite fofoe nu. ²⁶ Yiri ye Nyeme noanie kanfo m kereeri i n a, na Nyeme bo i wo bere sanja kere n ama daanfie kere ati i, na ba de i, na ba yo i yarada. ²⁷ Nyeme ngumi la alecira a, yiri ti ye ni ka ya kansi i a, Yesu Kristo dee ti, sanja kere sanja. Ami.

PƆolu kadasi ciciri su bo i kere fa maari KƆRINTOFƆM ni

¹ Mini PƆolu bo Nyeme dɛɛ koroyanu na wɔ fere m ka m yo Yesu Kristo jaramasa ni, m ni ya niwa Sositeni ni sukere ahin kadasi ma am a. ² Ya sukere i na ya fa ma ambere Kristo jama n bo am wo Kɔrinto mie kpiri n nu, na Nyeme afere am afa am ayo i dɛɛ mine casim ni, na wɔ ma am ni Yesu Kristo ayo kun ni, fa sanƙa ni minem kere bo bu bo fere ya Mibie Yesu Kristo duma n deke kere ni, yiri ti ya ni bere kere Mibie a.

³ Ya Si Nyeme, ni ya Mibie Yesu Kristo buka am, na bu ma am tanalaifie.

Sakpam bo PƆolu na Nyeme ayo ama bu ni

⁴ Sanƙa kere m da Nyeme asi wɔ, ambere dɛɛ ti, fa kɔ sakpa n bo wɔ yo ama am na i fite Yesu Kristo dɔ ni. ⁵ Yiri dɛɛ ti, am anya deke kpa dɔngɔ, haari fa sanƙa ni jɔre jɔjɔwa, ni si kere. ⁶ Daani n bo ya diiri i fa kɔ Kristo nusu jɔre ni, ambere mmɔɔ ni am tii si ka i ti nahɔre wɔ. ⁷ Nyini dɛɛ ti, am fun má Nyeme aceeri kpa n haari kun n kpein mmɔɔ, na am nmindanda fa kɔ sanƙa bo ya Mibie Yesu Kristo bá yi i nɔ fite ni. ⁸ Yiri má am fanƙa haari kɔ ju awieeri a, na am la má ngasi be ya Mibie Yesu Kristo dɛɛ cɛɛn ni. ⁹ Nyeme la dabuɔ, yiri afere am ka am ni i Wa ya Mibie Yesu Kristo n la wo fie ni am beɔgu a.

Kpakpaakinu n bo i woori Kristo jama n afien ni

¹⁰ M ninbaam, m sere am wɔ, Yesu Kristo dɛɛ duma n nu, ka am kere fa anɔɔse na má am ma kpakpaakinu be wo am nu, ama, am ma am sunsunni ni am nɔanie yo kun nahɔre su. ¹¹ M ninbaam, deke bo i ti na m se sɔ ni, Kolowe dikafɔm nbem ase m ka am la akuruwa am nɔnu nu. ¹² Yiri la ka, am nbem na, “Mini su PƆolu su a,” nbem na, “Mini su Apolosi su a,” nbem na, “Mini su Petoro su a,” ye nbem gusu na, “Mini su Kristo su a.” ¹³ Kristo akpakpaaki i nɔ nu wɔ, nzen se? Ye bu kpamaari PƆolu baka jaanu n su maari am a? Bu bieeri am Nyeme nzue PƆolu dɛɛ duma nu wɔ? Ai. ¹⁴ M da Nyeme asi ka ma bie má am be Nyeme nzue, má ka Krisipusi ni Gayosi n ngumi. ¹⁵ Nyini dɛɛ ti, be koro se má ka m bieeri i Nyeme nzue m dɛɛ duma nu. ¹⁶ Enehɛɛn, ma tenge su bekun ka m bieeri Satefanasi dikafɔm n gusu Nyeme nzue. Sin nyini sin, m koro tenge má su ka m bieeri be Nyeme nzue kun. ¹⁷ Dama Kristo asunma má m ka m ba bie minem Nyeme nzue wɔ, ama, i sunmaari m ka m ba kan i labari kpa n jɔre kere minem wɔ. Ma fa má adamande dɛɛ alecira, ye m fa kan kereeri minem a, nzen má m yo sɔ, má yiwee n bo Kristo wuuri baka jaanu n su n ti ngbeɛn wɔ.

Kristo ti Nyeme yiko ni alecira a

¹⁸ Dama nzen ya kan yiwee n bo Kristo wuuri i baka jaanu n su n jɔre kere minem bo bu suka ngbeɛn ni, bere dɔ i ti sinnzinya jɔre wɔ lee. Ama, yere n bo ya nya tiide ni, i ti Nyeme yiko sa bo wɔ yo ama ya a lee. ¹⁹ Dama ba kere i Nyeme Jɔre Kadasi n nu ka, Nyeme na,

“M yó aleciraƔm alecira ni ngbeɛn,

na m tó sifɔm si n atin.”

²⁰ Tɔ, aleciraƔm wo ni? Ye sifɔm wo ni? Ye bo bu fiiti na bu si ahin durunya n nu jɔre n wo ni? Durunya n nu alecira ye Nyeme afa akaaki sinnzinya n a. ²¹ Nyeme la alecira, be koro fa má durunya n nu alecira

na i fa si Nyeme. Nyeme koroyanu ye i ma ya kan labari kpa n bo i ti ka sinnzinya jore n kere minem a, na bo ba yo yarada ni, Nyeme ade bu tii aji. ²² Dama bo bu ti Yudafo ni, bere koro ka bu nu alekutura sam wo, ye bo bu ti Girikifo n gusu koro ka bu ti alecira jore wo. ²³ Ama, yere kan Kristo Tiidefo labari kpa n jore wo, kabo bu kpamaari i baka jaanu n su ni. Yudafo do, i ti ciire wo, ye bo bu ti ma Yudafo n do, i ti sinnzinya jore wo. ²⁴ Ama, minem bo Nyeme afere bu ni, bo bu ti Yudafo ni, ni bo bu ti Girikifo ni, Kristo ti Nyeme yiko ni alecira a. ²⁵ Dama Nyeme sa bo wo yo i na i ti ka sinnzinya sa n tara adamande alecira kere bo i la i, na Nyeme sa bo wo yo i na i ti ka i la ma fanga ni, i tara adamande fanga kere bo i la i.

²⁶ M ninbaam, am sunsun na am nie kabo am yo ti na Nyeme ba fereeri am ni. Nzen ya na ya nie, durunya n nufom yo bu ma ka am dongu la alecira, am dongu yo ti ma yikofom, na am dongu gusu yo fite ma nfangafom n busu nu. ²⁷ Ama, Nyeme ayi dekem bo bu ti sinnzinya sa durunya n nu ni, na wo fa awura alecirafo nyinse, na wo yi dekem bo bu la ma fanga durunya n nu ni, na wo fa awura nfangafom nyinse. ²⁸ Nyeme ayi bo bu ti tarakam durunya n nu fen, na wo yi minem bo bu ma bu ni, ni dekem bo bu ti ngbeen ni, na i ma dekem bo bu la fanga n ka ngbeen. ²⁹ Deke bo i ti na Nyeme yoori i so n la ka, adena ma be koro fo yiri Nyeme do. ³⁰ Ama, Nyeme ama am ni Yesu Kristo ayo kun, na wo ma wo yo ya dee alecirafo. Yesu dee ti ye Nyeme de ya ka ya yo sa bo i ko atin su i do n a, ye wo yo ya i mine casim, na wo de ya tii aji. ³¹ Nyini dee ti, kabo ba kere i Nyeme Jore Kadasi n nu ni, "Sono kere bo i na i fo, i ti ye ni ka i fo Mibie n ti."

2

Kabo Pɔɔlu kaanri Yesu Kristo ni i yiwee n jore ni

¹ M ninbaam, sangha bo m baari am do na m ba kaanri labari kpa n kereeri am, na am si Nyeme asiri nu n jore ni, ma fa ma adamande alecira ni si jore ajojo akere ma am. ² Dama m yo baari ni, ma koro ma ka m kan jore be am do, ma ka Yesu Kristo Tiidefo n dee jore, ni kabo i wuuri baka jaanu n su ni. ³ Sangha bo m yo woori am do ni, m nunie ti m yorokiiwa a, na sere ati m agaya, na m nunie subobo m. ⁴ M nɔanie jɔjɔwa ni labari kpa n bo m kaanri i ni, i ti ma adamande alecira ni si jore, ama, Nyeme Awiewie Casi ni yoori alekutura sam kereeri ka m nɔanie jɔjɔwa n ti nahore wo. ⁵ Adena ma am yo yarada adamande alecira n dee ti, ama, Nyeme dee yiko n dee ti.

Nyeme alecira jore

⁶ To, ama, ya jɔjɔ alecira jore fa kere minem bo ba bi fa ko Nyeme atin n su n a. I ti ma durunya n nu fen dee alecira, wara i ti ma alecira bo durunya n nu nfangafom la i ni, bere kere ba ka ngbeen wo. ⁷ Ama, yere kan Nyeme alecira asiri nu jore n bo i yo fa fiere adamande nu n wo, nyini alecira ni, Nyeme du mo ciciiri i wo ka, ye i nya ba yiiri durunya n a. I yoori so so, adena ya nya i jirima woowa ni. ⁸ Durunya n nu nfangafom be mmoo asi ma nyini alecira ni, nzen ma bu siiri i, ma bu kpama ma ya Mibie Jirimafo n baka jaanu n su. ⁹ Ama, i ti kabo ba kere i Nyeme Jore Kadasi n nu n wo, ka,

"Deke bo be nyumbaa nya nu ma i ni,
wara deke bo be sui nya ti ma i ni,
wara deke bo be nya sunsun ma i, i ahorembaa su ni,

nyini ye Nyeme asese i su,
na i fá ma bo bu koro i n a.”

¹⁰ Ama, yere yiri, Nyeme ama i Awiewie Casi n ayi nyini n so akere ya, dama Awiewie Casi ni fiiti si deke n kere a, haari ni Nyeme jore bo i wo nggo ni. ¹¹ Adamande be koro si má sa bo i wo i bengu adamande ahore su, má ka i mi ni i tii awiewie ni si deke bo i wo i ahore su a. So ye be koro si má sa bo i wo Nyeme ahore su a, má ka Nyeme Awiewie ni ngumi si a.

¹² Awiewie n bo yere anya i ni, i ti má durunya n nu fen dee, ama, i fite Nyeme do o, adena ya si aceerim kere bo Nyeme afa ama ya ni. ¹³ Nyini ye ya fa kere minem a. I fite má adamande alecira kereewa n nu, ama, i ti deke bo Awiewie Casi ni kereeri ya a, ye ya fa kere minem bo bu la Awiewie Casi n a. ¹⁴ Sono bo i la má Nyeme Awiewie ni, koro de má deke n bo i fite Nyeme Awiewie n do, dama yiri do, nyini jorem ti ka sinnzinya jore wo, na i koro ti má i bu, dama be koro si má i bu, má ka Nyeme Awiewie ni buka i na i koro fiiti si i bu. ¹⁵ Sono bo i la Nyeme Awiewie ni, i mi koro fiiti deke n kere a, ama, be koro fiiti má i mi yiri. ¹⁶ I ti kabo ba kere i Nyeme Jore Kadasi n nu barasu n wo ka,

“Nma asi sa bo i wo Micera n sunsunni nu,
na i kere i kabo i yo a?”

Ama, yere yiri, ya si deke bo i wo Kristo sunsunni nu.

3

Nyeme amusuisufom jore

¹ M ninbaam, ma koro ajojo má am do ka am ti minem bo bu si Awiewie Casi n jore, ama, m jorori am do ka am ti bo bu bita adamande woowa a, Kristo dee atin n su, am ti ka nbaatumam wo. ² Nbaatumam koro nu nyufini ngumi wo, bu koro di má diire nonori, nyini dee ti ye m kereeri am bumboori su dee kereewam n a, dama am koro ti má kereewam bo bu ti kekereke n bu. Haari ni kisa, am nya koro ti má i bu. ³ Dama am toko bita adamande woowa n wo. Am si am bengu kore wo, na am suse akuruwa am nju nu. Kabo am yo so ni, durunya n nu adamande woowa atin lee, ye am bita i n a. ⁴ Dama nzen am nbem na, “Mini su Pɔɔlu su a,” ye nbem gusu na, “Mini su Apolosi su a,” am ti má ka durunya n nufom wo lee, nzen se?

⁵ Apolosi la nma? Wara Pɔɔlu la nma? Ya kere ti Nyeme amusuisufom bo ya ba abuka am wo, ya kere ni ya juma bo wo fa ama ya na ya yo, ye am ayo yarada a. ⁶ Fa ko am yaradayo n su, i ti ka mini Pɔɔlu dɔɔri alembaa n a, ye Apolosi gɔɔri i nzue a, ama, Nyeme yiko n nu ma wo nyi awura mbaa. ⁷ Nyini ti, bo i do mbaa n ni bo i go nzue n be mmoo ti má pui. Deke bo i ti jore n la sa bo Nyeme yo i n wo, dama yiri ma i nyi wura mbaa a. ⁸ Bo i do mbaa n ni bo i go nzue n kere yo juma kun wo. Bu kere nya bu nkatɔ kabo bu jumayoowa ti barasu n wo. ⁹ Dama ya kere sanja yo juma kun ma Nyeme wo, ye amberɛ gusu ti ka Nyeme fie ye ya do i a, na am kaaki ti ka Nyeme awuru ye ya ta i a.

¹⁰ Aceeri n bo Nyeme afa ama m ti ka sono bo i si ataari ta nyunyumi wo, ye m se soo n bumboori fa n a. Ye be gusu dee la ka i ta taka nyini n su a. Ama, wo yo daka ka sono kere si i nu sa kabo i ta taka su barasu. ¹¹ Dama Yesu Kristo ngumi ti ka soo fa bumboori n bo bu fa se soo n bu n a, be koro se má soo fa be bekun sin yiri nu. ¹² Ama, sono kere bo i ta taka su, na i ti ka i faari sika, na be gusu faari jete, na be gusu faari afere bo i la anyunuyi ta takaari su, na be faari baka, na be faari wura, na be faari kara

ta takaari su. ¹³ Ama, jina cɛɛn, sɔnɔ kere jumayoowa bá fite fofoe nu, na bu nɔ́ i kabo i ti, dama sin bá yara sɔnɔ kere juma, na sin ni yó i na i níe kabo i ti. ¹⁴ Sɔnɔ kere bo i ta takaari bumboori fa seewa n su, na nzen sin n yaraari i jumayoowa na wɔ di má i, i mi nyá nkatɔ. ¹⁵ Ama, sɔnɔ kere bo sin n diiri i jumayoowa ni, i nyá má nkatɔ, ama, yiri ni i tii nyá tiide, se i ti ka sin n afundi i mi wɔ.

¹⁶ Am si má ka am ti ka awuru bo Nyeme wo am nu wɔ, nzen se? Am si má ka Nyeme Awiewie Casi n wo am nu wɔ? ¹⁷ Sɔnɔ kere bo i saakiiri Nyeme awuru ni, Nyeme sáaki i mi, dama Nyeme awuru n ti casi wɔ, ye ambere ni am tii ti ka nyini awuru n a.

¹⁸ Má be se ka i dadaka i nɔ. Nzen be wo am nu, na i sunsun ka i la durunya n nu alecira, ma i mi yo i nɔ ka i ti sinnzin wɔ, adena i kaaki alecirafo nahore su Nyeme dɔ. ¹⁹ Dama deke bo durunya n nufom bu i ka i ti alecira ni, Nyeme dɔ i ti sinnzinya a. Nyini ti ye ba kere i Nyeme Jore Kadasi n nu ka,

“Alecirafoɔm ye Nyeme fa bu ngɔnletie fa tara bu n a.”

²⁰ Ye ba kaaki akere i ka,

“Micera ni si deke kere bo i wo alecirafoɔm sunsunni nu a,
i si ka i ti ngbɛɛn wɔ.”

²¹ Nyini ti, má be se ka i fa adamande be fa fo, dama deke n kere ti am dɛɛ wɔ. ²² Mini Pɔɔlu ti am dɛɛ wɔ, ni Apolosi, ni Petoro gusu, ni durunya, ni ngɔɔ, ni yiwee, ni kisa dɛɛ sanɔa n bo ya wo nu ni, ni sanɔa bo i bá ba ni, deke n kere ti am dɛɛ wɔ, ²³ na ambere gusu ti Kristo dɛɛm, ye Kristo gusu ti Nyeme dɛɛ.

4

Kristo jaramasam juma n jɔɛ

¹ Tɔ, nyini ti, wɔ yo daka ka am nie ya ka ya ti Kristo amusuisufom wɔ, ya ti minem bo Nyeme afa i asiri nu jɔɛ n awura ya saa nu wɔ. ² Jɔɛ n bo i kaaki wo bere la ka, wɔ yo daka ka amusuisufo yo i juma ni nahore su ma i mibie. ³ Mini yiri, nzen am di m jɔɛ, wara adamande jɔɛdifom di m jɔɛ, m cɛɛ wo má nu, haari mini mmɔɔ ni m tii di má m nɔ jɔɛ. ⁴ M sunsunni ni m ahore su, ma yo má satie be, ama, nyini kere má ka m la má ngasi be wɔ lɛɛ, má ka Mibie ni ngumi ti bo i di m jɔɛ a. ⁵ Nyini dɛɛ ti, má sɔnɔ be di i benɔu jɔɛ, dama sanɔa nya ju má bo Mibie ni bá. I ba baari, yiri yí deke kere bo i wo awosin nu na i fie n fite fofoe nu a, na i yí deke kere bo i wo adamande ahore su fite fofoe nu. Nyini sanɔa ni, ye sɔnɔ kere nyá i kansi Nyeme dɔ.

⁶ Tɔ, m ninbaam, ambere dɛɛ ti ye m kaanri ahin n kere fa kɔ m ni Apolosi jɔɛ n a, na am nie ya woowa, na am su kabo ba kere i ase ni ngumi su, adena má am be yo kpirikoro ka mɔfo be tara i lamɔkɔ nyinga ni. ⁷ Nma ase am ka am tara am benɔu a? Nzu deke ye am la i, ye Nyeme afa ace má am a? Deke bo am deer i ni, ye nzu ti ye am koro kpiri ka Nyeme afa ace má am a?

⁸ Am sunsun ka am anya deke n kere bo am koro i n lɛɛ fan. Am ayo nenɔgefom lɛɛ fan. Am akaaki nfemem ayaki ya lɛɛ fan. Nzen má am adi femeya nahore su, má i yo m fie, adena ya ni ambere kere sanɔa di femeya ni. ⁹ Mini dɔ, yere n bo ya ti Kristo jaramasam ni, i ti ka Nyeme ma ya ka sin wɔ. Ya ti ka minem bo ba di ya jɔɛ abo ya asi ye ya wu a, na ya di nyini nyinse n na sɔnɔ kere nyumbaa nɔ i, merɛkem ni adamandem kere.

¹⁰ Yere ti sinnzinm wɔ, Kristo dɛɛ ti, ama, ambere ti anyunutekefom wɔ,

Kristo atin n su. Yere ti daburukafom wo, ye ambere ti nfangafom. Bu bu ambere wo, ama, yere yiri, bu bu ma ya. ¹¹ Haari fa ba ju ni kisa, ahoe ni nzuehoe sukun ya a, ya la ma sutura wuraawa kpa, bu bita ya bo wo, ya kaaki la ma deke bo ya da. ¹² Ya yo ya saa nu juma ni anyumboro wo, ye ya di a. Nzen minem kpie ya nzuko, ya sere awieeri kpa ma bu wo. Nzen bu kere ya wuwuruwa, ya mindi de i wo. ¹³ Nzen bu saaki ya duma, yere joko kpa ma bu wo. Ya ti ka wura tie bo durunya n nufom fa go bonfo su n wo, haari ni kisa.

¹⁴ I ti ma ka m koro ka m wura am nyinse dee ti, ye m sukere ahin jorem ma am a, ama, am ti m nbaa koroowam dee ti, ye m subobo am a. ¹⁵ Dama nzen haari ma am la kerefom akpii buru mmoo fa ko Kristo dee atin n su, ma am la ma sim beberebe, mini ti am si a, Yesu Kristo dee atin n su, labari kpa n bo m kan kereeri am dee ti. ¹⁶ Nyini ti, m sere am wo, am son m su, na am ma am woowa ti kabo m woowa ti barasu ni. ¹⁷ Nyini dee ti ye m susunma Timoti am do n a. Yiri ti m wa koroowa nahore su a, na i kaaki la dabuju Mibie n atin n su. I tenge am su kabo m woowa ti Kristo atin n su, ni kabo m kere minem ka bu wo barasu, deke kere bo m ko ni, Kristo jamam n kere nu. ¹⁸ Am nbem sunsun ka m ba ma am do kun, nyini ti, ba fa kpirikoro. ¹⁹ Ama, nzen Nyeme soro su, i ce ma, m ba nie am busu, na m ba si nyini minem bo bu la kpirikoro ni, ma ka bu noanie jokowa ni ngumi, ama, m nie kabo bu yiko ti barasu. ²⁰ Dama kabo Nyeme nie i minem su ni, i ti ma noanie jokowa n wo, ama, i ti yiko wo. ²¹ Ahin jore nnyom nu, am koro bono o? Am koro ka m ba cin am sui, nzen se? Wara am koro ka m ba am do benle, ni koro wo?

5

Dangba sa n bo i wo Kristo jama n nu n jore

¹ Ma ti jore be, ka dangba sa wo am nu, yiri la ka sono be bita i si yi da a. Haari bo bu su ma Nyeme ni mmoo yo ma nyini dangba sa ni. ² Am ayo nyini sa n ye am toko koro kpiri n a fan? Ye am ahore saaki ma n a? Wo yo daka ka am yi nyini sono n fite am nu. ³⁻⁴ Haari ni bo mini wo ma am do ni, m awiewie wo am do, na sono bo i yoori nyini sa ni, ma du mo adi i jore ajarako i ya Mibie Yesu dee duma n nu, kabo ma mini ni m tii wo am do na m yo ni. Nzen am ba tierenri am noo, na m awiewie wo am do, na ya Mibie Yesu yiko n wo ya do, ⁵ am fa nyini sono n fa wura Sitana saa nu, na i kere i kekereke fa ko i adamande anuniembaa koroowa n su, adena i awiewie n nya tiide ceen n bo Mibie ni ba di minem jore ni.

⁶ Am yanfoya bo am nati fo i ni, i ti ma kpa. Am si ma ka ayiri kaan so ma kpono n yasu a, nzen se? ⁷ Am sunsun fa ko Butara ceenkpiri n su, bo bu di kpono na bu go ma ayiri nu ni, kana bu ba di ceenkpiri n ni, bu du mo fa ayiri dawa n tu wo. Am yi nyini ayiri dawa n fa tu, na am yo ka kpono fofore bo ba fa ma ayiri ago ma nu. Deke bo m suse n la ka, nzen satie kaan woori am nu, i saaki am kere wo. Nyini dee ti, am yi satie kere bo i wo am nu ni. Nahore, am ti mine casim wo, am ti ka kpono fofore n wo, dama ba fa Kristo ayo yoowa ama ya. Yiri ti ka ya Butara ceenkpiri bombaa n bo ba kpie i kom n a. ⁸ Nyini ti, am ma ya bita Butara ceenkpiri nyunyumi, na ya yaki satie bo i ti ka ayiri dawa ni, ama, am ma ya di i ka ya ti minem bo ya ti casi na ya la nahore wo, bo i ti ka kpono bo ba go ma ayiri nu ni.

⁹ Kadasi n bo m yo du mo kere maari am ni, m seeri am ka, ma am ni minem bo bu yo dangba sam sangwa wo. ¹⁰ To, m sukan ma durunya n

nufom ni jore a, bere bo bu nati yo dangba sam ni, ni bo bu nyunu aboro nenje kpini su ni, ni bo bu fin bu bengum ni, ni bo bu su amɔem ni. Nzen má i ti so yiri, nka má am fite yaki durunya n wɔ. ¹¹ Tɔ, bo m sukan n la ka, má am sanja ni minem bo bu yo bu nju ka bu ti am lamɔkɔ Kristofom na bu yo dangba sam, wara bu nyunu boro nenje kpini su, wara bo bu su amɔem ni, wara bo bu nati kan minem jore, wara bo bu nati nu nzan bo ni, wara bo bu nati fin mine ni. Má am se ka am ni nyini sɔnɔ n be so mmɔɔ sanja di diire. ¹²⁻¹³ Má m juma la ka m di bo bu wo má Kristo jama n nu jore. Nyeme dí bu jore a. Bo bu wo Kristo jama n nu ni, amberɛ ti bo am di bu jore a. Nyini dɛɛ ti, kabo ba kere i Nyeme Jore Kadasa n nu ni, ka, “Am fon yi sɔnɔ tie n bo i wo am nu ni.”

6

Kabo bu fa bu bengum kɔ jore diibiri ni

¹ Nzen am be ni i bengum Kristofom be nyaari jore be, i ti ye ni ka i mi fa jore n kɔ Nyeme minem n dɔ, má i se ka i fa kɔ durunya n nu joredifom bo bu si má Nyeme n dɔ fieo. ² Am si má ka Nyeme minem bá di durunya n kere jore a, nzen se? Ye nzen am bá di durunya n kere jore, nzu ti ye am koro yo má am nju nu jore mumukum dɔngu a? ³ Am si má ka ya bá di haari ni merkem jore? Ye nzu ti ye am koro di má jorem fa kɔ dekem bo bu wo durunya n nu n su a? ⁴ Amberɛ, nzen am la nyini jore n be so, ye nzu ti ye am fa kɔ minem bo Kristo jama n bu má bu n dɔ a? ⁵ Deke bo m sukan i ni, i ti am nyinse wɔ. Alecirafɔ haari kun n kpein mmɔɔ wo má am nu bo i koro di am nju nu jorem, nzen se? ⁶ Ama, amberɛ, am fa am bengum kɔ jore diibiri wɔ, na am kɔ jina minem bo bu ti má yaradayofom nyunu, na bu di am jore.

⁷ Nahore, am akpaasi, kabo am nati fa am bengum kɔ jore diibiri ni. Nzen u niwa doori u ngasi be, i ti ye ni ka a mindi de i. Nzen u niwa be sisiiri u, yaki ce i, i ti ye ni bo a fa i kɔ jore diibiri. ⁸ Ama, amberɛ ni am tii wura am bengum ngasi nu wɔ, na am susisi am bengum, haari ni am bengum Kristofom kere.

⁹ Am si má ka sɔnɔ kere bo i yo satie koro wura má Nyeme femeya n nu, nzen se? Má am dadaka am nju, minem bo bu yo dangba sa koro wura má Nyeme femeya n nu, wara bo bu su amɔem, wara bo bu saaki ajaa ciire, wara nbiesom bo bu fa bu nju kaaki ka nbaram na bu ni bu bengum nbiesom sanja da ka bara ni bieso dɛɛ su ni, ¹⁰ wara awiefom, wara bo bu nyunu aboro nenje kpini su, wara bo bu nu nzan na bu bo, wara bo bu nati kan minem jore, wara bo bu nati fin minem ni, bere be mmɔɔ koro wura má Nyeme femeya n nu. ¹¹ Am nbem yo ti so ɔ. Ama, Nyeme anmisi ayi am satiem ni, na wɔ fa am ayo i dɛɛ mine casim, na wɔ de am ka am yo sa bo i kɔ atin su i dɔ, ya Mibie Yesu Kristo duma n dɛɛ ti, ni ya Si Nyeme Awiewie n dɛɛ ti.

Am fa am nuniembaa yo deke bo i ma Nyeme jirima

¹² Am nbem se ka, “M la atin bo m koro yo deke kere bo m koro ka m yo i,” ama, má deke kere la kperɛ a. Mini mmɔɔ koro se ka m la atin bo m koro yo deke kere bo m koro ka m yo i, ama, m yaki má na deke be kunma m. ¹³ Nbem gusu na, “Diire ti akunnu dɛɛ wɔ, na akunnu gusu ti diire dɛɛ.” I ti nahore wɔ, ama, Nyeme bá ma akunnu n ni diire n kere ka ngbeen a. Ama, anuniembaa n yiri, i ti má sakaraya dɛɛ, ama, i ti Mibie n dɛɛ wɔ, na Mibie n gusu ti anuniembaa n dɛɛ. ¹⁴ Nyeme dɛɛ yiko n nu ye i tengeeri Mibie ni i yiwee nu a. I yiko n nu ye i bá tenge ya gusu a. ¹⁵ Am

si má ka am ɲuniɛmbaa n ti Kristo aɲuniɛmbaa n bue be wɔ, nzen sɛ? Ye m koro fa Kristo aɲuniɛmbaa n bue be yo sakaraya, nzen sɛ? Ai, atin wo má nu. ¹⁶ Am si má ka sɔnɔ kɛrɛ bo i faari i ɲu mataari bara sakara na bu sanɣa woori, bɛrɛ nnyɔ n ayo deke kun wɔ lɛɛ, nzen sɛ? Dama ba kɛrɛ i Nyɛmɛ Jɔrɛ Kadasi n nu fa kɔ biɛsɔ ni i yi jɔrɛ su, ka, “Bu mine nnyɔ n ayo deke kun lɛɛ.” ¹⁷ Sɔnɔ kɛrɛ bo i faari i ɲu mataari Mibiɛ n na bu sanɣa woori ni, i ni yiri dɛɛ awiɛwiɛ n ayo kun lɛɛ. ¹⁸ Am ɲmati fite sakaraya nu. Má satie kɛrɛ bo sɔnɔ yo i ye i saaki i ɲuniɛmbaa n a. Ama, bo i yo sakaraya ni, i mi saaki i ɲuniɛmbaa n wɔ. ¹⁹ Am si má ka am ɲuniɛmbaa n ti ka awuru bo Awieɛwiɛ Casi n wo nu n wɔ, nzen sɛ? Yiri ye Nyɛmɛ fa maari am n a, má am dɛɛ la am ɲu. ²⁰ Nyɛmɛ ato am ato kaari wɔ, nyini ti, am fa am ɲuniɛmbaa n fa yo deke bo i ma Nyɛmɛ jirima.

7

Kabo i ti ye ni ka biɛsɔ ni bara wo barasu ni

¹ Tɔ, jɔrɛ n bo am kɛrɛ maari m ni, am ɲa, “I ti ye ni ka má biɛsɔ si bara.” ² I ti nahɔrɛ wɔ, ama, mini dɔ, sakaraya dɛɛ ti, i ti ye ni ka biɛsɔ kɛrɛ la i tienɣu yi, na bara kɛrɛ la i tienɣu hun. ³ I ti má ye ni ka biɛsɔ kete na má i ni i yi sanɣa, i kaaki ti má ye ni ka bara kete na má i ni i hun sanɣa. ⁴ Má bara n dɛɛ la i ɲuniɛmbaa ni, i ti i hun n dɛɛ wɔ, so ye i kaaki ti a, má biɛsɔ n gusu dɛɛ la i ɲuniɛmbaa ni, i ti i yi n dɛɛ wɔ. ⁵ Má am kete am bengɣu daari, má ka am ayo anɔɔkun ka am fa nyini sanɣa kaan sere Nyɛmɛ, nyini sin, na am kaaki sanɣa bekun, adena má Sitana yo am nie na i nya am, dama am koro tara má am ɲu dɛɛ ti. ⁶ I ti má ka m suma am nɔɔ ka am yaki i wɔ, ama, m suma am atin ka am koro yo sɔ ɔ. ⁷ Mini dɔ, nzen má sɔnɔ kɛrɛ wo kabo m wo ni, i yo m fie, ama, sɔnɔ kɛrɛ ni i aceeri bo Nyɛmɛ afa ama i, be dɛɛ wo i ɲgumi, na be gusu dɛɛ wo i ɲgumi, i kɛrɛ ti má kun.

⁸ Kisa m sujɔɔ amɛrɛ nbiesɔm ni nbaram bo am nya ja má ni dɔ a, ni nkunafɔm, nzen má am wo kabo m wo ni, na am ja má, i ti kpa. ⁹ Ama, nzen am koro tara má am ɲu, am ja. Nzen am yo sɔ, i ti ye ni bo sanɣa kɛrɛ am la konviki agaya fa kɔ bara ni biɛsɔ dika, na am koro tara má am ɲu ni.

¹⁰ Ahin ti nbiesɔm ni nbaram ajaafɔm dɛɛ jɔrɛ ye m sukan i n a, má mini suse a, ama, i ti Nyɛmɛ nɔaniɛ maawa a, ka má bara yaki i hun ajaa.

¹¹ Ama, nzen i kɔ yoori ka be afite i hun dika, má i ja kun, i tana sɔ, wara i kaaki kɔ i hun n dika. Má biɛsɔ n gusu se ka i yaki i yi ajaa.

¹² Minɛm bo ba ka ni, m dɛɛ fɔ ye m sufa tu am n a, má Nyɛmɛ seeri sɔ a. Nzen Kristofɔ be yi ti má yaradayofɔ, na wɔ soro su ka i tana i hun n ajaa bu, má i yaki i ajaa, i bita i. ¹³ Nzen bara be ti Kristofɔ, na i hun ti má yaradayofɔ, na biɛsɔ n asoro su ka i ni i yi n sanɣa tana, má bara n yaki i ajaa, i tana. ¹⁴ Dama biɛsɔ n bo i yo má yarada ni, Nyɛmɛ ade i ayo i dɛɛ sɔnɔ, i yi n bo i ti Kristofɔ n dɛɛ ti, na bara n gusu bo i yo má yarada ni, Nyɛmɛ ade i ayo i dɛɛ sɔnɔ, i hun n bo i ti Kristofɔ n dɛɛ ti. Nzen má nyini, Nyɛmɛ dé má bu nbaam, ama, kabo i ti ni, Nyɛmɛ ade bu. ¹⁵ Ama, nzen bo i ti má yaradayofɔ n kete ka i ja má, yaki i na i kɔ, nyini sanɣa, Kristofɔ n la má ɲgasi be. Nyɛmɛ afere ya ka ya wo ni tanalaifie wɔ. ¹⁶ Wɔrɔ bara ni, beni, wɔrɔ dɛɛ ti, u hun ni nyá tiide, na wɔrɔ biɛsɔ n gusu, beni, wɔrɔ dɛɛ ti, u yi ni nyá tiide.

Kabo ya yo ti na Nyɛmɛ fereeri ya ni, ya ti sɔ

¹⁷ Tɔ, am ma sɔnɔ kere wo kabo Mibiɛ n kereeri i sangɔ bo Nyeme fereeri i ni. Deke kere bo m kɔ Kristo jamam n nu, kabo m kere bu ka bu yo lɛɛ. ¹⁸ Nzen be wo bere, na wo du mɔ awura kenkenne ka, ye Nyeme ba fereeri i, i ti ye ni ka i mi yaki i kenkenne yoowa n sɔ. Nzen be gusu wo bere, na wo wura mɔ kenkenne, ye Nyeme afere i, i ti ye ni ka i mi wo sɔ, mɔ i se ka i wura kenkenne. ¹⁹ Bo wo wura kenkenne n ni bo wo wura mɔ kenkenne ni, i be mmɔɔ ti mɔ pui, ama, deke bo i ti jɔre nahɔre su n la ka, sɔnɔ bita Nyeme nɔanie maawam ni. ²⁰ I ti ye ni ka sɔnɔ kere wo kabo i yo ti barasu na Nyeme nya ba fereeri i ni. ²¹ Nzen a ti akɔɔ, ye Nyeme afere u, mɔ a ma i yo u yaa, ama, nzen a si ka a koro nya atin na a de u tii, a koro yo sɔ. ²² Dama sɔnɔ kere bo i ti akɔɔ na Mibiɛ n afere i, i ti Mibiɛ n dɛɛ sɔnɔ bo wo de i tii aji wo, sɔnɔ kere gusu bo i ti mɔ akɔɔ na Mibiɛ n afere i, sɔ ye wo kaaki Kristo akɔɔ a. ²³ Nyeme ato am ato kaari wo, nyini dɛɛ ti, mɔ am yo adamandem akɔɔm. ²⁴ Nyini ti, m ninbaam, kabo sɔnɔ kere ti na Nyeme afere i ni, i ti ye ni ka i mi wo sɔ ni Nyeme.

Nbaram ni nbiesɔm bo bu ja mɔ n jɔre

²⁵ Fa kɔ minem bo ba nya aja mɔ ajaa n dɔ ni, m la mɔ kereewa bo i fite Mibiɛ n dɔ fa kɔ nyini n dika, ama, Mibiɛ n asi m anunfo na m la dabunu n dɛɛ ti, ye m koro ka m se am deke bo i wo m sunsunni nu n a. ²⁶ Miɛ n bo ya wo nu kisa n dɛɛ ti, mini dɔ, nzen mɔ sɔnɔ kere koro wo i wo, mɔ i ti kpa. ²⁷ Nzen a du mɔ aja bara, mɔ a kpini atin na a yaki ajaa ni. Nzen a nya ja mɔ gusu, mɔ a kpini atin na a ja. ²⁸ Nzen a ti biesɔ ye a ja bara, a yo mɔ satie, nzen a ti sunguru gusu ye a ja biesɔ, a yo mɔ satie. Ama, wahara n bo ajaajafɔm di i durunya n nu n ye m koro mɔ ka am di i be a.

²⁹ M ninbaam, deke bo m suse n la ka, sangɔ n waari mɔ kun. Nyini ti, fa kisa fa kɔ, bo bu la nbaram ni, i ti ye ni ka bu wo ka bu la mɔ be. ³⁰ Na bo bu sun ni, ma bu wo ka bu sun mɔ, na bo bu ahore ajɔ ni, ma bu wo ka bu ahore ajɔ mɔ, na bo bu to nengem ni, ma bu wo ka mɔ bu dɛɛ la nenge ni. ³¹ Na bo bu fa durunya n nu nengem fa yo bu jumam ni, ma bu wo ka bu cɛɛ wo mɔ bu nu, dama ahin durunya n ni deke kere bo i wo nu n ti siinwa a.

³² M koro mɔ ka deke be miɛ am, am sunsunni nu. Sɔnɔ bo i la mɔ bara ni, i sunsunni kere wo Mibiɛ n dɛɛ juma ni su a, i dɛɛ la ka, i yo sa bo i sun Nyeme nu wo. ³³ Ama, sɔnɔ bo wo ja bara, i sunsunni kere wo durunya n nu dɛɛ dekem ni su a, i dɛɛ la ka, i yo sa bo i sun i yi nu wo, ³⁴ nyini ti, i sunsunni ti nnyɔ nnyɔ ɔ lɛɛ. Na bara bo i ja mɔ, wara sunguru bo i si mɔ biesɔ, i sunsunni kere wo Mibiɛ n juma ni su a, adena i wo casi i nuniembaa ni i awiewie nu. Ama, bara bo i la hun, i sunsunni kere wo durunya n nu dɛɛ dekem ni su a, i dɛɛ la ka, i yo sa bo i sun i hun nu wo. ³⁵ M koro ka m buka am wo, nyini ti ye m se sɔ n a, i ti mɔ ka m koro ka m kanda am atin wo. Ama, m koro ka am yo sa kere bo i kɔ atin su wo, na am fa am nɔ ma Mibiɛ n nahɔre su, na am su i nyunyumi.

³⁶ Ama, nzen sunguru be wo bere na wo nya si mɔ biesɔ, na ba ce i, na i ni biesɔ n kere ayo bu sunsunni nu ka bu ja mɔ, ama, kasin na biesɔ n ba nɔ ka i koro tara mɔ i nɔ, na bara n aju ajaa, i koro ja i, i ti mɔ satie.

³⁷ Ama, nzen wo jina su kekereke i sunsunni nu, na i ti mɔ deke bo bu miɛ i, na i koro tara i nɔ fa kɔ i kunnu koroowa su, na wo yo i sunsunni nu ka i ja mɔ sunguru ni, ama, bu wo ka bu ti danfoya a, bo bu si mɔ bu bengɔ ka bara ni biesɔ, nyini ti kpa a. ³⁸ Nyini ti, sɔnɔ kere bo i jaari i sunguru ceewa ni, nyini ti kpa, ama, bo i ja mɔ i fieo ni, i mi yo sakpa tara bo i ja i ni.

³⁹ Nzen bara ni i hun wo bere, na bieso n nya wu má, bara n la má atin bo i fite i ajaa n bu, ama, nzen i hun wuuri, i la atin bo i kɔ ja sɔnɔ kere bo i koro, ama, wɔ yo daka ka i mi ti Mibiɛ n dɛɛ sɔnɔ. ⁴⁰ M dɛɛ sunsunni nu, nzen má i wo sɔ na i ja má, má i la terefie agaya tara bo i ja. M nie ka mini mmɔɔ ni m tii la Nyeme Awiewie ni.

8

Amɔɛ diire diiwam n jɔɛ

¹ Tɔ, fa kɔ dekem bo bu kpɛ bu kɔm yo tie fa ma amɔɛm dɛɛ jɔɛ, ya si ka ya kere la si. Ama, si ka nyini n sɔ ma mine wura bu ɲu kpiri wɔ, ama, koro yiri, i buka sɔnɔ ɔ, na i woowa ti kpa. ² Sɔnɔ kere bo i yo i ɲu ka i si deke be, i mi nya la má si nahɔɛ su kabo má i sunsun ka i si i ni. ³ Sɔnɔ kere bo i koro Nyeme ni, Nyeme si yiri wɔ.

⁴ Nyini ti, fa kɔ kabo minem di amɔɛ tie diirem ni, ya si ka amɔɛ ti má pui durunya n nu, na nyeme be wo má bere sin ya Nyeme ni ɲgumi kpein ɲu. ⁵ Haari nzen dekem bo minem ɲa bu ti amɔɛm wo angoro ni asiɛngu fen, na nzen i ti nahɔɛ ka amɔɛm ni mibiɛm dɔɲgu wo bere mmɔɔ, ⁶ yere dɔ, Nyeme kun n kpein wo bere a, yiri la ya Si Nyeme, yiri yo yiiri deke n kere a, ya wo bere ma yiri wɔ. Ya kaaki la Mibiɛ kun n kpein wɔ, yiri la Yesu Kristo, Nyeme ma yiri yiiri deke n kere a, i dɛɛ ti ye ya wo bere a.

⁷ Ama, má sɔnɔ kere la nyini si n a, nbem wo bere bo ba su amɔɛm aɛ, nyini ti, haari ni kisa nzen bu diiri nyini diire n be, bu sunsun ka bu toko di amɔɛ tie nie wɔ, na bu sunsunni suma bu nnyɔ nnyɔ ɔ, ka bu ti má casi. ⁸ Nyeme de má ya diire dɛɛ ti, nzen ya diiri i, i buka má ya pui, nzen ya di má i gusu, i kpɛ má ya su. ⁹ Ama, am si am ɲu sa, ambere bo am ade am tii ni, na má am yo sa be bo i ma am niwa n bo i jaa kpaasi, yiri n bo i yarada ti má biiwa ni. ¹⁰ Nzen sɔnɔ bo i sunsunni n ti nnyɔ nnyɔ n ɲu ka wɔɔ bo a la nyini si n sɔ wo amɔɛ awuru n nu sudi amɔɛ diire be, nyini ma i ahoresi ka i di be na i nie a, má sɔ? Eɛn, i mi dí ɔ. ¹¹ A yoori sɔ, u si n dɛɛ ti, a suma u niwa n ka ɲgbɛɛn lɛɛ, yiri n bo i yarada ti má biiwa ni. Yiri gusu ti u niwa bo Kristo wuuri i dɛɛ ti wɔ. ¹² Nzen am yo sɔ, am suyo am ninbaam satie wɔ lɛɛ, na am sufɔndɔ bu sunsunni bo i ti nnyɔ nnyɔ n lɛɛ, nyini n sɔ ni, am suyo Kristo gusu satie wɔ lɛɛ. ¹³ Nyini ti, nzen diire bo m di i, na i ma m niwa Kristofɔ bo i jaa kpaasi, m dí má nie bekun fieo, adena má m niwa n bo i jaa kpaasi.

9

Atin bo Kristo jaramasam la i fa kɔ bu juma n su ni

¹ M ti má sɔnɔ bo ma de m tii wɔ, nzen sɛ? M ti má Kristo jaramasa a, nzen sɛ? Ma ɲu má ya Mibiɛ Yesu wɔ, nzen sɛ? Kabo am ayo yarada ni, má ambere ti m jumayoowa, Mibiɛ n dɛɛ ti a, nzen sɛ? ² Haari nzen nyiɲgam de má m ka m ti jaramasa, ambere si ka m ti i jaramasa a, dama kabo am ni Mibiɛ n ayo kun ni, nyini kere am ka m ti i jaramasa a.

³ Nzen mine se m jɔɛ, ka m ti má Kristo jaramasa, má m bisa bu ka, ⁴ mini ni Banabasi, ya la má atin ka ya de deke bo ya di i, ni deke bo ya nu i, Kristo jama n dɔ ɔ, nzen sɛ? ⁵ Ya la má atin ka nzen ya sukɔ atin, ya koro fa ya yim bo bu ti yaradayofɔm bita nu, kabo ya benggu Kristo jaramasa nbem yo ni, ni kabo ya Mibiɛ niemam, ni Kefasi bo bu kaaki fere i ka Petoro gusu yo ni, nzen sɛ? ⁶ Wara m ni Banabasi ɲgumi ye i ti ye ni ka ya yo ya saa nu juma ka, na ya nya di a? ⁷ Nma wo bere bo i yo

soja juma na i tɔ i tii su kaari a? Ai, bu tɔ bu wɔ. Njma wo bere bo i ta bakam, na i di má suuwam be a? Ai, bu di wɔ. Wara njma wo bere bo i sasa nenɔndɔrem na i nu má nɔnɔ a? Ai, bu nu wɔ. ⁸ M sufa má adamande dɛɛ sunsunni nu ye m sufa se sɔ n a, ama, kabo nɔaniɛ kpamaawa n kere lɛɛ. ⁹ Ba kere i Nyeme nɔaniɛ kpamaawa n bo i fa maari Moyisi n nu ka, “Nzen a bita toora subobo ngani, má a cici i nɔɔ.” Tɔ, naanim ngumi ye Nyeme cɛɛ wo bu nu a, nzen sɛ? Ai, má bere ngumi. ¹⁰ Nahɔre, ya ti ka dɔdɔɔrifɔm wɔ, yere dɛɛ ti ye bu kereeri sɔ a, adena bo i dɔ ngani n ni bo i bobo i n kere la tama ka bu nyá be na bu kpáaki nu. ¹¹ Yere kaanri Nyeme nɔaniɛ ni kereeri am a, kabo dɔdɔɔrifɔ dɔ aɛmbaa ni, na ambere ade i. Ye nzen i ti sɔ, yere la má atin bo ya koro nya deke be am dɔ, nzen sɛ? ¹² Nzen nyiŋgam la atin ka bu de nenɔgem am dɔ, yere la má atin bo ya de tara sɔ, nzen sɛ?

Ama, yere akere má ya yiko ka ya de nyini n be sɔ, dama ya koro má ka ya kanda minem, na má bu de Kristo labari kpa ni. ¹³ Am si má ka, minem bo bu yo juma Nyeme Sereebiri Awuru n nu ni di nyini nu wɔ, nzen sɛ? Na bo bu nati yo juma Mikun yoowa yoobiri n su ma minem gusu di nyini nu wɔ, nzen sɛ? ¹⁴ Sɔ ye Micera n ama nɔɔ a, ka bo bu kan labari kpa n jɔre n nya deke bo bu di i fite labari kpa n kan nu a.

¹⁵ Ama, haari ni bo má m la atin ka m yo sɔ ni, ma yo má nyini n be sɔ, na m sukere má ahin kadasi n ka m de deke be am dɔ ɔ, dama nzen m wuuri, má i ti ye tara bo be se ka m fɔ yanfɔya ngbɛɛn ni. ¹⁶ Nzen m kan labari kpa n jɔre kere minɛ, m la má atin bo m fɔ, dama i ti m juma bo Nyeme ama m ka m yo i wɔ. Nzen m keteeri ka m yo má i, m nyá suicin. ¹⁷ Nyini ti, nzen m kan labari kpa n jɔre m koroyanu, m nya nkato, ama, i ti má m koroyanu, dama Nyeme afa nyini juma n ama m ka m yo i a. ¹⁸ M dɛɛ nkato la bɔnɔ? Yiri la ka m kan labari kpa n jɔre fa kere minem ngbɛɛn, m la atin bo m sere deke be bu dɔ, ama, m yo má i.

¹⁹ Haari ni bo ma de m tii na m ti má be dɛɛ akɔɔ ni, m fa m nju yo akɔɔ ma sɔnɔ kere wɔ, adena m koro nya mine dɔnggu na bu su Kristo su. ²⁰ Nzen m kɔɔri Yudafɔm dɔ, m yo kabo bu yo n wɔ, adena m koro nya bu nbem na bu su Kristo su. Nzen m kɔɔri minem bo Nyeme nɔaniɛ kpamaawa n niɛ bu su n dɔ, haari ni bo nɔaniɛ kpamaawa n niɛ má mini ni m tii su kun ni, m yo kabo bu yo n wɔ, adena m koro nya minem bo nɔaniɛ kpamaawa n niɛ bu su ni nbem na bu su Kristo su. ²¹ Nzen m kaaki kɔɔri minem bo bu la má nɔaniɛ kpamaawa n dɔ, m yo kabo bu yo n wɔ, i ti má ka m su má kabo Nyeme nɔaniɛ kpamaawa n kere n su wɔ, ama, Kristo dɛɛ nɔaniɛ ni niɛ m su a, adena m koro nya minem bo bu la má nɔaniɛ kpamaawa n na bu nbem su Kristo su. ²² Nzen m kɔɔri minem bo bu yarada la má fanɔga n dɔ, m yo m nju ka mini mmɔɔ la má fanɔga wɔ, adena m koro nya bu nbem na bu su Kristo su. Deke kere bo m kɔ, m yo m nju kabo nyini minem yo barasu n wɔ, adena m koro ma bu nbem nya tiide. ²³ M yo nyini n kere sɔ ɔ, labari kpa n dɛɛ ti, adena m ni nyiŋgam kere sanɔga di i kperɛ.

²⁴ Am si ka nzen minem awura akuruwa ka bu njmati, na bu niɛ bo i kunma i bengum, bu kere njmati wɔ, ama, bu nu sɔnɔ kun bo i kɔ kunmaari bu kere ni, yiri nya aceeri n a. Nyini ti, sɔnɔ kere mie i nyi, na i wo woowa kpa fa kɔ Kristo atin n su, kabo njmاتيirifɔ n bo i kunma i bengum n ti ni, adena i nya aceeri ni. ²⁵ Minem bo bu njmati njmاتيiri ni, wara bo bu bo baalo ni, bu kere boro bu nyi wɔ ni anyumboro fa kɔ nyini kɔkɔɔ n su. Bu yo sɔ ɔ na bu nya aceeri n bo i cɛ má ni, ama, yere yiri, ya nyá aceeri n

bo i wie má na i wo bere sanƆa kere n wɔ. ²⁶ Nyini dɛɛ ti, mini, m ηmati má ηgbɛɛnηgbɛɛn ka sɔnɔ bo i si má bo i wo nu ni. M ti má sɔnɔ bo m bo acɔre na m bo fun. ²⁷ Ama, m kere m ηjunie n wahara a, na i yo kabo m koro ni, adena má m yo sɔnɔ bo m kan labari kpa n jɔre kere minem, na mini mmɔɔ fun aceeri ni.

10

Kabo Pɔɔlu bɔbɔɔri bu ka má bu su amɔɛm ni

¹ M ninbaam, m koro ka m tenƆe am su ka sanƆa bo ya nam yo suuri Moyisi su fiteeri Ijipiti asien n su ni, yinyingɔ n yo kataari bu kere ηu wɔ, na bu kere ayo awura kunma nzue bambaka n nu na ba kpɛ. ² Kabo i yoori sɔ ni, i yo ti ka ba biɛ bu Nyemɛ nzue, afa bu ama Moyisi wɔ lɛɛ. ³ Bu kere yo sanƆa diiri diire n bo i ti má durunya n nu fen dɛɛ diire n a, ⁴ na bu kere asanƆa anu deke nuuwa kun n bo i ti má durunya n nu fen dɛɛ ni, dama yabuɛ n bo nzue n songi fiteeri nu na bu nuuri i n na i suuri bu su ni, i fite má durunya n nu fen, nyini yabuɛ n la Kristo Tiidefo ni. ⁵ Ama, haari ni nyini mmɔɔ, bu dɔngɔ sayoowa asun má Nyemɛ nu, nyini dɛɛ ti na ba wu aka ηgbɛɛn boro kpantain n nu.

⁶ Tɔ, ahin sam kere bo bu yo yoori ni, bu ti deke bo bu sufa kere ya a, ka má ya sufa konviki, na ya su satiem su, kabo bu yo yoori ni. ⁷ Na má am su amɔɛm kabo bu nbem yo yoori ni. Kabo ba kere i Nyemɛ Jɔre Kadasi n nu ni, ka, “Minem n yo tanaari wɔ, na ba di, na ba nu, na ba nya ayasu ago agɔre.” ⁸ Má am ma ya yo sakaraya kabo bu nbem yo yoori, na cɛɛn kun nu na bu minem kɔ akpii aburanyɔ ni akpii nsan wuuri ni. ⁹ Má am ma ya yo Mibiɛ n na ya niɛ, kabo bu nbem yo yoori i na bu niɛ, na woom kan kuunri bu ni. ¹⁰ Má am sunɔnɔuti kabo bu nbem yo ηunɔutiiri na mereke saakifo n ba kuunri bu na bu kaari ηgbɛɛn ni.

¹¹ Ahin sam kere bo bu yo yoori ni, bu ti deke bo bu sufa kere ya wɔ, nyini ma bu kerɛeri bu seeri n a, na bu fa bɔbɔ yere n bo ya wo ahin awieeri su sanƆa n nu ni. ¹² Nyini ti, sɔnɔ kere bo i sunsun ka i jina nyunyumi, i ti ye ni ka i mi si i ηu sa, na má i kpaasi. ¹³ Gberɛgbere be wo má bere bo wɔ tu am, na i be nya tu má adamande. Nyemɛ la dabunɔ, i yáki má na gberɛgbere bo i kúnma am bá tu am, ama, haari nzen gberɛgbere be bá tuuri am, i kpíni atin ma am, na i má am koro mindi de i.

¹⁴ Nyini dɛɛ ti, m ninbaa koroowam, am ηmati fite amɔɛ su nu. ¹⁵ M sujɔɔ am dɔ ka am ti minem bo bu nyunu ateke wɔ, ambere mmɔɔ ni am tii, am si deke n bo m sujɔɔ i n bu. ¹⁶ Nzen ya sudi ya Mibiɛ n diire ni, na ya faari awa n ni nzan n na ya yo kisi gɔ su, na ya kere sanƆa nuuri i, i ti Kristo mbunja wɔ lɛɛ, ye ya nu i n a. Kpɔnɔ n gusu bo ya kpiɛkpiɛ i nu na ya sanƆa di i ni, i ti Kristo ηuniɛmbaa n wɔ lɛɛ, ye ya di i n a. ¹⁷ Kpɔnɔ n bo ya kere sanƆa di i n ti mɔmɔ kun wɔ, nyini dɛɛ ti, yere bo ya ti mine beberebe ni, ya ti anuniɛmbaa kun wɔ lɛɛ, dama ya kere sanƆa di kpɔnɔ kun n wɔ. ¹⁸ Am niɛ kabo Yisarelifɔm yoori ni. Minem bo bu di dekem bo bu fa yo yoowa Mikun yoowa yoobiri n su n ni, bu ni Nyemɛ la wo fie bo i ma bu yo anɔkɔn, fa kɔ bu nyemɛsu atin n su. ¹⁹ M suse má ka dekem bo bu yo tie n ma bu n wo má bere wɔ, wara amɔɛm ni bu tii wo má bere. Ai, má sɔ. ²⁰ Ama, dekem bo amɔɛsufɔm yo tie ma bu ni, bu yo ma ajinim wɔ, bu yo ma má Nyemɛ. M koro má ka am di amɔɛ tie diirem, na am ni ajinim sanƆa. ²¹ Nahɔre, m koro ka am si ka am koro nu má ya Mibiɛ ni nzan awa n nu, na am kaaki nu ajinim dɛɛ gusu buka su, nyini koro yo má, na am kaaki koro di má ya Mibiɛ n diire ni, na am kaaki di ajinim dɛɛ buka

su, nyini koro yo má, ²² wara ya koro ka Mibié n si ya kóre na i fa yaa ya nju wó. Ya la fannga tara i wó, nzen sé? Ai, ya lá má fannga.

Ya yo sa bo i sun Nyeme nu

²³ Am nbem se ka, “Ya la atin bo ya koro yo deke kéré bo ya koro ka ya yo i ni.” I ti nahóre wó, ama, má deke kéré la kperé a. Am na, “Ya la atin bo ya koro yo deke kéré bo ya koro ka ya yo i ni.” I ti nahóre wó, ama, má deke kéré buka ya a. ²⁴ Má am nié kabo am yo na amberé ngumi yo ye, ama, am nié kabo am yo na am benngum gusu yo ye. ²⁵ Nié kéré bo nan̄kosim tó i ni, am di i, má am yo sika. ²⁶ Dama ba kéré i Nyeme Jóre Kadasi n nu ka, “Durunya n ni deke n kéré bo i wo nu n ti Micera n dæ wó.” ²⁷ Nzen sɔnɔ bo i yo má yarada baandiiri am ka am ba di diire, na am soro su, am di deke kéré bo bu fa ma am ni, má am kéré nu, sika dæ ti. ²⁸ Ama, nzen be se am ka, ahin nié n ti tié nié wó, nyini yiri, má am di, yiri n bo wó se sɔ ni, i sunsunni suma i nnyɔ nnyɔ n dæ ti, má am di. ²⁹ I mi n dæ sunsunni nnyɔ nnyɔ n dæ ti, má a di i, má u dæ ti a. M dæ la m tii, ye nzu ti ye m ma be dæ sunsunni nnyɔ nnyɔ n di m jóre, na má m yo kabo m koro a. ³⁰ Nzen m da Nyeme asi gó diire n su na m di i, be yo sé koro jaraki m diire n dæ ti a? Dama ma du mɔ ada Nyeme asi ago diire n su.

³¹ Nyini ti, nzen am diiri diire, wara am nuuri deke nuuwa, wara deke kéré bo am yoori i, am yo i na i wura Nyeme kpiri. ³² Má am yo sa bo i ma minem bo bu jaa na bu kpaasi, bo bu ti Yudafóm ni, ni bo bu ti má Yudafóm, haari ni Kristo jama ni. ³³ Sɔ ye mini mmɔɔ ni m tii boro m nyi a, na m yo sa bo i sun sɔnɔ kéré nu, m sunié má kabo m yo na mini ngumi yo ye wó, ama, m yo deke bo i buka sɔnɔ kéré wó, adena bu nya tiide.

11

¹ Am sɔn m su, na am ma am woowa ti kabo m woowa ti barasu n na m sɔn Kristo su ni.

Tii kata su jóre fa kɔ nyemesere su

² Tɔ, m kansi am wó, dama sannga kéré am nati tenge m su wó, na am bita kereewam bo m fa kereeri am n ni nahóre su ni. ³ Ama, deke bo m koro ka am si i la ka, biésɔ kéré tiifó la Kristo wó, na bara kéré tiifó la i hun, na Kristo gusu tiifó la Nyeme. ⁴ Nyini ti, biésɔ kéré bo i susere Nyeme, wara i sukan Nyeme nɔanié n kere minem, na i kata i tii su, i mi awura i tiifó n nyinse wó læ. ⁵ Na bara kéré bo i susere Nyeme, wara i sukan Nyeme nɔanié n kere minem, na wó kata má i tii su, nyini bara n suwura i tiifó nyinse wó læ. I ti ka wó yi i tii wó læ. ⁶ Nzen bara kete ka i kata má i tii su, nyini yiri, i ti ye ni ka i kpiekpie i tii ni, ama, nzen i ti i nyinse ka i kpiekpie i tii, wara i yi i, nyini yiri, i ti ye ni ka i fa deke kata su. ⁷ Nyini ti, i ti má ye ni ka biésɔ susere Nyeme na i fa deke be kata i tii su, dama i ferema ni Nyeme wó, i de Nyeme jirima woowa a, ama, bara n yiri, i de biésɔ n jirima woowa a. ⁸ Dama Nyeme afa má bara ye i fa yoori biésɔ a, ama, i du mɔ yiiri biésɔ ɔ ka, na wó nya ayi bara afite i nunié nu. ⁹ Má bara dæ ti, ye Nyeme yoori biésɔ a, ama, biésɔ dæ ti, ye i yoori bara a. ¹⁰ Nyini dæ ti, wó yo daka ka bara cin acici, na i kere ka be la i yiko, merékem dæ ti. ¹¹ Ama, haari ni nyini n kéré ni, fa kɔ Mibié n dæ atin n su, bara wo má i ngumi, na biésɔ gusu wo i ngumi. ¹² Dama kabo Nyeme yo yiiri bara fiteeri biésɔ nunié nu ni, sɔ ye bara gusu wu biésɔ a, ama, deke n kéré fite Nyeme dɔ ɔ. ¹³ Amberé mmɔɔ ni am tii, am sunsun na am nié, i ti kpa ka bara sere Nyeme na má i cin acici? ¹⁴ Am nié kabo adamande woowa ti a,

i kere ka nzen biesɔ yaki i tiɛnmie na i yo tintiin jɔnjɔndi, minem bu má i. ¹⁵ Ama, nzen bara la tiɛnmie tintiin ye i la jirima a, dama Nyeme ama i tiɛnmie n ka i fa kata i tii su wɔ. ¹⁶ Nzen be wo am nu na i yo i ɲu ka i se akuruwa fa kɔ kabo m suse ni, m koro ka m se am ka, yere, ya su má nyini yoowa n su, haari ni deke kere bo Kristo jamam tien bu nɔɔ ni, be yo má sɔ.

Ya Mibie n diire n jɔre

¹⁷ Tɔ, ahin kereewam bo m koro ka m fa kere am ni, m koro kansi má am, dama sanɔa bo am ba tien am nɔɔ, sam bo am yo bu ni, bu buka má am, bu ma am kɔ am sin wɔ. ¹⁸ Ciciri su, ma ti ka sanɔa bo am ba tien am nɔɔ na am su Nyeme ni, am la kpakpaakinu wɔ. Ma yo yarada ka, beni, i ti nahɔre wɔ. ¹⁹ Nahɔre, wɔ yo daka ka am la kpakpaakinu am nu, adena am si bo bu ti yaradayofɔm nahɔre su ni. ²⁰ Am ba tien am nɔɔ ni, má ya Mibie n diire n ye am tien am nɔɔ di i n a. ²¹ Dama sanɔa bo am ba sudi ni, sɔnɔ kere di i tienɔgu diire wɔ, be ɲminda má i benɔgu, na ahɔe suti nbem, na nbem nu nzan subo. ²² Am la má am tienɔgu awurum wɔ, bo am koro di na am nu wɔ, nzen se? Wara am bu Kristo jama ni ɲgbɛen wɔ, haari na am suwura bo bu la má pui nyinse? Am ɲa m se am se wɔ? Am ɲa m kansi am wɔ, nzen se? Ai, m koro kansi má am ni nyini yiri.

²³ Dama deke n bo mini ni m tii deeri i fiteeri Mibie n dɔ ni, nyini ye ma fa akere am n a. Kɔɲɔgue n bo bu tɔɔri ya Mibie Yesu maari i kpɔfɔm ni, na wɔ fa kpɔnɔ, ²⁴ na wɔ da Nyeme asi, na wɔ bubu i nu, na wɔ se bu ka, “Ahin kpɔnɔ n ti m ɲuniɛmbaa lɛɛ ye m sufa ma am n a. Am yo ahin sɔ adena am fa tenɔge m su.” ²⁵ Bu diiri diire n wieeri ni, na wɔ kaaki afa awa n ni nzan ni, na wɔ se bu ka, “Ahin nzan n ti sesesu fɔfɔre n bo Nyeme sufa m mbunja n sudi i di wɔ. Sanɔa kere bo am ba sunu nyini nzan ni, am tenɔge m su.” ²⁶ Nyini la ka, sanɔa kere bo am ba sudi ahin kpɔnɔ n na am sunu ahin nzan ni, am subo Mibie n yiwee ni ndoori wɔ lɛɛ, haari fa kɔ ju sanɔa bo i bá kaaki ba bekun ni.

²⁷ Nyini ti, sɔnɔ kere bo i diiri ya Mibie n kpɔnɔ ni, wara i nuuri i nzan ni, na i bu má i, Nyeme dí i mi jɔre jaraki i, dama wɔ fa má ya Mibie ɲunie n ni i mbunja n ayo má juma. ²⁸ Wɔ yo daka ka sɔnɔ kere nie i ahorembaa su ka, na i nya di ahin kpɔnɔ ni, na i nya nu nzan ni. ²⁹ Dama sɔnɔ kere bo i diiri kpɔnɔ n na i nuuri nzan n na wɔ si má ka ya Mibie ɲuniɛmbaa n lɛɛ, Nyeme bá di i mi jɔre jaraki i. ³⁰ Nyini dɛɛ ti ye am nu, mine dɔɲɔgu ayɔrɔki ada tukpaki, haari nbem awu n a. ³¹ Nzen yere ni ya tii du mɔ fiiti nieeri kabo ya woowa ti, Nyeme di má ya jɔre cin má ya sui. ³² Ama, nzen Mibie n fiiti ya na i cin ya sui, i yo sɔɔ adena i di má ya jɔre na i yo ya ɲgbɛen, cɛɛn n bo i bá di durunya n nufɔm jɔre ni.

³³ Nyini dɛɛ ti, m ninbaam, sanɔa kere bo am ba tien am nɔɔ, na am di, am kere ɲminda am benɔgu, na am sanɔa di. ³⁴ Nzen ahɔe ati be, i ti ye ni ka i mi di diire awuru ka, na i nya ba, adena nzen am ba tien am nɔɔ, na má Nyeme di am jɔre cin am sui. Jɔre n kere bo wɔ ka ni, nzen m ba baari, m yó i dɔɲɔgu.

12

Aceerim bo Awiewie Casi n fa ma minem n jɔre

¹ Tɔ, m ninbaam, m koro ka am si sa bo i wo bere fa kɔ Awiewie Casi n aceerim su. ² Am si ka sanɔa bo am yo su má Nyeme ni, bu yo taari am nyi wɔ, na am susu amɔɛm bo bu koro joɔɔ má ni. ³ Nyini ti, m koro ka am si ka sɔnɔ kere bo Awiewie Casi n wo i dɔ, i mi koro se má ka, “Yesu aka

ngbɛɛn,” na be gusu koro se má ka “Yesu ti m Mibiɛ,” má ka Awiewiɛ Casi n wo i mi dɔ.

⁴ Aceerim barasu barasu wo bɛɛ, ama, Awiewiɛ Casi n ti kun wɔ. ⁵ Amusuim bo ya yo buka minɛm wo bɛɛ barasu barasu, ama, ya su Mibiɛ kun wɔ. ⁶ Sɔnɔ kɛɛ la atin barasu barasu kabo i mi koro fa yo i juma, ama, Nyɛmɛ kun ni yo nyini n kɛɛ a. ⁷ Nyɛmɛ ma sɔnɔ kɛɛ Awiewiɛ Casi n aceerim n bo i kɛɛ ka Awiewiɛ Casi n wo i mi dɔ a, na i fa buka Kristo jama n kɛɛ. ⁸ Awiewiɛ Casi ni ma sɔnɔ be jɔjɔ alecira jɔɛ a, nyini Awiewiɛ ni ma be gusu jɔjɔ si jɔɛ a. ⁹ Nyini Awiewiɛ ni ma be yarada ye i yo yiko juma n a, nyini Awiewiɛ kun ni ma be yiko ye i mi n koro tuntun tukpakifɔm na bu nya laifiɛ a. ¹⁰ Nyini Awiewiɛ ni ma be yiko ye i koro yo alekutura sam a, yiri ma be yiko ye i kan Nyɛmɛ nɔaniɛ n kɛɛ minɛm a, yiri ma be yiko ye i koro si jɔɛ n bo i fite Nyɛmɛ Awiewiɛ Casi n dɔ a, yiri ma be yiko ye i koro jɔjɔ aniɛ barasu barasu a, yiri gusu ma be yiko ye i koro kɛɛ aniɛ barasu barasum bu a. ¹¹ Nyini Awiewiɛ kun ni yo nyinim kɛɛ a, yiri ce sɔnɔ kɛɛ aceeri barasu barasu n kabo i koro a.

Aɲuniɛmbaa kun n ni i bue barasu n jɔɛ

¹² Aɲuniɛmbaa n la bue barasu barasu beberebe wɔ, haari ni bo i la bue barasu barasu ni, i ti aɲuniɛmbaa kun wɔ, Kristo gusu ti sɔ ɔ lɛɛ, yɛɛ ti i bue barasu barasu n a. ¹³ Awiewiɛ kun n ye ba fa abiɛ ya kɛɛ Nyɛmɛ nzue a, ye ya kɛɛ ayo aɲuniɛmbaa kun, bo bu ti Yudafɔm, ni bo bu ti má Yudafɔm, bo bu ti akɔɔm, ni bo bu ti má akɔɔm, ya kɛɛ ade nyini Awiewiɛ kun ni ya ahore su a.

¹⁴ Tɔ, aɲuniɛmbaa n la bue barasu barasu beberebe wɔ, bu ti má kun. ¹⁵ Nzen má ajaari n seeri ka, “M ti má asaa, nyini ti, m ti má aɲuniɛmbaa n be fieo,” nyini kɛɛ má ka i ti má aɲuniɛmbaa n bue be kun wɔ. ¹⁶ Na nzen má asui n gusu seeri ka, “M ti má anyumbaa, nyini ti, m ti má aɲuniɛmbaa n be fieo,” nyini kɛɛ má ka i ti má aɲuniɛmbaa n bue be kun wɔ. ¹⁷ Nzen má aɲuniɛmbaa n bue n kɛɛ tiiri anyumbaa, má bu yo sɛ koro ti deke ɲga a? Ye nzen má bu kɛɛ tiiri asui, má bu yo sɛ koro de nvan a? ¹⁸ Ama, kabo Nyɛmɛ koro n ye wɔ fa ama aɲuniɛmbaa bue barasu n kɛɛ a, ye wɔ yo i aɲuniɛmbaa kun a. ¹⁹ Nzen má i kɛɛ ti bue barasu kun, má i ti má aɲuniɛmbaa lɛɛ. ²⁰ Kabo i ti ni, aɲuniɛmbaa bue barasu n sunnu, ama, i ti aɲuniɛmbaa kun wɔ. ²¹ Nyini ti, anyumbaa n koro se má asaa n ka, “Wɔɔɔ, a kun má m kɛɛɛ be, m koro má u.” Wara atii n koro se má ajaari n ka, “Wɔɔɔ, a kun má m kɛɛɛ be, m koro má u.” ²² Ama, haari aɲuniɛmbaa bue barasum n bo ya ɲa bu la má fanga ni mmɔɔ kun kɛɛɛ wɔ. ²³ Na aɲuniɛmbaa bue barasu n bo i la má jirima ni, yiri ye ya niɛ i dika nyunyumi a. Na aɲuniɛmbaa bue barasu n bo ya ɲu i ka i la ya nyinse ni, ya yo yiri dɔɲgu a, na má ya di nyinse. ²⁴ Na aɲuniɛmbaa n bue n bo bu wo fofoe nu ni, ya niɛ má bu dika nyunyumi. Ama, kabo Nyɛmɛ yoori aɲuniɛmbaa n ni, deke n bo yɛɛ fa má i yo má pui ni, yiri ye wɔ wura i jirima a, ²⁵ adena má i la kpakpaakinu, ama, na bue barasu n kɛɛ cɛɛ wo i beɲgu nu. ²⁶ Nzen aɲuniɛmbaa bue kun diiri yaari, aɲuniɛmbaa bue n kɛɛ sudi yaari n a, ye nzen aɲuniɛmbaa n bue be sunya kansi, aɲuniɛmbaa bue n kɛɛ ahore ti jɔɔwa wɔ lɛɛ.

²⁷ Ambɛɛ kɛɛ ti Kristo aɲuniɛmbaa n wɔ, na am kɛɛ kun kun n ti i bue barasu be wɔ lɛɛ. ²⁸ Na Nyɛmɛ ayi i minɛ nbem Kristo jamam n nu, na wɔ ma bu kɛɛ ni bu juma. Í du mɔ yiiri jaramasam wɔ, nnyɔ su, bo bu kan Nyɛmɛ nɔaniɛ n kɛɛ minɛm ni, nsan su la kerefɔm, bo bu buka su la bo bu yo alekutura sam ni, ni bo bu tuntun tukpakifɔm na bu nya laifiɛ ni, ni

bo bu buka minem ni, ni Nyeme mine mofom bo bu kere nyaari ni, ni bo bu jɔɔ anie barasu barasu ni. ²⁹ Sɔnɔ kere ti jaramasa a? Ai. Sɔnɔ kere kan Nyeme noanie n kan kere minem a? Wara sɔnɔ kere koro kere a? Ai. Sɔnɔ kere la yiko koro yo alekutura sam a? Ai, i ti má sɔ. ³⁰ Sɔnɔ kere la yiko koro tuntun tukpakifom na bu nya laifie a? Ai. Sɔnɔ kere koro jɔɔ anie barasu barasu a? Ai. Sɔnɔ kere koro yi anie jɔɔɔwa barasu barasu n bu a? Ai. ³¹ Ama, am kere boro am nyi na am nya aceerim n bo bu la má aɗusu ni.

Kisa, m koro ka m kere am atin n bo i ti kpa tara i kere ni.

13

Koro jɔɔɔ

¹ Nzen m jɔɔ adamande anie barasu barasu n kere, na nzen m jɔɔ merékem anie, na m koro má minem, m ti ka adanwore wɔ, wara m ti ka coco bo i bobo i benggu na i yo nanmie ngbeen wɔ. ² Nzen m de Nyeme noanie n Awiewie Casi n dɔ, na m kan kere minem, na m la si kere na m si deke n kere bo bu wo asiri nu ni, na nzen m la yarada haari bo m koro se bukam ka bu yasu bu tanaabiri, ama, na m koro má minem, m ti ngbeen wɔ lee. ³ Na nzen m faari m nengem kere fa kpaaki nu maari yaarifom, na m faari m nuniembaa fa maari, na bu yara m sin, na m koro má minem, nyini n kere bo m yo i n ti ngbeen wɔ lee.

⁴ Sɔnɔ bo i la koro, i mi la sawore wɔ, na i yo kpa, i mi si má mine kore, i mi fɔ má yanfoya, i mi koro má kpiri. ⁵ Sɔnɔ bo i la koro, i mi la má anyumbaa wuruuwa, i mi yo má sa bo yiri ngumi yo ye, i mi fa má yaa ndende, i mi fa má jɔɔ se má i kunnu na i tenge su. ⁶ Sɔnɔ bo i la koro, i mi ahore ti má jɔɔwa fa kɔ satie su, ama, i mi n ahore ti jɔɔwa fa kɔ deke bo i ti nahore su a. ⁷ Sɔnɔ bo i la koro mindi de deke kere wɔ, na i la yarada fa kɔ deke kere nu, na i la ahoresi fa kɔ deke kere nu, na i la mindi sanja kere.

⁸ Koro la má awieeri. Ama, aceerim bo Awiewie Casi n fa ma minem na bu koro kan Nyeme noanie n kere minem ni, i la sanja bo i ba sin wɔ, minem bo bu jɔɔ anie barasu barasum ni, bu bá mɔ bu nɔɔ ɔ, na bo bu la si ni, i la sanja bo i bá sin wɔ. ⁹ Kisa ya si má deke n kere wie má, na Nyeme noanie n bo ya kan kere minem ni, ya si má i kere wie má. ¹⁰ Ama, nzen Kristo ba baari, nyini sanja deke n bo ya si má i kere ni aba i awieeri lee. ¹¹ Sanja bo m yo ti baatuma ni, m yo jɔɔ baatumaya jɔɔ wɔ, na m sunsun kabo baatuma sunsun ni, ama, m nyunu ba tiiri ni, na ma yaki baatumaya jɔɔɔ n kere. ¹² Kisa dekem bo ya nɔ i ni, i ti ka ya nie nɔ i nienu nu wɔ, ama, ya bá nɔ i fofoe nu, kabo ya nɔ ya nɔ n wɔ. Kisa m si má deke n kere, ama, sanja suba bo m bá si deke n kere, kabo Nyeme si m nahore su ni. ¹³ Tɔ, kisa ahin deke nsanm ni wo bere a, bere la yarada, ni tama, ni koro, ama, bo i tara bu kere n la koro wɔ.

14

Awiewie Casi n aceerim bo i buka su n dɛɛ jɔɔɔ

¹ Tɔ, am bita koro atin na am koro am benggu ni anyumbo, na am kpini Awiewie Casi n aceerim busu, maala bo i ma am koro kan Nyeme noanie n kere minem ni. ² Dama bo i jɔɔ anie barasu barasu n jɔɔ má adamandem dɔ, ama, i jɔɔ Nyeme dɔ a. Nahore, be koro ti má kabo i sujɔɔ n bu, dama Awiewie Casi n dɛɛ yiko n nu ye i jɔɔ asiri nu jɔɔɔ a. ³ Ama, sɔnɔ bo i kan Nyeme noanie n kere minem ni, i jɔɔ ma minem wɔ, na i buka bu na bu

nya fanƆa buka su, na i ma bu ahoresi, na i kaaki ma bu ahoreda. ⁴ SƆnƆ bo i jƆjƆ anie barasu barasu n buka mǎ be, i buka yiri ni i tii ŋgumi wƆ. Ama, bo i kan Nyeme nƆanie n kere minem ni, yiri buka Kristo jama n wƆ, na i nya fanƆa buka su. ⁵ TƆ, nzen mǎ am kere koro jƆjƆ anie barasu barasu, mǎ i yo m fie. Ama, bo i yo m fie kƆ tara i kere n la ka, am koro kan Nyeme nƆanie n kere minem. SƆnƆ bo i kan Nyeme nƆanie n kere minem n tara bo i jƆjƆ anie barasu barasum ni, mǎ ka be akoro akere nyini anie barasu barasum bu, na i buka Kristo jama n na i nya fanƆa.

⁶ M ninbaam, nzen kisa na m baari am dƆ, na m jƆjƆori anie barasu barasum, nzu kperɛ ye am nyǎ i a? Ai, am nyǎ mǎ kperɛ be. Mǎ ka ma kan sa bo Nyeme ayi i akere m n ama am, wara m kan si jƆrɛ be kere am, wara m kan Nyeme nƆanie n kere am, wara m kan kereewa bo i fite Awiewie Casi n dƆ kere am. ⁷ SƆ ye i ti a, nzen be fitaari tere, wara be bo bieku, na wƆ tƆ mǎ su, bu yo sɛ koro di jue soro su a? ⁸ Bekun nzen be kaanri lue awie, na wƆ sun mǎ kabo lue awie sun ni, bu yo sɛ koro cici lue a? ⁹ I ti sƆ Ɔ lɛɛ, amberɛ mmƆƆ dƆ, nzen am jƆjƆ anie barasu, na i la mǎ bu, mine yo sɛ koro si kabo am suse n a? I ti ka am sujƆjƆ gƆ nzue awa sin wƆ lɛɛ. ¹⁰ Daanfie anie barasu barasum sunnu durunya n nu, i gusu be wo mǎ bere bo i la mǎ bu, i kere la bu. ¹¹ TƆ, nyini ti, nzen be jƆjƆ anie be na m ti mǎ i, m ti daanfie barasu be wƆ lɛɛ i mi dƆ, ye i gusu ti daanfie barasu be wƆ lɛɛ m dƆ. ¹² Kabo am nyunu aboro ka am nyǎ Awiewie Casi n aceerim ni, am boro am nyi ni aceerim bo bu koro buka Kristo jama n na i nya fanƆa buka su.

¹³ Nyini ti, sƆnƆ kere bo i jƆjƆ anie barasu barasum, i ti ye ni ka i sere Nyeme na i ma i aceeri n bo i koro yi i bu kere minem ni. ¹⁴ Dama sanƆa kere bo m sere Nyeme na m sere anie barasu barasu be nu, m awiewie susere Nyeme a, ama, m ti mǎ i bu m sunsunni nu. ¹⁵ Nyini ti, deke bo i ti ye ni ka m yo la ka, m sere Nyeme fite m awiewie nu wƆ, na m kaaki sere i fite m sunsunni nu, na m di jue fite m awiewie nu kansi Nyeme, na m kaaki di jue fite m sunsunni nu kansi Nyeme. ¹⁶ Nzen a sukansi Nyeme na i fite u awiewie nu, na be wo u bi bo i nya si mǎ Nyeme atin ni, i mi yo sɛ koro ti u nyemesere n bu a, na i soro su se ka, "Ami" a? ¹⁷ Haari nzen u nyemesere ti kpa, i buka mǎ yiri n bo i ti mǎ i bu ni. ¹⁸ M da Nyeme asi ka m jƆjƆ anie barasu barasum tara am kere. ¹⁹ Ama, nzen m ni Kristo jama n aba atien ya nƆƆ susu Nyeme, na m jƆjƆori jƆrɛ kaan bo i fite m sunsunni nu, na bu tiiri i bu, i tara bo m jƆjƆ jƆrɛ beberebe anie barasu nu ni.

²⁰ M ninbaam, mǎ am sunsun kabo nbaatumam sunsun ni, ama, fa kƆ satieyo dika, am yo kabo nbaatumam yo ni, na am ma am sunsunni ti kabo anyunutihƆm dɛɛ ti ni. ²¹ Dama ba kere i Nyeme nƆanie kpamaawa n nu ka, Micera n ŋa,

"M fá minem bo bu jƆjƆ daanfie anie barasu barasum
na m mǎ bu jƆjƆ m tienƆu minem dƆ.

Ama, haari ni nyini n kere mmƆƆ,
bu dé mǎ m nƆanie ni."

²² Nyini ti, anie barasu barasum jƆjƆowa n kere minem bo ba nya yo mǎ Kristo yarada ni nyaari a, mǎ bo ba yo yarada ni. Na bo bu kan Nyeme nƆanie n kere minem ni, bu kere bo ba yo yarada ni nyaari a, mǎ bo bu yo mǎ yarada ni. ²³ Nyini ti, nzen amberɛ Kristo jama n atien am nƆƆ, na am kere sujƆjƆ anie barasu barasum, na bo bu nya si mǎ Nyeme atin ni, wara bo bu nya yo mǎ yarada wuraari am nu, bu sé ka am nyunu akan am wƆ, mǎ sƆ? ²⁴ Ama, nzen am atien am nƆƆ, na am kere sukan Nyeme

nɔaniɛ ni, na bo i nya si má Nyemɛ atin ni, wara, bo i ti má yaradayofɔ aba awura am nu, na i ti kabo sɔnɔ kɛrɛ sujɔɔ ni, i mi n sunsunni nu kere i ka i ti satieyofɔ ɔ, na Nyemɛ nɔaniɛ n di i jɔrɛ jaraki i. ²⁵ Nyini ma i mi n kan asiri jɔrɛ kɛrɛ bo i wo i ahore su n fite fofoe nu a, na i kutu i jaa su, na i kansi Nyemɛ, na i se ka, “Nyemɛ wo am dɔ nahɔrɛ su.”

Kabo i ti ye ni ka sɔnɔ kɛrɛ tara i ɲu Kristo jama n nu barasu ni

²⁶ Tɔ, m ninbaam, nzu deke ye i ti ye ni ka am yo i a? Deke bo m koro ka m kan kere am la ka, nzen am ba tien am nɔɔ, na be la jue bo i di, wara be la kereewa be bo i kere, wara be la sayikereewa bo i fite Nyemɛ dɔ, wara be la anie barasu be bo i jɔɔ, wara be yi anie jɔɔɔwa n bu kere am, deke n kɛrɛ bo am yo i ni, am yo i na i buka Kristo jama ni, na i nya fanga buka su. ²⁷ Nzen nbem ba sujɔɔ anie barasu barasum, i ni i agaya kɛrɛ, bu yo mine nnyɔ, wara mine nsan, má bu tara sɔ. Bu ɲa bu jɔɔ, bu jɔɔ kun kun, i ti ye ni ka be gusu kaaki yi i bu kere am. ²⁸ Ama, nzen be koro kaaki yi má i bu kere má am, i ti ye ni ka i mi n bo i sujɔɔ anie barasu barasum n mɔ i nɔɔ Kristo jamam nu, na i jɔɔ ma i ɲu ni Nyemɛ. ²⁹ Minɛm bo bu kan Nyemɛ nɔaniɛ n kere minɛm ni, i ti ye ni ka bu mine nnyɔ wara bu mine nsan jɔɔ a, na nyingam bo ba ka n fiiti i nu. ³⁰ Nzen be sujɔɔ, na Nyemɛ ayi deke be akere sɔnɔ nyinga, i ti ye ni ka sɔnɔ n bo i du mɔ sujɔɔ n mɔ i nɔɔ, na yiri n bo Nyemɛ ayi deke be akere i n jɔɔ. ³¹ Dama am kɛrɛ koro kan Nyemɛ nɔaniɛ n kun kun kere am bengɔ wɔ, adena am kɛrɛ sɔnsɔn deke be nu, na i ma am ahoresi. ³² I ti ye ni ka bo bu kan Nyemɛ nɔaniɛ n kere minɛm n kɛrɛ la tarabuɲu fa kɔ bu Nyemɛ nɔaniɛ n kan su. ³³ Dama Nyemɛ ti má bo i fa kpakpaakinu ba i minɛm dɔ, ama, i ma bu la tanalaifie wɔ.

I ti sɔ ɔ lɛɛ, Kristo jama n kɛrɛ nu, ³⁴ nzen am ba tienri am nɔɔ, i ti ye ni ka nbaram mɔ bu nɔɔ, bu la má atin ka bu jɔɔ. Ama, wɔ yo daka ka bu yo bu ɲu benle, na bu su kabo nɔaniɛ kpamaawa n kere n su. ³⁵ Nzen bu koro ka bu bisa jɔrɛ be, i ti ye ni ka bu bisa bu hunm awuru, dama i ti nyinse wɔ ka bara jɔɔ Kristo jama n nu. ³⁶ Nyemɛ nɔaniɛ n du mɔ fite ambere dɔ a, nzen sɛ? Wara ambere ɲgumi ade Nyemɛ nɔaniɛ n a? ³⁷ Nzen be sunsun ka i ti Nyemɛ nɔaniɛ kanfɔ, wara i sunsun ka i si Awiewie Casi n aceerim jɔrɛ, i ti ye ni ka i mi si tenle su ka ahin nɔaniɛ n bo m sukɛrɛ ma am ni, i ti Mibiɛ n dɛɛ nɔaniɛ maawa a. ³⁸ Nzen be wo am nu, na i de má ahin jɔrɛ n bo m sukɛrɛ ma am ni, ambere mmɔɔ bu i mi ɲgbɛɛn. ³⁹ Nyini ti, m ninbaam, i ti ye ni ka am boro am nyi na am sukan Nyemɛ nɔaniɛ n kere minɛm, na má am kanda minɛm ka má bu jɔɔ anie barasu barasum ni. ⁴⁰ Na am yo deke kɛrɛ nyunyumi na i kɔ atin su.

15

Yesu Kristo yiwee tenge n jɔrɛ

¹ Tɔ, m ninbaam, kisa m koro ka m tenge am su fa kɔ labari kpa n bo m yo kan kereeri am n su. Am yo yoori i yarada a, na am ajina i su kenken. ² Nzen am bitaari labari kpa n bo m kan kereeri am kenken, nyini ma am tiide a, nzen má nyini yiri, am yarada n bo am ayo i n ti ɲgbɛɛn wɔ lɛɛ.

³ Dama labari kpa n bo m deerɛ i na m kan kereeri am ni, i jɔrɛ anyumbaa la ka, Kristo wuuri ya satie ti wɔ, kabo ba kɛrɛ i Nyemɛ Jɔrɛ Kadasi n nu lɛɛ, ⁴ ka i wuuri na bu seeri i ni, na Nyemɛ atenge i yiwee n nu i lesan cɛɛn, kabo Nyemɛ Jɔrɛ Kadasi n kere lɛɛ. ⁵ I tengeeri ni, na wɔ yi i ɲu akere Kefasi bo bu kaaki fere i ka Petoro ni, na wɔ ba ayi i ɲu akere i susufɔ buru

ni nnyom ni. ⁶ Nyini sin, na wo yi i nu akere ya ninbaam nbem, bu tara mine yaa nnu, bu kere sanja wo woobiri kun wo. Bu nu, bu dongu toko la ngoo, nbem gusu awu. ⁷ Na wo yi i nu akere Yakobo, na wo ba akaaki ayi i nu akere i jaramasam kere. ⁸ Awieeri su, na wo yi i nu akere mini, bo m ti ka baa bo ba wu i na i sanja nya ju ma ni. ⁹ Dama mini ti jaramasam kere nu kaan, haari ma wo ti ma ye ni ka bu fere m jaramasa mmoo, dama m yo kereeri Kristo jama n wuwuruwa wo. ¹⁰ Nyeme ahoroma n dee ti, ye m ti kabo m ti n a. Ahoroma n bo wo fa ama m ni, i ti ma ngbeen, ama, m koro se ka ma yo juma atara nyingam kere mmoo. Ma mini ni m tii yoori i a, ama, Nyeme dee ahoroma n bo wo fa ama m ni, nyini ma m koro yoori i a. ¹¹ Nyini ti, mini, wara bere o, labari kpa n ye ya kan i a, labari kpa n gusu dee ti ye am yoori yarada n a.

Kabo Nyeme minem ba tenge yiwee nu ni

¹² To, labari kpa n bo ya kan i ni, ya na, “Nyeme atenge Kristo i yiwee n nu.” Ye nzu ti ye am nbem na yiwee tenge wo ma bere a? ¹³ Nzen yiwee tenge wo ma bere, nyini la ka, Nyeme atenge ma Kristo mmoo i yiwee n nu lee. ¹⁴ Nzen Nyeme atenge ma Kristo i yiwee n nu, nyini la ka, labari kpa n bo ya kan i ni, i ti ngbeen wo lee, na yarada n bo am ayo i n gusu ti ngbeen wo lee. ¹⁵ Ma nyini ngumi, nyini la ka, ya bu kore aso Nyeme wo lee, dama ya na wo tenge Kristo i yiwee n nu, ama, bu na bo ba wu n tenge ma yiwee nu. ¹⁶ Na nzen bo ba wu n tenge ma bu yiwee nu, nyini la ka, wo tenge ma Kristo mmoo i yiwee n nu lee. ¹⁷ Na nzen wo tenge ma Kristo i yiwee n nu, yarada n bo am ayo i n ti ngbeen wo lee, na am toko wo am satiem nu wo lee, ¹⁸ na bo bu yo yoori Kristo yarada na ba wu n kere aka ngbeen lee. ¹⁹ Nzen durunya n nu fen ngumi ye ya la tama n fa ko Kristo do, nyini yiri, ya ti minem bo ya la anunfo tara sono kere.

²⁰ Ama, nahore su, Nyeme atenge Kristo i yiwee n nu. Minem bo ba wu n kere nu, yiri tiiri bo i du mo tengeeri i yiwee nu a. ²¹ Adamande kun dee ti, ye yiwee kun sono kere n a, adamande kun gusu dee ti, ye mine ba tenge bu yiwee n nu a. ²² Na kabo Adam dee ti na adamande kere wu ni, so ye Kristo dee ti ma adamande kere ba tenge bu yiwee nu na bu nya ngoo a. ²³ Ama, sono kere ni i sanja bo Nyeme ba tenge i. Bo ba wu n kere nu, Kristo ti bo Nyeme du mo tengeeri i yiwee nu a, na bo bu ti i minem n gusu ba tenge sanja bo i ba kaaki ba ni. ²⁴ Nyini sin na deke n kere ba awieeri, na i nya fa femeya n wura i Si Nyeme saa nu, nyini sanja, wo kunma femeya kere, ni nfangafom kere, ni yikofom kere lee. ²⁵ Dama wo yo daka ka i di femeya ni haari i ba kunma i kpofom, na i nana bu kere nu. ²⁶ I kpofom n bo i ba kunma i awieeri su n la yiwee wo. ²⁷ Dama ba kere i Nyeme Jore Kadasi nu ka, “Wo fa deke n kere awura i saa nu ka i nie bu su.” Bo i na wo fa deke n kere awura i saa nu ka i nie bu su ni, nyini kere ma ka Nyeme bo i faari deke n kere wuraari yiri Kristo saa nu afa i tii awura i saa nu lee. ²⁸ Na sanja bo i ba faari deke n kere wuraari i saa nu ni, na yiri Baa n ni i tii nya fa i nu wura i Si Nyeme saa nu. Nyini sanja Nyeme dee la deke n kere, na deke n kere wo bere yiri ti wo.

²⁹ To, nzen bu na yiwee tenge wo ma bere, ye bo bu de minem bo ba wu n jinaabiri na bu bie bu Nyeme nzue ma bu n di, bu yo se wo? Nzen bo ba wu n tenge ma bu yiwee nu, nzu ti ye bu bie Nyeme nzue ma bu a? ³⁰ Ye nzu ti ye yere to ya ngoo sanja kere n a? ³¹ Ale kere bo i cin, m wo yiwee nu wo, i ti so o lee, m ninbaam, m fa amberere bo m hoe ye m se so n a, ya Mibie Yesu Kristo dee ti. ³² Nzen m ni minem bo bu ti ka boro nengem,

kun lue, Efeso mie kpiri n nu, na i ko yo ka adamande woowa dee ti m la tama, nzu kperere ye ma nya i a? Nzen bo ba wu n tenge ma bu yiwee nu, nyini yiri, i ti kabo mine nbem n nati se n wo, bu na,

“Am ma ya di, na ya nu,
dama ahunma ya wu o.”

³³ Ma am ma be dadaka am, kabo minem nati se ni, ka,
“Sono tie suuri sono kpa su,
i saaki i woowa kpa n wo.”

³⁴ Am kaaki sunsun nyunyumi, na ma am yo satie kun, dama am nbem si ma Nyeme. Nyini n bo m se so ni, i ti am nyinse wo lee.

Bo bu ba tenge bu yiwee n nu n dee anuniembaa n jore

³⁵ To, beni, be koro bisa ka, bo ba wu ni, bu tenge bu yiwee nu se wo? Anuniembaa barasu bono ye bu fa ba? ³⁶ Woro sinnzin ni, a si ma ka nzen a do deke mbaa, ma ka i wu wo ka, ye i nya fi a, nzen se? ³⁷ Deke mbaa n bo a do i ni, beni, ngani mbaa wara abuwe ye a do i a, ama, i ba fiiri, i kaaki nyawa a, i ti ma ka mbaa n bo a doori i ni. ³⁸ Nyeme ma i kere anuniembaa n kabo i koro a, deke mbaa barasu n kere, ni i tienngu anuniembaa. ³⁹ Anuniembaa n kere wo i ngumi wo, i ti ma kun, adamande dee wo bere i ngumi, ajaannam dee wo bere bu ngumi, lanjketefom dee wo bere bu ngumi, na jombaam dee wo bere bu ngumi. ⁴⁰ Dekem bo bu wo angoro n wo bere, na a yaki bo bu wo durunya n nu fen ni. Angoro deem nyumi wo bere bu ngumi, na durunya n nu fen n deem gusu nyumi wo bere bu ngumi. ⁴¹ Wie nyumi wo bere i ngumi, sara nyumi wo bere i ngumi, asarambaam nyumi wo bere bu ngumi, ama, bu nbem yo nyumi tara nbem.

⁴² To, kabo i ti lee fa ko yiwee tenge n su. Anuniembaa n bo bu se i ni, i kporo o, na bo i tenge, i kporo ma fieo. ⁴³ Deke n bo bu se i ni, i la ma anyunuyi, ama, i ba tengeeri, i woowa yo nyumi wo. Deke n bo bu se i ni, i la ma fanga, ama, i ba tengeeri, i la fanga wo. ⁴⁴ Deke n bo bu se i ni, i ti durunya n nu adamande anuniembaa a, i ba tengeeri, i ti anuniembaa bo Awiewie Casi n ma i ngoo n wo. Kabo durunya n nu adamande anuniembaa wo bere ni, so ye anuniembaa n bo Awiewie Casi ma i ngoo n gusu wo bere a. ⁴⁵ I ti kabo ba kere i Nyeme Jore Kadasi n nu n wo, ka, “Ciciri su dee adamande ngoofo n la Adam wo,” na Adam n bo i ka sin n ti awiewie bo i ma ngoo ni. ⁴⁶ Bo i ti awiewie ni, ma yiri du mo baari a, ama, bo i ti adamande ngoofo ni du mo baari a, na bo i ti awiewie n anya to su. ⁴⁷ Ciciri su dee adamande n fite durunya n nu fen wo, Nyeme yo faari natie yoori i a, ama, bo i to su nnyo su n fite Nyeme do angoro baari a. ⁴⁸ Minem bo bu ti durunya n nufom ni, bu ti kabo sono n bo Nyeme faari natie yoori i n ti n wo. Na bo bu ti Nyeme minem n gusu ti kabo sono n bo i fite Nyeme do angoro n ti ni. ⁴⁹ Kabo ya ferema ni sono n bo Nyeme faari natie yoori i ni, so ye ya ba ferema ni sono n bo i fite angoro n a.

⁵⁰ M ninbaam, m suse am wo lee, ka, ya nuniembaa n bo i ti nie ni mbunja ni, i koro wura ma Nyeme femeya n nu, na deke n bo i kporo n koro nya ma deke n bo i wo bere sangka kere ni. ⁵¹ Am ti fen, m suse am asiri nu jore wo lee, ka, ma ya kere wu a, ama, ya kere nuniembaa ni ba kaaki fofore wo. ⁵² I yo kungerekun wo, anyumbaa kata ni i teke, sangka bo bu ba fitaari awieeri su dee awie ni, na bo ba wu n tenge bu yiwee nu, bu kporo ma kun, na yere gusu nuniembaa n kaaki fofore. ⁵³ Dama wo yo daka ka ahin anuniembaa n bo i kporo n kaaki anuniembaa n bo i kporo ma ni, na anuniembaa n bo i wu n gusu kaaki anuniembaa n bo i wu ma. ⁵⁴ Sangka

bo aɲuniɛmbaa n bo i kpɔrɔ n bá kpɔrɔ má kun ni, na aɲuniɛmbaa n bo i wu n gusu bá wu má kun ni, nyini saɲga Nyeme noaniɛ ni yó yiiwa lɛɛ, bo ba kɛrɛ i ka,

“Ba di nasara yiwee ɲu ayo i ɲgbɛɛn ni.”

⁵⁵ “Keto, yiwee, u yiko n bo a fa kan n wo ni?

Keto, u nasara n wo ni?”

⁵⁶ Deke n bo yiwee bita kan n la satie wɔ, ye satie nya i yiko n fite Nyeme noaniɛ kpamaawa n nu wɔ. ⁵⁷ Ama, ya da Nyeme asi, dama ya Mibiɛ Yesu Kristo dɛɛ ti, i ma ya di nasara.

⁵⁸ Nyini dɛɛ ti, m ninbaa koroowam, am jina kenken na má am fa am ɲu ji, am boro am nyi suyo Mibiɛ n juma n saɲga kɛrɛ, dama am si ka juma n bo am suyo i ma Mibiɛ n ti má ɲgbɛɛn.

16

Nyaa n bo bu yiɲi i na bu fa kɔ ma Nyeme minɛm ni

¹ Tɔ, fa kɔ ɲwaa n bo am yiɲi i na am fa kɔ buka Nyeme minɛm ni, am yo kabo m kereeri Kristo jamam n bo bu wo Galatiya awɔrɛ n nu n ka bu yo ni. ² Yudafɔm bakue n bumboori, mɔnɛ kɛrɛ mɔnɛ, am niɛ kabo Nyeme awura am abaraka fa kɔ dekem bo am la bu n su, na am suyiyi ɲwaa be se, adena nzen m bá baari, am yi má ɲwaa kun. ³ Nyini saɲga na m bá juuri, m kɛrɛ kadasi ma minɛm n bo am ayi bu ni, na m fá sunma bu na bu fá am aceerim kɔ Yerusalem miɛ kpiri n nu. ⁴ Na nzen i ti ye ni ka mini mmɔɔ kɔ, na m ni bere kere kó.

Kabo Pɔɔlu koro ka i kɔ niɛ Kɔrintofɔm busu ni

⁵ M koro ka m fa Makedoniya dɛɛ awɔrɛ n nu, na m sin ba niɛ am busu. ⁶ Beni, m yó lennyɔ am dɔ, wara fufuku ni sín ka, ye m nyá ba yasu a, adena am buka m na m kɔ deke kɛrɛ bo m koro ka m kɔ ni. ⁷ Dama m koro má ka m bá jina aɲgoro niɛ am busu na m sin, m la tama ka nzen Mibiɛ n soroori su, m yó lennyɔ am dɔ. ⁸ M wó Efeso miɛ kpiri n nu fɛn haari Butara Cɛɛnkpiri n saɲga. ⁹ Dama atin bambaka ateke ama m, na m yo juma n nahɔrɛ su, ama, m kpɔfɔm gusu asunnu.

¹⁰ Nzen Timoti bá baari am dɔ, am de i ni am saa nnyɔ, má am ma i ahore saaki, yiri mmɔɔ yo Mibiɛ n juma n kabo m yo i n wɔ. ¹¹ Má be se ka i bu i ɲgbɛɛn, ama, am kaari i ni ahoreda na i ba tu m, dama m sunie i ni ya ninbaam n atin nu ka bu bá.

¹² Fa kɔ ya niwa Apolosi yiri, ma sere i ni anyumboro ka i yo anis, na i ni ya ninbaam bá na bu bá niɛ am busu, ama, wɔ soro má su ka i bá kisa, ama, nzen Nyeme ba maari i atin, i bá.

Awieeri su jɔrɛ ni anse

¹³ Má am fa am ɲu ji, am jina kenken ni am yarada ni, na am yo nbiesɔm, na am fa ahoresi. ¹⁴ Deke n kɛrɛ bo am yo i ni, am yo i ni koro.

¹⁵ M ninbaam, am si Satɛfanasi ni i dikafɔm jɔrɛ, bere duuri mɔ yoori Kristo yarada Akaya awɔrɛ n kɛrɛ nu a, na ba fa bu ɲu asu Nyeme minɛm amusui, nyini ti, m sere am wɔ jande, ¹⁶ ka am bu nyini minɛm bo bu ti sɔ ni, ni minɛm kɛrɛ bo bu buka su, na bu yo bu juma n ni anyumboro ni. ¹⁷ Saɲga bo Satɛfanasi, ni Fɔtunatusi, ni Akayakusi ba tuuri m ni, na wɔ yo m fiɛ agaya, dama bu deerɛ am dɛɛ jinaabiri wɔ, na ba yo deke n bo má am yo i ma m ni. ¹⁸ Dama kabo bu baari ni, bu ma m ni ambere kɛrɛ anya ahoresi, nyini ti, i ti ye ni ka am bu minɛm bo bu ti sɔ ni.

¹⁹ Kristo jamam bo bu wo Esiya awɔre n nu n kere bisa am dɔngu. Akuyila, ni i yi Pisisila, ni Nyeme minem bo bu tien bu nɔɔ bu dika n kere gusu bisa am dɔngu, Mibiɛ n dɛɛ ti. ²⁰ Ya ninbaam kere bo bu wo fɛn n bisa am dɔngu. Am gusu bisa am bengum dɔngu ni koro.

²¹ Mini Pɔɔlu ni m tii sufa m saa sukere ahin kereɛwa n bisa am dɔngu a.

²² Sɔnɔ kere bo i koro má Mibiɛ ni, Nyeme yó i mi nɔɔɛn. *Marana ta*, i bu la ka, Ya Mibiɛ, bra.

²³ Ya Mibiɛ Yesu buka am kere.

²⁴ M koro am kere Yesu Kristo dɛɛ ti. Ami.

Pɔɔlu kadasi nnyɔ su bo i kerɛ fa maari KƆRINTOFƆM ni

¹ Mini Pɔɔlu bo m ti Yesu Kristo jaramasa Nyemɛ dɛɛ koroyanu ni, m ni ya niwa Timoti sukɛɛ ahin kadasi n ma am a. Ya sukɛɛ i na ya fa ma ambɛɛ Kristo jama n bo am wo Kɔrinto miɛ kpiri n nu ni, ni Nyemɛ minɛm kerɛ bo bu wo Akaya dɛɛ awɔrɛ n nu ni. ² Ya Si Nyemɛ, ni ya Mibiɛ Yesu Kristo buka am, na am nya tanalaifiɛ.

Kabo Pɔɔlu daari Nyemɛ asi ni

³ Am ma ya kansɛ Nyemɛ, yiri bo i ti ya Mibiɛ Yesu Kristo Si ni. Yiri ti ya Si bo i si ya aɲunfo a. Yiri ti Nyemɛ bo i dada ya ahore a. ⁴ Yiri dada ya ahore a, ya wahara kerɛ nu, adena yɛɛ gusu koro dada minɛm ahore, berɛ n bo bu wo wahara n kerɛ nu ni. Kabo Nyemɛ ama yɛɛ mmɔɔ ni ya tii anya ahoreda ni, yɛɛ ma berɛ n gusu nya nyini ahoreda n a. ⁵ Dama kabo ya ni Kristo susaɲga di i wahara n agaya ni, so ye yiri dɛɛ ti, ye ya nya ahoreda agaya n a. ⁶ Saɲga kerɛ bo ya ɲu kekereke, i ma am nya ahoreda ni tiide wo. Na saɲga kerɛ bo ya nya ahoreda ni, i ma am ahoreda a, na am yo sawɔrɛ mindi de nyini wahara n bo ya di i n be. ⁷ Ya la tama fa ko am do, ya yo má sika. Dama ya si ka kabo am ni yɛɛ kerɛ susaɲga di ya wahara n be ni, so ye ya ni ambɛɛ kerɛ susaɲga nya ya ahoreda n a.

⁸ M ninbaam, ya koro ka am si kabo ya ɲuuri kekereke Esiya dɛɛ awɔrɛ n nu barasu ni, ya ɲuuri anyumboro bo i la má aɲusu, haari na ya yi tama ka ya wu awie. ⁹ Nahɔrɛ, ya sunsun ka ya wu wo. Ama, i yo so na má ya daafi ya ɲu su, ama, na ya daafi Nyemɛ ɲu, dama yiri tenge bo ba wu n a. ¹⁰ Wo yi ya afite nyini yiwee n bo i la má aɲusu n nu, na i yí ya fite nu bekun. Ya yo yiri tama ka i toko súyi ya fite nu bekun a, ¹¹ kabo am buka ya ni am nyemɛsere ni. Nyini má mine dɔɲgu bá da Nyemɛ asi, fa ko kabo wo de mine dɔɲgu nyemɛsere n na wo yo sakpam ama ya ni.

Kabo Pɔɔlu kaakiiri i sunsunni ka i kaaki ba má bu do ni

¹² Deke n bo ya fa fo n la ka, ya sunsunni nu kere ya ka ya bo má anɔɔfiɛ, na ya ahorembaa ti casi wo Nyemɛ do durunya n nu, maala fa ko am do, má ka ya su durunya n nu alecira su n dɛɛ ti a, ama, Nyemɛ yo bukaari ya n dɛɛ ti a. ¹³ Ya kerɛ má jɔrɛ be ma má am, má ka jɔrɛ bo am kan i na am kaaki koro ti i bu ni. M la tama ka am bá si i kerɛ haari ni i awieeri, ¹⁴ dama am adu mo asi ya ɲusu jɔrɛ kaan, nyini ma am bá koro fa ya fo n a, kabo ya bá fa am fo, cɛɛn n bo ya Mibiɛ Yesu bá kaaki ba n a.

¹⁵ M la ahoresi fa ko nyini n su dɛɛ ti, ma sese su ka m du mo ba niɛ am busu, adena má am nya buka kpe nnyɔ. ¹⁶ Deke bo i ti na m se so n la ka, ma sese su ka má m fa am do na m niɛ am busu, na m sin ko Makedoniya dɛɛ awɔrɛ n nu, na m ba sufite do ba, na má m fa am do bekun, adena am buka m na m koro ko ju Yudiya awɔrɛ n nu. ¹⁷ Nyini n bo m sɛsɛeri su so ni, m la má jinakunsu wo lɛɛ, nzen sɛ? Wara m sese su kabo durunya n nufom n yo n wo, na m se ka “Eɛn,” na m kaaki se ka “Ai,” nzen sɛ? ¹⁸ Nyemɛ la dabuɲu ni nahɔrɛ n dɛɛ ti, nɔaniɛm bo ya kan kereeri am ni, i ti má “Eɛn,” na i kaaki ti má “Ai”. ¹⁹ Dama Nyemɛ Wa Yesu Kristo n bo ya kaanri i jɔrɛ kereeri am ni, mini ni Silivanusi ni Timoti, yiri Yesu dɛɛ jɔrɛ ti má “Eɛn,” na i kaaki ti má “Ai,” ama, i deke kerɛ ti “Eɛn” o. ²⁰ Dama

dekem kere bo Nyeme seeri ka i yó bu ni, bu kere ti “Een” ɔ, Yesu dee ti. Nyini ti, i dee ti ye sanja bo ya kansu Nyeme, ya se ka, “Ami” n a. ²¹ Tɔ, Nyeme ni i tii ma ya ni ambere kere koro jina kenken a, kabo ya ni Kristo ayo kun ni. Yiri ayi ya ka ya su i n a. ²² Yiri ase ya nyaari ka ya ti i dee minem a, na wo fa i Awiewie Casi n awura ya ahore su na i kere kabo i má ya deke n kere bo i seeri ka i fá ma i minem ni.

²³ Nyeme di m daani m ahore su a, ma koro má ka m kan am ndie, nyini dee ti ye ma kaaki aba má Kɔrinto mie kpiri n nu n a. ²⁴ I ti má ka ya sumie am kabo am yo yarada n wo, ama, ya ni ambere kere buka ya beɲgu wo, na am nya ahorejo, dama yarada n dee ti ye am jina kenken n a.

2

¹ Nyini ti, na ma yo m sunsunni nu ka m ba nie má am busu kun na am ahore saaki. ² Dama nzen m ma am ahore saakiiri, nmam ma m ahore da a? Má ambere bo ma saaki am ahore ni? ³ Deke bo i ti na m kereeri so n la ka, ma koro má ka m ba na má am ma m ahore saaki, ambere bo má i ti ye ni ka am ma m ahore jo ni. M la ahoresi fa ko am do, ka deke n bo i ma m ahore jo ni, nyini má am gusu kere ahore jo n a. ⁴ Dama m woori ahoresaaki, ni ahorembaa yaari, ni nyunvuin agaya nu, ye m kereeri am n a. I ti má ka m koroori ka m saaki am ahore wo, ama, m koroori ka am si kabo m koro am agaya barasu n wo.

Kabo Pɔɔlu ŋa bu fa ce be bo wo do ŋgasi ni

⁵ Kabo be ayo ahoresaaki sa ni, má mini ye wo saaki m ahore a, ama, wo saaki am kere ahore a, nzen má nyini, wo saaki am nu be ahore. M gusu koro má ka m jojo jore n na i ko sin su agaya. ⁶ Suicin n bo ambere mine beberebe n kere fa kereeri i mi ni, wo se i su so. ⁷ Ama, kisa, kabo i ti ye ni ka am yo i n la ka, am kaaki de i mi, na am fa i ŋgasi ce i, na am dada i ahore, má so, ahoresaaki agaya ni má i kpaasi wo. ⁸ Nyini ti, m sere am wo, am kaaki de i na am kere i kabo am la koro fa ko i do ni. ⁹ Deke bo i ti na m kereeri am n la ka, m koro ka m yo am na m nie ka am de deke n kere bo m se am ka am yo i ni. ¹⁰ Sono bo am fa i ŋgasi ce i ni, mini mmoo fa ce i mi. Sa bo i ti na ma fa i ŋgasi ace i ni, nzen i la ŋgasi bo i ti ye ni ka m fa ce i mmoo, ma yo so Kristo nyunu, ambere dee ti wo. ¹¹ Ya yo so ɔ, adena má Sitana koro kunma ya. Dama ya si tenle su kabo i la ŋgonletie barasu ni.

Kabo i miɛri Pɔɔlu ka i ti bu jore Titosi do ni

¹² Tɔ, m ko juuri Tɔrasi mie kpiri n nu ka m kan Kristo labari kpa n jore kere bu ni, na ma ŋu ka Mibiɛ n adu mo ateke atin ama m. ¹³ Haari ni nyini n kere mmoo, m ahore ada má, dama ma ŋu má ya niwa Titosi do. Nyini dee ti, na ma kaari bu, na ma sin ako Makedoniya awore n nu.

¹⁴ Ama, ya da Nyeme asi, dama kabo Kristo adi nasara na ya ni yiri ayo kun ni, sanja kere, yiri Nyeme ma ya nati su Kristo su, i nasara natiiri nu a, na deke kere bo ya ko ni, yiri fa ya bara ye a, na ya ma minem si i jore, kabo deke nvani bara ye deke kere ni. ¹⁵ Dama ya ti ka ayiri kunkuunwa nvanvani bo Kristo fa ma Nyeme n wo, na i nvanvani n bara ye minem bo bu sunya tiide ni, ni bo bu suka ngbeen n do ɔ. ¹⁶ Bo bu suka ngbeen ni, bere bu ya ka nvanvani n bo i sufa yiwee ba bu do ɔ, ama, bo bu sunya tiide ni, bere bu ya ka nvanvani n bo i suma bu nya ngoo Nyeme do ɔ. Ahin juma n yiri, nma koro fa i tiŋgu fanja yo i a? ¹⁷ Ya ti má ka mine dongu bo bu bita Nyeme jore n yo wata na bu di i kperɛ ni, ama, yere yiri,

ya ti nahƆrefƆm wƆ, haari na ya ti mine bo wƆ yi ya asunma ya wƆ, na ya jina i nyunu ye ya kan i jƆre a, kabo ya ni Kristo ayo kun n dƛe ti.

3

Sesesu fƆfƆre n bo Yesu adi i di n dƛe amusuisufƆm jƆre

¹ Ya sukaaki kan kere am kabo ya ti na am si ya, nzen se? WƆ yo mƆ daka ka ya yo kabo nbem yo ni, ka ya fa kadasi bo i kere kabo ya ti barasu n bita nu, wara ya de kadasi am dƆ na i kere mine nyingam kabo ya ti barasu, nzen se? ² Ai, ya kadasi n la ambere ni am tii wƆ, kadasi n bo ba kere i awura ya ahore su ni, na mine kere koro kan i na bu si kabo i ti. ³ Na bu koro ŋu ka ambere ti kadasi n bo Kristo akere awura ya saa nu afa asunma ya n a. WƆ fa mƆ deke kereewa nzue fa kereeri i a. Ama, Nyeme bo i wo bere sanƆa kere n dƛe Awiewie n ye i fa kereeri i a. WƆ kere mƆ i agƆ mƆ yabue peperepe su wƆ, kabo Nyeme yo kereeri i noanie kpamaawa n maari Moyisi ni, ama, i kereeri i gƆori adamandem ahore su wƆ.

⁴ Deke bo i ti na ya koro jƆjƆ sƆ n la ka, ya la ahoresi Nyeme dƆ, Kristo dƛe ti. ⁵ Ya la mƆ deke bo i kere ka yere ni ya tii koro yo juma n a. Deke bo i ma ya koro yo i n fite Nyeme dƆ Ɔ. ⁶ Yiri Nyeme ama ya koro ayo i amusuisufƆm a, fa kƆ sesesu fƆfƆre n bo wƆ di i di n su a. Nyini sesesu n fite mƆ Nyeme noanie kpamaawa n bo wƆ kere i n dƆ, ama, i fite i Awiewie n dƆ Ɔ. Noanie kpamaawa kereewa n fa yiwee ba, ama, Awiewie n ma ngƆƆ Ɔ.

⁷ TƆ, noanie kpamaawa n bo Nyeme yo kereeri i gƆori yabue peperepe n su na i fa maari Moyisi ni, nyini sanƆa, i yoori sƆ ni, i jirima bambaka n taari wƆ, na YisarelifƆm n akoro anie mƆ Moyisi nyunuawa dika, dama i nyunuawa taari wein agaya, haari ni bo i ba saari wƆ. Kabo noanie kpamaawa n bo i fa yiwee ba n ti n na Nyeme boori i juma n bu ni jirima bambaka n sƆ ni, ⁸ i Awiewie ni yƆ i dƛe juma n ni jirima bambaka bo i tara nyini ni, mƆ sƆ? ⁹ Kabo noanie kpamaawa n bo i yo diiri minem jƆre ciinri bu sui n ti n na i juma yo la jirima bambaka sƆ ni, nyini yiri, juma n bo i ma Nyeme de minem ka bu yo sa bo i kƆ atin su i dƆ n dƛe jirima bambaka tara sƆ. ¹⁰ NahƆre, deke n bo i yo la jirima bambaka ni, i la mƆ jirima kun, deke n bo i la jirima bambaka tara sƆ n dƛe ti. ¹¹ Kabo deke n bo i ti siinwa n ti n na i yo la jirima bambaka sƆ ni, nyini yiri, deke n bo i wo bere sanƆa kere n dƛe jirima bambaka n tara sƆ.

¹² Kabo ya la tama ka i ti sƆ n dƛe ti, ye ya la ahoresi agaya koro jƆjƆ sƆ n a. ¹³ Yere ti mƆ ka Moyisi bo i yo faari sanvuin kataari na mƆ YisarelifƆm ŋu i nyunuawa bo i ta wein na i susaari ni. ¹⁴ Ama, haari ni nyini n kere mmƆƆ ni, bu sui yo tiiri tantanantan a. Haari ni nyuma, sanƆa kere bo bu ti ka be sukan sesesu dawa n dƛe kadasim ni, i yoori bu ka nyini sanvuin n toko kata bu sunsunni su wƆ, mƆ ka Kristo ngumi koro yi i a. ¹⁵ Haari ni nyuma, sanƆa kere bo bu kan kadasim n bo Nyeme ma Moyisi kereeri bu ni, i yoori bu ka sanvuin n toko kata bu sunsunni su wƆ. ¹⁶ Ama, bu koro yi i, kabo ba kere i fa kƆ Moyisi jƆre n su ni, ka, "SanƆa bo i fa i nyunu wƆ Mibie ni, sanvuin n kata mƆ i nyunuawa kun." ¹⁷ TƆ, deke n bo bu kereeri i ka "Mibie n" ni, bu kere niiri i Awiewie n wƆ. Deke bo Mibie n Awiewie n wo ni, dƆ ye mine nya bu tii a. ¹⁸ Yere yiri, ya la mƆ sanvuin bo i kata ya nyunu. Kabo ya nie ŋu deke nienu nu ni, sƆ ye ya nie ŋu Mibie n jirima woowa n a, na i ma ya woowa kaaki kabo i ti ni, na ya sunya i jirima woowa ni, subuka su sanƆa kere. Ahin n fite Mibie n Awiewie n dƆ Ɔ.

4

Ajɛke n bo i ti ka i wo dundu nu n jɔre

¹ Nyini ti, kabo Nyeme asi ya anunfo na wo fa ahin juma n ama ya ni, ya nunie yoroki ma ya. ² Yere, ya kete deke kere bo i ti nyinse sa na bu kata i su asiri nu ni, ya dadaka ma be, ya kaaki ma Nyeme nɔanie ni. Ama, ya kan nahore n fofoe nu wo, nyini ma ya fa kere sono kere na i si i sunsunni nu kabo ya wo ti Nyeme do a. ³ Na haari nzen deke be akata labari kpa n bo ya kan i n su, bere n bo bu suka ngbeen ni ngumi do, ye deke be akata i su a. ⁴ Dama Sitana bo i ti durunya n nu fen dee nyeme n ata bu nyi bu sunsunni nu na ma bu yo yarada, adena ma bu nu labari kpa n dee wein n fa ko Kristo jirima woowa n su, yiri bo i ti kabo Nyeme ti ni. ⁵ Ya kan ma yere ni ya tii jore wo, ama, ya kan Yesu Kristo jore a, ka yiri ti sono kere Mibie a. Yere, ya ti am dee akoom wo, yiri Yesu dee ti. ⁶ Dama Nyeme bo i yo seeri ka, "Ma wein ta fite awosin nu" ni, yiri ma i wein ata ya ahore su a, na i ma ya si i jirima woowa n bo i ta fite Yesu Kristo nyunuawa dika ni.

⁷ Ahin jore n ti ajɛke bo ya la i Nyeme do o, ama, yere yiri, ya ti ka dundu bo ba fa yakati ata ya n ye ya la ahin ajɛke n a. I ti so o, adena mine nu i na bu si ka nyini yiko n bo i la ma anusu n ti Nyeme dee wo, i fite ma ya do. ⁸ Bu mie ya so o deke kere nu, ama, Nyeme yi ya nu wo. Ya tanda so o, ama, ya yi ma tama. ⁹ Bu kere ya wuwuruwa so o, ama, Nyeme yaki ma ya. Bu bo ya ji asienngu so o, ama, ya ka ma ngbeen. ¹⁰ Sanga kere ya nati nu yiwee n bo Yesu wuuri i n be wo, adena minem koro nu ngoo n gusu bo Yesu la i n be, ya nunie nu. ¹¹ Nahore, yere bo ya la ngoo ni, sanga kere bu fa ya wura yiwee woobiri wo, Yesu dee ti, adena bu koro nu ngoo n gusu bo Yesu la i n ya nunie nu. ¹² To, yere, ya wo yiwee nu wo, ama, ambere wo ngoo nu wo, Nyeme do.

¹³ Ya jore n ti kabo ba kere i Nyeme Jore Kadasi n nu wo, ka, "M yo yoori yarada a, nyini dee ti ye m jooori so n a." To, yere gusu ayo nyini yarada kun n wo, nyini dee ti ye ya joo so n a. ¹⁴ Dama ya si tenle su ka Nyeme bo i tengeeri Yesu i yiwee n nu ni, yiri sanga tenge ya ni Yesu yiwee n nu a, na i fa ya ni ambere kere ko i nyunu. ¹⁵ Ahin n kere ma am nya kpere a, adena mine dongu sunya Nyeme ahorma ni subuka su, na i la ma anusu, nyini ma bu suda Nyeme asi subuka su a, na i wura Nyeme kpiri.

Ya la yarada n ye ya nati a

¹⁶ Nyini dee ti, ya nunie yoroki ma ya. Haari ni bo ya nuniembaa sugbaraki ni, ama, ya ahore su, ya sunya fanga fofore Nyeme do o, ale kere bo i cin. ¹⁷ Ahin waharam bo ya sudi bu ni, bu ti ma pui, na bu ce ma, nyini ni ma ya nya jirima woowa bo i la ma anusu na i wo bere sanga kere n a. ¹⁸ Ya fa ma ya nyumbaa kpama ma dekem bo ya nu bu n su, ama, dekem bo ya nu ma bu ni, ya fa ya nyumbaa kpama bere su a, dama bo ya koro nu i ni, i ce ma, ama, bo ya koro nu ma i ni, i wo bere wo, sanga kere.

5

¹ To, ya si durunya n nu fen dee anuniembaa n jore, i ti ka nambue wo, nzen wo saaki, sono kere la ataari kpa bo Nyeme ata i afa ase i. Ma adamande taari i a, nyini awuru n wo angoro wo, i wo bere sanga kere wo. ² Kabo i ti so na ya toko wo fen ni, ya wo waraki su wo. Ya ahore su, ya koro ka Nyeme fa ya wura ya awuru n bo i fite angoro n nu wo, na i kata ya nu. ³ Ya koro i so o, na ya wura i ka sutura na ma ya nati ya bu ngbeen.

⁴ Yere bo ya toko wo ahin nambue n nu ni, ya waraki wɔ, na ya wo ahore tanda nu sɔ ɔ lɛɛ. I ti má ka ya koro ka ya yi i se wɔ, ama, ya koro ka ya wura angoro dɛɛ n nu wɔ, na i kata ya ɲu, adena Nyeme bá kaaki ahin anuniembaa n bo i wu ni, na i ma ya i dɛɛ ɲɔɔ ni. ⁵ Nyeme ni i tii adu mɔ asese nyini deke n su ase ya a. Na wɔ fa i Awiewie n ama ya, na i kere kabo i má ya deke n kere bo i seeri ka i fá ma i minem ni.

⁶ Tɔ, nyini ma ya la ahoresi sanɲa kere n a. Ya si tenle su ka kabo ya toko wo ahin anuniembaa n nu ni, ya nya wo má Mibiɛ n dika n nu lɛɛ. ⁷ Kisa ya la yarada ye ya nati a, má ka ya nyumbaa ye ya fa ɲu asi nati a. ⁸ Yere, ya la ahoresi n dɛɛ ti, ye ya ɲa ya yaki ahin anuniembaa n a, na ya kɔ awuru Mibiɛ n dɔ. ⁹ Nyini ti, yere yiri, nzen ya wo ya awuru n nu, wara ya wo má nu, ya boro ya nyi ka ya yo sa bo i sun Mibiɛ n nu wɔ. ¹⁰ Dama wɔ yo daka ka sɔnɔ kere bá jina Kristo nyunu, i jɔre diibiri ni, adena i mi nya i ɲkatɔ fa kɔ dekem bo i yoori bu i ɲɔɔ n su ni, bo i ti kpa, ni bo i ti má kpa ni.

Kabo Yesu Kristo dɛɛ ti na ya ni Nyeme afien ayo dɔɲɔ ni

¹¹ Ya si kabo i ti na ya soro Mibiɛ n ni, nyini dɛɛ ti, ye ya boro ya nyi na ya ma minem kaaki bu sunsunni fa kɔ i jɔre n su a. Nyeme si kabo ya woowa kere ti barasu. Na m la tama ka am sunsunni nu, amberɛ mmɔɔ si ya woowa. ¹² Ya sukaaki kan kere má am bekun kabo ya ti wɔ, ama, ya sukere am deke bo i ti na am koro fa ya fɔ n wɔ, adena nzen minem bá koro ka bu fɔ deke bo bu koro ɲu i n su, na i fite má ahorembaa su, dama bu koro ka bu bu am ɲgbɛɛn n dɛɛ ti, tɔ, am koro bɔ bu nu ni jɔre kpa. ¹³ Nzen bu ɲa ya bo fie wɔ, Nyeme dɛɛ ti ye ya bo fie a, ye nzen ya nyunu ti koroowa gusu a, amberɛ dɛɛ ti ye ya nyunu ti koroowa a. ¹⁴ Koro n bo Kristo fa koro ya ni, yiri niɛ ya su a, dama ya yo ya sunsunni ka sɔnɔ kun n bo i wu maari sɔnɔ kere n dɛɛ ti ni, nyini la ka, sɔnɔ kere awu wɔ lɛɛ. ¹⁵ I wu maari sɔnɔ kere wɔ, adena bo bu wo ni ɲɔɔ n bita bu ɲɔɔ n ka i ti má bu dɛɛ, ama, i ti i dɛɛ wɔ, yiri n bo i wu maari bu na wɔ kaaki atenge i yiwee n nu bekun ni.

¹⁶ Nyini dɛɛ ti, fa i kisa fa kɔ, kabo durunya n nufɔm n bu sɔnɔ ni, yere, ya bu má be sɔ kun, haari ni bo ya yo buuri Kristo mmɔɔ sɔ ni, kisa ya bu má i sɔ kun. ¹⁷ Nyini yiri, nzen be ni Kristo ayo kun, i mi n ayo deke fɔfɔre wɔ lɛɛ, i woowa dawa n asin, na i deke n kere akaaki fɔfɔre wɔ lɛɛ. ¹⁸ Nyini n kere fite Nyeme dɔ ɔ. Yiri ama Kristo ayo ya ni yiri ni i tii afien dɔɲɔ a, ye wɔ ma ya juma n bo i yo i ni minem afien dɔɲɔ. ¹⁹ Nyini la ka, Nyeme ma Kristo yo i ni durunya n nufɔm afien dɔɲɔ a, na i tenge má bu satie jɔre su, haari kaan sɔ, ye wɔ fa nyini afien dɔɲɔyɔ n jɔre n awura ya saa nu, ka ya kan i. ²⁰ Nyini dɛɛ ti, ya ti sunmafɔm bo ya jina Kristo jaa nu wɔ. I ti ka Nyeme ni i tii sufa ya susere am jande a. Ya jina Kristo dɛɛ jaa nu susere am wɔ, ka, am ma yiri yo am ni Nyeme afien dɔɲɔ. ²¹ Yiri Kristo n bo i la má satie be ni, yiri ye Nyeme ma wɔ de satieyofɔm n jinaabiri a, yere dɛɛ ti, adena ya kaaki minem bo Nyeme de bu ka bu yo sa bo i kɔ atin su i dɔ.

6

¹ Yere bo ya ni Nyeme sanɲa yo juma ni, ya sere am wɔ, ahɔrɔma n bo am ade i ni, má am ma i ka ɲgbɛɛn. ² Dama Nyeme ɲa, “Sanɲa kpa n ba juuri ni, ye m deerɛ am sere a, na tiide cɛɛn n ye m bukaari am a.” Am ti fɛn, kisa ti sanɲa kpa n a. Am ti fɛn, kisa ti tiide cɛɛn n a.

³ Ya sukanda má be atin wɔ, adena má be jaraki ya fa kɔ ya juma n bo ya yo i n su. ⁴ Ama, deke n kere nu, ya kere ka ya ti Nyeme amusuisufom wɔ. Dama haari nzen ya wo wahara nu, ni kekereke nu, ni anyumboro nu, ya mindi de i wɔ. ⁵ Haari na ba bo ya, na ba nyi ya dansaraka, na ba di aluwa ya busu, na ya yo juma kekereke, na ya kpie daafiri, na ya da ahɔɛ, ⁶ nyini n kere ni, na ya kere ka ya woowa ti casi wɔ, na ya la si Nyeme dɔ, na ya mindi, na ya yo kpa, na ya wo ni Awiewie Casi ni, na ya la koro nahore su. ⁷ Ya kan nahore jɔre wɔ, na ya yo juma n ni Nyeme dɛɛ yiko n nu. Ya bita biɛɔya nenje bo i ti sa bo i kɔ atin su Nyeme dɔ ɔ, i wo ya saa fombɔɔ, ni ya saa biɛ nu wɔ. ⁸ Bu wura ya kpiri wɔ, na bu kaaki yo ya kaan. Bu kansi ya a, na bu kaaki jaraki ya. Bu ɲa ya dadaka minem wɔ, ama, bu kaaki ɲa ya kan nahore wɔ. ⁹ Ya ti ka minem bo be si má ya wɔ, ama, deke kere minem si ya sɔ ɔ lɛɛ. Ya ti ka ya wu wɔ, ama, ya la ɲgɔɔ sɔ ɔ lɛɛ. Bu bo ya ni anyumboro sɔ ɔ, ama, ya wu má. ¹⁰ Ya wo ahoresaaki nu sɔ ɔ lɛɛ, ama, sanɲa kere ya la ahorejɔ ɔ. Ya wo ka ya ti yaarifom wɔ, ama, ya fa ajeke ma minem dɔɲgu wɔ. Ya ti ka ya la má pui wɔ, ama, deke n kere ti ya dɛɛ wɔ.

¹¹ Tɔ, ambere ya danfo Kɔrintofom, ya fa má deke be afie má am su, ya teke ya ahorembaa ama am. ¹² Yere, ya kpie má am ya koro, ambere yiri, am akpie ya am koro. ¹³ Am ti ka m nbaam dɛɛ ti ye m suse am sɔ n a, ka am gusu teke am ahorembaa ma ya, kabo ya teke ya dɛɛ ama am ni.

Má am fa am ɲu bo minem bo bu yo má Kristo yarada n su

¹⁴ Má am fa am ɲu bo minem bo bu yo má Kristo yarada n su, dama bo i yo sa bo i kɔ atin su Nyeme dɔ n ni ketemafo ni, i yo se ye bu koro sanɲa wo a? Wara wein ni awosin yo se koro sanɲa wo a? Ai, i koro yo má. ¹⁵ Nzu anɔɔɛ wo Kristo ni Sitana afien a? Wara nzu tana wo sɔɔ bo wɔ yo Kristo yarada n ni bo wɔ yo má i yarada n afien a? Ai, bu la má tana. ¹⁶ Nzu anɔɔɛ wo Nyeme Sereebiri Awuru n ni amɔem afien a? Ai, bu la má anɔɔɛ be. Yere ti ka Nyeme Sereebiri Awuru n a, ye yiri Nyeme bo i wo bere sanɲa kere n wo nu n a. Kabo Nyeme ni i tii ase ni, ka,
 “M wó bu dɔ,
 na m ni bere sánɲa nati,
 na m yó bu Nyeme,
 na bu yó m minem.”

¹⁷ Nyini ti, Nyeme akaaki ase ka,

“Am fite yaki bu,
 na am kpaaki yaki bu,

Micera ni seeri sɔ a.

Na má am fa am ɲu mata deke bo i ti má casi,
 na m dé am.

¹⁸ Na m yó am Si,
 na ambere gusu yó m dɛɛ nbaam.

Kabo Micera Kpiri n ase lɛɛ.”

7

¹ M ninbaa koroowam, ahin deke n kere bo Nyeme ase ka i yó ma ya n dɛɛ ti, am ma ya kpakpara ya ɲu fite deke kere bo i ma ya ɲuniembaa n ni ya awiewie n yo fin ni, na am ma ya soro Nyeme na ya woowa kere ti kabo Nyeme koro ka i ti ni.

Kabo bu sayoowa ma Pɔɔlu ahore jɔɔri ni

² Am teke am ahorembaa na am de ya. Ya do má am be ngasi, ya saaki má am be, ya sisi má am be. ³ Deke bo i ti na m se ahin so ni, i ti má ka m sujarki am wo, dama ma du mo ase am ka am jore wo ya ahore su, ya ni amberɛ ti kun wo, haari yiwee nu wara ngoo nu. ⁴ M la ahoresi agaya fa ko am do, na m fa am fo agaya, na m la ahoreda agaya amberɛ dɛɛ ti, haari ni wahara n bo ya di i n kɛɛ ni, m la ahorejo bo i la má anusu.

⁵ Dama sanja bo ya ba juuri Makedoniya awore n nu ni, ya nya má numiyi haari kaan so mmoo, ama, ya nuuri kekereke wo deke kɛɛ nu. Minem fa aluwa kpura ya so o, na sere suti ya, ya ahore su. ⁶ Ama, Nyeme yiri, yiri dada minem bo bu ahore asaaki n ahore a, yiri adada ya ahore a, Titosi baawa n dɛɛ ti. ⁷ Má ka i baawa ni ngumi dɛɛ ti a, ama, ahoreda n bo am ni yiri kɛɛ nyaari i n dɛɛ ti a. Wo se ya kabo am wara ado m na am koro ka am nu m barasu ni, ni kabo am ahore asaaki fa ko jore n su ni, ni kabo am ahore abi m busu barasu ni, nyini ma m ahore ajo ako asin su n a.

⁸ Haari nzen kadasi n bo m yo kɛɛ maari am n asaaki am ahore, ma yo má m si i n so, fa ko nyini n dika. Nzen má m nuuri kabo nyini kadasi n ama am ahore asaaki, haari ni bo wo ce má ni, má m yoori m si i n so. ⁹ Kisa m ahore ajo, má ka am ahore asaaki n dɛɛ ti a, ama, am ahoresaaki ni, wo ma am akaaki am wo n dɛɛ ti a. Nyini ahoresaaki ni, yiri ama am akaaki kabo Nyeme koro n a, adena má am kpaasi fieo, yere dɛɛ ti. ¹⁰ Dama ahoresaaki bo i ti kabo Nyeme koro ni, yiri ma ya kaaki ya wo ye ya nya tiide a, na ya yo má m si i n so a. Ama, durunya n nu dɛɛ ahoresaaki n fa yiwee ba. ¹¹ Am nie sa bo Nyeme ma am ayo i a, nyini ahoresaaki n dɛɛ ti, kabo am nyunu aboro ka am yo jore n dongu na má be jaraki am ni, ni kabo yaa ti am fa ko yiri n bo wo do ngasi n su ni, ni kabo jore n ama sere ati am ni, ni kabo am wara ado m na am koro ka am nu m ni, ni kabo am ahore abi m busu ni, ni kabo am nyunu aboro ka am fa nahore cin i sui ni. Deke n kɛɛ nu, am akere ka am la má ngasi be lɛɛ, fa ko nyini jore n su. ¹² Deke bo i ti na m yo kɛɛeri kadasi n maari am ni, má yiri n bo i doori ngasi n dɛɛ ti a, wara sono n bo wo do i ngasi n dɛɛ ti a, ama, deke n bo i ti na m yo kɛɛeri i so n la ka, adena Nyeme ma am si kabo am cɛɛ wo ya nu ni anyumboro su barasu ni. ¹³ Nyini n kɛɛ adada ya ahore a.

Má nyini ahoreda n ngumi ye ya la i a, ama, deke bo i ma ya ahore ajo agaya n la kabo Titosi ahore ajo ni, dama amberɛ kɛɛ adada i ahore a. ¹⁴ Nyini ma ya ahore ajo so a, dama ma du mo afa am afo kabo am ti barasu n akere yiri Titosi, na am ama ma di má nyinɛ. Kabo jore n kɛɛ bo ya kan kereeri am n ti nahore ni, so ye minem koro nu kabo ya foori am nusuu jore n kereeri Titosi n gusu n ti nahore a. ¹⁵ Deke bo i ma yiri Titosi koro am agaya ni, maala bo i tenge su kabo am kɛɛ deeri n nɔanie n ni, ni kabo am deeri i ni am saa nnyo n na sere ti am agaya na am nunie subobo am ni. ¹⁶ M ahore ti jowa, dama deke n kɛɛ nu, m la ahoresi fa ko am do.

8

Aceeri n bo bu de ko maari Yerusalem dɛɛ Kristo jama n jore

¹ To, m ninbaam, ya koro ka am si kabo Nyeme ama Kristo jamam bo bu wo Makedoniya dɛɛ awore n nu n adi i ahorama barasu ni. ² Sanja bo bu wo wahara ni kekereke nu agaya ni, na ba kere kabo bu ahore ajo ako asin su, na ba ce aceerim beberebe ni bu ahorembaa kun, haari ni bo yaari ati bu agaya ni. ³ M koro di daani ka bu maari bu fanga nyaari wo,

haari ba ma atara kabo má bu ma ni mmɔɔ. Bu koroyanu, ⁴ na ba sere ya jande ka ya ma bere mmɔɔ nya atin na bu saa wo nyini juma n nu, bo ya de aceerim fa ma Nyeme minem ni. ⁵ Haari na ba yo ako atara kabo má ya sunsun ka bu yo ni. Bu du mɔ faari bu ɲu maari Mibiε n wɔ ka, na ba nya fa bu ɲu ama yere gusu, kabo Nyeme koro ni. ⁶ Tɔ, kabo Titosi ti sɔnɔ bo i boori ahin aceeri juma n bu am nu ni, wɔ yo daka ka ya sere i jande na i suyo i sɔ ma am, haari i kɔ wie. ⁷ Amberε, am boro am nyi deke n kere nu wɔ, bere la yarada n bo am la i ni, ni kabo am koro jɔjɔ ni, ni kabo am la si ni, ni kabo am cεcε wo deke n kere nu ni, ni kabo am la koro ma ya ni. Kabo i ti sɔ ni, wɔ yo daka ka am boro am nyi yo ahin aceeri juma n gusu.

⁸ I ti má ka m suma am nɔɔ ka am yo sɔ ɔ, ama, m koro ka m kere am kabo nyingam la koro ni anyumboro na bu buka n wɔ, adena m yo am na m niε ka am la koro nahɔre su. ⁹ Am si juma kpa n bo ya Mibiε Yesu Kristo yoori i ni, i yo ti ajekεfɔ Nyeme dɔ ɔ, ama, amberε dεε ti na wɔ kaaki yaarifɔ, adena am kaaki ajekεfɔm Nyeme dɔ, kabo wɔ kaaki yaarifɔ n dεε ti. ¹⁰ Ahin jɔre n yiri, afara, amberε du mɔ boori nyini juma n bu a, má ka am du mɔ boori i bu ni ɲgumi, ama, ni kabo am koroori ka am yo i n gusu ni, nyini ti, fɔ bo m koro ka m fa tu am n la ka, ¹¹ i ti ye ni ka am yo juma n bo am ɲa am yo i n kɔ wie kisa, adena kabo am yo la anyumboro am sunsunni nu, na am koro ka am yo i ni, sɔ ye am kere anyumboro a, na am fa deke n bo am la i n fa yo i wie. ¹² Nzen be la anyumboro na i koro ka i ce aceeri, Nyeme de i aceeri n fa kɔ deke bo i koro ce n su wɔ, má deke bo i koro ce má ni. ¹³ I ti má ka ya koro ka ya yi nbem fie nu, na amberε fie wɔ. Ai, ama, ya koro ka i se su ma sɔnɔ kere wɔ. ¹⁴ Tɔ, kisa am la i, na nbem la má i ni, am buka bu. Na nzen bu gusu bá la i, na am la má i, bu gusu buka am. Sɔ ye i se su ma sɔnɔ kere a. ¹⁵ I ti kabo ba kere i Nyeme Jɔre Kadasi n nu wɔ, ka,

“Bo i tambuuri beberebe ni, wɔ sunnu asin má su,
ye bo i tambuuri kaan n gusu, wɔ kpiε má i su.”

Titosi ni i bukafɔm n jɔre

¹⁶ Ya da Nyeme asi, yiri ma Titosi nyunu aboro na i cεcε wo am dɔ a, kabo mini mmɔɔ dεε ti ni. ¹⁷ Ya sere yiri Titosi ka i ba am dɔ, na wɔ soro su, ama, yiri ni i tii dεε koroyanu ye i ɲa i kɔ a, dama i cεcε du mɔ wo am dɔ. ¹⁸ Bo i buka i su, ya susunma ya niwa be gusu am dɔ. I ti sɔnɔ bo i yo labari kpa n juma a, nyini dεε ti, Kristo jama n kere kansu i wɔ. ¹⁹ Má nyini ɲgumi, ama, yiri ye Kristo jama n kere ayi i ka i susu ya su buka ya a, na ya niε ahin aceeri ceewa juma n su n a. Ahin juma n wura Nyeme kpiri wɔ, na i kere kabo ya koro ka ya buka minem ni anyumboro ni. ²⁰ Ya koro má ka be jaraƙi ya fa kɔ kabo ya niε ahin aceeri beberebe n su ni. ²¹ Nyini ti, ya boro ya nyi wɔ, na ya yo sa bo i kɔ atin su, má Nyeme ɲgumi dɔ, ama, adamande mmɔɔ dɔ.

²² Ya kaaki susunma ya niwa be buka bu su. I ti sɔnɔ bo ya yo i anie atin barasu nu, aɲu ka i la anyumboro fa kɔ deke dɔngɔ su. Kisa ya ɲu ka i la anyumboro tara sɔ, dama i la ahoresi fa kɔ am dɔ. ²³ Titosi yiri, i ti m matafɔ bo m ni yiri saɲga yo juma ma am wɔ. Ya ninbaa nnyɔm bere yiri, bu ti minem bo Kristo jamam n asunma bu wɔ, na bu kaaki wura Kristo kpiri. ²⁴ Nyini ti, am yi am ɲu fofoe nu, na am kere Kristo jamam ni kabo am la koro ni, na bu si deke n bo i ti na ya fa am fɔ ni.

9

Kabo ya buka ya benƙu Kristofom bo ba fun i ni

¹ Tɔ, aceerim bo am fa kɔ buka Nyeme minem ni, mini dɔ, wɔ ti má ye ka m kere i jɔre. ² Dama m si kabo am koro ka am buka barasu ni, haari ma du mɔ afa am aƔo Makedoniya awɔre n nufom dɔ, ka ambere Akaya awɔre n nufom n adu mɔ akpa am ŋu haari afara kere. Kabo am nyunu aboro na am koro ka am ce ni, wɔ yo bu dɔŋgu gusu ŋuni nyanyaka ye bu koro ka bu ce n a. ³ Nyini ye m susunma ahin ya ninbaam am dɔ n a, adena kabo ya fa am aƔo akere bu ni, na má i ka ŋgbɛɛn, ama, am yo siriya, kabo ma du mɔ ase bu ka am yo siriya ni. ⁴ Má nyini, nzen Makedoniyafom nbem suuri m su baari, na bu ba ŋu ka am nya yo má siriya, i ti ya nyinse wɔ, ya kan má am dɛɛ yiri, kabo ya yo am yarada n dɛɛ ti. ⁵ Nyini dɛɛ ti, ma ŋu ka wɔ yo daka ka m sere ya ninbaam ni, na bu du m mɔ am dɔ, na bu buka am, na am sese am aceeri n bo am yo sereeri ka am yi fa ma n su. Nyini ma i yo koro aceeri a, i ti má ka bu mie am wɔ.

⁶ Am tenge su, ka sɔnɔ bo i dɔ kaan, i bá kpɛ kaan wɔ. Na sɔnɔ bo i dɔ dɔŋgu, i bá kpɛ dɔŋgu wɔ. ⁷ Sɔnɔ kere ce aceeri n kabo wɔ du mɔ asunsun i ahore su ka i ce barasu ni, má ka bu mie i wɔ, ama, i mi ma ni ahorejɔ, dama Nyeme koro bo i ce ni ahorejɔ ɔ. ⁸ Yiri Nyeme ni, yiri koro ma am nya i aceeri barasu kere a, na am nya deke kere bo am koro saŋga kere, na i se am su, na am nya i buka su, adena am koro yo juma kpa kere.

⁹ Kabo ba kere i Nyeme Jɔre Kadasi n nu ni, ka,
 “Wɔ sandi i aceerim afa ama yaarifom ni,
 na i kpayo n wo bere saŋga kere.”

¹⁰ Nyeme ti bo i ma dɔdɔrifɔ ni aɛmbaa n a, na i kaaki ma minem diire na bu di a, yiri ma am aɛmbaa n a, na i ma i sunnu buka su, na i kaaki ma am kpayo subuka su saŋga kere. ¹¹ Na i ma am sunya beberebe deke n kere nu, adena am koro suyo kpa ma minem saŋga kere, nyini ma minem da Nyeme asi, fa kɔ deke n bo ya yo i n su a. ¹² Ahin aceeri juma n bo am yo i ni, i ti má ka i subuka Nyeme minem bo ba fun i ni ŋgumi wɔ, ama, i kaaki ma minem dɔŋgu da Nyeme asi wɔ. ¹³ Ahin juma n bo am suyo i kɔ wie ni, nyini kere kabo am woowa ti barasu a. Na minem ŋu i, na bu kansi Nyeme kabo am ade yiri Nyeme nɔanie n na am kan kere minem nahɔre, ka am su Kristo labari kpa n jɔre n su ni. Bo i buka nyini n su la kabo am yo kpa, na am kpaaki am nengem nu ma bere ni nyingam kere ni. ¹⁴ Kabo Nyeme ama am anya i ahɔroma akɔ asin su ni, bere, bu koro am ni anyumboro na bu sere Nyeme ma am. ¹⁵ Am ma ya da Nyeme asi fa kɔ i aceeri n bo wɔ fa ama ya na i la má aŋusu ni.

10

Kabo Pɔɔlu jɔjɔ fa kɔɔri i jumayoowa nyaari n su ni

¹ Mini Pɔɔlu ni m tii, m susere am wɔ, Kristo sawɔre n ni i benle woowa n dɛɛ ti, mini bo nbem ŋa nzen m wo am dɔ, m san nya ni, ama, nzen m wo má am dɔ yiri, m la ahore wɔ. ² Deke bo i ti na m susere am n bu la ka, m koro má ka am ma m yo ahore, saŋga bo m ba baari am dɔ ni, na m yo ahoresi jɔjɔ am, kabo m sunsun ka wɔ yo daka ka m jɔjɔ bu ni, bere bo bu ŋa ya su durunya n nufom woowa n su ni. ³ Haari ni bo ya wo durunya n nu ni, ya kun má lue n kabo durunya n nufom kun lue ni. ⁴ Biesɔya nengem bo ya fa kun lue n ti má durunya n nu fen dɛɛ biesɔya nengem. Ama, i fite Nyeme dɛɛ yiko n nu wɔ, na i kunma na i saaki faŋga woobiri kere, na i kunma na i saaki sunsunni kere bo i ti má nahɔre, ⁵ na i

kunma na i saaki deke kere bo i wura i ɲu kpiri na i kanda minem na má bu si Nyeme ni, na i ma ya kunma sunsunni kere bo i ti ka ya kpofom ni, na bu de Kristo noanie ni. ⁶ Amberɛ, am deerɛ i noanie n wieeri, ye ya bá cin bu kere sui a, bere bo ba kete ka bu de má i noanie ni.

⁷ Amberɛ, deke bo am nyumbaa ɲu i ni, nyini ye am sunsunni wo i su a. Nzen be la ahoresi ka i ti Kristo dee sonɔ, i ti ye ni ka i mi kaaki sunsun ka yere mmɔɔ ti Kristo minem wɔ, kabo yiri mmɔɔ ti ni. ⁸ Haari nzen m fo yanfoya tara kabo má m fo ni, fa ko yiko n bo Mibiɛ n afa ama ya n su, i la má m nyinse, nyini yiko n ye Mibiɛ n maari ya, ka ya fa buka am, na am ko mo ni am nyemesu ni, wɔ ma má ya ka ya fa saaki am ji wɔ. ⁹ M koro má ka i yo ka m sukere am kadasim n na m wura am sere wɔ. ¹⁰ Dama nbem bo bu kan m jore ni, bu ɲa, m kadasim wo no na bu la fanga, ama, sangga bo mini ni m tii ba wo am do, m ti sonɔ yorokiiwa a, kabo m jɔɔ ni, be fa yo má pui. ¹¹ I ti ye ni ka nyini minem so n si ka, kabo sangga bo ya wo má do na ya kere kadasim n nu ni, so ye ya yó a, sangga bo ya wo am do ni.

¹² Ahin minem ni, bere ni bu tii kan kere minem kabo bu ti wɔ, ama, yere yiri, ya soro sere ni bo ya fa ya ɲu bo bu su, wara na ya fa ya ɲu bu bu. Ama, kabo bu fa bu ɲu bo bu bengum su ni, na bu fa bu ɲu bu bu ni, nyini kere ka bu la má ngonle haari kaan so lee. ¹³ Yere yiri, ya wura má ya ɲu kpiri, na ya fo tara kabo i ti ye ni ka ya fo ni. Ya yo ko jina ya juma yoobiri nyaari wɔ, deke bo Nyeme afa ama ya ka ya yo ni, haari ya yo aba aju amberɛ mmɔɔ do. ¹⁴ Nzen má ya du má mo aba má am do, nyini yiri, ya suyo ko sin ya juma yoobiri nyaari wɔ lee, fa ko ahin jore n su. Ama, kabo i ti ni, yere ti minem bo ya duuri mo a, haari bo ya ba juuri am do, na ya kan Kristo labari kpa n akere am. ¹⁵ Yere, ya gusu fa má nbem juma fa fo má, na má ya fo tara ya juma yoobiri nyaari. Ama, ya la tama ka kabo am yarada subuka su ni, ya juma ni sandi bara ye am nu, kabo ya juma yoobiri nyaari ti ni. ¹⁶ Adena ya koro ko kan labari kpa n kere minem, bo bu wo asienm bo bu wo am nyunu do ni. Ya koro má ka ya yo wura nbem dee juma yoobiri bo ba du mo ayo i n nu, na ya fa fo. ¹⁷ Ama, kabo ba kere i Nyeme Jore Kadasi n nu ni, ka, “Sonɔ kere bo i ɲa i fo, i fo Mibiɛ n dee ti.” ¹⁸ Dama má sonɔ bo yiri ni i tii kan kere kabo i ti ni, ye Mibiɛ n de i ka i ti sonɔ kpa, ama, bo Mibiɛ n kere ni, yiri ti sonɔ kpa.

11

Pɔɔlu ni jaramasa kɔrefom n jore

¹ To, má am soro su, na am yo sawore ma m, na m jɔɔ sinnzin jore kaan so. Jande, am yo sawore ma m. ² M si am kore kabo Nyeme si am kore ni, dama am ti m dee nbaam wɔ, ka baabara bo i nya si má bieso, ye ma fa am ace bieso kun, yiri la Kristo. ³ Ama, m soro sere wɔ, dama nzen m tengeeri Hawa jore n su, yiri la kabo woo n yo faari ngonletie dadakaari i na i nyaari i na i kunmaari i ni, nyini ma m soro ka beni, amberɛ mmɔɔ bá mini fa ko am sunsunni nu, na am yaki Kristo dee atin n bo am su i su, na am ahorembaa ti kun, na am woowa ti casi Kristo do ni. ⁴ Dama nzen be ba baari am do na i ba kaanri Yesu be jore, na i ti má Yesu n bo ya kan i jore kereeri am ni, wara nzen am deerɛ awiewie be, na i ti má Awiewie n bo am du mo deerɛ i ya do ni, wara labari kpa barasu be bo i ti má bo am deerɛ i ni, amberɛ koro yo nyini sawore na am de nyini n so a. ⁵ Bere bo bu yo bu ɲu ka bu ti Kristo jaramasam na bu la má anusu ni, mini yiri, m sunsun má ka m ti kaan ni bere fieo. ⁶ Haari ni bo m ti má sonɔ bo i koro

jɔɔ kabo bu jɔɔ ni, m la si yiri, ma du mɔ akere am ka i ti sɔ ɔ, deke n kere nu ni sanɔa kere.

⁷ Am anu ma i? Sanɔa bo m ba kaanri Nyeme deɛ labari kpa n kereeri am ngbɛɛn, na ma de ma deke be ni, m yoori m ɔu kaan wɔ, na m wura am kpiri, ma do ngasi wɔ lɛɛ, nzen se? ⁸ M koro se ka m yo fiinri Kristo jamam nbem wɔ lɛɛ, dama m yo deeru buka bu dɔ ɔ, ye m fa ba bukaari am a. ⁹ Sanɔa bo m yo wo am dɔ na m la ma pui ni, ma fa ma m fie afie ma be, dama ya ninbaam bo bu fite Makedoniya awɔre n nu yo bukaari m ni deke kere bo wɔ kpie m su ni. Ma koro ma ka m fa m fie fie am be deke be nu. M woori sɔ ɔ, na m toko wo sɔ ɔ lɛɛ. ¹⁰ Kristo deɛ nahɔre n bo i wo m nu n deɛ ti, be wo ma bere bo i koro kanda m na m fo ma nyini yanfoya ni, Akaya awɔre n kere nu. ¹¹ Nzu ti a? Ka m koro ma am, nzen se? Ai, Nyeme si ka m koro am.

¹² Nyini ti, deke n bo m yo i ni, m ko su yo i sɔ ɔ, adena m to bu atin, bere korɛfo m ni bo bu koro ka bu nya atin na bu fo, na bu se ka ya ni bere kere jumayoowa se ni. ¹³ Dama nyini minem sɔ ti jaramasa korɛfo m wɔ, bu nati bu kore wɔ, fa ko bu jumayoowa su, na bu yo bu ɔu ka bu ti Kristo jaramasam wɔ. ¹⁴ Nyini n sɔ n ti ma alekutura, dama haari Sitana ni i ti mmoo yo i ɔu ka i ti merɛke bo i ta wein n wɔ. ¹⁵ Nyini ti, i ti ma alekutura, ka i amusuisufom mmoo yo bu ɔu ka bu su nahɔre atin su wɔ. Ama, bu awieeri ba kere kabo bu jumayoowa ti a.

Kabo Pɔɔlu diiri wahara i jumayoowa n deɛ ti ni

¹⁶ M koro ka m kaaki se am bekun wɔ, ka ma be sunsun ka m ti sinnzin wɔ, ama, nzen am sunsun sɔ yiri, am yo sawɔre na am de m ka m ti sinnzin wɔ, adena mini mmoo koro fo kaan sɔ. ¹⁷ Ahin ahoresi n bo m fa fo sɔ ni, i fite ma Mibiɛ n dɔ, ama, m jɔɔ ka m ti sinnzin wɔ. ¹⁸ Kabo minem dɔngɔ fo kabo durunya n nufom yo ni, sɔ ye mini gusu fo n a. ¹⁹ Am anu ma i? Amberɛ la alecira a, am mindi de minem bo bu ti sinnzin n wɔ, ni ahoreda a. ²⁰ Nahɔre, haari minem bo bu mie am fa am yo bu akoom ni, am mindi de bu wɔ, wara nzen be asisi am, am mindi de i wɔ, wara nzen be anya am taraabiri, am mindi de i wɔ, wara nzen be kere i ɔu am dɔ, am mindi de i wɔ, wara nzen be boori am nyoonu, am mindi de i wɔ. ²¹ Yere, ya yo ma nyini n be sɔ am nu, i ti m nyinse wɔ, beni, ya yoraki ya ɔu n deɛ ti a.

Ama, kabo nyini minem soro ma sere na bu fo deke kere ti ni, mini mmoo, kisa m gusu soro ma sere na m fo fa ko nyini dekem n su. Beni, am sunsun ka m jɔɔ ka m ti sinnzin wɔ. ²² Bu ɔa bu ti Hiburufom wɔ? To, mini mmoo, m ti sɔ ɔ. Bu ɔa bu deɛ la Yisarelifo nyemesu atin ni? To, mini mmoo, m su nyini n su a. Bu ɔa bu ti Abraham anumam wɔ? To, mini mmoo, m ti sɔ ɔ. ²³ Bu ɔa bu ti Kristo amusuisufom wɔ? To, m tara bu. Am nie, i ti ka m nyunu akan m ye m jɔɔ sɔ n a. Ama, nahɔre, ma yo juma atara bu, ba nyi m dansaraka bo i la ma no, bu boori m haari m ngoo ba kaari kaan sɔ ɔ, sanɔa dɔngɔ, kaan sɔ, ma ma wu. Nyinim kere nu, m tara bu. ²⁴ Kpe nnu lɛɛ bo Yudafo m afin m ngbere mbaa kun kun aburana kun kpie su. ²⁵ Kpe nsen lɛɛ bo ba fin m ni bulaari ngbere. Ba tu m yabue kpekun. Kpe nsen lɛɛ bo m wo lee bambakam nu tieku n su na ba sandi nu, haari na ma da tieku n nu kpekun, kongue ni wiesu. ²⁶ M nati sɔ lɛɛ sanɔa kere, m la ma tana, ma ɔu anyumboro nzuetinm kpieebiri, ma ɔu anyumboro minem bo bu nati fin bu bengum n saa nu, ma ɔu anyumboro m tienɔu minem saa nu, ma ɔu anyumboro minem bo bu ti ma Yudafo m saa nu, ma ɔu anyumboro mie kpirim su, ma ɔu anyumboro boro kpantainm nu,

ma ɲu anyumboro tieku n su, ma ɲu anyumboro ya ninbaa kɔrefɔm n dɔ, bere bo bu yo bu ɲu ka bu ti Kristo minem ni. ²⁷ Ma yo juma nahɔre su adi wahara, ma kpɛ daafiri sanɔa dɔŋgu, ma da ahɔe ni nzuehɔe, ma fun diire sanɔa dɔŋgu, na ayere ati m, na ma nati m ɲunie ɲgbɛɛn. ²⁸ Dekem bo ba ka ni, m kán má bu jɔre, ama, deke bo i kpɛ m daafiri ale kere bo i cin ni, yiri la kabo m sunsun Kristo jama n kere jɔre n wɔ. ²⁹ Bu nu ɲma agbaraki ye i gbarakiiwa n asa má m a? Bu nu ɲma ye bu ma i yo satie ye i yo má m yaa?

³⁰ Tɔ, sanɔa bo wɔ yo daka ka m fɔ, m fɔ fa kɔ dekem bo bu kere ka m la má fanɔa n su wɔ. ³¹ Nyeme si ka m bu má kɔre, yiri ti ya Mibiɛ Yesu Si a, yiri ti ye ni ka ya kansɔ i sanɔa kere a. ³² Sanɔa bo m yo woori Damasiko mie kpɛri n nu ni, na gomina be wo bere, yiri ye Feme Aretasi yo faari mie n yiko wuraari i saa nu, na nyini gomina n ama tintinijinafɔm n ako aɲminda mie n ka bu tara m. ³³ Ama, na minem n afa m awura kandie bambaka nu, na ba fa m aɔɔndi kobe n tukoro nu, ajura asiɛŋgu, na ma foro gomina n saa nu.

12

Sayikereewa n ni deke n bo Pɔɔlu ɲuuri i ka alele nu n jɔre

¹ Tɔ, wɔ yo daka ka m fɔ, haari ni bo i la má kperɛ be ni. M la deke nbem bo m kan buka su, bere la kabo Nyeme yiiri deke nbem kereeri m ka alele nu ni, ni kabo i yiiri sayoowam kereeri m ni. ² M si sɔnɔ be jɔre, i ti Kristo sɔnɔ ɔ, yiri ye Nyeme yo faari i fun kɔɔri angoro woobiri nsan su ni i dɔ n a, i nyuma afɔ buru ni nna lee. Nzen i kɔɔri ni i ɲuniɛmbaa a, wara i awiewie nu, mini, m si má, Nyeme si a. ³⁻⁴ Nahɔre, m si nyini sɔnɔ n jɔre, yiri ye Nyeme faari i fun kɔɔri alecɛɛma nu n a, na wɔ ti jɔrem bo bu la má kan, na be gusu la má atin ka i jɔjɔ bu, ama, kabo i yoori ni, ma si má, nzen i kɔɔri ni i ɲuniɛmbaa a, wara i awiewie nu, mini, m si má, Nyeme si a. ⁵ Tɔ, nyini sɔnɔ n sɔ, ye m fa fɔ n a, ama, mini ni m tii, m koro fɔ má deke be ti, má ka dekem bo bu kere ka m la má fanɔa n ye m fa fɔ a. ⁶ Haari nzen má m ɲa m fɔ mmɔɔ, má m ti má sinnzin wɔ, dama má m kan nahɔre wɔ. Ama, m yaki i sɔ ɔ, adena má am be wura m kpɛri tara dekem bo i ɲu ka m yo bu, ni dekem bo i ti ka m kan bu ni.

⁷ Tɔ, fa kɔ sayikereewa beberebe n bo Nyeme fa kereeri m su, wɔ koro má ka nyini dɛɛ ti na m wura m ɲu kpɛri. Nyini ti, i maari Sitana faari tɔre be wuraari m ɲuniɛmbaa nu, i ti ka buwe ye i wɔwɔ m a, na i sukere m wahara, adena má m wura m ɲu kpɛri. ⁸ Kpe nsan lee bo ma sere Mibiɛ n fa kɔ ahin jɔre n su, ka i ma i fite yaki m. ⁹ Ama, na wɔ se m ka, “M ahɔrɔma n ase u su, dama sanɔa bo a la má fanɔa ni, ye m kere m yiko kabo m koro a.” Kabo i seeri sɔ n dɛɛ ti, nyini ma m la ahoreda na m fɔ fa kɔ kabo m la má fanɔa n a, adena Kristo yiko n wo m dɔ sanɔa kere a. ¹⁰ Nyini ma Kristo dɛɛ ti ye m ahore ti daawa n a, sanɔa bo m la má fanɔa n a, ni sanɔa bo bu kpɛ m nzukɔ ni, ni sanɔa bo m ɲu kekere ni, ni sanɔa bo bu kere m wuwuruwa ni, ni sanɔa bo m ɲu anyumboro ni. Dama sanɔa bo m la má fanɔa ni, nyini sanɔa n ye m la yiko Nyeme dɔ a.

Kabo Pɔɔlu kereeri ka bu jɔre kpɛ i daafiri ni

¹¹ Tɔ, kabo m jɔjɔ ni, ma yo ka sinnzin wɔ lee, ambere mie m a, ye m yo sɔ n a. Má ambere ti minem bo am kan kereeri kabo m ti n a, má i ti ye. Dama bere n bo bu yo bu ɲu ka bu ti Kristo jaramasam na bu la má aɲusu ni, mini yiri, haari ni bo m ti má pui ni, m ti má kaan ni bere fieo.

¹² Nahɔre, sam bo bu kere ka m ti jaramasa ni, ye m yoori bu am do n a, ni mindi kere, ni alekutura sam, ni yiko sam, ni abonɔ sam n a. ¹³ Nzu deke ye m yo maari Kristo jamam bo bu wo mie nyingam su n ye ma yo ama má am a? Má ka bo ma fa má m fie be afie má am ni. Tɔ, ma do ngasi, am fa ce m.

¹⁴ Am ti fen, kisa ma sese m ɲu su ka m ba nie am busu kpe nsan su lee, ama, m toko koro má ka m ba fa m fie fie am. M suba má ka m koro am nenje be wɔ, ama, m koro ambere wɔ. Dama má nbaam kpini nenjem se bu wufɔm a, ama, bu wufɔm ni kpini se bu nbaam n a. ¹⁵ Mini, deke bo m la i ni, m di i ka a, na m fa buka am, na m fa m ɲu kere ma am, nyini ma m ahoreda. Ma si má, m koro am agaya n sɔ n dee ti, ye ambere koro m kaan sɔ n a? Ai, atin wo má nu. ¹⁶ Tɔ, am nbem ɲa ma fa má m fie be afie má am, ama, bu ɲa m fa ngɔnletie wɔ, na ma dadaka am anya am taraabiri. ¹⁷ Ka se? Minem bo m yo sunmaari bu am do ni, m ma bu be sisiiri am be maari m, nzen se? Ai, be asisi má am ama má m. ¹⁸ M yo sereeri Titosi wɔ, na wɔ ba am do, na ma ma ya niwa n asunma i. Titosi yo sisiiri am, nzen se? Ai, wɔ sisi má am. Ambere mmɔɔ aɲu ka m ni yiri kere sunsunni ti kun wɔ, na ya kere su atin kun su a.

¹⁹ Beni, nyini n kere bo ya jɔjɔ i sɔ ni, am sunsun ka ya sukan de ya tii wɔ, nzen se? Ai, i ti má sɔ. M ninbaa koroowam, kabo ya ni Kristo ayo kun na ya jina Nyeme nyunu n ye ya se sɔ n a. Deke n kere bo ya yo i ni, i buka am na am kɔ mɔ ni am nyemesu n wɔ. ²⁰ M soro sere wɔ, m koro má ka m ba baari am do, na má m ba tu am kabo m koro ka am ti ni, wara na ambere gusu ɲu m kabo má am koro ka m ti ni. M soro sere ka, beni, m bá ɲu ka, am suse akuruwa, na am susi kɔre, na am sufa yaa, na am suyo anyii sam, na am sukan am beɲu jɔre susaaki bu, na am sukpara tere, na am suyo kpirikoro, na am la kpakpaakinu. ²¹ M soro sere ka m ba juuri, na má Nyeme ma m yo m ɲu kaan am nyunu, na má m ahore saaki fa ma bu, bere bo ba du mɔ ayo satie, na bu nya kaaki yaki má bu dangba sayoowam, ni sakaraya, ni konvikiya ngbeɛnngbeɛnm ni.

13

Awieeri su dee bobɔɔwa ni anse ni

¹ Tɔ, ahin baawa n bo m sɔba ni, yiri yo m kpe nsan su bo m ba nie am busu a. Kabo ba kere i Nyeme Jɔre Kadasi n nu ni, ka, “Jɔre kere bo ba kan i na i ti nahɔre, má ka mine nnyɔ, wara mine nsan adi i daani.”

² Saɲga bo m yo baari am do ba nieeri am kpe nnyɔ su ni, m yo bobɔɔri am nbem. Kisa na m wo má am do ni, m koro ka m bobɔ bu bekun fa kɔ nyini n su, ka nzen m baari, m yáki má bere n bo bu yo yoori satie ni, ni bo bu buka bu su kisa n kere. ³ Dama am ɲa am koro ka am ɲu deke bo i kere ka Kristo fa m su, ye i jɔjɔ am do sɔ a. Tɔ, am aɲu ka yiri ti má bo i la má faɲga, ama, i la yiko am nu. ⁴ Nahɔre, saɲga bo bu yo kpamaari i baka jaanu n su ni, i yo la má faɲga, ama, haari ni nyini n kere, kisa i la ngɔɔ wo bere, Nyeme dee yiko n dee ti. Sɔ ye i ti a, yere bo ya ni yiri kere ayo kun ni, yere mmɔɔ la má faɲga lee, ama, Nyeme yiko n dee ti, ye ya ni yiri súwo a, na ya yo juma ma am.

⁵ Ambere ni am tii, am fiiti am ɲu na am nie ka am woowa kere ka am ayo yarada nahɔre su, wara am ayo má. Am si má ka Yesu Kristo wo am do ɔ, nzen se? I wo am do yiri, ɲka am woowa kere ka am ayo má yarada nahɔre su wɔ. ⁶ M la tama ka am bá si ka, yere, ya ti má bo bu woowa kere ka ba yo má yarada nahɔre su ni. ⁷ Haari ni nyini mmɔɔ, ya sere Nyeme

ma am wɔ, ka, má am yo sa be bo i kɔ má atin su, má ka ya koro ka mine ɲu ya woowa na i kere ka ya yo yarada nahɔre su, ama, ya koro ka am yo sa bo i ti kpa a, haari nzen má minem ɲu ya woowa na i kere ka ya yo má yarada nahɔre su. ⁸ Yere, ya koro yo má deke bo i jaraki nahɔre ni, ama, ya yo deke bo i su nahɔre ni ɲgumi su a. ⁹ Ya ahore ti jɔwa a, saɲga kere bo ya la má faɲga, na amberɛ la yiko Nyeme dɔ. Ahin n ye ya sere Nyeme ma am a, ka, i ma am woowa yo kabo i koro ni. ¹⁰ Nyini mmɔɔ dɛɛ ti, ye m wo má am dɔ ye m sukere am ahin kadasi n sɔ n a, adena m ba baari am dɔ, na má m fa Mibiɛ n yiko n fa yi am anyumboro, nyini yiko n ye i maari m ka m fa buka am, na am kɔ mɔ ni am nyemesu n a, wɔ ma má m ka m fa saaki am ji wɔ.

¹¹ M ninbaam, jɔre bo wɔ ka n la ka, am ma am ahore jɔ, am boro am nyi na am wo wo kpa, am ti kabo m sereeri am ni, am la anɔɔsɛ ni am bengum, am wo ni tanalaifiɛ. Nyeme ti tanalaifiɛ ni korofɔ a, yiri wó am dɔ a. ¹² Am bisa am bengu dɔɲgu ni koro. Nyeme minem kere bo bu wo fɛn n bisa am kere dɔɲgu.

¹³⁻¹⁴ Ya Mibiɛ Yesu Kristo dɛɛ ahɔrɔma ni, ni Nyeme dɛɛ koro ni, ni Awiewiɛ Casi n dɛɛ wo fiɛ n wo am kere dɔ.

Pɔɔlu kadasi bo i kerɛ fa maari GALATIYAFOM ni

¹⁻² Mini Pɔɔlu bo m ti Yesu Kristo jaramasa n ni ya ninbaam bo bu wo m dɔ fen n kerɛ, sukere ahin kadasi n ma ambere Kristo jama minem bo am wo Galatiya dɛɛ awɔrɛ n nu n wɔ. Yesu Kristo ni ya Si Nyemɛ bo i tengeeri Kristo i yiwee n nu ni, afa m ayo i jaramasa, má adamande yoori m a, bekun má minem gusu faari juma n maari m a.

³ Ya Si Nyemɛ, ni ya Mibiɛ Yesu Kristo buka am, na bu ma am ahoreda. ⁴ Ya Si Nyemɛ koroyanu n dɛɛ ti, na wɔ ma Yesu ade ya jinaabiri awu ya satie dɛɛ ti, adena i de ya fite ahin durunya tie n bo ya wo nu n nu. ⁵ Yiri ti ye ni ka minem kerɛ kansi i sanɔa kerɛ sanɔa. Ami.

Labari kpa kun n kpein n wo bere a

⁶ Am jɔrɛ amie m bo m si má kabo m kan. Kristo dɛɛ aɲunfo si ti, ye Nyemɛ afere am ka am ba su i, wɔ nya ce má, ye am akaaki am sin abo i ndende, susu labari barasu be bo i wo i ɲgumi ni labari kpa n ni. ⁷ Labari kpa nyinga be wo má bere, deke bo i ti na m se sɔ n la ka, minem nbem koro ka bu ta am nyi wɔ, na bu fa kereewa barasu nbem kaaki Kristo labari kpa ni. ⁸ Ama, haari nzen yere be, wara nzen Nyemɛ mereke be fiteeri aɲgoro ba kaanri labari barasu be, na i ti má kabo ya du mɔ kaanri i ni, Nyemɛ yó i mi ɲgbɛɛn. ⁹ Kabo ya du mɔ ase am ni, nyini ye m kaaki suse am bekun n a, ka, nzen be ba kaanri labari barasu be bo i wo i ɲgumi ni bo am ade i ni, Nyemɛ yó i mi ɲgbɛɛn.

¹⁰ Bu ɲa m suyo m juma n ka mine kansi m wɔ, ama, i ti má sɔ, m koro ka m yo bo Nyemɛ kansi m wɔ, m suyo má sa bo mine se ka m ti kpa. Nzen má m ɲa m yo sa bo i sun mine nu, má m koro yo má Kristo akɔɔ.

Kabo Pɔɔlu ba yoori Kristo jaramasa barasu ni

¹¹ M ninbaam, m koro ka am si ka labari kpa n bo m kaanri i jɔrɛ kereeri am ni, i ti má deke bo i fite adamande sunsunni nu wɔ. ¹² I ti má ka m deer i fiteeri adamande dɔ ɔ, má be gusu kaaki fa kereeri m a. Ama, Yesu Kristo ni i tii yiiri i kereeri m a.

¹³ Am yo tiiri kabo m woowa yo ti barasu, sanɔa bo m yo suuri Yudafo m dɛɛ atin n su ni. M yo kereeri Kristo jama n wuwuruwa agaya, na má m butu bu. ¹⁴ M yo suuri Yudafo m atin n su nahɔrɛ su taraari m sara sufom donɔgu bo bu su nyini atin n su ni. M nyunu yo boroori agaya kabo m yo na m su ya nana sayoowam su. ¹⁵ Nyemɛ ahɔrɔma n dɛɛ ti, sanɔa bo bu nya wu má m ni, ye i yiiri m ka m yo i juma n a. Sanɔa n bo i suunri Nyemɛ nu n ba juuri ni, ¹⁶ na wɔ yi i Wa n akere m, adena m kɔ kan i labari kpa n jɔrɛ kere minem bo bu ti má Yudafo m ni, ye ma kɔ má be dɔ na i kɔ kere m kabo m yo n a. ¹⁷ Ma kaaki akɔ má Yerusalem mie kpiri n nu na m kɔ ɲu minem bo bu du mɔ ti Kristo jaramasam ni. M kɔori Arabiya asien n su wɔ, na ma fite dɔ, na ma nya akaaki akɔ Damasiko mie kpiri n nu. ¹⁸ I dɛɛ afɔ nsan sin, na ma kɔ Yerusalem ka m kɔ nie Kefasi busu, yiri bo bu kaaki fere i ka Petoro ni, na ma kɔ awo i dɔ cɛɛn buru ni nnu. ¹⁹ Sanɔa bo m woori dɔ ni, ma ɲu má Kristo jaramasam n be abuka má su, má ka Yakobo, ya Mibiɛ niema ni.

²⁰ Nɔɔnɛ n bo m sukere ma am ni, i ti nahore wo, m bu má kore. Nyeme ti m daanifo a. ²¹ Nyini sin na ma fite Yerusalem, na ma ko Siriya ni Silisiya dee aworem n nu. ²² Nyini sangha Kristo jamam n bo bu wo Yudiya awore n nu n be nya nu má m na bu ba si m, ²³ se ba ti ka mine na, "Ahin sono n yo kere ya wuwuruwa a, na i kun mine bo ba de Kristo labari kpa n na i mini bu, kisa i nati kan labari kpa n jore kere mine wo." ²⁴ Deke n bo Nyeme ma m koro yoori i n dee ti, na ba kansu Nyeme.

2

Pɔɔlu ni i beɲu jaramasa nbem jore

¹ Sangha bo ya fite Yerusalem mie kpiri n nu ni, i afo buru ni nna sin, na m ni Banabasi akaaki ako do bekun, na ya fa Titosi abuka ya nu su. ² Deke n bo i ti na m koori n la ka, Nyeme kereeri m ka m ko a. Na m ni Kristo jama nkpienkpienm n atien ya noo ya ngumi deke be, na ma kan ateke bu nyi, akere bu fa ko labari kpa n jore bo m kan kere minem bo bu ti má Yudafom ni. Dama ma koro má ka juma n bo m suyo i n kere ka ngbeen. ³ To, haari ni bo Titosi yo woori m do na i ti má Yudafom ni, ba mie má i ka i wura kenkenne. ⁴ Ama, be abisa má ya i jore be, se mine nbem ba sanghaari ya nu, bu yo bu nu ka bu ti Kristo dee minem wo. Bere seeri ka wo yo daka ka i wura kenkenne n a. Bu faari bu nu mataari ya a, adena bu nie kabo Yesu Kristo dee ti na ya nya ya tii ni. Má bu koro ka ya su noanie kpamaawa n su wo, na ya yo akoom. ⁵ Ama, na ya fa nu, ya ma má bu anyunu fieo, adena má be kaaki i sin bo labari kpa n bo i ti nahore, na ya kan kere am su. ⁶ Bere n bo mine bu bu ka bu ti nkpienkpienm ni, m cee awo má bu nu ka bu ti nkpienm, dama Nyeme tambu má nu, nyini nkpienkpienm n gusu ala má kaakiiwa bo bu kaaki m fa ko m labari kpa n su. ⁷ Se deke bo bu nuuri i n la ka, Nyeme ye wo yi m ka m kan i labari kpa n jore kere minem bo bu ti má Yudafom n a, kabo wo yi Petoro ka i kan i labari kpa n jore kere Yudafom ni. ⁸ Dama Nyeme ama m yiko ka m kan i labari kpa n jore kere minem bo bu ti má Yudafom ni, kabo wo ma Petoro yiko ka i kan i labari kpa n jore kere Yudafom ni. ⁹ Na Yakobo, ni Petoro, ni Yohane bo mine bu bu ka bu ti Kristo jama mafom n anu ka, Nyeme ama m nyini juma n ka m yo i a, nyini dee ti, na ba fa bu saa awura m ni Banabasi saa nu, na ba de ya ni bu saa nnyo. Na ya kere asoro su ka m ni Banabasi ko yo juma ni minem bo bu ti má Yudafom ni, na bere gusu ko yo juma ni Yudafom ni. ¹⁰ Ama, jore n bo bu seeri ya n la ka, má ya wara fi yaarifom sa. Nyini ye m yo la anyumboro ka m yo i a.

Kabo Pɔɔlu jarakiiri Petoro barasu ni

¹¹ Ama, Petoro ba baari Antiyoki mie kpiri n nu na ma jaraki i, ma fie má i su, dama sa n bo i yoori i ni, wo ko má atin su. ¹² Sangha bo i du mo ba tuuri ya ni, i ni ya ninbaa Kristofom bo bu ti má Yudafom ni sangha di diire a. Na mine nbem afite Yakobo do aba ka bu ba nie ya busu. Bu ba juuri ni, na wo cin i nu afite minem bo bu ti má Yudafom n nu. I ni bere asanga adi má diire kun, dama i soro Yudafom n ahore wo. ¹³ I yoori so ni, na Yudafom nyingam bo bu wo Antiyoki n gusu ayo kabo i yoori ni. Bu si kabo má bu yo, ama, ba yo má so. Na Banabasi gusu ason bu su. ¹⁴ M nuuri ka bu su má Yesu labari kpa n bo i ti nahore n su ni, na ma se Petoro jama n kere nyunu ka, "Woro, a ti Yudafom o, ama, u woowa ti ka bo bu ti má Yudafom wo. Ye nzu ti ye a koro ka a mie minem bo bu ti má Yudafom na bu wo kabo Yudafom wo barasu n a?"

Yarada dɛɛ ti ye sɔnɔ kɛrɛ nya tiide a

¹⁵ Nahɔrɛ, ya fiteebiri, yɛrɛ ti Yudaƒom wɔ, ya ti má minem bo bu su má Nyɛmɛ na ya fere bu ka satieyofom ni. ¹⁶ Ya si ka na nzen sɔnɔ yo Yesu Kristo yarada, ye Nyɛmɛ de i mi ka i yo sa bo i kɔ atin su i dɔ a, ama, i ti má ka i mi su Nyɛmɛ nɔanie kpamaawa n su, ye Nyɛmɛ de i ka i yo sa bo i kɔ atin su i dɔ a. Tɔ, ye yɛrɛ gusu ayo Yesu Kristo yarada, adena Nyɛmɛ de ya ka ya yo sa bo i kɔ atin su i dɔ, i ti má ka ya su nɔanie kpamaawa n su n dɛɛ ti a. Dama be wo má bɛrɛ bo i su nɔanie kpamaawa n su na Nyɛmɛ de i ka wɔ yo sa bo i kɔ atin su i dɔ. ¹⁷ Kabo ya boro ya nyi na ya su Kristo su na Nyɛmɛ de ya ka ya yo sa bo i kɔ atin su i dɔ ni, nyini kere ka yɛrɛ Yudaƒom gusu ti satieyofom ka minem bo bu ti má Yudaƒom ti n wɔ. Ama, nyini n sukere má ka Kristo subuka minem na bu yo satie wɔ lɛɛ. Ai, i ti má sɔ. ¹⁸ M yo su nɔanie kpamaawa n su wɔ, ama, ma yaki i, nzen kisa na m ɲa m kaaki bo i bu su i su bekun, nyini saɲga, ma fa m ɲu ayo satieyofom lɛɛ nahɔrɛ su.

¹⁹ Mini dɔ, fa kɔ nyini nɔanie kpamaawa n su, i yo m ka ma wu wɔ, m su má i su kun, adena m nya ɲɔɔ Nyɛmɛ dɔ. I ti ka m ni Yesu Kristo asaɲga awu baka jaanu n su a. ²⁰ Ahin ɲɔɔ n bo m la i ni, durunya n nu fen ni, yiri Nyɛmɛ Wa n koro m dɛɛ ti, na wɔ wu ama m, na ma yo i yarada, nyini dɛɛ ti ye m la ɲɔɔ n a. ²¹ Ma kete má kabo Nyɛmɛ ayo ya sakpa akere i koro barasu ni. Ama, deke bo m suse n la ka, nzen sɔnɔ ɲa i su nɔanie kpamaawa n su, na nyini kere ka wɔ yo sa bo i kɔ atin su Nyɛmɛ dɔ, nyini la ka, yiwee n bo Kristo wuuri i n ti ɲgbɛɛn wɔ lɛɛ.

3

Nɔanie kpamaawa n ni yarada jɔrɛ

¹ Ambere Galatiyafom, am la má ɲɔnɔlɛ wɔ. ɲma adadaka am a? M yo seeri am, kabo Yesu Kristo wuuri baka jaanu n su barasu ni, ma fie má am su. ² Am ma m bisa am ahin bisaawa ni, am suuri nɔanie kpamaawa n su n dɛɛ ti, ye am deerɛ Nyɛmɛ Awiewie Casi n a? Wara nzen bo am tiiri Yesu labari kpa n jɔrɛ na am yoori yarada n dɛɛ ti, ye am deerɛ i a? ³ Nzu ti ye am la má ɲɔnɔlɛ sɔ a? Am boori i bu ni Awiewie Casi n wɔ, ye i baari se ye am koro ka am fa am faɲga wiewie i a? ⁴ Deke n kere bo Nyɛmɛ ayo i na am aɲu i n ti ɲgbɛɛn wɔ lɛɛ, nzen se? Mini dɔ, i ti má ɲgbɛɛn. ⁵ Bo am ati labari kpa n na am ayo yarada n dɛɛ ti, ye Nyɛmɛ afa i Awiewie n ama am, ye Nyɛmɛ yoori alekutura sam am nu a, nzen bo am su nɔanie kpamaawa n su n a?

⁶ Nyini ye ba kere i Nyɛmɛ Jɔrɛ Kadasi n nu ka, “Abraham yoori Nyɛmɛ yarada n dɛɛ ti, ye Nyɛmɛ ade i ka i yo sa bo i kɔ atin su i dɔ n a.” ⁷ Nyini kere ya ka, bo ba yo Nyɛmɛ yarada ni, bɛrɛ ti Abraham busu nufom nahɔrɛ su a. ⁸ Nyɛmɛ Jɔrɛ Kadasi n kere ka, minem bo bu ti má Yudaƒom bá yo Nyɛmɛ yarada, na i de bu ka ba yo sa bo i kɔ atin su i dɔ. Nyɛmɛ du mɔ kaanri labari kpa n jɔrɛ kereeri Abraham wɔ, na wɔ se i ka, “Wɔrɔ dɛɛ ti, ye m yó adamande kere kisi a.” ⁹ Nyini ti, sɔnɔ kere bo i yo yarada, Nyɛmɛ yó i kisi, kabo Abraham yoori yarada, na Nyɛmɛ yoori i kisi barasu ni.

¹⁰ Sɔnɔ kere bo i su nɔanie kpamaawa n su na i sunsun ka Nyɛmɛ dé i ka wɔ yo sa bo i kɔ atin su, Nyɛmɛ nɔɔ dí i mi. Dama ba kere i Nyɛmɛ Jɔrɛ Kadasi n nu ka, “Nyɛmɛ nɔɔ dí sɔnɔ kere bo i ɲa i su nɔanie kpamaawa n su, na i su má i kere kpakpati su kɔ wie má.” ¹¹ Ya si ka, má ka sɔnɔ su nɔanie kpamaawa n su ye Nyɛmɛ de i mi ka i yo sa bo i kɔ atin su i dɔ a. Dama ba kere i Nyɛmɛ Jɔrɛ Kadasi n nu ka, Nyɛmɛ ɲa, “Sɔnɔ bo i yo sa bo

i kɔ atin su m dɔ, i nyá ngɔɔ, i yarada n dɛɛ ti.” ¹² Nɔ́anie kpamaawa n wo bere i ngumi, na yarada n bo ya yo Nyeme n gusu wo bere i ngumi. Ba kere i Nyeme Jɔre Kadasi n nu ka, “Sɔ́nɔ kere bo i su nɔ́anie kpamaawa n kere su, i mi nyá ngɔɔ.” ¹³ Ama, sɔ́nɔ kere bo i su nɔ́anie kpamaawa n su, Nyeme nɔɔ dí i mi, nyini dɛɛ ti ye Kristo kaari ngbɛɛn wuuri baka jaanu n su deerɪ ya tii jiiri n a. Dama ba kere i Nyeme Jɔre Kadasi n nu ka, “Nyeme yó sɔ́nɔ kere bo ba sense i baka n su ngbɛɛn.” ¹⁴ Deke n bo i ti na Yesu Kristo wuuri nyini yiwee n la ka, nɔ́anie n bo Nyeme diiri i di ni Abraham ka i yó minem bo bu ti má Yudafoṃ kisi ni, nyini dɛɛ ti, nzen ya yo Kristo yarada, Nyeme ɲa i ma ya Awiewie Casi n bo wɔ di i di ka i fa ma ya ni.

Sesesu n bo Nyeme diiri i di ni Abraham n jɔre

¹⁵ M ninbaam, m koro ka m fa adamande woowa na m fa kere kabo Nyeme woowa ti barasu. Nzen mine nnyɔ afa sesesu adi i di ka bu yo deke be, sɔ́nɔ wo má bere bo i koro kete i, wara i kaaki i. ¹⁶ Nyini ti, Nyeme diiri nyini di n ni Abraham ni i busu nufɔ n wɔ, wɔ se má ka i busu nufɔm kere, ama, i ɲa i busu nufɔm kun, yiri la Kristo. ¹⁷ Deke bo m suse n la ka, Nyeme yo faari sesesu wɔ, na wɔ di i di ni Abraham ka i yo i. Na i dɛɛ afo yaa nna ni afo aburasan sin, na wɔ fa i nɔ́anie kpamaawa n ama Moyisi, ama, sesesu n bo wɔ du mɔ adi i di ni, i koro saaki má i. ¹⁸ Sesesu n bo Nyeme diiri i di n dɛɛ ti, ye Nyeme ceeri Abraham aceeri n a. Má ka bo i su nɔ́anie kpamaawa n su dɛɛ ti ye i ce i aceeri n a.

¹⁹ Nzen i ti sɔ, nzu ti ye Nyeme ma Moyisi yo faari i nɔ́anie kpamaawa n maari minem a? Nyeme koro ka mine si kabo satie n ti wɔ, ye i faari i nɔ́anie kpamaawa n maari a, fa kɔ ju sanɲa bo Abraham busu nufɔ ni bá ba. Yiri ye Nyeme diiri i di ni Abraham n a. Nyeme yo faari i nɔ́anie kpamaawa n maari i merékem wɔ, na ba kan akere Moyisi bo i wo Nyeme ni i minem afien, na i gusu anya akan akere minem ni. ²⁰ Nyeme yo faari i nɔ́anie kpamaawa n maari merékem, ni Moyisi wɔ, ye bu kan kereeri minem a, ama, sesesu n bo Nyeme yo diiri i di ni Abraham ni, be wo má bu afien, se Nyeme ngumi.

Deke n bo i ti na Nyeme faari i nɔ́anie kpamaawa n maari i ni

²¹ Nɔ́anie kpamaawa n kete dekem bo Nyeme seeri ka i yó i ni, nzen se? Ai, i kete má. Nzen má nɔ́anie kpamaawa n be wo bere bo i koro ma ngɔɔ, nyini la ka, nzen sɔ́nɔ suuri nɔ́anie kpamaawa n su, ye Nyeme de i ka i yo sa bo i kɔ atin su i dɔ a. ²² Ama, ba kere i Nyeme Jɔre Kadasi n nu ka, sɔ́nɔ kere ti satieyofɔ ɔ, adena minem bo bu yoori Yesu yarada ni, bere nyá deke n bo Nyeme seeri ka i fá ma yaradayofɔm n a. ²³ Sanɲa bo Yesu nya ba má na ya yo i yarada ni, ya yo su nɔ́anie kpamaawa n su a, nyini nɔ́anie kpamaawa ni, i kere ya kabo ya yo, ye i nie ya su a, haari ba fa juuri sanɲa n bo Yesu baari na ya yo i yarada ni. ²⁴ Nyini ti, kana Yesu bá ba ni, nɔ́anie kpamaawa n ti ka sɔ́nɔ bo i bita ya a, haari na Yesu aba aba, adena Nyeme de ya ka ya yo sa bo i kɔ atin su i dɔ, ya yarada n dɛɛ ti. ²⁵ Ama, ahin sanɲa n bo ya yo Yesu yarada ni, nɔ́anie kpamaawa n bita má ya kun. ²⁶ Amberɛ kere bo am ayo Yesu Kristo yarada ni, nyini dɛɛ ti ye am ayo Nyeme nbaam a. ²⁷ Amberɛ kere bo bu bieeri am Nyeme nzue ni, am ni Kristo ayo kun læɛ, nyini kere ka am ade i dɛɛ woowa n wɔ læɛ. ²⁸ Nyini ti, kabo am ni Kristo ayo kun ni, am kere ti deke kun wɔ læɛ. Bo bu ti Yudafoṃ ni bo bu ti má Yudafoṃ, bo bu ti akɔɔnbaam ni bo bu ti má akɔɔnbaam, nbiesɔm ni nbaram kere akaaki deke kun wɔ læɛ. ²⁹ Kisa am

ti Kristo dɛɛ minɛm wɔ, nyini la ka, am ti Abraham busu nufɔm wɔ, bo am nyá deke n bo Nyɛmɛ seeri ka i fá ma i minɛm ni.

4

¹ Deke n bo m suse am la ka, awurubaa bo i bá di i si nenje n kɛɛ aja, na i nyunu nya ti má ni, i ni akɔɔbaa ti kun wɔ, haari bo i si aja n kɛɛ ti i dɛɛ ni. ² Saɗga bo i toko ti kaan ni, i wo i minɛm saa nu wɔ, ye bu niɛ i su a, haari fa kɔ ju saɗga bo i si seeri ka i di aja ni. ³ Ya gusu yo ti sɔ ɔ lɛɛ, dama saɗga bo ya yo si má Yesu jɔɛ ni, ya yo ti akɔɔm wɔ, fa kɔ durunya n nu satie yoowam su. ⁴ Ama, saɗga n ba juuri ni, na Nyɛmɛ asunma i Wa, na ba wu i kabo bu wu adamande ni, nɔanie kpamaawa ni bita i a, ⁵ adena i koro de minɛm bo nɔanie kpamaawa n bita bu n tii ji, na bu yo Nyɛmɛ nbaam nahɔɛ su.

⁶ Ya ti Nyɛmɛ nbaam dɛɛ ti ye i sunmaari i Wa n dɛɛ Awiewie n ka i ba wura ya ahorembaa su. Nyini ti, ye ya koro bo fere Nyɛmɛ ka, “Abba,” i bu la ka, “M Si.” ⁷ Nyini ti, a ti má akɔɔ kun, a ti Nyɛmɛ wa a. Nzen a nya ti Nyɛmɛ wa, nyini la ka, i má u deke n kɛɛ bo i fa ma i nbaam ni.

Kabo Pɔɔlu cɛɛ woori Galatiyafom nu ni

⁸ Saɗga bo am nya si má Nyɛmɛ ni, am yo suuri dekem bo bu ti má Nyɛmɛ n wɔ, ye am ayo bu akɔɔm a. ⁹ Ama, kisa, am asi Nyɛmɛ, wara yiri Nyɛmɛ asi am. Nzu ti ye am koro ka am kaaki am sin bo Nyɛmɛ a, na am su durunya n nu satie yoowam, bo bu la má faɗga n su a? Nzu ti ye am koro ka am yo bu akɔɔm na am kaaki su bu bekun a? ¹⁰ Am nyunu aboro cɛɛnkpirim ni yoowam n su a, bɛɛ la yoowa n bo am bu lemɔcɛ kɛɛ ni, ni bo am yo i sara kɛɛ ni, ni bo afɔ ba ye na am yo bu ni. ¹¹ M koro má ka juma n kɛɛ bo ma yo i ama am n ka ngbɛɛn, nyini ti ye am sayoowa kpie m daafiri cɛɛn kɛɛ n a.

¹² M ninbaam, m susere am wɔ, am ma am woowa ti kabo m woowa ti barasu ni, dama m woowa ti kabo am woowa ti n wɔ. Am ado má mini ngasi be. ¹³ Am si ka saɗga bo m du mɔ ba kaanri labari kpa n jɔɛ kereeri am ni, m yo la má laifie n dɛɛ ti, ye m koro nyaari atin a. ¹⁴ Haari ni bo m yo la má laifie n kɛɛ ni, na i yoori kekereke ma am ni, am akete má m, abu má m ngbɛɛn, ama, am deeri m ni am saa nnyɔ ɔ, kabo má am de Nyɛmɛ mereke wara Yesu Kristo barasu n wɔ. ¹⁵ Nzu ti ye kisa am ahore ti má jɔɔwa kabo i yo ti dawa n a? Nyini saɗga ni, mini mmɔɔ ni m tii si ka, nzen má m yo seeri ka am lokoti yi am nyumbaa fa ma m, na má am koro yo i, má am yó i wɔ. ¹⁶ Bo m tu am fɔ seeri am nahɔɛ n dɛɛ ti, ye kisa ma kaaki am kpɔfɔ a? ¹⁷ Nyini minɛm bo bu boro bu nyi na bu cɛɛ wo am nu ni, bu sunsunni ti má kpa. Bu koro ka am kaaki yaki Kristo atin n wɔ, na am boro am nyi su bu dɛɛ atin n su. ¹⁸ Nzen má am nyunu aboro nahɔɛ su ka am yo sakpa saɗga kɛɛ, má i ti kpa, nzen haari m wo má am dɔ mmɔɔ. ¹⁹ M nbaam, am jɔɛ yo m yaa, kabo bara ba suwu baa na i yo i yaa barasu n wɔ, i suyo m yaa sɔ ɔ, má ka Kristo aba awo am nu, na am woowa ti kabo Kristo woowa ti barasu ni. ²⁰ M ahore su, má m koro ka m wo am dɔ kisa, na m da m bɔɛ na ya bo anzama, dama ma tanda fa kɔ am dɔ.

Saara ni Haga woowa n dɛɛ jɔɛ

²¹ Ambere bo am koro ka am su Nyɛmɛ nɔanie kpamaawa n su ni, am si má kabo i nɔanie kpamaawa n kɛɛ n wɔ, nzen sɛ? ²² Ba kɛɛ i Nyɛmɛ Jɔɛ Kadasi n nu ka, Abraham yo la nbaa nbiesɔm nnyɔ ɔ, baa n bo afani n wuuri i ni, ni baa n bo awurubara wuuri i ni. ²³ Baa n bo afani n wuuri

i ni, kabo bara kere nyinse, na bu wu baa ni, i nyinse wuuri i so o. Ama, awurubara n dee wa n bo i wuuri i ni, kabo Nyeme yo seeri Abraham n ye i wuuri i a. ²⁴ Kabo nbara nnyom woowa n ti ma kun na bu woowa wo i ngumi ni, i la bu wo. Bu ti ka sesesu nnyom bo Nyeme diiri i di n wo. Kun la Haga, afani n bo i dee busu nufom ti akoom ni. I kere kabo Nyeme noanie kpamaawa n bo i yo fa maari Moyisi Sinayi Buka n su n maari minem yoori akoom barasu n wo. ²⁵ Haga ade Sinayi Buka n bo i wo Arabiya asien n dee jinaabiri wo, i ti ka Yerusalem mie kpiri n bo i wo durunya n nu fen kisa n wo, i ni i busu nufom kere ti akoom wo. ²⁶ Ama, Yerusalem n bo i wo angoro n dee minem anya bu tii, bere ti awurubara Saara dee nbaam a, yiri ti ya ni a. ²⁷ Dama ba kere i Nyeme Jore Kadasi n nu ka,

“Woro bara noroka ni, bo a wu ma baa ni,
ma u ahore jo ko sin su.

Tien, na a siri ni ahorejo,

woro bara n bo a si ma baawu yaari ni,
dama bara n bo i hun akete i n la nbaam
tara bara n bo i la hun ni.”

²⁸ M ninbaam, kisa ambere ti ka Izaki bo i ti awurubaa n a, dama yiri ye Nyeme seeri Abraham ka bu wu i n a, ye ambere gusu ti Nyeme nbaam n a. ²⁹ Kabo nyini sanja na afani n wa n yo kereeri awurubara n wa Izaki n wahara ni, yiri ye bu wuuri i ni Awiewie Casi n dee yiko nu a. Minem bo bu su Moyisi noanie kpamaawa n su ni, sumie yere n bo Nyeme Awiewie n yiko nu na ya kaaki Nyeme nbaam n so lee. ³⁰ Nyeme Jore Kadasi n se se wo? I na, “Fon yi ahin afani n ni i wa n fite fen. Wo ti ma ye ni ka ahin bara n wa n nya aja nenge n be. Ama, i ti ye ni ka awurubara n wa ni fa i kere a.” ³¹ Nyini ti, m ninbaam, ya ti ma afani n dee nbaam, ama, ya ti awurubara n dee nbaam wo.

5

Kabo ya bita ya tiide n bo ya nya i n kenken

¹ Kristo ade ya tii aji, nyini ti, am wo ni nyini tiide n bo am anya i n nu, am bita i kenken na ma am wo ka am ti akoom kun.

² Am ti kabo mini Poolu suse am ni. Nzen am soro su na be wuraari am kenkenne, nyini la ka, deke n bo Kristo ayo ama am n ti ngbeen wo lee. ³ M koro ka m bobo am wo lee bekun, ka sono kere bo i soro su na bu wuraari i kenkenne, wo yo daka ka i mi su noanie kpamaawa n kere su, ma i yaki kun n kpein mmoo. ⁴ Ambere bo am sunsun ka am su noanie kpamaawa n su, na am na nyini ma Nyeme de am ka am yo sa bo i ko atin su i do ni, am ni Kristo akpaaki lee, am di ma Nyeme ahorma n kun. ⁵ Ama, yere yiri, Awiewie Casi n ama ya yo yarada, ye ya la ahoresi nminda ka Nyeme ba de ya ka ya yo sa bo i ko atin su i do. ⁶ Nzen ya ni Kristo ayo kun, na ya wura kenkenne, i ti ma pui, nzen ya wura ma kenkenne gusu, i ti ma pui. Ama, nzen ya yo Yesu Kristo yarada, na ya koro ya bengum na ya yo sakpa, nyini ti jore n a. ⁷ Kabo am yo su Kristo atin n su ni, am yo boro am nyi wo nahore su. Kisa nma adaka am ye am akaaki am sunsunni ka ma am de nahore n a? ⁸ Nyini noanie n bo ba fa akaaki am sunsunni n fite ma Nyeme bo wo fere am ka am ba su i n do. ⁹ Bu na, ayiri n bo bu fa go kpono nu n ti kaan so o, ama, yiri ma i yasu yo dongu a. ¹⁰ Ama, m la ahoresi fa ko am do, kabo ya ni ya Mibie Yesu Kristo ayo kun ni, ka, am kaaki ma am sunsunni na am yaki atin n bo ya bita i ni. Sono kere bo i koro ka am kaaki am sunsunni ni, Nyeme cin i mi sui.

¹¹ M ninbaam, nbem na m toko nati kan i ka i ti ye ni ka Kristo minem kere wura kenkenne. Nzen ma i ti nahore ka m kan i so o, ye nzu ti ye Yudafo m kere m wuwuruwa n a? Nzen ma m kan i so, ye haari nzen m kan fa ko yiwee n bo Yesu wuuri i baka jaanu n su ni, ma i ti ma jore. ¹² Minem bo bu mie am ka am wura kenkenne ni, ma i yo m fie ka bu sa bu nu na ma bu bieso dika yo juma.

¹³ M ninbaam, Nyeme afere am ka i de am tii ji wo. Ama, ma am nie ka am anya am tii n dee ti, na am yo am kunnu koroowa, ama, am koro am bengu nahore su, na am buka am bengu. ¹⁴ Dama Nyeme nonie kpamaawa n kere jina nonie maawa kun su a, yiri la ka, "Koro u bengu kabo a koro u nu ni." ¹⁵ Ama, nzen sangha kere na am sudi aluwa na am nuni sukpi am bengu nu, na am asi ma am nu sa, am saaki am nu nu wo lee.

Nyeme Awiewie n ni adamande woowa

¹⁶ M suse am wo, am wo kabo Awiewie Casi n kere am ka am wo ni, adena ma am yo am kunnu koroowa kabo dawa na am yo yoori barasu ni. ¹⁷ Dama deke bo yere adamande kunnu koro i ni, Awiewie Casi n koro ma i, ye deke bo Awiewie Casi n koro i ni, yere adamande dee woowa n koro ma i. Nyini ti, sangha kere yere adamande dee woowa n ni Awiewie Casi n se akuruwa ni i bengu wo. Nyini ye ya koro yo ma kabo ya koro ka ya yo n a. ¹⁸ Nzen am yo kabo Awiewie Casi n koro ka am yo ni, nonie kpamaawa n nie ma am su kun.

¹⁹ Sono kere si kabo minem bo bu su adamande woowa su n ti barasu. Yiri la sakaraya, ni dangba sayoowam, ni konvikiya ngbeenngbeenm. ²⁰ Na bu su amoe, ni ayiri di ngbeenngbeen, na bu sukpo mine, na bu sukpi ni jore, na bu susi kore, na bu sufa yaa, na bu suyo anyii sam, na bu suse akuruwa kpakpaaki bu nu nu, ²¹ na bu susi bu bengum kore, [na bu sukun mine,] na bu sunu nzan bo, na bu suyo ngbeenngbeen kabo nzan nufom yo barasu ni, na bu suyo sa barasu nbem. Kabo ma du mo ase am ni, m toko bobo am wo lee, ka, sono kere bo bu yo nyini sam ni koro wura ma Nyeme femeya n nu.

²² Ama, deke bo Awiewie Casi n ma mine yo i la ka, bu koro bu bengu, na bu la ahorejo, na bu ahorembaa ti daawa, na bu la mindi, na bu buka mine, na bu yo sakpa, na bu la dabunu, ²³ na bu yo bu nu tarakam, na bu la tarabunu. Nonie kpamaawa be wo ma bere bo i jaraki minem bo bu bita nyini woowa atin ni. ²⁴ Minem bo bu ti Yesu Kristo deem ni, ba yaki bu dawa dee koroowa ni i sayoowam n kere, bu ti ka ba kpama bu baka jaanu n su ye ba wu a. ²⁵ Awiewie Casi n ama ya ngoo. Nyini ti, am ma ya wo kabo i kere ya ka ya wo ni. ²⁶ Ma am ma ya wura ya nu kpiri, na ma am ma ya yo sa bo i ye mine ahore su, na ma ya si kore.

6

Kabo ya buka ya lamoko Kristofom barasu ni

¹ M ninbaam, nzen am nu ka am nu be suyo satie, ambere bo am wo kabo Awiewie Casi n kere ka am wo barasu ni, am tara am nu benle, na am buka i mi na i yo sa bo i ti kpa. Na am si am nu sa, na ma am gusu yo satie be. ² Nzen am nu ka am bengu wo kekereke nu, am buka i. Nzen am yo so, nyini kere ka am ade Kristo kereewam n bo wo fa ama ya n nahore su lee. ³ Woro kere bo a ti ma pui, na a sunsun ka a ti be ni, a dadaka u nu wo lee. ⁴ Sono kere nie i sayoowa, nzen i mi nu ka i sayoowa ti kpa, nyini sangha, i mi koro kansu i nu. Ama, ma i nie ka i sayoowa tara i bengum dee

ti, na i fa fɔ. ⁵ Dama sɔnɔ kɛrɛ la i tienɔgu sayoowa. ⁶ Ambere bo bu sukere am Nyeme nɔanie n ni, am buka bere n bo bu kere am ni, ni deke kere bo am la i.

⁷ Má am dadaka am ɔu, na am sunsun ka be koro dadaka Nyeme, dama deke kere bo sɔnɔ yoori, Nyeme fá nyini tɔ i mi kaari a. ⁸ Nzen sɔnɔ yo kabo adamande woowa koro barasu ni, nyini má i mi wu a na i ka ngbeen. Nzen i yo kabo Awiewie Casi n koro ka i yo ni, nyini má i mi bá nya ngɔɔ bo i la má awieeri a. ⁹ Nyini ti, má am ma ya fie ni sakpayo, dama nzen ya fie má, na sanɔa n ba juuri, Nyeme tó ya ɔkato. ¹⁰ Nyini ti, nzen ya la deke ya saa nu bo ya fa yo sakpa, ya yo buka sɔnɔ kɛrɛ, maala ya lamoko Kristofom ni, bere yiri, i ti ye ni ka ya buka bu sanɔa kɛrɛ.

Awieeri su dɛɛ nɔanie bo Pɔɔlu fa kaari bu ni

¹¹ Am nie, mini ni m tii sufa m saa sukere ahin kereewa n ngbingbiri n kere ma am a. ¹² Minem bo bu mie am ka am wura kenkenne ni, bu koro ka mine kansi bu wɔ. Deke n bo i ti na bu yo sɔ n la ka, bu koro má ka mine kere bu wuwuruwa fa kɔ yiwee n bo Kristo wuuri i baka jaanu n su ni. ¹³ Bere bo ba wura kenkenne ni, bere mmɔɔ ni bu tii su má Nyeme nɔanie kpamaawa n su. Ama, deke bo i ti na bu koro ka am wura kenkenne n la ka, bu koro ka bu fa fɔ ɔ, ka, ba ma am asu bu dɛɛ yoowa n su. ¹⁴ Ama, mini yiri, m fɔ má yanfɔya fa kɔ deke be su, má ka fa kɔ yiwee n bo ya Mibie Yesu Kristo wuuri baka jaanu n su ni. Nyini yiwee n bo i wuuri i n dɛɛ ti, mini dɔ, m bu durunya n ka i ti ngbeen wɔ, na durunya n gusu bu m ka m ti ngbeen wɔ. ¹⁵ Dama nzen sɔnɔ su Kristo atin n su na wɔ wura kenkenne, i ti má pui, wɔ kaaki awura má kenkenne gusu, i ti má pui. Deke bo i ti jɔrɛ nahɔrɛ su n la ka, i ti ye ni ka mine nya wo fɔfɔrɛ bo i fite Nyeme dɔ ni. ¹⁶ Nyeme ma sɔnɔ kɛrɛ bo i su ahin atin n bo m kere n su ahoreda, na i si bu aɔunfɔ, dama bere ti Nyeme minem bo bu ti Yisarelifom nahɔrɛ su a.

¹⁷ Kisa m koro má ka be kpini jɔrɛ be ma m kun, dama m la deke bo i wo m ɔunie su sukere ka m ti Yesu dɛɛ wɔ.

¹⁸ M ninbaam, ya Mibie Yesu Kristo buka am kere. Ami.

Pɔɔlu kadasi bo i kerɛ fa maari EFESOFOM ni

¹ Mini Pɔɔlu bo Nyemɛ dɛɛ koroyanu na m ti Yesu Kristo jaramasa ni, sukere ahin kadasi n ma ambere Nyemɛ minem bo am wo Efeso mie kpiri n nu, na am bita Yesu Kristo atin n nahore su, na am ni yiri ayo kun ni.
² Ya si Nyemɛ, ni ya Mibiɛ Yesu Kristo buka am na bu ma am ahoreda.

Kabo Nyemɛ ayo ya kisi ni

³ I ti ye ni ka minem kerɛ kansɛ Nyemɛ, yiri bo i ti ya Mibiɛ Yesu Kristo Si, kabo i ma ya ni Kristo ayo kun ni, nyini dɛɛ ti, wo fa deke kpa kerɛ bo i wo angoro na i fite i Awiewie n do ni ayo ya kisi. ⁴ Dama sanɔa bo Nyemɛ nya yi má durunya ni, ye i yiiri ya ka ya yo i minem a, na ya ni Kristo yo kun, adena ya yo casi, na má be koro jaraki ya Nyemɛ do. Koro n bo i koro ya n dɛɛ ti, ⁵ wo du mo acici ka i fá ya yo i kunnu nbaam Yesu Kristo dɛɛ ti. Deke bo i koro ka i yo i ni, i koroowa lɛɛ. ⁶ I Wa koroowa n dɛɛ ti wo ma ya ahoroma ace ya nyini aceeri n bo i la má anusu n a. Nyini dɛɛ ti, i ti ye ni ka minem kerɛ kansɛ i fa ko sakpa n bo wo yo i ama ya n su. ⁷⁻⁸ Kabo ya ni Yesu Kristo ayo kun ni, i mbunja n bo i fiteeri i njunie nu sanɔa bo i wuuri n dɛɛ ti, ye Nyemɛ ade ya tii aji, afa ya satie kerɛ ace ya. Wo buka ya agaya, ama ya ahoroma bo i la má anusu, wo ma ya alecira ni si barasu kerɛ. ⁹ Nyemɛ ayi deke bo i du mo koroori ka i yo i, na i wo i ahorembaa su na be si má i n akere ya, Yesu Kristo ama wo yo yiiwa. I koroowa lɛɛ. ¹⁰ Nyini deke n bo Nyemɛ koroori ka i yo i n la ka, nzen sanɔa n ba juuri, i bo deke kerɛ kun, bo bu wo angoro, ni bo bu wo asiengu n kerɛ, na i má Yesu Kristo yo i kerɛ tii. ¹¹ Deke n kerɛ bo Nyemɛ adu mo acici ka i yo i ni, kabo yiri Nyemɛ koro n lɛɛ ye wo yo i n a. Ye wo yi ya ka ya yo i dɛɛ minem, na ya ni Kristo yo kun. ¹² Adena minem nu ya woowa, yere bo ya du mo afa ahoresi ni Kristo ni, na bu kansɛ Nyemɛ na bu wura i kpiri.

¹³ I ti so o lɛɛ am gusu do. Am tiiri labari kpa n bo i ti nahore na i ma am nya tiide n jore ni, ye am yoori Kristo yarada a, ye Nyemɛ afa i Awiewie Casi n ase am nyaari, kabo i yo seeri ni, yiri kere ka am ti i dɛɛ minem a. ¹⁴ Kabo wo du mo ama ya Awiewie Casi ni, nyini kere ka Nyemɛ má ya deke n kerɛ bo i seeri ka i fá ma i minem n a. Yiri ma ya yo yarada, na ya la ahoresi haari fa ko ju cɛɛn n bo ya nya tiide nahore su a. Nyini dɛɛ ti, minem nu kabo ya ti barasu na bu kansɛ Nyemɛ jirima woowa n bo i la má anusu ni, na bu wura i kpiri.

Kabo Pɔɔlu sereeri Nyemɛ maari Efesofom ni

¹⁵ Nyini dɛɛ ti, fite sanɔa bo m tiiri ka am ayo Kristo yarada ni, ni kabo am koro Nyemɛ minem kerɛ barasu ni, ¹⁶ am woowa dɛɛ ti, sanɔa kerɛ m da Nyemɛ asi, na m susere i ma am. ¹⁷ M sere ya Si Nyemɛ, i jirima woowa la má anusu. Yiri ti ya Mibiɛ Yesu Kristo Nyemɛ a. M sereeri i ka i ma i Awiewie Casi n buka am, na am nya alecira, na i teke am nyi, bo am si Nyemɛ nahore su. ¹⁸ M kaaki sere i ka i teke am nyi na am nu i wein ni, adena am si deke n bo i ti na wo fere am n na am la ahoresi fa ko i busu ni, na am kaaki si deke n bo i ti kpa na i la jirima agaya, bo wo se ka i fá ma i minem ni. ¹⁹ Na am si kabo i yiko n la má anusu barasu ni, na i koro yo juma ma yere n bo ya yo i yarada ni. Nyini yiko ni ti bambaka la fanɔa,

²⁰ yiri ye Nyeme fa tengeeri Kristo i yiwee n nu, afa i atana angoro i saa fomboro su n a. ²¹ Deke bo i wo lee, i la yiko tara yikofom kere, amoe o, ayiri o, biefoya o, merere o, jina o, nuni o, ni ajini o, na i duma n tara duma kere bo i wo ahin durunya n bo ya wo nu ni, ni durunya n bo i suba ni. ²² Nyeme afa deke n kere awura Kristo saa nu ka i nie bu su, na wo ma yiri Kristo bo i nie deke n kere su n ayo Kristo jama n kere tii a. ²³ Kristo jama n kere ti i nunie n a, ye i wo bu nu, ye i woowa ade deke n kere a.

2

Kabo ya fite yiwee nu na ya nya ngoo fofore barasu ni

¹ Sangha bo am yo keteeri Nyeme noanie na am yo satie ni, am ti ka am awu wo. ² Nyini sangha ni, am yo satie kabo kisa durunya n nufom yo n wo. Na am sude Sitana bo i bita asien ni angoro afien n yiko na am de i noanie. Yiri bita minem kere bo ba kete Nyeme noanie n a. ³ Nahore, yere mmoo yo ti so o lee, na ya suyo dekem bo ya konviki wo bu nu, na ya suyo deke kere bo i ti ma kpa na ya nu i, na ya koro i ya sunsunni nu ni. Ma ya kere gusu di nyini wahara n bo Nyeme afa yaa ka i fa cin minem sui, bere bo ba kete i noanie n wo.

⁴ Ama, Nyeme si anunfo agaya, na i kaaki koro ya agaya, ⁵ ya yo ti ka ya wuuri wo, fa ko i noanie n bo ya keteeri n su ni, haari ni nyini mmoo, i koro n dee ti, wo sangha ama ya ni Kristo ngoo. I dee ahorama ni ma am nyaari tiide a. ⁶ Ya ni Yesu Kristo ayo kun n dee ti, Nyeme atenge ya yiwee nu kabo i tengeeri Kristo i yiwee n nu ni, na ya ni yiri kere sangha tana Nyeme femeya n nu. ⁷ Deke bo i ti na Nyeme yoori so n la ka, fa i kisa fa ko, i kere i ahorama n bo i la ma anusu ni, yiri la kabo i ma Yesu Kristo ayo sakpa abuka ya barasu ni. ⁸⁻⁹ Am yarada n bo am ayo i n dee ti, Nyeme ahorama ni ma am nyaari tiide a, ma am sakpa dee ti a, ama, Nyeme aceeri a. Nyini ti, ma be se ka i fa fo. ¹⁰ Kabo ya ti kisa ni, Nyeme yiiri ya so a. Ya ni Kristo ayo kun n dee ti, ye wo ma ya ngoo fofore a, ka ya fa yo sakpa n bo Nyeme yo fa seeri ya ka ya yo i n a.

Kristo ni i minem kere ayo kun

¹¹ Nyini ti, amere bo am ti ma Yudafom ni, am tenge su kabo am woowa yo ti barasu ni. Yudafom fere am ka tokurukum wo, na bu fere bu nu ka minem n bo ba wura kenkenne, nyini n so ti adamande anuniembaa su yoowa a. ¹² Am tenge su ka sangha bo am yo si ma Kristo ni, am wo dede ni yiri wo, na am ti ma mine n bo Nyeme ayi bu n be. Sesesu n bo Nyeme yo diiri i di seeri ka i buka i minem ni, am wo ma nu. Am yo wo durunya n nu wo, ama, am yo la ma ahoresi be, na am kaaki si ma Nyeme. ¹³ Ama, kisa, na am ni Yesu Kristo ayo kun ni, amere bo ma am yo wo dede ni Nyeme ni, Kristo mbunja n bo i fiteeri i nunie n nu, sangha bo i wuuri ni, acin am adodo Nyeme a. ¹⁴ Dama Kristo ti sono bo wo ma ya sesesu ni tanalaife a. Yiri yo faari i nu yoori yoowa yiiri kpo bo i ti ka kobe na i wo Yudafom, ni bo bu ti ma Yudafom n afien a, na wo yo bu kun. ¹⁵ I yiwee n bo i wuuri i n dee ti, wo ma Nyeme noanie kpamaawa n yo ma juma kun, i ni i noanie maawam, ni i atinm kere. I yoori so o, adena i fa yere Yudafom, ni bo bu ti ma Yudafom n yo ya daanfie kun. Ya ni yiri ayo kun n dee ti, ye wo sese ya su ama ya tanalaife n a. ¹⁶ I yiwee n bo i wuuri baka jaanu n su n dee ti, wo yi kpo bo ma i wo ya afien ni, ayo ya mine kunm akaaki ya aba Nyeme do. ¹⁷ Kristo ba kaanri labari kpa n bo i yo minem afien dongu n maari amere bo am ti ma Yudafom, na am wo dede ni Nyeme n wo, ni

Yudafom bo bu dodo i ni. ¹⁸ Kristo dɛɛ ti, ye Awiewie Casi n ama ya ni bere kere atin ka ya koro ba ya Si Nyeme do a.

¹⁹ Nyini ti, amberɛ bo am ti má Yudafom ni, kisa am ti má wɔfom kun Nyeme minem do, ama, am anya atin abo Nyeme dɛɛ minem su, ye am ayo i dikafom. ²⁰ Am kaaki ti ka soɔ n bo Nyeme suta i n wɔ, wɔ ta am ataka ataari fa bumboori seewa n su, yiri la bo Kristo jaramasam, ni Nyeme noanie kanfom du mo fa seeri soɔ n bu ni. Nyini fa seewa n la Nyeme noanie n bo bu yo kaanri i n wɔ. Ye Yesu Kristo ti ka soɔ n jantaraka n a. ²¹ Soɔ n deke n kere wo yiri su a, ye i maari i yo woobiri casi ma Nyeme a. ²² Am ni yiri kere ayo kun n dɛɛ ti, amberɛ mmɔɔ ti Nyeme Sereebiri Awuru n wɔ lɛɛ, bo i Awiewie Casi n wo nu ni.

3

Deke bo i yo wo fiɛwa n nu na Nyeme yi kereeri Pɔɔlu ni

¹ Mini Pɔɔlu, m woori dansaraka nu, Yesu Kristo ni amberɛ bo am ti má Yudafom n dɛɛ ti wɔ. ² Nahore, m nie ka am ati kabo Nyeme asi m anunfo ka m yo ahin juma n ma am ni. ³ Nyeme yo yiiri deke bo i wo i ahorembaa su n akere m, bo i koro ka i yo i na be si má i ni. Ma du mo akere i jore kaan akere am. ⁴ Nzen am kaanri kadasi n bo ma kere i ni, am nu kabo m koro siiri Kristo nusu jore kere bo i wo asiri nu ni. ⁵ Dawa sanɔa ni, Nyeme ayo ayi má nyini asiri nu jore n akere má adamande be. Ama, kisa, Nyeme ma i Awiewie Casi n ayi i akere minem bo wɔ yi bu ka bu yo i jaramasam, ni i noanie kanfom n a. ⁶ Asiri bo i wo bere n la ka, ya de labari kpa n na ya ni Yesu Kristo ayo kun n dɛɛ ti, bo bu ti Yudafom, ni bo ti má Yudafom, ya kere sanɔa nya deke n bo Nyeme fá ma i minem, na ya sanɔa yo i minem, na ya sanɔa nya deke n bo Nyeme seeri ka i fá ma i minem ni.

⁷ Nyeme ahoroma n dɛɛ ti, wɔ ce m aceeri ayi m ka m yo i labari kpa n amusuisufo, ye wɔ ma m yiko ka m fa yo i juma ni. ⁸ Nyeme minem n nu, mini ti bu kere kaan, ama, haari ni nyini n kere ni, Nyeme ayi m ama m ahin atin n ka m ko kan i labari kpa n jore kere minem bo bu ti má Yudafom ni, na bu si sakpa bo Kristo ayo i, na be koro si má i kere bu ni. ⁹ Na wɔ kaaki ama m atin ka m ma soɔo kere nu sa bo minem si má i, na Nyeme koro ka i yo i na i yo yiwa. Nyeme yiiri deke n kere a, na wɔ bita nyini asiri nu sam n bo i koro ka i yo i, i ahore su dawa ni. ¹⁰ Deke n bo i ti na i yoori so n la ka, nzen nfanɔafom ni yikofom bo bu wo angoro n nu ka minem bo bu ti Yudafom, ni bo bu ti má Yudafom n abo kun ayo Kristo jama ni, ka kisa bu sí alecira barasu barasu bo Nyeme la i na i la má anusu ni.

¹¹ Nyeme yoori nyini kere, kabo dawa na i sunsun ka i yo i ni, ya Mibie Yesu Kristo dɛɛ ti, ye i ma i kere yoori yiwa a. ¹² Kabo ya yo Kristo yarada na ya ni yiri ayo kun ni, nyini ma ya la ahoresi koro ba Nyeme nyunu na ya soro má sere n a. ¹³ Nyini ti, m sere am wɔ, má am ma am nunie yoroki am, fa ko wahara n bo m sudi i amberɛ dɛɛ ti ni, i ti deke bo i wura am kpiri wɔ.

Koro bo Kristo fa koro i minem barasu ni

¹⁴ Nyini kere dɛɛ ti ye mini Pɔɔlu kutu sere ya Si Nyeme ma am n a. ¹⁵ Yiri ti lamosi kere bo i wo angoro ni asienɔu n kere Si a. ¹⁶ M nyemesere la ka, i la jirima woowa bo i la má anusu n dɛɛ ti, i Awiewie Casi n ma am nya yiko bambaka am ahore su, ¹⁷ na kabo am yo Kristo yarada ni, i wo am ahore su, na m kaaki sere i ka am la koro nahore su, na am jina kenken,

fa kɔ koro n bo am la i n su. ¹⁸ Adena am ni Nyeme minem kere sanɔa fiiti ni anyumboro, na am si kabo Kristo koro am agaya, ni kabo i koro la má anusu ni. ¹⁹ M nyemesere bekun la ka, i ma am kaaki si kabo Kristo koro am ni, haari ni bo adamande koro si má nyini koro n bo i la má anusu ni, na m sere i ka i ma am woowa kere ti kabo yiri Nyeme woowa ti barasu ni.

²⁰ Nyeme yiko n bo i wo ya ahore su suyo juma n deɛ ti, i koro yo deke n kere ma ya tara kabo má ya sunsun ka ya sere i barasu ni. ²¹ Nyeme ti ye ni ka ya kansu i sanɔa kere sanɔa, yere kere bo ya ti Kristo jama n na ya ni Kristo ayo deke kun ni. Ami.

4

Kristo jama n kere ti deke kun wɔ

¹ Nyini ti, mini Pɔɔlu bo m su Mibiɛ n deɛ ti na m wo dansaraka nu ni, m susere am jande ka, am wo wo bo i kɔ atin su, kabo Nyeme fereeri am na i kereeri am ka am wo barasu ni. ² Am yo am ɲu kaan na am yo benle, na am yo sawore, na am la mindi de am beɲgu ni koro, sanɔa kere. ³ Anɔɔse n bo Awiewie Casi n afa ama am na am ayo kun n deɛ ti, am boro am nyi na am tana laifie na am bita nyini anɔɔse n ni am beɲgu. ⁴ Yere kere bo ya ti Kristo minem ni ayo ka anuniembaa kun wɔ. Na Awiewie Casi kun ni wo ya kere dɔ a, na ya kere kaaki la ahoresi fa kɔ deke kun n bo i ti na wo fere ya ni. ⁵ Ya la Mibiɛ kun wɔ, deke kun ye ya yo i yarada. Mibiɛ kun n duma nu ye bu fa bie ya kere Nyeme nzue a. ⁶ Nyeme kun wo bere a, yiri ti ya kere Si a, yiri kaaki ti ya kere Mibiɛ a, i ma ya kere yo i juma a, na i wo ya kere dɔ.

⁷ Ama, Kristo akpaaki i aceeri n ama ya kun kun n kere kabo i koro ni. ⁸ Nyini ti, ye ba kere i Nyeme Jɔre Kadasi n nu ka, “Sanɔa bo i fun kɔɔri angoro ni, na wɔ fa domuɛm akɔ, na wɔ ce mine aceerim.” ⁹ Bo ba kere i ka wɔ fun akɔ angoro n la ka, i du mɔ wo angoro dɔ ye i jura baari asiɛngu fen a, ye wɔ kaaki akɔ angoro dɔ bekun a. ¹⁰ Yiri n bo i jura baari asiɛngu n la bo wɔ fun akɔ angoro dede n wɔ, ye i woowa ade deke n kere a. ¹¹ Yiri faari i aceerim ceeri i minem n a, yiri la bo wɔ yi nbem ka bu yo i jaramasam, na wɔ yi nbem ka bu yo Nyeme nɔɔnie kanfɔm, ye wɔ yi nbem ka bu kan Nyeme labari kpa n jɔre kere minem, ye wɔ yi nbem ka bu yo sasafɔm, ni kerefɔm. ¹² Kristo faari nyini aceeri maari a, na bu sese Nyeme minem su, adena bu buka bu beɲgum na bu yo i juma ni, na Kristo jama n nya fanɔa buka su. ¹³ Na ya kere fa anɔɔse fa kɔ kabo ya yo Nyeme Wa n yarada ni, na ya si i nahore su subuka su, na ya yarada yo biiwa, na ya kɔ ya nyunu buka su, na ya woowa kere ti kabo Kristo wo ti barasu ni. ¹⁴ Na má ya yo ka nbaatumam, adena má kɔrefɔm ba fa bu ɲɔnletie kere ya na bu dadaka ya, na ya mini.

¹⁵ Ama, am ma ya koro ya beɲgu, na ya sujɔɔ nahore, na ya kɔ ya nyunu buka su, na ya woowa kere ti kabo Kristo woowa ti barasu ni, dama yiri ti ya tii a. ¹⁶ Na yere bo ya ti i minem ni ti ka i ɲuniembaa a. Kristo ti bo i bita anuniembaa bue barasu n kere a, na ya kere bo kun, na ya kere suyo juma n bo wɔ fa ama ya ni, subuka ya beɲgu, na ya koro ya beɲgu, na anuniembaa n kere nya fanɔa buka su.

Kabo ya kaaki wo fɔfɔre barasu ni

¹⁷ Nyini ti, m koro ka m fa yiko n bo Mibiɛ n afa ama m ni, na m bɔbɔ am, ka, má am ma am woowa ti kabo minem bo bu su má Nyeme woowa

n ti barasu ni, dama bu sunsunni kere ti ngbeen wo. ¹⁸ Bu wo awosin nu n dɛɛ ti, bu la má ngoo n bo Nyeme ma i minem ni, dama bu si má be, na bu ahorembaa kaaki ti kekereke n dɛɛ ti. ¹⁹ Nyinse ti má bu fa ko deke be su kun, sanɔa kere bu dɛɛ la ka, bu suyo sa ngbeenngbeenm wo, na bu suyo dangba sam, bu tara má bu nu, na bu suyo anyii sam barasu kere.

²⁰ Ama, ambere yiri, sanɔa bo bu kereeri am fa ko Kristo nusu jore ni, má kabo bu kereeri am lee. ²¹ M nie ka am adu mo asonson i nusu jore kere, am nya ti i susufom ni, ba kere am ka Yesu ti bo i la nahore n a. ²² Nyini dɛɛ ti, am yaki am woowa dawa n bo i ti má kpa n ji. Am woowa dawa n koro ka i daka am na i saaki am a, dama i ma am yo dekem bo bu ti má kpa a, na bu mini am. ²³ Am ma Nyeme kaaki am sunsunni ni am ahorembaa fofore. ²⁴ Na am fa wo fofore n bo Nyeme afa ama am na i ferema ni yiri Nyeme dɛɛ woowa ni. Nyini woowa ni ko atin su a, na i kaaki ti casi nahore su a.

²⁵ Nyini ti, má am bu kore, am kan nahore ma am benggu, dama ya kere ti anuniembaa kun n bue barasu be wo. ²⁶ Nzen am be fa yaa, má i yo satie, má i fa yaa haari wie ko to. ²⁷ Má am ma Sitana atin haari kaan so, na i ma am yo satie. ²⁸ Sono kere bo i yo wo, i ti ye ni ka i mi yaki awie, na i yo i tiengu juma ni anyumboro su, na i nya i koroowa, adena i koro buka yaarifom. ²⁹ Má am ma jore tie fite am noo nu, ama, am ma am noo fite kpa, na i buka minem, na bu ko bu nyunu buka su, na sono kere bo i tiiri i, i mi koro su Nyeme atin n su nyunyumi. ³⁰ Má am saaki Nyeme Awiewie Casi n ahore, dama yiri ye Nyeme afa i ase am nyaari a, ka i ba de am tii ji cɛɛn be a. ³¹ Má am ma am kunnu yo wiwi, má am ma yaa ti am, má am kan am benggu ndie, má am se akuruwa, má am kpie am benggu nzuko, má am kpo am benggu deke be ti. ³² Ama, am yo am benggu kpa, na am si am benggu anunfo, na am fa am bengum ngasi ce bu kabo Nyeme afa ace am Kristo dɛɛ ti ni.

5

Nyeme minem woowa a

¹ Nyini ti, kabo am nya ti Nyeme nbaa koroowam ni, am boro am nyi, na am ma am woowa ti kabo i woowa ti barasu ni. ² I ti ye ni ka am ma koro wo am do, kabo Kristo koro ya barasu na i faari i nu yoori yoowa maari ya na i suunri Nyeme nu ni.

³ Kabo am ti Nyeme minem ni, má am yo sakaraya, má am yo dangba sam, má am se ka am nyunu boro nenɔge kpini su, má am bo nyini sereyam n be mmoo anzama am nu. ⁴ Na má am ma jore ngbeenngbeen fite am noo nu, má am joro jore bo ngonle wo má nu, má am yo kokoro tie. Ama, i ti ye ni ka am da Nyeme asi sanɔa kere. ⁵ Am si tenle su ka sono kere bo i yo sakaraya, ni dangba sam, ni bo i nyunu boro nenɔge kpini su, sono kere bo i yo so, i mi su má Nyeme, i su nenɔgem wo. Kristo ni Nyeme ba nie má i su, na i nya má deke n bo Nyeme ase ka i fa ma i minem ni.

⁶ Má am ma be fa i jore ngbeen be dadaka am, dama nyinim so dɛɛ ti, ye Nyeme fa yaa cin minem bo ba kete ka bu de má i noanie n sui n a. ⁷ Nyini ti, má am ni nyini minem so sanɔa wo. ⁸ Sanɔa be, ambere mmoo ni am tii yo woori awosin nu yo satie wo, ama, kisa, na am akaaki ya Mibie Yesu minem ni, am ti wein nufom wo lee. Nyini ti, am ma am woowa kere ka am ti wein nufom wo. ⁹ Má pui ti ye m se so a, dama minem bo bu wo wein nu ni, bere la wo kpa a, ye bu yo sa bo i ti kpa kere a, na bu yo sa bo i ko atin su Nyeme do, na bu bita nahore. ¹⁰ Nyini ti, am boro am nyi,

na am si deke bo i sun Nyeme nu. ¹¹ Má am fa am ñu bo minem bo bu wo awosin nu n su, na am yo sa ñgbεεñgbεεn n bo bu yo i ni, ama, am yi bu nyini sayoowam fite fofoe nu. ¹² I ti nyinse wɔ mmɔɔ, ka ya bo su fa kɔ bu nyini sam bo bu yo bu asiri nu ni. ¹³ Ama, deke kere bo i wo fiεewa nu, na i nya fiteeri fofoe nu, nyini sanja, kabo i ti kere, i nyunu da casi wɔ lεε, dama i wo wein nu wɔ. ¹⁴ Dama deke kere bo i nya fiteeri fofoe nu ti wein wɔ. Nyini ti ye ba se ka,

“Wɔɔ daafirifo ni, yasu
na a tenge u yiwee nu,
na Kristo dεε wein n ta gɔ u ñu.”

¹⁵ Nyini ti, am si am ñu sa na am si wo, má am wo kabo bo bu si má be n wo barasu ni, ama, am wo kabo minem bo bu la ñgɔnlε n wo barasu ni. ¹⁶ Sanja kere am boro am nyi na am suyo Nyeme juma, na má am tana ñgbεεn, dama ahin sanja n bo ya wo nu ni, satieyo asunnu agaya. ¹⁷ Nyini ti, má am yo ka sinnzinm, ama, am boro am nyi, na am si deke bo Mibiε n koro ka am yo i. ¹⁸ Má am nu nzan bo, dama nzan saaki sɔnɔ tii wɔ, ama, am ma Awiewiε Casi n wo am dɔ sanja kere. ¹⁹ Am fa Nyeme nɔaniem bo bu wo kansu jue kerεεwam n nu n fa di jue ma am benju, na am di jue n bo Awiewiε Casi n kere am, na am di jue kansu Nyeme am ahore su. ²⁰ Am da ya Si Nyeme asi sanja kere, fa kɔ deke kere su, ya Mibiε Yesu Kristo dεε ti.

Nbaram ni bu hunm jɔre

²¹ Am soro Kristo n dεε ti, am de am benju nɔaniε. ²² Nbaram, am de am hunm nɔaniε kabo am de Mibiε n nɔaniε barasu ni. ²³ Dama biesɔ la yiko niε i yi su, kabo Kristo la yiko niε i jama n su barasu ni. Kristo jama n ti i ñuniεmbaa a, yiri ni i tii, ti bu Tiidefo a. ²⁴ Kabo Kristo jama de i nɔaniε barasu ni, sɔ ye i ti ye ni ka nbaram de bu hunm nɔaniε deke kere nu n a.

²⁵ Nbiεsɔm, am koro am yim kabo Kristo koro i jama n na i tɔɔri i ñgɔɔ wu maari bu barasu ni, ²⁶ adena i yo bu casi wɔ. Nyeme nɔaniε n bo bu tiiri i ni, ye bu biεeri bu Nyeme nzue yiiri satie kere bo i wo bu ahore su a, ²⁷ adena i fa bu bo i ñu su na bu wo i dɔ, na bu yo nyumi agaya, na bu yo casi na bu la má fin be wara bu la má ñgasi be, na be koro jaraki má bu. ²⁸ Sɔ ye i ti ye ni ka nbiεsɔm koro bu yim kabo bu koro bu ñu barasu n a. Dama biesɔ kere bo i koro i yi koro i ñu wɔ lεε. ²⁹ Sɔnɔ be wo má bere bo i koro má i ñu, ama, sɔnɔ kere niε i ñu su wɔ nyunyumi, kabo Kristo niε i jama su barasu ni, ³⁰ dama ya kere ti Kristo ñuniεmbaa n wɔ lεε. ³¹ Ba kere i Nyeme Jɔre Kadasi n nu ka, “Nyini dεε ti, biesɔ yaki i si, ni i ni, na i fa i ñu mata i yi, nyini sanja bu mine nnyɔ n ayo deke kun lεε.”

³² Asiri nu jɔre bambaka be wo ahin nɔaniε n nu, na ma ñu i la ka, i sukan fa kɔ Kristo ni i jama n jɔre wɔ. ³³ Ama, jɔre n bo m koro ka m se am n la ka, i ti ye ni ka biesɔ kere koro i yi, kabo i koro i ñu ni, na bara kere bu i hun.

6

Nbaatumam ni bu wufɔm jɔre

¹ Nbaatumam, am de am wufɔm nɔaniε, Mibiε n dεε ti, dama nyini ti kpa a. ² Ka, “Bu u si ni u ni.” Ahin n ti Nyeme nɔaniε maawa ciciri su bo Nyeme bukaari su seeri ka nzen a yoori sɔ, i ma u deke kpa, ³ ka, “Nyini ma a ñu u ñu fiε a, na u ñgɔɔ kɔ tintiin durunya n nu fen a.”

⁴ Nbaasim, má am yo sa bo i ye am nbaam yaa su. Ama, am ta bu ataari bo i ti kpa, na am tu bu fo fa ko Mibiε n dεε atin n su.

Akoom ni bu mibiεm jore

⁵ Amberε bo am ti akoom ni, am de am mibiεm bo bu wo durunya n nu fen n noanie, na am soro bu ahore, na am yo deke kerε bo bu na am yo i ni am ahorembaa kun, kabo am yo ma Kristo barasu ni. ⁶ Má am yo ka bu niε am dεε ti, na am koro ka am yo na bu kunnu jo am nu, ama, am yo bo i sun Nyeme nu, ni am ahorembaa kun, ka am ti Kristo dεε akoom ti. ⁷ Am yo am juma kerε ma am mibiεm ni ahorejo, ka am suyo ma ya Mibiε Yesu wo, ama, má ka am suyo ma adamande wo. ⁸ Nahore, ye m na am si ka, sono kerε bo i yoori i juma nahore su, Mibiε ni to i mi nkato, nzen i ti akoo o, wara i ti má akoo o.

⁹ Amberε gusu bo am ti bu mibiεm ni, am bita bu nyunyumi, má am suwura bu sere. Má am ma am wara fi ka am ni bere kerε Mibiε n bo i wo angoro n ti kun wo. I tambu má nu.

Biesoya nenje bo Nyeme afa ama ya n jore

¹⁰ Jore n bo wo ka n la ka, am ma Mibiε n ma am fanja fa ko i yiko bambaka n bo i la i n su. ¹¹ Am fa biosoya nenje n kerε bo Nyeme afa ama am n sana, adena am ba koro jina kenken na am kunma Sitana ngonletie kerε bo i fa dadaka am ni. ¹² Dama má ya ni adamande kun lue n a, ama, ya kun lue n ni Sitana ni yikofom barasu barasum kerε bo bu wo angoro ni, ni bo bu la yiko bita minem bo bu wo awosin nu durunya n nu fen n wo. ¹³ Nyini ti, am fa biosoya nengem bo Nyeme afa ama am sana, adena sanja kerε bo Sitana ba kun am lue, am koro kete i na am kunma i nahore su, na am jina kenken. ¹⁴ Nyini ti, am kpa am nu, na am jina kenken, na am fa nahore fa yo ka dambara bo am wii nu, na am yo sa bo i ko atin su sanja kerε, nyini kanda am a, ka bulaari peperepe bo am fa kanda am hoe su. ¹⁵ Na am ma labari kpa n bo i ma ahoreda n yo ka gbagbaa bo am koro fa wura jina kenken. ¹⁶ Am yoori nyini wieeri na am nya fa yarada yo deke bo am fa kanda de Sitana awiem kerε bo i tu bu na bu je ka sin ni. ¹⁷ Am fa tiide n bo Nyeme afa ama am n yo ka bulaari kere bo am fa butu kanda am tii, na am fa Nyeme noanie n yo ka takobe bo Awiewie Casi n afa ama am. ¹⁸ Am yoori nyinim kerε ni, am sere Nyeme ka i jina am sin buka am, na am susere i sanja kerε, kabo Awiewie Casi n kere am ka am sere i barasu ni. Nyini dεε ti, sanja kerε am sere i so, má am daafi, na má am fa am nu ji, na am susere Nyeme ma i minem kerε. ¹⁹ Am sere Nyeme ma m, na sanja kerε bo m na m jajo, na Nyeme ma m noanie bo m jajo, adena m koro jajo ni ahoresi, na m koro teke m noo kan labari kpa n bo minem si má i n jore n kere minem. ²⁰ Dama Yesu Kristo ayi m ka m yo i jaramasa na m kan nyini labari kpa n jore dεε ti, ye m wo dansaraka nu n a. Nyini ti, am sere Nyeme na i ma m ahoresi, na m kan labari kpa n jore kere minem, kabo má i ti ye ni ka m kan kere bu ni.

Awieeri su dεε anse yoowa ni

²¹ Ya niwa Tikikusi bo ya koro i agaya na i la dabunu na i yo Mibiε n juma n ni, yiri ba kan m nusu jore kerε kere am, na am si kabo m woowa ti barasu. ²² Nyini dεε ti, ye m susunma i am do a, adena am si kabo ya kerε woowa ti barasu, na i ma am ahoresi. ²³ M sere ya Si Nyeme ni ya Mibiε Yesu Kristo ka bu ma ya ninbaam kerε ahoreda, ni koro, ni yarada. ²⁴ Nyeme buka amberε kerε bo am koro ya Mibiε Yesu Kristo n ni koro bo i la má awieeri ni.

Pɔɔlu kadasi bo i kere fa maari FILIPIIYAFOM ni

¹ Mini Pɔɔlu ni Timoti bo ya ti Yesu Kristo akoom ni, yere sukere ahin kadasi n ma Nyeme minem bo bu wo Filipiya mie kpiri n nu ni, na ba de Yesu Kristo na bu ni yiri ayo kun ni, fa ko tu Kristo jama mofom, ni bu bukafom kere. ² Ya Si Nyeme, ni ya Mibie Yesu Kristo buka am kere na bu ma am ahoreda.

Kabo Pɔɔlu sereeri Nyeme maari Filipiyafom ni

³ Saŋga kere bo m ba tenge am jore su, m da Nyeme asi ma am wo. ⁴ Na saŋga kere gusu bo m sere Nyeme ma am, m sere i ni ahorejo o, ⁵ dama fite ceen n bo am deeru Kristo labari kpa haari ba ju ni nyuma ni, am abuka m bo ma koro akan Kristo labari kpa n jore akere minem. ⁶ Nyini ti, m la ahoresi ka Nyeme wo am do, yiri boori i bu yoori nyini sakpa ni am nu a, yiri suyo i so a, haari ko ju ceen n bo Yesu Kristo ba kaaki ba ni.

⁷ Saŋga kere am jore wo m ahore su wo, nyini ti, kabo m sunsun fa ko am do ni, wo yo daka ka m yo so. Dama am kere abuka m fa ko juma n bo Nyeme afa ama m ka m yo i ni. Haari ni bo kisa m wo dansaraka nu ni, wara saŋga bo m nati m koroyanu ni, am bukaari m wo, na ma kan akere mine ka labari kpa n ti nahore wo, adena bu yo yarada nahore su. ⁸ Nyeme di m daani ka am sa wo m ahore su saŋga kere a, ka m koro am ni koro bo Yesu Kristo fa koro ya ni. ⁹ M nyemesere la ka, am sukoro am bengi buka su saŋga kere, na am susi Nyeme atin n kere, na am si nahore atin, ¹⁰ adena am si na am koro tambu yi deke bo i ti kpa nahore su, na am yo casi na am la ma ngasi be fa ko ceen bo Kristo ba kaaki ba ni. ¹¹ Na m susere Nyeme ka Yesu Kristo buka am, na am wo wo kpa, na am suyo sakpa saŋga kere, na mine nu i na bu kansu Nyeme na bu wura i kpiri.

Yesu Kristo dee ti ye m la ngoo a

¹² M ninbaam, m koro ka am si ka sa bo wo tu m na m wo dansaraka n nu ti ma tie, nyini ma labari kpa n akoro abara aye a. ¹³ Nyini dee ti, tintinijinafom ni minem kere bo bu wo fen n asi ka, m ti Kristo dee amususufo dee ti ye m wo dansaraka nu a. ¹⁴ M dansaraka n nu woowa n awura ya ninbaam dogu kperere kekereke Mibie n dee ti, wo ma ba nya ahoresi abuka su bo bu koro sukan labari kpa n jore saŋga kere na bu soro ma sere.

¹⁵ Nahore, koresi ni akuruwa se ti, ye bu nbem kan Kristo labari kpa n jore n a, ama, nbem gusu kan i ni akunnu fofoe wo. ¹⁶ Bere n bo bu yo i ni akunnu fofoe ni, Nyeme koro ti ye bu yo so n a, dama bu si ka Nyeme ma m wo fen a, na m tu ngoni fa ko Kristo labari kpa n jore su. ¹⁷ Nyingam ni, bu kan ma Kristo labari kpa n jore ni bu sunsunni kpa, ama bu bita anyii sunsunni wo, adena bu ma m di wahara dansaraka n nu.

¹⁸ Nyini n kere bo bu suyo i ni, i be mmoo kpie ma m daafiri. Ama, deke bo i yo m fie n la ka, bu ma Kristo labari kpa ni susandi bara ye buka su wo. Nzen bu kan ma i ni bu sunsunni kpa, wara bu kan i ni bu akunnu fofoe, m dee la ka, saŋga kere m ahore ti jooa. ¹⁹ Dama m si ka nyemesere bo am sere Nyeme ma m saŋga kere n ni buka bo m nya i fite Yesu Kristo Awiewie Casi n do ni, nyini ma m nya m tii a. ²⁰ M fa ahoresi ni tama yo m juma ni anyumboro saŋga kere, na ma nyinse ti m, adena nzen m wuuri, ni bo

ma wu má kere, m woowa koro ma mine kansu Kristo dee duma. ²¹ Mini do, nzen m la ngoo, Kristo dee ti a, nzen ma wu, i ti m kperere wo. ²² Ama, nzen m toko la ngoo ahin durunya n nu fen na m koro yo sa bo i kun kperere Nyeme do, nyini yiri, m si má bo m yi ahin deke nnyom nu. ²³ Ma ka afien ni afien wo, dama m koro ka má m wu wo na m ko wo Kristo do, m nu ka nyini n ti ye tara durunya n nu fen bo m wo ni. ²⁴ Ama, nzen m kaaki nie bekun a, amberere dee ti, i ti ye ni ka má m wu, ama, m wo ni m ngoo durunya n nu fen. ²⁵ To. Nyini dee ti, m si tenle su ka m wu má kisa, m wo bere wo, na m buka am na am koro yo Kristo yarada ni nahore, na am ahore jo. ²⁶ Adena nzen m ba kaaki ba nierei am busu bekun, nyini sangga, am la deke bo am koro fa kansu Yesu Kristo, fa ko sa n bo wo yo ama m ni.

²⁷ To, kisa, jore kere bo i wo bere la ka, am ma am woowa ti kabo Kristo labari kpa n kere ka am wo barasu ni, na nzen m ba koro ba nierei am busu, wara ma koro aba má n kere, na m ti am jore ka Awiewie Casi n ma am la jinakunsu, na am la sunsunni kun ni anose, suboro am nyi sutu ngoni kan Kristo labari kpa n jore kere minem na bu yo yarada. ²⁸ Na má am soro sere fa ko am kporom do, am ma am ahore ti siiwa sangga kere, nyini má bu nu na bu si ka bu ka ngbeen a, ama, amberere yiri, am nya tiide, dama Nyeme má am nya tiide a. ²⁹ Dama Nyeme ace am aceeri Kristo dee ti, ka am yo Kristo yarada, má nyini ngumi, ama, am kaaki di wahara ma i. ³⁰ Nyini ti, kisa am koro buka m na ya kere kun nyini lue ni. Yiri ye am yo nuuri ka m tu i ngoni n a, ye kisa am ti ka m toko tu i ngoni n a.

2

Kabo Yesu Kristo yikofjo n yoori i nu kaan barasu ni

¹ Kristo wo am nu n dee ti, yiri ma am ahore si a, na i dee koro bo i fa koro am ni, da am ahore. Am ni Awiewie Casi n la wo fie, am yo sakpa na am si am bengum anunfo. ² Nyini dee ti, m sere am wo, jande, am kere fa sunsunni kun, na am koro am bengu, na am fa anose, na m ahorejo ko sin su. ³ Má am sunsun kabo am yo na amberere ngumi nya i, má am wura am nu kpiri, ama, am yo am nu kaan, am bu am bengu ka bu tara am. ⁴ Má am nie kabo am yo na amberere ngumi yo ye, ama, am nie kabo am yo na am bengum gusu yo ye. ⁵ Am ma am sunsunni ti kabo Yesu Kristo dee ti barasu ni. ⁶ I woowa ti kabo Nyeme woowa ti n wo sangga kere, ama, wo se má ceen be ka i tu ngoni wura i nu kpiri na i ni Nyeme se, ⁷ ama, i keteeri nyini n kere bo má i ti i dee n wo, na wo fa i nu ayo akoo, na wo kaaki adamande. I woowa ti kabo adamande woowa ti barasu n wo, ⁸ i yoori i nu kaan wo, na wo de Nyeme noanie ni, haari na wo wu yiwee tie, yiri la bo bu kpamaari i baka jaanu n su ni. ⁹ Nyini dee ti, ye Nyeme awura i kpiri agaya aye i su angoro ama i duma bo i tara duma kere n a, ¹⁰ adena mine ni deke kere bo bu wo angoro, ni bo bu wo durunya n nu fen, ni bo bu wo asien bu n tiiri Yesu duma ni, bu kútu i na bu sú i. ¹¹ Na sono kere teke i noo kan ka Yesu Kristo ti deke n kere Mibie a, nyini wura ya Si Nyeme kpiri a.

Am ma ya woowa ta wein durunya n nu

¹² Nyini dee ti, m ninbaa koroowam, am yo deeru m noanie n wo sangga kere, kisa bo m wo má am do ni, nyini ti ye ni ka am de m noanie n tara kabo m yo wo am do n a. Tiide n bo am anya i n dee ti, am yo Nyeme juma n ni anyumboro, bo i kere ka am anya tiide, na am soro Nyeme. ¹³ Dama Nyeme suyo i juma am ahore su a, na i ma am de i noanie ni, na am yo

i koroowa. ¹⁴ Deke kere bo am yo i ni, má am ñuñuti na am se akuruwa, ¹⁵ adena am yo mine casim bo be koro jaraki má am, na am yo Nyeme nbaam bo am la má ñgasi be na am ma am woowa ti wein, na am wo nyumafɔ satieyofɔ ñgbɛnm n nu, na am ta ka asarambaam. ¹⁶ Na am bita Nyeme ñɔaniɛ ni, yiri ma minem ñgɔɔ a. Nzen am yo sɔ, nyini ma m koro bo m hoe fa kɔ am woowa n su a, cɛen n bo Kristo bá kaaki ba ni, na m si ka juma n bo m yiiri anyumboro yoori am nu ni, aka má ñgbɛn. ¹⁷ Kabo am ayo Kristo yarada, na am sukun am ñu yo i juma n ni nahɔre su ni, na haari nzen m wuuri mmɔɔ na am yarada buka su, m ahore ti jɔowa, na i yo m ni amberɛ kere fie, ¹⁸ am gusu ma am ahore jɔ kabo m ahore ti jɔowa barasu ni.

Timoti ni Ipaforoditosi jɔre

¹⁹ Nzen ya Mibiɛ Yesu soro su, m la ahoresi ka i cɛ má, m súnma Timoti am dɔ na i ba niɛ am busu, na i ba kaaki baari, na m gusu tí kabo am wo ti na m ahore da. ²⁰ Deke bo i ti na m sunma i am dɔ n la ka, be cɛcɛ wo má am nu, yiri ñgumi ti bo i buka m su bo i cɛcɛ wo am nu a. ²¹ Bo ba ka n kere, bu cɛcɛ wo má Kristo juma n nu, se bu cɛcɛ wo bu sa koroowam nu a. ²² Amberɛ mmɔɔ ni am tii si ka Timoti woowa kere kabo i su Nyeme atin n su ni nahɔre su, na am si ka m ni yiri saŋga yo juma kabo baa ni i si bo su yo juma n wɔ, adena mine dɔŋgu de labari kpa ni na bu yo yarada. ²³ Nyini ti, nzen m ñuuri m jɔre n kere nyaari, m súnma i kisa bere na i ba niɛ am busu. ²⁴ Nzen Mibiɛ n soro su, m la ahoresi ka i cɛ má, mini mmɔɔ ni m tii bá niɛ am busu.

²⁵ Ma ñu ka, i ti ye ni ka m súnma ya niwa Ipaforoditosi am dɔ. M ni yiri saŋga yo juma na ya ti ka sojam bo bu buka bu beŋgu lue n nu wɔ, ya Mibiɛ Yesu dɛɛ atin su. Na amberɛ ni am tii sunmaari i m dɔ, na wɔ ba abuka m ni deke kere bo m koro ni. ²⁶ I wara ado am, ka i ba niɛ am busu, i ahore akaaki asaaki, dama am yo tiiri ka wɔ da tukpaki. ²⁷ Nahɔre, i tukpaki n wuraari i, kaan sɔ, má wɔ wu. Ama, na Nyeme asi i aŋunfɔ, má yiri ñgumi, m ni yiri kere, adena má m ahore saaki buka su. ²⁸ Nyini dɛɛ ti, ye m koro ka i ba am dɔ ndende, na am ñu i na am ahore kaaki jɔ bekun, na má m ahore saaki kun. ²⁹ Am de i ni am saa nnyɔ ni ahorejɔ, Mibiɛ n dɛɛ ti. Na am bu minem kere bo bu woowa ti kabo i woowa ti barasu ni. ³⁰ Dama Yesu Kristo dɛɛ juma n dɛɛ ti, i yo tɔɔri i ñgɔɔ ɔ, má wɔ ka kaan sɔ na i wu. I yoori sɔ ni, adena i buka m na i yo deke n bo am akoro ayo má i ni.

3

Sɔnɔ bo i yo sa bo i kɔ atin su Nyeme dɔ nahɔre su

¹ M ninbaam, jɔre bo i wo bere la ka, am ma am ahore jɔ kabo am ni Mibiɛ n ayo kun ni. I ti ye ni ka m kaaki kere na m tenge am su fa kɔ kabo m yo kere seeri am ni, dama i ti deke bo i buka am wɔ, na má am wura kekereke nu. ² Am si am ñu sa, ni minem bo bu ti satieyofom na bu ti ka caam ni, na bu ña nzen sɔnɔ awura má kenkenne, i nya má tiide ni. ³ Yere ti Nyeme minem bo ba wura kenkenne nahɔre su a, má bere, dama Nyeme Awiewie Casi ni buka ya ye ya koro su Nyeme na ya la ahorejɔ a, fa kɔ kabo ya ni Yesu Kristo ayo kun ni. Nyini ti, ya daafi má sayoowa be ñu fa kɔ aŋuniembaa su.

⁴ Mini ni m tii, má m la atin bo m koro se ka m daafi m ñu fa kɔ sayoowam su. Nzen be ña i la atin, na i daafi i ñu fa kɔ nyini sayoowam su, má m koro se ka, m la atin tara i mi fieo. ⁵ Bu wuuri m ni, m lemɔcɛ cɛen bu

wuraari m kenkenne wɔ. M ti Yisarelifo baa a, na m fite Benjamin dɛɛ lɛɛ anɔ n nu wɔ, na m ti Hiburufom anuma a nahɔre su. M yo ti Farasifom kun wɔ, na m su Nyemɛ nɔaniɛ kpamaawa n su kabo i ti ye ni ka bu su i su barasu ni. ⁶ M yo bita i ni anyumboro wɔ, kabo m yo na m kere Kristo jama n wuwuruwa ni. Fa kɔ kabo sɔnɔ de Nyemɛ nɔaniɛ kpamaawa n na i su i su nahɔre su, mini la má ngasi be. ⁷ Ama, nyini deke n kere bo m yo buuri bu ka bu la kperɛ ma m ni, Kristo dɛɛ ti, ma ɲu ka bu kere ti ngbɛɛn wɔ kisa. ⁸ I ti nahɔre wɔ ka, ma ɲu ka deke n kere ti ngbɛɛn wɔ, adena m koro si m Mibiɛ Yesu Kristo, yiri tara deke n kere a. Yiri dɛɛ ti, ma yaki deke n kere bo m yo yoori bu n ka bu ti ngbɛɛn wɔ. M niɛ bu kere ka wura a, adena m koro de Kristo ni m saa nnyɔ, ⁹ na m ni yiri yo deke kun nahɔre su. Kisa m koro se má ka m yo sa bo i kɔ atin su Nyemɛ dɔ, kabo Nyemɛ nɔaniɛ kpamaawa n kere ni, ama, kisa, kabo ma yo Kristo yarada n dɛɛ ti, ye Nyemɛ de m ka m yo sa bo i kɔ atin su i dɔ a. Deke n bo i ma i de m ka m yo sa bo i kɔ atin su i dɔ n la bo ma yo i yarada n wɔ. ¹⁰ Deke bo m koro i n kere la ka, m sí Kristo, na m nyá i yiko n bo i koro tengeeri i yiwee n nu ni, na m dí i dɛɛ wahara n bo i diiri n be, na m wú i dɛɛ yiwee n be. ¹¹ Nyini ma m la tama ka mini gusu tɛnge m yiwee nu a.

Kabo ya boro ya nyi na ya nya Kristo aceeri ni

¹² M suse má ka ma du mɔ aju su na m ti kabo Nyemɛ koro ka m ti ni, wara ma du mɔ ayo casi wɔ, ama, m toko boro m nyi wɔ, adena m nya deke n bo i ti na Yesu Kristo afa m ayo i dɛɛ sɔnɔ ni. ¹³ M ninbaam, mini ni m tii suse má ka ma ju su kabo i koro ka m woowa ti barasu n wɔ, se deke kun ye m nyunu aboro i su a, m wara afi dekem kere bo m yo yoori bu n sa, ama, m sukoro ka m boro m nyi wɔ, na m saa kan deke n bo i wo m nyunu ni. ¹⁴ Nyini ti, m miɛ m nyi wɔ na m kɔ m nyunu, adena m kɔ ɲu i awieeri, na m nya aceeri n bo Nyemɛ afere m ama m ɲɔɔ i dɔ ni, Yesu Kristo dɛɛ ti. ¹⁵ I ti ye ni ka yere kere bo ya yarada ti biiwa ni, ya nyunu boro fa kɔ nyini dika. Na nzen am sunsunni ba woori i ngungumi, fa kɔ i nɔaniɛ n su, Nyemɛ yí i nyi kere am, na am tí i bu. ¹⁶ Ama, bo i wo bere la ka, kabo ya bita Nyemɛ atin ba ju haari ni nyuma ni, am ma ya toko bita i sɔ.

¹⁷ M ninbaam, am ma am woowa ti kabo m dɛɛ n ti barasu ni. Woowa kpa n bo ya du mɔ afa akere am ni, am niɛ minɛm bo bu bita nyini woowa kpa n ni, na am sɔn bu su. ¹⁸ Dama sanɲa kere m nati se am ka, nbem woowa kere ka bu ti Kristo kpɔfom wɔ, fa kɔ i yiwee n bo i wuuri i baka jaanu n su ni. Ye kisa m kaaki suse am bekun ni nyunvui n a. ¹⁹ Nyini minɛm sɔ, bu nyemɛ la bu kunnu wɔ, na deke bo má i ti bu nyinɛ ni, bu fa nyini fa yo yanfoya. Bu sunsunni kere wo durunya n nu fen nenɲem ngumi sɔ a, nyini ti, bu awieeri, bu ká ngbɛɛn wɔ. ²⁰ Ama, yere yiri, ya ti Nyemɛ dika n bo i wo angoro n nu nbaam wɔ, ye ya sunminda ya Mibiɛ Yesu Kristo, ya Tiidefo ni, ni anyumboro, ka i fite Nyemɛ dika n bo i wo angoro n nu ba. ²¹ Na i bá kaaki ya ahin aɲuniɛ n bo i wú ni, na i má i yo aɲuniɛ fɔfɔre barasu be bo i ti kabo i dɛɛ aɲuniɛ woowa n bo i la jirima n ti barasu ni. I fá i yiko n bo i fa niɛ deke n kere su ni fá yo nyini kere a.

4

Kabo Pɔɔlu tuuri bu fo ni

¹ M ninbaam, m koro am agaya, na m ahore abi ka m ɲu am ni, ambere ti, ye m ahore ti jɔɔwa sanɲa kere a, ambere ti m kperɛ bo ma di i m jumayoowa n nu a. Nyini ti, am bita Mibiɛ n dɛɛ atin n ni nahɔre su.

² Yuwodiya, ni Sintiki, m sere am wɔ jande, ka, am fa anɔɔse, dama am ti nibaam wɔ, Mibiɛ n dɛɛ ti. ³ Tɔ, wɔrɔ gusu bo a ti m matafɔ nahɔre su ni, m sere u wɔ, ka, a buka nyini nbara nnyom ni, dama bere yiiri anyumboro bukaari m, ye ya kaanri labari kpa n jɔre n a, fa sanɔa ni Kerementi, ni nyingam bo m ni bere sanɔa yo juma ni. Nyeme akere bu kere duma awura ngɔɔ kadasi n nu. ⁴ Ya Mibiɛ n dɛɛ ti, am ma am ahore jɔ sanɔa kere, m kaaki suse am bekun wɔ ka, am ma am ahore jɔ. ⁵ Am ma sonɔ kere nɔu ka am ti benle, dama Mibiɛ ni kaaaki ba kisa. ⁶ Má am koko fa kɔ deke be su, ama, am kan am sa bo i ti am miɛwa kere fa kere Nyeme sanɔa kere, na am sere i, na am da i asi am ahore su. ⁷ Am yoori sɔ, Nyeme má am ahoreda bo i la má anusu, na i suniɛ am dika fa kɔ am ahore su ni am sunsunni nu, dama am ni Yesu Kristo ayo kun n dɛɛ ti.

⁸ M ninbaam, jɔre n bo wɔ ka n la ka, am ma am sunsunni kere wo dekem bo bu ti kpa, na bu la kansu n su. Bere la deke bo i ti nahɔre, ni bo i la anyunuyi, ni sa bo i kɔ atin su, ni bo i ti casi, ni bo i ti koro sa, ni bo i la jirima. ⁹ Dekem bo am sonson bu fiteeri m dɔ ni, ni bo am deeru m dɔ ni, bere la m nɔaniɛ ni, ni m sayoowa ni, am su bu su na am fa yo juma. Nyeme la ahoreda, yiri wó am dɔ a.

Kabo Pɔɔlu yoori bu anse fa kɔ bu buka n su ni

¹⁰ Ya Mibiɛ n dɛɛ ti, m ahore ajɔ akɔ asin su, dama wɔ ce bo m ti má am nga, ama, kisa am akaaki akere ka am cece wo m nu. M si ka sanɔa kere am cece wo m dɔ, se kabo am yo na am buka m n ye am anya má atin a. ¹¹ Bo m suse sɔ ni, i ti má ka deke be miɛ m wɔ ye m sukan sɔ n a, dama nzen m la i, ni bo m la má i kere, m si kabo m tara m nɔu na m wo barasu. ¹² M si kabo yaari ti sonɔ na i ti barasu, na m kaaki si kabo sonɔ nya i agaya na i ti barasu. Deke kere bo m wo, na sa be atu m, nzen m di na m kunnu yi o, wara nzen m da ahɔe o, nzen m la nenɔge beberebe o, wara i ti kaan o, m si kabo m tara m nɔu barasu na m nyunu yi i. ¹³ Yesu Kristo maari m fanɔa n dɛɛ ti ye m koro yo deke n kere a.

¹⁴ Ama, am ayo sakpa, kabo miɛ tuuri m na m ni ambere kere sanɔa di wahara ni. ¹⁵ Ambere Filipiyafom si ka fite sanɔa bo m boori i bu ba kaanri labari kpa n jɔre kereeri am ni, nyini sin, na m ba fiteeri Makedoniya awɔre n nu ni, Kristo jama kun n kpein be mmɔɔ ace má m aceeri be, má ka ambere ngumi ceeri m aceeri a. ¹⁶ Sanɔa bo m toko wo Tesalonika miɛ kpiri n nu ni, na miɛ tuuri m ni, am yo sunmaari m dɔ ni aceeri kpe nnyɔ. ¹⁷ I ti má ka m koro ka sanɔa kere m sude aceeri fite am dɔ o, ama, m koro ka am yo sɔ, na Nyeme yo am kisi. ¹⁸ Deke n kere bo am fa sunmaari m dɔ ni, m saa akan i, am ace m atara kabo má m koro ni mmɔɔ. Kisa m koro má pui kun, dama Ipaforoditosi afa am aceeri n kere aba ama m. I ti ka yoowa bo ba yo i ama Nyeme na wɔ sun i nu ade i ni akunnujɔ wɔ. ¹⁹ M Nyeme Feme ni, yiri la nenɔge ni ajɛke kere a, i kere wo Yesu Kristo dɛɛ jirima nu wɔ, i má am deke kere bo am fun i. ²⁰ Ya Si Nyeme ni, yiri ti ye ni ka ya kansu i sanɔa kere sanɔa. Ami.

Kabo Pɔɔlu yoori bu anse awieeri su ni

²¹ Am bisa Nyeme minem kere dɔngu ma m. Bere ti Yesu Kristo dɛɛm a. Ya ninbaam bo bu wo m dɔ fen n bisa am kere dɔngu. ²² Nyeme minem kere bisa am dɔngu, maala bo bu yo juma Romafom Feme Kpiri Siza dika ni. ²³ Ya Mibiɛ Yesu Kristo buka am kere.

Pɔɔlu kadasi bo i kere fa maari KOLOSIYAFOM ni

¹ Mini Pɔɔlu bo Nyeme deɛ koroyanu na m ti Yesu Kristo jaramasa ni, m ni ya niwa Timoti ² sukere ahin kadasi n ma Nyeme minem bo wo yi bu Kolosiya mie kpiri n nu n a, na bu ti ya ninbaam bo bu su Kristo su nahore su ni. Ya Si Nyeme buka am na i ma am ahoreda.

Kabo Pɔɔlu sereeri Nyeme na i daari i asi ni

³ Saŋga kere ya sere Nyeme ma am wo, yiri ti ya Mibie Yesu Kristo Si a, na ya da i asi fa ko kabo am woowa ti barasu n wo, ⁴ dama ya ti kabo am ayo Yesu Kristo yarada, ni kabo am koro Nyeme minem kere barasu ni. ⁵⁻⁶ Deke n bo i ti na am yoori so n la ka, am la ahoresi ka am nya deke n bo Nyeme afa ase angoro ka i fa ma am ni. Am du mo tiiri nyini ahoresi n jore saŋga bo minem ba kaanri labari kpa n bo i ti nahore n jore kereeri am n wo. Labari kpa n bo am deer i ni, wo tereki abara aye durunya n kere, mine ade i, bu suyo sakpa durunya n kere nu. Fite saŋga bo am tiiri i ni, am deer i ye am siiri sakpa n bo Nyeme ayo ama am ni nahore su n a. ⁷ Ya lamoko akoo IpaFarasi bo ya koro i ni, yiri du mo kereeri am ahin labari kpa n a. Yiri ti Kristo amusuisufo bo i la dabunu na i yo i juma buka am a, ⁸ yiri seeri ya kabo Nyeme Awiewie Casi n abuka am na am koro minem barasu n a.

⁹ Nyini ti, fite ceen bo ya tiiri kabo Nyeme ayo sakpa n ama am ni, saŋga kere ya sere Nyeme ma am wo, ka i ma am si nahore su kabo i koro ka am yo barasu ni, na i kaaki ma Awiewie Casi ma am nya si ni alecira barasu kere. ¹⁰ Nyini ma am koro wo kabo i ti ye ni ka Ya Mibie minem wo barasu n a, na am yo kabo i koro n kere, na am yo sakpa barasu barasu kere, na am si Nyeme nahore su buka su. ¹¹ Ya kaaki sere Nyeme ka i ma i jirima ni i yiko n bo i la ma anusu n ma am faŋga barasu kere, na am koro mindi, na am la sawore fa ko kekereke kere bo i tu am, ni ahorejo. ¹² Na am da ya Si Nyeme asi, dama yiri ama am ayo minem bo am aju su ka am saŋga nya deke n bo i fa ma i minem bo bu wo wein n nu ni. ¹³ Yiri ye wo yi ya afite awosin deɛ femeya yiko n kere nu, ye wo fa ya awura i Wa koroowa n deɛ femeya n nu a. ¹⁴ Yiri Kristo deɛ ti, ya nya tiide, ye wo fa ya satie ace ya.

Kabo Kristo woowa ni i juma ti barasu ni

¹⁵ Kabo Nyeme bo ya nu ma i n woowa ti ni, yiri Kristo woowa ti so o, yiri ti Nyeme Wa kpien n bo i ti deke kere bo Nyeme ayi bu n tii a. ¹⁶ Yiri ye Nyeme maari i yiiri deke kere bo i wo angoro ni asienngu n a, ni dekem bo ya nu bu, ni bo ya nu ma bu ni, ni yikofom kere, ni nfaŋgafom, ni nfemem kere. Nyeme maari yiri yiiri deke n kere a, adena deke n kere wura i kpiri. ¹⁷ Yiri du mo woori bere wo ka, ye Nyeme nya ba yiiri deke n kere a. Yiri ma deke n kere toko wo bere a. ¹⁸ Yiri ti i jama n kere tii a, ye i jama n ti i nuniembaa ni, yiri ti i jama n bumboori a, yiri ye Nyeme adu mo atenge i yiwee nu a, adena i yo deke n kere bo Nyeme ayi bu n mofa. ¹⁹ Dama wo sun Nyeme nu ka, i deɛ woowa kere wo i Wa n nu. ²⁰ Na Baa n deɛ ti ma Nyeme akoro akaaki deke n kere bo bu wo angoro ni asienngu ama bu ni Nyeme ayo kun, i mbunja n bo i fiteeri i nuniɛ nu baka jaanu n su ni, ayo bu ni Nyeme afien dongu a.

²¹ Amberɛ, sanɣa be, am yo woori dede ni Nyemɛ wɔ, am yo ti i kpɔ-fɔm wɔ, dama am yo yo satiem wɔ, na am sunsunni ti má kpa, ²² ama, kisa i Wa n woori ka adamande wɔ, na i wuuri baka jaanu n su ni, nyini ma am ni yiri ayo kun a, adena i yó am casi, na má be koro jaraki am, na am lá má ngasi be Nyemɛ dɔ. ²³ Ama, i ti ye ni ka am subita yarada n bo am la i kenken sanɣa kerɛ, na má am yaki i, má am ma deke be kanda am fa kɔ kabo am tiiri labari kpa n bo i maari am yoori i tama n jɔrɛ ni. Nyini labari n ye bu kaanri i jɔrɛ durunya n kerɛ nu n a, ye mini Pɔɔlu mmɔɔ ti i amususufɔ, ye m kan i jɔrɛ n a.

Kabo Pɔɔlu yo juma ma Kristo jama n barasu ni

²⁴ Ama, kisa wɔ yo m fiɛ kabo m sudi wahara amberɛ dɛɛ ti ni, na wahara n bo m di i m ŋuniɛ n nu ni, m sudi i sɔ haari m kɔ wie i, kabo Kristo gusu diiri wahara ni, m dí i ma i jamam bo bu ti i ŋuniɛmbaa n wɔ. ²⁵ Nyemɛ ayi m ka m yo Kristo jama n amususufɔ a, ye wɔ ma m ahin juma n ka m yo buka am a. Nyini la bo i ŋa m kan i nɔaniɛ n kerɛ pepere kere am ni. ²⁶ I ti jɔrɛ bo Nyemɛ yo fa fiɛri dawafɔm kerɛ su wɔ, ama, kisa wɔ fa i akere i minɛm bo wɔ yi bu ni. ²⁷ Berɛ ye Nyemɛ koro ka i kere bu jɔrɛ bo i wo fiɛwa nu n a, yiri la alekutura sa bo i la má aɗusu na i koro ka i yo ma amberɛ bo am ti má Yudafɔm ni. Yiri la ka, Kristo wo am nu, na am la ahoresi ka am nyá i dɛɛ jirima woowa n be. ²⁸ Ya kan Kristo jɔrɛ kere sɔnɔ kerɛ wɔ, na ya kere bu na ya bɔbɔ bu, ni alecira bo wɔ fa ama ya ni, na bu ba i dɔ ba su i ka minɛm bo bu nyunu ati Kristo dɛɛ atin su. ²⁹ Nyini dɛɛ ti, ye m yo ahin juma n ni anyumboro n a. I dɛɛ yiko n bo i la má aɗusu ni ma m fanɣa ye m koro yo juma n a.

2

¹ M koro ka am si kabo m tu ŋgoni yo juma n ni anyumboro ma amberɛ, ni Lawodikayafɔm, ni minɛm bo bu nya si má m ni. ² M koro ka m yo sɔ na i wura am kpɛrɛ kekereke, na am la anɔɔsɛ, na am koro am benggu ni nahɔrɛ su, na am si Nyemɛ nahɔrɛ su, na am de i nɔaniɛ ni, na i ma am ahorejɔ, na am si jɔrɛ n bo Nyemɛ yo fa fiɛri ni. Yiri la Yesu Kristo. ³ Yiri ŋgumi ti bo i koro ma ya alecira ni si kerɛ fa kɔ Nyemɛ jɔrɛ n bo i wo fiɛwa nu wo i dɔ ni.

⁴ M koro má ka be fa anɔɔfiɛfiɛ daka am, nyini dɛɛ ti, ye m se am sɔ n a. ⁵ Haari ni bo m wo má am dɔ ni, m sunsunni yiri wo am dɔ, kabo am ayo Kristo yarada nahɔrɛ su na am la anɔɔsɛ bita i atin kenken ni, nyini ayo m fiɛfiɛ agaya.

Am ma am woowa ti kabo Kristo dɛɛ ti ni

⁶ Kabo am asoro su ade Yesu Kristo ka am Mibiɛ ni, am ma am woowa ti ka minɛm bo bu ni yiri ayo kun ni. ⁷ Am bita i kekereke, na am subuka su fa kɔ Nyemɛ atin su, na am ma am yarada yo biiwa nahɔrɛ su kabo ba kere am ni. Na am suda i asi agaya.

⁸ Am si am ŋu sa, na má be fa adamande ŋgɔnlɛ, ni sa ŋgbɛɛn be dadaka am na am su bu su. Berɛ la adamande kereewam, ni durunya n nu satie yoowam bo bu fa kere minɛm na i ti má Kristo dɛɛ kereewa ni. ⁹ Dama Nyemɛ dɛɛ woowa kerɛ wo Kristo dɛɛ ŋuniɛ n nu wɔ. ¹⁰ Kabo am ni yiri ayo kun ni, nyini ma am anya deke kerɛ pepere a. Yiri ti yikofɔm, ni nfanɣafɔm kerɛ tii a.

¹¹ Kabo am ni Kristo ayo kun ni, nyini kere ka am awura kenkenne nahɔrɛ su a, má aɗuniɛmbaa su yoowa bo adamande yo i ni, ama, yiri la bo Kristo ayi am satie n kerɛ ni. ¹² Sanɣa bo bu biɛri am Nyemɛ nzue ni, i kere

ka ba saŋga ase am ni Kristo wɔ lɛɛ, na am ni yiri asaŋga atenge i yiwee n nu lɛɛ, dama am la yarada ka Nyemɛ dɛɛ yiko n nu ye wɔ tenge Kristo i yiwee n nu a. ¹³ Saŋga be, am yo ti fuinm wɔ, dama am ti satieyofom wɔ, na am ayo awura má kenkenne na am su má Nyemɛ. Ama, kisa Nyemɛ ama am ni Kristo asaŋga anya ŋɔɔ fɔfɔrɛ. Wɔ fa ya satie kɛrɛ ace ya. ¹⁴ Satie kɛrɛ bo ya yo yoori na ba kɛrɛ i ka i ti ŋgasi jɔrɛ ni, Yesu yiwee n bo i wuuri baka jaanu n su n dɛɛ ti, wɔ ŋmisi ayi nyini ŋgasi sa n kɛrɛ, ¹⁵ na wɔ kunma yikofom ni nfaŋgafom kɛrɛ, awura bu nyinse fofoe nu.

¹⁶ Nyini ti, má am ma be jaraki am fa kɔ sayoowa be su, kabo am yo fa kɔ diire diiwam ni bu ciirem, wara deke nuuwam ni bu ciirem, wara cɛenkpiri ciirem, wara sara fɔfɔrɛ ciire yoowam, wara Njumiyi cɛɛn n ciirem. ¹⁷ Nyini yoowam kɛrɛ ferema ni deke n bo i suba n wɔ, yiri la Kristo. ¹⁸ Am si am ŋu sa ni minem bo bu ŋa ba ŋu deke yikereewa nbem, na bu yo bu ŋu ka bu ti tarakam, na bu su mɛrɛkɛm ni. Adamande dɛɛ sunsunni nu kpirikoro la nyini n kɛrɛ bo bu yo sɔ ni. Má am ma bu ŋu am ŋgasi be. ¹⁹ Nyini minem sɔ da má Kristo bo i ti i jama n tii n ŋu. I jama n ti i ŋuniɛmbaa a. Yiri niɛ i ŋuniɛmbaa barasu barasu n kɛrɛ suyo i kun a, na i ma i wura i beŋgu nu, na i sasa suyo faŋga, na i buka nyemesu atin su, kabo Nyemɛ koro ni.

²⁰ Kabo am ni Kristo asaŋga awu ni, am anya am tii afite durunya n nu satie yoowam kɛrɛ nu. Nzu ti ye am su bu nyini ciirem su a? ²¹ Bo bu ŋa, má am tara ahin, má am di ahin, ni bo bu ŋa má am fa am saa kan ahin dekem ni. ²² Nyini ciirem kɛrɛ ti adamande dɛɛ kereewam wɔ, nzen sɔnɔ suuri bu su, bu kɛrɛ kaari ŋgbɛɛn wɔ. ²³ Nyini ciirem ni, mine sunsun ka bɛrɛ n bo bu su nyini n kɛrɛ su n ti alecirafom wɔ, ama, bu ti má alecirafom, bu su dekem bo bu ahorembaa koro ni su a, na bu yo bu ŋu taraka, na bu sukere bu ŋu wahara, ama, nyini n kɛrɛ bo bu yo i ni, bu koro tara má bu ŋu fa kɔ adamande konviki dika.

3

Woowa dawa n ni woowa fɔfɔrɛ n jɔrɛ

¹ Nyini ti, kabo am ni Kristo asaŋga atenge i yiwee n nu ni, am ma am ahorembaa kɛrɛ wo dekem bo bu wo aŋgoro n su, dika n bo Kristo tana Nyemɛ saa fombɔrɔ su ni. ² Am ma am sunsunni kɛrɛ wo dekem bo bu wo aŋgoro n su, ama, má dekem bo bu wo durunya n nu fɛn ni. ³ Dama am ni Kristo asaŋga awu wɔ, ye am ni yiri ayo kun a, ye Nyemɛ afa am ni yiri ŋɔɔ afie yiri ni i tii dɔ a. ⁴ Kristo ti am ŋɔɔ nahɔrɛ su a, i ba baari, am ni yiri kɛrɛ sáŋga fite a, na am nyá i jirima woowa ni.

⁵ Nyini dɛɛ ti, am yaki am ŋuniɛmbaa sa koroowa kɛrɛ, má am yo sakaraya, am yaki dangba sayoowam, am yaki konviki ŋgbɛɛnŋgbɛɛn, má am ma am nyunu boro satieyo su. Má am ma am nyunu boro nenge kpini su, sɔnɔ kɛrɛ bo i yo sɔ, i mi su má Nyemɛ, i su nengem wɔ. ⁶ Nyini dɛɛ ti, ye Nyemɛ fá yaa cin minem sui a, bɛrɛ bo ba kete ka bu de má i nɔanie na bu yo nyini sam ni. ⁷ Saŋga be, ambɛrɛ mmɔɔ ni am tii yo yo nyini sam wɔ, dama kabo am woowa yo ti lɛɛ. ⁸ Ama, kisa, am yaki nyini kɛrɛ fieo, yaafa ni aŋunkpini, na má am ma nzukɔ kpie ni jɔrɛ ŋgbɛɛnŋgbɛɛn fite am nɔɔ nu, ⁹ má am bu kɔrɛ sɔ am beŋgu, dama am ayaki am dawa dɛɛ yoowa n kɛrɛ fieo fieo, ¹⁰ am afa wo fɔfɔrɛ. Nyemɛ suma am nyini woowa fɔfɔrɛ n a, adena i má am woowa ti kabo i dɛɛ woowa ti barasu ni, na am koro si i nahɔrɛ su. ¹¹ Nyini woowa fɔfɔrɛ n bo Nyemɛ ayo i n dɛɛ ti, Yudafom ni minem bo bu ti má Yudafom ti kun wɔ, minem bo ba wura kenkenne o,

ni bo ba wura má kere ti kun wɔ, ni minem bo bu jɔjɔ anie barasu nbem, ni minem bo bu nyunu nya teke má, ni akɔɔm ni awurunbaam, bu kere ti kun wɔ. Ama, bo i kɔ tara bu kere n la Kristo, yiri wo bu kere ahore su a.

¹² Am ti minem bo Nyeme koro am, na wɔ yi am afa ayo i deem wɔ. Nyini ti, i ti ye ni ka am si anunfo na am buka minem, na am yo am nu kaan, na am yo benle, na am la mindi, ¹³ na am yo sawore de am beɔgum. Nzen be ni i beɔgu anya jore, am fa ce am beɔgu. Kabo Kristo afa am ngasi ace am ni, amberɛ gusu fa am beɔgum ngasi ce bu. ¹⁴ Bo i tara i kere n la ka, am koro am beɔgu, dama koro ma am yo kun a, na am yo anɔɔse nahore su. ¹⁵ Kristo afere am ayo am deke kun ama am ahoreda, nyini de ti, am ma nyini ahoreda n wo am do sanɔa kere, na am suda Nyeme asi. ¹⁶ Am ma Kristo jore n wo am ahore su ni nahore su. Am fa Nyeme noanie na am fa kere am beɔgu, ni alecira kere bo am la i ni, na am fa tu am beɔgu fo. Am fa Nyeme noaniem bo bu wo kansu jue kereewam n nu n fa di jue kansu Nyeme, na am di jue n bo Awiewie Casi n kere am, na am di jue da Nyeme asi am ahore su. ¹⁷ Am sayoowa, ni am jɔjɔowa kere nu, am yo i ya Mibie Yesu de duma n nu, na am da ya Si Nyeme asi Kristo de ti.

Kabo i ti ye ni ka Kristo susufom bita bu awuru barasu ni

¹⁸ Nbaram, am de am hunm noanie kabo i ti ye ni ka Mibie n susufom yo ni. ¹⁹ Nbiesom, am koro am yim, ma am bita bu ni joko tie. ²⁰ Nbaatumam, am de am sim ni am nim noanie fa kɔ deke kere su. Nzen am yo so, nyini yo Mibie n fie a. ²¹ Nbaasim, ma am yo sa bo i ye am nbaam yaa su, na bu ahore saaki. ²² Amberɛ bo am ti akɔɔm ni, am de am mibiem bo bu wo durunya n nu fen n noanie deke kere nu, ma am yo ka bu nie am de ti, na am koro ka am yo na bu ahore jo am nu, ama, am yo deke kere bo bu na am yo i n ni am ahorembaa kun, ka am su Mibie n de ti. ²³ Am yo am juma kere ni am ahorembaa kun, ka am suyo ma Mibie n wɔ, ama, ma ka am suyo ma adamande wɔ. ²⁴ Am si ka am nya nkato bo Nyeme ase ka i fa ma i minem ni. Dama am Mibie n bo am su i ni, yiri la Kristo wɔ. ²⁵ Sonɔ kere bo i yoori sa bo i ti ma kpa, Nyeme to i mi kaari, dama Nyeme tantambu ma nu.

4

¹ Amberɛ gusu bo am ti mibiem ni, am yo am akɔɔm kpa, na am yo deke bo i ti ye ni ka am yo ma bu ni, dama am si ka am gusu la am Mibie n bo i wo angoro.

Nyemesere ni fotu jore

² Am susere Nyeme sanɔa kere ni anyumboro, ma am fa am nu ji, am suda i asi. ³ Nzen am sere Nyeme, am sere ma ya gusu, na Nyeme teke atin ma ya na ya kan labari kpa n fa kɔ Kristo jore n bo i yo wo fiɛwa nu n kere minem. Dama labari kpa n de jore ti, ye m wo dansaraka nu n a. ⁴ Am sere Nyeme ma m, na i jina m sin na m koro kan labari kpa n kabo i ti ye ni ka m yi i bu nyunyumi kere minem na bu ti i bu. ⁵ Am fa ngonle na am si kabo am wo fa kɔ minem bo bu ti ma Kristofom do. Sanɔa kere bo am nya atin, am fa yo sakpa, kabo i ti ye ni ka am yo ni. Ma am saaki am sanɔa n bo am la i ni. ⁶ Sanɔa kere bo am na am jɔjɔ minem do, am ma am noanie fite kpa na i yo bu fiɛfiɛ, na am si kabo am bo sonɔ kere nu barasu.

Kabo Pɔɔlu yoori bu anse awieeri su ni

⁷ Ya niwa Tikikusi bá kan m ɲusu jɔre kere kere am. Yiri ye ya koro i agaya, i bita nahɔre fa kɔ i juma su, i ti ya lamɔkɔ akɔɔ ɔ, fa kɔ Mibiɛ n juma n su. ⁸ Nyini ti, ye m susunma i am dɔ n a, ka i ba kan kere am kabo ya kere ti barasu, na am ahore si.

⁹ I ni Onisimɔ suba a. Yiri mmɔɔ ti ya niwa bo ya koro i wɔ, i bita nahɔre fa kɔ i juma su, i ti am be wɔ. Bu bá kan deke kere bo i suyo fen kere am.

¹⁰ Arisitakusi bo m ni yiri kere wo dansaraka nu fen ni, bisa am kere dɔŋgu. Banabasi niema Marako gusu bisa am kere dɔŋgu. Ma du mɔ ase am kabo am yo barasu, ka i baari, am de i ni am saa nnyɔ. ¹¹ Yesu n bo bu kaaki fere i ka Jusitosi n gusu bisa am kere dɔŋgu. Bere mine nsan n ɲgumi ti m lamɔkɔ Yudaɔm bo ba yo yarada, na m ni bere sanɲa yo Nyeme femeya n nu juma n a. Bu ti minem bo bu ma m ahoresi. ¹² Ipafarasi gusu bo i ti am be na i ti Kristo akɔɔ n bisa am dɔŋgu. Sanɲa kere i sere Nyeme ni anyumboro ma am wɔ, adena am la jinakunsu na am su Nyeme ni nahɔre, na am yarada yo biiwa, na am de i nɔaniɛ ni kabo Nyeme koro n kere. ¹³ Mini mmɔɔ ni m tii koro di i daani, kabo i yi anyumboro yo juma ma am bere, ni Lawodikayafɔm, ni Herapolisifɔm barasu. ¹⁴ Luka bo ya koro i na i ti dɔkɔtiɛ ni, i ni Demasi kere bisa am dɔŋgu.

¹⁵ Am bisa ya ninbaam kere bo bu wo Lawodikaya ni, ni Nimfa, ni Kristo jama n kere bo bu nati tien bu nɔɔ i dika n dɔŋgu. ¹⁶ Nzen am kaanri ahin kadasi n wieeri, am yo aniɛ na am fa ma Lawodikayafɔm na bu gusu kan i. Na am boro am nyi na am gusu kan m kadasi n bo bere Lawodikayafɔm fa ma am ni. ¹⁷ Am se Akipusi ka i boro i nyi, na i yo juma n bo Mibiɛ n fa maari i ni, na i wie i.

¹⁸ Mini Pɔɔlu ni m tii sufa m saa sukere ahin kereɛwa n bisa am dɔŋgu a. Má am ma am wara fi ka m wo dansaraka nu wɔ. Nyeme buka am kere.

Pɔɔlu kadasi ciciri su bo i kerε fa maari TESALONIKAFOM ni

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika miε kpiri n nu na am ti ya Si Nyeme ni ya Mibiε Yesu Kristo dεε minem ni. Nyeme buka am, na i ma am ahoreda.

Kabo Tesalonikafom woowa ni bu yarada tiiri barasu ni

² Saŋga kerε ya da Nyeme asi ambere kerε dεε ti wɔ, na ya susere Nyeme ma am, ³ na ya sutenge am su ya Si Nyeme dɔ, kabo am fa am yarada fa yo juma barasu ni, ni kabo am la koro, na am fa yo juma barasu ni, ni kabo am bita am tama n kenken fa kɔ ya Mibiε Yesu Kristo dɔ ni. ⁴ Ya ninbaam, Nyeme koro am, na ya si ka wɔ yi am ka am yo i tienɔgu dεε minem, ya si ka i ti sɔ ɔ, ⁵ dama saŋga bo ya kaanri labari kpa n kereeri am ni, wɔ ti má nɔanie jɔjɔwa ŋgumi wɔ, ama, i fite Awiewie Casi n dεε yiko n nu wɔ, ye am siiri tenle su ka i ti nahɔre a. Saŋga bo ya woori am dɔ ni, am ŋuuri kabo ya wo tiiri barasu, i fiteeri ka ambere dεε ti ye ya woori sɔ a, adena i buka am. ⁶ Na am asɔn ya ni Mibiε n dεε wo n su, haari ni bo am diiri wahara agaya n kerε ni, am deeri labari kpa n wɔ, ni ahorejɔ n bo i fite Awiewie Casi n dɔ ni. ⁷ Am nyini wo n ti, yaradayofom kerε bo bu wo Makedoniya ni Akaya awɔrem n nu aɔu ka i ti ye ni ka bu sɔn am su. ⁸ Má ka Makedoniya ni Akayafom tiiri Mibiε n labari n fiteeri am dɔ n ŋgumi, ama, yarada n bo am yoori Nyeme ni, i jɔre abara aye deke kerε. Nyini ti, ya la má jɔre be bo ya kan kun. ⁹ Nyini minem n kerε kan kabo am deeri ya barasu, saŋga bo ya baari am dɔ ni, ni kabo am kaakiiri am sin boori amɔem na am su Nyeme bo i ti nahɔrefɔ na i wo bere saŋga kerε ni, ¹⁰ na am ŋminda i Wa Yesu, yiri fite Nyeme dɔ aɔgoro ba a, yiri ye Nyeme atenge i yiwee n nu n a, yiri yí ya fite jina cɛen dεε kekereke n nu a.

2

Kabo Pɔɔlu yoori i juma Tesalonika miε kpiri n nu barasu ni

¹ Ya ninbaam, ambere mmɔɔ ni am tii si ka, ba n bo ya baari am dɔ ni, wɔ ka má ŋgbεen. ² Am si kabo bu boori ya, na bu wuraari ya nyinse Filipiya miε kpiri n nu ka, ye ya nya baari am dɔ Tesalonika a. Ama, na Nyeme ama ya ahoresi na ya koro akan i labari kpa n akere am, haari ni bo mine dɔɔngu asoro má ya su mmɔɔ ni. ³ Nɔanie n bo ya kan kereeri am ni, i ti má ka ya mini atin wɔ, wara i ti má ka ya la sunsunni tie be wɔ, i sa su ti má ka ya koro ka ya dadaka be wɔ. ⁴ Ama, saŋga kerε ya jɔjɔri kabo Nyeme koro n wɔ, dama yiri jina ya sin a, ye wɔ fa labari kpa n ama ya ka ya kan i. Ya yo má ka i sun adamande nu wɔ, ya yo ka i sun Nyeme nu a, dama yiri fiiti si deke bo i wo ya ahore su a. ⁵ Am si tenle su ka ya ba abo má am aɔɔfie wɔ, na ya ba akan má labari kpa n ka ya nyunu aboro nenɔge kpini su wɔ. Nyeme wo ya daani, ⁶ ya yo akoro má kansi am dɔ, wara be dɔ. ⁷ Má kabo ya ti Kristo jaramasam ni, má ya koro se am ka am yo deke kerε ma ya. Ama, saŋga bo ya woori am dɔ ni, ya woori benle wɔ, kabo bara baawufɔ niε i nbaam dika n wɔ. ⁸ Koro bo ya fa koro am n dεε ti, ye ya kaanri Nyeme labari kpa n maari am a, na ya gusu akun ya ŋu ama am, dama ya koroori am agaya n dεε ti. ⁹ Nahɔre, ya ninbaam, am tenge su kabo ya boroori ya nyi yoori juma nahɔre su, ya yoori juma

wiesu, ni kɔŋgue, adena má ya fa ya fie fie be, sanɔa bo ya kaanri Nyeme labari kpa n maari am ni.

¹⁰ Ambere yaradayofom ni, am ni Nyeme mmɔɔ kere wo ya daani, kabo ya wo tiiri, sanɔa bo ya woori am do ni. Ya woori am do ni akunnu fofoe wo, na ya sa kere ako atin n su, ya yo má sa be bo i fa jaraki ba.

¹¹ Am si ka sanɔa bo ya woori ni ambere ni, ya bitaari am kabo sonɔ bita i nbaam n wo. ¹² Ya maari am ahoresi, na ya dada am ahore, na ya ye am nyi ka am wo kabo i ti ye ni ka Nyeme minem wo barasu n a. Yiri fereeri am a, ka, am ba yo i dee minem bo i nie am dika, na am bá nya i dee jirima ni.

¹³ Na ya gusu da Nyeme asi sanɔa kere, dama sanɔa bo am deeri Nyeme noanie n bo ya kan kereeri am ni, am ade má i ka i fite adamande do, ama, am ade i ka i ti Nyeme noanie wo, na i ti so so nahore su, ye i wo ambere yaradayofom ahore su yo juma a. ¹⁴ Ya ninbaam, sam bo bu yo tuuri Kristo jamam bo bu wo Yudiya asien n su ni, nyini sam ye ba tu ambere gusu n a. Kabo am tienɔu minem akere am wahara barasu ni, so ye Yudafoam yo fa kereeri Kristo jamam n a. ¹⁵ Bere kuunri Nyeme noanie kanfoam ye bu kaaki kuunri ya Mibie Yesu, na ba kere ya wuwuruwa, na ba yo sa bo i sun má Nyeme nu, na ba yo adamande kere kpofoam. ¹⁶ Na ba koro ka bu kanda ya ka má ya kan Nyeme noanie n kere minem bo bu ti má Yudafoam ni, adena má bu nya tiide. Na nyini satie n aba abuka bu satie n kere su ako asin su. Ama, kisa, Nyeme afa yaa bu nu, i sudi bu jore.

Kabo má Pɔɔlu koroori ka i ko nie Tesalonikafom busu ni

¹⁷ Ya ninbaam, sanɔa bo ya kpaaki yakiiri am kaan so ni, ya sunsunni yiri woori am do, na ya wara ado am agaya, na ya boro ya nyi ka ya ba nie am busu. ¹⁸ Má ya koroori ka ya kpie ya nyi ba am do. Haari na mini Pɔɔlu ni m tii akoro ka m kpie m nyi ba am do, kpe nyenye kere, ama, Sitana akanda ya. ¹⁹ Ya koro ka ya kpie ya nyi ba am do, dama sanɔa bo ya Mibie Yesu bá kpie i nyi ba ni, ya lá ahoresi ambere dee ti, na ya lá ahorejo, na ya káaki koro fo ka ya nya teremasu i do. ²⁰ Nahore, ambere ti, ye ya la ahorejo koro bo ya hoe n a.

3

¹ Kabo ya ni ambere akpaaki ace n dee ti, ya wara ado am agaya, nyini ti, ya na yere ka Atensi mie kpiri n nu. ² Na ya sunma ya niwa Timoti ka i ba nie am busu. Ya ni yiri sanɔa yo juma fa ko Kristo labari kpa n kan su, ye ya sunmaari i ka i ma am nya ahoresi, na i ma am jina kenken fa ko am yarada n su. ³ Adena má am be nunie yoroaki i fa ko ahin wuwuruwam bo bu sukere am n ti. Ambere mmɔɔ ni am tii si ka, nyini sam bo bu tu yere yaradayofom ni, Nyeme koroowa lee. ⁴ Dama sanɔa bo ya toko wo am do ni, ya yo seeri am ka bu bá kere ya wuwuruwa. Kabo am si ni, nyini lee ye wo tu ya n a. ⁵ Nyini ti, ma koro amindi má, ye m sunmaari Timoti na i ba nie ka am toko bita am yarada n kenken n a. Beni, kisa Sitana akoro anya atin adadaka am, wo ma ya juma n bo ya yo i am do n kere aka ngbeen.

⁶ Ye kisa, Timoti akpie i nyi afa labari aba ama ya fa ko kabo am yarada, ni am koro n ti barasu. Wo se ya ka am la sunsunni kpa fa ma ya sanɔa kere, na am koro ka am nu ya kabo ya gusu koro ka ya nu am ni. ⁷ Nyini ti, ya ninbaam, haari ni bo ya wo kekereke nu na ya sudi wahara n kere ni, am yarada n ama ya ahoresi. ⁸ Na nzen am jinaari kun su, fa ko Mibie n dee atin n su, ya koro da na ya daafi. ⁹ Kisa ya si má kabo ya da Nyeme asi fa ma am mmɔɔ, fa ko ahorejo bambaka n bo wo fa ama ya, am dee ti.

¹⁰ Kŕngue ni wiesu kere ya sereeri Nyeme nahore su wo, ka, i ma ya ba nu ya nu, na ya kere am dekem bo i kpie am su fa ko am yarada n su.

¹¹ Ya sere ya Si Nyeme, ni ya Mibie Yesu ka bu teke atin ma ya, na ya koro ba am do. ¹² Na ya sere Mibie ni, ka, i ma am la koro buka su, na am fa koro am benggu ni minem kere ko sin su, kabo ya gusu koro am ni. ¹³ Na i ma am nya ahoresi, na am jina kenken, na am ba yo mine casim bo be koro jarki ma am, ya Si Nyeme do, sanja bo ya Mibie Yesu ba baari ni i tienju minem kere ni.

4

Kabo ya wo wo bo i sun Nyeme nu barasu ni

¹ Ya ninbaam, ya yo kereeri am kabo i ti ye ni ka am wo barasu na i yo Nyeme fie. Ya si ka am wo nyini wo n wo nahore su. Ama, ya sere am jande wo, ya Mibie Yesu duma n nu, ka, am wo wo bo i ko tara so. ² Dama am si noanie n bo ya Mibie Yesu fa maari ya na ya gusu fa maari am ni. ³ Nyeme koro ka am wo wo casi wo, na ma be yo sakaraya. ⁴ I ti ye ni ka bieso kere ni i yi tara bu nu, na bu wo wo bo i ti casi na i la kansi. ⁵ Ma am ma am konviki wo sakaraya sereya nu kabo minem bo bu su ma Nyeme n yo ni. ⁶ Kabo i nya ti so ni, ma Kristo susufo be se ka i bu i niwa Kristo susufo ngbeen fa ko nyini sam su. Ya yo seeri am wo ni nahore kekereke, ka, sono kere bo i yoori so, Mibie ni cin i mi sui. ⁷ Nyeme fereeri ya ka ya wo wo bo i ti casi wo, i koro ma ka ya fa ya nu wura sakaraya sereya n nu. ⁸ Nyini ti, sono kere bo i keteeri ahin kereewa ni, i ti ma ka i sukete adamande wo, ama, i sukete Nyeme wo, yiri ma am i Awiewie Casi n a.

⁹ To, fa ko kabo am koro am ninbaam ni, ya la ma jore be bo i ti ye ni ka ya kere ma am, dama Nyeme akere ambere ni am tii kabo am koro am benggu barasu. ¹⁰ I ti nahore wo, ka, am koro ya ninbaam kere bo bu wo Makedoniya aware n nu ni. Haari ni nyini mmoo, ya susere am wo, am koro bu koro bo i ko tara so. ¹¹ Am yo anie na am wo benle, na am nie am tienju juma bo am yo i, na am fien anjuye na am di, kabo ya du mo seeri am ni. ¹² Nzen am yoori so, nyini ma minem bo bu nya yo ma Yesu yarada n bu am a, na am nie ma be anyumbaa fa ko am sa koroowa su.

Kabo Mibie ni ba kpie i nyi ba n jore

¹³ To, ya ninbaam, ya koro ka am si deke bo i ti nahore fa ko minem bo ba wu n do, adena ma am ahore saaki ka minem bo bu la ma tama be ni. ¹⁴ Ya yo yarada ka Yesu wuuri wo na wo tenge bekun, nyini ti, ya kaaki la yarada ka Nyeme tenge minem bo bu yoori Yesu yarada na ba wu ni, na i ma bu su Yesu su ba. ¹⁵ Kereewa bo ya sufa kere am kisa n fite Mibie n do o, ka, yere bo ya toko la ngoo ni, ceen n bo Mibie n ba baari ni, yere, ya du ma bere n bo ba wu n mo. ¹⁶ Dama Mibie n ni i tii ba fite angoro n nu jura na i ma noo, na Nyeme mereke kpien n tien, na bu kan Nyeme awie ni. Na minem bo bu yoori Yesu yarada na ba wu n du mo tenge bu yiwee n nu. ¹⁷ Nyini sanja, na Nyeme fa bere, ni yere bo ya toko la ngoo ni, na ya kpa Mibie n atin angoro yinyingu n nu. Na ya ko wo Mibie n do sanja kere. ¹⁸ Nyini ti, am fa ahin noaniem fa si am bengum ahore.

5

¹ Ya ninbaam, fa ko sanja n bo Mibie ni ba ba ni, ya la ma jore be bo i ti ye ni ka ya kere ma am fa ko nyini sanja n su kun. ² Dama ambere mmoo ni am tii si tenle su ka ceen n bo Mibie ni ba kaaki ba ni, i yo kabo

awiefɔ ba kɔŋgɛ ba wɔ n wɔ. ³ Saŋga bo minem ba suse ka tanalaifie ni ahoreda wo bere ni, nyini saŋga n nu ye kekereke kába ba tu bu a, kabo bara ba kutu ka i wu baa na i ti barasu ni. Nyini kekereke ni, sɔnɔ be kóro fite má nu. ⁴ Ama, amberɛ, ya ninbaam ni, am wo má awosin nu bo Mibie n ba cɛɛn ni bá fura am nu, kabo awiefɔ ba fura sɔnɔ nu na i wɔ n wɔ. ⁵ Amberɛ kere ti minem bo am wo wein n nu wɔ, kabo wiesu ti ni. Ya wo má kɔŋgɛ nu, wara awosin nu. ⁶ Nyini ti, má am ma ya daafi kabo nyiŋgam daafi ni, am ma ya nyunu wo su na ya tara ya ŋu. ⁷ Kɔŋgɛ ye minem daafi a, kɔŋgɛ gusu ye minem nu nzan bo a. ⁸ Ama, yere wo wein nu wɔ, nyini ti, am ma ya tara ya ŋu, na ya fa yarada ni koro fa kanda ya ŋu ka bulaari pɛpɛrɛpɛ bo ya fa kanda ya hoe su, na ya fa ahoresi ka ya nya tiide yo ka bulaari kere bo ya fa butu kanda ya tii. ⁹ Dama Nyemɛ ayi má ya ka i fá yaa na i cin ya sui wɔ, ama, i yiiri ya ka ya nyá tiide, ya Mibie Yesu Kristo dɛɛ ti wɔ. ¹⁰ I wuuri yere dɛɛ ti wɔ, na saŋga bo i bá ba ni, nzen ya la ŋɔɔ o, wara nzen ya wu wɔ o, ya ni yiri saŋga wo a. ¹¹ Nyini ti, am ma am beŋgu ahoresi, na am buka am beŋgu na am kɔ mɔ ni am nyemesu ni, kabo kisa na am suyo ni.

Fɔtu jɔrɛ

¹² Ya ninbaam, ya sere am wɔ, ka, am bu mɔfɔm ni, bere bo bu yo Nyemɛ juma ni anyumboro ma am ni, na bu nie am su, na bu kere am Nyemɛ atin ni. ¹³ Am ma bu jirima nahɔre su, ni koro, fa kɔ bu juma n bo bu yo i n dɛɛ ti. Am ma tanalaifie wo am ni am beŋgum dɔ.

¹⁴ Ya ninbaam, ya kaaki sere am wɔ, ka, am bɔbɔ nviɛyafɔm ni, na am ma sɛrɛfɔm n ahoresi, na am buka daburukafɔm ni, na am fa sawɔre ni sɔnɔ kere. ¹⁵ Má be se ka i fa i beŋgu satie bo i yo i fa tɔ i mi kaari, ama, saŋga kere am ma am sunsunni la ka, am yo sakpa ma am beŋgum ni sɔnɔ kere.

¹⁶ Am ma am ahore jɔ, saŋga kere, ¹⁷ na má am se ka am yaki am nyemesere, ¹⁸ na am da Nyemɛ asi, haari fa kɔ sa kere bo i tu am. Kabo Nyemɛ koro ka am yo lɛɛ, dama am ni Yesu Kristo ayo kun n ti. ¹⁹ Má am kanda Awiewie Casi ni, am ma i yo i juma. ²⁰ Nɔanie bo minem deerɛ i Awiewie Casi n dɔ kan kereeri am ni, má am bu i ŋgbɛɛn, ²¹ ama, am fiiti i kere nu na am nie, na am de bo i ti kpa ni, na am su i su, ²² na am kete sa ŋgbɛɛnŋgbɛɛn kere pepere.

Awieeri su dɛɛ anse yoowa

²³ Ya sere Nyemɛ, yiri n bo i ma ahoreda n ka, i ŋmisi am ahorembaa, ni am ŋuniɛ, ni am sunsunni kere casi, adena am wo wo bo fin be mata má am, haari fa kɔ ju saŋga bo ya Mibie Yesu Kristo bá kpie i nyi ba ni. ²⁴ Yiri bo wɔ fere am ni, yiri la dabuŋu, i yó nyini sam n kere.

²⁵ Ya ninbaam, am sere Nyemɛ ma ya gusu, ²⁶ na am bisa ya ninbaam kere dɔŋgu ni koro. ²⁷ M susere am wɔ, am nie Mibie n ti, na am kan ahin kadasi n kere ya ninbaa yaradayofɔm n kere na bu ti.

²⁸ Ya Mibie Yesu Kristo buka am.

Pɔɔlu kadasi nnyɔ su bo i kerε fa maari TESALONIKAFŌM ni

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika miε kpiri n nu na am ti ya Si Nyeme, ni ya Mibiε Yesu Kristo dεε minem n a.

² Ya Si Nyeme ni ya Mibiε Yesu Kristo buka am, na bu ma am ahoreda.

Kabo Yesu bá di minem jɔre barasu ni

³ Ya ninbaam, wɔ yo daka ka ya da Nyeme asi, ambere ti, sanɔa kerε. Atin wo nu ka ya yo sɔ, dama am yarada n buka su wɔ nahɔre su, na koro bo am koro am beɔgu n gusu subuka su sɔ sɔ. ⁴ Nyini dεε ti, ya fa am fɔ sɔ sɔ, deke bo Kristo jamam wo kerε. Ya fɔ fa kɔ kabo am ayo yarada na am la mindi fa kɔ wuwuruwa n kerε bo minem sukere am, ni wahara n kerε bo am wo i nu ni. ⁵ Nyini kere ka Nyeme di minem jɔre ni i nahɔre atin su a, na i se ka ambere ti ye ni ka am wura i femeya n nu a, wahara n bo am adi i n dεε ti. ⁶ Nahɔre, Nyeme yo sa bo i kɔ atin su wɔ, i má minem bo bu sukere am wahara n gusu di wahara, ⁷ na i má ambere bo am sudi wahara n ni yere kerε nya ya ɔ. Nyini sam kerε bá yo sɔ sanɔa bo ya Mibiε Yesu bá fite aɔgoro ba ni i merεkem, ni bu yiko bambaka ni, ⁸ ni sin, na i bá cin minem bo ba kete Nyeme n sui, ni bo ba de má ya Mibiε Yesu labari kpa ni. ⁹ Nyeme cín bu sui haari bu duma bá bo má, na bu ɔ má Mibiε ni, ni i yiko bambaka ni. ¹⁰ Nyini cεen n bo i ba baari n ye i minem kerε wúra i kpiri a, na nyini minem kerε bo bu yo i yarada n má i jirima. Ambere mmɔɔ wo nyini minem n nu, dama am ayo labari n bo ya fa maari am n yarada.

¹¹ Nyini dεε ti, ye ya sere Nyeme ma am sanɔa kerε n a. Ya sere i ka i ma am wo wo bo i ti ye ni ka i dεε minem bo wɔ fere bu n wo ni. Na ya kaaki sere i ka i fa i yiko n buka am, na am yo am kunnu koroowa, ni juma kere bo i ti kpa kɔ wie. ¹² Nzen am nya yoori sɔ, nyini má minem ma ya Mibiε Yesu duma n jirima a, am dεε ti, na i gusu má am nya jirima. Nyeme ni ya Mibiε Yesu Kristo dεε ahɔrɔma n má i yo sɔ a.

2

Sɔnɔtie n jɔre

¹ Tɔ, ya ninbaam, m sujɔɔ am dɔ fa kɔ ya Mibiε Yesu Kristo ba n su wɔ, ni kabo ya tɛn ya nɔɔ na ya ni yiri kó ye n wɔ. Ya sere am wɔ, ² ka, má am kaaki am sunsunni wara am birisi, dama nbem ɔa Mibiε n adu mɔ aba asin n dεε ti. Haari nzen be ɔa wɔ de nɔaniε Nyeme Awiewie Casi n dɔ, wara nzen be jɔjɔri nyini jɔre n sɔ, wara nzen be seeri ka yere akere i kadasi n nu ase sɔ a, má am de i. ³ Má am ma be dadaka am fa kɔ deke be su fieo, dama nyini cεen ni bá má, má ka sanɔa n bo minem dɔngu bá kete ka bu su má Nyeme ni, na sɔnɔtie n bo i bu má ka pui wo bere n nyá yi i ɔ fite fofoe nu, yiri n bo Nyeme fá i ji cεema sin n nu ni. ⁴ I kéte deke kerε bo bu fere i ka Nyeme, ni deke kerε bo adamande kutu su i, na i kére i ɔ ka i tara bere kerε pepere. Haari na i kó wura tana Nyeme Sereebiri Awuru n nu, na i sé ka yiri ti Nyeme a. ⁵ Am tenge má su ka sanɔa bo m woori am dɔ ni, m yo seeri am ahin jɔrem kerε, nzen se? ⁶ Kisa, am si

deke bo i kanda i na wo nya ba ma ni, ma ka sangga n aju bo i yi i nu fite fofoe nu. ⁷ Ama, sonotie n bo i bu ma ka pui wo bere ni, yiri suyo i asiri nu juma wo kisa, ma ka yiri n bo i kanda i ni, aba acin ayaki atin ni. ⁸ Do na sonotie n nya yi i nu fite fofoe nu, ama, sangga n bo ya Mibie Yesu ba ni, na i fita kun i, na i baawa n dee wein n gusu yo i ngbeen. ⁹ To, kabo sonotie ni ba ba n yaa. I ba ni Sitana dee yiko n na i ba yo alekutura sam beberebe fa dadaka minem ka nyini sam fite Nyeme do o, ¹⁰ na i ba bu kore ngbeenngbeen barasu barasu dadaka minem bo bu ngoo ka ngbeen ni. Bu ngoo ka ngbeen, dama ba koro ma ka bu su atin n bo i ti nahore n su na bu nya tiide. ¹¹ Nyini ti, na Nyeme ta bu nyi, adena bu yo deke kere bo i ti kore n yarada. ¹² Nyini minem so, bo ba yo ma nahore n yarada ni, ama, na ba fa satieyo acici bu tii ni, Nyeme di bu jore na i cin bu sui.

Kabo Nyeme ayi am ka am nya tiide ni

¹³ Ya ninbaam, ambere bo Mibie n koro am ni, wo yo daka ka ya da Nyeme asi ambere dee ti sangga kere, dama fite bumboori n ye Nyeme yiiri am ka am nya tiide a. Deke bo i ma am nya tiide n la ka, Awiewie Casi ni ma am yo Nyeme mine casim a, na am bita nahore atin, na am yo yarada. ¹⁴ Labari kpa n bo ya kan kereeri am na am deeri n dee ti, ye Nyeme fereeri am ka am nya tiide a, na am nya ya Mibie Yesu Kristo dee jirima woowa n be. ¹⁵ Nyini ti, ya ninbaam, am bita nahore atin n kenken, bo ya kaanri i na ya kereri i maari am ni, ma am kaaki am sin bo i. ¹⁶ Ya sere ya Mibie Yesu Kristo ni i tii, ni ya Si Nyeme, yiri bo i koro ya, na i dee ahorama n nu, na wo ma ya ahoresi sangga kere, ni tama kpiri ni, ¹⁷ ya sere bu ka bu ma am ahoresi buka su, na bu ma am fanga, na am yo sakpa, na am joro jore bo i ko atin su sangga kere.

3

Am sere Nyeme ma ya

¹ Ya ninbaam, jore bo wo ka n la ka, am sere Nyeme ma ya, na Mibie n labari kpa n sandi bara ye ndende na bu de i ni jirima, kabo am deeri i ni. ² Am kaaki sere Nyeme, na i yi ya fite mine tiem saa nu, dama ma sono kere yo labari kpa n yarada a. ³ Ama, Mibie n la dabunu, yiri ma am fanga, na i yo am kanda bo Sitana koro yo ma am pui. ⁴ Ya Mibie n ama ya ahoresi ka am suyo deke n kere bo ya ma am noo ka am yo i ni, am ko su suyo i sangga kere. ⁵ Ya sere Mibie n ka i ma am si kabo Nyeme koro am barasu, ni kabo Kristo mindiri barasu ni.

Wo yo daka ka sono kere yo juma

⁶ Ya ninbaam, ya maari am noo ya Mibie Yesu Kristo dee duma n nu ka, ma am fa am nu go ya ninbaam bo bu koro ma ka bu yo juma, na bu ti nviyafom n nu, ba kete ka bu su ma nonie n bo ya fa maari am n su lee. ⁷ Ambere ni am tii si tenle su ka, i ti ye ni ka am yo kabo ya yo ni. Am si ka sangga bo ya woori am do ni, ya yo ti ma nviyafom. ⁸ Ya di ma sono be diire ngbeen. Ama, ya yoori juma wo nahore su, wiesu ni kongue, adena ma ya bo be kaari. ⁹ Ya yoori so ni, i ti ma ka ya la ma atin bo ya se ka am buka ya a, ama, ya yoori so, adena am nu i na am gusu son ya su wo. ¹⁰ Sangga bo ya woori am do ni, ya maari am ahin noo ni, ka, sono kere bo i kete ka i yo ma juma, ma am ma i na i di. ¹¹ Ma pui ti ye ya se so a, dama ya ti labari ka am nbem wo bere bo bu ti nviyafom wo, bu yo ma juma be, se bu nati ngbeenngbeen wo, na bu sufa bu noo bo minem jore nu. ¹² Nyini ti, ye ya sutu bu fo ni anyumboro su ya Mibie Yesu Kristo dee

duma n nu n a, ka, bu yo anie tara bu nu, na bu yo juma na bu koro bita bu nu. ¹³ Ama, ya ninbaam, ambere yiri, ma am ma am unie yoroki am ni sakpayo. ¹⁴ Sono kere bo i keteeri nonie n bo ya kere i ahin kadasi n nu afa ama am ni, am yi koresi na am si i mi. Ma am dodo i mi, adena nyinse ti i. ¹⁵ Ama, ma am fa i mi yo am kofa, am tu i fa ka am niwa a.

Awieeri su de anse yoowa

¹⁶ Ya sere Mibie n ni i tii, yiri bo i ma ahoreda ni, ka, i ma am ahoreda sanja kere fa ko deke kere nu, na i wo am kere do.

¹⁷ Mini Polu ni m tii sufa m saa sukere ahin kereewa n bisa am dogu a. Kabo sanja kere na m kere le. ¹⁸ Ya Mibie Yesu Kristo buka am kere.

Pɔɔlu kadasi ciciri su bo i kere fa maari TIMOTI ni

¹ Mini Pɔɔlu sukere ahin kadasi n a. M ti Yesu Kristo jaramasa a, Nyeme bo i ti ya Tiidefo ni, yiri ama m nɔɔ ka m yo nyini juma n a, i ni Yesu Kristo bo i ma ya tama ni.

² M sukere ahin kadasi n ma wɔɔ Timoti wɔ, a ti ka m wa a nahore su, dama mini ni wɔɔ yo yarada kun wɔ. Ya Si Nyeme, ni ya Mibie Yesu Kristo buka u, na bu si u aɲunfo, na bu ma u ahoreda.

Am si am ŋu sa ni minem bo bu kereewa kɔ má atin su ni

³ M koro ka a wo Efeso mie kpiri n nu, kabo sanɔa bo m sukɔ Makedoniya dɛɛ awɔre n nu na m seeri u ni. Mine nbem wo dɔ bo bu kereewa kɔ má atin su, i ti ye ni ka a ma bu nɔɔ ka bu yaki nyini kereewa ni. ⁴ Se bu na bu yaki kɔre jɔrem, ni nana dumam beberebe ni. Nyini jɔrem fa akuruwa ba a. Bu koro buka má sɔnɔ na i yo deke n bo Nyeme koroori ka i yo i. Be koro yo má kabo Nyeme koro, má ka i mi ayo i yarada. ⁵ Deke n bo i ti na m maari u ahin nɔanie n la ka, i fa koro ba a, nyini koro n fite ahorembaa fofoe wɔ, ni sunsunni kpa, ni yarada nahore su. ⁶ Nyini mine n nbem amini ahin kereewam ni, na bu subo anzama ŋgbɛɛŋgbɛɛn. ⁷ Bu koro ka bu yo Nyeme nɔanie kerefɔm, bu kan i ni ahoresi wɔ, ama, bere ni bu tii si má bu tieŋgu nɔanie jɔjɔwa n bu.

⁸ Ya si ka Nyeme nɔanie kpamaawa ni ti kpa a, nzen ya bitaari i kabo i ti ye ni ka ya bita i ni. ⁹ Ya kaaki si nu ka, ba fa má nɔanie kpamaawa n ase má sakpayofɔm n ti wɔ, ama, ba fa ase ama minem bo bu ma má Nyeme nɔanie kpamaawa n jirima n wɔ, ni bo bu kete i ni, ni bo bu soro má Nyeme ni, ni bo bu nati yo satie ni, ni bo bu woowa ti má casi ni, ni bo bu bu Nyeme ŋgbɛɛn ni, ni bo bu nati kun mine ni, ni bo bu kun bu nim ni bu sim mmɔɔ ni. ¹⁰ Fa kɔ bo bu nati yo sakaraya ni, ni bo bu nati fa bu ŋu kaaki ka nbaram na bu ni bu beŋgu nbiesɔm sanɔa da ka bara ni biesɔ dɛɛ su ni, ni bo bu tara minem fanɔa tɔ bu ni, ni bo bu bu kɔre ni, ni bo bu di kɔre daani ni, ni sa kere bo i kɔ má kereewa kpa atin su ni, bere kere dɛɛ ti, ye ba fa nɔanie kpamaawa n ase n a. ¹¹ Nyini kereewa n fite Nyeme labari kpa n nu wɔ, bo Nyeme afa ama m ka m kan kere minem ni. Labari kpa n ti Nyeme kpiri n dɛɛ wɔ, yiri ti ye ni ka minem kansii a.

Pɔɔlu daari Nyeme asi fa kɔ kabo Nyeme siiri i aɲunfo ni

¹² M da ya Mibie Yesu Kristo asi ka, yiri ye wɔ ma m fanɔa, na m koro yo m juma n a. M da i asi ni kabo wɔ bu m ka m la dabuɲu, na wɔ yi m ka m su i ni, ¹³ haari ni bo m yo jɔjɔ wuraari i ŋgasi nu, na m kpieeri i nzukɔ, na m kereeri i wuwuruwa ni, ama, nyini n kere ni, Nyeme siiri m aɲunfo ɔ, dama m yo nya yo má i yarada, nyini ti, m yo si má sa bo m yo i ni. ¹⁴ Na yiri Mibie n ama ma di i ahɔroma akɔ asin su, na wɔ ma ma yo i yarada na m koro minem, kabo ya ni Yesu Kristo ayo kun n dɛɛ ti. ¹⁵ Ahin nɔanie n ti nahore wɔ, i ti ye ni ka sɔnɔ kere de i ni bu saa nnyɔ, yiri la ka, Yesu Kristo baari durunya n nu ka i ba de satieyofɔm tii ji wɔ. Mini ti sɔnɔ bo m satie taraari sɔnɔ kere dɛɛ a. ¹⁶ Ama, Nyeme siiri m aɲunfo. I yoori sɔ ɔ, adena Yesu Kristo koro kere kabo i la sawɔre beberebe ni mini bo m satie sunnu taraari sɔnɔ kere dɛɛ ni. I yoori nyini sɔ ɔ, adena i fa m fa kere minem bo bu ba ka sin ni, na bu yo i yarada nya ŋɔɔ bo i la má

awieeri ni. ¹⁷ Yiri ti Feme Kpiri a, na i femeya n la má awieeri, i wo bere wo san̄ga kere, na be gusu koro ŋu má i, yiri ŋgumi kpein ti Nyeme a, i ti ye ni ka minem kere kansu i na bu ma i jirima. Ami.

¹⁸ M wa Timoti, m sufa ahin noanie n fa wura u saa n nu wo lee, i su kabo Nyeme noanie kanfom du mo jɔjɔri i fa ko u do n su wo. Fa nyini noaniam ni yo ka u biesoya nengem na a fa kun lue nyunyumi, ¹⁹ na a bita u yarada ni sunsunni kpa. Nbem akete ka bu fa má sunsunni kpa na bu yo sa bo i ko atin su, nyini ti, bu yarada bo bu yo yoori i ni aka ngbeen. ²⁰ Bere nbem la Himenasi ni Alekizanda, bere ye ma fa bu awura Sitana saa nu ka i kere bu ngone, adena bu sonsɔn kabo má bu wura Nyeme ngasi nu kun.

2

Kabo i ti ye ni ka ya su Nyeme barasu ni

¹ Deke bo i du mo la ka, m susere am ni anyumboro wo, ka, am sere Nyeme ma minem kere, fa ko deke bo i ti bu mieewa su, na am da i asi fa ma son̄o kere. ² Sere Nyeme ma nfemem, ni bo bu wo yiko woobiri n kere, na ya koro wo ni tanalaife, na ya woowa kere ka ya su Nyeme atin n su ni nahore, na ya wo jirima wo ni ya benggu. ³ Nyini nyemesere n ti kpa a, na i sun Nyeme nu, yiri ti ya Tiidefo a. ⁴ Yiri koro ka son̄o kere nya tiide a, na bu si nahore atin ni. ⁵ Dama ya kere si ka

Nyeme kun n kpein wo bere a,
na son̄o kun be gusu wo bere
bo i yo adamande ni Nyeme afien don̄gu a,
yiri la Yesu Kristo,

⁶ i wu maari adamande na i de bu kere tii ji. Kabo i yoori so n kere ka, san̄ga bo Nyeme koro ka i de adamande kere tii ji lee. ⁷ Nyini ti ye Nyeme yiiri m ka m ba yo Yesu jaramasa, na m kan i labari kpa n kere minem bo bu ti má Yudafom ni, na m kere bu kereewam bo bu ti nahore ni. M sukan nahore wo, m bu má kore.

⁸ Deke kere bo Kristo jamam tien bu noo, m koro ka nbiesom ye bu saa su sere Nyeme. Nyini nbiesom ni, i ti ye ni ka bu nyemesu ko atin n su, na má yaafa wara akuruwa be wo bu ahore su. ⁹ M koro ka nbaram gusu di sunguruya nyunyumi, bo i se su. I ti má ye ni ka bu di bu tiinmie sunguruya ko sin su, na má bu wura sika, wara aferem bo bu la go agaya, wara suturam bo bu la go agaya. ¹⁰ Ama, bu nyumi kere fite bu sakpa yoowa a, kabo i ti ye ni ka nbaram bo bu se ka bu su Nyeme atin n su n yo ni. ¹¹ I ti ye ni ka nbaram mo bu noo na bu yo bu ŋu benle, na bu so bu sui ti kereewam bo i ti ye ni ka bu sonsɔn i ni. ¹² M soro má su na bu kere nbiesom kereewam, wara bu la yiko nie nbiesom su. Bu dee la ka, bu mo bu noo. ¹³ Dama Nyeme du mo yiiri Adam wo ka, ye i nya ba yiiri Awa. ¹⁴ Má Adam ye woo dadakaari i a, ama, i dakaari Awa wo, na wo kete Nyeme noanie ni. ¹⁵ Ama, nzen nbaram laari yarada, ni koro, ni wo casi, na bu bita bu ŋu nyunyumi san̄ga kere, bu nya bu tiide fite bu baawu nu.

3

Kristo jama n mofom ni bukafom jore

¹ Ahin noanie jɔjɔwa n ti nahore wo, ka, son̄o kere bo i boro i nyi na i yo Kristo jama n mofɔ, i mi koro juma kpa lee. ² Kristo jama n mofɔ ni, wo yo daka ka má i la ngasi be, na i ja bara kun n kpein, na i bita i ŋu, na i la tarabuŋu, na i yo sa bo i la anyunuyi. I ti ye ni ka i de wofom, na i koro

kere minem Nyeme noanie nyunyumi. ³ I ti má ye ni ka i nu nzan agaya, wara i ti aluwa korofó, ama, i yo i ñu benle, na i koro tanalaifie. I kaaki ti má ye ni ka i koro ñwaa agaya. ⁴ Wó yo daka ka i koro bita i awurufóm nyunyumi, na i ma i nbaam de i noanie na bu ma i jirima deke kere nu. ⁵ Dama nzen sɔɔ koro bita má i awurufóm, i mi yo se koro bita Kristo jama n a? ⁶ I ti má ye ni ka i mi ti Yesu susufó fɔfɔre, adena má i wura i ñu kpiri na Nyeme di i jɔre yo i ñgbɛen kabo i yoori Sitana ni. ⁷ Wó kaaki ayo daka ka i mi ti sɔɔ bo minem bo bu ti má Kristo jama n nufóm ma i jirima, adena, má Sitana nya i taraabiri na i yo sa be bo i di nyinse.

⁸ I ti sɔɔ fa kɔ Kristo jama n bukafóm gusu dɔ. Wó yo daka ka bu ti minem bo bu la anyunuyi, na má bu yo anɔɔ nnyɔ nnyɔfóm, na má bu nu nzan agaya, na má bu nyunu boro ñwaa kpini su. ⁹ Wó yo daka ka bu subita Kristo jama n kereewa n bo Nyeme ayi akere n kenken, na bu la má ñgasi be bu sunsunni nu. ¹⁰ I ti ye ni ka bu du mɔ fiiti bere Kristo jama n bukafóm ni na bu nie. Na nzen bu la má ñgasi be, am ma bu yo bukafóm n juma ni. ¹¹ I ti sɔɔ nbaram gusu dɔ. Wó yo daka ka bu ti minem bo bu la anyunuyi, na má bu susaaki mine duma. Wó yo daka ka bu bita bu ñu, na bu la dabunju deke n kere nu. ¹² Kristo jama n bukafó, i ti ye ni ka i ja bara kun n kpein, na i koro bita i nbaam, ni i dikafóm nyunyumi. ¹³ Nyini bukafóm bo bu yo bu juma na i kɔ atin su ni, bu kpini duma kpa ma bu ñu wɔ, na bu kaaki koro jɔjɔ ni ahoresi kabo bu yo Yesu Kristo yarada ni.

Kereewa n bo Nyeme ayi akere Kristo jamam ni

¹⁴ Kabo m sukere ahin kadasi n ma u ni, m la tama ka m bá u dɔ kisa. ¹⁵ Ama, nzen haari ma ba aba má nde, ahin kadasi ni má a si kabo wó yo daka ka Nyeme minem wó ti barasu a. Bere ti Kristo jama n a, yiri n bo i wo bere sangá kere n dɛem a, bere bita i kereewa n bo i ti nahore n kenken a, kabo sɔɔ fa seewa n ni i jantaraka n bita i kenken ni. ¹⁶ Be koro kete má ka ya nyemesu atin n bo i wo asiri nu la má anusu, ka o, “Na wó kaaki adamande ayi i ñu fofoe nu.

Na Nyeme Awiewie Casi n akere ka wó yo sa bo i sun Nyeme nu.

Na Nyeme merékem anu i.

Na i susufóm n akɔ ajojo i jɔre durunya n kere nu.

Na durunya n nufóm dongu ayo i yarada.

Na Nyeme afa i akɔ awo i bi angoro, jirima kere woobiri ni.”

4

Noanie barasu barasu bo Pɔɔlu fa maari Timoti ni

¹ Awiewie Casi n ajojo wein ka, ahin awieeri su sangá n bo ya wo nu ni, mine nbem yáki bu yarada atin ni, na bu su ajinim bo bu dadaka minem su, ni bu kereewam ni. ² Nyini kereewam sɔ fite minem bo bu ti dadakafóm na bu nati bu kɔre n dɔɔ, bo bu sunsunni akaaki haari na bu yo satie mmɔɔ, na bu sunsunni ma má bu ka ba yo satie. ³ Nyini minem sɔ kere minem wɔ, ka, má bu ja ajaa, na má bu kaaki di diire barasu nbem. Ama, Nyeme ayi nyini diirem n ka ya di bu wɔ, nyini ti, yere bo ya yo i yarada na ya si kabo nahore atin n ti barasu ni, i ti ye ni ka ya sere Nyeme, na ya da i asi ka, na ya nya di bu. ⁴ Deke kere bo Nyeme ayi i ti kpa a, deke be wo má bere bo ya kete i, ama, i ti ye ni ka ya de i na ya da Nyeme asi, ⁵ dama Nyeme noanie n ni nyemesere ma nyini diire n yo casi wɔ Nyeme dɔ.

⁶ Nzen a faari ahin kereewam kere ya ninbaam ni, nyini kere ka a ti Yesu Kristo amusuisufó kpa. Nyini kereewam bo a du mɔ ade bu ni, na a yo bu

yarada, na a si ka bu ti nahore, na a su bu su ni, bu ti ka diire bo i ma u fanga n wo. ⁷ Ama, kete jore ngbeenngbeen bo bu ko má Nyeme atin su ni, na a boro u nyi na a sonson sa bo i ko Nyeme atin n su nahore su. ⁸ Dama sa bo a boro u nyi yo i na i buka anuniembaa n fanga n la kperε kaan, ama, nzen a boro u nyi yo Nyeme deε atin n su sa, i la kperε beberebe, nyini ma a si ka a nyá deke kpa kisa, na a káaki nya deke kpa buka su fa ko fa ba. ⁹ Nyini noanie n ti nahore wo, bo i ti ye ni ka ya de i na ya yo i yarada. ¹⁰ Nyini deε ti, ye ya boro ya nyi, na ya yo juma ni nahore su, dama ya daafi Nyeme nu, yiri wo bere sanja kere a, yiri ti mine kere Tiidefo a, maala bo bu yo i yarada ni.

¹¹ Fa ahin kereewam n fa kere bu, na a ma bu su bu su. ¹² Má a ma be bu u ngbeen ka a ti gbefene n deε ti, ama, ma yaradayofom ni nu u sayoowam na bu son u su. Bere la u noanie jójowa, ni deke bo a yo i, ni kabo a koro minem ni, ni u yarada n bo a la i ni, ni u woowa casi ni. ¹³ Yo anie na a sukan Nyeme Jore Kadasi n na Kristo jama n ti, na a sukan Nyeme jore, na a sukere minem Nyeme atin ni, na m nya ba. ¹⁴ Má a ma u wara fi aceeri n bo Awiewie Casi n fa maari u ni, sanja bo i noanie kanfom jójori na Kristo jama nkpienkpienm faari bu saa nanaari u nu sereeri Nyeme maari u ni, ma u cece wo i nu, na a fa i yo juma. ¹⁵ Yo ahin juma ni anyumboro na a fa u nu ma nyinim kere, adena minem kere nu kabo u nyemesu n ko atin su barasu. ¹⁶ Si u nu sa ni u kereewam ni. Ko su suyo ahin sam ni, dama nzen a nya yoori so, woro ni minem kere bo bu ti u noanie ni nyá tiide.

5

Kabo i ti ye ni ka Kristo jama n mofa n bita i jama n barasu ni

¹ Má a tien kpien nu, ama, jajo i do kabo a jajo u si do ni, na a tu ngbefenem fo ka u ninbaam, ² na a fa nbara nkpienm yo ka u nim, na a fa tarawam ni nsungurum yo ka u ninbaam, na u ni bere wo ni ahorembaa casi.

³ Bita nkunafom bo bu la má bukafō be n ni jirima. ⁴ Ama, nzen kunafō la nbaam, wara anumam, i ti ye ni ka bu sunie i dika kabo Nyeme koro ni. Nyini kere ka, bu sufa bu wufom nkato to bu kaari wo lee. Dama nyini n so yo Nyeme fie a. ⁵ Nzen kunafō wo i ngumi na i la má bukafō be, wo fa i tama kere awura Nyeme saa nu lee. Na i susere Nyeme jande wiesu ni kongue ka i buka i. ⁶ Ama, kunafō kere bo i nati yo i kunnu koroowa, haari ni bo i la ngoo mmoo ni, i ti ka wo wu wo lee. ⁷ Fa ahin kereewam kere kere nkunafom, ni bu dikafom, adena má be nu bu ngasi. ⁸ Ama, nzen be cece wo má nu ka i nie i lamosim dika, maala i dikafom, i ti ka i mi akete Kristo atin n lee. Nyini sanja ni, sono bo wo yo má yarada tara i mi co lee.

⁹ Kunafō kere bo wo nya ju má afō aburasen, má a kere i duma buka Kristo jama nkunafom su. Bekun, na i ti bo wo du mo aja bieso kun wo, ¹⁰ na minem di i daani ka i yo sakpa a, má pui ti, i ti bo wo ta nbaam ataari kpa, na wo de wofom i dika, na wo yo i nu kaan ka i su Nyeme minem, na wo buka minem bo bu woori kekereke nu, na wo su amusui kpa.

¹¹⁻¹² Ama, nkunafom bo bu nyunu nya ti má ni, má a kere bu duma buka nkunafom n su, dama nzen ajaa konvi ba wuraari bu na bu koro ka bu kaaki ja ajaa, nyini sanja, sesesu bo bu faari i na bu diiri i di ni Kristo ni, bu koro su má i su ni nahore su lee, bu yaki i wo, na bu kaaki bu sin bo Kristo lee. Nyini ti ye Nyeme dí bu jore cin bu sui a. ¹³ Bekun, nyini ma bu koro ba yo nviyafom na bu ba sunati awuru awurum nu, i ti má ka

bu yo nviyafom ngumi wo, ama, na bu sukpara tere, na bu sufa bu noo suwura minem jore nu, na bu sujoko jorem bo wo ti ma ye ni ka bu joko bu. ¹⁴ Nyini ti, mini do, nzen nkunafom toko ti tarawam, i ti ye ni ka bu ja na bu wu nbaam, na bu bita bu awurum, na ma ya kpofom koro nu ngasi be bo bu koro nya atin joko ya ngbeenngbeen kabo bu koro. ¹⁵ Dama nkunafom nbem adu mo akete Kristo atin n asu Sitana su. ¹⁶ Ama, Kristo susufoko bara kere bo nkunafom wo i dika, i ti ye ni ka yiri ni i tii nie bu dika, na ma bu fa bu fie fie Kristo jama n ni, adena Kristo jama n koro nie nkunafom bo bu la ma bukafoko be fieo n su.

¹⁷ Kristo jama ni nkpienkpienm bo bu yo moko juma nyunyumi ni, i ti ye ni ka bu nya bu nkato busu nnyo, maala bere bo bu yo bu juma ni anyumboro ka bu kan Nyeme jore na bu kaaki kere minem Nyeme atin n ni. ¹⁸ Dama ba kere i Nyeme Jore Kadasi n nu ka, "Nzen a bita toora subobo ngani, ma a cici i noo." Na ba kaaki akere ka, "I ti ye ni ka jumayoko nya i nkato." ¹⁹ Ma a se ka a de jore be bo ba kpie aso Kristo jama n bukafoko n kpien be, ma ka mine nnyo, wara nsan adi jore n daani ka i ti nahore. ²⁰ Ama, bo bu yo satie ni, se bu nahore jama n kere nyunu, adena nyingam kere soro sere. ²¹ M suma u noanie lee, Nyeme ni Yesu Kristo ni merkem kere nyunu, ka, a de ahin kereewam ni, na ma a fa tantambunu, wara ma a koro be tara be fa ko deke kere bo a yo i n su. ²² Ma a koro nde na a fa u saa nana sono be nu, na a sere Nyeme ma i mi ka i yo Nyeme juma, ma a ma u saa n wo be dee satie yoowa n nu. Ma u woowa yo casi.

²³ A la ma laifie sanga sanga n dee ti, ma a nu nzue ngumi, ama, nu nzan mmoo kaan, na i buka u fa ko akunnuyaari n bo i yaki ma u ni.

²⁴ Mine nbem satie yoowa kere kaba da fofoe nu wo, na sono kere nu i, nyini satiem ye Nyeme fa di bu jore a, ama, na nbem gusu dee satie bo bu yo i ba fite fofoe nu kasin. ²⁵ I ti so o lee bekun, sakpa ti deke bo sono kere nu i fofoe nu wo, na nzen haari sakpa bo i wo ma fofoe nu ni mmoo, i ti deke bo bu koro fie ma i.

6

¹ Kristo jama nbaam bo bu ti akoom ni, i ti ye ni ka bu ma bu mibiem jirima nyunyumi, adena be koro saaki ma Nyeme duma, wara ya kereewam ni. ² Akoom bo bu mibiem gusu ti yaradayofom ni, i ti ma ye ni ka bu bu bu mibiem ngbeen ka bu kere ti yaradayofom n ti, ama, i ti ye ni ka bu su bu tara mibiem bo bu ti ma yaradayofom ni, dama bere n bo bu sudi bu amusui n kperere n ti bu ninbaam bo bu koro bu wo.

Kereewa bo i ko ma atin su ni nwaa koro awaraye jore

Fa ahin kereewam n kan kere u jama n na a se ka bu yo bu. ³ Mine nbem wo bere bo bu kere kereewa nbem bo bu ni ya dee n ti ma kun, na bu sunsun ka ya Mibie Yesu Kristo dee noanie kereewam n ti kore wo, na bu kereewam kaaki su ma Kristo dee atin n su. ⁴ Nyini minem n ti kpirikorofom wo, na bu kaaki si ma pui. Na bu la sunsunni tie, na bu se akuruwa ni minem fa ko noanie kereewam bu. Nyini ma bu si kore a, na bu di aluwa, na bu kpie bu benggu nzuko, na bu la sunsunmase fa ko bu benggu do, ⁵ na bu nati suse akuruwa. Bu la ma sunsunni kpa, na nahore wo ma bu do. Na bu sunsun ka nzen sono su Nyeme atin su, i nya kperere wo. ⁶ I ti nahore wo, sono kere bo i nyunu yi deke bo i la i, na i su Nyeme atin su, i mi nya kperere Nyeme do. ⁷ Dama ya fa ma pui aba ma durunya n nu fen. Ya kaaki koro fa ma pui fite ma fen. ⁸ Nyini ti, nzen ya la diirem ni suturam, i ti ye ni ka ya nyunu yi bu. ⁹ Ama, minem bo bu nyunu aboro

nenge kpini su agaya, na bu koro ka bu nya ajেকে beberebe ni, bu nyini nenge koro n so bu ńgeε wɔ, na i nya bu taraabiri fa kɔ bu konvikiya sunsunni ńgbεεńgbεεn n su. Nyini ma bu kpaasi a, na bu ka ńgbεεn. ¹⁰ Dama ńwaa koro awaraye ti satie kere bunlui a. Nbem wo bere bo bu koro ńwaa agaya, nyini so ma bu kaaki bu sin bo Kristo atin n wɔ, na i fa bu wura ahoresaaki bambaka nu.

Kabo Pɔɔlu maari Timoti nɔɔ ka i yo i juma barasu ni

¹¹ Ama, wɔwɔ Timoti, a ti Nyeme sɔnɔ ɔ, nyini ti, i ti ye ni ka má a dodo nyini sam kere be. Boro u nyi na a yo sa bo i kɔ atin su, na a su nyemesu atin n su, na a yo i yarada, na a koro minem, na a la mindi, na a wo benle.

¹² Boro u nyi na a tu ńgoni kpa bita u yarada n kenken. Nyini má a di nasara, na a nyá ńgɔɔ n bo i la má awieeri ni, ahin ńgɔɔ n ye Nyeme fereeri u ka i fá ma u a, na wɔwɔ ni u tii diiri i daani mine beberebe nyunu ni. ¹³ Nyeme ma deke n kere ńgɔɔ a, na Yesu Kristo gusu jinaari Gomina Pɔntiyo Pilato nyunu diiri daani kpa, nyini deε ti ye m suma u nɔɔ Nyeme ni Yesu Kristo nyunu n a, ¹⁴ ka, a yo u juma n bo Nyeme afa ama u n ni nahɔre su, na u woowa ti casi na má be koro ńu u ńgasi be, haari fa kɔ ju cεen n bo ya Mibiε Yesu Kristo bá kpie i nyi ba ni. ¹⁵ Nyeme afa nyini sanɔa n bo i koro ka Yesu ba n afa ase, nyini sanɔa n juuri, ye Nyeme má i ba a. Yiri ńgumi nie deke n kere su ye kansu wo i dɔ a. Yiri ti nfeme ńgbińgbirim kere Feme a, na i ti mibiεm kere Mibiε. ¹⁶ Yiri ńgumi kpein wo bere sanɔa kere a, na i woobiri n bo i wo n ti wein wɔ, na be koro dodo má nyini wein ni. Be nya ńu má i cεen be da, be gusu koro ńu má i wɔ mmɔɔ cεen be cεen be. I deε la jirima ni fanɔa, sanɔa kere. Ami.

¹⁷ Se bo bu la ajেকে durunya n nu fen n ka má bu fɔ, na má bu fa bu tama gɔ nyini ajekem bo bu ce má n ńu, ama, bu fa gɔ Nyeme ńu, yiri bo i ce ya deke n kere kɔ sin su n na ya fa yo ya koroowa ni. ¹⁸ Se bu ka bu yo sakpa dɔńgu, na bu ce aceerim, na deke kere bo bu la i, na bu sukpaaki nu ma nyingam. ¹⁹ Nzen bu nya yoori so, i ti ka ba tien ajেকে nɔɔ abo i bu afa ase fa kɔ fa ba leε, adena bu nyá ńgɔɔ n bo i ti ńgɔɔ nahɔre su ni.

²⁰ Timoti, nie deke bo Nyeme afa ama u ka a nie i dika n su nyunyumi. Cin u ńu yaki minem bo bu jɔjɔ jɔjɔowa ńgbεεńgbεεn na bu bu má Nyeme, na bu sunsun ka bu si wɔ, ama, bu si má pui. ²¹ Dama nbem afun ajina su ka bu la si, nyini deε ti, ba mini Kristo atin ni.

Nyeme buka am kere.

Pɔɔlu kadasi nnyɔ su bo i kerɛ fa maari TIMOTI ni

¹ Mini Pɔɔlu sukere ahin kadasi n a. M ti Yesu Kristo jamarasa a, Nyeme dɛɛ koroyanu, yiri Nyeme asunma m ka m kɔ kan kere minem kabo i yo seeri ka minem bo bu ni Yesu Kristo yo kun ni, bu nyá ngɔɔ.

² M sukere ahin kadasi n ma wɔɔ Timoti bo a ti ka m wa koroowa n wɔ. Ya Si Nyeme, ni ya Mibiɛ Yesu Kristo buka u, na bu si u anjunfo, na bu ma u ahoreda.

Kabo Pɔɔlu maari Timoti ahoresi ka i yo juma barasu ni

³ M da Nyeme asi, yiri ye m su i ni sunsunni kpa, kabo m nam yo suuri i ni. M sere Nyeme sɔ ɔ, konɔɔ ni wiesu, na m nati suda i asi ma u. ⁴ M tenge su kabo a yo suunri ni nyunvuin ni, m wara ado u, m koro ka m ɔu u, adena m ahore jɔ. ⁵ M wara fi má u yarada n bo a yo i nahore su n sa, nyini yarada n gusu ye u nabara Loyisi, ni u ni Yunisi laari i a. Ma yo yarada ka wɔɔ mmɔɔ la i sɔ ɔ. ⁶ Nyini dɛɛ ti, aceeri n bo Nyeme Awiewie Casi n fa ceeri u ni, sanɔa bo m faari m saa nanaari u ɔu, na m sereeri Nyeme maari u ni, m koro ka m tenge u su ka a kaaki ye i su fa yo juma. ⁷ Dama Awiewie Casi n bo i fa maari ya ni, wɔ fa ama má ya ka ya yo serefɔm wɔ, ama, i fa maari ya ka i buka ya fanɔa na ya koro minem na ya la tarabuɔu wɔ.

⁸ Nyini ti, má a ma nyinse ti u ka a kan Mibiɛ n jɔre n kere minem, wara má a ma nyinse ti u ka m wo dansaraka nu, Kristo dɛɛ ti. Ama, wɔɔ mmɔɔ di wahara fa kɔ labari kpa n kan su, kabo m diiri i ni, na Nyeme ma u fanɔa na a koro mindi de i. ⁹ I deeri ya tii ji wɔ, na wɔ fere ya ka ya yo i dɛɛ tienɔu minem, má ka ya sakpa bo ya yo i n dɛɛ ti, ama, i dɛɛ kunnu koroowa ni i ahɔɔma n dɛɛ ti a. Sanɔa bo i nya yi má durunya ni, ye i yoori ya nyini sakpa n a, Yesu Kristo dɛɛ ti. ¹⁰ Ama, kisa na Yesu Kristo, yiri bo i ti ya Tiidefo n aba durunya n nu ni, ya ɔu Nyeme koro ni. Labari kpa n dɛɛ ti, ya si ka Kristo akunma yiwee fanɔa, na ya koro nya ngɔɔ n bo i la má awieeri ni.

¹¹ Nyeme ayi m ka m yo Yesu jaramasa na m kan Nyeme labari kpa n kere minem, ¹² nyini dɛɛ ti ye m di ahin waharam n kere n a. Ama, nyinse ti má m, dama m si sɔɔ bo ma daafi i ɔu ni, na labari kpa n bo wɔ fa ama m ni, m si tenle su ka i koro nie i su fa kɔ ju haari jina cɛɛn. ¹³ Bitá nɔanie n kere bo ma kan akere u na i ti nahore n kenken, na a yo yarada na a koro minem, kabo ya ni Yesu Kristo ayo kun n dɛɛ ti. ¹⁴ Bitá labari kpa n nyunyumi. I ti aceeri kpiri wɔ, ye Nyeme afa awura u saa nu a. Awiewie Casi n bo i wo ya dɔ n buka u, na a bitá i nyunyumi.

¹⁵ A si ka yaradayofɔm kere bo bu wo Esiya dɛɛ awɔre n nu ni, fa sanɔa ni Figelosi ni Hemogenesi n kere, anmati ayaki m. ¹⁶ M sere Nyeme ka i si Onesifɔɔsi dikafɔm kere anjunfo, dama sanɔa kere yiri titi m nyunu a. Nyinse ati má i ka m wo dansaraka nu, ¹⁷ ama, i ba juuri Roma mie kpiri n nu fen ni, i nienieeri m busu wɔ ni anyumboɔ, haari na wɔ ba anu m. ¹⁸ M sere Nyeme ka i si Onesifɔɔsi anjunfo, jina cɛɛn. Wɔɔ ni u tii kaaki si buka bo i fa bukaari m barasu, sanɔa bo m wo Efeso mie kpiri n nu ni.

2

¹ Nyini dɛɛ ti, wɔɔ m wa, ahɔɔma n bo Yesu Kristo ma a diiri i n dɛɛ ti, má a yɔɔki u ɲu, yo u ɲu kenken. ² Jɔɔɛ n bo a tiiri i m dɔ, na mine beberebe woori dɔ tiiri i ni, fa wura minɛm bo bu la dabuɲu n saa nu, na bere gusu koro fa kere nyingam. ³ Kabo a ti Yesu Kristo dɛɛ soja kpa ni, yo siriya na wɔɔ mmɔɔ di wahara n kabo nyingam di i barasu ni. ⁴ Sɔɔɔ bo i yo soja juma, i cɛɛ wo má juma bo i ti má soja juma nu, se i dɛɛ la ka i yo i soja juma a, na i yo i kpien fie. ⁵ Bekun, sɔɔɔ bo i ɲmati ɲmatiiri ka i nya teremasu na i nya aceeri, má ka i mi asu atin bo bu fa kere nyini dɛɛ ɲmatiirifɔm n su, i koro nya má aceeri ni. ⁶ Dɔdɔɔrifɔ bo i yo juma nahɔɔɛ su ni, wɔ yo daka ka yiri du mɔ nya diire fɔfɔɔɛ n be di a. ⁷ Sunsun fa kɔ deke bo m suse u n su, na Mibiɛ n buka u na a ti i kere bu.

⁸ Tenje su fa kɔ Yesu Kristo jɔɔɛ n su, ka i fiteeri Fɛmɛ Davidi dɛɛ busu n nu wɔ, ye i wuuri a, na wɔ tenje i yiwee n nu, m labari kpa n lɛɛ, sɔ ye m kan i a. ⁹ Labari kpa n dɛɛ ti, ye m di wahara n a, haari ba wura m jɔɔkɔ ase ka m ti satieyofɔ ɔ, ama, Nyɛmɛ dɛɛ nɔaniɛ n yiri, i wo má jɔɔkɔ nu. ¹⁰ Nyini ti, minɛm bo Nyɛmɛ ayi bu ka bu ti i dɛɛ minɛm n dɛɛ ti, ma mindi ade deke n kɛɛ, adena bere mmɔɔ nyá tiide n bo i fite Yesu Kristo dɔ ni, na i má bu jirima n bo i la má awieeri Nyɛmɛ dɔ ni. ¹¹ Ahin jɔɔɔwa n ti nahɔɔɛ wɔ, bo i ɲa,

“Nzen ya ni yiri sanja wuuri,
ya ni yiri bá sanja nya ɲɔɔ.

¹² Nzen ya mindi suuri i,
ya ni yiri bá sanja di i fɛmɛya n a.

Nzen ya keteeri i,
yiri gusu bá kete ya.

¹³ Nzen yere la má dabuɲu,
yiri la dabuɲu wɔ sanja kere,
dama i koro kete má i ɲu.”

Kristo jama n mɔfɔ bo Nyɛmɛ da i ɲu ni

¹⁴ Tenje u minɛm su fa kɔ nyini jɔɔɛm n su, na a se bu ka Nyɛmɛ wo u daani, ka má bu se akuruwa fa kɔ nɔaniɛ kereewam bo i la má kperɛ, i saaki minɛm bo bu so bu sui ti nyini nɔaniɛ n wɔ. ¹⁵ Boro u nyi na a fa u ɲu ma Nyɛmɛ juma na i sun i nu. Na a yo u juma nyunyumi na má nyinse ti u, na a kere kereewa bo i ti nahɔɔɛ na i kɔ atin su nyunyumi. ¹⁶ Má a so u sui ti jɔɔɛ ɲgbɛɛɲgbɛɛnm bo bu kɔ má nyɛmɛsu atin su ni, dama i ma minɛm wo dede ni Nyɛmɛ wɔ, na bu yo satie kɔ sin su. ¹⁷ Nyini kereewam sɔ ti ka kambue bo i wie má na i tɛɛki sanja kere wɔ. Mine nnyɔm bo bu kere nyini kereewam n la Himɛnasi, ni Filetosi, ¹⁸ bere kere ka sanja bo minɛm wu na bu tenje bu yiwee nu asin n a. Ahin kereewam n ti kɔɔɛ wɔ, nyini kereewa n sɔ ma mine nbem ɲunie ayɔɔki bu fa kɔ bu yarada bo bu la i n su wɔ. ¹⁹ Ama, deke bo Nyɛmɛ ayi akere i jama ni, i ti ka fa bumboori seewa a, pui koro kankan má i. Nyini fa bumboori seewa ni, ye ba kere ahin nɔaniɛm n agɔ su n a, ka, “Micera n si minɛm bo bu ti i dɛɛ minɛm ni,” na “Bo bu ɲa bu ti Micera n dɛɛ n kɛɛ, i ti ye ni ka bu yaki satieyo.”

²⁰ Ya si ka awuru kpiri nu la taale ni ayaba barasu barasu kɛɛ, bu faari jɛɛ ni sika yoori nbem a, na nbem gusu ti baka ni yakati dɛɛ. Bu fa nbem fa yo juma cɛɛnkpiri cɛɛn, na bu fa nbem gusu yo juma cɛɛn n kɛɛ cɛɛn.

²¹ Nzen sɔɔɔ kɛɛ bo i yi i ɲu fiteeri nyini kɔɔɛ kereewam n nu, Nyɛmɛ fá i mi yo ka cɛɛnkpiri ayaba a, dama wɔ fa i ɲu ama Mibiɛ ni, na i yo juma

kpa bo i kun kperε ma i, má pui ti, wɔ sεsε i ηu su ka i yo juma kpa ma i Mibiε ni.

²² Tara u ηu fa kɔ ngbefenem konviki tie sam su. Boro u nyi, na a yo sa bo i kɔ atin su, na a yo Nyemε yarada, na a koro minem, na a la tanalaifiε, nyini má a buka minem bo bu su Nyemε ni ahore casi n su a. ²³ Ama, má a fa u nɔɔ bɔ sinnzinya jɔrem n nu, ni bisaawa ηgbεenηgbεenm. A si ka nyini n sɔ kpura mine tii wɔ. ²⁴ Wɔ yo daka ka má Mibiε n akɔɔ n suse akuruwa. I ti ye ni ka i yo aye ma sɔnɔ kere, na i koro fa sawɔre kere minem Nyemε jɔre n nyunyumi. ²⁵ Haari minem bo bu se i akuruwa ni mmɔɔ, i ti ye ni ka i fa sawɔre ni bere, na i kere bu atin bo bu fa i, beni, a ηu ka Nyemε má bu kaaki bu wo na bu si nahɔre atin ni. ²⁶ Nyini ma bu kaaki fa sunsunni kpa na bu ηmati fite toroku n nu a, bo Sitana n asɔ atara bu na i ma bu yo i koroowa ni.

3

Fa kɔ durunya n awieeri su dεε jɔre

¹ M koro ka a si ka, fa kɔ durunya n awieeri, i yó kekereke. ² Mine yó anyii sam, na bu kóro ηwaa agaya, na bu fɔ́, na bu súnsun ka bere ηgumi wo bere a, na bu kpíε mine nzuko, na bu dé má bu wufɔm nɔanie, na bu sí má aye, na bu kéte Nyemε woowa casi n jɔre, ³ na bu kóro má minem, na bu sí má aɲunfɔ, na bu sáaki minem duma, na bu lá má tarabuηu, na bu yó wi, na bu kpó deke kere bo i ti kpa. ⁴ Na bu lá má dabuηu, na bu yó sa bo bu sunsun má bu, na bu lá karambani agaya, na bu kóro bu tii di tara nyemesu, ⁵ na bu yó bu ηu ka bu su Nyemε atin n su wɔ, ama, na bu kéte Nyemε yiko ni. Má a dodo nyini minem sɔ. ⁶ Bu nbem nati wura awuru awurum nu wɔ, na bu bo nbaram bo bu la má tarabuηu n anɔɔfiε na bu su bu su. Nyini nbaram sɔ satieyo akunma bu, na bu yo bu kunnu koroowam. ⁷ Saŋga kere bu ti kereewam wɔ, ama, bu koro si má nahɔre atin n fieo. ⁸ Kabo Janesi ni Jambaresi yo keteeri jɔre kere bo Moyisi yo jɔjɔri ni, sɔ ye ahin kɔre kerefɔm n gusu akete Nyemε nɔanie n a. Bu sunsunni yo má juma, na ba kete yarada atin n su su ni. ⁹ Ama, bu juma koro kɔ má i nyunu, dama sɔnɔ kere bá si ka bu ti sinnzinm wɔ, bu si má pui. Kabo mine yo siiri ka Janesi, ni Jambaresi yo ti sinnzinm ni.

Pɔɔlu awieeri su dεε nɔanie bo i fa maari Timoti ni

¹⁰ Ama, wɔrɔ yiri, a ηu m kereewa, ni m woowa, ni m sunsunni bo m taraari i ni, ni m yarada ni, ni m sawɔre ni, ni m koro, ni m mindi ni, ¹¹ ni m wuwuruwa bo bu kereeri m ni, ni wahara bo m diiri i n su. A si sam bo bu tuuri m, miε kpirim n bo bu fere bu ka Antiyoki, ni Ikoniyyom, ni Lisitira ni, má wuwuruwa lεε ye minem kereeri m a. Ama, na Mibiε n ayi m afite nyinim kere nu. ¹² Sɔnɔ kere bo i koro ka i su Nyemε atin su na i ni Yesu Kristo yo kun, i mi ηú wuwuruwa, ¹³ na mine tiem ni kerefɔ kɔrefɔm yo satie kɔ sin su, bu dadaka mine, na mine dadaka bere gusu. ¹⁴ Ama, wɔrɔ yiri, nahɔre atin n bo bu fa kereeri u, na a yoori i yarada nahɔre su ni, su i su sɔ, dama a si minem bo bu kereeri u nyini atin ni. ¹⁵ A si ka fite u kaan nu kere, ye a sɔnsɔnri Nyemε Jɔre Kadasi n kere n ye a siiri i a. Nyini koro ma u Alecira a, na a yo Yesu Kristo yarada na a nya tiide. ¹⁶ Nyemε Jɔre Kadasi n bo ba kere i n kere fite yiri dɔ a, na i la kperε bo a koro fa kere minem nahɔre atin ni, na a fa kan sɔnɔ bo i yo satie ndiε, na a fa kere sɔnɔ atin fa kɔ deke bo i kɔ má atin su, na a fa kere sɔnɔ na i yo sa bo i

ti kpa. ¹⁷ Nyini n kere koro ma sɔnɔ kere bo i su Nyeme kpama bi a, na i koro yo juma kpa barasu kere.

4

¹ M suma u nɔanie lee, Nyeme ni Yesu Kristo n nyunu, yiri bá di ngɔɔfɔm ni yiweefɔm n jɔre a, na i bá di femɛ na i nie i minɛm su. ² Boro u nyi kan Nyeme nɔanie ni, sukan i saɔga kere. Tenge yaradayofɔm su fa kɔ kereewa bo i kɔ atin su. Jaraki bu na bu yaki satieyo. Jojo bu dɔ na bu yo sakpa buka su. Na a yo sawɔre ni nyini n kere na a kere bu nyunyumi. ³ Dama fa kɔ fa ba, minɛm koro má ka bu so bu sui, na bu ti Kristo kereewa n bo i kɔ atin su ni. Ama, bu sú bu dɛe koroowam su wɔ, na bu tien kerefɔm dɔngɔ nɔɔ bo bu kere bu dekem bo bu koro ka bu ti i ni. ⁴ Bu káaki bu sin bo nahɔre atin ni, na bu só bu sui ti kɔre jɔrem. ⁵ Ama, wɔrɔ yiri, tara u ŋu saɔga kere, na a mindi ni wahara di, na a boro u nyi kan Yesu labari kpa n jɔre, na a yo u juma n kere kabo Nyeme koro ka a yo i ni.

⁶ Mini yiri, saɔga n aju bo bu yí m ngɔɔ ni, Yesu Kristo dɛe ti, saɔga n aju bo m fite durunya n nu fen. ⁷ Ma boro m nyi atu ŋgoni Nyeme atin n su, ma yo m juma awie, ma kan labari kpa n ni m yarada kun. ⁸ Kisa Nyeme bita teremasu aceeri ŋminda m, dama wɔ de m ka m yo sa bo i kɔ atin su i dɔ ɔ. Ya Mibiɛ Yesu Kristo, yiri di minɛm jɔre ye i kɔ atin su a, yiri fá nyini teremasu aceeri n ce m jina cɛɛn a, má mini ŋgumi, ama, sɔnɔ kere bo i koro Yesu na i tana ŋminda ka i ba n a.

Pɔɔlu ni i tii jɔre lee

⁹ Yo anie na a bra m dɔ kisa kisa. ¹⁰ Dama Keresensi ako Galatiya awɔre n nu, ye Titosi ako Dalamatiya awɔre n nu. Demasi anmati ayaki m, wɔ kɔ Tesalonika miɛ kpiri n nu, kisa i koro ka i wo kabo durunya n nufɔm wo n wɔ. ¹¹ Luka ŋgumi wo m dɔ a. Fa Marako na u ni yiri bra, dama i koro buka m ni juma ni. ¹² Ma sunma Tikikusi Efeso miɛ kpiri n nu. ¹³ A ŋa a ba, bita m ayere tanlee n ba ma m, bo m yakiiri i Tɔrasi miɛ kpiri n nu, Kapusi dika ni. Fa m kadasim n gusu bita m nu, maala bo ba fa nengendɔre ŋuma ayo bu ni.

¹⁴ Alekizanda bo i ti tunmi n ayo m satie agaya, Mibiɛ ni tó i kaari fa kɔ sa bo wɔ yo i n su a. ¹⁵ Si u ŋu sa ni yiri, dama wɔ jina su kekereke akete nɔanie n bo ya kan i ni. ¹⁶ Ciciri su bo m sukan na m de m tii jɔre diibiri ni, be ajina má m sin, bu kere ŋmati yakiiri m wɔ. M sere Nyeme ka i fa bu ŋgasi ce bu. ¹⁷ Ama, na Mibiɛ n ajina m sin a, na wɔ ma m faɔga, na ma koro akan labari kpa n akere minɛm, na bo bu ti má Yudafɔm n kere akoro ati. Na wɔ de m afite minɛm bo bu koro ka bu kun m n saa nu. ¹⁸ Yiri Mibiɛ ni yí m fite jɔre tie kere nu a, na i fá m kɔ wura i femɛya n nu angoro ni laifie a. Jirima bambaka ti i dɛe saɔga kere. Ami.

Awieeri su dɛe anse yoowa ni

¹⁹ Bisa Pirisila ni i hun Akuyila fa tu Onesifɔrɔsi dikafɔm kere dɔngɔ ma m. ²⁰ Irasitusi kaari Kɔrinto miɛ kpiri n nu wɔ, na ma yaki Torofimosi gusu Miletosi miɛ kpiri n nu, dama wɔ la má i ŋu. ²¹ Yo anie na a bra ka, na fufuku nya ju. Ya ninbaam bisa u dɔngɔ, bere la Eyabulusi, ni Pudensi, ni Linosi, ni ya niemabara Kalodiya, ni ya ninbaam nyingam kere. ²² Ma Mibiɛ n wo ni wɔrɔ. Nyeme buka am kere.

Pɔɔlu kadasi bo i kere fa maari TITOSI ni

¹ Mini Pɔɔlu sukere ahin kadasi n a. M ti Nyeme akoo o, na m kaaki ti Yesu Kristo jaramasa. Nyeme ayi m na wo sunma m ka m ko buka minem bo wo yi bu n na bu yarada yo biiwa, na bu si nahore fa ko Nyeme atin n su. ² Kana Nyeme ba yiiri durunya n ni, i yo seeri ka i ma ya ngoo n bo i la ma awieeri ni. Nyeme bu ma kore. Nyini ngoo n tama dee ti, ye ya la yarada ni si jina kun su n a. ³ Na sangana ba juuri ni, na wo yi i noanie n afite fofoe nu, na wo fa ama m ka m ko kan i kere minem. Nyeme ni i tii, yiri bo i ti ya Tiidefo ni, maari m noo ka m ko kan i noanie n a.

⁴ Mini Pɔɔlu sukere ahin kadasi n ma woro Titosi a. A ti m wa a, nahore su, dama m ni woro kere asanga ayo Yesu Kristo yarada. Ya Si Nyeme ni ya Tiidefo Yesu Kristo buka u, na bu ma u ahoreda.

Juma bo Pɔɔlu na Titosi yo i Kereti asien n su ni

⁵ Deke bo i ti na m yakiiri u Kereti asien n su n la ka, m koro ka a yo juma n bo wo wie ma n wie, na a sese i su, na a yi Kristo jama nkpienkpienm se miem kere su, kabo m seeri u ni. ⁶ Nyini nkpienkpienm n kere bo a yi bu ni, i ti ye ni ka bu be la ma ngasi be. I ti ye ni ka bu ja bara kun n kpein. I ti ye ni ka bu nbaam yo Kristo yarada, na be koro jara ma nbaam ka bu nati yo sa ngbeenngbeen na bu de ma bu wufom noanie. ⁷ Nyeme afa i juma n awura nkpienkpienm saa nu n dee ti, wo yo daka ka, ma bu la ngasi be. I ti ma ye ni ka bu ti anjukerefom, wara bu fa yaa ndende, wara bu nu nzan agaya, wara bu ti aluwa korofom, wara bu koro njwaa agaya. ⁸ Ama, i ti ye ni ka nkpienkpienm kere ti minem bo bu de wofom, na bu ti minem bo bu koro sakpayo, na bu la tarabu, na bu yo sa bo i ko atin n su, na bu ti casi, na bu bita bu nu. ⁹ I kaaki ti ye ni ka bu ti minem bo bu bita Nyeme noanie n bo i la dabu n kenken, kabo ya kereeri bu ni, adena bu koro fa kereewa n bo i ti nahore n fa kere minem na bu nya ahoresi, na bu kaaki koro kan kere minem bo ba kete nyini kereewa n kabo ba mini barasu ni.

¹⁰ Dama minem dongu wo bere bo ba kete kereewa bo i ti kpa ni, na bu sujoo jore ngbeenngbeen na bu sudadaka minem, maala yaradayofom bo bu toko bita Yudafo sayoowa ni. ¹¹ Ma bu mo bu noo, dama bu sufa nyini kereewa n bo i ti ma ye ni ka bu fa kere ni, sufa saaki awurukpa lee. Nwaa dee ti ye bu yo so a. ¹² Haari bere Keretifom mmoo dee tiengu sifo be yo seeri ka, "Bere Keretifom ti korofom wo dada kere, na bu ti ka boro nengetiem, na bu ti nviyafom, ni ayaa kpirifom wo." ¹³ Kabo i yo seeri n ti nahore wo. Nyini dee ti, jara ma bu, na bu yarada yo fanga, ¹⁴ na ma bu su Yudafo nana jorem su, na ma bu su deke bo minem bo ba kete nahore n akpama i n su. ¹⁵ Minem bo bu woowa ti casi ni, deke kere ti casi wo bu do, ama, minem bo bu woowa ti ma casi na bu yo ma Yesu Kristo yarada ni, deke be mmoo ti ma casi bu do. Bu sunsunni, ni bu ahore kere ti fin wo, na nzen haari bu yo satie mmoo, bu si ma ka i ti satie. ¹⁶ Bu na bu si Nyeme, ama, bu sayoowa kere ka bu si ma i, dama bu sayoowa kere ti ciire wo Nyeme do, na bu de ma Nyeme noanie ni, na bu koro yo ma sakpa be.

2

Kereewa n bo i ti kpa n dɛɛ jɔrɛ

¹ Ama, wɔrɔ yiri, i ti ye ni ka a fa kereewa bo i ti nahɔrɛ na i kɔ atin su, na a sufa kere yaradayofɔm ni. ² Se nbiɛsɔ anyunutihɔm ka, bu bita bu ɲu, na bu yo sa bo i la anyunuyi, na bu la tarabuɲu. Kaaki se bu ka, bu ma bu yarada yo fanɲa, na bu koro minɛm nahɔrɛ su, na bu la mindi nahɔrɛ su. ³ Se nbara anyunutihɔm gusu ka, bu ma bu woowa kere ka bu soro Nyɛmɛ. Nyini la ka, má bu susaaki minɛ duma, na má bu ma nzan ja bu. Kaaki se bu ka, bu kere kereewa kpa, ⁴ na bu tu tarawam fɔ ka, bu koro bu hunm ni bu nbaam, ⁵ na bu la tarabuɲu, na bu ma bu woowa ti casi, na bu bita bu awurum nyunyumi, na bu yo sakpa, na bu de bu hunm nɔaniɛ, adena má be koro bu Nyɛmɛ nɔaniɛ ni ɲgbɛɛn. ⁶ Tu ɲgbɛfɛnɛm gusu fɔ ka, bu tara bu ɲu, ⁷ ni deke kɛrɛ. Wɔrɔ mmɔɔ ni u tii, ma u sayoowa kɛrɛ kɔ atin su, na minɛm ɲu i, na bu sɔn u su. Fa sunsunni kpa ni atin bo i la jirima fa kere minɛm ⁸ kereewa kpa, na be koro kan má jɔrɛ be. Kere bu sɔ, adena minɛm bo bu kete ya kereewa n di nyinɛ, dama bu ɲu má ɲgasi be bo bu fa saaki ya. ⁹ Se akɔɔm gusu ka, bu de bu mibiɛm nɔaniɛ, na bu yo sa kere bo bu mibiɛm koro, na má bu se jɔrɛ be. ¹⁰ Kaaki se bu ka, má bu wɔ awie mumuku, ama, bu kere ka bu la dabuɲu deke kɛrɛ nu. Nzen bu yoori sɔ, bu woowa kpa ni kere minɛm ka, Nyɛmɛ, yiri bo i ti ya Tiidefɔ ni, i dɛɛ kereewa n ti nahɔrɛ wɔ.

¹¹ Dama Nyɛmɛ ayi i ahɔrɔma afite fofoe nu, na sɔnɔ kɛrɛ nya tiide. ¹² I ahɔrɔma ni kere ya ka ya yaki sam bo bu kɔ má nyɛmɛsu atin n su a, ni dekem bo bu wura ya konvi durunya n nu ni, na ya tara ya ɲu, na ya yo sa bo i kɔ atin su, na ya bita nyɛmɛsu atin, ahin durunya n bo ya wo nu ni. ¹³ Ya yo ahin na ya ɲmindɔ deke n bo ya la i tama bambaka ka i fite fofoe nu, yiri la ya Mibiɛ Yesu Kristo, kabo i fite fofoe nu ni i jirima woowa ni. Yiri ti ya Nyɛmɛ kpiri, ni ya Tiidefɔ a. ¹⁴ Yiri wu maari ya, adena i ma ya nya ya tii, na i yi ya fite ya satie nu, na i kpakpara yi ya fin kɛrɛ, na i yo ya casi, na ya yo i dɛɛ minɛm bo bu nyunu aboro sakpayo su.

¹⁵ Ahin kereewam kɛrɛ, fa kere yaradayofɔm, na a ma bu ahoresi, na a kan bu ndiɛ. Fa yiko n bo Nyɛmɛ afa ama u n yo sɔ, na má a ma be bu u ɲgbɛɛn.

3

Kabo yaradayofɔm wo ti barasu ni

¹ Tenɲe yaradayofɔm su ka, bu yo bu ɲu benle ma nfemɛm ni gomina nkpiɛnkpiɛnm, na bu de bu nɔaniɛ, na bu kpa bu ɲu na bu yo sa kɛrɛ bo i ti kpa, ² na má bu saaki minɛm duma, na má bu se akuruwa ni minɛm, ama, bu yo bu ɲu kaan, na bu yo bu ɲu benle ma sɔnɔ kɛrɛ.

³ Má pui ti, yɛrɛ mmɔɔ ni ya tii yo ti sinnzinm wɔ, ya si má Nyɛmɛ jɔrɛ, na ya kaaki de má i nɔaniɛ, na ya mini i atin ni, ya yo ti minɛm bo ya yo deke kɛrɛ bo i wura ya konvi wɔ, na ya suyo ya sa koroowa, na ya la aɲunkpini, na ya si kɔrɛ, na ya yo ti minɛm bo minɛm kpɔ ya a, na ya gusu kpɔ ya benɲu. ⁴ Ama, haari ni nyini mmɔɔ, Nyɛmɛ bo i ti ya Tiidefɔ ni, yo faari i sakpa, ni i koro kereeri ya, ⁵ na wɔ nya ade ya tii aji. Má ka ya sakpa yoowa dɛɛ ti, ye i deerɛ ya tii jiiri a, ama, i aɲunfɔ si dɛɛ ti. Kabo i deerɛ ya tii n la ka, i Awiewie Casi ni ɲmisiiri ya a, na wɔ ma ya wo fɔfɔrɛ, ni ɲɔɔ fɔfɔrɛ. ⁶ Na Nyɛmɛ ama ya Tiidefɔ Yesu Kristo afa Awiewie Casi n ama ya akɔ asin su. ⁷ Nyɛmɛ yoori sɔ ni, adena ya yó i nbaam, na ya yó tama ka ya nyá ɲɔɔ n bo i la má awieeri. Nyɛmɛ ahɔrɔma n dɛɛ ti, wɔ de

ya ka ya la má ḡgasi be i dɔ, nyini ti ye wɔ fa ya ayo i nbaam n a. ⁸ Ahin jɔrɛ n ti nahɔrɛ wɔ.

M koro ka a kere ahin dekem ni anyumboro, adena bo bu yo Nyɛmɛ yarada ni, bu fa bu sunsunni kɛrɛ yo sa bo i ti kpa. Ahin kereewam n la kperɛ, na bu kaaki ti kpa ma sɔnɔ kɛrɛ. ⁹ Ama, má a fa u ḡu wura akuruwa ḡgbɛɛnḡgbɛɛn barasu kɛrɛ nu, ni ya nana Yudafoḡm dumam, ni aluwa ḡgbɛɛnḡgbɛɛnm fa kɔ Nyɛmɛ nɔaniɛ kpamaawa n su. Ahinm kere ti ḡgbɛɛn wɔ, bu kunma kperɛ be. ¹⁰ Sɔnɔ kɛrɛ bo i fa kpakpaakinu ba, i ti ye ni ka a tu i mi fo kpe nnyɔ ɔ, na nzen wɔ nya de má i, má a bu i wura am nu. ¹¹ Si ka nyini sɔnɔ n sɔ akete kereewa kpa n lɛɛ, na i yo satie bo yiri mmɔɔ ni i tii si ka i ti satie wɔ.

Pɔɔlu dɛɛ awieeri su nɔaniɛ bo i fa maari Titosi ni

¹² M súnma Aratema, wara Tikikusi u dɔ, nzen bu be baari, boro u nyi na m ni wɔrɔ sa nu Nikopoli miɛ kpiri n nu. M koro ka m wo dɔ fufuku sangá a. ¹³ Zena bo i ti jɔrɛdifɔ ni, i ni Apolosi, bu ba ḡa bu yasu, boro u nyi na a buka bu, na má deke be kpiɛ bu su. ¹⁴ I ti ye ni ka a ma ya minem gusu sɔnsɔn kabo bu boro bu nyi suyo sa bo i ti kpa, na bu buka minem ni deke bo i ti bu miɛɛwam ni, adena má ya minem ni wo wo ḡgbɛɛn.

¹⁵ M labari n kɛrɛ lɛɛ. Minem bo bu wo m dɔ n kɛrɛ bisa u. Bisa ya danfom kɛrɛ bo bu yo Yesu yarada ni. Nyɛmɛ buka am kɛrɛ.

Pɔɔlu kadasi bo i kɛrɛ fa maari FILEMON ni

¹ Mini Pɔɔlu bo Yesu Kristo dɛɛ ti na kisa m wo dansaraka nu ni, ni ya niwa Timoti sukɛrɛ ahin kadasi n a. Wɔrɔ Filemon bo ya koro u na ya ni wɔrɔ sanɔa yo juma ni, ya bisa u dɔŋgu. ² Ya kaaki bisa Kristo jama n bo bu tien bu nɔɔ u dika ni, ni ya niwa baabara Afiya, ni ya niwa Akipusi bo ya ni yiri kɛrɛ ti ka soja ni, Yesu dɛɛ atin n su ni. ³ Ya Si Nyɛmɛ ni ya Mibiɛ Yesu Kristo buka am, na bu ma am ahoreda.

Filemon koro ni i yarada n jɔrɛ

⁴ M niwa Filemon, sanɔa kɛrɛ bo m sere Nyɛmɛ, m wara fi má u sa, m da i asi ma u wɔ. ⁵ Dama ma ti kabo a yo ya Mibiɛ Yesu yarada ni, ni kabo a koro Nyɛmɛ minɛm kɛrɛ ni. ⁶ M kaaki sere Nyɛmɛ ka i ma wɔrɔ ni bo ba yo yarada na am sanɔa su Nyɛmɛ ni la wo fiɛ, nyini ma a si nahɔrɛ su kabo Nyɛmɛ afa deke kpa ama ya, Kristo dɛɛ ti. ⁷ M niwa, koro n bo a bita i ni, wɔ ma m ahore ajɔ agaya, na wɔ kaaki ama m ahoresi, dama wɔrɔ dɛɛ ti, Nyɛmɛ minɛm anya ahoresi.

Kabo Pɔɔlu taraari Filemon jaa maari Onisimɔ barasu ni

⁸ Tɔ, kabo Kristo dɛɛ ti na a ti m niwa ni, m la ahoresi, na m la atin bo m koro se u ka a yo deke bo i ti ye ni ka a yo i. ⁹ Ama, m koro u n dɛɛ ti, ye m susere u a, ka a buka m, haari ni bo m jina Yesu Kristo dɛɛ jaa nu n ni, na i dɛɛ ti na m kaaki ti dansaraka kisa ni. ¹⁰ Deke bo i ti na m susere u n la ka, m susere u ma m wa Onisimɔ n wɔ, bo Yesu Kristo dɛɛ ti na wɔ kaaki m wa dansaraka nu n ni. ¹¹ Sanɔa be, i yo kun má kperɛ be ma má u, ama, kisa, i kun kperɛ ma wɔrɔ ni mini kɛrɛ wɔ.

¹² Yiri bo m koro i ni m ahorembaa kun ni, ye m suma i ba u dɔ n a. ¹³ Kabo Nyɛmɛ jɔrɛ kaanwa n dɛɛ ti na m wo dansaraka n nu ni, má m koro ka i wo m dɔ fɛn na i buka m, kabo má wɔrɔ wo fɛn na a buka m ni. ¹⁴ Ama, m koro má ka m yo deke be bo a soro má su, ama, m koro ka wɔrɔ mmɔɔ ni u tii buka m u koroyanu, má ka i yo ka m miɛ u wɔ. ¹⁵ Beni, Onisimɔ fiteeri u saa nu ni, wɔ cɛ kaan, adena i ba kaaki ba wo u dɔ sanɔa kɛrɛ. ¹⁶ Kisa, i ti má u akɔɔ ŋgumi kun, ama, i tara akɔɔ ɔ. I ti ya niwa koroowa a. Koro bo m fa koro i ni, wɔrɔ koro i tara ɔ. I ti u akɔɔ ɔ, ama, Mibiɛ n dɛɛ ti, i kaaki ti u niwa a.

¹⁷ Nyini ti, nzen a fa i ka m ti u matafɔ, de i kabo má a de m ni. ¹⁸ Nzen wɔ do u ŋgasi be, wara i bita u kaari, ma nyini kaari n yo m dɛɛ kaari. ¹⁹ Mini Pɔɔlu ni m tii sufa m saa sukɛrɛ ahin jɔrɛ n a, ka m tɔ kaari n kɛrɛ bo i bita i n ma u. M kaaki koro se u ka, m kaari su u su, fa kɔ u ŋgɔɔ bo a nyaari i Yesu dɔ ni. ²⁰ Nyini ti, m niwa, m koro ka a yo ahin sakpa n ma m, Mibiɛ n dɛɛ ti. Kabo ya kɛrɛ ti nibaa Kristo dɛɛ ti ni, da m ahore.

²¹ M la ahoresi ka a dé m nɔaniɛ ni, nyini ti ye m sukɛrɛ ahin kadasi n a. Na kabo ma se ni, m si ka a yó i kɔ tara ɔ. ²² Bo i buka su la ka, m koro ka a yo ɔɔ dɔŋgu se m, dama m la tama ka Nyɛmɛ bá de am sere, na i má m kaaki ba am dɔ.

Pɔɔlu awieeri su dɛɛ anse yoowa ni

²³ M lamɔkɔ Ipafarasi bo m ni yiri wo dansaraka nu, Yesu Kristo dɛɛ ti ni, i ŋa m bisa u dɔŋgu. ²⁴ Marako, ni Arisitakusi, ni Demasi, ni Luka kɛrɛ

gusu ɲa m bisa u dɔŋgu, m ni bere sanga yo juma. ²⁵ Ya Mibiɛ Yesu Kristo buka am kere.

Kadasi n bo bu kere fa maari HIBURUFOM ni

Nyeme noanie n bo i jɔɔ fiteeri i Wa n do ni

¹ Dawa sanɔa Nyeme yo faari i noanie maari i noanie kanfom wo, sanɔa barasu ni atin barasu barasum, na bu sukan i kere ya nam. ² Ama, ahin awieeri su sanɔa n bo ya wo nu ni, Nyeme afa i Wa n su ye i fa i noanie n jɔɔ ya so a. Nyeme maari yiri yiiri durunya n a. Na wo se ka, awieeri su, deke n kere ba yo i dee wo.

³ I jirima woowa wein ni kere kabo Nyeme ti a. Kabo Nyeme ti ni, i woowa ti so o. I noanie n bo i la yiko ni, i fa nyini bita durunya n kere a. I faari i nu fa yoori yoowa, adena Nyeme fa adamande satie ce i. Nyini dee sin, na wo nya ako atana angoro, Micera Kpiri n saa fomboro su. ⁴ Nyeme maari i jinaabiri bambaka bo i tara i merékem dee, na wo kaaki ama i duma bo i tara bu dee ni.

Kabo Nyeme Wa n tara i merékem barasu ni

⁵ Dama kabo Nyeme seeri i Wa n ni, ka,

“Woro ti m Wa a,
nyuma, m kaaki u Si,”

wo se ma i meréke n be so. Bekun, i na

“M yo u Si,

na u gusu yo m Wa.”

⁶ Sasu bekun, sanɔa bo Nyeme yo na i sunma i Wa kun n kpein n durunya n nu ni, na wo se ka,

“Ma Nyeme merékem kere su i.”

⁷ Fa ko kabo Nyeme jɔɔori i merékem jore ni, i na,

“Mini, m ma m merékem yo bu juma

kabo anuma, ni sin yo bu juma barasu n wo.”

⁸ Ama, kabo Nyeme jɔɔori i Wa n do ni, i na,

“Woro ti Nyeme a, u femeya bie n la ma awieeri.

A bita u femeya n ni nahore atin su wo.

⁹ A koro sa bo i ko atin su wo,

na a koro ma sa bo i ko ma atin su a.

Nyini dee ti ye Nyeme ayi u a,

ye wo ma u ahoreda bo i tara u bengum kere n a.”

¹⁰ Na Nyeme akaaki ase i Wa n ka,

“Ya Mibie, bumoori ni, woro yiiri asienɔu a.

U sa bo a yoori i dee ti, ye angoro wo bere a.

¹¹ I kere ba ka ngbeen wo,

ama, woro wo bere wo sanɔa kere.

Angoro n ni asienɔu kere yo dawa

kabo sutura yo dawa barasu n wo.

¹² A pɔondi bu ka sanvuin bo wo do wo,

na a ba kaaki i fofore.

Ama, woro kaaki ma fieo,

na u afo la ma awieeri.”

¹³ Na Nyeme akaaki ase i Wa n ka,

“Ba tana m saa fomboro su fen,

haari m ba ma a kunma u kpofom na a nana bu kere nu.”

Kabo i seeri so ni, wo nya ase ma i mereke n be so.

¹⁴ Ye i merkem ti nzum wo? Bu ti awiewiem bo bu su Nyeme wo, na i sunma bu na bu ko buka minem bo bu ba nya tiide ni.

2

Tiide bambaka n jore

¹ Nyini dee ti, wo yo daka ka ya bita Nyeme noanie n bo ya du mo ati i nyunyumi, adena ma ya mini. ² Ya si ka noanie n bo Nyeme yo fa maari i merkem, na bu kan kereeri ya nam ni, i ti nahore wo, na minem bo bu tiiri i na bu keteeri, na ba de ma i ni, bere nyaari suicin n a. ³ Nzen yere gusu keteeri nyini noanie kpiri n bo i kere kabo Nyeme de ya tii ji ni, ya yo se koro fite nu na ya nya ma suicin a? Ahin tiide n bo ya kan i jore ni, Mibi n ni i tii du mo kan kereeri minem a, na bo bu tiiri i n adi i daani, ase ya ka i ti nahore wo. ⁴ Nyini sangha n na Nyeme mmoo adi i daani abuka su, yiri la bo i yoori alekutura sa barasu barasum kereeri i yiko, na i maari minem nyaari i Awiewie Casi n aceerim kabo i koro barasu ni.

Yesu ti adamandem goroo

⁵ Nahore, Nyeme afa ma durunya fofore n bo ya kan i jore, na i suba ni, awura ma i merkem saa nu. ⁶ Ama, be akere i Nyeme Jore Kadasi n aware be nu, ka,

“Ya Micera Nyeme, adamande gusu ti nzu wo,
ye u cee wo i nu a?

Adamande wa ti nzu wo,
ye a nie i dika?

⁷ Kabo a yoori i ni, a ma i jinaabiri kpieeri su sangha kaan afien ni u merkem dee,

na a nya awura i kpiri na a ma i jirima bambaka,

⁸ na a fa deke kere awura i saa nu.”

Ba kere i Nyeme Jore Kadasi n nu kabo Nyeme afa deke n kere awura adamande saa nu ka i nie i dika ni, nyini kere ka deke be wo ma bere bo i ti ma i dee. Ama, kisa, kabo i ti ni, ya nya nu ma i so. ⁹ Ama, ya nu Yesu kabo Nyeme yoori i ni, i ma i jinaabiri kpieeri su sangha kaan afien ni i merkem dee wo. Na i dee ahoroma n nu na wo wu sono kere dee ti. Kisa, wahara n bo i diiri i na i wu n dee ti, Nyeme awura i kpiri, na wo ma i jirima bambaka.

¹⁰ Nyeme yiiri deke n kere a, yiri la deke n kere yiko a. I tiiri ye ni ka Nyeme kpini atin bo i mine beberebe ba nya i jirima woowa n be. Nyini dee ti, ye i ma Yesu ba diiri wahara n a, adena i yo minem mofa bo i ti kabo Nyeme koro ka i ti ni, dama yiri ma bu nya tiide a. ¹¹ Yiri Yesu bo i yo minem casi ni, i ni minem kere bo wo yo bu casi n sangha Si wo. Nyini dee ti, i la ma i nyinse na i fere bu ka i ninbaam n a. ¹² Na wo se Nyeme ka,

“M bo u дума kere m ninbaam.

Na sangha kere bo bu tieenri bu noo,
m di jue kansi u дума.”

¹³ Na wo kaaki ase ka,

“Mini, m daafi Nyeme nu,”

Na wo kaaki ase bekun ka,

“Mini ni nbaam bo Nyeme afa ama m ni, yere yaa.”

¹⁴ Kabo nbaam n ti adamande ni, nyini dee ti ye yiri mmoo kaakiiri adamande a, adena i wu na i yo sono bo i la yiwee yiko ni ngbeen, yiri la

Sitana a, ¹⁵ na i de minem tii ji, bere kere bo bu ngoo su na bu soro yiwee n dee ti, na ba kaaki akoom ni. ¹⁶ I ti nahore wo ka, ma merkem ye i buka deeru bu tii a, ama, Abraham busu nufom ye i buka deeru bu tii a. ¹⁷ Nyini kere ka, wo yo daka ka i woowa ti ka i ninbaam i deke n kere nu wo, adena i yo Nyeme sayoowa dɔnguyofom kpien bo i la dabuɔu na i si anunfo fa ko i nyemesu n nu, na i fa i ɔu yo yoowa ma minem na Nyeme fa bu satie ce bu. ¹⁸ Yiri ni i tii yo diiri wahara, na ba so i ngeɛ na bu nie ni. Nyini dee ti, ye i koro buka minem bo bu so bu ngeɛ na bu nie n a.

3

Kabo Yesu tara Moyisi barasu ni

¹ M ninbaam, am bere bo Nyeme ayi am ni yere ka matafo casim ni, am fa am sunsunni se Yesu ɔu, yiri bo Nyeme asunma i na i ti ya sayoowa dɔnguyofom kpien n ni. Ya su yiri su a, ye ya di i daani kere minem a. ² I yoori i juma n bo Nyeme yiiri i ka i yo i n ni nahore su wo, kabo Moyisi mmoo yo yoori i juma kere Nyeme awuru n nu, bukaari Nyeme minem ni nahore su n wo. ³ Kabo sɔno bo i ta awuru n la jirima tara awuru n ni i tii ni, so ye Yesu la jirima tara Moyisi a. ⁴ Awuru kere la i tafe, ama, Nyeme ti deke n kere tii a. ⁵ Moyisi yo laari dabuɔu yoori i juma kere Nyeme awuru n nu, bukaari Nyeme minem n ka amusuisufo o, na wo kere bu deke bo Nyeme koroori ka i ba se bu ni. ⁶ Ama, Kristo yiri ti Nyeme Wa a, yiri la dabuɔu Nyeme awuru n nu koro bita Nyeme minem a. Nzen ya bita ya tama n ni ahoresi, yere ti i awuru n nufom a.

Nyeme minem ɔumiyi n dee jore

⁷ Nyini dee ti, kabo Awiewie Casi n se ni,
 “Nyuma, nzen am tiiri kabo Nyeme suse,
⁸ ma am ma am sui yo tantanantan,
 kabo am nam yo yoori bu sui tantanantan na bu yoori Nyeme na bu
 nie ni,
 sangga bo bu wo boro kpantain n nu na bu keteeri i noanie ni.
⁹ Na Nyeme ase ka,
 ‘Do ye am nam yo yoori m na bu nie a,
 haari ni bo bu ɔuuri sam bo m yoori bu,
 nyini afo aburana n kere nu ni,
 bu yoori m wo na ba nie.
¹⁰ Nyini dee ti ye m faari yaa bu ɔu a,
 ye m seeri ka, ba mini atin n a,
 dama ba yo ma m sa koroowam ni.
¹¹ Na yaa ati m, na ma tan ndie ka,
 bu ny ma atin wura ma asien n bo ma m ma bu nya ɔumiyi n nu ni.’ ”
¹² M ninbaam, am si am ɔu sa na ma am be ahorembaa yo kekereke, na i kaaki i sin bo Nyeme, yiri bo i wo bere sangga kere n dee atin ni. ¹³ Cɛɛn kere bo ale acin na bu fere i ka, “Nyuma,” am sutu am benɔu fo, na ma am ma be dadaka am na am yo satie na am sui yo tantanantan. ¹⁴ Nzen ya koro bitaari bumboori su noanie n kenken haari ko juuri i awieeri, nyini n kere ka ya ni Kristo sangga yo juma kun wo lee. ¹⁵ Kabo ba kere i Nyeme Jore Kadasi n nu ni, ka,
 “Nyuma, nzen am tiiri kabo Nyeme suse,
 ma am yo am sui tantanantan,
 kabo am nam yo yoori bu sui tantanantan.”

¹⁶ Nɔmam yo tiiri Nyeme nɔaniɛ n ye bu yoori bu sui tantanantan n a? Má minem kere bo Moyisi yo yiiri bu fiteeri Ijipiti asien n su ni, nzen se? ¹⁷ Ye nɔmam ye Nyeme yo faari yaa bu nɔ afo aburana n a? Má bo bu yo yoori satie na bu wuuri boro kpantain n nu ni? ¹⁸ Nɔmam ye Nyeme yo taanri ndie ka, “Bu nya má atin wura má asien n bo má m ma bu nya nɔmiyi n nu n a?” Má bere n bo bu yo keteeri i nɔaniɛ ni, nzen se? ¹⁹ Deke bo i ti na ya nɔ ka ba wura má asien n su na bu nya nɔmiyi n la ka, ba yo má i yarada.

4

¹ Nyini ti, am ma ya si ya nɔ sa, na má be fun nyini nɔmiyi n bo Nyeme ase ka i fá ma ya na atin toko wo bere ka ya nya i ni. ² Dama yere mmoo ati labari kpa n kabo bere mmoo yo tiiri i ni, ama, bere ayo má i yarada, nyini dee ti, ye wo kun má kperere ama má bu n a.

³ Ama, yere bo ya yo Yesu yarada ni, ya nya nyini nɔmiyi n bo Nyeme seeri ka i fá ma i minem ni. I ti kabo Nyeme seeri n wo, i nɔa, “Na yaa ati m, na ma tan ndie ka,

bu nya má atin wura má asien n bo má m ma bu nya nɔmiyi n nu ni.” Fite sanɔa bo Nyeme yiiri durunya n kere wieeri ni, i juma awieeri lee.

⁴ Dama ba kere lesu ceen n jore, Nyeme Jore Kadasi n awore be nu, ka, “Nyeme yo yiiri i nɔmi, i jumayoowa kere nu wo lesu ceen ni.” ⁵ Ya kaaki anɔ ka wo jɔjɔ nyini jore n so ka, bu nya má atin wura má asien n bo m ma bu nya nɔmiyi n nu. ⁶ Bo bu du mo tiiri labari kpa n ni, ba wura má nyini nɔmiyi n nu, dama ba yo má Nyeme yarada. Ama, atin toko wo bere bo nbem nya nyini nɔmiyi ni. ⁷ Nyini dee ti, na Nyeme ma wo ce ka, na wo kpama ceen fofore be, na wo fere i ka nyuma, na wo ma Feme Davidi ajɔjɔ nyini ceen n jore, kabo ba kere i Nyeme Jore Kadasi n nu ka, “Nyuma, nzen am tiiri kabo Nyeme suse, má am ma am sui yo tantanantan.”

⁸ Nzen má Yosuwá koro maari Yisarelifom nyaari atin wuraari asien n bo Nyeme ma bu nya nɔmiyi n nu, má Nyeme ayo akaaki ase má ka ceen n be wo bere bo i ma i minem nya nɔmiyi kun. ⁹ Ama, kabo i ti ni, nɔmiyi ceen wo bere bo Nyeme bá fa ma i minem. ¹⁰ Dama sono kere bo i nya nɔmiyi Nyeme do, i mi yi i nɔmi fa ko i juma su, kabo Nyeme yo yoori i juma wieeri na i yiiri i nɔmi n wo. ¹¹ Nyini dee ti, am ma ya boro ya nyi, na ya nya nɔmiyi n bo Nyeme bá fa ma ya ni. Ama, má am ma ya be kete Nyeme nɔaniɛ ni, adena má ya fun nɔmiyi ni, kabo Yisarelifom nbem yo keteeri na bu fuunri i ni.

¹² Nyeme nɔaniɛ n la ngoo na i la fanɔa. I kaaki wo na tara takobe, i kpie wura sono ahorembaa su wo, ni i nɔmi, ni i awiewie nu, na i kpie kpaaki buwe sasuubiri, na i ko kpura boroko nu, na i fiiti sono sunsunni nu, na i si deke bo i ahorembaa koro, deke bo i ti kpa, ni bo i ti má kpa. ¹³ Deke be wo má bere bo i koro fie Nyeme, dama deke be wo má bere bo Nyeme ayi i na i nyumbaa nɔ má i. Yiri ye ya kere bá kan ya sayoowa kere i a.

Yesu ti Nyeme sayoowa dɔnguyofom kere kpien n a

¹⁴ Kisa, na ya la Nyeme sayoowa dɔnguyofom kpien bo i la má anusu, na wo ko angoro, na wo wura Nyeme dika n nu ni, yiri la Nyeme Wa Yesu, nyini dee ti, ye am ma ya bita i dee atin n bo ya nɔa ya yo i yarada n kenken. ¹⁵ Ya dee Nyeme sayoowa dɔnguyofom kpien n ti má be bo i koro si má ya anunfo o. I koro si ya anunfo fa ko sanɔa bo ya fanɔa akpie su, ni i dee atin su, dama ngeɛ barasu barasu kere bo bu fa so ya ni, bu yo fa soori yiri

mmɔɔ sɔ ɔ, ama, haari ni nyini n kere ni, wɔ yo má satie be. ¹⁶ Nyini deɛ ti, am ma ya fa ahoresi, na ya cin dodo Nyeme femeya tanaabiri ni, yiri ti ahoɔmafo a, adena i si ya anjunfo, na sanɔa kere bo ya ba koro buka, na i buka ya.

5

¹ Nyeme sayoowa dɔnguyofɔ kpien kere, bo Nyeme yo yiiri i minem n nu ka i yo juma ni, i deɛ la ka, i jina minem deɛ jinaabiri Nyeme dɔ, na i de bu aceerim ni yoowam na i fa ma Nyeme fa kɔ minem satie bo ba yo i n deɛ ti. ² Yiri mmɔɔ ni i tii koro si minem anjunfo bo ba si má na ba mini atin ayo satie ni, dama yiri mmɔɔ fanɔa akpie su Nyeme dɔ. ³ Nyini deɛ ti, wɔ yo daka ka i du mɔ yo yoowa ma i ɔu fa kɔ i ɔgasi bo wɔ do i ka, ye i nya koro yo yoowa ma minem kere ɔgasi n a. ⁴ Be koro wura má i ɔu kpiri na i se ka i ti Nyeme sayoowa dɔnguyofom kpien, má ka Nyeme ni i tii ayi i mi, kabo i yo yiiri Aaron ni.

⁵ Nyini deɛ ti, Kristo gusu awura má i ɔu kpiri ayo má i ɔu Nyeme sayoowa dɔnguyofɔ kpien, se Nyeme yiiri i a, na wɔ se i ka,

“Wɔɔ ti m Wa a,
nyuma, m káaki u Si.”

⁶ Ba kaaki akere i Nyeme Jɔre Kadasi n awɔre be nu ka, Nyeme ɔa,

“Wɔɔ ti Nyeme sayoowa dɔnguyofɔ,
kabo Melekisideki busu nu ti n a,
a wo bere sɔ ɔ sanɔa kere, be de má u.”

⁷ Sanɔa bo Yesu wo durunya n nu fen ni, i yo sereeri Nyeme ni anyumbo su, na wɔ bo afere Nyeme na wɔ sun, ka, i de i fite yiwee n nu. I yo yoori i ɔu kaan, na i soro Nyeme n deɛ ti, na Nyeme ade i sere.

⁸ Haari ni bo i ti Nyeme Wa ni, Nyeme maari i diiri wahara, adena i si kabo i deeru Nyeme noanie ni. ⁹ Sanɔa bo Nyeme ma i tiiri kabo i koro ka i ti ni, ye wɔ ma sɔnɔ kere bo i deeru i noanie n nya tiide bo i la má awieeri n a. ¹⁰ Dama Nyeme yiiri i ka i yo Nyeme sayoowa dɔnguyofɔ kpien, kabo Melekisideki yo ti barasu n a.

Fɔtu fa kɔ kabo má ya fa ya yarada n ji ni

¹¹ Má ya la deke dɔngu bo ya kan kere am fa kɔ jɔre bo ya jɔjɔ i n su, ama, i ti kekereke kabo ya kan teke am nyi, dama am koro ti má i bu ndende. ¹² Sanɔa bo am boori i bu ka am su Nyeme ni, am ace nu, má am aju bo am sukere minem Nyeme noanie ni, ama, am toko tana koro ka bu kere am dekem bo ba du mɔ afa akere am, fa kɔ Nyeme noanie n su. Am toko nu nyufini wɔ, am nya koro di má diire nonɔɔri. ¹³ Dama sɔnɔ kere bo i nu nyufini toko ti baakan wɔ lee, i nya koro si má deke bo i kɔ atin su Nyeme dɔ. ¹⁴ Minem bo bu nyunu ati Nyeme deɛ atin n su, bere di diire nonɔɔri a. Ba sɔnsɔn Nyeme noanie ni, na bu su i su kabo i kere ni. Nyini ti ye bu la Alecira koro si deke bo i ti kpa, ni bo i ti má kpa n a.

6

¹ Nyini ti, má am ma ya ka Kristo ciciri su noanie kereewam ɔgumi su, ama, am ma ya boro ya nyi na ya kɔ mɔ. I ti má ye ni ka ya sukan nyini jɔrem ni sanɔa kere. Nyini jɔrem ni la kaaki bu wo, fa kɔ bu satie su na bu yo Nyeme yarada ni, ² ni kabo bu bie bu Nyeme nzue barasu, na bu fa bu sa nana yaradayofom ɔu ka Nyeme yo bu kisi, ni kabo mine ba wu na bu tenge bu yiwee nu ni, ni kabo Nyeme ba di mine jɔre na be koro kaaki má i kun ni. ³ Nzen Nyeme soroori su, ya koro kɔ mɔ bo i tara sɔ.

⁴ Minem bo ba yo asi ka Nyeme atin n ti wein, na ba kaaki bu sin abo i ni, bu yo se koro kaaki ba Nyeme do bekun a? Dama bu yo nyaari Nyeme aceerim wo, na ba de Awiewie Casi ni. ⁵ Ba yo asi kabo Nyeme noanie n ti kpa barasu, ni kabo durunya n bo i suba n yiko ti. ⁶ Ama, na ba kaaki bu sin abo i, i ti kekereke bo nyini minem nusu koro kaaki ba i do bekun, dama bu sayoowa kere ka bu sukaaki kpama Nyeme Wa n baka jaanu n su bekun wo lee, na bu suwura i nyinse minem nyunu. ⁷ Asien kere bo nzue to sanga kere na mine do su, na i yo diire nyunyumi, Nyeme wura nyini asien n abaraka beberebe. ⁸ Ama, asien bo buwe ni wura ngbennngbennm fi su na i kunma kperere, i ce ma, Nyeme yo i ngbenn, na i awieeri su, sin ba yara i kere.

⁹ Ama, m ninbaam, haari ni bo ya kan so n kere ni, ya la ahoresi fa ko ambere do, dama am bita atin kpa n wo, yiri la tiide n bo am anya i ni. ¹⁰ Nyeme ti kpa, i wara fi ma sakpa n bo am yo i ni, kabo am abuka i minem, na am toko buka bu ni. Nyini kere ka am koro i a. ¹¹ Ya koro ka am kere boro am nyi haari ko ju awieeri, adena deke n bo am la i tama n yo yiiwa. ¹² Ma am ma nviya ti am, ama, minem bo bu yo yarada na bu la sawore, na bu nya deke n bo Nyeme seeri ka i fa ma bu ni, am su bu dee sayoowam su.

Deke bo Nyeme seeri ka i yo i ni, i kaaki ma

¹³ Sanga bo Nyeme seeri Abraham ka i ba yo i kisi ni, be wo ma bere bo i tara yiri Nyeme. Nyini dee ti, ye i faari i duma taanri ndie maari i a. ¹⁴ Na wo se i ka, "M yo u kisi, na u busu nufom ba sunnu beberebe." ¹⁵ Na Abraham amindi haari na wo ba anya deke n bo Nyeme seeri ka i ma i ni. ¹⁶ Nzen sono na i tan ndie, i tan deke bo i tara i mi n wo. Deke bo akuruwa nya yoori na bu taanri ndie, wo kun akuruwa n kere noo lee. ¹⁷ Nyeme yo koroori ka i kere i minem ka deke bo i ba ma bu ni, i woro ma i noo i busu, nyini ti ye i kaaki taanri ndie n a. ¹⁸ Deke bo i seeri ka i yo i ni, ni i ndie taanwa n ti deke nnyo lee, bo bu kaaki ma. Nyini kere ka Nyeme koro bu ma kore a. Nyini ti ye yere bo ya ba i do ka ya nya tiide n la ahoresi bita ya tama n bo ya la i ni anyumboro n a. ¹⁹ Tama n bo ya la i ni, i ti kabo ba kpama lee barasu n wo. Nyini ma ya ahoembraa abi kekereke, ye ya kaaki yaki ma atin n bo ya bita i n a. Nyini tama n ti bo wo sin tani bambaka n bo i kanda n nu awura Soo Casi n nu a. Yiri bita ya a. ²⁰ Do ye Yesu adu ya mo awura, ade ya dee jinaabiri a. Yiri ti ya Nyeme sayoowa donguyofo kpien n bo i la ma defo fieo, kabo Melekisideki busu nu n ti n a.

7

Nyeme sayoowa donguyofo Melekisideki n jore

¹ Melekisideki ni, yiri yo ti mie n bo bu fere i ka Salem dee feme a, na i kaaki ti Micera Kpiri sayoowa donguyofo. Sanga bo Abraham ko kuunri lue ni nfeme nna nbem na i kunmaari bu na i sukaaki ko awuru ni, yiri Melekisideki ni kpaari Abraham atin ye i yoori kisi goori i nu n a. ² Na Abraham ayi dekem kere bo i kun lue n na i deer i ni, deke buru kere nu, na wo yi i kun kun ama Melekisideki. I duma Melekisideki n bu la ka, feme bo i sayoowa ko atin su. I kaaki ti Salem feme wo, i bu la ka, feme bo i fa tanalaifie ba. ³ Melekisideki ni, be si ma i si, wara i ni, wara i busu nufom, wara kabo bu wuuri i, wara kabo i wuuri. I yo ti Nyeme sayoowa donguyofo bo wo la ma defo, kabo Nyeme Wa n ti n wo.

⁴ Am niε kabo i yo ti sɔnɔ bambaka barasu a. Dama ya kerε na Abraham yo yiiri deke n kerε bo i kɔ kuunri lue n na i deer i ni, deke buru kerε nu, i yiiri kun kun maari yiri Melekisideki n wɔ. ⁵ Nyeme nɔanie maawa n kun bo i wo i nɔanie kpamaawa n nu n kere ka, deke buru kerε nu, bu yi kun kun fa ma Levifom, bu ti Nyeme sayoowa dɔnguyofom n dεε ti, haari ni bo bu kerε ti mine kunm na bu ti Abraham busu nufom ni. ⁶ Melekisideki yo fite mǎ Levifom dεε busu n nu, ama, Abraham yo yiiri deke n kerε buru nu kun kun maari i wɔ, na wɔ yo kisi agɔ Abraham ŋu, yiri Abraham ye Nyeme yo seeri ka i bǎ yo i kisi n a. ⁷ Sɔnɔ kerε si ka, sɔnɔ bo i yo kisi gɔ minem ŋu n tara bo bu de kisi ni. ⁸ Levifom bo bu ti Nyeme sayoowa dɔnguyofom na minem yo yiiri bu deke kerε buru nu kun kun maari bu ni, bu ti yiweefom wɔ. Ama, Melekisideki bo Abraham yiiri i deke kerε buru nu kun kun maari i ni, Nyeme Jɔre Kadasi n kere ka i toko wo bere wɔ lεε. ⁹ Nyini ti, sanɔa bo Abraham yiiri deke n kerε nu buru kun kun maari Melekisideki ni, ya koro se ka i wa Levi bo i ni i busu nufɔ yo deer i nyini n sɔ ni, bu minem gusu mmɔɔ atɔ lεε. ¹⁰ Dama sanɔa bo Melekisideki ni Abraham yeeri ni, na Abraham nya wu mǎ Levi bo i fite i busu nu ni, nyini ti, ya koro se ka Abraham deer i wa Levi dεε jinaabiri, ye i yi maari Melekisideki n a.

Nyeme sayoowa dɔnguyofɔ be bo i ti ka Melekisideki ni

¹¹ Nyeme nɔanie kpamaawa ni, i yo wo Levifom bo bu ti i sayoowa dɔnguyofom n saa nu a. Ama, nzen mǎ Levi busu nufom dεε sayoowa dɔnguyofom dεε juma n koro yoori deke n kerε bo mǎ i ti ye ni ka bu yo i ni, mǎ Nyeme ayi mǎ i sayoowa dɔnguyofɔ bo i ti ka Melekisideki. Mǎ i kaaki yi i sayoowa dɔnguyofɔ bo i fite Aaron dεε Levifom busu n nu ba. ¹² I ti nahɔre wɔ ka, nzen Nyeme akaaki anɔ fɔfɔre fa kɔ i sayoowa dɔnguyofom dεε atin n su, wɔ yo daka ka i kaaki i nɔanie kpamaawa n gusu. ¹³ Kabo bu kerεeri Mibie n ŋusu jɔre ni, i fite anɔ barasu be nu a, nyini anɔ n nufɔ be ayo mǎ Nyeme sayoowa dɔnguyofɔ juma be fieo. ¹⁴ Sɔnɔ kerε si ka i fite Yuda dεε anɔ n nu wɔ, ama, fa kɔ Yuda dεε anɔ n nu, ya ti mǎ ka Moyisi kerεeri ka bu be ba yo Nyeme sayoowa dɔnguyofɔ.

¹⁵ Deke bo i ma ya ti jɔre n bu nyunyumi n tara nyini su n la ka, Nyeme ayi i sayoowa dɔnguyofɔ bo i ti ka Melekisideki ama ya. ¹⁶ Mǎ i nam busu dεε ti ye i la atin ka i yo Nyeme sayoowa dɔnguyofɔ a, se i la ŋɔɔ bo i la mǎ awieeri n dεε ti, ye i la atin a. ¹⁷ Dama ba kerε i Nyeme Jɔre Kadasi n nu ka,

“Wɔrɔ ti Nyeme sayoowa dɔnguyofɔ bo a la mǎ defɔ fieo,
kabo Melekisideki busu n nu ti n a.”

¹⁸⁻¹⁹ Nyeme nɔanie maawa dawa n la mǎ kpere ni fanɔa, dama wɔ ma mǎ deke n ati mǎ kabo mǎ Nyeme koro ka i ti n a. Nyini dεε ti, ye Nyeme ace i ase, ye wɔ ma ya tama n bo i tara nyini n a. Nyini tama n dεε ti, ye ya koro cin dodo Nyeme n a.

²⁰ Nyini sin, na Nyeme atan ndie. Ama, sanɔa bo Nyeme yo yiiri Levifom n ka bu yo i sayoowa dɔnguyofom ni, wɔ yo atan mǎ ndie. ²¹ Sanɔa bo Nyeme yiiri Yesu ka i yo Nyeme sayoowa dɔnguyofɔ ni, i taanri ndie wɔ, ka,

“Mini Micera Nyeme n atan ndie,
m wɔrɔ mǎ m nɔɔ,

wɔrɔ ti Nyeme sayoowa dɔnguyofɔ bo a la mǎ defɔ fieo a.”

²² Nyeme taanri nyini ndie n dεε ti, nyini ma ya si ka Yesu jina sesesu fɔfɔre n sin ka i ti kpa tara dawa n a.

²³ Deke bo i ma i kaaki wo i ngumi n la ka, Levifom dɛɛ Nyemɛ sayoowa dɔnguyofom yo wu wɔ, na bu nbem de bu jinaabiri, nyini dɛɛ ti ye bu yo sunnu n a. ²⁴ Ama, Yesu yiri, i ti Nyemɛ sayoowa dɔnguyofɔ bo i wo bere sangha kere n dɛɛ ti, be wo má bere bo i koro de i jinaabiri na i yo yoowa. ²⁵ Nyini dɛɛ ti ye i koro de minem tii ji fieo n a, bere bo i ma bu cin dodo Nyemɛ ni, dama yiri wo bere sangha kere de bu nyemesere, fa kɔ Nyemɛ dɔ a.

²⁶ Nyini ti, Yesu ti Nyemɛ sayoowa dɔnguyofɔ kpɛn bo i koro yo deke n kere bo wɔ yo daka ka i yo ma ya nahɔre su a, yiri ti bo i ti casi na i la má ngasi be a, i la má satie be, i woowa wo bere i ngumi ni satieyofom, ye Nyemɛ awura i kpiri atara sonɔ kere bo i wo angoro n a. ²⁷ Kobo Nyemɛ sayoowa dɔnguyofɔ nkpien nyingam yo ti ni, yiri ti má sɔ. Bere dɔ, ale kere bo i cin, bu du mɔ yo yoowa ma bu ɲu fa kɔ satie bo ba yo i wɔ ka, na bu nya ba yo ma minem satie bo ba yo i. Ama, yiri yiri, yoowa kpekun n kpein ye i yoori i a, yiri la bo i faari i ɲu yoori i ni. ²⁸ Kobo Nyemɛ nɔanie kpamaawa n kere ni, haari ni bo minem bo bu yiiri bu ka bu yo Nyemɛ sayoowa dɔnguyofɔ nkpienm n akoro ayo má deke n kere bo má wɔ yo daka ka bu yo i ni, bu yiiri bu wɔ. Ama, nyini nɔanie kpamaawa n dɛɛ sin, na Nyemɛ afa i tienɲu duma atan ndie, na wɔ yi i Wa n ka i yo i sayoowa dɔnguyofɔ kpɛn. Yiri ti bo Nyemɛ ma i tiiri kobo i koro ka i ti sangha kere n a.

8

Yesu ti ya Nyemɛ sayoowa dɔnguyofɔ kpɛn n a

¹ Deke n bo m koro ka m se n kere la ka, ya la ahin Nyemɛ sayoowa dɔnguyofɔ kpɛn n bo i tana angoro, Micera Kpiri n saa fɔmbɔrɔ su. ² I yo i Nyemɛ sayoowa dɔnguyofɔ kpɛn juma n dika n nu wɔ, bo i ti Nyemɛ sereebiri nahɔre su, Nyemɛ ni i tii taari nyini dika n a, má adamande taari i a. ³ Nyemɛ sayoowa dɔnguyofɔ kpɛn kere bo Nyemɛ yo yiiri i, i dɛɛ la ka, i de minem aceerim, ni bu yoowam na i fa ma Nyemɛ. Nyini dɛɛ ti ye wɔ yo daka ka ahin Nyemɛ sayoowa dɔnguyofɔ kpɛn n gusu la yoowa be bo i yo ma Nyemɛ n a. ⁴ Nzen má Yesu wo durunya n nu, má i yo má Nyemɛ sayoowa dɔnguyofɔ fieo, dama minem bo Nyemɛ adu mɔ ayi bu ka bu yo sayoowa n wo bere wɔ, kobo Nyemɛ nɔanie kpamaawa n kere lɛɛ. ⁵ Juma n bo Nyemɛ sayoowa dɔnguyofom yo i ni, i ti kobo i wo angoro n wɔ, ama, i ti má kun. Moyisi dɛɛ n gusu yo ti sɔ ɔ, nyini ti ye sangha bo i ɲa i bo Nyemɛ Sereebiri Nambue n ye Nyemɛ seeri i ka, “Si nu, na a yo deke n kere kobo m kereeri u buka n su ka a yo i ni.” ⁶ Ama, kisa, Yesu dɛɛ Nyemɛ sayoowa dɔnguyofɔ juma n tara nyingam dɛɛ ni. Sɔ ye sɛsɛsu fɔfɔre n bo Yesu afa aba na i yo Nyemɛ ni minem afien dɔngɔ n tara dawa dɛɛ n a. Dama sɛsɛsu fɔfɔre n dɛɛ ti, ye Nyemɛ ɲa i fa deke n bo i ti kpa na i la má anusu n fa ma ya n a.

⁷ Nzen má sɛsɛsu n bo Nyemɛ du mɔ diiri i di n koro yoori deke n kere bo wɔ yo daka ka i yo ni, má i kaaki fa má sɛsɛsu fɔfɔre na i di i di kun.

⁸ Ama, na Nyemɛ anu i minem ni ngasi, na wɔ se bu ka,

“Micera n ɲa o,

sangha suba bo m fá sɛsɛsu fɔfɔre

na m dí i di ni Yisarelifom ni Yudafom.

⁹ I ti má ka dawa dɛɛ sɛsɛsu ni,

bo m yo faari i na m diiri i di ni am nam ni,

sangha bo m yiiri bu fiteeri Ijipiti asien n su ni.

Ba yo abita má i kobo m yo seeri bu ni,

nyini dɛɛ ti, ye m cɛɛ awo má bu nu n a.
Kabo Micɛra n seeri lɛɛ.

¹⁰ Sɛsɛsu n bo m bá di i di ni Yisarelifom la ka,
fa kɔ fa ba,
m fá m nɔaniɛ n wura bu sunsunni nu,
na bu bíta i bu ahore su,
mini yó bu Nyɛmɛ a,
na bu yó m minɛm.

Kabo Nyɛmɛ seeri lɛɛ.

¹¹ Be wo má bɛɛ bo i bá kere i lamoko
ka i si Micɛra ni.

Dama sɔnɔ kɛɛ bá si m,
fa i tarakam kɔ tu i nfaɗafom kɛɛ.

¹² M sí bu aɗunfo, na m fá bu satie bo ba yo i n fa ce bu,
na m tɛɗge má i su fieo.”

¹³ Deke bo i ti na Nyɛmɛ yo kaanri sɛsɛsu fɔfɔɛ be jɔɛ ni, i bu la ka, ciciri su dɛɛ n ayo dawa. Deke kɛɛ bo i nya yoori dawa wieeri, i cɛ má, i busu míni wɔ.

9

Ciciri su sɛsɛsu n ni sɛsɛsu fɔfɔɛ n dɛɛ nyɛmɛsu jɔɛ

¹ Kabo i ti n la ka, ciciri su dɛɛ sɛsɛsu n bo Nyɛmɛ diiri i di ni, yo la atin kereewa kereewam bo bu fa su Nyɛmɛ, na i kaaki la dika bo ba ta i ase durunya n nu fɛn na bu wo nu su Nyɛmɛ. ² Bu yo boori nambue be wɔ, na ba fa sanvuin ati i nu nnyɔ. Anɔ nu dɛɛ sɔɔ ni, fitana takaabiri, ni teebiri, ni kɔnɔ bo bu fa ma Nyɛmɛ n wo dɔ, bu fere bɛɛ n ka Sɔɔ Casi. ³ Mo dɛɛ sɔɔ ni, bu fere i ka Casi Kɛɛ Casi Sɔɔ. ⁴ Mikun yoowa yoobiri n bo ba mata i sika n wo dɔ, nyini yoobiri n su ye bu kunkun tulaalɛ nvanvani fa ma Nyɛmɛ a. Alaka n bo ba mata i sika n gusu wo dɔ, nyini alaka n kere kabo Nyɛmɛ faari sɛsɛsu diiri i di n a. Deke bo bu wo alaka n nu n la sika torosɛ n bo ba fa diire n bo bu fere i ka *mana* n awura nu ni, ni Aarɔn kpama n bo i fiefiɛeri nyawa ni, ni yabue pɛpɛɛɛ nnyɔm bo Nyɛmɛ akere i nɔaniɛ maawa burum n aɗɔ su ni. ⁵ Na ba yo deke nnyɔ nbem bo bu la laɗkpɛtɛ ase alaka n tii su, nyini dekem ni kere kabo Nyɛmɛ wo i minɛm dɔ barasu a, bu fere bu ka *Cerubim*, ba fa bu laɗkpɛtɛm akata dika n bo Nyɛmɛ si i minɛm aɗunfo n su. Kisa, ya koro kere má deke n kɛɛ kun kun kabo bu ti barasu.

⁶ Kabo i ti ni, bu nya sɛsɛ nyini nɛngem kɛɛ su wieeri, nyini saɗga, Nyɛmɛ sayoowa dɔɗguyofom suwura sɔɔ n bo i wo anɔ nu n wɔ, na bu suyo bu Nyɛmɛ juma saɗga kɛɛ. ⁷ Ama, Nyɛmɛ sayoowa dɔɗguyofom kpiɛn ni ɗgumi koro wura sɔɔ n bo i wo mɔ n nu a. Afɔ kɛɛ afɔ, i wura dɔ kpekun wɔ, nzen i ɗa i wura dɔ gusu, i bita nɛngɛndɔɛm mbunja a, na i du mɔ yo yoowa ma i ɗu ka, na i nya yo ma minɛm dɛɛ satie bo ba yo i na bu si má ni. ⁸ Deke bo i ti na Awiewie Casi n fa nyini atin n sɔ ni, na i kere ya ka, saɗga bo bu yo boori nyini nambue na bu sɛsɛ deke n kɛɛ su ni, Nyɛmɛ nya teke má atin na minɛm kɛɛ koro wura Casi Kɛɛ Casi Sɔɔ n nu. ⁹ Nyini n kɛɛ bo bu yo yoori i ni, i la bu ma ya kisa. I bu la ka, acɛerim ni nɛngem kɛɛ bo bu yo fa yoori yoowa suuri Nyɛmɛ ni, ba koro ama má bu sunsunni ati má kabo má i ti ye ni ka i ti ni. ¹⁰ Dama nyini yoowa atin n kere diire diiwam, ni deke nuuwam, ni bu yoowam kabo bu ɗmisi bu ɗu na bu yo bu ɗu casi ɗgumi wɔ. Nyini n kɛɛ la i saɗga nyaari wɔ, yiri la bo bu suyo i sɔ ɔ, haari kɔ ju saɗga bo Nyɛmɛ bá yo deke n kɛɛ dɔɗgu.

¹¹ Ama, kisa, Kristo aba, yiri ti Nyeme sayoowa dɔnguyofɔ kpien n a, yiri bita atin kpa n bo bu yo seeri ka i fa ba n a. Nyeme Sereebiri Nambue n bo wɔ wura nu, na i suyo i Nyeme sayoowa dɔnguyofɔ kpien juma ni, nyini nambue n la má anusu durunya n nu fen, i ti kabo Nyeme koro ka i ti n wɔ, dama i ti má deke bo adamande taari i ni bu saa a, wara dekem bo Nyeme yiiri bu durunya n nu fen n be wɔ. ¹² Má naanim ni sirim dɛɛ mbunja ye i fa wurari nambue n nu a, ama, i faari i tienɔgu mbunja a, na wɔ fa awura Casi Kere Casi Sɔɔ n nu kpekun n kpein, na wɔ fa ayo yoowa ama ya, adena ya koro nya tiide n bo i la má awieeri ni. ¹³ Minem bo fin yo wo bu ɲu, na bu koro cin dodo má Nyeme ni, bu fa sirim ni tooram mbunja ye bu fa yɔyɔkɔti gɔ bu ɲu a, na bu yara nambaa, na bu fa nzuin n gɔ bu ɲu. Nyini sanɔa, ba kpakpara bu fin ayo bu casi lɛɛ. ¹⁴ Nzen nyini yoowam bo bu yo bu n ma mine yo casi, nyini yiri, Kristo dɛɛ mbunja ni koro yo bo i tara sɔ ɔ. Awiewie Casi ni, yiri bo i wo bere sanɔa kere n dɛɛ yiko n nu ma Kristo koro faari i ɲu yoori yoowa bo i la má gela be maari Nyeme n a. I dɛɛ mbunja ni koro kpakpara yi satiem bo bu ma ya ka ngbeen ya ahore su, ni ya sunsunni nu n a, nyini ma ya koro su Nyeme bo i wo bere sanɔa kere n a.

¹⁵ Kristo yoori sɔ n dɛɛ ti, yiri ti afien dɔnguyofɔ n bo wɔ fa sɛsɛsu fɔfɔre n aba, adena minem kere bo Nyeme afere bu n nya deke n bo i diiri i di ka i ma bu ni. Nyini deke n la aja n bo bu di i na i la má awieeri ni. Yiwee n bo Kristo wuuri ni, nyini de minem tii ji fa kɔ bu satie ti, na ba do Nyeme ngasi, ni ciciri su sɛsɛsu dɛɛ atin n su. ¹⁶ Sɛsɛsu fɔfɔre n bo Nyeme diiri i di ni, i ti kabo sɔnɔ toko la ngɔɔ na i kere kabo bu ba kpaaki i aja nu barasu n wɔ, má ka wɔ wu ka, ye bu koro di i aja n a. ¹⁷ Sanɔa bo i toko la ngɔɔ ni, be koro di má i aja ni, má ka wɔ wu ka. ¹⁸ Nyini dɛɛ ti, ye haari kana ciciri su sɛsɛsu n bo Nyeme diiri i di n bá yo juma, má ka ba yi nengendɔre mbunja. ¹⁹ Nyini sanɔa, Moyisi du mɔ kaanri Nyeme nɔanie maawam n kere kereeri minem n wɔ, kabo bu wo Nyeme nɔanie kpamaawa n nu n ka, na i nya fa tooram ni sirim mbunja na i sanɔa nzue nu, na i fa nyawa ni bɔe ndɔre kɔkɔre bo ba wu i tani, na i fa bo nu, na i fa yɔkɔti gɔ Nyeme nɔanie kpamaawa kadasi n su ka, na i nya yɔkɔti gɔ minem kere ɲu, ²⁰ na i nya se bu ka, “Ahin mbunja ni ti deke bo i kere sɛsɛsu n bo Nyeme adi i di ase am ka am bita i nɔanie n a.” ²¹ Sɔ ye Moyisi yo fa mbunja n yɔkɔti gɔ nambue n su a, ni nenɔe n kere bo bu bita yo juma ma Nyeme n gusu. ²² Nahɔre, kabo Nyeme nɔanie kpamaawa n kere ni, i ti ka deke kere bo bu ɲa bu yo i casi, má ka ba fa mbunja ayɔkɔti su ka. Nyeme fa má bu ngasi ce má bu, má ka ba yi deke mbunja.

Kabo Yesu faari i ɲu yoori yoowa na i deeri mine dɔngu fiteeri bu satie nu ni

²³ Nyini dɛɛ ti, Nyeme Sereebiri Nambue ni, ni dekem n kere bo bu wo nu ni na bu ferema ni anɔoro dɛem ni, wɔ yo daka ka bu fa nengendɔre mbunja yo bu casi. Ama, nenɔem n bo bu wo anɔoro n yiri, wɔ yo daka ka bu fa deke bo i mbunja tara nengendɔrem dɛɛ fa yo bu casi a. ²⁴ Kristo awura má dika casi n bo i ferema ni anɔoro dɛɛ n nu a, bo minem taari i ni, ama, i wurari anɔoro dɛɛ n ni i tii nu a, ye kisa, wɔ de ya jinaabiri Nyeme dɔ. ²⁵ Afɔ kere afɔ Nyeme sayoowa dɔnguyofɔm kpien ni yo wura Casi Kere Casi Sɔɔ n nu wɔ, na i fa nengendɔre mbunja n yo yoowa. Ama, Kristo yiri awura má anɔoro dɛɛ dika n nu ka i sufa i ɲu yo yoowa sanɔa kere sanɔa. ²⁶ Nzen má i ɲa i sufa i ɲu yo yoowa sanɔa kere sanɔa, má i sudi wahara a sanɔa kere, fite kabo Nyeme yiiri durunya n ba ju ni nyuma.

Ama, kabo i ti n la ka, ahin san̄ga n bo deke n kere aba awieeri su ni, na wo ba kpekun n kpein, afa i ɲu ayo yoowa, adena Nyeme fa adamande satie ce i. ²⁷ Nyeme akpama i ka adamande kere wu kpekun wo, nyini sin, na Nyeme di i jore. ²⁸ Kabo Kristo gusu yoori lee. Kpekun n kpein ye i faari i ɲu yoori yoowa, adena i de mine dɔngu satie bo ba yo i ni. Nyini sin, i kaaki ba bekun. Ma mine satie bo ba yo i n dee ti ye i ba, ama, i ba de minem bo bu nie i atin nu n tii ji wo.

10

Kabo Yesu yoori yoowa kpekun n kpein ni

¹ Nyeme noanie kpamaawa ni, i ferema ni deke kpa n bo Nyeme ɲa i fa ba n wo, ama, ma yiri lee. Nyini ti, yoowa n bo bu yo bu san̄ga kere akoro ama ma bere bo bu cin dodo Nyeme ni, ati ma kabo ma i koro ka bu ti ni. ² Nzen ma nyini yoowam n kere koro yiiri minem n bo bu su Nyeme n fiteeri bu satiem nu, ma bu sunsunni ma ma bu een be ka ba yo satie, ma bu yaki nyini yoowam wo. ³ Ama, kabo i ti n la ka, nyini yoowa n bo bu yo i afo kere afo n tenge bu su fa ko bu satiem bo ba yo bu n su wo. ⁴ Dama tooram ni sirim mbunja koro yi ma satie bo i wo adamande ahore su ni, een be.

⁵ Nyini dee ti, san̄ga bo Yesu koro ka i ba durunya n nu fen ni, na wo se Nyeme ka,

“A koro ma ka mine fa aceerim
ni nengendorem n yo yoowa ma u,
ama, adamande ɲuniembaa ye a fa ama m
ka m fa yo yoowa n a.

⁶ U nyunu ayi ma yoowam
bo bu yo bu na bu kpie nengendorem kom,
na bu yara bu sayoowa yoobiri n su ni,
ni yoowam n bo bu yo satie na bu yo bu ni.”

⁷ Na wo kaaki ase Nyeme ka,
“Mini yaa, ma ba ka m ba yo u koroowa n wo,
kabo ba kere m ɲusu jore u noanie kpamaawa n dee kadasi n nu ni.”

⁸ I du mo seeri Nyeme ka, “A koro ma ka mine fa aceerim ni nengendorem n fa yo yoowa ma u, u nyunu ayi ma yoowam bo bu yo na bu kpie nengendorem kom, na bu yara bu sayoowa yoobiri n su ni, ni yoowam n bo bu yo satie na bu yo bu ni.” I seeri so o, haari ni bo Nyeme noanie kpamaawa n kere so ni. ⁹ Na wo se Nyeme ka, “Mini yaa, ma ba ka m ba yo u koroowa n wo.” Nyini la ka, Nyeme akun ciciri su dee yoowam kere no lee, ye wo fa fofore aba. ¹⁰ Nyeme koroowa n lee ye i yoori n a. Kpekun n kpein ye i faari i ɲu yoori yoowa. Nyini ti ye wo kpakpara ya kere fin ayo ya casi n a.

¹¹ Yudafo Nyeme sayoowa dɔnguyofo kere yo i Nyeme juma een n kere wo, na i suyo nyini yoowa kun n san̄ga kere. Haari ni nyini yoowam n kere, bu be koro yi ma minem satie bo i wo bu sunsunni nu ni. ¹² Ama, Yesu yiri yoori yoowa kpekun n kpein wo, bo i yo juma san̄ga kere, fa ko mine satie bo bu yo i su. Na wo nya ako atana angoro Nyeme saa fomboro su. ¹³ Fite nyini san̄ga ni, i ɲminda kabo Nyeme ba ma i kunma i kpofom na i nana bu kere ɲu. ¹⁴ Nyini yoowa kun n dee ti, wo kpakpara minem fin kere na wo ma ba ti kabo Nyeme koro ka bu ti ni, san̄ga kere.

¹⁵ Awiewie Casi n gusu kaanri i so kereeri ya. Wo du mo ase ka,

¹⁶ “Micera ɲa, sesesu n bo m ni bere adi i di

fa kɔ sanɔa bo i suba n la ka,
m fá m nɔaniɛ kpamaawa n wura bu sunsunni nu,
na m kére i gɔ bu ahore su.”

17 Na wɔ kaaki ase ka,

“M téngge má bu satiem bo ba yo bu n su,

kabo bu keteeri na ba su má m nɔaniɛ kpamaawa n su kun.”

18 Tɔ, Nyeme afa satie bo minem ayo i ace bu, nyini la ka, yoowa be wo má bere bo be yo i fa kɔ satie su kun.

Am ma ya cin dodo Nyeme

19 M ninbaam, Yesu deɛ mbunja n ti ye ya la ahoresi kere ka ya koro cin dodo Nyeme a, na ya koro wura Casi Kere Casi Soɔ n nu a. 20 Yesu ateke atin fɔfɔre bo i ma ngɔɔ nahɔre su ama ya. Kabo i faari i ɲu yoori yoowa ni, i ti ka wɔ teke atin ama ya na ya koro sin tani bambaka n bo bu fa kanda n ɲu, na ya wura Casi Kere Casi Soɔ n nu. 21 Tɔ, kisa na ya la Nyeme sayoowa dɔnguyofɔ bambaka bo i nie yere n bo ya ti Nyeme minem n su ni. 22 Nyini deɛ ti, am ma ya cin dodo Nyeme ni ya ahorembaa kun, na má ya yo sika be. Yesu mbunja n akpakpara ayi satie kere bo i wo ya ahore su a, na má ya sunsunni nu suma ya sanɔa kere ka ya yo satie. Nyeme nzue n gusu bo ba fa abie ya ni ama ya ɲunie ayo casi a. 23 Tama n bo ya ɲa ya la i ni, am ma ya bita i ni ya saa nnyɔ, má am ma ya fa sika wura nu, dama ya si ka Nyeme yo deke n bo wɔ fa sesesu adi i di ka i yo i ni. 24 Am ma ya sutu ya beɲgum fɔ, na ya buka ya beɲgu, na koro wo ya afien na ya yo sakpa. 25 Kabo i ti ye ni ka ya sutien ya nɔɔ na ya su Nyeme sanɔa kere ni, má am ma ya yaki i kabo nbem suyo barasu ni, ama, am ma ya sutu ya beɲgu fɔ na bu nya ahoresi buka su, dama ya kere ɲu ka Micera n deɛ ceɛn n adodo leɛ.

26 Tɔ, kisa na ya si kereewa n bo i ti nahɔre ni, na nzen ya toko kete i yo satie ni, yoowa be wo má bere bo ya yo i na Nyeme fa ya satie ce ya kun, 27 má ka ya ɲminda ni sere fa kɔ ceɛn n bo i suba na Nyeme bá di minem jɔre, na i fa bo ba kete i nɔaniɛ n wura sin n bo i ti kekere agaya n nu, na bu ka ngbeɛn ni. 28 Nyeme nɔaniɛ kpamaawa n bo i yo fa maari Moyisi ni, nzen soɔ be keteeri na i yoori satie, na mine nnyɔ wara nsan diiri daani ka i ti so, nkpienkpienm si má i mi aɲunfɔ, bu kun i wɔ. 29 Ye nzen i nya ti so, soɔ kere bo i buuri Nyeme Wa ni ngbeɛn na i sunsun ka Yesu mbunja n bo i yo ya casi n ti ngbeɛn, na i jɔɔ wura Awiewie Casi n bo i si ya aɲunfɔ ni ngasi nu, suicin barasu boɔ ye am sunsun ka Nyeme fá cin i a? 30 Dama ya si ka Micera n ase ka, “Mini cín bu sui a. Mini tó bu kaari a,” na wɔ kaaki ase ka, “Mini dí m minem jɔre a.” 31 Wɔrɔ kere bo a to Nyeme saa nu, yiri bo i wo bere sanɔa kere ni, i la sere agaya.

32 Am tenge su, na am nie sanɔa bo am du mɔ nyaari anyunuteke fa kɔ labari kpa n su ni, haari ni bo am yo diiri wahara agaya ni, am afa ahoresi ade nyini kekereke n kere. 33 Sanɔa be bu yo kpie am nzukɔ, na bu kere am wuwuruwa jama nu. Na sanɔa be gusu na am asanɔa adi wahara ni am beɲgum bo bu kere bu wuwuruwa ni. 34 I ti nahɔre wɔ ka, am asi dansarakam aɲunfɔ. Bekun, haari nzen mine fiinri am nengem kere bo am la i ni, am ahore ti jɔɔwa a, dama am si ka am la deke bo i tara nyininim bo ba de am dɔ ni, nyini deke n yiri wo bere wɔ sanɔa kere. 35 Nyini deɛ ti, má am ma am ɲunie yɔrɔki am, dama ahoresi n bo am la i ni, nyini ma am nya aceeri bambaka Nyeme dɔ a. 36 Kisa, wɔ yo daka ka am la mindi, adena am yo Nyeme koroowa, na am nyá deke n bo Nyeme afa sesesu adi i di ka i ma am ni. 37 Dama ba kere i Nyeme Jɔre Kadasi n nu ka,

“Wɔ ka kaan, i cé má,
yiri n bo i suba ni, i bá.

³⁸ M sɔnɔ bo i yo sa bo i kɔ atin su m dɔ,
i nyá ngɔɔ, i yarada n dɛɛ ti,
ama, sɔnɔ kɛɛ bo i kaakiiri i sin boori m,
m ahore jɔ má i mi ɲu.”

³⁹ Yɛɛ yiri, ya ti má minɛm bo bu kaaki bu sin, na bu ka ngbɛɛn ni, ama,
ya ti minɛm bo ya yo Nyɛmɛ yarada na ya nya tiide wɔ.

11

Yaradayo jɔɛ

¹ Nzen ya yo Nyɛmɛ yarada, ya la ahoresi ka deke n bo ya yo i tama ni, ya nya i, na ya kaaki la ahoresi ka deke n bo ya nyumbaa ɲu má i n wo bɛɛ nahɔɛ su. ² Dawafom yoori Nyɛmɛ yarada n dɛɛ ti, ye i se ka i nyunu ayi bu sayoowa n a.

³ Ya yo Nyɛmɛ yarada n dɛɛ ti, ye ya koro fa si ka Nyɛmɛ yo jɔjɔri nɔaniɛ wɔ, ye i fa yiiri durunya n a. Nyini ma ya si ka, dekem bo ya nyumbaa koro ɲu bu ni, Nyɛmɛ afa deke bo ya koro ɲu má i ayi bu n a.

⁴ Abeli yo yoori Nyɛmɛ yarada n dɛɛ ti, ye i koro yoori yoowa bo i ti kpa tara i gɔɔ Keen dɛɛ n bo i yo maari Nyɛmɛ n a. I yarada n dɛɛ ti, ye Nyɛmɛ nyunu yiiri i aceeri n ye i seeri ka i ti sɔnɔ bo i yo sa bo i kɔ atin su i dɔ n a. Abeli ti sɔnɔ bo wɔ wu wɔ, ama, haari ni kisa, i yarada sayoowa toko yo juma ya dɔ.

⁵ Henoki yo yoori Nyɛmɛ yarada n dɛɛ ti, wɔ wu má, na Nyɛmɛ afa i ako i bi angoro, nyini ti ye be anu má i n a, dama Nyɛmɛ afa i ako i bi. Ba kɛɛ i Nyɛmɛ Jɔɛ Kadasi n nu ka, sanɔ bo Nyɛmɛ nya fa má i kɔ má i bi angoro ni, Nyɛmɛ nyunu yiiri i sayoowa a. ⁶ Nzen sɔnɔ ayo má Nyɛmɛ yarada, i mi koro yo má sa bo i yi Nyɛmɛ nyi, dama sɔnɔ kɛɛ bo i ba Nyɛmɛ dɔ, wɔ yo daka ka i mi yo yarada ka Nyɛmɛ wo bɛɛ, na i tɔ mine n bo bu nienie i busu ni ɲkatɔ nahɔɛ su.

⁷ Nowa yo yoori Nyɛmɛ yarada n dɛɛ ti, ye i yo deeri kabo Nyɛmɛ bɔbɔri i fa kɔ sam bo bu bá yo n su n a. I deeri Nyɛmɛ nɔaniɛ n kpaari lee bambaka n ye i ni i dikafom wuraari nu ye ba wu má n a. I yoori sɔ n dɛɛ ti, nyini kere ka minɛm bo bu kaari durunya n nu n ti satieyofom a, ama, Nowa yiri, i yarada n dɛɛ ti, Nyɛmɛ ade i ka i yo sa bo i kɔ atin su i dɔ ɔ.

⁸ Abraham yo yoori Nyɛmɛ yarada n dɛɛ ti, sanɔ bo Nyɛmɛ fereeri i, na i seeri i ka i kɔ asien be bo i seeri ka i fá ma i n su ni, haari ni bo i si má deke bo i sukɔ ni, yarada n dɛɛ ti, ye i yo deeri Nyɛmɛ nɔaniɛ n ye i fiteeri i nam asien su kɔri nyini asien n su a. ⁹ Yarada n dɛɛ ti, ye i kɔ juuri asien n bo Nyɛmɛ ase ka i fá ma i n su n a, dɔ ye i tanaari ka i ti wɔfɔ n a. I ni i wa Izaki, ni i anuma Jakɔbu yo boori nambue woori dɔ sanɔ be su wɔ. Haari ni bo bɛɛ yo ti minɛm bo bu nyaari deke n bo Nyɛmɛ ase ka i fá ma bu n a. ¹⁰ Abraham boroori i nyi nienieeri mie kpiri n bo Nyɛmɛ ni i tii ata i na i la má awieeri n a.

¹¹ Abraham yi Saara mmɔɔ yo yoori Nyɛmɛ yarada n dɛɛ ti, haari ni bo wɔ yo buke na i ti ɲɔɔka ni, yarada n dɛɛ ti, ye i koro wuuri baa n a. I yo yarada ka Nyɛmɛ yó deke n bo i seeri ka i yó i ni. ¹² Haari ni bo má Abraham ti ka sɔnɔ bo wɔ wu ni, yiri nyini sɔnɔ kun n ye i busu nufom asunnu ka asarambaam bo bu wo angoro n a, ni kabo kunma ɲmie sunnu na i la má nɔ n a.

¹³ Nyini minem kere yoori Nyeme yarada a, haari bu ba wuuri. Ba nya ma deke n bo Nyeme seeri ka i yo ma bu, bu ngoo su ni. Ama, yarada dee n ti, bu nuuri deke n ka i wo dede wo, na ba de i ni ahorejo, na ba soro su ase ka bu ti wofom wo, wara nanatiirifom wo, durunya n nu fen. ¹⁴ Nyini minem kere bo bu seeri so ni, i kere ka, bu boro bu nyi nienie bu tienju asien busu wo. ¹⁵ Nzen ma bu faari bu ahorembaa seeri asien n bo ba yo ayaki i n su ni anyumboro, ma bu koro nya atin bo bu kaaki ko nyini asien n su bekun. ¹⁶ Ama, bu yo koori asien be bo i tara bo bu yo yakiiri i n wo, yiri la Nyeme dee woobiri n bo i wo angoro ni, nyini dee ti, ye i ti ma nyinse Nyeme do ka bu fereeri i ka bu Nyeme n a, dama yiri ye wo sese mie kpiri be su ase bu a.

¹⁷ Abraham yo yoori Nyeme yarada n dee ti, ye i yo faari i wa Izaki ka i fa yo yoowa, sanja bo Nyeme yo koori ka i yo i na i nie n a. Yiri bo Nyeme yo seeri i ka i yo sakpa ma i ni, i soroori su wo, ka i fa i wa kun n kpein n yo yoowa ma Nyeme, ¹⁸ haari ni bo Nyeme yo seeri i ka, "Izaki dee ti, ye a nya busu nufom a." ¹⁹ Abraham siiri ka Nyeme koro tenje Izaki fite yiwee nu. Nahore, i yarada n dee ti, na Nyeme atenje Izaki yiwee nu, dama Abraham do, Izaki ti ka sono bo wo wu ye wo tenje a.

²⁰ Izaki yoori Nyeme yarada n dee ti, ye i yo seeri i nbaa nnyom ni Jakabu ni Esawu ka, fa ko fa ba, Nyeme yo bu kisi n a. ²¹ Jakabu yoori Nyeme yarada n dee ti, sanja bo i ba sudodo ka i wu ni, na wo sere Nyeme ayo Yosefu nbaam nnyo ni kisi, na wo mie i kpama su ayasu asu Nyeme.

²² Yosefu yoori Nyeme yarada n dee ti, sanja bo i ba suwu ni, ye i jooori ka, Yisarelifom ba fite Ijipiti asien n su n a, na wo kere kabo bu yo i fuin n barasu.

²³ Moyisi si, ni i ni yo yoori Nyeme yarada n dee ti, bu wuuri i ni, ba soro ma noanie n bo Ijipitifom feme n fa maari ni, na ba fa i afie sara nsan, dama bu nuuri ka i yo nyumi agaya. ²⁴ Moyisi yo yoori Nyeme yarada n dee ti, ye sanja bo i ba biiri bieso, i keteeri ka ma bu fere i ka feme wa baabara n dee wa n a. ²⁵ I koori kabo i ni Nyeme minem sanja di wahara n tara bo i di fiefie n bo i ce ma na i do Nyeme ngasi ni. ²⁶ Yiri do, nzen bu kpieeri i nzuko kabo bu kpie Kristo Tiidefo n ni, nyini la kpere tara deke kere bo ma i nya i Ijipiti asien n su ni, dama i nyunu yo boroori aceeri n bo i ba nya i Nyeme do ni su a. ²⁷ I yoori Nyeme yarada n dee ti, ye i fiteeri Ijipiti asien n su n a, haari ni bo feme n faari yaa i nu ni, wo soro ma sere. I ti ka i nie nuuri Nyeme wo, yiri bo be koro nu ma i ni, nyini dee ti ye i koro mindi jinaari ni nahore su n a. ²⁸ I yoori Nyeme yarada n dee ti, ye i yo kpamaari Butara eenkpiri n a, na wo kaaki ase Yisarelifom ka, bu kun nbombaam, na bu fa mbunja boroki bu soo anom su, adena Nyeme mereke n bo i kun n ba baari, na ma i kun Yisarelifom nbaabieso nkpienm n a.

²⁹ Yisarelifom yo yoori Nyeme yarada n dee ti, ye sanja bo bu na bu kpie kunma kpiri n bo bu fere i ka Kunma Kokore ni, ye i tiiri nu nnyo na atin ada afien, na ba nati asien wuruuwa su asin n a. Ama, sanja bo Ijipitifom koori ka bu kpie ni, nzue n diiri bu kere wo.

³⁰ Yisarelifom yo yoori Nyeme yarada n dee ti, sanja bo bu bara yeeri Yeriko mie kpiri n leso ni, na kobe n bo ba ta abara aye mie n kere ato. ³¹ Bara sakara n bo bu fere i ka Rahabu yo yoori Nyeme yarada n dee ti, sanja bo Yisarelifom kuunri i minem bo bu keteeri na ba de ma Nyeme noanie n ni, ba kun ma i, dama yiri yo deeru Yisarelifom koresiyifom wofa faari bu fieeri a.

³² Tɔ kisa, m si má kabo m se kun, m la má san̄ga bo m kan fa kɔ Gedeɣon, ni Balaki, ni Samson, ni Yefeta, ni Feme Davidi, ni Samuweli, ni Nyeme nɔanie kanfom n jɔre n su. ³³ Bu yoori Nyeme yarada n deɛ ti, bu nbem kunmaari bu kpɔfo nfangafom lue nu wɔ, na nbem ayo sa bo bu kɔ atin su, na nbem anya deke n bo Nyeme seeri ka i yó ma bu ni, na nbem gusu akata jaram nɔɔ bo ba koro ayo má pui. ³⁴ Na ba fa nbem awura sin bambaka nu ka bu yara bu, ama, na sin n anɔ, wɔ koro ayo má bu pui. Na ba koro ka bu kpiɛ nbem takobe ka bu kun bu, ama, na ba fite nu. Haari ni bo nbem ti daburukafom ni, bu nyaari fan̄ga a, na ba tu lue ni asien nbem su sojam, na ba kunma bu. ³⁵ Nbara nbem yo yoori Nyeme yarada n deɛ ti, na Nyeme atenge bu lamokom bo ba wu n yiwee nu ama bu. Ama, na ba kere nbem wahara akun bu. Ba saaki má bu nɔɔ na bu yaki bu nu ji, dama bu si ka bu bá ten̄ge bu yiwee nu, na bu nya ngɔɔ bo i la má an̄usu. ³⁶ Na ba yo bu nbem anzasi afin bu ngbere, na ba cici bu nbem jɔrɔkɔ, na ba fa bu awura dansaraka nu. ³⁷ Na ba tu nbem yabue abo akun bu, na ba kpiɛ ati nbem nu nnyɔ, na ba fa takobe akun bu, na yaari ati nbem na bu sufa nbɔem ni sirim n̄uma sufa yo bu suturam kata bu n̄u, na minem akere bu wahara ayo bu ngbɛenngbɛen kere. ³⁸ Bu ti mine kpam bo bu woowa tara durunya n nufom woowa, bu wo má woobiri kun, bu nati yerengi boro kpantain n nu wɔ, ni bukam su, na bu suwura yabue buem, ni asien̄gu kunma n nu suda.

³⁹ Nyeme nyunu yo yiiri nyini minem kere sayoowa, bu yarada n deɛ ti, ama, ba nya má deke n bo Nyeme seeri ka i yó ma bu ni. ⁴⁰ Dama Nyeme koro ka i ma yere deke kpa nahore su, kana deke n bo i koro ka i yo n yo yiiwa, má ka ya ni bere abo kun na i ma ya kere ti kabo i koro ka ya ti ni.

12

Kabo Nyeme cin i nbaam sui barasu ni

¹ Nyini minem bo bu yo yoori Nyeme yarada n sunnu, ba bara aye ya, na bu nie kabo ya su Nyeme atin n su. Nyini ti, am ma yere gusu yaki deke kere bo i kanda ya na ya koro su má Nyeme ni, na ya yaki satie n bo ya koro i agaya ni, na am ma ya fa anyumboro na ya su atin n bo i ti ye ni ka ya su i n su. ² Am ma ya sunie Yesu. Yiri ti ya mɔfo a, na i ma ya yo Nyeme yarada kabo wɔ yo daka ka ya yo ni. I yo diiri wahara baka jaanu n su, na ba wura i nyinse, ama, haari ni nyini n kere, i cece awo má nu, dama i nie n̄uuri fiefie n bo i bá di i ni, nyini ti, ye kisa, i tana Nyeme saa fomboro su i femeya n nu n a.

³ Am nie kabo i yo diiri wahara satieyofom saa nu, na ba koro má i jɔre, na i laari mindi barasu a. Am su i su, adena má am n̄unie yɔrɔki am.

⁴ Kabo satieyofom kere am wuwuruwa na am mindi ni, am nya mindi ju má juubiri bo bu yi am ngɔɔ. ⁵ Kabo am ti Nyeme nbaam na wɔ tu am fo asi am ahore ni, má am ma am wara afi nyini ni, bo i n̄a,

“M wa, nzen Nyeme tu u fo, má a kete,

nzen i cin u sui gusu a, má a ma u n̄unie yɔrɔki u.

⁶ Dama minem bo i koro bu n ye i tu bu fo a,

na minem kere bo wɔ fa bu ayo i nbaam ye i cin bu sui a.”

⁷ Wahara n bo am sudi i ni, am mindi na am fa i ka am si sucin am sui a. Nyini sukere am ka am ti i nbaam wɔ lɛɛ, dama baa be wo má bere bo i si cin má i sui. ⁸ Nzen Nyeme acin má am sui kabo i cin bo bu ti i nbaam kere sui ni, nyini la ka, am ti má i nbaam nahore su, am ti ka soma nbaam wɔ lɛɛ. ⁹ Ya sim bo bu wuuri ya ni, bu ba yo, bu cin ya sui wɔ, na ya ma bu

jirima. Nzen i nya ti so yiri, wo yo daka ya de ya Si Nyeme noanie tara bu dee, adena ya nya ngoo. ¹⁰ Sanga bo ya yo ti nbaatumam ni, ya sim yo cin ya sui sanga kaan wo, kabo i ti ye ni ka bu yo ni, ama, Nyeme yiri cin ya sui, i yo i ni kpa dee ti wo, i koro ka ya nya i dee woowa n be wo. ¹¹ Sanga kere bo bu cin ya sui ni, i ti ka ya ahore ti saakiwa a, i yo ma ya fie, ama, nyini n kere sin, minem kere bo Nyeme cin bu sui na bu si ka ba yo sa bo i ko ma atin su, bu nya ahoreda na bu wo wo kpa.

¹² Nyini ti, ma am ma am njunie yoroki am, ama, am ma am kpekperere yo kenken. ¹³ Am susu Nyeme atin n su, na am nya fanga, adena ma am gbaraki buka su.

Fotu kabo wo yo daka ka ma ya kete Nyeme noanie n ni

¹⁴ Am kere boro am nyi na am tana laifie ni sono kere, na am wo wo bo i ti casi, dama woro kere bo a ti ma casi, a nu ma Nyeme. ¹⁵ Am si am nu sa, na ma be fun Nyeme ahorama ni. Am kaaki si am nu sa, na ma be fa sunsunni tie be ba saaki mine dongu na bu kaaki bu sin bo Nyeme. ¹⁶ Am si am nu sa, na ma be sukpini nbaram, na ma be gusu yo i nu ngbeen na i cee wo ma Nyeme su nu, ka Esawu, bo diire dee ti na i toori i tiengu baawu kpien jinaabiri maari i niema ni. ¹⁷ I toori i baawu kpien jinaabiri n dee sin, sanga bo i seeri i si ka, i yo nyini kisi go i nu ni, na i si akete, haari ni bo i sun ni nyunvuin ni, wo koro akaaki ma deke n bo wo yo i n kun.

¹⁸ Juubiri n bo am aba aju ni, i ti ma deke bo am koro nu i, i ti ma ka buka n bo Yisarelifom yo ko juuri su na bu fere i ka Sinayi ni. Bu ko juuri su ni, na ba nu ka i suje sin fofoe, na awosin awura dika n nu, na wo kata liim, na anuma akpisi dika ni. ¹⁹ Na ba ti awie nga ka i fita ni fanga su, na ba ti akonvi nga ka i sujoko fanga su. Bu tiiri akonvi ni nga so ni, na bu seeri ni anyumboro ka bu koro ma ka bu ti nyini jokowa n kun. ²⁰ Dama ba koro ade ma noanie n bo Nyeme fa maari bu ni, i na, haari nzen nengendore be faari i nu kaanri buka ni, bu tu i yabue bo kun i. ²¹ Dekem bo bu nuuri bu buka n su n laari sere agaya n dee ti, na Moyisi mmoo ase ka, "Sere ati m agaya, na m njunie subobo m."

²² Ama, deke bo am aba aju ni, am aba aju buka n bo bu fere i ka Siyon ni su a, ni Nyeme bo i wo bere sanga kere n dee mie kpiri ni, yiri la mie kpiri n bo bu fere i ka Yerusalem na i wo angoro ni, do ye Nyeme mereke akpiim atien bu noo ni ahorejo n a. ²³ Am aba jama n bo bu ti ka Nyeme nbaakpienm, na ba kere bu duma Nyeme dika n nu ni do a. Am aba Nyeme do, yiri bo i di sono kere jore ni. Am aba dawafom woobiri ni, bere bo bu yoori sa bo i ko atin su Nyeme do na wo ma ba ti kabo i koro ka bu ti n wo. ²⁴ Am aba Yesu do o, yiri ti afien donguyofa a, yiri ye wo fa sesesu fofore n aba. I mbunja n bo wo fite ago ni, ayo ya casi a, i la kperere tara Abeli dee.

²⁵ Am si am nu sa, Nyeme sujoko am do, ma am kete i, dama sanga bo i yo jokoori Yisarelifom do durunya n nu fen na bu keteeri ni, wo yaki ma bu. Nyini ti, nzen i wo angoro sujoko ya do, na ya keteeri, ya yo se koro fite nu a? ²⁶ Nyini sanga, i konvi ngumi mmoo ma asien kpisi wo. Ama, kisa, wo se ka, "M kpisi asien n ni angoro n kere kpekun buka su." ²⁷ Kabo i seeri ka i kpisi i kpekun buka su n kere ka, deke n kere bo wo yi bu ni, i ba kpisi yi bu, adena dekem bo be koro kpisi ma bu n ba ka. ²⁸ Nyini ti, kabo Nyeme ama ya atin ka ya ni yiri sanga di i femeya n bo be koro kpisi ma i ni, am ma ya da i asi. Am ma ya kaaki da i asi, na ya bu i, na ya soro i ahore, na ya su i, kabo wo yo daka ka ya su i ni. ²⁹ Dama Nyeme bo ya su i n ti ka sin bo i di deke kere bo i ti ma kpa n wo.

13

Kabo ya yo na i sun Nyeme nu ni

¹ To, kabo Kristo dɛɛ ti na am ayo ka nibaa kun ni, am sukoro am benggu.
² Am tenge su na am sude wɔfɔm. Nbem yo yoori sɔ sɔ haari na ba de merɛkɛm wɔfɔ, ama, ba si má ka bu ti merɛkɛm. ³ Má am ma am wara fi minɛm bo bu wo dansaraka nu n sa, am fa i ka am ni bɛrɛ ye ba sanɔa anyi am a. Na má am ma am wara fi minɛm bo bu sudi wahara n gusu sa, am fa i ka ambɛrɛ sudi wahara n a.

⁴ Am ma jirima wo am ajaam nu, na biesɔ n ni bara n kɛrɛ bita bu ŋu, na má be yo ŋgbɛɛnŋgbɛɛn, dama Nyeme bá di minɛm kɛrɛ jɔrɛ bo bu kpini nbaram, ni bo bu kɔ somaya ŋgbɛɛnŋgbɛɛn n kɛrɛ. ⁵ Má am ma am nyunu boro ŋwaa koro su agaya, ama, am ma am nyunu yi deke n bo am la i ni, dama Nyeme ase ka, “M yáki má am ŋgbɛɛn, m káaki fa má am ji má.” ⁶ Nyini ti, am ma ya fa ahoresi, na ya se ka,
 “Micɛra ni ti m bukafɔ,
 m soro má sɛrɛ.

Adamande koro yo m nzu wɔ?”

⁷ Am niɛ am mɔfɔm bo bu kan Nyeme jɔrɛ n kɛrɛeri am ni. Am niɛ kabo bu woori wo kpa barasu, na am sɔn bu yarada bo bu yoori i n su. ⁸ Yesu Kristo kaaki má, kabo i yo ti ni, i toko ti sɔ sɔ, na i ti sɔ sɔ sanɔa kɛrɛ. ⁹ Má am su kɛrɛewa fɔfɔrɛ barasu nbem su, na bu ma am mini atin kpa ni. I ti ye ni ka ya de Nyeme dɛɛ ahɔrɔma n bo i ma ya ahoresi ni, na má ya de atin bo bu ciirem kɛrɛ fa kɔ diire diiwam su, bo bu su nyini ciirem su ni, i buka má bu. ¹⁰ Sa bo Yesu ayo ama ya n dɛɛ ti, ya fa i ka ya la Nyeme sayoowa yoobiri n dɛɛ diire bo Yudaɔm Nyeme sayoowa dɔnɔguyofɔm bo bu yo juma Nyeme Sereebiri Nambue n nu n la má atin na bu di be. ¹¹ Afɔ kɛrɛ afɔ, Nyeme sayoowa dɔnɔguyofɔ kpɛn n fa nɛngɛndɔrɛm mbunja a, na i fa wura Casi Kɛrɛ Casi Sɔɔ n nu. Na i fa yo yoowa ma Nyeme, fa kɔ minɛm satɛ bo ba yo i n su, na i ma bu nya fa niɛ n kɛrɛ fite miɛ n ahɛmɛ, na bu yara i sin. ¹² Nyini dɛɛ ti, ye Yesu gusu wuuri miɛ n ahɛmɛ n a, adena i koro fa i mbunja n yo minɛm casi. ¹³ Sa n bo wɔ yo ama ya n dɛɛ ti, am ma ya kɔ i dɔ miɛ n ahɛmɛ, na ya su i atin su, na ya ni yiri kɛrɛ sanɔa di nyinɛ n bo i diiri n be. ¹⁴ Dama durunya n nu fɛn, ya la má miɛ be bo ya suwo nu sanɔa kɛrɛ, ama, ya boro ya nyi sunienɛ miɛ kpɛri n bo i bá ba n wɔ. ¹⁵ Nyini ti, buka n bo Yesu ayo ama ya n dɛɛ ti, am ma ya fa kansi fa ma Nyeme sanɔa kɛrɛ. Ya saraka yoowa n bo ya fa ma Nyeme n la ka, ya teke ya nɔɔ, na ya kan kɛrɛ minɛm ka Yesu ti Mibiɛ n a. ¹⁶ Má am yaki kpɛyo, am buka am bengum sanɔa kɛrɛ, dama nyini saraka yoowam sɔ, ye Nyeme koro a.

¹⁷ Am de am mɔfɔm nɔaniɛ, na am su atin n bo bu fa kɛrɛ am su, dama bɛrɛ sukpiɛ daafiri am busu n dɛɛ ti, ye Nyeme bá bisa bu kabo bu yoori bu juma n barasu n a. Nzen am deerɛ bu nɔaniɛ, bu yó bu juma ni ahoreda a, ama, nzen am ade má bu nɔaniɛ, nyini ma bu yo bu juma ni ahoresaaki a, na nyini sɔ gusu buka má am.

¹⁸ Am susere Nyeme ma ya sanɔa kɛrɛ. Yɛrɛ dɔ, i ti nahɔrɛ wɔ ka ya yo sa bo i kɔ atin su wɔ, na ya sunsunni nu ma ya ka ya yo sa bo i kɔ atin su wɔ sanɔa kɛrɛ. ¹⁹ M sere am wɔ, am boro am nyi sere Nyeme ma m, na i buka m, adena i ɛ má, na m kaaki ba am dɔ bekun.

Awieeri su dɛɛ nyemesere ni

²⁰ Nyeme ahoredafɔ n atɛnge ya Mibiɛ Yesu Kristo i yiwee n nu. Nyeme faari Yesu mbunja n faari sɛsɛsu diiri i di n ti ye Yesu yoori ya sasafɔ kpɛri

n a. Nyini sɛsɛsu n la má awieeri. ²¹ Nyini ti, m sereeri Nyeme ka i ma am deke kpa n kere bo i ti ye ni ka am nya i, na am yo i sa koroowa, na i kaaki ya wo, na ya yo mine n bo i ahore jɔ ya ɲu. Yesu Kristo deɛ ti, ye i yo nyini n kere a. Yiri ti ye ni ka ya kansí i sanɔa kere sanɔa. Ami.

²² M ninbaam, m sere am wɔ, am yo sawɔre, na am so am sui, na am de ahin jɔre n bo i wo ahin kadasi n nu, na m sufa tu am fɔ ni. Dama jɔre n bo m sukere ma am n sunnu má. ²³ M koro ka am si ka, ya niwa Timoti wo má dansaraka nu kun, ba yaki i, nzen i ba tuuri m nde, na m ba suba, m ni yiri kere bá nie am busu.

²⁴ Am bisa am mɔfom kere ni Nyeme minem kere dɔŋgu ma ya. Ya ninbaa yaradayofom bo bu wo Itali asien n su n kere bisa am dɔŋgu.

²⁵ Nyeme buka am kere.

Kadasi n bo YAKOBO akerε i ni

¹ Mini Yakobo bo m ti Nyeme ni ya Mibie Yesu Kristo dεε akoo ni, m bisa Kristo jamam n kere dongu, bere bo ba sandi abara aye durunya n kere nu ni.

Yaradayo ni alecira jore

² M ninbaam, nzen gberεgberε be tu am, am ma am ahore jo. ³ Dama am si ka am yarada bo am ayo Nyeme n dεε ti, ye nyini gberεgberε n tu am a, na am mindi nuuri i awieeri, am koro mindi nu gberεgberεm bo bu tara nyini n mmoo awieeri. ⁴ Am ma am mindi n sun am nu, adena am woowa kere ti kabo Nyeme koro ka i ti ni na ma pui kpie am su.

⁵ Ama, nzen alecira akpie am nu be su, i ti ye ni ka i mi sere i Nyeme do, yiri bo i ce sono kere aceeri ni i kunnu kun ni, na i wura ma be nyinse ka i mi asere i n dεε ti. Nyini ti, nzen be sere Nyeme, yiri ma i mi alecira n a. ⁶ Ama, nzen be sere Nyeme, i ti ye ni ka i mi yo yarada ka deke bo i sere i ni, Nyeme ma i wo, na ma i mi yo sika, dama sono kere bo i yo sika, i ti ka nzue bo anuma bo i ko i sin ba i nyunu wo. ⁷⁻⁸ Nyini sono n bo i yo sika so ni, i sunsunni ti nnyo nnyo o, fa ko Nyeme do, i si ma i jinaabiri. Ma i mi n sunsun ka i nya pui fite Mibie n do.

Fotu fa ko Kristo jama n yaarifom ni nengefom do

⁹ To, ya niwa bo i ti yaarifo, na Nyeme awura i kpiri, i ti ye ni ka i mi ma i ahore da. ¹⁰ Na ya niwa bo i ti nengefom gusu, na Nyeme ayo i kaan, i ti ye ni ka i mi ma i ahore da. Dama i ce ma na i ni i nenge n kere ba wo ma bere, kabo wura pum ce ma, na i ni i nyumi n kere kponkpon barasu ni. ¹¹ I ti so o, kabo wie ba bi, na i kekere n bo kponkpon wura pum na i wu, na i nyumi wie ni. Kabo nengefom n gusu ni i nenge n ti lee. Sanja bo i nyunu aba aboro i juma su ni, i ni i nenge n kere ba wo ma bere kun.

Fotu fa ko sanja bo am wo gberεgberε nu ni

¹² Terefie wo sono kere bo gberεgberε tu i, na i mi saaki ma i noo n do. Nyini sono n koro mindi nuuri nyini gberεgberε n awieeri, i nya ngoo Nyeme do, nyini la aceeri n bo i yo seeri ka i fa ma bere bo bu koro i ni. ¹³ Nzen gberεgberε n so n atu be na i ma i wura satie nu, ma i mi se ka, "Nyeme ayo m ye m wura satie nu a." Dama pui koro yo ma Nyeme na i wura satie nu, na i gusu yo ma be na i mi wura satie nu. ¹⁴ Ama, deke bo i ma sono wura satie nu n la i mi ni i tii dεε konvikiya a, nyini ma i cin dodo satieyo a, ¹⁵ na nyini konvikiya n nya cin i wura satie nu na i mi yo satie be, na nyini satieyo n nya ba bi wieeri, i fa yiwee ba a.

¹⁶ M ninbaa koroowam, ma am daka am nu. ¹⁷ Aceeri kere bo i ti kpa na i ti kabo Nyeme koro ka i ti ni, i kere fite angoro ya Si Nyeme do o, yiri yiiri deke n kere bo i ta angoro n a. I wo ti i wo wo, na i ma ma awosin yo ma na i kaaki deke be. ¹⁸ I dεε koroyanu, na wo fa i nɔanie n bo i ti nahore n ama ya, ye ya yo i nbaam. I yoori so o, adena ya yo deke n kere bo wo yi bu n tii.

Am de Nyeme nɔanie n na am yo kabo i kere ni

¹⁹ M ninbaa koroowam, i ti ye ni ka am ti ahin sereya n bu, ka, sono kere so i sui ndende na i ti, ma i mi koro nde joo, ma i kaaki fa yaa ndende.

²⁰ Dama yaa kere má sɔnɔ na i yo sa bo i kɔ atin su Nyeme dɔ. ²¹ Nyini ti, am yaki sa ngbɛɛnngbɛɛn, ni satie kere yo. Am yo am ɲu kaan fa ma Nyeme, na am de i nɔanie n bo wɔ fa awura am ahorembaa su ni. Dama nyini nɔanie ni koro de am tii ji a.

²² Am yo kabo Nyeme nɔanie n kere ni. Má am dadaka am ɲu ka am ati i na am yo má kabo i kere ni. ²³ Dama nzen be tiiri nɔanie n na i yo má kabo i kere ni, i mi ti ka sɔnɔ bo i fa niɛnu niɛ, na i ɲu i ɲu wɔ, ²⁴ ama, na i nya faari niɛnu n seeri, na i kɔ wieeri, a ɲu ka i wara afi kabo i nyunuawa ti barasu. ²⁵ Ama, sɔnɔ kere gusu bo i fiitiiri Nyeme nɔanie kpamaawa n nu, nɔanie kpamaawa n bo i ti kabo Nyeme koro ka i ti n na i ma minem nyaari bu tii ni, na nzen i mi boro i nyi su nɔanie n su, na i mi ti má sɔnɔ bo i ti nɔanie n na i wara afi i, ama, na i ti sɔnɔ bo i yo kabo nɔanie n kere ka i yo ni, i mi yiri, Nyeme yó i kisi fa kɔ i sayoowa kere nu.

²⁶ Sasu bekun, sɔnɔ kere bo i ɲa i su Nyeme atin su, na i koro tara má i nɔɔ, i mi daka i ɲu wɔ lɛɛ, na i nyemesu atin n ti ngbɛɛn wɔ. ²⁷ Nyemesu atin bo be su i su n na i la má gela be ya Si Nyeme dɔ n la ahin, ka, i mi nie ayikam ni nkunafɔm su, bere bo bu di yaari ni, na i mi kaaki tara i ɲu na má durunya n nufɔm ma i yo fin be Nyeme dɔ ɔ.

2

Fɔtu fa kɔ tantambunu

¹ M ninbaam, kabo am yo Yesu Kristo yarada ni, yiri bo i ti ya Mibie Jirimafɔ ni, má am fa tantambunu ni am beɲgu. ² Ma m fa i ka, nzen mine nnyɔ nbem ba wuraari am tientienbunɔɔ sɔɔ n nu, na kun wura sutura kpakpa ni sika ɲгаа, na nyinga n ti yaarifɔ na i wura sutura titiiwa, ³ na nzen am nu kun se bo i wura sutura kpakpa n ka, “Jande, ba tana ahin tanaabiri nyunyumi n su,” na i nya se yaarifɔ n ka, “Wɔɔ, ka jina dɔ, nzen má nyini, ba tana m jaa bu fɛn,” ⁴ nyini kere ka am sufa tantambunu atin lɛɛ, na am sunsunni tie ma am sufa kpakpaakinu ba lɛɛ, má sɔ?

⁵ M ninbaa koroowam, am ti fɛn. Má Nyeme yiiri yaarifɔm bo bu wo durunya n nu n ka bu ti ajekɛfɔm i dɔ, bu yarada n dɛɛ ti a, na bu nyá femɛya n bo wɔ se ka i fa ma minem bo bu koro i n a, nzen sɛ? ⁶ Ama, ambere bu yaarifɔm ngbɛɛn wɔ. Nɲmam kere am wahara n a? Nɲmam kaaki cin am kɔ jɔɔɛ diibirim n a? Má nenɲgefɔm n a? ⁷ Má bere jɔjɔ wura duma n bo i la anyunuyi ni ngasi nu n a? Yiri ye Nyeme afa ama am na i kere ka am ti i dɛɛm ni.

⁸ Ba kere i Nyeme Jɔɔɛ Kadasi n nu ka, “Koro u beɲgu kabo a koro u ɲu ni.” Nyeme femɛya n nu nɔanie kpamaawa bambaka n lɛɛ. Nzen am yo sɔ, nyini ti kpa a. ⁹ Ama, nzen am laari tantambunu, am ayo satie, na Nyeme nɔanie kpamaawa n kere ka am ti ketemafɔm wɔ lɛɛ. ¹⁰ Wɔɔ kere bo a suuri Nyeme nɔanie kpamaawa n kere su, ama, na a saakiiri i kun n kpein mmɔɔ, a saaki nɔanie kpamaawa n kere lɛɛ. ¹¹ Nyeme bo wɔ se ka, “Má a kpini u beɲgu yi” ni, yiri akaaki ase ka, “Má a kun sɔnɔ” n a. Ama, nzen haari a kpini má u beɲgu yi, ye a kuunri sɔnɔ, a yo ketemafɔ fa kɔ nɔanie kpamaawa n su lɛɛ. ¹² Am ma am jɔjɔɔwa ni am sayoowa kere ka am ti minem bo Nyeme bá fa i nɔanie kpamaawa ni fá di am jɔɔɛ a, nyini nɔanie kpamaawa n bo i ma minem nya bu tii ni. ¹³ Dama jɔɔɛdi cɛɛn, minem bo bu si má bu beɲgum aɲunfɔ ni, Nyeme si má bere mmɔɔ aɲunfɔ. Ama, aɲunfɔ sifɔm ni, bere dí nasara, jɔɔɛdi cɛɛn ni.

Fɔtu fa kɔ yarada ni i sayoowa

¹⁴ M ninbaam, nzen sɔnɔ ɲa i yo Nyeme yarada, na i sayoowa kere má ka i la yarada, nyini yarada ni kóro de i tii ji, nzen se? Ai, nyini ti ɲgbɛɛn wɔ lɛɛ. ¹⁵ Ma m fa i ka, nzen am ninbaa Kristo jama nbem wo bɛɛ bo bu la má diire, na bu la má sutura, ¹⁶ na nzen am nu kun seeri i ka, “Kɔ ni ahoreda. Nyeme ma u na a di, na i ma a nya sutura.” Nzen a seeri sɔ, na a ma má i mi koroowa ni, i kpa la bɔnɔ? ¹⁷ Nyini ti, nzen a la yarada n ɲgumi, na u sayoowa kere má ka a la yarada, i ti yarada ɲgbɛɛn wɔ lɛɛ.

¹⁸ Be koro se ka, “Ahin sɔnɔ n yiri yo Nyeme yarada wɔ, ama, ahin n yiri yo sakpa a.” Tɔ, ye sɔnɔ yo se kere ka i yo Nyeme yarada, bo i yo má sakpa a? Mini yo sakpa a, nyini kere ka m yo Nyeme yarada. ¹⁹ A ɲa a yo yarada ka Nyeme ɲgumi wo bɛɛ a. Nfan. Haari ajinim mmɔɔ si i sɔ ɔ, na bu ɲuniɛ subobo bu ni sɛɛ. ²⁰ Wɔrɔ sinnzin ɲgbɛɛn ni, a koro ka m kere u ka yarada yoowa bo i kere má sakpa n ti yarada ɲgbɛɛn wɔ, nzen se? ²¹ I yo se ye Nyeme deerɛ ya na Abraham ka i yo sa bo i kɔ atin su i dɔ a? Abraham sayoowa n dɛɛ ti ye Nyeme deerɛ i sɔ a, dama Abraham yo faari i wa Izaki fa seeri Mikun n yoowa yoobiri n ka i fa i yo yoowa ma Nyeme ni. ²² A ɲu má i? I yarada yoowa fa saɲga ni i sakpa yoowa kere yoori kun wɔ. Na i sayoowa n akere ka i yarada n ti kabo Nyeme koro ka i ti n wɔ. ²³ Sɔ ye deke n bo bu kɛɛri i Nyeme Jɔɛ Kadasi n nu n ayo yiiwa a, ka, “Abraham yoori Nyeme yarada n dɛɛ ti, na Nyeme ade i ka i yo sa bo i kɔ atin su i dɔ.” Nyini ti, ye bu fereeri i ka Nyeme danfo n a. ²⁴ Tɔ, m ɲa am aɲu i e, ka sɔnɔ sayoowa ma Nyeme de i ka i yo sa bo i kɔ atin su i dɔ a, má ka i mi yarada ɲgumi ti. ²⁵ I ti sɔ ɔ lɛɛ, fa kɔ bara sakara be bo bu fere i ka Rahabu n dɔ. Dama dawa saɲga, yiri yo bukaari Yisarelifɔm dɛɛ kɔɛsiyifɔm n a, na wɔ kere bu atin na ba foro bu kpɔfɔm saa nu. Nyini sayoowa n dɛɛ ti, na Nyeme ade i ka i yo sa bo i kɔ atin su i dɔ ɔ. ²⁶ Tɔ, kabo ɲumi awo má aɲuniɛmbaa n nu na i ti fuin ni, sɔ ye i ti a, nzen a la yarada na u sayoowa kere má ka a la yarada, yarada ɲgbɛɛn lɛɛ.

3

Fɔtu fa kɔ kabo ya bita ya taferema

¹ M ninbaam, má am dɔɲgu yo am ɲu kerefɔm. Dama am si ka yɛɛ bo ya ti kerefɔm ni, ya jɔɛ diiwa bá yo kekereke agaya a. ² Ya kɛɛ ba yo, ya yo sam bo bu kɔ má atin su wɔ. Ama, nzen sɔnɔ kɛɛ bo i jɔjɔowa kɛɛ kɔ atin su, i mi woowa n ayo kabo Nyeme koro ka i yo n wɔ lɛɛ. I kere ka i mi n la tarabuɲu sa kɛɛ nu lɛɛ. ³ Am ma ya niɛ kpɔɲɔ. Ya fa karafi wura kpɔɲɔm nɔɔ ɔ, na ya kunma bu faɲga na bu yo deke kɛɛ bo ya koro ka bu yo i ni. ⁴ Am ma ya niɛ lee bambaka gusu, i ni i bambaka n kɛɛ ni, haari nzen aɲuma bambaka subo i kɔ deke be, lee kanfɔ n koro fa napɔku baka n bo i ti kaan ni lee ni, na i kan i kɔ deke kɛɛ bo i koro. ⁵ I ti sɔ lɛɛ ni taferema n gusu, i ni bo i ti kaan aɲuniɛmbaa n nu n kɛɛ ni, i koro saaki deke dɔɲgu.

Niɛ kabo sin ti barasu a, haari i ti kaan se, i koro je boo bambaka. ⁶ Taferema n ti ka sin wɔ lɛɛ. Bekun, ya ɲuniɛmbaa n nu, i kaaki ti ka satiem bo ba yi durunya n nu n wɔ, i satie n sa aɲuniɛmbaa n kɛɛ wɔ. I yo juma ka sin wɔ, na i saaki sɔnɔ ɲuniɛmbaa n fite cɛɛn n bo bu wuuri i n fa kɔ ju haari i yiwee cɛɛn. Yiko bo taferema n la i na i yo sɔ n fite cɛɛma sin n nu wɔ. ⁷ Adamande kunma deke n kɛɛ faɲga, i ajaannam o, i lanɲkpetɛfɔm o, i cinbukunnusufɔm o, ni jombaam o. Na wɔ koro ata bu kɛɛ. ⁸ Ama, taferema yiri, sɔnɔ be nya koro kunma má i faɲga. I ti deke tie wɔ, bo be koro tara má i. I ti ka wɔ yi ni bɔɛ bo i kun wɔ. ⁹ Ya fa yiri fa

kansi Micera n bo i ti ya Si n a. Na ya kaaki fa yiri saaki minem bo Nyeme ayi bu ka bu ferema ni yiri n a. ¹⁰ Nyini anɔɔ kun n ye kansi ni saaki fite nu a. M ninbaam, wɔ yo má daka ka i ti sɔ. ¹¹ Bura kun koro tie nzue kpa, ni nzue tie, nzen se? Ai, i koro yo má. ¹² M ninbaam, am si ka damba baka koro su má nguimbbaa. Cumi baka gusu koro su má damba. I ti sɔ ɔ lee, bura bo i nzue ti lalaraki, i koro tie má nzue bo i yo fie.

Fɔtu fa kɔ alecira bo i fite Nyeme dɔ ni

¹³ Nma wo am nu bo i la alecira ni si a? I ti ye ni ka i mi kere ka i ti sɔ ɔ, fa kɔ i woowa kpa su, na i yo sakpa, na i wo benle, nyini kere ka i la alecira. ¹⁴ Ama, nzen am susi kɔre ahorembaa su, na am suyo wi, na am bita anyii sunsunni, má am bita fɔ ka am la alecira, na má am bu kɔre jaraki nahore n sɔ. ¹⁵ Nyini alecira n sɔ fite má Nyeme dɔ, ama, i fite durunya n nu fen wɔ, i nati má Nyeme atin su, i ti Sitana dee wɔ. ¹⁶ Deke bo kɔresi, ni anyii wo, kpakpaakinu ni satie yoowa barasu kere wo dɔ ɔ. ¹⁷ Ama, sɔnɔ bo i la alecira n bo i fite Nyeme dɔ n la ka, i woowa ti casi. Bo i tɔ su n la ka, i koro tanalaifie, na i la wo benle, na i de fɔtu, na i si anunfo agaya, na i yo sakpa beberebe, na i la má tantambunu, na i kaaki la má burukɔnu. ¹⁸ Tanalaiefɔm bo bu yo tanalaifie juma ni, bu nkato n la sam bo bu ko atin su Nyeme dɔ n wɔ.

4

Fɔtu fa kɔ kabo ya da ya ɲu asiɛngu fa ma Nyeme ni

¹ Nzu ti ma am di aluwa, na am suse akuruwa am ɲuɲu nu a? I fite ka am sunsunni ti tie, fa kɔ am ahorembaa koroowa beberebe n bo i wo am ɲuniɛmbaa nu, na i kpie am daafiri n dee ti a, má sɔ? ² Am koro deke nbem, na am nya má bu n ti, ye am koro ka am kun am bengum n a. Am konviki wura minem nenje nu, na am nya má i n ti, ye am se akuruwam, na am di aluwa n a. Am sere má Nyeme n dee ti, ye am nya má am koroowa n a. ³ Deke bo i ti na am sere Nyeme na am nya má i n la ka, am sere ni sunsunni tie wɔ. Am sere dekem ka am fa yo am kunnu koroowa a. ⁴ Ambere bo am su má Nyeme ni, am si má ka sɔnɔ kere bo i koro durunya n nu nengem agaya, ti Nyeme kpɔfɔ ɔ, nzen se? Nyini ti, sɔnɔ bo i fa i ahorembaa se durunya n nu nengem su, i mi ti Nyeme kpɔfɔ ɔ lee. ⁵ Má am sunsun ka deke bo ba kere i Nyeme Jɔre Kadasi n nu n ti ngbɛen wɔ, ka, "Sɔnɔ kere bo i fa i awiewie n bo Nyeme afa ama i n suuri deke be sin Nyeme ɲu, Nyeme si i kɔre agaya." ⁶ Ama, ahɔroma n bo Nyeme afa ama ya n sunnu. Nyini ti, ye ba kere i Nyeme Jɔre Kadasi n nu ka, "Nyeme kete kpirikorofɔm wɔ, ama, na i fa i ahɔroma n ma tarakam." ⁷ Nyini ti, am fa am ɲu ma Nyeme. Am kete Sitana, na i ɲmáti yaki am. ⁸ Am cin dodo Nyeme, na i gusu cin dodo am. Ambere satieyofɔm, am yi am saa fite satie nu. Ambere anɔɔ nnyɔ nnyɔfɔm, am yo am ahorembaa casi. ⁹ Am satie dee ti, am ma am ahore saaki, na am sun. Am fa am siri fa kaaki sun, na am fa am ahorejo fa kaaki ahoresaaki. ¹⁰ Am da am ɲu asiɛngu ma Nyeme, na yiri bá wura am kpiri.

Fɔtu fa kɔ kabo má ya jaraki ya bengum ni

¹¹ M ninbaam, má am jojo tie ma am bengum. Worɔ bo a jojo tie ma u lamokɔ, wara a jaraki i, a jojo tie afa akɔ Nyeme noanie kpamaawa n su ajaraki i lee. Nzen a nya yoori sɔ, a nya ti má sɔnɔ bo i de Nyeme noanie kpamaawa n lee, ama, a yo u ɲu ka jɔredifo lee. ¹² Nyeme ɲgumi ti i noanie

n kpamafɔ a, na yiri ngumi kaaki ti i jɔredifo a, yiri bo i koro de minem tii ji na i kaaki koro ma bu ka ngbɛɛn ni. Wɔrɔ la nma na a jaraki u beɗgu a?

Fɔtu fa kɔ yanfɔya atin su

¹³ Am ti fɛn, ambɛrɛ bo am se ka, “Nyuma, wara ahunma, ya kɔ ahin miɛ n su, na ya kɔ yo afɔ kun dɔ, na ya yɔ juma, na ya nyá nwaa beberebe ni.” ¹⁴ Ambɛrɛ, haari am si má sa bo i bá yo am ahunma mmɔɔ. Am ni am ngɔɔ ti ka sɛ? Am ti ka bɔrɛ wɔ, bo i tɔ na i cɛ má, na wiɛ ba tiɛ, a nɔ ka wɔ kpɔnkpɔn ni. ¹⁵ Deke bo i ti ye ni ka am se n la ka, “Nzen Nyemɛ diiri su, ya wó bɛrɛ, na ya yɔ ahin ni ahin.” ¹⁶ Ama, kabo i ti ni, ambɛrɛ koro kpiri wɔ, na am sufɔ. Nyini yanfɔya sɔ n kɛrɛ ti má kpa. ¹⁷ Tɔ, nyini ti, sɔnɔ kɛrɛ bo i si sakpa bo i yo i, na i yo má i, i mi yo satie wɔ lɛɛ.

5

Fɔtu fa kɔ nenɛfɔm dɔ

¹ Ambɛrɛ nenɛfɔm, am ti fɛn. Sa ngbɛɛnngbɛɛnm bo bu bá tu am n dɛɛ ti, am sun na am subo awie. ² Am ajɛkɛ n kɛrɛ susaaki, na nvɔrɛm sumuka am suturam n kɛrɛ. ³ Am sika ni am jɛtɛ kɛrɛ suwura ngambulaari, na bu ngambulaari wuraawa ni bá ma Nyemɛ jaraki am, na i káaki ba yara am ka sin, am nuniɛmbaa nu. Am atien ajɛkɛ nɔɔ afa ase fa kɔ durunya n awieeri wɔ lɛɛ. ⁴ Sasu bekun, am akete ka am tɔ má jumayofɔm nkato, bɛrɛ bo bu tambu am fiesu nenɛge mbaa ni. Am ti kabo bu kan am ndie a, bu awie bo n kɛrɛ ato Micera Yikofɔ n sui nu. ⁵ Kabo am wo durunya n nu fɛn ni, am adi fie, na am ayo am kunnu koroowa. Am adi ayo ngbingbiri ka toora dɔdɔrifɔm bo bu sukɔ ka bu kpie bu kɔm ni. ⁶ Minem bo bu la má ngasi be ni, bɛrɛ n ye am ama ba di bu jɔrɛ acin bu sui akun bu a. Bu kete má am wɔ.

Awieeri su dɛɛ fɔtu jɔrɛm ni

⁷ Nyini ti, m ninbaam, am yo sawɔrɛ nminda fa kɔ cɛɛn n bo Mibiɛ ni bá ni. Am nie kabo dɔdɔrifɔ yo sawɔrɛ nminda, haari kabo bu fiesu diire bá yo kpakpa barasu. I yo sawɔrɛ nminda kpanyini nzue kɔ tu takoku wɔ. ⁸ Am gusu yo sawɔrɛ. Am ma am ahore si, dama Mibiɛ n ba sanɔa n adodo. ⁹ M ninbaam, má am wo waraki su, sukan am beɗgu ndie, adena má Nyemɛ bá di am jɔrɛ. Am ti fɛn, yiri Jɔredifo n lɛɛ, yiri jina anɔ n nu n a. ¹⁰ M ninbaam, am ma ya tenɛge su, fa kɔ Nyemɛ nɔanie kanfɔm n bo bu yo jɔjɔri Micera n duma n nu ni. Am su bu jaa yiiwa su, kabo bu yo yoori sawɔrɛ mindi diiri wahara ni. ¹¹ Nahɔrɛ, minem bo sa tu bu, na bu la mindi kɔ nɔ i awieeri ni, bɛrɛ ye ya fere bu ka terefiefɔm a. Am tiiri kabo sɔnɔ be bo bu fere i ka Yobo n yo laari mindi barasu, fa kɔ ni wahara n kɛrɛ bo i yo diiri i ni. Am si kabo kasin na Micera n abuka i ni. Dama Micera n si anunfɔ na i la koro agaya.

¹² M ninbaam, jɔrɛ bo i buka i kɛrɛ su n la ka, má am tan deke be ndie fieo. Má am se ka am tan asienɔgu, wara am tan angoro. Nzen u jɔjɔwa n bu la ka ɛɛn, am se ka, “ɛɛn.” Na nzen u jɔjɔwa n bu la ka ai, am se ka, “Ai.” Adena, má Nyemɛ di am jɔrɛ na i yo am ngbɛɛn.

¹³ Nzen be wo am nu bo sa be atu i, i ti ye ni ka i mi sere Nyemɛ. Na nzen be wo am nu bo i ahore ajɔ, i ti ye ni ka i mi di jue kansi Nyemɛ. ¹⁴ Nzen be wo am nu bo i la má laifie, i ti ye ni ka i mi fere Kristo jama nkpienkpienm na bu ba sere Nyemɛ ma i, na bu nunuka i nɔguin, Mibiɛ n duma n nu. ¹⁵ Nyini nyemesere n bo bu sere i ni yarada ni, i má tukpakifo n nya laifie, na Mibiɛ ni má i yasu. Na nzen haari wɔ yo satie mmɔɔ, Nyemɛ fá i satie

n ce. ¹⁶ Nyini dɛɛ ti, am kan am satie bo am ayo i kere am benɔu, na am sere Nyeme ma am benɔu, adena am nya laifie. Sɔnɔ bo i yo sa bo i kɔ atin su Nyeme dɔ ni, i nyemesere la fanga, na i yo juma nahɔre su. ¹⁷ Nyeme nɔanie kanfɔ n bo bu fere i ka Eliya ni, i yo tiiri adamande ka yere wɔ, na wɔ sere Nyeme ni anyumboro su, ka, má nzue tɔ, na nzue n atɔ má asien n su afɔ nsan ni sara nsen. ¹⁸ Na wɔ kaaki asere Nyeme, ka, i ma nzue n tɔ, na wɔ tɔ, na asien n diire mbaa kere akaaki ayo.

¹⁹ M ninbaam, nzen am nu kun miniiri nahɔre atin ni, na am nu kun be faari i kpieeri i nyi baari atin n su, ²⁰ i ti ye ni ka i mi n si nu ka, sɔnɔ kere bo i yiiri satieyofɔ fiteeri i satie atin n su, i mi de nyini sɔnɔ n tii fite yiwee nu, na i ma Nyeme fa i mi satie beberebe n fa ce i.

Kadasi ciciri su bo **PETORO** akere i ni

¹ Mini Petoro bo m ti Yesu Kristo jaramasa ni, sukere ahin kadasi n na m fa ma amberε Nyeme minem bo wɔ yi am na am ti wofom na am asandi abara aye, na am wo Pontusi, ni Galatiya, ni Kapadosiya, ni Esiya, ni Bitiniya aworem n nu ni. ² Nyeme koroyanu deε ti, ye wɔ du mɔ ayi am ye i Awiewie Casi n ama am ayo i deε minem a, adena am de Yesu Kristo noanie ni, na i mbunja n nmisi am na i yo am casi. Nyeme buka am na i ma am ahoreda kɔ sin su.

Deke bo ya la i tama ni

³ Am ma ya kansu Nyeme, yiri bo i ti ya Mibie Yesu Kristo Si. Wɔ si ya anunfo agaya n deε ti, ye wɔ ma ya yo mine fofore, ye ya la tama wo ni ngɔɔ a, dama i tengeeri Yesu Kristo i yiwee n nu wɔ. ⁴ Na am nyá aceerim bo Nyeme afa ase angoro anminda ka i fá ma am ni. I ti aceeri bo i saaki má, i yo má fin, na i kaaki wie má. ⁵ Am ayo Kristo yarada n deε ti, Nyeme la yiko bo i sasa am haari ni bo am bá nya tiide n bo wɔ sese i su ka am bá nya i awieeri su sanja ni.

⁶ Nyini kere deε ti, ye am la ahorejo n a, haari nzen wɔ yo daka ka am ahore saaki kaan fa kɔ kekereke barasu barasu n bo kisa am sunju i ni. ⁷ Nzen am koro mindi deeru nyini kekereke barasu n kere, nyini kere ka am ayo Kristo yarada nahore su a. Kabo am ayo Kristo yarada ni, i la anyunuyi tara sika bo i ka ngbeen ni. Sika yiri, bu fa i wura sin nu wɔ, na bu nie kabo i ti barasu, so ye Nyeme má am di nyini waharam n a, na i nie kabo am ayo Kristo yarada n barasu ni. Nzen am ayo i yarada ni nahore su, ceen n bo Yesu Kristo bá yi i nu fite fofoe nu ni, am nyá kansu, na bu wúra am kpiri, na bu má am jirima. ⁸ Am nyumbaa nya nu má yiri Yesu ni, ama, am koro i, haari ni bo am nyumbaa koro nu má i kisa ni, am yo i yarada a, na am ahore ajo ako asin su, na am si má kabo am se barasu, ⁹ dama am anya am yarada n kperε, yiri la tiide n bo am anya i ni.

¹⁰ Nyini tiide n jore ye dawa deε Nyeme noanie kanfom fitiiri i nu na bu si i n a, ye bu kan kereeri minem fa kɔ sakpa n bo Nyeme bá yo ma am n su n a. ¹¹ Na Kristo Awiewie n bo i wo bu do n adu mɔ akere bu kabo Kristo, Tiidefo n bo Nyeme ase ka i sunma i n bá diiri wahara ni, ni kabo i woowa ti kpiri barasu ni, i wahara di n sin. Na ba boro bu nyi na bu si kabo yiri Kristo Tiidefo n ti barasu, ni sanja n bo nyini sam ni bá yo ni. ¹² Na Nyeme ama bu asi nu ka jore n bo ba kan i ni, i ti má ka i buka bere ni bu tii wɔ, ama, i ti deke bo i buka amberε wɔ. Yiri ye kisa am ati i afite minem bo bu kan labari kpa n kereeri am do n a. Nyeme maari i Awiewie Casi n fiteeri angoro ba maari bu yiko ye bu kaanri i jore n kereeri mine a. Nyini jorem ye Nyeme merεkem mmɔɔ koro ka bu nie nu na bu si i bu n a.

Kabo i ti ye ni ka ya woowa ti casi barasu ni

¹³ Nyini deε ti, am sese am sunsunni su, na am tara am nu, na am fa am tama kere wura sakpa n bo Nyeme bá yo ma am n nu, sanja bo Yesu Kristo bá yi i nu fite fofoe nu ni. ¹⁴ Am de Nyeme noanie n ka nbaatumam bo bu de bu si noanie ni, má am yo am kunnu koroowa, na am suyo satiem n bo am yo bu sanja bo am yo si má Nyeme atin ni. ¹⁵ Ama, am ma am woowa kere ti casi, kabo yiri Nyeme woowa ti casi ni, yiri bo wɔ yi am ka i deem

ni, ¹⁶ dama ba kere i Nyeme Jore Kadasi n nu ka, “Mini, m ti casi wo, nyini ti, wo yo daka ka ambere gusu ti casi.”

¹⁷ Kabo am sere Nyeme, na am fere i ka am Si ni, am tara am nu na am bu i fa ko deke kere bo am yo i am ngoo su ni, ahin durunya n bo i ti ma am woobiri n nu ni, dama kabo i di minem jore fa ko bu kere sayoowa su ni, i tambu ma nu. ¹⁸ Am si kabo Nyeme ade am tii aji afite am sayoowa ngbennngbennm n bo am nam yo fa maari am n nu ni. Deke n bo wo fa ade am tii aji n ti ma ka sika wara jete bo bu koro ka ngbenn ni, ¹⁹ ama, wo fa Yesu Kristo dee mbunja n bo i la ma anusu na i ti ka bombaa bo i la laifie na i la ma fin be n dee n wo. ²⁰ Nyeme du mo yiiri i ka i ba yo so ka, ye i nya ba yiiri durunya n a. Ama, ahin awieeri su sangga n bo ya wo nu n ye Nyeme ma wo fite fofoe nu, ambere dee ti a. ²¹ Yiri dee ti ye am ayo Nyeme yarada n a. Nyeme tengeeri i yiwee n nu, na wo wura i kpiri, nyini dee ti ye am yo yarada na am la tama fa ko Nyeme do n a.

²² Kabo am ade Nyeme noanie n bo i ti nahore, na wo yo am casi ni, nyini ma am koro am benggu bo dadaka wo ma nu a. Nyini ti, am sukoro am benggu ni am ahorembaa fofoe ni nahore su. ²³ Am akaaki mine foforem, i ti ma kabo adamande wu baa na i wu ni, ama, bo i wuuri am ni, i wu ma. Nyeme faari i noanie n bo i la ngoo na i la ma awieeri n ye i ma am akaaki mine foforem n a. ²⁴ Dama ba kere i Nyeme Jore Kadasi n nu ka, “Adamande kere ti ka wura a,
i ce ma na i wu.

Na bu nyumi kere ti kabo wura pum yo nyumi barasu n wo,
i ce ma na i yoroki na i kponkpon.

²⁵ Ama, Micera n dee noanie n wo bere wo sangga kere.”
Nyini noanie n ti labari kpa n bo ba kan akere am n a.

2

Nyeme mine n bo wo yi bu n jore

¹ Nyini dee ti, am yaki sa kere bo i ti ma kpa, ma am kpo am bengum, ma am sisi am bengum, ma am yo am bengum burukoonu sa, ma am si am bengum kore, ma am kan am bengum jore saaki bu. ² Kabo baakan koro nyufini ni, am gusu, am koro Nyeme noanie n bo i ti ka nono casi ni, nyini buka am ye am koro nyi na am nya tiide a, ³ dama ambere ni am tii si kabo Micera n ti kpa barasu. ⁴ Am bra Kristo do, yiri ti ka yabue n bo i la ngoo n a. Yiri ye fatafom ayi i atu n a. Ama, Nyeme ayi i ka i la anyunuyi. ⁵ Ambere gusu, am ti ka yabuem n bo bu la ngoo n wo, na Nyeme sufa am ta awuru n bo i Awiewie Casi n wo nu, na am yo i sayoowa donguyofo casim, na Awiewie Casi buka am na am yo yoowa bo i sun Nyeme nu, Yesu Kristo dee ti. ⁶ Dama ba kere i Nyeme Jore Kadasi n nu ka, Nyeme na,
“Am ti fen, m sufa yabue bo i la anyunuyi
sufa bo Siyon mie kpiri n bu,
sono kere bo i yoori i yarada,
i mi di ma nyinse.”

⁷ To, ambere bo am ayo i yarada ni, am anya deke bo i la anyunuyi ni, ama, minem bo bu yo ma i yarada ni, ba kere i Nyeme Jore Kadasi n nu ka,
“Yabue n bo bondo tafom n faari i tuuri ni,
yiri ye wo kaaki bondo n jaa yabuem n kere tii a.”

⁸ Na ba kaaki akere i Nyeme Jore Kadasi n nu ka,
“Nyini yabue ni, minem bo bu jaa su,
na bu kpaasi.”

Deke n bo i ti na bu kpaasi n la ka, ba de má Nyeme nɔanie ni, kabo wɔ yo daka ka i yo lɛɛ.

⁹ Ama, amɛɛɛ, am ti daanfɛ n bo Nyeme ayi am wɔ, am ti sayoowa dɔŋguyofɔm bo am su Nyeme bo i ti am fɛmɛ n wɔ, am ti Nyeme dɛɛ mine casim wɔ, am ti Nyeme dɛɛ awurunbaam wɔ. Yiri ye wɔ yi am ka am kan i sakpam kere minem a, dama wɔ yi am afite awosin nu, afa am awura i dɛɛ wein n bo i la má aɲusu n nu. ¹⁰ Ba kɛɛ i Nyeme Jɔɛ Kadasi n nu ka, “Sanɔa be, am yo ti má i dɛɛ minem, ama, kisa, am ti Nyeme dɛɛm wɔ. Nyini sanɔa, Nyeme yo si má am aɲunfɔ, ama, kisa, wɔ si am aɲunfɔ.”

Kabo Nyeme akɔɔm woowa ti barasu ni

¹¹ M danfo kpam, am ti wɔfɔm wɔ, ni minem bo bu la má woobiri durunya n nu fɛn, nyini dɛɛ ti, m sere am ni anyumboro wɔ, má am ma am nyunu boro am aɲuniɛmbaa koroowa su, dama am aɲuniɛmbaa koroowam sukoro ka bu kunma am wɔ. ¹² Am ma am woowa ti kpa, na nzen minem bo bu su má Nyeme n jaraki am fa kɔ satɛ be su, bu ba ɲu am sakpa n bo am yo i ni, na bu kánsi Nyeme, cɛɛn n bo i bá niɛ i minem su ni.

¹³ Ya Mibiɛ n dɛɛ ti, am de nfanɔafɔm kere nɔanie, fɛmɛ bo i niɛ adamande kere su ni, ¹⁴ ni nkpienkpiɛnm bo wɔ yi bu ka bu suniɛ am su ni, am de bu nɔanie, dama ba fa bu ase ka bu cin minem bo bu yo satɛ n sui wɔ, na bu kansɛ minem bo bu yo sakpa ni. ¹⁵ Nyeme koro ka am yo sakpa a, na minem bo bu ti sinnzinm na bu si má be ni, na bu si má kabo bu kan. ¹⁶ Am ti minem bo am ade am tii wɔ, má am niɛ ka am anya am tii n dɛɛ ti, na am sufɛ yo satɛ. Ama, am ma am woowa ti kabo Nyeme akɔɔm woowa ti barasu ni. ¹⁷ Am bu sɔnɔ kere sɔnɔ, am koro am ninbaam kere, am soro Nyeme, na am bu Romafɔm fɛmɛ kpiri ni.

Kabo ya sɔn Kristo wahara diiwa n su ni

¹⁸ Amɛɛɛ bo am ti akɔɔm ni, am de am mibiɛm nɔanie, na am bu bu nahɔɛ su, má ka bo bu ti benlɛ na bu yo am sakpa ni ɲgumi, ama, haari bo bu ti tiɛ ni mmɔɔ, am bu bu. ¹⁹ Nzen am ayo má satɛ be, na bu kere am wahara na am mindi deerɛ i, ka am soro Nyeme n dɛɛ ti, nyini ti kpa a. ²⁰ Nzu kpɛɛɛ ye am nyá i a, nzen am yoori satɛ na bu boori am na am mindi deerɛ i? Ama, nzen am yoori sakpa, na bu kere am wahara, na am mindi deerɛ i, nyini ti kpa Nyeme dɔ a. ²¹ Nyini dɛɛ ti, ye Nyeme afere am a, dama Kristo ni i tii adi wahara ama am, nyini kere am ka i ti ye ni ka am sɔn i su di i wahara n be. ²² Bu ɲa, yiri, “Wɔ yo má satɛ be, wɔ kaaki abu má kɔɛ be.”

²³ Bu kpɛɛɛri i nzukɔ ni, wɔ wɔɔɔ má nzukɔ ama má bu. Bu kereeri i wahara ni, wɔ se má bu ka bu ɲú i. Ama, yiri faari i deke kere maari Nyeme wɔ, yiri bo i di jɔɛ bo i kɔ atin su ni. ²⁴ Ya satɛ dɛɛ ti, ye Kristo deerɛ ya jinaabiri diiri wahara wuuri baka jaanu n su a. I yoori sɔ, adena i kere ka ya wu wɔ, fa kɔ ya satɛ su, na ya la ɲɔɔ bo ya koro yo sakpa. Wahara n bo Kristo diiri i ɲuniɛ nu n dɛɛ ti, ye am anya laifiɛ a. ²⁵ Am yo ti ka nbɔɛm bo ba mini wɔ, ama, kisa, am akaaki aba yiri bo i ti am sasafɔ na i niɛ am dika n dɔ.

3

Kabo i ti ye ni ka nbaram ni bu hunm wo barasu ni

¹ Tɔ, ambere nbaram gusu, am de am hunm nɔanie. Na nzen bu nbem nya yo má Nyeme nɔanie n yarada, na am woowa ti kpa, nyini ma bu yo yarada, má ka am nɔanie jɔjɔwa n dɛɛ ti, ² ama, nzen bu nyuri ka am woowa ti casi, na am ma bu jirima, nyini ma bu kaaki bu wo na bu su Nyeme a. ³ Deke bo i kere ka am yo nyumi ni, i ti má kabo am yo am nyu di am tiɛmie sunguruya ni, ni kabo am wura sikam, ni kabo am kara sutura kpakpam n barasu ni, ⁴ ama, deke bo i kere ka am yo nyumi n la wo kpa bo i fite am ahorembaa su, na i saari má ni. I ti ye ni ka am yo am nyu kaan, na am wo benle, nyini ti deke bo i la anyunuyi nahore su Nyeme do a. ⁵ Dama kabo dawa sanja, nbaram nbem bo bu ti casi na bu la tama ni Nyeme n yo yoori bu nyu nyumi lee, bu deeri bu hunm nɔanie wo, ⁶ kabo Saara gusu yo yoori lee, i deeri i hun Abraham nɔanie wo, na wo fere i ka “M awurufobie.” Nzen am yoori sa bo i ti kpa na am soro má sere, am akaaki Saara nbaam wo lee.

⁷ Ambere nbiesom, i ti ye ni ka am gusu yo so. Am si kabo am fa ngonle bita am yim barasu. Am si ka nbaram fanja ni am dɛɛ se má, nyini ti, am bu am yim. Dama am ni bere kere sanja nya Nyeme aceeri n a, yiri la ngoo bo i la má awieeri ni. Am bita bu nyunyumi, adena má deke be kanda am nyemesere.

Kabo yaradayofom diiri wahara fa ko sakpa dɛɛ ti

⁸ Tɔ, deke bo m koro ka m fa kun jore n kere noo n la ka, am kere fa anooɛɛ, na am cee wo am beɲgu nu, na am koro am beɲgu ka am ti nibaam wo, na am si am beɲgu anunfo, na am yo am nyu kaan ma am beɲgu.

⁹ Nzen be yo am satie, má am yo tie to i kaari, na nzen be kpiɛeri am nzuko, má am woro nzuko ma i, ama, kabo am yo la ka, am yo bu kisi, dama deke n bo i ti na Nyeme afere am la ka, i yo am kisi wo. ¹⁰ Dama ba kere i Nyeme jore Kadasi n nu ka,

“Sono kere bo i koro ka i nyu i nyu fie,
na i wo wo bo i yo fie,
i mi tara i taferema na má i sujɔjɔ jore tie,
na má i sudadaka minem.

¹¹ I mi yaki satieyo,
na i yo sa bo i ti kpa,
i mi boro i nyi

na i sukpini tanalaifie busu.

¹² Dama Nyeme nyumbaa ta minem bo bu yo sa bo i ko atin su ni,
na i so i sui ti bu nyemesere,
ama, i koro má ka i nyumbaa nyu bo bu yo satie ni.”

¹³ Nzen am nyunu aboro ka am yo sa bo i ti kpa, nma koro yo am pui a?

¹⁴ Ama, nzen am yo sa bo i ko atin su n dɛɛ ti, ye am sudi wahara, am terefie lee, má am soro bu, má am ma am ahore saaki. ¹⁵ Ama, am ma Kristo yo am Mibie n na am bu i am ahore su. Na am kpa am nyu nminda sanja kere, na nzen be ba bisa am fa ko deke n bo i ti na am la tama ni, na am si kabo am bo i nu barasu, ¹⁶ ama, am jɔjɔ benle, na am bu i mi, na am si am sunsunni nu ka am ayo sakpa, adena nzen minem jɔjɔri am ngbeɛnngbeɛn fa ko am wo kpa n su ka am su Kristo dɛɛ ti, na bu dí nyinse.

¹⁷ Dama nzen am yo sakpa na am di wahara na i ti Nyeme koroyanu, i ti ye ni bo am yo satie na bu kere am wahara.

¹⁸ Ya satie dɛɛ ti ye Kristo gusu diiri wahara kpekun n kpein a, na yiri bo i yo sa bo i ko atin su n awu, yere bo ya ti satieyofom dɛɛ ti, na i yo

ya ni Nyeme afien dongu. Bu kuunri i ni, na Nyeme ama i ngoo awiewie n nu, ¹⁹ na wo nya ako akan jore akere awiewiem bo bu wo dansaraka n nu ni. ²⁰ Dawa sanja, bere yo keteeri Nyeme noanie n a, na Nyeme ayo sawore anminda, sanja bo Nowa sukpa lee bambaka n ni. Nyini lee ni, mine kaan so wuraari nu n a, bu mocue nyaari tiide, ye nzue n adi ma bu a. ²¹ Nyini nzue n ti deke bo i kere fa ko Nyeme nzue bieewa bo i ma am anya tiide nyuma n wo. Nyeme nzue bie ti ma deke bo i yi am njunie su fin, ama, i kere ka am si am sunsunni nu ka, am la ma ngasi be Nyeme do, dama Yesu Kristo tengeeri i yiwee n nu n dee ti. ²² Yiri ye wo ko angoro ako atana Nyeme saa fomboro su n a, ye i la yiko nie merkem kere su a, ni yikofom, ni nfanjafom barasu kere.

4

Kabo i ti ye ni ka yaradayofom wo ni

¹ To, kabo Kristo diiri wahara i njunie n nu ni, i ti ye ni ka am gusu kpa am nu bita nyini sunsunni ni, dama sono kere bo i diiri wahara i juniembaa nu yo ma satie kun. ² Nyini dee ti, ma am yo am kunnu koroowa, ama, am yo kabo Nyeme koro ni, haari am ngoo awieeri. ³ Sanja be am yo yoori am kunnu koroowa, deke bo minem bo bu si ma Nyeme n yo i ni, wo se su so. Am yo tara ma am nu, na am yo su konvikiya ngbeenngbeenm, na am nu nzan bo, na am nu nzan yo sa ngbeenngbeen kabo nzan nufom yo ni, na am susu amom, deke bo Nyeme koro ma i ni. ⁴ Kisa na am ni bere sanja wo ma nyini wo ngbeen ni, jore n amie bu wo, nyini dee ti ye bu kpie am nzuko n a. ⁵ Ama, bere ni bu tii, bu ba jina Nyeme nyunu, na bu kan deke kere bo ba yo i. Yiri ye wo yo siriya ka i di minem bo bu la ngoo ni bo ba wu n jore a. ⁶ Nyini dee ti, ye bo ba wu n gusu tiiri labari kpa n jore kaanwa n a, adena haari ni bo bu wuuri kabo adamande kere wu ni, bu nya ngoo awiewie n nu kabo Nyeme la ngoo ni.

Nyeme amuisufom kparam jore

⁷ Deke n kere suko awieeri lee. Nyini dee ti, ma am fa am nu ji, am tara am nu na am koro sere Nyeme. ⁸ Sa n bo i tara deke n kere n la ka, am koro am benggu ni nahore su, dama koro kata satie dongu su wo. ⁹ Nzen am bengum aseke am wofa, am de bu, ma am njuti. ¹⁰ Nyeme ama am kere aceeri barasu barasu, nyini ti, i ti ye ni ka am fa nyini acerim buka am benggu. Sono kere suyo i juma nyunyumi kabo Nyeme afa ama am ni. ¹¹ Woro kere bo Nyeme ama u aceeri ka a kan i jore, si ka Nyeme jore ye a sukan i a, woro kere bo Nyeme ama u aceeri ka a fa buka minem, buka bu ni fanga n bo Nyeme afa ama u ni, adena am sayoowa kere nu na Nyeme nya kansu, Yesu Kristo dee ti. Yiri la yiko ni jirima sanja kere sanja. Ami.

Kabo i ti ye ni ka Kristo susufom di wahara barasu ni

¹² M danfo kparam, ma am ma wahara kekereke n bo am sudi i n yo am fura nu, dama Nyeme suyo am na i nie a. Ma am sunsun ka i ti sa bo wo nya tu ma be wo. ¹³ Ama, kabo am sudi Kristo dee wahara n bo i diiri i n be ni, am ma am ahore jo, adena ceen n bo Kristo jirima woowa bo i la ma anjusu n ba fite fofoe nu, am ahore jo na i yo am fie. ¹⁴ Nzen bu kpieeri am nzuko, ka am ti Kristo deem ti, nyini la ka am terefie lee, dama Nyeme Awiewie Casi n wo am do lee, yiri bo i la jirima woowa n na i la ma anjusu ni. ¹⁵ Ama, nzen am be diiri wahara, ma i yo ka i mi akun sono, wara wo wo, wara wo yo sa ngbeenngbeen be, wara wo wura minem jore nu,

nyini n sɔ ti má kpa. ¹⁶ Ama, nzen sɔnɔ sudi wahara ka i ti Kristo susufɔ n dɛɛ ti, má i mi má nyinse ti i, ama, i mi kansi Nyɛmɛ, ka i ti Kristo dɛɛ ti.

¹⁷ Dama sanɔa n aju bo Nyɛmɛ dí minɛm jɔrɛ. I dú mɔ bo i bu di i tienɔu minɛm jɔrɛ wɔ ka. Ye nzen i nya du mɔ diiri yɛrɛ jɔrɛ, minɛm n bo ba ka na ba de má i labari kpa ni, bu wíe sɛ wɔ lɛɛ? ¹⁸ Dama ba kɛrɛ i Nyɛmɛ Jɔrɛ Kadasi n nu ka,

“Nzen i ti kekere ka minɛm bo bu ti kɔam nya tiide,
ye satieyofɔm, ni bo bu bu má Nyɛmɛ ni,
i yó bu sɛ wɔ?”

¹⁹ Nyini ti, minɛm bo bu sudi wahara Nyɛmɛ koroyanu n dɛɛ ti ni, i ti ye ni ka bu boro bu nyi na bu suyo sakpa, na bu fa bu ɲu wura Nyɛmɛ saa nu, dama yiri bo wɔ yi bu ni, i yáki má bu cɛɛn n be da.

5

Kristo jama n woowa jɔrɛ

¹ Ambɛrɛ bo am wo Kristo jama n nu, na am ti nkɔpiɛnm ni, mini mmɔɔ ti Kristo jama n kɔpiɛn kun wɔ, ma ɲu kabo Kristo diiri wahara barasu ni, na m bá nya i dɛɛ jirima woowa n be, sanɔa bo i bá fite fofoe nu. Nyini ti, m susere am jande wɔ, ² am niɛ Nyɛmɛ minɛm bo bu wo am dɔ n su, kabo bɔɛsasafɔ niɛ i nbɔɛm su barasu ni. Am niɛ bu dika nyunyumi, má ka bu miɛ am wɔ, ama, am koroyanu, dama Nyɛmɛ koro ka am yo i a, má am yo i ka ɲwaa kpini dɛɛ ti, ama, am yo i ka am nyunu aboro ka am yo i wɔ. ³ Bɛrɛ n bo Nyɛmɛ afa bu ama am ka am niɛ bu su ni, má am miɛ bu ka am ti bu mibiɛm wɔ. Ama, am ma am sayoowa kɔ atin su, na bu ɲu i na bu sɔn am su. ⁴ Nzen am yoori sɔ, cɛɛn bo bɔɛsasafɔ kɔpiɛn n bá fiteeri fofoe nu, am nyá aceeri bo i la má aɲusu na i wie má fieo ni.

⁵ Ambɛrɛ gusu bo am nyunu nya ti má ni, am bu nkɔpiɛnm ni, na am de bu nɔaniɛ. Am kɛrɛ yo am ɲu kaan na am buka am beɲɔu, dama ba kɛrɛ i Nyɛmɛ Jɔrɛ Kadasi n nu ka,
“Nyɛmɛ kete kɔpirikorofɔm wɔ,
ama, na i fa i ahɔrɔma n ma tarakam.”

⁶ Nyini ti, am da am ɲu asiɛɲɔu fa ma Nyɛmɛ yikofɔ ni, na sanɔa n ba juuri, yiri wúra am kɔpiri a. ⁷ Deke kɛrɛ bo i miɛ am, am fa tu Nyɛmɛ nyunu, dama yiri cɛɛ wɔ am nu a.

⁸ Am tara am ɲu sanɔa kɛrɛ, má am fa am ɲu ji. Dama am kɔɔfɔ Sitana ni, i sansan am kabo jara sansan ɲuundi koro sɔnɔ na i kpɛsɛ i n wɔ. ⁹ Am yo Nyɛmɛ yarada jina kenken na am kete Sitana, dama am si ka am ninbaam bo bu wo durunya n kɛrɛ nu n gusu sudi wahara n bo am sudi i n be n wɔ. ¹⁰ Nzen am diiri wahara sanɔa kaan su, Nyɛmɛ sɛsɛ am su yo am dɔɲɔu a, yiri má am jina kun su a, na i wúra am faɲa, na i kpáma am. Buka kɛrɛ fite yiri Nyɛmɛ dɔ a, Kristo dɛɛ ti ye wɔ fere am ka am bá nya i dɛɛ jirima woowa n bo i la má awieeri n be a. ¹¹ Yiri la yiko sanɔa kɛrɛ a. Ami.

Awieeri su dɛɛ nɔaniɛ ni

¹² Ya niwa Silivanusi, m si i ka i la dabuɲu am dɔ, yiri bukaari m ye ma kɛrɛ ahin kadasi kaan n sufa ma am n a, na am ahore si, na m ma am si ka jɔrɛ n bo ma kɛrɛ ama am ti Nyɛmɛ aceeri wɔ nahɔrɛ su, na am jina kenken. ¹³ Kristo jamam bo Nyɛmɛ asaɲa ayi am ni bɛrɛ kɛrɛ, na bu wo Babilɔn miɛ kɔpiri n nu ni, ni m wa Marako kɛrɛ bisa am dɔɲɔu. ¹⁴ Am bisa am beɲɔu dɔɲɔu ni koro. Nyɛmɛ ma ambɛrɛ kɛrɛ bo am ti Kristo dɛɛm ni ahoreda.

Kadasi nnyo su bo **PETORO** akere i ni

¹ Mini Simon Petoro bo m ti Yesu Kristo akoo na m kaaki ti i jaramasa ni, mini sukere ahin kadasi n ma ambere bo Nyeme ama am ayo Kristo yarada n a, kabo wo ma yere mmoo ayo i yarada ni. Yesu Kristo bo i ti ya Nyeme ni ya Tiidefo ni, i sakpa yoowa n dee ti, ye ya kere ayo i yarada.

² Am Si Nyeme ni ya Mibie Yesu n dee ti, Nyeme buka am agaya, na i ma am ahoreda buka su.

Minem bo Nyeme afere bu, na wo yi bu n jore

³ Nyeme la yiko, nyini yiko n nu, wo ce ya deke kere bo wo yo daka ka ya la i na ya nya ngoo na ya su i nahore su. Ya si i n dee ti, ye wo yo nyini n kere ama ya n a. Yiri ye wo yi ya ka ya nya i woowa kpa ni i jirima n a. ⁴ Nyini n dee ti, wo se ka i ce ya aceerim bambaka bo bu la ma anusu, adena i yi ya fite durunya n nu satie kere bo i wura mine konviki na i saaki bu n nu, na ya nya Nyeme dee woowa n be.

⁵ Nyini dee ti, kabo am ayo Kristo yarada ni, wo yo daka ka am boro am nyi, na am yo yarada buka su. Ma am yo yarada ngumi, ama, am yo sakpa gusu. Ma am yo sakpa ngumi, ama, am kpini si. ⁶ Ma am kpini si ngumi, ama, am la tarabu. Ma am la tarabu ngumi, ama, am la mindi. Ma am la mindi ngumi, ama, am ma am woowa ko Nyeme atin su. ⁷ Ma am ma am woowa ko Nyeme atin su ngumi, ama, am yo am bengu kpa. Ma am yo am bengu kpa ngumi, ama, am koro minem kere. ⁸ Nzen am la nyini woowam ni, na am woowa ti so nahore su sanja kere, nyini kere ka, kabo am asi ya Mibie Yesu Kristo ni, am woowa la kpere, i ti ma ngbeen. ⁹ Ama, sono kere bo i la ma nyini woowam ni, i mi ti ka sono bo i koro nu ma nyunyumi, wara i ti ka anyinsin wo, na i kaaki ti ka sono bo i wara afi ka Nyeme akpakpara ayi i afite i satie dawam nu ayo i casi. ¹⁰ Nyini dee ti, m ninbaam, kabo Nyeme afere am na wo yi am ni, am boro am nyi, adena am woowa kere ka am ti i dee minem. Nzen am yoori nyinim so, am kpasi ma fieo. ¹¹ Nyini ma am nya aceeri bambaka bo am la atin, na am wura Yesu Kristo dee femeya woobiri n nu a, yiri bo i ti ya Mibie ni ya Tiidefo na i femeya n wo bere sanja kere ni.

¹² Nyini dee ti, ye i wo m ahore su ka m sutenge am ahin jorem su sanja kere n a, haari ni bo am si bu na am ade kereewam bo bu ti nahore n na am bita bu kenken n ni. ¹³ Mini do, wo yo daka ka m sutenge am su so, sanja bo m toko la ngoo ni. ¹⁴ Dama m si ka i ce ma, m ba wo ma bere, kabo ya Mibie Yesu Kristo yi kereeri m ni. ¹⁵ Nyini ma m boro m nyi yo deke kere bo m koro yo i n a, adena sanja bo m ba wo ma bere, na am koro tenge nyini jorem su sanja kere.

¹⁶ Ya yo kan kereeri am ka, kabo ya Mibie Yesu Kristo la yiko na i kaaki ba barasu ni, bo ya kan so ni, i ti ma ka ya faari ngonle boori ya tienu kaanri i a, ama, yere mmoo ni ya tii nyumbaa nuuri kabo i la yiko bambaka barasu ni. ¹⁷ Sanja bo ya Si Nyeme yo wuraari i kpini na i maari i woowa taari wein ni, Nyeme konvi yo fiteeri angoro dika n nu na i jooori i do ni, na yiri bo i woowa la ma anusu n ase ka, "M dee Wa bo m koro i n lee, m ahore ajo i nu." ¹⁸ Yere ni ya tii tiiri kabo akonvi n fite angoro ni, sanja bo ya woori i do, Nyeme buka n su ni.

¹⁹ Nyini n kere ma ya la ahoresi buka su, ka jorem bo Nyeme noanie kanfom yo kaanri bu n ti nahore wo. Nyini ti, am boro am nyi na am de kabo bu yo seeri ni, na am su i su. Noanie n bo bu jorori i n ti ka fitana bo i taari awosin nu n ti n wo, i teke am nyi ko ju ceen bo Kristo kaaki ba ni, na i fa wein n ba teke am nyi nahore su, kabo alecin na asaakojo tie fa wein ba ni. ²⁰ Jore bo i tara bu kere na am si i n la ka, noanie n kere bo Nyeme fa maari i noanie kanfom na bu kereeri i Nyeme Jore Kadasi n nu ni, be wo ma bere bo i koro fa adamande si ngumi na i fa kere nyini noanie n bu. ²¹ Dama ma adamande koroyanu ye bu kaanri Nyeme noanie n a, ama, Nyeme Awiewie Casi ni maari bu noo ye bu kaanri noanie n bo Nyeme koro ka bu kan i n a.

2

Korefom bo bu yo bu nyi ka bu kere Nyeme noanie n jore

¹ Kabo mine korefom woori Nyeme minem nu dawa sangani, bere bo bu yo bu nyi ka bu ti Nyeme noanie kanfom ni, so ye kerefom korefom ba wo am gusu nu a. Bu fie wo, na bu fa bu dee kereewam kere am, kereewa bo bu ma am mini Nyeme atin ni, haari na bu kaaki bu sin bo Mibie ni, yiri bo wo to bu tii su nkato ni. Nyini ti, bu sayoowam ma Nyeme yo bu ngbeen anyumbaa kata ni i teke. ² Na mine danggu son bu sayoowa ngbeenngbeenm su. Bere dee ti, mine ba bu atin n bo i ti nahore ni ngbeen. ³ Nyini kerefom korefom ni, bu nyunu aboro nenge su dee ti, bu bo bu tieenu jore kan ma am a, na bu fa am kpini. Ama, Nyeme daafi ma, wo du mo adi bu jore, i ba yo bu ngbeen wo.

⁴ Ya si ka Nyeme merkem bo bu yo yoori satie ni, Nyeme ayaki ma bu. I faari bu tuuri cema sin n nu wo, na wo bo bu tobari ase awosin n nu, ka bu suwo do haari jina ceen n bo i ba cin bu sui ni. ⁵ Ya si ka, dawa sangani, minem bo bu soro ma Nyeme ni, wo yaki ma bu, i cin bu sui wo, na wo ma wombubambaka adi bu kere, ama, na wo de Nowa tii aji, i ni mine nso nbem, yiri kan kereeri minem deke bo i ti sakpa na i ko atin su n a. ⁶ Ya si ka Nyeme yo saakiiri Sodom ni Gomora miem ni, i faari sin jiiri su yaraari bu wo, na i kere aje ato nzuin. I yoori so ni, i kere kabo i ba yo minem n bo bu soro ma Nyeme n wo lee. ⁷ Ya si kabo i yo deer Loti tii jiiri ni, i yo ti son bo i yo sa bo i ko atin su Nyeme do o, na i ahore yo ti saakiwa fa ko minem bo bu bu ma deke be na bu nati yo sa ngbeenngbeenm ni. ⁸ Nyini son n bo i yo sa bo i ko atin su ni, yiri ni nyini minem ni yo sangani wo a, ceen kere ceen, na i sunu sa ngbeenngbeenm bo bu yo bu ni, na i sui suti jore ngbeenngbeen bo bu jojo bu ni, nyini dee ti, na wo di wahara ahoresaaki nu, yiri bo i ahore ti fofoe ni. ⁹ To, nyini n kere kere ka Nyeme si kabo i yo na i de minem bo bu su i atin su n fite kekereke nu a. Na i si kabo i sucin minem bo bu su ma i atin su n sui, ko ju sangani bo i ba di bu jore ni. ¹⁰ Bere n bo i cin bu sui tara minem kere n la bo bu su anuniembaa koroowa ni dangba sam su, na bu kete ka ma Nyeme nie bu su ni.

Nyini minem ni, bu tii ti kekereke, bu soro ma be. Haari ngwofom bo bu wo angoro na bu la jirima woowa ni, bu kpie bu nzuko o, bu soro ma sere. ¹¹ Haari Nyeme merkem bo bu la yiko ni fanga tara nyini minem ni, bu kpie ma nyini ngwofom ni nzuko na bu jaraki ma bu kere ma Mikun ni. ¹² Nyini minem so, kabo bu koro, ye bu yo a, bu ti ka boro nenge tiem bo mine tara bu na bu kpie bu kom n wo. Bu kpie nzuko fa ko dekem n bo bu si ma bu n su wo. Kabo mine ma boro nenge tiem ka ngbeen ni, so ye Nyeme ma bu gusu ba ka ngbeen a. ¹³ Kabo bu ma minem di wahara

ni, bere gusu bá di wahara sɔ ɔ. Bu konvikiya sam bo bu yo bu ni, i yo bu fie wɔ, bu yo bu wiesu wɔ, bu fie má su. Bu ti dangbafɔm wɔ, na bu wura am nyinse sanɔa bo am ni bere tien am nɔɔ sudi diire ni, bu sunsunni kere la ka bu daka am. ¹⁴ Bu nyunu boro mine yim kpini su wɔ, na bu kunnu yi má bu satieyo. Bu dadaka minem bo bu nya si má Nyeme atin n nyunyumi n wɔ, na bu yaki i, adena bu su bu dɛɛ kereewam n su. Bu ahorembaa abi nenɔge kpini su wɔ. Nyeme ayo bu ngbeen awie lɛɛ. ¹⁵ Ba yaki atin n bo i ti kpa ni, ba mini. Atin n bo Baalam bo i si la Beori n yo bitaari i ni, ba sɔn i su lɛɛ. I yo koroori nwaa bo minem ma i n wɔ, na i yo satie. ¹⁶ Ama, na Nyeme akan i ndie, i satie yoowa n dɛɛ ti. Ya si ka kaako koro jɔjɔ má, ama, Nyeme ama kaako ajɔjɔ Baalam dɔ, kabo adamande jɔjɔ ni. Na Baalam bo i ti Nyeme nɔaniɛ kanfɔ ni, na wɔ yaki sa n bo má i suyo i na i ti ka i nyunu ti má koroowa ni.

¹⁷ Nyini minem ti ka bura bo i tie má nzue wɔ, na bu kaaki ti ka nzue munaawa bo anuma fa i sin n wɔ. Bere ye Nyeme asese awosin n bo i la má anusu ase bu n a. ¹⁸ Bu fɔ yanfoya a, na bu sujɔjɔ ngbeenngbeen, na bu fa anuniɛ koroowa na bu fa dadaka minem bo ba kaba afite kɔre jɔrem nu na ba nya aɛ má ni. ¹⁹ Bu se minem ka bu má bu nya bu tii wɔ. Ama, bere ni bu tii bo bu kan sɔ ni, bu ti ka akɔɔm wɔ, satie bo i ma bu ka ngbeen ni aja bu, dama deke bo wɔ kunma sɔnɔ ni, i mi n ti nyini deke n akɔɔ lɛɛ. ²⁰ Minem bo bu si Yesu Kristo ni, yiri bo i ti ya Mibie ni ya Tiidefɔ ni, na i ma ba yaki durunya n nu dɛɛ dangba sam ni, na ba kaaki akpie bu nyi ama nyini sam atara bu akunma bu bekun ni, bu awieeri ti tie tara bumboori ni. ²¹ Nzen má ba si má woowa bo i kɔ atin su ni, má i ti ye tara bo ba kaaki bu sin abo Nyeme nɔaniɛ maawa n bo ba du mɔ ade i ni. ²² Kabo bu yoori sɔ ni, nyini kere ka ahin anyunderem ni ti nahɔre wɔ, bo bu ɲa,

“Caa kaaki fa deke n bo wɔ fi i n di bekun wɔ,”
na bekun,

“Nzen a taraari afa bieeri i nzue,
i kaaki kɔ wura natie nu wɔ bekun.”

3

Ya Mibie n ba n jɔre

¹ M danfo kpaɲ, ahin kadasi ni ti kadasi nnyɔ su bo m sukere ma am a. Ahin kadasi nnyɔ n kere, m koro ka m tenɔge am su na am bita sunsunni kpa. ² M koro ka am tenɔge su fa kɔ nɔaniɛm bo Nyeme nɔaniɛ kanfɔm yo seeri bu dawa sanɔa ni, na am kaaki tenɔge su fa kɔ nɔaniɛ maawa n bo Mibie n bo i ti ya Tiidefɔ n kaanri i, na i jaramasam seeri am ni.

³ Jɔre bo i tara bu kere na am si i n la ka, fa kɔ durunya n awieeri su, mine nbem bá ba, na bu susu anuniɛmbaa koroowa su, na bu yó am anzasi fa kɔ am yarada n su, ⁴ na bu sé ka, “I seeri ka i káaki ba bekun, ye i wo ni? Ya nam wo má bere kun, ama, deke n kere toko ti i tii wɔ, kabo Nyeme yiiri durunya n ba ju ni nyuma.” ⁵ Bu si tenle su, ama, ba kete ka bu tenɔge má su ka, dada sanɔa, Nyeme yo faari i nɔɔ jɔjɔri ye angoro wo bere a, na wɔ jɔjɔ na wɔ kpaaki nzue n ni asien n nu, na asien n afite nzue n nu. ⁶ Nyini nzue n ye i fa saakiiri durunya n a dawa sanɔa, sanɔa bo wɔmbu nzue n diiri deke n kere ni. ⁷ Ama, angoro ni asienɔgu n bo i wo bere ni, Nyeme yo jɔjɔri i nɔaniɛ bekun wɔ, ka, i bita bu wɔ, na bu wó bere haari sanɔa bo i bá fa sin saaki i kere. I má i kere wo bere wɔ, kɔ ju sanɔa bo i bá di minem jɔre, bere bo bu soro má i ni, na bu ká ngbeen.

⁸ M danfo kpam, am si tenle na má am wara fi ahin jɔre kun ni, yiri la ka, cɛen kun ti ka afo akpii wɔ Nyeme dɔ, na afo akpii gusu ti ka cɛen kun wɔ i dɔ. ⁹ Kabo Micera n seeri ka i yo ni, mine nbem bita kan ka i ti niniki. I ti má ka i ti niniki wɔ, ama, i la mindi ni ambere wɔ, i koro má ka be ka ngbɛen, ama, i koro ka sɔnɔ kere kaaki i wo wɔ. ¹⁰ Ama, Micera n cɛen ni, i bá kabo awiefɔ ba fura nu na i wɔ n wɔ. Nyini cɛen ni, angoro ni yó nanmie fanɔa su, na i busu míni, na sin yára deke kere bo i wo angoro ni, na i ká ngbɛen. Na asien n ni deke kere bo i wo asien n su n bá wo má bere.

¹¹ Kabo nyini deke n kere bá ka ngbɛen sɔ ni, wɔ yo daka ka am ti nzu mine barasum wɔ? Wɔ yo daka ka am woowa ti casi, na am fa am ɲu ma Nyeme ɲgumi, ¹² na am ɲminda fa kɔ Nyeme cɛen ni, na am boro am nyi yo sa bo i ma i ba ndende. Nyini cɛen n ye sin yára angoro n kere na i ká ngbɛen n a, na i kekere má deke n kere bo i wo angoro n koro. ¹³ Ama, ya ɲminda sa bo Nyeme yo seeri ka i bá yo ni, ka, i yí angoro ni asien fɔfɔre, dɔ ye bu nati yo sa bo i kɔ atin su ɲgumi a.

¹⁴ Tɔ, m danfo kpam, kabo am ɲminda fa kɔ nyini cɛen n ni, am boro am nyi, adena Nyeme bá ɲu ka am ni yiri nɔɔ ayo kun, na am woowa ti casi na am la má ɲgasi be i dɔ. ¹⁵ Am tenge su ka ya Mibie mindi n dɛe ti, ye mine nyá tiide a. Sɔ ye ya niwa koroowa Pɔɔlu yo kere maari am a, Nyeme ceeri i alecira n a. ¹⁶ Wɔ kere ahin n be sɔ i kadasi n kere n nu, ama, jɔre nbem wo nu, bo i ti kekereke na sɔnɔ ti i bu. Nyini ye minem bo bu si má be na bu nya bi má Nyeme su atin su ni, nbem fa bu dɛe ɲɔnle kaaki i, ye i kɔ má atin su n a, kabo bu kaaki kereewa nyɲgam bo bu wo Nyeme Jɔre Kadasi n nu n lɛɛ. Kabo bu yo sɔ ni, nyini ma bu ka ngbɛen a.

¹⁷ M danfo kpam, ambere, am du mɔ si nyini ni. Nyini ti, am si am ɲu sa, adena má am sɔn minem bo bu má be n su, na am mini atin n bo am su i su ni. ¹⁸ Ama, am kɔ su, na am subita Yesu Kristo dɛe atin ni, yiri bo i ti ya Mibie ni ya Tiidefɔ ni, adena am koro di i ahɔroma, na am si i buka su. Yiri Yesu Kristo ni, i ti ye ni ka minem kere wura i kpiri, kisa ni sanɔa kere. Ami.

Kadasi ciciri su bo YOHANE akere i ni

Nɔɔnɛ n bo i ma ɲɔɔ n dɛɛ jɔrɛ

¹ Ya sukere ma am fa kɔ nɔɔnɛ n bo i ma ɲɔɔ n su wɔ. Kana Nyemɛ ba yi durunya n ni, nyini nɔɔnɛ n bo i ma ɲɔɔ n woori bere wɔ. Deke bo ya ti i, na ya nyumbaa aɲu i, na ya nie aɲu i kabo i ti barasu, na ya fa ya saa akan i, ye ya sukere fa ma am n a. ² Nyini nɔɔnɛ n la Yesu bo i ma ɲɔɔ ni, i yo fiteeri fofoe nu wɔ, na ya nyumbaa aɲu i, nyini ti ye ya di ɲɔɔ n bo i la má awieeri n daani kan i kere am n a. Yiri bo i ma ɲɔɔ n bo i la má awieeri n yo woori i Si Nyemɛ dɔ ɔ, ye wɔ yi i ɲu akere ya a. ³ Deke n bo ya ɲu i, na ya ti i ni, ye ya sukan i kere am n a, adena ya ni amberɛ la wo fie ni ya beɲgu, na ya kere la wo fie ni ya Si Nyemɛ ni i Wa Yesu Kristo ni. ⁴ Deke n bo i ti na ya sukere ahin dekem ma am n la ka, adena ya nya ahorejo nahore su.

Kabo i ti ye ni ka ya bita wein atin ni

⁵ Ahin labari n bo ya yo tiiri i Nyemɛ Wa n dɔ n lɛɛ, ye ya sukan kere am n a, ka Nyemɛ ti wein wɔ, na awosin haari kaan sɔ wo má i dɔ. ⁶ Nzen ya ɲa ya ni yiri la wo fie ni ya beɲgu, ama, na ya toko wo awosin nu yo satie, ya ti kɔrefɔm wɔ lɛɛ, ya bita má nahore. ⁷ Ama, nzen ya bita wein atin kabo yiri Nyemɛ atin n ti wein ni, ya ni yiri la wo fie ni ya beɲgu lɛɛ, na i Wa Yesu mbunja ni kpakpara yi ya satie kere bo i wo ya ɲu ni. Nyini ti, am ma ya bita wein n atin ni.

⁸ Nzen ya ɲa ya ti má satieyofɔm, ya dadaka ya ɲu wɔ lɛɛ, na nahore wo má ya ahore su. ⁹ Ama, nzen ya kan ya satie kereeri Nyemɛ, i fá ya satie n ce ya a, na i kpákpara yi ya fite ya sa kere bo i kɔ má atin su nu, dama i la dabuɲu, na i yo sa bo i kɔ atin n su. Nyini ti, am ma ya kan ya satie kere kere Nyemɛ. ¹⁰ Nzen ya ɲa ya yo má satie, ya yi Nyemɛ kɔrefɔ lɛɛ, na i nɔɔnɛ n wo má ya ahore su lɛɛ.

2

Yesu Kristo ti ya bukafɔ a

¹ M nbaam, m koro má ka am yo satie, nyini dɛɛ ti ye m sukere ahin jore n ma am n a, ama, nzen am be yoori satie, ya la sɔnɔ be bo i yo ya ni ya Si Nyemɛ afien dɔɲgu, yiri la Yesu Kristo bo i yo sa bo i kɔ atin su sanɲa kere ni. ² Ya satie ti, na yiri Yesu ade ya jinaabiri, na wɔ fa i ɲu ayo tie afa ama Nyemɛ, adena Nyemɛ fá ya satie ce ya, má yere ɲgumi dɛɛ satie, ama, durunya n nufɔm kere dɛɛ satie.

³ Am ma ya de Nyemɛ nɔɔnɛ maawam ni, nyini kere ka ya si yiri Nyemɛ lɛɛ. ⁴ Sɔnɔ kere bo i ɲa, i si Nyemɛ, na i de má i nɔɔnɛ maawam ni, i mi ti kɔrefɔ ɔ, na nahore wo má i ahore su. ⁵⁻⁶ Ama, sɔnɔ kere bo i deeri Nyemɛ nɔɔnɛ ni, i mi ti sɔnɔ bo i koro Nyemɛ nahore su a. Na sɔnɔ kere bo i ɲa i wo ni Nyemɛ, wɔ yo daka ka i mi wo kabo Yesu wo ti ni. Nyini ye ya fa si ka ya wo ni Nyemɛ a.

⁷ M ninbaa koroowam, má nɔɔnɛ maawa fɔfɔre ye m sukere ma am n a, ama, nɔɔnɛ maawa dawa n bo am du mɔ tiiri i n a. Nyini nɔɔnɛ maawa dawa n la jɔre n bo am yo tiiri i sanɲa bo am boori i bu suuri Yesu su ni.

⁸ Tɔ, ama, nɔaniɛ maawa n bo m sukere ma am ni, i kaaki ti nɔaniɛ maawa fɔfɔre wɔ bekun, na ya ŋu ka i ti nahɔre wɔ, fite kabo Yesu Kristo wo ti ni, ni kabo am wo ti ni, dama awosin n susin, ye wein nahɔre su wo ta su.

⁹ Sɔnɔ kere bo i ŋa i wo wein n nu, na i kpɔ i niwa, i mi toko wo awosin nu wɔ lɛɛ. ¹⁰ Sɔnɔ kere bo i koro i niwa wo wein n nu wɔ, i yo má sa be bo i ma i niwa bo i jaa kpaasi. ¹¹ Sɔnɔ kere bo i kpɔ i niwa, i mi wo awosin nu wɔ, na i suyo satiem, dama awosin n ata i nyi, nyini ti, ye i si má dekem bo i yo bu n a.

Sɔnɔ bo i ŋa i si Nyemɛ, i ti má ye ni ka i koro durunya ni

¹² M nbaam, deke bo i ti na m sukere ahin kadasi n ma am n la ka, Nyemɛ afa am satie ace am, Yesu Kristo dɛɛ ti.

¹³ Sim, deke bo i ti na m sukere ma amberɛ n la ka, am si Yesu, yiri bo i wo bere kana Nyemɛ ba yiiri durunya n kere ni.

Ngbɛfenɛm, deke bo i ti na m sukere ma amberɛ n la ka, am akunma Sitana n dɛɛ ti.

¹⁴ M nbaam, deke bo i ti na m toko kere ma am n la ka, am si ya Si Nyemɛ n dɛɛ ti.

Sim, deke bo i ti na m toko kere ma am n la ka, am si Yesu bo i wo bere durunya n bumboori n kere ti.

Ngbɛfenɛm, deke bo i ti na m toko kere ma am n la ka, am yarada n ti fanɔa,

na Nyemɛ nɔaniɛ n wo am ahore su, na am akunma Sitana n dɛɛ ti.

¹⁵ Tɔ, má am koro durunya n ni, ni deke n kere bo bu wo nu ni. Sɔnɔ kere bo i koro durunya ni, i mi koro má ya Si Nyemɛ lɛɛ. ¹⁶ Dama deke n kere bo i wo durunya n nu fen na i wura sɔnɔ konvi, ni deke bo sɔnɔ nyumbaa ŋu i na i koro i, ni deke bo sɔnɔ nya i na i fa fɔ, i fite má ya Si Nyemɛ dɔ, ama, i kere fite durunya n nu fen wɔ. ¹⁷ Durunya n ni deke kere bo i wura mine konvi kere la awieeri, ama, sɔnɔ kere bo i yo Nyemɛ sa koroowa, i nyá ŋɔɔ bo i la má awieeri.

Kabo ya si ya ŋu sa ni Kristo kpɔfɔ n ni

¹⁸ M nbaam, durunya ni sukɔ awieeri lɛɛ. Am yo tiiri ka nzen durunya n ba sukɔ awieeri, Kristo kpɔfɔ ni bá, ama, kisa Kristo kpɔfɔm dɔŋgu ayi bu ŋu fofoe nu. Nyini ti, ya si ka durunya ni sukɔ awieeri lɛɛ. ¹⁹ Nyini minɛm n bo bu ti Kristo kpɔfɔm na ba fite ya nu ni, nahɔre su, bu ti má ya minɛm. Nzen má bu ti ya minɛm, má bu ka ya dɔ ɔ. Ama, ba fite ya nu, nyini ye ya si ka, bu be mmɔɔ ti má ya minɛm a.

²⁰ Ama, amberɛ yiri, Kristo n afa i Awiewie Casi n awura am ahore su, na am si deke bo i ti nahɔre ni. ²¹ Má ka am si má nahɔre n dɛɛ ti, ye m sukere ma am n a, ama, am si i, na am si ka kɔre koro yo má nahɔre. ²² Ŋma ti kɔrefɔm kere tii n a? Kɔrefɔ n la sɔnɔ kere bo i ŋa Yesu ti má Kristo Tiidefɔ n bo Nyemɛ sunmaari i ni, yiri n bo i yo sɔ n akete ya Si Nyemɛ, ni i Wa n lɛɛ, i mi ni ti Kristo kpɔfɔ n a. ²³ Dama sɔnɔ kere bo i keteeri Nyemɛ Wa ni, akete i Si Nyemɛ mmɔɔ lɛɛ. Ama, sɔnɔ kere bo i ŋa Kristo ti Nyemɛ Wa ni, i mi n ade i Si Nyemɛ mmɔɔ lɛɛ. ²⁴ Nyini ti, nɔaniɛ n bo am tiiri i sanɔa bo am boori i bu suuri Kristo su ni, am ma i wo am ahore su. Nzen am bita nyini nɔaniɛ ni am ahore su, nyini ma am ni Nyemɛ Wa ni, ni i Si n yo deke kun a. ²⁵ Deke bo Kristo seeri ka i fá ma ya n la ŋɔɔ bo i la má awieeri ni.

²⁶ M sukere ahin noanie n ma am, na am si am nu sa fa ko minem bo bu koro ka bu dadaka am ni. ²⁷ Ama, ambere yiri, Awiewie Casi n bo Kristo afa ama am wo am do. Nyini ti, i ti ma ye ni ka be fa kereewa be kere am kun, dama Awiewie Casi ni kere am deke kere a, na deke kere bo i kere am ti nahore wo, kore wo ma nu. Nyini dee ti, am wo ni Kristo kabo Awiewie Casi n akere am ni.

²⁸ M nbaam, kisa am wo ni Kristo, na ceen n bo i ba yiiri i nu fiteeri fofoe nu n na ya la ahoresi, na ma nyinse ti ya. ²⁹ Am si ka Yesu yo sa bo i ko atin n su, nyini ti, am si ka sono kere bo i yo sa bo i ko atin n su, i ti Nyeme wa a.

3

Bo bu ti Nyeme nbaam ni

¹ Am nie koro bo ya Si Nyeme fa koro ya barasu a. Nyini dee ti, ye i fere ya ka i nbaam n a, i ti nahore ka ya ti i nbaam wo. Durunya n nufom si ma ya Si Nyeme, nyini dee ti, ye bu si ma ka ya ti i nbaam n a. ² M ninbaa koroowam, kisa ya ti Nyeme nbaam wo, na Nyeme nya yi kere ma ya kabo ya ba ti barasu, ama, ya si ka Yesu ba baari, ya ti kabo i ti n wo, dama ya nu i kabo i ti barasu. ³ Nyini ti, sono kere bo i la tama ka i ba yo kabo Yesu ti ni, i bita i nu casi, kabo Yesu ti casi ni.

⁴ Sono kere bo i yo satie, i mi ti Nyeme noanie kpamaawa n ketefo o, dama satieyo ti Nyeme noanie kpamaawa n kete wo. ⁵ Am si ka Yesu baari durunya n nu, ka i ba yi satie bo i wo ya nu n wo, ama, yiri ni i tii la ma satie be. ⁶ Nyini ti, sono kere bo i wo ni Yesu, koro suyo ma satie, ama, sono kere bo i toko yo satie, nyini kere ka, wo nya nu ma i lee, na i mi kaaki si ma i.

⁷ M nbaam, ma am ma be dadaka am. Sono kere bo i yo sakpa, Nyeme de i ka i mi yo sa bo i ko atin su i do, kabo Yesu ti ni. ⁸ Sono kere bo i yo satie, i mi ti Sitana dee sono o, dama fite durunya n bumboori n kere ye Sitana n yoori satie a. Deke bo i ti na Nyeme Wa n baari durunya n nu la ka, i ba yo Sitana n juma ngbeen wo. ⁹ Sono kere bo i ti Nyeme wa koro suyo ma satie, dama Nyeme woowa n wo i mi do, na Nyeme ti i Si n dee ti, i koro suyo ma satie. ¹⁰ Deke bo ya fa si minem bo bu ti Nyeme nbaam, ni bo bu ti Sitana n nbaam n la ka, sono kere bo i yo ma sakpa, wara sono kere bo i koro ma i niwa, i mi ti ma Nyeme wa.

Kabo ya koro ya benggu barasu ni

¹¹ Jore n bo am tiiri i sangga bo am boori i bu suuri Yesu su n la ka, am ma ya koro ya bengum. ¹² Ma am ma ya yo ka Keen, bo i yo ti Sitana dee wa ni, na i kuunri i niema ni. Nzu ti ye i kuunri i niema n a? I sayoowa ti ma kpa n dee ti, na i niema n dee n ti kpa n ti. ¹³ Nyini ti, m ninbaam, nzen durunya n nufom kpo am ka am yo sakpa n dee ti, ma am ma i yo am alekutura. ¹⁴ Kabo yere koro ya ninbaam n ti, nyini ma ya si ka ya fite yiwee n nu anya ngoo nahore su a. Sono kere bo i koro ma i niwa toko wo yiwee nu wo lee. ¹⁵ Sono kere bo i kpo i niwa ti sono kunfo o Nyeme do. Am si ka sono kere bo i kun sono la ma ngoo bo i la ma awieeri ni. ¹⁶ Yesu deeru ya dee jinaabiri wo, na wo to i ngoo awu ama ya, nyini ma ya fa si kabo koro ti barasu a. Nyini ti, wo yo daka ka ya gusu to ya ngoo ma ya ninbaam, haari nzen i yo yiwee mmoo. ¹⁷ Sono kere bo i la nenge, na i nu ka i niwa wo yaari nu, na i si ma i anunfo ka i buka i, Nyeme koro wo ma i mi n aho su lee. ¹⁸ M nbaam, ma am ma ya jooowa n ngumi kere ka ya la koro, ama, am ma ya sayoowa kere ka ya koro ya ninbaam nahore su.

¹⁹ Nyini ma ya fa si ka ya su nahore n su a, na i ma ya la ahoresi Nyeme do a, ²⁰ na nzen ya sunsunni maari ya ka ya yo satie, ya si ka Nyeme tara ya sunsunni ni, na i kaaki si deke n kere. ²¹ Nyini ti, m ninbaa koroowam, nzen ya sunsunni ase ma ya ka ya yo satie, ya la ahoresi Nyeme do lee. ²² Na deke kere bo ya sereeri i, ya nya i wo, dama ya de noanie maawa n bo Nyeme fa maari ya ni, na ya yo sa bo i sun i nu. ²³ Noanie maawa n bo Nyeme fa maari ya n la ka, ya yo i Wa Yesu Kristo yarada, na ya koro ya ninbaam ni, kabo wo se ya ni. ²⁴ Sono kere bo i deeri Nyeme noanie maawam n wo ni Nyeme, na Nyeme mmoo wo ni i mi ni. Awiewie Casi n bo wo fa ama ya ni, ma ya si ka Nyeme wo ni yere a.

4

Awiewie n bo i ti nahore ni bo i ti kore n jore

¹ M ninbaa koroowam, ma am yo minem kere bo bu na Nyeme Awiewie n wo bu do n yarada, ama, am yo bu na am nie ka bu kereewa n fite Awiewie Casi n do, nzen i fite ma. Dama korefom dongu bo bu yo bu nu ka bu ti Nyeme noanie kanfom n asandi abara aye durunya n nu. ² Nyeme noanie kanfo kere bo i se ka Yesu Kristo kaakiiri adamande baari durunya n nu fen, yiri ye Nyeme Awiewie n wo i do a. Nyini ye am fa si bo Awiewie Casi n wo bu do, ni bo i wo ma bu do a. ³ Ama, sono kere bo i keteeri ka, Yesu akaaki ma adamande ni, Nyeme Awiewie n wo ma i mi do, ama, i dee kereewa n fite Kristo kpofon do o. Yiri ye am yo tiiri ka i ba durunya n nu, ye kisa wo ba n a.

⁴ M nbaam, am ti Nyeme dee minem wo, ye am akunma nyini korefom bo bu yo bu nu ka bu ti Nyeme noanie n kanfom ni, dama Awiewie Casi n bo i wo am nu n la yiko tara Sitana n bo i wo durunya n nufom nu ni. ⁵ Nyini korefom bo bu yo bu nu ka bu ti Nyeme noanie kanfom ni, bu kan durunya n nu jore kere minem a, na durunya n nufom de kabo bu kere ni, dama bu ti durunya n nufom wo. ⁶ Ama, yere yiri, ya ti Nyeme dee minem wo, sono kere bo i si Nyeme de kabo ya kere n wo, ama, sono kere bo i ti ma Nyeme dee de ma kabo ya kere ni. Nyini ye ya fa si minem bo bu la Nyeme Awiewie n bo i kere nahore n a, ni bo bu bu kore n fite Sitana do n a.

Ya koro ya bengi kabo Nyeme koro ya ni

⁷ M ninbaa koroowam, am ma ya koro ya niwa, dama koro fite Nyeme do o, na sono kere bo i koro i bengi ti Nyeme wa a, na i mi si Nyeme a. ⁸ Nyeme ti koro wo, nyini ti, sono kere bo i koro ma i bengi si ma Nyeme. ⁹ Kabo Nyeme kereeri i koro fa ko ya do n la ka o, wo sunma i kunnu Wa kun n kpein durunya n nu, adena yiri dee ti na ya nya ngoo. ¹⁰ Kabo koro ti lee, ma ka yere koroori Nyeme a, ama, yiri koroori ya a, na wo sunma i Wa, na wo de ya jinaabiri na wo fa i nu ayo tie afa ama Nyeme, adena Nyeme fa ya satie ce ya. ¹¹ M ninbaa koroowam, kabo Nyeme koro ya so ni, wo yo daka ka ya gusu koro ya bengi. ¹² Be nya nu ma Nyeme, ama, nzen ya koroori ya bengi, Nyeme wo ya do lee, na nyini ma i dee koro n wo ya do na i ti kabo i koro ka i ti n a.

¹³ Awiewie Casi n bo Nyeme afa ama ya ni, nyini ma ya si ka ya wo ni yiri a, na i gusu wo ni yere a. ¹⁴ Na yere anu kabo ya Si Nyeme n asunma i Wa n ka i ba yo durunya n nufom Tiidefo, ye ya di i daani a. ¹⁵ Sono kere bo i tekeeri i noo seeri ka Yesu ti Nyeme Wa, Nyeme wo i mi n do, na i mi

n gusu wo ni Nyeme lee. ¹⁶ Yere mmoo ni ya tii si kabo Nyeme koro ya barasu, ye ya yo yarada ka i koro ya.

Nyeme ti koro wo, nyini dee ti, sono kere bo i koro i bengu ni, i mi wo ni Nyeme, na Nyeme wo ni yiri. ¹⁷ Nyeme koro wo ya do, i ti kabo i koro ka i ti n wo, nyini ti ye ya ba koro jina i nyunu ni ahoresi, ceen n bo Nyeme ba di durunya n nufom kere jore ni, ma pui ti, kabo Kristo ti ni, ya gusu wo ti so o, durunya n nu. ¹⁸ Sono kere bo Nyeme koro wo i do soro ma sere, dama koro bo i ti kabo Nyeme koro ka i ti ni, i fon yi sere wo, nyini ti, sono kere bo i soro sere, Nyeme koro wo ma i do kabo ma Nyeme koro ka i ti ni, dama sere ni suicin nati a. ¹⁹ Nyeme du mo koroori ya, nyini dee ti ye ya gusu la koro n a. ²⁰ Sono kere bo i na i koro Nyeme, na i koro ma i ninbaam ni, i mi ti korefo o. Nzen i koro ma i niwa bo i nyumbaa nu i ni, i yo se koro Nyeme bo i nyumbaa nu ma i n a? ²¹ Nkanie maawa n bo Yesu afa ama ya n la ka, sono kere bo i koro Nyeme, wo yo daka ka i mi koro i ninbaam gusu.

5

Kabo ya kunma durunya n ni

¹ Sono kere bo i yo yarada ka Yesu ti Kristo Tiidefo n bo Nyeme asunma i ni, i mi ti Nyeme wa a, na sono kere bo i koroori baa n wufo ni, i koro baa n gusu. ² Deke bo ya fa si ka ya koro minem bo bu ti Nyeme nbaam n la ka, ya koro Nyeme, na ya de nkanie maawam n bo wo fa ama ya ni. ³ Nzen ya deeru Nyeme nkanie maawam ni, nyini kere ka ya koro i a. I nkanie maawam n gusu ti ma kekereke, ⁴ dama sono kere bo i ti Nyeme wa kunma durunya n wo. Deke bo ya fa kunma durunya n la kabo ya yo Yesu yarada n wo. ⁵ Nma koro kunma durunya n a? Bo i koro kunma durunya n la sono bo wo yo yarada ka Yesu ti Nyeme Wa ni.

Daani diiwa fa ko kabo Yesu Kristo ti Nyeme Wa ni

⁶ Yiri Yesu Kristo yo baari durunya n nu n a, na ba bie i Nyeme nzue, nyini sin, na wo ba awu, na i mbunja afite ago. I baari ni, ma ka bu bieeri i Nyeme nzue n ngumi wo, ama, i wuuri wo, na i mbunja afite ago. Awiewie Casi ni di i daani a, dama Awiewie Casi n ti nahorefo o. ⁷ Deke nsan di i daani a. ⁸ Bu daani diiwa n ti kun wo. Bere la Awiewie Casi ni, ni kabo bu bieeri i Nyeme nzue ni, ni kabo i wuuri na i mbunja fite goori ni. ⁹ So ye Nyeme ni i tii adi i tiengu Wa n daani a. Ya de minem daani diiwa, nyini ti, i ti ye ni ka ya de Nyeme daani diiwa, dama i daani diiwa n la fanga tara minem dee. ¹⁰ Nyini ti, sono kere bo i yoori Nyeme Wa n yarada, i mi la daani difo, yiri la Awiewie Casi n bo i wo i ahore su ni, na sono kere bo wo yo ma i yarada ayi Nyeme korefo lee, dama wo yo ma daani n bo Nyeme adi i fa ko i Wa n su yarada. ¹¹ Nyeme daani diiwa n la ka o, wo ma ya ngoo n bo i la ma awieeri ni, nyini ngoo n wo i Wa n do o. ¹² Sono kere bo i ni Nyeme Wa n ayo kun, i mi la nyini ngoo ni, na sono kere bo i de ma Nyeme Wa ni, i la ma ngoo.

Ngoo bo i la ma awieeri n jore

¹³ M koro ka ambere bo am ayo Nyeme Wa n yarada n si ka am la ngoo bo i la ma awieeri ni, nyini dee ti ye ma kere ahin kadasi n ama am n a. ¹⁴ Ya la ahoresi ni Nyeme, ka, deke kere bo ya sereeri i, na i ti i dee koroowa, i de ya sere wo. ¹⁵ Ya si ka deke kere bo ya sereeri i, na i de ya sere, ya si ka wo yo i ama ya lee.

¹⁶ Nyini ti, nzen sonɔ ɲu ka i niwa be ayo satie be bo i kpaaki má i ni Nyeme afien fieo, i mi sére Nyeme ma yiri n bo wɔ yo satie ni, na Nyeme má i ɲɔɔ. Ama, satie be wo bere bo i kpaaki sonɔ ni Nyeme afien fieo, m suse má ka am sere Nyeme ma minem bo bu yo nyini satie n wɔ. ¹⁷ Sa kere bo minem yo i na i ti má kpa ti satie wɔ Nyeme dɔ, ama, satieyo nbem wo bere bo i kpaaki má sonɔ ni Nyeme afien fieo.

¹⁸ Ya si ka minem kere bo bu ti Nyeme nbaam koro suyo má satie, dama Nyeme Wa ni ɲminda i a, na Sitana koro yo má i mi pui. ¹⁹ Ya si ka durunya n nufɔm kere wo Sitana n saa nu wɔ, ama, yere ti Nyeme dɛem wɔ. ²⁰ Ye ya kaaki si ka Nyeme Wa n aba na wɔ ba ateke ya nyi wɔ, adena ya si yiri n bo i ti Nyeme nahɔre su ni. Ye ya wo ni Nyeme n bo i ti nahɔre n ni i wa Yesu Kristo ni. Yiri ti Nyeme nahɔre su n a, na i ma ɲɔɔ bo i la má awieeri n a.

²¹ Tɔ, m nbaam, am tara am ɲu, na má am su amɔem.

Kadasi nnyo su bo YOHANE akere i ni

¹ Mini bo m ti am kpien ni, sukere ahin jore n fa ma woro bara bo Nyeme ayi u, ni u nbaam n a. M koro am nahore su, ma mini ngumi koro am a, ama, bo bu si nahore atin n kere koro am wo, ² dama nahore n wo ya do o, na i ba wo ya do o, sangha kere bo i la ma awieeri.

³ Ya Si Nyeme, ni i Wa Yesu Kristo buka ya, na bu si ya anunfo, na bu ma ya ahoreda, na ya su nahore atin su ni koro.

Am koro am bengu na am si am nu sa ni dadakafom ni

⁴ Ma nu ka am nbaam nbem bita nahore n kabo ya Si Nyeme afa i noanie n ama ya ni, nyini dee ti, wo yo m fie agaya. ⁵ Kisa, bara, m susere am wo, ka am ma ya koro ya bengu. Ahin ti ma noanie maawa fofore ye m sukere ma am n a, ama, i ti noanie maawa kun n bo ya tiiri i sangha bo ya boori i bu suuri Yesu su n wo. ⁶ Koro n bo m sujoko i jore n la ka, ya wo kabo Nyeme noanie maawa n kere ni. Noanie maawa n bo am du mo tiiri i n la ka, am koro am bengu.

⁷ Dadakafom beberebe asandi abara aye durunya n nu, bu na Yesu Kristo akaaki ma adamande aba ma durunya n nu. Bere ti dadakafom wo, na bu ti Kristo kpofom. ⁸ Nyini ti, am si am nu sa, na ma deke n bo ya yi anyumboro afa akere am n ka ngbeen, ama, na am ba nya i kere nkato. ⁹ Sono kere bo i su ma Kristo dee kereewa n su, na i kere i dee kereewa ko sin nyini nu, Nyeme wo ma i mi do, ama, sono kere bo i su Kristo dee kereewa n su, ya Si Nyeme, ni i Wa n wo i mi n do lee. ¹⁰ Nyini ti, sono kere bo i baari am do, na i bita ma Kristo dee kereewa ni, ma am ma i mi wura am dika, ma am yo i anse ni ba mmoo. ¹¹ Dama woro kere bo a yoori nyinim be so anse, a jina i mi sin fa ko i satiem n bo i yo bu n su wo lee.

Awieeri su dee jore ni

¹² Ma m la jore beberebe bo ma m se am, ama, m koro ma ka m kere i kere wura ahin kadasi n nu, ama, m la tama ka m ba nie am busu, na ya nu ya nu, na ya bo anzama, bo ya ahore jo ni nahore su.

¹³ U niemabara n bo Nyeme ayi i ni i nbaam kere bo bu wo fen n bisa am kere dongu.

Kadasi nsan su bo YOHANE akere i ni

¹ Mini bo m ti u kpien ni, sukere ahin jore n fa ma woro m don Gayosi bo m koro u nahore su n a.

² M don koroowa, m nyemesere la ka, Nyeme ma u anuniembaa nu laifie, na u deke kere ko atin su nyunyumi, kabo u nyemesu ni sukɔ atin su ni.

³ Dama ya ninbaa nbem baari fen, na ba se m kabo a bita nahore ni, na wo yo m fie agaya. M si ka a su nahore atin n su wo. ⁴ Deke be wo ma bere bo i yo m fie agaya tara bo m ti kabo m nbaam su nahore atin n su ni.

Boro u nyi na a sude u ninbaa Kristo susufom wofɔ

⁵ M don koroowa, a bita nahore kabo a nati yo sakpa ma u ninbaam bo bu ba u do wofɔ ni, haari ni bo a si ma bu ni mmɔɔ. ⁶ Bere bo a buka bu ni, ba kan kabo a koro bu n akere Kristo jama n bo bu wo fen ni. Boro u nyi na a buka bu kabo Nyeme koro ni, na bu koro ko deke bo bu sukɔ ni.

⁷ Kristo dee ti, bu nati kan i noanie n kere minem wo, na bu koro ma pui minem n bo bu su ma Nyeme n do. ⁸ Nyini ti, yere bo ya ti Kristo susufom ni, wo yo daka ka ya buka bu ni jama n bo bu yo i ni. Nzen ya bukaari bu, nyini la ka, ya ni bere abo kun sukan Kristo noanie n bo i ti nahore n kere minem wo lee.

⁹ M yo kereeri jore be maari Kristo jama ni, ama, Diyoterefesi bo i koro ka i kere ka yiri ti mofɔ n atana su, wo bo ma jore be nu. ¹⁰ Nyini ti, nzen m baari, m yi i sayoowa fite fofoe nu, dama wo jɔjɔ jore ngbɛɛnngbɛɛn abu kore aso ya, ma nyini ngumi, wo kete ka i de ma Kristo minem wofɔ, na nzen nbem koro ka bu de minem wofɔ mmɔɔ, i soro ma su, na i koro ka i fon yi bere bo bu koro ka bu de wofom n fite Kristo jamam n nu ni.

¹¹ M don koroowa, ma a son satieyo su, ama, son sakpayo su. Sono kere bo i yo sakpa ti Nyeme dee wo, ama, sono kere bo i yo satie si ma Nyeme.

¹² Sono kere di daani kpa fa ko kabo Demetiroasi bita nahore n wo, na i woowa gusu kere ka i bita nahore wo. Yere mmɔɔ di i daani wo, ye a si ka kabo ya se n ti nahore wo.

Kasin dee anse yoowa ni

¹³ Ma m la jore beberebe bo ma m se u, ama, m koro ma ka m kere i kere wura kadasi n nu. ¹⁴ M la tama ka m ba nie u busu kisa, na ya nu ya nu, na ya bo anzama. ¹⁵ Nyeme ma u ahoreda. U danfom kere bo bu wo fen bisa u dongu. Woro gusu bisa ya danfom kere dongu ma ya.

Kadasi n bo JUDA akerε i ni

¹ Mini Juda bo m ti Yakobo niεma na m ti Yesu Kristo akɔɔ ni, sukere ahin kadasi n ma ambere kere bo ya Si Nyeme koro am na wɔ fere am, na Yesu Kristo bita am ni. ² Nyeme si am anunfo agaya, na i ma am ahoreda buka su, na i koro am kɔ sin su.

Kɔrefɔm bo bu yo bu ηu ka bu kere Nyeme nɔanie n dεε jɔre

³ M ninbaa koroowam, má m suboro m nyi wɔ, na m kere kadasi ma am fa kɔ tiide n bo m ni ambere kere anya i n su ni. Ama, wɔ yo daka ka m du mɔ kere am, na m sere am jande ka am boro am nyi tu ηgoni bita am yarada n kenken, nyini yarada ni, yiri ye Nyeme afa ama i minem kpekun n kpein n a. ⁴ Dama minem nbem awɔ awura am nu benle, nyini minem ni, bu soro má Nyeme, bu kaaki Nyeme ahɔroma n bo wɔ fa ama ya n wɔ, na bu su bu dεε konviki koroowa atin n su, na bu kete Kristo. Yiri ηgumi ti ya Tiidefo ni ya Mibiε a. Dawa dεε Nyeme nɔanie kanfɔm kerεeri bu jɔre, ka, Nyeme dí bu jɔre na i yo bu ηgbεen.

⁵ Haari ni bo am adu mɔ asi ahin jɔre n kere ni, m koro ka m tenge am su wɔ, fa kɔ kabo Micera n yo yiiri Yisarelifɔm fiteeri Ijipiti asien su ni, ama, kasin na wɔ ma bo ba yo má i yarada n kere aka ηgbεen. ⁶ Na Nyeme merεkem nbem bo bu keteeri ka bu wo má bu yiko woobiri ni, na bu yakiiri bu jinaabiri ni, bere ye Nyeme awura bu jɔrɔkɔ bo bu fite má nu kun, afa bu ase awosin liim nu n a, ka bu wó dɔ, haari fa kɔ ju jɔredi bambaka n cεen. ⁷ Sɔ ye Sodom ni Gomorafɔm, ni miεm bo bu bara ye bu n mmɔɔ yoori a, bu faari bu ηu wuraari sakaraya sereyam nu wɔ, na bu suyo konviki sam bo bu kɔ má atin su. Nyini dεε ti, na Nyeme acin bu sui, afa bu awura sin n bo i je sanɔa kere n nu. Nyeme yoori sɔ ɔ, na mine ηu i, na bu fa tu bu ηu fɔ.

⁸ Sɔ ye nyini minem nati cin alele ηgbεenηgbεen a, na bu suyo dangba sam, na bu kete Nyeme yiko ni, na bu kpie ηgɔfɔm nzukɔ, bere bo bu wo angoro na bu woowa la jirima ni. ⁹ Haari Mikali bo i ti Nyeme merεkem n kere tii ni mmɔɔ, wɔ yo abo má su ka i jaraki Sitana kpie i nzukɔ, sanɔa bo Moyisi wuuri na bu seeri akuruwa fa kɔ i ηuniembaa n busu ni. Ama, kabo i seeri i n la ka, “Nyeme bisa u.” ¹⁰ Ama, ahin minem ni, bere yiri, deke bo bu si má i ni, nyini ye bu kpie i nzukɔ a. Haari nzen bu ηa ba ti deke bu, bu sunsunni ti ka nenɔndɔrem dεε wɔ. Bu nyini sunsunni n bo bu bita i na i ti má kpa ni, nyini ma bu ka ηgbεen a. ¹¹ Keto, keto, bu ηú kekereke. Dama ba fa satie atin n bo Keen faari i ni, na ηwaa dεε ti, bu su Baalam dεε dadaka atin n su wɔ, na ba kete nahɔre atin kabo Kora yo keteeri ni. Nyini ti, kabo i kaari ηgbεen ni, bere gusu ka ηgbεen sɔ ɔ. ¹² Nzen am ba tien am nɔɔ sudi anɔɔse diire, bu sata am afien kabo fin ta sutura n wɔ, dama bu ni ambere sanɔa di a, na bu san má nya, bu koro ka bere ηgumi kunnu yi a, bu la má kperε be. Bu ti ka nzue bo i muna na anjuma fa i sin n wɔ. Na bu kaaki ti ka baka bo i su má suuwa bakam su sanɔa, na i wu kporɔ na i bu tɔ n wɔ. ¹³ Bu nyinse sam bo bu yo bu ni, bu ti kabo tieku nzue bo na i yasu fufuku n wɔ. Bu kaaki ti ka asarambaa bo bu jenɔbe bara ye n wɔ. Nyeme asese awosin liim su anminda bu ka bu kɔ wo dɔ sanɔa kere.

¹⁴ Sɔnɔ be bo bu fere i ka Henoki, na i tɔ ya na Adama su nso su ni, Nyeme yo faari i noanie n maari i wɔ, na wɔ yo ajojo nyini jɔre n ka, “Am ti fen, Micera ni suba ni i merkem akpii akpii buru, ¹⁵ na i bá di sɔnɔ kere jɔre, na i cín bu sui fa kɔ bu satiem bo ba yo bu n su, ni kabo bu jɔjɔri ngbɛɛnngbɛɛn na bu keteeri Nyeme ni. Bu ti satieyofɔm wɔ, nyini ti, ye bu keteeri Nyeme noanie n a.” ¹⁶ Nyini minem ni sɔ, bu nɔnɔti wɔ sanɔa kere, na bu sujaraki bu benɔ, na bu susu bu konvikiya sa ngbɛɛnngbɛɛn bo bu bita i n su, na bu sufɔ yanfoya, na bu subo minem anɔɔfie, adena bu nya bu dɛɛ sa koroowam.

Jɔre bɔbɔwam ni atin kereewam ni

¹⁷ Ama, amberɛ, m danfo kpam, wɔ yo daka ka am tenge su fa kɔ jɔre n bo ya Mibiɛ Yesu Kristo jaramasam yo seeri am ni. ¹⁸ Bu seeri am ka, “Sanɔa bo durunya n ba sukɔ awieeri su ni, mine nbem bá ba, na bu yó am anzasi, fa kɔ am yarada n su, na bu sú bu dɛɛ tienɔgu anuniɛmbaa sa koroowam n su bo bu kɔ má Nyeme atin su ni.” ¹⁹ Ahin minem sɔ, bu sutiti am nu wɔ lɛɛ, bu su adamande dɛɛ ngɔnlɛ su a, Nyeme Awiewie Casi n wo má bu dɔ. ²⁰ Ama, amberɛ, m danfo kpam, am boro am nyi na am ma am yarada casi n buka su, na am sere Nyeme, Awiewie Casi n dɛɛ yiko nu, ²¹ na am ma Nyeme dɛɛ koro n wo am dɔ. Na am nmindanda fa kɔ sanɔa bo ya Mibiɛ Yesu Kristo bá si am anunfo, na am nya ngɔɔ bo i la má awieeri ni. ²² Nbem wo am nu bo bu la sika bu sunsunni nu, am si bu anunfo, ²³ nbem gusu, am cin yi bu fite sin nu, na am de bu tii ji, na nyingam gusu, am si bu anunfo, ama, am si am nɔ sa haari na má am ma bu sutura fin mmɔɔ ta am.

Awieeri su dɛɛ nyemesere

²⁴⁻²⁵ Nyeme ngumi ti ya Tiidefo a, ya Mibiɛ Yesu Kristo dɛɛ ti. Yiri koro bita am na am kpaasi má a, yiri koro fa am ba jina i jirima bie n nyunu a, na am la má ngasi be na i ma am ahorejo a. Yiri ye i ti ye ni ka ya kansa i na ya wura i kpiri a, yiri ti yikofɔ a, yiri ti fangafɔ a, yiri yo woori bere a, yiri toko wo bere kisa ni sanɔa kere a. Ami.

SAYIKEREEWA bo Yesu yi kereeri YOHANE ni

¹ Ahin jore n ye Nyeme seeri Yesu Kristo ka i yi kere i akoom fa ko sam bo i ce ma na bu ba yo n a. Na Yesu asunma i merke i akoo Yohane do, na i ko se i jore ni. ² Jore n bo Nyeme ni Yesu Kristo yi kereeri Yohane na i nuuri i ni, nyini ye wo di i daani akere i n a.

³ Sono kere bo i kaanri ahin kadasi ni, terefi wo i do. Na minem kere bo bu tiiri i jore na bu deer i, terefi wo bu do, dama sang a n adodo bo nyini sam kere ba yo.

Kabo Yohane kereri kadasi yori Kristo jama n anse ni

⁴⁻⁵ Mini Yohane akere ahin kadasi n na m fa ma Kristo jama asese nso n bo bu wo Esiya awore n nu n a. Nyeme bo i wo bere, na i yo woori bere, na i ba wo bere sang a kere ni, ni i awiewie busu nsom n bo bu wo yiri Nyeme kpiri n nyunu ni ma am ahoreda, na am di bu ahoroma. Bekun, Yesu Kristo, yiri bo i di i daani na i la dabunu ni, na yiri ti bo i du mo tengeeri yiwee nu ni, na i kaaki ti durunya n nu nfemem kere tii ni, ma am ahoreda, na am di i ahoroma. Yiri koro ya, na wo fa i mbunja ade ya afite ya satie kere nu, ⁶ na wo yo ya i femeya n nu minem na ya yo i sayoowa donguyofom, na ya su i Si Nyeme. Yiri Yesu Kristo ni, yiri ti ye ni ka ya wura i kpiri a, i dee la yiko sang a kere. Ami.

⁷ Am nie, i fite angoro yinyingu n nu ba,
na sono kere nyumbaa ba nu i,
fa sang a ni minem bo bu wori i kpie n kere.
Yiri ti, durunya n nufom kere sun.

I ti so o. Ami.

⁸ Ya Mi Nyeme Feme Kpiri bo i wo bere ni, na i yo woori bere, na i ba wo bere sang a kere n ase ka, "Mini ti mofa a, na m kaaki ti kasinfo."

Kabo Yohane nuuri Kristo ka alele nu ni

⁹ Mini Yohane ti am niwa bo m ni amberere kere sang a di wahara ni mindi Yesu dee ti, na ya ti i femeya n nu minem ni. Nyeme noanie n bo ma kan i ni, ni Yesu daani n bo ma di i n dee ti, na ba fa m ako aji mie be bo i wo lui bambaka n bo i wo tieku n nu na bu fere i ka Patamosi n su. ¹⁰ Ya Mibie n dee ceen ni, na Nyeme Awiewie Casi n awura m nu, na ma ti akonvi bambaka be nga m sin, ka awie dee su. ¹¹ Na wo se m ka, "Kere deke n kere bo a nu i n wura kadasi n nu, na a fa ma Kristo jama asese nsom bo bu wo ahin mie kpirim n su ni, bere la Efeso, ni Samirina, ni Peregamon, ni Tiyatira, ni Saradisa, ni Filadelfiya, ni Lawodikaya."

¹² Na ma ce anie m sin ka m nu sono n bo i joro m do ni, m ce niere ni, na ma nu fitana takaabiri nsom bo bu ti sika ni. ¹³ Na ma nu be ka adamande wa ni, i wo bu afien, i wura tanlee tintiin yorom, na wo fa sika dambara abo i hoe su. ¹⁴ I tiingmie kere ti fofoe papasi ka gise wo, na i nyumbaa kere je ka sin fofoe. ¹⁵ Na i jaa gbagbaa kere boro ka jawii bo ba fa awura sin nu na wo boro sonsoen, na i konvi bo awie kabo nzue beberebe songi na i bo awie barasu ni. ¹⁶ I bita asarambaam nso i saa fomboro nu, na takobe nana afite i noo nu. I nyunu je kabo wie ba bi na i je n wo.

¹⁷ M nuuri i so ni, na ma kaba ada i jaa bu asienngu ka ma wu dee su wo, na wo fa i saa fomboro anana m nu, na wo se m ka, "Ma a soro sere. Mini ti deke kere bumboori ni i awieeri a. ¹⁸ Mini ti bo i wo bere sang a kere n a.

Niƛ fɛn. M yo wuuri wɔ, ama, kisa, ma tenge yiwee nu. M la ɛgɔɔ bo i la má awieeri. Mini bita yiwee ni Yiweefɔm Woobiri kadombaa a. ¹⁹ Nyini ti, kɛrɛ sam bo a ɲu bu ni, ni bo bu suyo kisa ni, ni bo bu bá yo ahin dɛɛ sin ni. ²⁰ Asarambaa nsom bo a ɲu bu m saa fɔmbɔrɔ n bu la ka, Kristo jama asɛsɛ nsom n mɛrɛkɛm. Na fitana takaabiri nsom bo bu ti sika ni gusu bu la ka, Kristo jama asɛsɛ nsom ni.”

2

Nɔɔniɛ n bo bu fa maari Kristo jama n bo i wo Efeso ni

¹ Na wɔ se m ka, “Kɛrɛ kadasi fa ma mɛrɛkɛ n bo i niɛ Kristo jama n bo i wo Efeso miɛ kpiri n nu ni, na a se bu ka, ‘Ahin nɔɔniɛ n fite mini bo m bita asarambaa nsom m saa fɔmbɔrɔ nu ni, na m kaaki nati fitana takaabiri nsom bo bu ti sika n afien n dɔ ɔ. ² M si am sayoowam, m si kabo am ayo am juma ni anyumbo barasu, ni kabo am la mindi barasu ni, na m si kabo am de má satieyofɔm ni. Na m kaaki si kabo am ayi kɔresi aɲu minɛm bo bu ɲa bu ti m jaramasam, ama, bu woowa kere ka bu ti má ɔ, na am aɲu ka bu ti kɔrɛfɔm ni. ³ Mini dɛɛ ti, am ayo sawɔrɛ amindi am wahara nu, am nya fie má, am toko su m su.

⁴ Ama, jɔrɛ kun bo m fa jaraki am la ka, kisa am koro má m kabo am yo koro m ni. ⁵ Nyini ti, am bu am tii nu fɔ na am si deke bo am akpaasi ni, na am kaaki am wo, na am yo sam bo am yoori bu bumboori ni. Nzen am akaaki má am wo, m bá cin yi am fitana takaabiri n deke bo i taka ni. ⁶ Ama, am sa kun bo i yo m fie n la kabo am koro má Nikolaitafɔm sayoowam ni, mini mmɔɔ koro má bu sayoowam ni.’

⁷ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛrɛ bo i di nasara, m má i atin na i di baka n bo i ma ɛgɔɔ n dɛɛ suuwa na i wo Nyɛmɛ dika n nu ni.”

Nɔɔniɛ n bo bu fa maari Kristo jama n bo i wo Samirina ni

⁸ Na wɔ se m ka, “Kɛrɛ kadasi fa ma mɛrɛkɛ n bo i niɛ Kristo jama n bo i wo Samirina miɛ kpiri n nu ni, na a se bu ka, ‘Ahin nɔɔniɛ n fite mini bo m ti deke kɛrɛ bumboori ni i awieeri ni, na m yo wuuri na ma tenge yiwee nu ni dɔ ɔ. ⁹ M si kabo am adi wahara agaya barasu, ni kabo am ti yaarifɔm ni, ama, am ti nengefɔm wɔ Nyɛmɛ dɔ. Na m si kabo minɛm kpiɛ am nzukɔ ni, bo bu yo bu ɲu ka bu ti Yudafɔm, ama, bu ti má Yudafɔm ɛgba, bu ti Sitana dɛɛ jama n wɔ. ¹⁰ Am dí wahara kisa, ama, má am soro sɛrɛ. Am ti fɛn, Sitana wúra am nbem saraka na i yó am na i níɛ na am ɲú kekereke leburu. Ama, am su m ni nahɔrɛ haari am bá wu, na m tó am ɲkatɔ, yiri la ɛgɔɔ bo i la má awieeri n a.’

¹¹ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛrɛ bo i di nasara ɲú má yiwee kpe nnyɔ su n kun.”

Nɔɔniɛ n bo bu fa maari Kristo jama n bo i wo Peregamon ni

¹² Na wɔ se m ka, “Kɛrɛ kadasi fa ma mɛrɛkɛ n bo i niɛ Kristo jama n bo i wo Peregamon miɛ kpiri n nu ni, na a se bu ka, ‘Ahin nɔɔniɛ n fite mini bo m la takobe nana n dɔ ɔ. ¹³ M si deke bo am woori ni, am woobiri n ti Sitana femɛya tanaabiri wɔ, ama, am toko su m ni nahɔrɛ wɔ, am ayaki má m yaradayo, haari ni sangɔ bo bu kuunri Antipasi bo i diiri m daani nahɔrɛ su am miɛ n nu, deke bo Sitana wo ni. ¹⁴ Ama, m la jɔrɛ nbem bo m fa jaraki am, am nbem bita Baalam kereewa atin n wɔ. Yiri yo

kereeri Feme Balaki, ye i maari Yisarelifom yoori satie diiri tie nie, na ba yo sakaraya. ¹⁵ Am nbem gusu ti so o, bu su Nikolaitafom dee atin kereewa n su wo. ¹⁶ Nyini ti, am kaaki am wo, ma nyini, m ba am do kisa, na m fa takobe n bo i wo m noo nu kun lue ni minem bo bu yo so ni.'

¹⁷ Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sono kere bo i di nasara, m ma i mi diire n bo bu fere i ka *mana* * ni, na i wo fiewa nu ni. Na m kaaki ma i mi yabue fofoe be, ba kere duma fofore su, be koro si ma duma n bo i wo su ni, ma ka yiri n bo i de i ni si i a."

Nɔaniɛ n bo bu fa maari Kristo jama n bo i wo Tiyatira ni

¹⁸ Na wo se m ka, "Kere kadasi fa ma mereke n bo i nie Kristo jama n bo i wo Tiyatira mie kpiri n nu ni, na a se bu ka, 'Ahin nɔaniɛ n fite mini Nyeme Wa n do o, mini bo m nyumbaa je ka sin fofoe, na m jaa gbagbaa kere boro ka jawii dee su ni. ¹⁹ M si am sayoowam, m si kabo am la koro barasu, ni kabo am su m ni nahore su ni, ni amusui bo am su i ni, na m kaaki si kabo am la mindi, na m si kabo kisa am boro am nyi tara bumboori ni.

²⁰ Ama, jore bo m fa jaraki am la ka, am amo am noo ye am nie Yezebeli, bara n bo i yo i nu ka i ti Nyeme nɔaniɛ kanfo ni. I kere m akoom wo na i daka bu, na bu suyo sakaraya, na i ma m minem di tie nie. ²¹ Ma se i ka i kaaki i wo na i yaki somaya ko ni, wo kete ka i kaaki ma. ²² Nyini ti, m ma i da tukpaki kekereke, na i ni minem bo bu yo sakaraya n di wahara agaya, nzen ba kaaki ma bu wo ayaki ma sam bo bu ni yiri yo bu ni. ²³ Na m kun i nbaam, na Kristo jama asese n kere si ka, mini fiiti si deke bo i wo sono kere ahore su, ni i sunsunni nu. Na m fa sono kere sayoowa to i kaari.

²⁴ Ama, ambere Tiyatirafom nbem bo am aka, na am su ma i kereewa atin n su ni, ambere asonsɔn ma deke bo nbem fere i ka Sitana asiri nu sa bambaka ni. M suse am wo lee, m so ma am soori nonoori buka ma su.

²⁵ Ama, atin bo am bita i ni, am bita i kenken haari sangga bo m ba kaaki ba.

²⁶⁻²⁸ Sono kere bo i di nasara na i yo m sa koroowa ko juuri awieeri, m ma i yiko kabo m Si ama m yiko ni, na i nie daanfie daanfie kere su. Na i bita bu kekereke kabo nanƙasi fa bulaari koroma tu bo i naanim barasu ni, na i fufu bu kabo bu fufu yakatise barasu ni. Na m ma i asaakojo.'

²⁹ Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni."

3

Nɔaniɛ n bo bu fa maari Kristo jama n bo i wo Saradisa ni

¹ Na wo se m ka, "Kere kadasi fa ma mereke n bo i nie Kristo jama n bo i wo Saradisa mie kpiri n nu ni, na a se bu ka, 'Ahin nɔaniɛ n fite mini bo m la Nyeme awiewie busu nso n na m bita asarambaam nso m saa nu do o. M si am sayoowam, am wo ka am la ngoo, ama, am ti fuinm wo. ² Nyini ti, am yasu na am bita deke n bo am toko la i n kenken, ma nyini, i wu wo. Dama ma nu ka am sayoowam n akpie su Nyeme do. ³ Am tenge su, kabo am yo tiiri Nyeme nɔaniɛ n na am deeri i ni, am kaaki am wo na am bita i, nzen am ayasu ma, am si ma sangga bo m ba ni, dama m ba fura am nu ka awiefɔ dee su wo.

⁴ Ama, m la mine nbem bo bu wo Saradisa Kristo jama n nu, bo ba saaki ma bu sutura ayo ma bu fin, bu sayoowam nu. Bere ba wura tanlee fofoe na m ni bere sangga nati a, dama bu ti ye ni so o. ⁵ Sono kere bo i di nasara,

i wúra nyini tanlɛ fofoe n be sɔ ɔ. Na m yí má i mi duma fite má ɲɔɔ kadasi n nu, ama, m bá jina m Si ni i merékem nyunu, na m sé bu ka i ti m dɛɛ sɔɔ ɔ.’ ⁶ Sɔɔ kéré bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔɔniɛ n bo bu fa maari Kristo jama n bo i wo Filadɛlɛfiya ni

⁷ Na wɔ se m ka, “Kéré kadasi fa ma meréke n bo i niɛ Kristo jama n bo i wo Filadɛlɛfiya miɛ kpiri n nu ni, na a se bu ka, ‘Ahin nɔɔniɛ n fite mini bo m ti casi na m ti nahɔrɛfɔ, na m bita Fɛmɛ Davidi kadombaa n bo i kere ka m la i dɛɛ yiko n be wɔ, na nzen m tekeeri anɔ, be koro tu má i, na nzen m tuuri i gusu, be koro teke má i. ⁸ M si am sayoowam, am niɛ, ma teke anɔ ama am bo be wo má béré bo i koro tu i. M si ka am la má fanga agaya, ama, haari ni nyini mmɔɔ, am fite má m sin, am toko bita m nɔɔniɛ n ni nahɔrɛ wɔ. ⁹ Am yaki bo bu su Sitana n na bu yo bu ɲu ka bu ti Yudafɔm ni, bu ti kɔrɛfɔm wɔ, bu ti má Yudafɔm ɲgba. M má bu ba kutu am nyunu na bu si ka m koro am. ¹⁰ Am ade m nɔɔniɛ ni, na am amindi n dɛɛ ti, m yí am fite kekereke n bo Nyemɛ bá fa yo durunya n nufɔm kéré na i niɛ ni.

¹¹ M cé má, m káaki ba kisa. Atin n bo am bita i ni, am bita i kenken na má be fin am ɲkatɔ ni. ¹² Sɔɔ kéré bo i di nasara, m fá i yo jantaraka Nyemɛ Sereebiri Awuru n nu na i wó nu dɔ saɲga kéré. Na m kéré Nyemɛ duma mata i, na m kéré Nyemɛ miɛ n duma, miɛ n bo i fite aɲgoro Nyemɛ dɔ na bu fere i ka Yerusalem fɔfɔrɛ, na m káaki kéré m duma fɔfɔrɛ n gusu mata i mi ɲu.’ ¹³ Sɔɔ kéré bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔɔniɛ n bo bu fa maari Kristo jama n bo i wo Lawodikaya ni

¹⁴ Na wɔ se m ka, “Kéré kadasi fa ma meréke n bo i niɛ Kristo jama n bo i wo Lawodikaya miɛ kpiri n nu ni, na a se bu ka, ‘Ahin nɔɔniɛ n fite mini bo m ti Ami na m la dabuɲu, na m di daani ni nahɔrɛ su n dɔ ɔ. Mini ni Nyemɛ du mɔ yo woori béré a, ye ya yiiri deke n kéré a. ¹⁵ M si am sayoowam, am ti má niniki, am kaaki ti má kekere, nzen má am ti niniki wara kekere, má m koro. ¹⁶ Ama, am ti bobɔrɔki n dɛɛ ti, m púuti am m nɔɔ nu butu. ¹⁷ Am ɲa am ti nenɲefɔm wɔ, deke be kpiɛ má am su, ama, am si má ka am la aɲunfɔ, na am si má ka am ti yaarifɔm, na am kaaki si má ka am ti anyinsinm, na am kaaki si má ka am nati am ɲuniɛ ɲgbɛɛn wɔ. ¹⁸ Nyini ti, m koro ka m tu am fɔ, na am bra m dɔ ba to sika kpa bo ba fa awura sin nu na wɔ fite casi ni, adena am yo nenɲefɔm nahɔrɛ su, na am ba to sutura fofoe m dɔ, na am fa kata am ɲu, na má mine ɲu ka am nati am ɲuniɛ ɲgbɛɛn na i la nyinɛ. Na am ba to anyumbaa ayiri m dɔ, na am fa wura am nyumbaa nu na am koro ɲu asi nyunyumi. ¹⁹ Bo m koro bu ni, béré ye m jaraki bu na m cin bu sui a, nyini ti, am boro am nyi na am kaaki am wo. ²⁰ Am ti fɛn, m jina sɔɔ anɔ n sin subobo, sɔɔ kéré bo i ti m konvi ɲga na i tekeeri anɔ ni, m bá wura i mi dɔ, na m ni yiri sáɲga di diire.

²¹ Sɔɔ kéré bo i di nasara, m má i atin na i bá tana m bi m femɛya biɛ n su, kabo ma di nasara na m ni m Si saɲga tana i femɛya biɛ n su ni.’

²² Sɔɔ kéré bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

4

Kabo bu su Nyemɛ i femɛya n nu barasu ni

¹ Nyini sin, na wɔ yo m ka alele dɛɛ su, na ma ŋu ka anɔ be ateke angoro. Na ma ti akonvi ŋga ka awie dɛɛ su sujɔɔ m dɔ, i ti akonvi n bo i du mɔ jɔjɔri m dɔ n wɔ. I ŋa, “Fun bra angoro fɛn, na m kɛrɛ u sam bo bu bá yo ahin sin.”

² Jina nu n bɛrɛ na Awiewie Casi n aba awura m ŋu na ma ŋu ka femɛya biɛ wo angoro, be tana su. ³ Bo i tana femɛya biɛ n su je piɛpiɛu kabo cɛncɛeri nbem je barasu wɔ, nbem je fofoe na nbem je kɔkɔrɛ, na i femɛya biɛ ni, deke be je piɛpiɛu angoro kabo nzue ba muna na ayi kpɛ nu ni. ⁴ Femɛya biɛ aburanyɔ ni nna nbem taka bara ye i femɛya biɛ ni, na nkpienkpienm aburanyɔ ni nna tana biem su, bu wura tanlɛɛ fofoem na bu butu sika kere. ⁵ Na femɛya biɛ ni sukɛsɛ ka nzue dɛɛ su, na i sutientien, na i suyo nanmie. Fitana nso taka femɛya biɛ n nyunu wo je su, bɛrɛ la Nyeme awiewie busu nsom ni. ⁶ Deke be gusu da femɛya biɛ n nyunu ka nzue bambaka dɛɛ su, i nyunu da cain ka niɛnu wɔ.

Deke ŋɔɔfɔ nna nbem gusu abara aye femɛya biɛ ni, bu la anyumbaa beberebe, bu nyunu ni bu sin n kere. ⁷ Ciciri su dɛɛ n ti ka jara a, nnyɔ su n ti ka toora, nsan su n nyunuawa ti ka adamande wɔ, na nna su n ti ka kajiri bo i sutu landi. ⁸ Bu kun kun kere la lanɔkɛtɛ nsen nsen wɔ, bu la anyumbaam bu ŋuniɛmbaa nu, ni bu ŋunie kere su. Na bu sudi jue kɔŋgɛ ni wiesu kere, ka,

“Casi, casi, casi la ya Mi Nyeme Feme Kpiri,

i yo woori bɛrɛ, na i toko wo bɛrɛ, na i bá wo bɛrɛ sanɔa kere ni.”

⁹ Nzen bu nya sudi jue na bu fa kansi, ni jirima, ni anse ma yiri n bo i tana femɛya biɛ n su ni, na i wo bɛrɛ sanɔa bo i la má awieeri ni, ¹⁰ nyini sanɔa, a ŋu ka nkpienkpienm aburanyɔ ni nna n sukutu i nyunu, na bu su i, yiri bo i wo bɛrɛ na i la má awieeri na i tana femɛya biɛ n su ni. Na bu yi bu kere, sufa se femɛya biɛ n nyunu, na bu sudi jue, ka,

¹¹ “Ya Micera ni ya Nyeme, wɔrɔ ti ye ni ka

a de kansi a, ni jirima, ni yiko.

Dama wɔrɔ yiiri deke n kere a,

u koroyanu ye a maari deke n kere la ŋɔɔ a.”

5

Kadasi n ni Bɔmbaa n jɔrɛ

¹ Na ma ŋu ka kadasi nyanyaawa be wo yiri n bo i tana femɛya biɛ n su n saa fɔmbɔrɔ n nu, kereɛwa wo i kunnu ni i sin kere su, ba fa wie mene amie amata i busu nso. ² Na ma ŋu Nyeme mereke fangafɔ be ka i subo ndoori fanga su ka, “Ŋma ti ye ni bo i koro cin ŋmanɔi wie mene n na i teke kadasi n a?”

³ Ama, angoro, ni asienɔu, ni bo bu wo asien bu, be awo má bɛrɛ bo i koro teke kadasi ni, na a ba kan ka i koro niɛ nu. ⁴ Be awo má bɛrɛ bo i ti ye ni bo i koro teke kadasi ni, na a ba kan ka i koro niɛ nu n dɛɛ ti, na ma sun ni nyunvuin ŋgba. ⁵ Na nkpienkpienm n nu kun, ase m ka, “Má a sun. Nie fɛn, Feme Davidi anuma kpiri ni, bo bu fere i ka Yudaɔm busu nu jara n adi nasara, i koro cin ŋmanɔi wie mene nso n na i teke kadasi ni.”

⁶ Na ma ŋu bɔmbaa be, i ti ka ba kpɛ i kɔm wɔ, i jina femɛya biɛ n afien. Deke ŋɔɔfɔ nnam, ni nkpienkpienm n abara aye i. I la mbie nso wɔ, i nyumbaa gusu ti nso wɔ. Bɛrɛ la Nyeme awiewie busu nsom bo wɔ sunma bu durunya n kere nu ni. ⁷ Na wɔ kɔ yiri n bo i tana femɛya biɛ n su n dɔ, na wɔ de kadasi n afite i saa fɔmbɔrɔ nu. ⁸ I kɔ deerɛ kadasi n ni, na

deke ɲɔɔɔɔ nnam, ni nkpienkpienm aburanyɔ ni nnam n akutu i nyunu. Bu kere la bieku, na bu kere bita sika ayaba bo wɔ yi ni ayiri kunkuunwa nvanvani ɲgumi wɔ. Ayiri kunkuunwa nvanvani n ti nyemesere bo Nyeme dɛɛ mine sere i wɔ. ⁹ Na ba di jue fɔfɔre ama yiri Bɔmbaa n ka,

“Wɔrɔ ti ye ni ka a de kadasi ni,
na a ɲmanɲi wie mɛnɛ n a,

dama wɔrɔ ye bu kpiɛeri u kɔm, ye a fa u mbunja ade minɛm tii aji a.

Adamande kere, ni daanfie kere, ni aniem kere,
ni asien barasu barasu kere bo bu wo durunya n nu ni,
bu nbem ayo Nyeme dɛɛ minɛm.

¹⁰ A fa bu ayo u femɛya n nu minɛm,
na bu yo u sayoowa dɔɲguyofɔm,
na bu nie durunya n kere su.”

¹¹ Na ma nie aɲu Nyeme merɛkem beberebe, akpii akpii buru nɔ, ka, ba bara aye femɛya bie ni, ni deke ɲɔɔɔɔ nnam, ni nkpienkpienm ni. Na ma ti ka ¹² ba ye bu konvi su sudi jue, ka,

“Bɔmbaa n bo bu yo kpiɛeri i kɔm ni,
yiri ti ye ni ka i de yiko a, ni nenɲe, ni alecira, ni fanɲa,
ni jirima, ni kpiri, ni kansa a.”

¹³ Na ma ti ka deke kere bo bu wo aɲgoro, ni asiɲgu, ni bo bu wo asien bu, ni bo bu wo nzue nu, ni deke kere bo Nyeme ayi bu, ka bu sudi jue, ka, “Yiri n bo i tana femɛya bie n su n ni Bɔmbaa ni,

berɛ ti ye ni ka bu de kansa a, ni jirima, ni kpiri, ni yiko,
saɲga kere saɲga.”

¹⁴ Na deke ɲɔɔɔɔ nnam n ase ka, “Ami.”

Na nkpienkpienm n akutu asu Nyeme ni Bɔmbaa ni.

6

Wie mɛnɛ bo bu fa mata kadasi n jɔre

¹ Na ma ɲu ka Bɔmbaa n aba acin aɲmanɲi wie mɛnɛ nso n bo bu fa mataari kadasi n nu kun. Na ma ti deke ɲɔɔɔɔ nnam n nu kun konvi ɲga, kabo nzue tientien barasu ni, ka, “Fite.”

² M nieeri na ma ɲu ka, kɔɲɲɔ fofoe lɛɛ. Bo i fun i n bita taa ni awie, na ba butu i femɛya kere, na wɔ kɔ ka luekunfɔ na i di nasara.

³ Na Bɔmbaa n acin aɲmanɲi wie mɛnɛ nnyɔ su ni, na ma ti ka deke ɲɔɔɔɔ nnyɔ su ni suse ka, “Fite.”

⁴ Na kɔɲɲɔ kɔkɔre afite, na ba ma i funfɔ n takobe tintiin, na ba ma i yiko ka i yi tanalaifie fite durunya n nu, na minɛm kun bu bengum.

⁵ Na Bɔmbaa n acin aɲmanɲi wie mɛnɛ nsan su ni, na ma ti ka deke ɲɔɔɔɔ nsan su n suse ka, “Fite.”

M nieeri na ma ɲu ka, kɔɲɲɔ biri lɛɛ. I funfɔ n bita deke bo bu bita sunsun diire ni i saa nu. ⁶ Na ma ti akonvi be ɲga deke ɲɔɔɔɔ nnam n nu, i ɲa, “Nɲani ayaba ɲgboroko kun ti jumayofɔ lekun ɲkatɔ ɔ. Na abuwe ayaba ɲgboroko nsan ti jumayofɔ lekun ɲkatɔ. Ama, má am saaki ɲguin ni nzan ni.”

⁷ Na Bɔmbaa n acin aɲmanɲi wie mɛnɛ nna su ni, na ma ti ka deke ɲɔɔɔɔ nna su n suse ka, “Fite.”

⁸ M nieeri na ma ɲu kɔɲɲɔ nzuin faa, i funfɔ n duma la Yiwee, na bo bu fere i ka Yiweefɔm Woobiri n gusu su i su. Na Nyeme ama bu durunya kpaaki nu nna buekun yiko ka bu fa lue, ni ahɔɛ, ni tukpaki, ni boro nenɲendɔre tiem, na bu kun bu.

⁹ Na Bɔmbaa n acin anmanɔgi wie mene nnu su ni, na ma ŋu minem awiewie Mikun yoowa yoobiri n bu, bere la minem bo bu yo kuunri bu fa ko bu Nyeme jore kaanwa, ni bu daani diiwa n dee ti. ¹⁰ Na bu sutien fanga su ka, “Ya Mi Nyeme Feme casi, nahorefo, ceen nzu ye a di minem bo bu yo kuunri ya n jore na a cin bu sui ma ya?”

¹¹ Na Nyeme awura bu kun kun kere sutura fofoe, na wo se bu ka, “Am yi am nuni kaan ka, na bu ba kun am benɔgu akoom, ni am benɔgu Kristofom kere ko wie ka, kabo bu yo kuunri am barasu ni, na m di bu jore.”

¹² Na ma ŋu ka Bɔmbaa n acin anmanɔgi wie mene nsen su ni, na asien akpisi fanga su, na wie akaaki biri didiki ka nambiri numaa, na sara n akaaki kokore ka mbunja dee su. ¹³ Na asarambaam afite angoro ati atoto kabo anuma ba kpisi damba baka na i poorim titi toto barasu ni. ¹⁴ Na angoro n kere anyanya kabo bu nyanya bie ni, na wo mini, na bukam, ni nzue nu lui bambakam kere ayasu bu tanaabiri. ¹⁵ Na durunya n nu nfemem, ni tereterefo, ni soja nkpienkpienm, ni nenɔgefom, ni nfangafom, ni akoom, ni sono kere ako afie yabue ngbingbirim buem nu, ni yabue bambakam bu, bukam su. ¹⁶ Na ba se ka, “Ma bukam bereki go ya ŋu, na ma yabue ngbingbirim kata ya ŋu, ma i ti ye, adena ma sono n bo i tana femeya bie n su n ŋu ya, na ma Bɔmbaa n gusu cin ya sui. ¹⁷ Dama ceen bo Nyeme ni Bɔmbaa ni cin sono kere sui n aju, ye nma koro jina bu nyunu a?”

7

Yisarelifom mine akpii yaa ni akpii aburana ni nna n jore

¹ Nyini sin na ma ŋu merkem nna, ka bu jina durunya n awore nna n kere nu na bu kanda anuma, na ma i kpie asien n su, ni tieku nu, wara i kpie go baka su. ² Na ma ŋu merke be ka i fite wie afiri, i bita deke be bo Nyeme bo i wo bere sangga kere n fa se i minem nyaari. Na wo tien fanga su ajojo merke nnam bo Nyeme ama bu yiko ka bu saaki asien n ni tieku n do, ³ na wo se bu ka, “Ma am se ka am saaki asien n ni tieku n ni bakam ni, ma ka ya ba ase Nyeme minem kere numaa su nyaari awie ka.”

⁴ Na wo kan minem bo ba se bu nyaari bu numaa su ni, na wo kere m bu no, bu kere ko yasuri mine akpii yaa ni akpii aburana ni nna a, bu fite Yisarelifom dee busu n kere nu wo.

⁵ Yuda dee busu nufom ti mine akpii buru ni akpii nnyo bo ba se bu nyaari, na Ruben dee busu nufom ti mine akpii buru ni akpii nnyo, na Gadi dee busu nufom ti mine akpii buru ni akpii nnyo. ⁶ Na Aseri dee busu nufom ti mine akpii buru ni akpii nnyo, na Nafatali dee busu nufom ti mine akpii buru ni akpii nnyo. ⁷ Na Simeyon dee busu nufom ti mine akpii buru ni akpii nnyo, na Levi dee busu nufom ti mine akpii buru ni akpii nnyo. Na Izaki dee busu nufom ti akpii buru ni akpii nnyo. ⁸ Na Zabulon dee busu nufom ti mine akpii buru ni akpii nnyo, na Yosefu dee busu nufom ti mine akpii buru ni akpii nnyo, na Benjamin dee busu nufom ti mine akpii buru ni akpii nnyo.

Jama beberebe bo ba nya tiide n jore

⁹ Nyini sin na ma ŋu jama beberebe, bu la ma no, bu fite durunya asien n kere su, ni adamande kere nu, ni durunya daanfie n kere nu, ni durunya aniem kere nu, ka, bu jina yiri n bo i tana femeya bie n su n ni Bɔmbaa n nyunu. Bu wura tanlee fofoe yorom, bu bita kpakpa nyawam bu saa nu.

¹⁰ Na ba bo afere fanga su ase ka,

“Nyeme bo i tana femeya bie n su n ni Bɔmbaa n ama ya nya ya tii a.”

¹¹ Na merékem n kere ajina abara aye femeya bie, ni nkpienkpienm, ni deke ngwofò nnam ni, na ba dada bu nyunu su asienḡu Nyeme bo i tana femeya bie n su n nyunu, na ba su i. ¹² Na bu suse ka,

“Ami. Kansi, ni kpiri, ni alecira,

ni anse, ni jirima,

ni yiko, ni fanḡa

ti ya Nyeme dɛɛ wɔ sanḡa kere sanḡa. Ami.”

¹³ Na nkpienkpienm n nu kun abisa m ka, “Nmam ye a ḡu ka bu wura tanlɛɛ fofoe yorom n a, ye bu fite ni wɔ?”

¹⁴ Na ma se i ka, “M mibie, wɔɔ si a, mini si má.” Na wɔ se m ka, “Bere ti minem bo ba fite anyumboro kekereke nu n a, bere ye ba ḡmisi bu sutura Bombaa ni mbunja n nu ayo bu fofoe n a.

¹⁵ Nyini dɛɛ ti, ye bu jina Nyeme Sereebiri Awuru n nu,

i femeya bie n nyunu ye bu su i kɔḡue ni wiesu n a,

na Nyeme bo i tana i femeya bie n su n wó bu dɔ na i yó bu kanda.

¹⁶ Ahɔɛ ni nzuehɔɛ tí má bu kun cɛn be,

wie bó má bu,

na i kekere gusu wúra má bu.

¹⁷ Dama Bombaa n bo i wo femeya bie n afien ni yó bu sasafɔ a,

na yiri fá bu kɔ bura nzue bo i tie

na i ma ngwɔ bo i la má awieeri n a.

Na Nyeme núnuka bu nyunvuin kere bu nyunu.”

8

Wie mene nso su n jɔɛ

¹ Sanḡa bo Bombaa n cin ḡmanḡiiri wie mene nso su n ni, na deke kere atɔ amuna anḡoro n nu, haari miti aburasan.

² Na ma ḡu merেকে nsom bo bu jina Nyeme nyunu ni, na ba fa awie fitaawa nso ama bu.

³ Na ma ḡu merেকে nyinga ka i bita sika ayaba, bo bu fa ayiri kunkuunwa nvanvani gɔ nu na bu kunkun i ni, na wɔ kɔ ajina Mikun n yoowa yoobiri n bi. Na ba ma i ayiri kunkuunwa nvanvani beberebe ka i fa buka Nyeme minem nyemesere su, na i fa kunkun Mikun yoowa yoobiri n bo bu fa sika mata su, na i wo femeya bie n nyunu ni. ⁴ Na ayiri kunkuunwa nvanvani n ḡmisini n ni Nyeme minem nyemesere n ayasu merেকে n saa nu afun akɔ Nyeme nyunu. ⁵ Na merেকে n ayi sin Mikun n yoowa yoobiri n su, na wɔ fa awura ayaba n nu, na wɔ yi, na wɔ fa atu asandi durunya n nu. Na nzue sukpara sutientien, na i sujeje, na i sukpekpese, na asien n akpisi.

Awie nso n bo bu kan i n jɔɛ

⁶ Na merেকে nsom n bo bu bita awie fitaawam n asese bu ḡu su ka bu kan awiem ni.

⁷ Na merেকে n bo i du mɔ n akan i dɛɛ awie ni. Na nzue yabue, ni sin, sanḡa ni mbunja atɔ durunya n nu, na sin aje durunya n kpaaki nu nsan buekun, ni bakam kere bo bu wo durunya n nu kpaaki nu nsan buekun, ni wura mone kere.

⁸ Na merেকে n bo i tɔ su nnyɔ su n akan i awie ni, na deke be, i ti ka buka bambaka wɔ, ye wɔ so sin su a, na ba fa i atu tieku n nu, na tieku n kpaaki nu nsan buekun akaaki mbunja. ⁹ Na deke ngwofɔm kere bo bu wo tieku n nu kpaaki nu nsan buekun awu, na lee bambakam bo bu wo tieku n nu kpaaki nu nsan buekun gusu asaaki.

¹⁰ Na merেকে n bo i tɔ su nsan su n akan i awie ni, na asarambaa bambaka bo i je sin ka wura sin afite angoro aba atɔ kunmam ni nzuetinm bo bu wo durunya n nu kpaaki nu nsan buekun nu. ¹¹ Asarambaa n duma la Wiwi, na nzue n bo i wo durunya n nu n kpaaki nu nsan akaaki wiwi, nzue n ti wiwi n dɛɛ ti, na minem dɔŋgu bo bu nuuri nyini nzue n awu.

¹² Na merেকে n bo i tɔ su nna su n akan i awie ni, na deke be aba atɔ wie, ni sara, ni asarambaam kere kpaaki nu nsan buekun su asaaki bu, na ba kaaki biri tuum. Wiesu ni kɔŋgue n kpaaki nu nsan buekun, ayo má wein.

¹³ Na ma nie, na ma ŋu ka kajiri be sulaandi tu angoro, na ma ti kabo i tien barasu ni, i ŋa, “Oi, keto, keto, keto wo sɔnɔ kere bo i wo durunya n nu n ŋu, kabo merেকে nsanm bo ba ka n koro ka bu kan bu awiem ni, na bu tiiri.”

9

¹ Na merেকে nnu su n akan i awie ni, na ma ŋu ka asarambaa be afite angoro n aba atɔ asiɛŋgu. Na ba ma i kadombaa ka i teke kunma n bo i kɔ ŋgɔŋgo na i la má awieeri ni. ² Na wɔ teke nyini kunma n ni. I tekeeri i ni, na ŋmisini afite kunma n nu, i ti ka sin bambaka tɔrɔɔwa ŋmisini wɔ. Na ŋmisini n bo i fite kunma n nu n ama wie ni angoro n kere asi biri didiki. ³ Na lalom afite ŋmisini n nu asandi ade asien n su, na Nyeme ama bu yiko, ka bundaanim dɛɛ su. ⁴ Na wɔ se bu ka má bu di wura ni diire mbaa wara bakam, ama, bu kan minem n bo bu la má Nyeme anyaari seewa bu ŋuma su ni. ⁵ Wɔ ma má bu yiko ka bu kun minem wɔ, ama, bu kere bu wahara sara nnu. Wahara ni ti kabo bundaani kan sɔnɔ na i yo ya n wɔ. ⁶ Nyini sanɔa ni, adamande sún kpini yiwee busu na bu wú, ama, bu nyá má i.

⁷ Lalom n ti ka kpɔŋgɔm bo ba cici bu ka bu kɔ lue dɛɛ su wɔ, deke be wo bu tii su, ka sika kere dɛɛ su, na bu nyunuawa ti ka adamande dɛɛ su. ⁸ Bu ndɔre ti tintiin kabo bara bo i la tiɛŋmie tintiin ti n wɔ, na bu jee ti ka jara dɛɛ. ⁹ Deke be kata bu hoe su pɛpɛrɛpɛ ka bulaari dɛɛ su, na bu lanɔkɔtem suyo nanmie kabo kpɔŋgɔm ni bu torokum n beberebe suŋmati kɔ lue na bu yo nanmie n wɔ. ¹⁰ Bu lɔ, bo bu fa kan n ti ka bundaani dɛɛ su wɔ. Bu la yiko bu lɔ n nu, bo bu fa kere mine wahara sara nnu. ¹¹ Bu feme n la merেকে n bo i nie kunma ŋgɔŋgo n bo i la má awieeri n su ni. Hiburu anie nu bu fere i ka, Abadon, ye Giriki anie nu bu fere i ka, Apolin, i bu la ka, saakifo.

¹² Tɔ. Ciciri su dɛɛ ahoresaaki n asin, nnyɔ wo sin suba.

¹³ Na merেকে nsen su n akan i awie n na ma ti akonvi be ŋga ka i fite Mikun yoowa yoobiri n bue nna n kere, ba fa sika amata su na i wo Nyeme nyunu ni. ¹⁴ Na akonvi n ajojɔ merেকে nsen su n bo i bita awie n dɔ, i ŋa, “Kɔ merেকে nnam bo bu wo kunma kpiri n bo bu fere i ka, Yufarati n dɔ, na a nyanɔi bu ji.”

¹⁵ Na wɔ nyanɔi merেকে nnam bo ba du mɔ akpa bu ŋu anminda nyini cɛɛn n gbingbin na bu kun mine bo bu wo durunya n nu kpaaki nu nsan buekun ni. ¹⁶ Na ma ti kabo bu sojam bo bu fun kpɔŋgɔ nɔ ti, bu nɔ ko yasuuri akpii akpii busu yaa nnyɔ ɔ.

¹⁷ Deke n bo i yo m ka alele ni, m ŋuuri kpɔŋgɔm, ni bo bu fun bu ni, ka bulaari pɛpɛrɛpɛ be kata bu hoe su, nbem boro kɔkɔre ka sin wɔ, na nbem ti biri ka bura nzue, na nbem ti ka ndere nzue, kpɔŋgɔm tii dika ti ka jara tii wɔ. Na sin, ni ŋmisini, ni ferewita sufite bu nɔɔ nu. ¹⁸ Ahin deke kekereke nsanm ni kuunri mine n bo bu wo durunya n nu kpaaki nu

nsan buekun n a, bere la sin, ni n̄misini, ni ferewita n bo i fite bu n̄o nu ni. ¹⁹ Dama kp̄nḡom n yiko kere wo bu n̄o, ni bu lom nu w̄o. Bu lom ti ka woom w̄o, bu la atiim, ye bu fa kere mine wahara a.

²⁰ Minem bo ahin wahara n akun má bu na bu kaari ni, ba kaaki má bu wo, ba yaki má am̄em su, ni dekem bo ba fa sikam, ni jetem, ni jawiim, ni yabuem, ni bakam ayo bu ka bu am̄em, nyini dekem koro n̄u má asi, na bu koro ti má asui, na bu koro nati má ni, ba yaki má bu su. ²¹ Ba kaaki má bu wo fa k̄o kabo bu kun minem ni, ni kabo bu di ayiri ni, ni kabo bu yo sakaraya ni, ni kabo bu w̄o awie ni.

10

Mereke ni kadasi kaan n j̄ore

¹ Na ma n̄u mereke fan̄gaf̄o be bekun ka i fite an̄goro sujura ba. Na yinyinḡu akata i n̄u ka tani d̄e su. Na ayi bo i kp̄ie an̄goro n abara aye i tii, i nyunu ti ka wie w̄o, na i jaam ti ka sin taferema. ² I bita kadasi kaan be i saa nu, i ti tekeewa a. Na w̄o fa i jaa f̄omb̄or̄o atien tieku n su, na w̄o fa i jaa bie atien asien n su. ³ Na w̄o tien fan̄ga su kabo jara n̄uundi ni, na nzue tīenwa nso n abo i nu. ⁴ Nzue n tīenri kpe nso ni, má m n̄a m kere w̄o, na ma ti akonvi be n̄ga an̄goro. I n̄a, “Má a kere j̄oj̄owa n bo nzue tīenwa nso n ase ni. Má a kan kere be.”

⁵ Na mereke n bo m n̄uuri i ka i jina tieku n ni asien n su, n aye i saa f̄omb̄or̄o su akere an̄goro, ⁶ na w̄o tan Nyeme bo i la n̄ḡo na i wo bere san̄ga kere ni, yiri bo i yiiri an̄goro, ni asien, ni tieku, ni deke kere bo bu wo nu ni, na w̄o se ka, “Nyeme n̄minda má kun. ⁷ Ama, san̄ga n bo mereke nso su n ba sukan i awie n ye Nyeme asiri nu j̄ore ni yó yiiwa, kabo i yo seeri i ak̄om bo bu ti i n̄oan̄ie kanf̄om ni.”

⁸ Na akonvi n bo i j̄oj̄ori m d̄o an̄goro n nu n aj̄o m d̄o bekun, i n̄a, “K̄o de kadasi kaan n bo w̄o teke na i wo mereke n bo i jina tieku n ni asien n su n saa nu.”

⁹ Na ma k̄o mereke n d̄o, na ma se i ka, “Fa kadasi kaan n ma m.” Na w̄o se m ka, “De na a kp̄ese i, i yó u n̄o nu mamari ka wie w̄o, ama, i to u kunnu, i yó wiwi w̄o.”

¹⁰ Na ma de kadasi kaan n mereke n d̄o, na ma kp̄ese i. I ti mamari m n̄o nu ka wie w̄o, m miiri na w̄o yo wiwi m kunnu. ¹¹ Na w̄o se m ka, “Kaaki j̄o sam bo Nyeme ase ka bu bá tu mine barasu d̄nḡu, ni daanf̄ie barasu d̄nḡu, ni nf̄emem d̄nḡu.”

11

Daanidif̄o nnyom j̄ore

¹ Na ba fa deke be bo bu bita sunsun ama m, i ti ka kpama a, na ba se m ka, “K̄o sunsun Nyeme Sereebiri Awuru n ni Mikun n yoowa yoobiri ni, na a kan minem bo bu wo nu d̄o su Nyeme ni. ² Ama, má a sunsun aw̄ore n bo i bara yeeri Nyeme Sereebiri Awuru n kere na ba ta kobe abara aye i n buka su, dama ba fa nyini fofoe n ama minem bo bu su má Nyeme ni, na bu náti saaki Nyeme mīe casi ni, sara aburana ni nnyo afien. ³ M s̄nma m daanidif̄o nnyom ni, na bu fá b̄ot̄o kara ka tani d̄e su, bo i kere ka bu wo ahoresaaki nu, na bu kán m n̄oan̄ie n kere minem, nyini c̄een akpii kun ni yaa nnyo ni aburasen n nu.”

⁴ Daanidif̄o nnyom ni, bere la n̄guinmbaa baka nnyom, ni fitana takaabiri nnyom bo bu jina Nyeme bo i d̄e la asien nyunu ni. ⁵ S̄on̄o kere bo i koro ka i yo bu sa be, sin fite bu n̄o nu ba yara bu kp̄of̄om. Nyini ti, nzen be

ɲa i yo bu sa be, kabo i ti ye ni ka i wu læ. ⁶ Bu la yiko bo bu koro kanda nzue angoro na má nzue tɔ, sanɲa bo bu wo Nyeme noanie n kan su ni, na bu la yiko bo bu koro ma nzuem kaaki mbunja, na bu kaaki la yiko bo bu koro ma alɔɔba tɔ durunya n nu, sanɲa kere bo bu koro.

⁷ Nzen bu ba diiri bu daani kaanri Nyeme jɔre n wieeri, na boro nenɲe-ndɔre n bo i fite kunma n bo i kɔ ɲɔɲɔ na i la má awieeri ni kún lue ni bere, na i kúnma bu, na i kún bu. ⁸ Na bu fuin ká da mie bambaka n atin afien. Nyini mie n nufɔm sayoowa ti tie wɔ, nyini ti ye bu fa bu sunsun Sodomfɔm wara Ijipitifɔm n a. Nyini mie n nu ye minem kpamaari bu Mibie baka jaanu n su n a. ⁹ Bu fuin ni ká da bere lesan ni wie sin, na minem, ni daanfem, ni aniem, ni asienm kere bo bu wo durunya n nu, bu nu nbem sín na bu nie bu, na bu dú má su na be se bu. ¹⁰ Bu yiwee n dɛɛ ti, durunya n nufɔm síri taari, na bu gó agɔre, na bu cé bu benɲum aceerim, dama nyini Nyeme noanie kanfɔ nnyɔm bo ba wu n akere bu kere wuwuruwa.

¹¹ Lesan ni wie sin n dɛɛ sin, na Nyeme ayi i ɲumi bo i ma ɲɔɔ n ago bu ɲu, na ba yasu ajina, na sere ati sɔɔ kere bo bu ɲuuri bu ni. ¹² Na bere Nyeme noanie kanfɔ nnyɔm n ati akonvi bambaka be ka i jɔjɔ angoro nu, i ɲa, “Am fun bra angoro fen.” Na ba wura yinyingɲu n nu akɔ angoro, bu kpɔfɔm jina sunie bu. ¹³ Jina n nu bere na asien akpisi fanɲa su, na mie bambaka n kpaaki nu buru buekun afufu, na wɔ kun mine akpii nso, na sere ati minem bo bu kaari ni, na bu sukansi Nyeme bo i wo angoro ni.

¹⁴ Tɔ. Na nnyɔ su dɛɛ ahoresaaki n gusu asin, bo i tɔ su nsan su ni suba kisa.

Awie nso su n jɔre

¹⁵ Na mereke nso su n akan i awie ni, na akonvim atien fanɲa su angoro n nu, bu ɲa,

“Durunya n nu femeya kere fanɲa ti ya Micera
ni Kristo Tiidefɔ n dɛɛ wɔ.
I dɛɛ femeya ni wó bere sanɲa kere a.”

¹⁶ Na nkpienkpien aburanyɔ ni nnam n bo bu tana bu femeya biem su Nyeme nyunu n ada bu nyunu su asienɲu na bu subo tuntun Nyeme. ¹⁷ Bu ɲa,

“Ya Mi Nyeme Kpiri bo a la má anusu ni,
wɔɔ bo a wo bere na a yo woori bere ni,
ya da u asi, dama a de u yiko bambaka n
ye a sunie durunya n kere su a.

¹⁸ Durunya n nufɔm kere afa yaa,
ye sanɲa aju bo u gusu ahore ayasu,
na a dí minem bo ba wu n jɔre.

Na sanɲa n akaaki aju bo a tó u akɔɔm ɲkatɔ,
bere bo bu ti Nyeme noanie kanfɔm ni,
ni u minem kere bo bu su u ni,
nfanɲafɔm ni tarakam kere.

Ye sanɲa n akaaki aju bo a sáaki bere n bo bu saaki durunya ni.”

¹⁹ Na Nyeme Sereebiri Awuru n bo i wo angoro n ateke, na ma ɲu Nyeme alaka n bo i kereeri ka wɔ fa sɛsɛ su adi i di n ka i wo dɔ, na nzue sukpeɛ na i sutientien, na i suyo nanmie, na asien sukpisi, na nzue yabuɛ ɲɲingbiri sutɔtɔ.

12

Bara ni Sitana n dɛɛ jɔre

¹ Na alekutura sa be ayo angoro dɔ. Bara be awo dɔ, wɔ fa wiɛ akara ka tani dɛɛ su, na sara gusu awo i jaa bu, asarambaa buru ni nnyɔ butu i tii ka femeya kere dɛɛ su. ² I bita akunnu, na baawu yaari afa i na i subo awie.

³ Na alekutura sa be gusu ayo angoro dɔ, m ŋuuri woo tie kɔkɔre bambaka be, i tii ti nso wɔ, na i la mbiɛ buru, femeya kere nso butu atii nso kun kun n kere su. ⁴ Na wɔ fa i lɔ abaandi asarambaam kpaaki nu nsan buekun aji asiɛngu. Na wɔ ba ajina bara n nyunu, adena i wuuri baa n na i kaba fa baa n mi. ⁵ Na bara n awu baabiesɔ, bo i bá niɛ daanfie daanfiam kere su, na i bíta bu kekereke kabo nanƙasi fa bulaari kɔroma tu bo i naanim barasu ni. Na ba fa baa n akɔ yiri Nyemɛ ni, i femeya tanaabiri n dɔ. ⁶ Na bara n anmati akɔ boro kpantain awɔre be nu, bo Nyemɛ asese i su ama i na bu suniɛ i dika haari kɔ ju cɛen akpii kun ni yaa nnyɔ ni aburasen.

⁷ Tɔ, na Nyemɛ mereke Mikali ni i jamam, ni woo tie ni i dɛɛ jamam sukun lue ni bu benƙu angoro. ⁸⁻⁹ Ama, na Mikali ni i dɛɛ jamam n akunma woo tie n ni i dɛɛ jamam ni, na ba fɔn bu afite angoro, ba nya má woobiri dɔ kun. Na ba fa woo tie bambaka n ni i dɛɛ jamam n kere aji asiɛngu. Yiri ti dada dɛɛ woo tie n a, yiri la Sitana, bu kaaki fere i ka Dadakafo, yiri dadaka durunya n nufɔm kere n a.

¹⁰ Na ma ti akonvi bambaka be ŋga ka i sutien faŋga su angoro. I ŋa, “Kisa, ya ŋu kabo ya Nyemɛ n la faŋga na i de i minem tii ji, na i di i femeya ni.

Kisa, ye Kristo Tiidefo n akere i yiko a,
dama ba fɔn ayi Sitana angoro aji durunya n nu fɛn,
yiri bo i ti saakifo na i jina Nyemɛ nyunu
na i jaraki ya ninbaam kɔngue ni wiesu ni.

¹¹ Bɔmbaa n dɛɛ mbunja, ni bu daani diiwa
ye bu fa kunmaari i a,

ba soro má bu yiwee,
bu soroori su wɔ, ka bu wu.

¹² Nyini ti, angoro ni amberɛ kere
bo am wo angoro ni,

am ma am ahore jɔ,
dama Sitana la má am faŋga kun.

Ama, ahoresaaki bá tɔ asien n ni tieku n su,
dama Sitana ajura am dɔ.

Yaa ti i agaya,
dama i si ka i saŋga sunnu má kun.”

¹³ Saŋga bo woo tie n ŋu ka ba yi i angoro aji asiɛngu ni, na wɔ nya ŋmati afɔn bara n bo i wuuri baabiesɔ n ka i tara i. ¹⁴ Ama, na Nyemɛ ama bara n kajiri bambaka lanƙpetɛ nnyɔ, adena i tu kɔ boro kpantain n awɔre n bo wɔ sese su ama i ni, na i niɛ i dika afɔ nsan ni kpaaki nu, na má woo tie n tu i. ¹⁵ Na woo tie n apuuti nzue afite i nɔɔ nu ka wɔmbu nzue dɛɛ su, na má i sɔ bara n kɔ. ¹⁶ Ama, na asien n ade bara n aji, i kpaaki nu nnyɔ ɔ, na nzue n bo i songi fiteeri woo tie n nɔɔ nu n awura asien bu, nyini ti, nzue n atu má bara ni. ¹⁷ Woo tie n atu má bara n dɛɛ ti, na yaa ati i agaya, na wɔ kaaki ka i kɔ kun lue ni bara n busu nufɔm, bo ba de Nyemɛ noaniɛ maawam n na bu di daani ni Yesu labari kpa n ni.

¹⁸ Na woo tie n akɔ ajina tieku n nɔɔ su.

13

Boro nenɓendɔre nnyɔm jɔre

¹ Na ma ŋu boro nenɓendɔre be ka i sufite tieku n nu, i la atii nso wɔ, na i mbiɛ ti buru, mbiɛ n kere butu femɛya kere, ye duma kerɛɛwa be bo i kpiɛ Nyemɛ nzuko n wo atii kun kun n kere su. ² Boro nenɓendɔre n bo m ŋuuri i n ti ka awɔba a, ama, i jaa ti bambaka, na i la fanɓa, na i nɔɔ ti ka jara dɛɛ. Woo tie n afa i dɛɛ yiko, ni i femɛya, ni i fanɓa afa ama i. ³ Na ma ŋu ka ba kpiɛ boro nenɓendɔre n kun tii, i ti ka ba kpiɛ i kɔm wɔ, ama, kani n awie, na wɔ yo durunya n nufɔm kere alekutura na bu susu i su. ⁴ Na bu kere sukutu na bu su woo tie ni, dama wɔ fa i yiko ama boro nenɓendɔre ni, na bu sukutu na bu su boro nenɓendɔre n gusu, na bu suse ka, “Ŋma ti ka boro nenɓendɔre n a? Ŋma ni yiri koro kun lue na i kunma i a?”

⁵ Na ba ma boro nenɓendɔre n atin ka i jɔɔ kpiri koroya jɔɔɔri, na i jɔɔ wura Nyemɛ ŋgasi nu, na ba ma i atin ka i la yiko haari sara aburana ni nnyɔ. ⁶ Na i jɔɔ sukpiɛ Nyemɛ nzuko, na i susaaki i duma ni i dika ni, ni bo bu wo Nyemɛ dika n nu angoro n kere. ⁷ Na wɔ nya yiko ka i kun lue ni Nyemɛ minem na i kunma bu, na wɔ kaaki anya yiko na i nie adamande kere, ni daanfie kere, ni aniem kere, ni asien barasu kere bo bu wo durunya n nu. ⁸ Minem kere bo bu wo durunya n nu ni su i wɔ, má ka minem n bo ba du mɔ akere bu duma ago ŋɔɔ kadasi n nu, na durunya n boori i bu ni. Kadasi n ti Bɔmbaa n bo ba kpiɛ i kɔm n dɛɛ wɔ.

⁹ Sɔnɔ kere bo i koro ka i ti ahin jɔre n bu, i ti ye ni ka i mi so i sui na i ti.

¹⁰ “Sɔnɔ kere bo Nyemɛ ase ka bu wura i dansaraka,
bu wúra i wɔ,

na sɔnɔ kere bo Nyemɛ ase ka bu kun i ni takobe,
bu kún i wɔ.”

Nyini dɛɛ ti, i ti ye ni ka Nyemɛ minem fa sawɔre ni mindi ni yarada na bu fa su Nyemɛ.

¹¹ Na ma ŋu boro nenɓendɔre n be bekun ka i fite asien n nu, i la mbiɛm nnyɔ, bu ti kabo Bɔmbaa dɛɛ ti n wɔ, ama, i jɔɔ kabo woo tie n jɔɔ n wɔ.

¹² I jina bumboori dɛɛ boro nenɓendɔre n jinaabiri wɔ, na i la i yiko n kere, na i sumie durunya n nufɔm kere ka bu su bumboori dɛɛ boro nenɓendɔre bo ba kpiɛ i tii ni, i ti ka ba kpiɛ i kɔm wɔ, ama, kani n awie. ¹³ Na boro nenɓendɔre nnyɔ su n ayo alekutura sam beberebe, na i ma sin fiteeri angoro ba tɔri asienɓu wɔ, na minem anu i. ¹⁴ Alekutura sam n bo i nya yiko yoori bu bumboori dɛɛ boro nenɓendɔre n nyunu n dɛɛ ti, na wɔ dadaka durunya n nufɔm. Na wɔ se bu ka bu ta amɔɛ na i ferema ni boro nenɓendɔre n bo bu faari takobe fɔndɔri i ni, ama, i toko la ŋɔɔ. ¹⁵ Na boro nenɓendɔre nnyɔ su n anya atin, na wɔ ma amɔɛ ŋumi, na wɔ nya ŋɔɔ na i koro jɔɔ na i koro kun minem kere bo ba kete ka bu su má i ni. ¹⁶ Na i sumie mine barasu kere, nfanɓafɔm ni tarakam, nenɓefɔm ni yaarifɔm, minem bo ba de bu tii, ni akɔm, na wɔ ma ba se bu nyaari bu saa fɔmbɔɔ wara bu ŋuma su. ¹⁷ Sɔnɔ kere bo i la má nyini nyaari seewa n be, koro tɔ má deke be na i kaaki koro to má deke be gusu, dama nyini nyaari seewa n ti boro nenɓendɔre n duma, wara i duma lamba.

¹⁸ Sɔnɔ koro si má boro nenɓendɔre lamba n bu, má ka i mi la alecira, i ti adamande duma a. I lamba n ti yaa nsen ni aburasen ni nsen wɔ.

14

Bombaa n ni minem bo wo de bu tii aji n jore

¹ Na ma nie anu Bombaa n ka i jina Siyon Buka n su. Mine akpii yaa ni akpii aburana ni nnam wo i do. Bere ye ba kere Bombaa n ni i Si Nyeme duma ago bu numa su n a. ² Na ma ti ka mine nbem sudi jue angoro, i yo nanmie kabo nzue songi na i yo nanmie n wo, na i yo kabo nzue tientien na i yo nanmie ni, na i sun kabo bu bo bieku na i sun barasu ni. ³ Na mine akpii yaa ni akpii aburana ni nnam n jina femeya bie n nyunu, ni nenge ngwofonnam ni, ni nkpienkpienm n nyunu, na bu sudi jue fofore. Be wo ma bere bo i koro sonson i, ma ka bere ngumi bo Nyeme ade bu afite durunya n nufom n nu ni. ⁴ Bere la minem n bo bu ni bara be ada ma, na bu ti casi ni. Bere la bo deke kere bo Bombaa n ko na bu su i su ni. Bere ye Nyeme ade bu tii aji afite durunya n nufom nu n a, na ba yo i ni Bombaa n dee ciciri su minem. ⁵ Kore be mmoo wo ma bu noo nu. Na bu kaaki la ma ngasi be.

Mereke nsanm jore

⁶ Na ma nu mereke be bekun ka i wo tu su angoro, na i sukan labari kpa n bo i la ma awieeri n jore kere adamande kere, ni daanfie kere, ni aniem kere, ni asien barasu kere bo bu wo durunya n nu ni. ⁷ Na mereke n aye i konvi su atien fanga su agaya ase ka, "Am soro Nyeme na am wura i kpiri, dama sangga n aju bo i di minem jore. Am su Nyeme bo i yiiri angoro ni asien, ni tieku ni nzue ni."

⁸ Na mereke nnyo su n afite asu ciciri dee n su, na i suse ka, "Wo kpaasi, Babilon mie kpiri n akpaasi, yiri bo i maari durunya n nufom kere nuuri i nzan n na bu yoori sa ngbennngbeen ni."

⁹ Na mereke nsan su n afite ago ciciri deem su. Na i sujoko fanga su suse ka, "Sono kere bo i suuri boro nengendore n ni i amoe ni, na wo se bu numa su wara bu saa fomboro su n nyaari, ¹⁰ Nyeme fa yaa bu nu, na i cin bu sui agaya, na i ma sin ni ferewita to bu nu na bu di wahara agaya, i mereke casim n ni Bombaa n nyunu. ¹¹ Na nmisini sufite nyini sin n bo i kere bu wahara n nu ko angoro sangga kere, i la ma awieeri. Minem kere bo bu suuri boro nengendore n ni i amoe n na wo se bu nyaari ni, bu nya ma nuniyi, kongue ni wiesu kere."

¹² Nyini ti, i ti ye ni ka Nyeme minem la mindi, bere bo bu de i noanie maawam ni, na bu bita bu yarada n kenken fa ko Yesu do ni.

¹³ Na ma ti ka akonvi be sujoko angoro suse m ka m kere ka, "Terefie wo minem n bo bu suuri Mibie n na bu wuuri n do fite kisa fa ko."

Na Nyeme Awiewie Casi n asoro su ka, "I ti nahore wo, bo ba wu ni, bu yi bu numi, bu nkato ye bu sudi i n a, dama bu sakpayo su bu su a."

Kabo Nyeme di durunya n nufom kere jore ni

¹⁴ Na ma nie anu yinyingu fofoe be angoro n su, be tana su, i ferema ni adamande wo, i butu sika femeya kere, i bita goroku nana i saa nu. ¹⁵ Na Nyeme mereke n be bekun afite Nyeme Sereebiri Awuru bo i wo angoro n nu, na i sutien fanga su suse yiri n bo i tana yinyingu n su ka, "Durunya n nu alembaa n abi, fa u goroku n fa wura nu na a kpie i, dama sangga n a ju." ¹⁶ Na yiri n bo i tana yinyingu n su n afa i goroku n ada awura durunya n nu na wo kpie alembaa ni.

¹⁷ Na mereke n be bekun afite Nyeme Sereebiri Awuru bo i wo angoro n nu, i gusu bita goroku nana be.

¹⁸ Na merেকে n be bekun bo i nie sin su afite Mikun yoowa yoobiri n dika, na wo tien fanğa su ase nyini merেকে n bo i bita goro n ka, “Fa u goro n fa kpie durunya n nu baka suuwam go, dama baka suuwa n aboro.”

¹⁹ Na merেকে n afa i goro n ada awura durunya n nu akpie baka suuwam n kere atien bu no ago kunma bambaka n bo bu miemie yiiri baka suuwa nzue n nu ni. Nyini kere kabo Nyeme ahorembaa ayasu na i cin minem sui. ²⁰ Na ba tientien baka suuwa n su, kunma bambaka n bo i wo mie n aheme n nu, na mbunja asongi afite kunma n nu. Nzen kpongo wura nu, na i ko se ka wo dodo ngongo dika, i tii nyaari ngumi ko ka. I tintiin gusu waari agaya.

15

Merেকem bo bu bita awieeri su kekereke ayaba nsom jore

¹ Na ma nu alekutura sa bambaka be angoro, ka Nyeme merেকে nso nbem bita kekereke barasu nso n bo bu ti awieeri su dee ni. Nyini kekereke n dee sin, Nyeme fa ma yaa kun.

² Na ma nu deke be, i ti ka nzue bambaka a, i je ka nieenu wo, wo sanğa ni sin. Na ma nu minem bo ba kunma boro nengendore n ni, ba ko ayaki i ni i amoe n ni i duma lamba. Bu jina tieku n bo i je ka nieenu n su, bu bita biekum n bo Nyeme afa ama bu ni. ³ Na ba di Nyeme akoo Moyisi ni Bombaa n dee jue, ka,

“Ya Mi Nyeme Feme Kpiri,
woro ti adamande kere feme durunya n nu a.
U sayoowa ti bambaka na i ti alekutura.
U sayoowa kere ko atin su wo, na i ti nahore.

⁴ Micera, nma wo bere bo i soro ma u a,
na i wura ma u kpiri a?

Dama woro ngumi ti casi a.
Adamande kere bo bu wo durunya n nu,
bu ba kutu u na bu kansu u,
dama u nahore sam n afite fofoe nu.”

⁵ Nyini sin, na ma nu Casi Kere Casi So n bo i wo Nyeme Sereebiri Nambue n nu, na i wo angoro n ka bu suteke i. ⁶ Na merেকে nsom n bo bu bita kekereke nsom n afite Nyeme Sereebiri Awuru n nu, bu wura sutura fofoe papasi, ba fa sika dambara abo bu hoe su. ⁷ Na deke ngoofo nnam nu kun, afa sika ayabam n nso afa ama Nyeme merেকে nsom n ni. Ayabam n ayi ni Nyeme ahorembaa yasu, bo i kere ka Nyeme bo i la ngoo na i la ma awieeri n afa yaa agaya. ⁸ Na Nyeme yiko ni i jirima woowa n ama Nyeme Sereebiri Awuru n ayi ni nmisini, bo be akoro awura ma awuru n nu, fa ko ju sanğa bo merেকে nsom fa kekereke nsom n fa jiiri durunya n nu n ko wieeri.

16

Ayabam bo bu kere ka Nyeme afa yaa n jore

¹ Na ma ti akonvi bambaka be nğa Nyeme Sereebiri Awuru n nu, i sujjo merেকে nsom do, i na, “Am ko na am ko kaaki Nyeme ahore yasu ayaba nsom n go durunya n nu.”

² Na merেকে ciciri su n ako akaaki i ayaba n ago durunya n nu, na kani tiem, bo bu yo ya agaya, akpie minem bo bu la boro nengendore n nyaari seewa n na bu su i amoe n ni.

³ Na merেকে nnyo su n akaaki i ayaba n ago tieku nzue n nu, na tieku nzue n akaaki ka sono bo wo wu mbunja. Na deke ngoofo kere bo bu wo tieku n nu awu.

⁴ Na merেকে nsan su n akaaki i ayaba n ago kunmam nzue ni buram nzue nu, na i kere akaaki mbunja. ⁵ Na ma ti ka merেকে n bo i nie nzue n su n ase ka,

“Nyeme, woro ti casi a,
woro bo a wo bere na a yo woori bere ni,
kabo a cin minem sui so ni,
u sayoowa ako atin su.

⁶ Dama ba kun u dee minem, ni u noanie kanfom na bu mbunja afite,
ye u gusu ama bu nzuem n akaaki mbunja na bu nu.
I ti ye ni ka a yo bu so o.”

⁷ Na ma ti akonvi be nga ka i fite Mikun yoowa yoobiri n bi, i nga,
“Ya Mi Nyeme Feme Kpiri,
kabo a di bu jore ni, i ti nahore wo, na i ko atin su.”

⁸ Na merেকে nna su n akaaki i ayaba, n ago wie n nu, na Nyeme ama i kekere agaya suyara minem ka sin dee su. ⁹ Na sin n kekere ayara minem, na ba kpie Nyeme nzuko, yiri bo i la yiko na i ma bu di nyini wahara ni, na ba kete ka bu kaaki ma bu wo na bu ma i jirima.

¹⁰ Na merেকে nnu su n akaaki i ayaba n ago boro nengendore n femeya bie n su, na i femeya asien n kere asi biri didiki. Na minem sukan bu saa, yaari n ti. ¹¹ Kambue n ni yaari n bo i wo bu nu n dee ti, ye bu sukpie Nyeme bo i wo angoro ni nzuko a, haari ni nyini mmoo, ba kaaki ma bu wo na bu yaki bu satie ni.

¹² Na merেকে nsen su n akaaki i ayaba n ago kunma kpiri n bo bu fere i ka Yufarati n su, na nzue n kere anu, na wo kpie atin ama nfemem bo bu fite wie afiri ni. ¹³ Na ma nu awiewie tie nsan nbem, bu ti ka pontirim wo, kun sufite woo tie n noo nu, kun sufite boro nengendore n noo nu, na kun gusu sufite sono bo wo yi i nu ka i ti Nyeme noanie kanfo n noo nu. ¹⁴ Bu ti Sitana dee awiewie barasu nbem wo, na bu suyo alekutura sam, na bu ko durunya n nu nfemem kere do ko tien bu noo, na bu cici lue nminda ya Mi Nyeme Feme Kpiri n jina ceen.

¹⁵ Ya Mi Nyeme nga o, “Am ti fen, m ba ni yo am fura nu ka awiefo dee su wo, terefie wo sono kere bo i nminda fa ko m ba n dee su, i fa ma i nu ti ma, na i wura i sutura, adena ma i nati i bu ngbeen, na ma mine nu i, na nyinse ti i.”

¹⁶ Na Sitana awiewiem n atien nfemem noo dika n bo bu fere i Hiburu anie nu ka, *Amagedon* n ni.

¹⁷ Na merেকে nso su n akaaki i ayaba n ago anuma n nu. Na akonvi bambaka be ajojo afite femeya bie n nu, Nyeme Sereebiri Awuru n nu, i nga, “Wo yo awie.”

¹⁸ Na nzue sukpekpepe, na i sutientien, na i suyo nanmie, na asien sukpisi fanga su. Kabo Nyeme yiiri adamande ni, be nya nu ma nyini asien kpisi-i-wa n nusu so. ¹⁹ Na mie kpiri n ati nu nsan, na mie kere bo bu wo durunya n nu n atoto, dama Nyeme atenge Babilon mie kpiri n jore su, nyini ti ye wo fa yaa i nu, sucin i sui n a. ²⁰ Na lui bambakam kere bo bu da nzue afien, ni bukam kere amini. ²¹ Na nzue yabuem sutoto minem nu, i kun kun nonoori la nma. Na minem sukpie Nyeme nzuko, dama nzue yabue n bo i toto ni sukere bu wahara agaya.

17

Bara sakara n jɔre

¹ Na Nyeme merেকে nsom n nu kun, bo i bita ayaba nsom n nu kun, aba m do, aba ase m ka, “Bra fen, na m kere u kabo Nyeme cin bara sakara tie n sui ni, yiri bo i tana kunma nzue beberebem n su ni. ² Yiri ye durunya n nu nfemem akpini i afa ayo bu soma, na wo fa i sakaraya asa durunya n nufom kere, na bu gusu akpini i afa ayo bu soma.”

³ Na Awiewie Casi n dee yiko nu, na merেকে n afa m ako boro kpantain nu. Na ma nu bara be ka i tana boro nengendore kokore be su, duma kerewa nbem bo bu kpie Nyeme nzuko n wo boro nengendore n nunie kere su. I la atii nso, na i mbie ti buru. ⁴ Bara n adi sunguruya anyonyondi i nu, i wura sutura kokore nyunyumi, na wo wura i kom, ni i saam, ni i suim jorokom, ni lalankundim, ni afere nyunyumim, ni sikam, ni afere fofom bo bu la go agaya. I bita sika kɔpu i saa nu, wo yi ni dangba ni i sayoowa ngbeenngbeen n wo. ⁵ Ba kere i asiri nu duma i numa su, nyini duma n bu la ka, Babilon mie kpiri, bo i ti sakaram kere ni, na i kaaki ti saa ngbeenngbeen yofom kere bo bu wo durunya n nu n ni. ⁶ Na ma nu ka bara n anu Nyeme minem mbunja abo, ni minem bo bu di Yesu daani n dee ti na ba kun bu ni gusu mbunja abo.

M nuuri i so ni, na wo yo m alekutura. ⁷ Na merেকে n abisa m ka, “Nzu ti ye a ma wo yo u alekutura? M kere u asiri nu jore bo i wo bere fa ko bara n ni boro nengendore n bo bara n tana su, na i la atii nso ni mbiem buru ni. ⁸ Boro nengendore n bo a nuuri i ni, ti deke bo i yo woori bere wo, ama, kisa i wo ma bere kun. Wo ka kaan na i fite kunma ngongo n bo i la ma awieeri n nu, na i ko di wahara na i ka ngbeen. Na durunya n nufom bo bu duma wo ma ngo kadasi n nu, fite sangha bo Nyeme nya yi ma durunya ni, bu ba nuuri i, i yo bu alekutura, dama i yo woori bere, ye kisa, i wo ma bere kun, na i ba kaaki ba een be.

⁹ Nyini dee ti, sono kere fa i Alecira ni sunsunni na i ti ahin jore n bu. Boro nengendore n tii nso n ti buka nso bo bara n afun atana su wo. Bu gusu kaaki ti nfemem nso wo. ¹⁰ Bu nu nnu akpaasi, nsen su n toko wo bere, nso su n nya ba ma, ama, i ba baari, i ce ma, i femeya ni kpaasi wo. ¹¹ Boro nengendore n bo i yo woori bere, ama, kisa i wo ma bere kun ni, yiri ti feme n bo i buka su mocue su n a, ama, i ti nfeme nsom nu kun wo, na i ko di wahara na i ka ngbeen.

¹² Mbie burum bo a nuuri bu n ti nfeme burum bo bu nya di ma femeya, ama, bu nya yiko na bu di feme buka boro nengendore n su sangha kaan so. ¹³ Nyini nfeme burum n yo bu nookun, na bu fa bu fanga ni bu yiko kere na bu fa ma boro nengendore ni. ¹⁴ Bu kun lue ni Nyeme Bombaa ni, ama, i ni i minem ni kunma bu, dama yiri ti mibiem kere Mibie, na i ti nfemem kere Feme. I minem bo bu wo i do n la bo wo fere bu ni, ni bo wo yi bu na bu jina i sin nahore su ni.”

¹⁵ Na merেকে n ase m ka, “Kunmam nzue n bo a nuuri i ni, na bara sakara n tana su ni, ti durunya n nu minem, ni durunya n nu asien barasu barasu kere, ni daanfie kere wo lee. ¹⁶ Mbie burum bo a nuuri bu ni, ni boro nengendore ni, bu ba kpo bara sakara ni, bu de i nenge kere na i ka i bu ngbeen, na bu di i nuniembaa kere, na bu yara bo wo ka n sin. ¹⁷ Dama Nyeme maari bu yoori kabo i koro a. I maari bu yoori bu nookun na bu fa bu femeya n kere buka boro nengendore, na i di femeya n ko ju sangha bo Nyeme noanie ni ba yo yiiwa ni.

¹⁸ Bara n bo a ɲuuri i n la miɛ kpiri n bo i ti durunya n nu nɛmɛm kere tii n a.”

18

Kabo Babilɔn miɛ kpiri n kpaasi barasu ni

¹ Nyini sin, na ma kaaki aɲu mɛrɛkɛ be ka i fite aɲgoro sujura, i la yiko agaya, na i woowa n ata wein abara aye durunya n kɛrɛ. ² Na wɔ ye i konvi su atien fanɲa su ka,

“Wɔ kpaasi. Babilɔn miɛ kpiri n akpaasi.

Wɔ kaaki awiewie tiɛm, ni ajinim,
ni deke ɲgbɛɛɲgbɛɛnm,
ni anuma tiɛm woobiri wɔ.

³ Dama durunya n nufɔm kere ɲuuri i nzan
ye bu kɔɔri somaya yiri dɔ a.

Na durunya n nu nɛmɛm kere kɔ kpiniiri yiri yoori bu soma.

Na kabo i la ajɛkɛ na i koro tara mǎ i ɲu ni,
durunya n nu watafɔm gusu nya bu ajɛkɛ fite i dɔ ɔ.”

⁴ Na ma kaaki ati akonvi be ɲga bekun, ka i sujɔjɔ aɲgoro n nu, i ɲa,

“M minɛm, am fite miɛ n nu,
na mǎ am yo bu satie yoowa n be,
na mǎ wahara n bo i suba bu dɔ n tu am.

⁵ Dama miɛ n nufɔm satie yoowa n aju Nyɛmɛ dɔ aɲgoro,
na i wara koro fi mǎ bu satie yoowa n sa.

⁶ Sam bo bara n yoori bu ni, yo i gusu sɔ,
tɔ i kaari i ɲusu nnyɔ.

Ma i ɲu kekereke tara kabo i yo ma minɛm ɲuuri kekereke ni.

⁷ Kabo i yo wuraari i ɲu kpiri na i diiri i tii barasu ni,
kere i kekereke na i ahore gusu saaki sɔ.

Dama i ɲa, ‘Ma di fɛmɛ, m ti mǎ kunafo,
m ahore sǎaki mǎ cɛɛn be.’

⁸ Nyini dɛɛ ti, lekun ye kekereke bǎ tɔ i ɲu a.
Yiri la tukpaki, ni ahoresaaki, ni ahɔɛ.

Na sin yǎra i,

dama Micera Nyɛmɛ n bo i cin i sui n la yiko agaya.”

⁹ Na durunya n nu nɛmɛm bo bu kɔ kpiniiri i na bu ni yiri diiri bu tii ni, bu ɲu kabo sin je i, na bu ɲu kabo ɲmisini yasu kɔ aɲgoro barasu, na bu sún, na bu bó awie. ¹⁰ Kekereke n bo wɔ tu i n dɛɛ ti, i ma bu sɛrɛ wɔ, na bu jina dede, na bu nya suse ka,

“Keto, keto, am nie ahin miɛ bambaka ni.

Babilɔn bo i ti miɛ kpiri n lee

ye ba kaba acin i sui, ye i kere aka ɲgbɛɛn,
anyumbaa kata ni i teke n nu bɛrɛ n a.”

¹¹ Na watafɔm bo bu wo durunya n nu ni susun, na bu sukoko miɛ ni, dama be to mǎ bu gɔɔri n kun. ¹² Be to mǎ bu sika, ni jɛtɛ, ni afere barasu nbem bo bu yo nyumi na bu la gɔ ni. Be to mǎ bu suturam barasu barasu bo bu yo nyumi na bu la gɔ ni. Be to mǎ bu bakam bo bu fa yo bie kpakpam ni, ni bu ayaba barasu kere bo bu fa sui jee yo bu ni, ni deke kere bo bu fa baka fa sense bu, ni deke kere bo bu fa jawii bulaari, ni yabuɛ fa yo bu na bu la gɔ agaya. ¹³ Be kaaki to mǎ bu toro neɲge barasum bo bu la nvanvani, ni ayiri kunkuunwa nvanvani, ni baka nyunvuin nvanvanifo, ni nzan, ni ɲguin, ni kpɔnɔ samɛɛ, ni diire, ni naanim, ni nbɔɛm, ni

kpɔŋgɔm, ni kpɔŋgɔ torokum, ni akɔɔm, ni domuɛm. ¹⁴ Na watafɔm n ase i ka,

“Dekem bo a yo koro bu agaya n kerɛ
 aŋmati ayaki u,
 u ajɛkɛm, ni u neŋge kpakpam kerɛ bo a la bu
 akɔ ayaki u,
 a nyá má i be kun.”

¹⁵ Watafɔm bo bu yoori neŋgefɔm nyini miɛ n dɛɛ ti ni, bu kó jina dede wɔ, dama sɛrɛ ti bu fa kɔ kekereke n bo wɔ tɔ miɛ n nu ni, na bu ahore saaki agaya na bu sun. ¹⁶ Na bu se ka,

“Keto, keto, am niɛ ahin miɛ bambaka ni.
 I yo kara sutura barasu barasu nyunyumi,
 na i la sika jɔrɔkɔm,
 ni aferem barasu barasu
 bo bu yo nyumi na bu la gɔ agaya ni.”

¹⁷ Nyini neŋge n kerɛ akaba aka ŋgbɛɛn,
 anyumbaa kata ni i teke n nu bɛrɛ n a.”

Na lee bambaka kanfɔm, ni leefɔm, ni lee wurafɔm, ni bo bu juma nati tieku nzue n su n kerɛ akɔ ajina dede. ¹⁸ Na bu jina niɛ kabo miɛ ni suje sin barasu na ŋmisini yasu kɔ aŋgoro ni, na bu bo awie se ka, “Miɛ bɔnɔ wo bɛrɛ bo i ju ahin miɛ bambaka n a?”

¹⁹ Na bu susasa tuturi gɔ bu tii su na bu kere ka bu ahore asaaki agaya, na bu susun, na bu suse ka,

“Keto, keto, am niɛ ahin miɛ bambaka n ni.
 Dama minɛm kerɛ bo bu la lee bambakam na bu juma nati tieku nzue n
 su n
 nya bu neŋgem fite nyini miɛ n dɛɛ ajɛke n nu wɔ.

Ye wɔ kaba aka ŋgbɛɛn,
 anyumbaa kata ni i teke n nu bɛrɛ n a.

²⁰ Amɛrɛ bo am wo aŋgoro nu,
 ni Nyɛmɛ minɛm, ni Yesu jaramasam, ni Nyɛmɛ nɔaniɛ kanfɔm,
 am ma am ahore jɔ
 fa kɔ kabo miɛ kpiri n aka ŋgbɛɛn barasu bɛrɛ ni,
 dama Nyɛmɛ subisa i nɔɔ nu ma am a.”

²¹ Na Nyɛmɛ mɛrɛke faŋgafɔ be n afa yabue bambaka, na wɔ fa atu aji tieku nzue n nu, na wɔ se ka,

“Sɔ ye Nyɛmɛ fá Babilɔn miɛ kpiri n
 fa ji wuum a,
 na i busu be bá ŋu má.

²² Be ti má deke be ŋga miɛ n nu kun,
 i biɛku kanfɔ o, i jue difɔ o, i tere kanfɔ o, ni awie kanfɔm.
 Na jumayofɔ barasu be mmɔɔ gusu wo má miɛ n nu kun,
 be ti má ŋgani san yabue be ŋga miɛ n nu kun.

²³ Na fitana haari kun n kpein
 je má miɛ n nu cɛɛn be na be ŋu i.
 Be ti má konya ni konyafan kuyigindi ŋga miɛ n nu kun,
 dama watafɔm bo bu yo wo nyini miɛ n nu
 yo ti nfaŋgafɔm wɔ durunya n kerɛ nu,
 na miɛ nufɔm yo boboyaya sam dadaka durunya n nufɔm kerɛ.

²⁴ Nyɛmɛ acin miɛ n nufɔm sui a,
 dama bɛrɛ yo kuunri Nyɛmɛ minɛm, ni i nɔaniɛ kanfɔm n a,
 ni minɛm kerɛ bo ba kun bu durunya n nu ni, bɛrɛ yiiri bu mbunja.”

19

¹ Nyini sin, na ma ti akonvi be nga angoro, ka jama beberebe akonvi, bu na,

“*Haleluya*, ya kansi Nyeme,
ya Mi Nyeme n ama ya nya tiide a,
yiri ti kpiri ni yikofa a.

² I di jore ni i atin su, ni nahore wo.

Wo di bara sakara n jore,
yiri bo i maari durunya n nufom kere kpini nbaram
na bu ko somaya
na bu yo sa ngbennngbennm kere,

na wo cin i sui, dama yiri yo kuunri Nyeme akoom n a.”

³ Na jama n bo bu wo angoro n akaaki aye bu konvi su atien ase ka,
“*Haleluya*.

Sin n bo i sudi mie ni nmisini n suyasu sukoro angoro
haari ni sangha bo i la ma awieeri.”

⁴ Na nkpienkpien aburanyo ni nnam, ni deke ngwofa nnam sukutu
sukansi Nyeme bo i tana femeya bie n su ni, na bu se ka,
“Ami. *Haleluya*.”

Nyeme Bombaa n konyaya jore ni

⁵ Na akonvi be afite femeya bie n nu, i na,

“Ambera Nyeme akoom kere,
tarakam ni nfangafom,
bo am soro Nyeme ni,
am kere kansi i duma.”

⁶ Na ma ti akonvi be nanmie nga, i ti ka jama beberebe suyo nanmie wo,
na i yo nanmie, kabo nzue songi na i yo nanmie ni, na i kaaki ti kabo nzue
tientien na i yo nanmie ni, i na,

“*Haleluya*,

Ya Mi Nyeme Feme Kpiri n
adi i femeya n kisa.

⁷ Am ma ya ahore jo na ya yo ya kunnu koroowa,
na ya wura i kpiri,

dama sangha n aju bo Bombaa ni ja i konya ni,
konya n gusu asese i nu su anminda i.

⁸ Nyeme ama i sutura casi fofoe papasi ka i fa kara.”

Sutura fofoe papasi n la Nyeme minem sakpa yoowam ni.

⁹ Na merake n ase m ka m kere ka, “Terefie wo minem bo Bombaa n
abaandi bu ka bu ba di konyaya diire n be i do.”

Na wo kaaki ase ka, “Ahin nonie ti nahore wo, i fite Nyeme do o.”

¹⁰ Na ma kutu i jaa bu asienngu ka m su i, na wo se m ka ma m yo so,
ama, m kansi Nyeme ngumi. Na wo kaaki ase m ka, “M ti u benggu akoo, ni
u ninbaam bo bu di Yesu daani kere mine n be wo.” Jore n kere bo Nyeme
nonie kanfom kaanri i ni, bu diiri ahin Yesu n daani wo.

Sono n bo i fun kpengfo fofoe n jore

¹¹ Na ma nu ka angoro ateke, kpenga na ma nu kpengfo fofoe be, bu fere
bo i tana su n duma ka, Bo i la Dabu nu ni Nahorefo, i di minem jore kabo
i ti ye ni ka i di bu nahore su wo, na i kun i lue ni nahore su. ¹² I nyumbaa
kere je ka sin fofoe, na i butu femeya kere beberebe i tii su. Duma kerewa
be mata i, be si ma nyini duma ni, ma ka yiri ngumi si a. ¹³ I wura sutura
yorom barasu be bo ba fa i awura mbunja nu, na bu fere sono n duma

ka Nyeme Nɔaniɛ. ¹⁴ Na Nyeme sojam bo bu wo angoro n fun kpɔŋgo fofoe su i su, bu wura sutura casi fofoe papasi. ¹⁵ Takobe nana bo i fá kunma durunya n nufɔm wo i nɔɔ nu, na i bíta bu kekereke kabo nanƙasi fa bulaari kɔrɔma tu bo i naanim barasu ni, na i tíentien bu su kabo bu fa baka suuwa gɔ kunma nu na bu miemie yi i nzue ni, dama Micera Nyeme Kpíri n afa yaa agaya. ¹⁶ Ba kere i duma i sutura n su, ni i jaa sɔɔwa su ka, “Nfemem kere Feme ni mibiem kere Mibiɛ.”

¹⁷ Na ma ŋu mɛreke be ka i jina wiɛ n su, na wɔ ye i konvi su atien fanga su ase anumam kere bo bu tu angoro na bu di nie n ka, “Am bra na am ba tien am nɔɔ na am di ahin diire beberebe n bo Nyeme sufa ma am ni, ¹⁸ am ba di nfemem ŋuniembaa, ni sojam nkpienm ŋuniembaa, ni nfangafɔm ŋuniembaa, ni kpɔŋgo niɛ, ni minem bo bu fun kpɔŋgom n ŋuniembaa, ni adamande barasu kere ŋuniembaa, bo bu ti akɔɔm ni bo ba de bu tii, ni bo bu ti mine ngbingbirim, ni bo bu ti mine kan kanm ni.”

¹⁹ Na ma ŋu boro nengendɔre n ni durunya n nu nfemem, ni bu sojam, ka, ba tien bu nɔɔ acici na bu kun lue ni yiri n bo i tana kpɔŋgo fofoe n su ni, ni i jama nbaam. ²⁰ Na ba tara boro nengendɔre n ni kɔrefɔ n bo i yo i ŋu ka i kan Nyeme nɔaniɛ ni. Yiri yo yoori alekutura sam boro nengendɔre n nyunu, na wɔ dadaka minem bo bu deerí boro nengendɔre n anyaari seewa na ba su i amɔɛ ni. Na ba fa boro nengendɔre n ni kɔrefɔ n ni bu ngɔɔ aji sin n nu, bo i je ka ferewita na i da ka tieku ni. ²¹ Minem bo bu kaari ni, na yiri n bo i tana kpɔŋgo n su n afa takobe n bo i wo i nɔɔ nu n akun bu kere. Na anumam kere adi nie na bu kunnu ayi.

20

Kabo bu nyi Sitana afo akpii kun n jɔre

¹ Na ma ŋu mɛreke be ka i fite angoro suba, i bita deke nbem i saa nu, kun la kadombaa bo i tu kunma ngɔŋgo bo i la má awieeri ni, na kun gusu la jɔrɔko bambaka fangafɔ be. ²⁻³ Na wɔ tara woo tie ni, dada dɛɛ woo tie n bo i ti Sitana ni, na bu kaaki fere i ka Dadakafɔ ni, na wɔ fa jɔrɔko n acici i, na wɔ fa i atu kunma ngɔŋgo n bo i la má awieeri n nu, ka i wó dɔ haari afo akpii, na wɔ tu kunma n anɔ ni, na wɔ ta akata su, na má i koro fite na i dadaka durunya n nufɔm bekun, ama, i wo dɔ haari afo akpii n ba ju. Nyini sin, na bu nyáŋgi i ji kaan.

⁴ Na ma ŋu femɛya biem, Nyeme ama bo bu tana sum n atin ka bu di minem jɔre. Na ma kaaki anu bere bo bu yo wuuri Yesu ti ni. Mine yo kpiɛeri bu tii a, dama bu yo kaanri Nyeme jɔre na ba di Yesu daani n dɛɛ ti. Bere keteeri ka bu su má boro nengendɔre n ni i amɔɛ n a, bere la bo bu kaaki keteeri ka bu de má i nyaari seewa bu ŋuma wara bu saa su n a, ye ba tenge bu yiwee n nu anya ngɔɔ, na bu ni Kristo Tiidefo n sangga di femɛya afo akpii. ⁵ Ahin ti yiwee tenge ciciri su n a. Ama, minem bo ba wu na ba ka ni, bere tenge má haari kɔ ju afo akpii n awieeri. ⁶ Bere n bo bu du mɔ tengeeri bu yiwee nu ni, na bu ti mine casim n ni, terefie wo bu dɔ, bere ŋú má yiwee nnyɔ su n kun, bere yó Nyeme ni Kristo Tiidefo sayoowa dɔnguyofɔm a. Na bu ni yiri sangga di femɛya n afo akpii.

Kabo Nyeme kunmaari Sitana ni

⁷ Afo akpii n nyaari kɔ juuri, na Nyeme má bu yi Sitana n dansaraka sɔɔ n nu ji. ⁸ Na i kó dadaka adamande barasu barasu kere bo bu wo durunya n nu ni, Gogi ni Magogi asien n kere, na i tien bu kere nɔɔ na bu kó kun lue. Bu sunnu beberebe ka kunma ŋmie wɔ. ⁹ Na ba tereki abara aye durunya n deke kere, na ba bara aye mie n bo Nyeme koro i agaya ni, deke bo i

minem wo ni, ama, na sin afite angoro aba ayara bu. ¹⁰ Na ba fa Sitana n bo i dadaka bu n aji cɛɛma sin n nu, bo i je ka ferewita na i da ka tieku ni, deke bo bu faari boro nengendɔre n ni kɔrefɔ n bo i yo i ɲu ka i kan Nyeme nɔaniɛ n jiiri nu ni. Dɔ na bu dí wahara, kɔngue ni wiesu sanga kere.

Kabo Nyeme dí minem jɔre awieeri su ni

¹¹ Na ma ɲu femeya biɛ bambaka fofoe be, ni bo i tana su ni. Na angoro ni asiɛngu kere amini i nyunu, bu wo má bere kun. ¹² Na ma ɲu minem bo ba wu ni, nfaɲgafɔm ni tarakam kere, ka bu jina femeya biɛ n nyunu. Na ma kaaki aɲu ka be suteke kadasim, na be gusu suteke kadasi bo i ti ɲɔɔ dɛɛ ni. Nyini kadasim ye bu fa diiri minem bo bu wuuri n jɔre a, bu sayoowa kere bo bu yo yoori wo nyini kadasim n nu. ¹³ Na tieku n awɔro minem bo ba wu n ama, na Yiwee, ni Yiweefɔm Woobiri n awɔro minem bo ba wu n ama, na Nyeme afa bu sayoowa bo bu yo yoori adi bu jɔre. ¹⁴ Na wɔ fa Yiwee, ni Yiweefɔm Woobiri n aji sin n nu, bo i je ka ferewita na i da ka tieku ni. Ahin sin ni ti yiwee nnyɔ su n a. ¹⁵ Na ba fa sɔnɔ kere bo i duma awo má ɲɔɔ kadasi n nu aji sin ni.

21

Angoro ni asien fɔfɔre n jɔre

¹ Na ma ɲu angoro fɔfɔre ni asien fɔfɔre, dama angoro dawa n ni asien dawa n kere wo má bere kun, na ma ɲu ka tieku nzue n gusu wo má bere kun. ² Na ma ɲu miɛ casi ni, Yerusalem fɔfɔre n ka i fite Nyeme dɔ angoro sujura ba asiɛngu, wɔ sɛsɛ i ɲu su ka konya bo i sukɔ ajaa. ³ Na ma ti akonvi bambaka be ɲga femeya biɛ n nu, i ɲa,

“Am niɛ fen, Nyeme woobiri wo adamandem dɔ,
na i wó bu dɔ.

Na i fá bu yo i minem.

Yiri ni i tii wó bu dɔ na i yó bu Nyeme a.

⁴ Yiri núnuka bu nyunvuin kere bu nyumbaa nu a, yiwee wo má bere kun, ahoresaaki wó má bere kun, minem sún má kun, na minem dí má yaari kun, dama deke dawam kere asin.”

⁵ Na bo i tana femeya biɛ n su n ase ka, “Niɛ fen, m suyo deke kere fɔfɔre.” Na wɔ kaaki ase m ka, “Kere ahin nɔaniɛ ni, dama i ti nahɔre wɔ, na i la dabuɲu.” ⁶ Na wɔ se m ka, “Wɔ yo awie, mini ti mɔfɔ a, na m kaaki ti kasinfɔ, mini ti deke kere bumboori ni i awieeri a. Sɔnɔ kere bo nzuehɔɛ tiiri i, m má i nu nzue n bo i ma ɲɔɔ ni, na i mi tó má kaari. ⁷ Sɔnɔ kere bo i diiri nasara, m má i ahin aceerim ni, na m yó i Nyeme, na m fá i yo m wa. ⁸ Ama, sɛrefɔm, ni minem bo ba yo má m yarada, ni dangba yofɔm, ni mine kunfɔm, ni nbara kpiniɔm, ni somaya kɔfɔm, ni bo bu di ayiri ɲgbɛɛnɲgbɛɛn, ni munzueyifɔm, ni amɔɛ sufɔm, ni kɔrefɔm kere, bu woobiri la cɛɛma sin n bo i je ka ferewita na i da ka tieku ni. Nyini yiwee ni ti yiwee nnyɔ su n a.”

Yerusalem fɔfɔre n jɔre

⁹ Na mɛreke kun aba m dɔ, i ti mɛreke nsom bo bu bita awieeri su dɛɛ kekereke ayaba nsom nu kun wɔ, na wɔ ba ase m ka, “Bra, na m kere u Bombaa n konya ni.”

¹⁰ Na Awiewie Casi n dɛɛ yiko nu, na mɛreke n afa m akɔ buka bambaka n bo i ti lenlenge n tii su, na wɔ kere m Yerusalem miɛ kpiri n bo i ti casi ni, i fite Nyeme dɔ angoro sujura ba. ¹¹ Na i je na i ta wein kabo Nyeme

jirima woowa n ti ni, na i sujeje kòkòrè ni sosofura nzue ka afere nyunyumi barasu be bo i da cain ka niènu. ¹² Ba ta kobe bambaka bo i wo angoro abara aye miè ni, na i la anò buru ni nnyò, anòm kere su la merèke kun kun bo bu jina ñminda. Ba kere Yisareli anò barasu buru ni nnyò n duma agò anò n kun kun kere su. ¹³ Kobe n bue nna n kere la anò nsan nsan, nsan wo wiè afiiri, na nsan wo wiè atòori, na nsan nsan wo gbèenngbèen bue nnyò n kere. ¹⁴ Miè n kobe n ajaari seewa yabue n ti buru ni nnyò ò, ye bu nya taari kobe n taka su. Ba kere Bòmbaa n jaramasa buru ni nnyòm duma agò yabue n kun kun kere su.

¹⁵ Na merèke n bo i jòjòori m dò n bita sika kara i saa nu, bo i fa sunsun niè kabo miè n ti bambaka barasu, ni kabo kobem n anòm ti tètèrè barasu, na i kaaki sunsun niè kabo kobe n angoro ti barasu. ¹⁶ Miè n ataari n ti ka sòò langba dèè su wò, i tintiin, ni i tètèrè kere sè wò. Na merèke n afa i sika kara sunsuunwa n asunsun miè ni, i tintiin su ti kilo akpii nnyò ni yaa nna wò, nyini ti, i tintiin, ni i tètèrè, ni i angoro kere sè wò. ¹⁷ Na merèke n asunsun kobe n gusu, kabo adamande bo ajaari ni, na i angoro akò ayasu ka ajaari boowa kun kun kò ju yaa ni aburana ni nna. ¹⁸ Bu faari yabue nyunyumi barasu be bo bu fere i ka jasapa ni taari kobe n a, na ba fa sika bo i da cain ka niènu, ata miè n ni i tii. ¹⁹ Yabue n bo bu fa seeri miè n kobe n ajaari n ti yabue barasu nyunyumi, na i kere busu wo i ngumi ngumi. I ti kabo Nyeme sayoowa dɔnguyofò kpian n sana i tanlèè su na i wo i hoe su ni. Bu fere bu ka jasapa, ni safiri, ni agata, ni emeradi, ²⁰ ni oniki, ni caniliya, ni krisolite, ni berili, ni topasi, ni krisoparasi, ni jasinti, ni ametisiti. ²¹ Bu faari afere fofoe nyunyumi barasu be fa yoori anò buru ni nnyòm n a. Bu faari sika fa yoori miè n atin natiwa kere a, na i da cain ka niènu.

²² Ma ñu má Nyeme Sereebiri Awuru be miè n nu, dama ya Mi Nyeme Feme Kpiri n ni Bòmbaa n ade Nyeme Sereebiri Awuru n jinaabiri a. ²³ Miè n koro má wiè ni sara na bu ta wein ma i, dama Nyeme jirima woowa ni ti i wein a, na Bòmbaa n ti i fitana. ²⁴ Na durunya n nu adamande barasu kere sunati i wein nu wò, na durunya n nu nfemem fa bu ajeke kere ba wura nu. ²⁵ Miè n anò ni téke wò sanja kere, dama ka kɔngue wo má dò. ²⁶ Na adamande barasu kere bo bu wo durunya n nu ni fá bu nenje kpakpam ni bu jirima na bu fá wura nu. ²⁷ Ama, deke kere bo i ti má casi wúra má miè n nu, ni minem bo bu su amòem, ni minem bo bu bu kòrem ni. Má ka minem bo bu duma wo Bòmbaa ni ngòò kadasi n nu ni ngumi wúra nu a.

22

¹ Na merèke n akaaki akere m kunma nzue bo i ma ngòò, i da cain kabo niènu ti n wò, i songi fite Nyeme ni Bòmbaa n femeya biè n nu wò, ² na i susongi miè n atin n afien ni. Kunma n bue nnyò n kere, baka n bo i ma ngòò n jinjina aheme. Na i susu suuwa barasu buru ni nnyò afò kere, sara kere ni i suuwa. Na bu sufa i nyawa n tuntun durunya n nu adamande kere tòrem. ³ Deke bo Nyeme ayo i nòò ngbèen wó má miè n nu. Ama, Nyeme ni Bòmbaa n femeya biè ni wó dò, na i akòòm n súsu i. ⁴ Bu ñú i nyunuawa dika kabo i ti barasu, na i kéré i duma gò bu ñuma su. ⁵ Awosin wó má dò, be koro má fitana dò, na bu kaaki koro má wiè dò, dama ya Mi Nyeme Feme ni i tii yó bu wein a. Na bu dí femeya bo i la má awieeri.

Kabo Yesu seeri ka i cé má, i káaki ba ni

⁶ Na mereke n akaaki ase m ka, “Ahin noaniem n ti nahore wo, na i ti deke bo sono yo i yarada. Ya Mi Nyeme Feme bo i faari i Awiewie Casi n wuraari i noanie kanfom nu ni, yiri asunma i mereke n ka i ba se i akoom fa ko sa bo i yo kisa bere n a.”

⁷ Ya Mibie Yesu na, “Am so am sui. I ce ma, m ba kisa. Terefie wo sono kere bo i deeri noanie n bo i wo ahin kadasi n nu na i jowo fa ko sa bo i ba yo n nu.”

⁸ Mini Yohane tiiri, ye m nuuri ahin deke n kere, m tiiri na m nuuri i so ni, na ma kutu mereke n bo i kereeri nyini dekem n jaa bu ka m su i. ⁹ Na wo se m ka, ma m yo so, ama, m kansi Nyeme ngumi. Na wo kaaki ase m ka, “M ti u bengu akoo, ni u ninbaam bo bu ti Nyeme noanie kanfom, ni bo bu de noanie n bo i wo ahin kadasi n nu n be wo.” ¹⁰ Na wo kaaki ase m ka, ma m se ka m fie noanie n bo i wo ahin kadasi n nu na i jowo fa ko sa bo i ba yo n su, dama i ce ma, i kere yo kisa. ¹¹ I na sono kere bo i yo satie, ma i ko su yo i satie, sono kere gusu bo i yo i dangba sa ni, ma i ko su yo i dangba sa ni, na sono kere gusu bo i yo sakpa, ma i ko su yo i sakpa ni, na sono kere gusu bo i ti casi, ma i ko su wo i casi wo.

¹² Ya Mibie Yesu na, “Am so am sui. I ce ma, m ba kisa, na m ba to sono kere kaari kabo i jumayoowa ti barasu. ¹³ Mini ti mofa a, na m kaaki ti kasinfo, mini ti deke kere bumboori ni i awieeri n a.”

¹⁴ Terefie wo minem bo ba nmisi bu suturam ayo casi n do, adena bu koro nya atin di baka n bo i ma ngoo n dee suuwa ni, na bu fa mie n ano n wura mie n nu. ¹⁵ Ama, dangba yofom, ni bo bu di ayiri ngbeenngbeen, ni bara kpini fom, ni somaya kofom, ni mine kunfom, ni amoe sufom, ni bo bu bu kore bu noanie jowowa ni bu sa yoori nu n kere koro wura ma mie n nu.

¹⁶ “Mini Yesu asunma m mereke n ka i ba se am ahin jore n a, ambere bo am wo Kristo jamam n nu ni. Mini ti Feme Davidi anuma a, na m ti asaakojo bo i ta ni.”

¹⁷ Awiewie Casi n ni konya n na, “Bra.”

Sono kere bo i ti ahin, ma i mi gusu se ka, “Bra.”

Na sono kere bo nzuehoe ati i,

na i koro ngoo nzue ni,

i bra na i ba de nu ngbeen.

Awieeri su n jore

¹⁸ Mini Yohane subobo sono kere bo i ti ahin kadasi n nu jore fa ko sa n bo i ba yo n lee, ka sono kere bo i faari noanie be bukaari su, Nyeme fa kekereke n kere bo i wo ahin kadasi n nu n buka i mi su. ¹⁹ Na sono kere gusu bo i yiiri noanie n bo i wo ahin kadasi n nu n be, Nyeme yi i mi n aceeri na i nya ma baka n bo i ma ngoo n dee suuwa n be, na i ma i wura ma mie casi n nu, kabo ba kere bu jore ahin kadasi n nu.

²⁰ Yiri n bo i di ahin jorem kere daani n ase ka, “Nahore. I ce ma, m ba kisa.”

Ma i yo so. Ya Mibie Yesu, bra. Ami.

²¹ Ma ya Mibie Yesu buka Nyeme minem kere. Ami.